

О. А. ҲУСИНОВ

**ПАТОЛОГИК ФИЗИОЛОГИЯДАН
АМАЛИЁТ ДАРСЛАРИ УЧУН
ҚҮЛЛАНМА**

*Олий ва Ўрта маҳсус таълим вазирлиги
томонидан тиббиёт институтлари учун
ўқув қўлланма сифатида руҳсат этилган*

**ТОШКЕНТ
АБУ АЛИ ИБН СИНО НОМИДАГИ ТИББИЁТ
НАШРИЁТИ**
2004

Такризчилар: **Н.Х. Абдуллаев** — тиббиёт фанлари доктори, профессор
Т.Д.Деконов — тиббиёт фанлари доктори, профессор

Кўлингиздаги Патологик физиологиядан амалиёт дарслари учун кўлланма икки қисмдан иборат бўлиб, унинг биринчи Умумий патофизиология қисмida даволаш ва педиатрия факультетлари талабаларининг мустақил ишлашлари учун 18 мавзу бўйича материаллар келтирилган.

Кўлланманинг иккинчи қисмida аъзолар ва тизимлар патофизиологияси баён қилинади. У хусусий патофизиологиянинг 14 дарсини ўз ичига олади. Кўлланманинг иккала қисмida ҳам ҳар бир мавзуга сўнгги йиллар адабиётини акс эттириш орқали қисқача аннотация берилган.

Аудиториядан ташқари мустақил тайёрланиш кичик курслардаги заминий билимлар даражасини аниқлашни кўзда тутади. Кўлланмада заминий билимлар даражасини аниқлаш учун саволлар ва уларга жавоблар намуналари, мустақил тайёрланиш учун асосий ва қўшимча адабиётлар келтирилган.

X **4107010000 — 31**
M 354(04) — 2004

ISBN 5-638-02006-3

© Абу Али ибн Сино
номидаги тиббиёт
нашиёти. 2004 й.

МУҚАДДИМА

Ўқув қўлланма Самарқанд Давлат тиббиёт институти патологик физиология кафедраси ва I Тошкент Давлат тиббиёт институти Урганч филиали патология кафедрасида Ўзбекистон Республикасининг олий таълим тўғрисидаги концепцияси талаблари ҳамда Ўзбекистон Республикасининг Соғлиқни сақлаш Вазирлиги ўқув-услубий идораси томонидан тасдиқланган 2002 йилги ўқув дастури асосида кафедраларнинг шароити ва анъаналарини эътиборга олган ҳолда тайёрланган.

Тақдим қилинаёган ўқув қўлланма талабаларнинг мустақил ишлашлари учун материал, шунингдек ўқув жараёнини ўқитувчилар томонидан бошқарни воситаси бўлиб хизмат қиласди.

Аудиториядан ташқари мустақил тайёрланиш кичик курслардаги фанлар бўйича (нормал физиология, умумий биология ва б.к.) заминий билимлар даражасини аниқлашни назарда тутади. Қўлланмала коррекциялаш усуллари ишлаб чиқилган, жавоблар эталонлари тузильтган. Ҳар бир мавзу бўйича адабиёт ҳажми аниқланган, мавзу бўлиmlари бўйича асосий ўқув саволлари шакллантирилган.

Дарсликнинг экспериментал қисми патологик жараён моделини мустақил амалга оширишни, патологиянинг ривожланиш механизмини ўрганишни ва олинган натижаларни муҳокама қилишни, эксперимент баённомасини тузишни назарда тутади. Амалиёт дарсларида ҳар бир мавзу бўйича вазиятли масалаларни ечиш ўрганилаётган материалнинг мустаҳкамланишига имконият туғдиради.

Ўқув материалининг ҳажми катталигини эътиборга олиб, уни икки қисмга бўлишни мақсадга мувофиқ деб топдик.

Биринчи қисмда:

- умумий нозология, этиология ва патогенез масалалари, патологияда ирсиятнинг роли;
- типик патологик жараёнлар: хужайра шикастланиши, микроциркуляция бузилишлари, қон айланишининг маҳаллий бузилишлари, яллигланиш, иситма;
- иммунопатологик жараёнлар: иммунодефицит ҳолатлар, аллергия;
- модда алмашинувининг типик бузилишлари, гипоксия, ўсмалар.

Иккинчи қисмда:

- қон ва гемостаз патофизиологияси;
- юрак-томир тизими ва нафас аъзоларининг патофизиологияси;
- меъда-ичак тракти, жигар, чиқарув аъзолари патофизиологияси;
- эндокрин ва асаб тизими патофизиологияси мавзулари келтирсан.

Кўлингиздаги ушбу ўқув қўлланма камчиликлардан холи эмас, албатта. Муаллифлар қўлланма бўйича билдирилган фикр ва мулоҳазаларни миннадорчилик билан қабул қиласидилар.

О. А. Ҳусинов, Е. Г. Лемелева

I ҚИСМ

УМУМИЙ ПАТОФИЗИОЛОГИЯ

I- МАШГУЛОТ

М а з у : ПАТОФИЗИОЛОГИЯ ФАНИ. ПАТОФИЗИОЛОГИЯДА ЭКСПЕРИМЕНТАЛ УСУЛНИНГ АҲАМИЯТИ. ПАТОЛОГИК ЖАРАЁНЛАРНИ МОДЕЛЛАШТИРИШ

Машгулот мақсади.

1) Талабаларни янги мустақил ўкув фани — патофизиология, унинг вазифалари, мавзулари, ўкув курси бўлимлари билан таништириш. Эксперимент билан шуғулланадиган кафедрала дарс олиб боришинг ўзига хос томонларини, аудиториядан ташқари ва мустақил таёrlанишнинг ролини батафсил тушунтириб бериш.

2) Талаба патологик жараёнларни моделлаштиришнинг асосий турлари ва улардан бир неча хилларини амалга ошира олиш усулини билиши; мустақил равишда экспериментда сичқон ва каламушларда паст барометрик босим ва ўзгарган тезликнинг организмга таъсирини чақириши; эксперимент натижаларини таҳлил қила олиши; патофизиология фанининг ривожланишида олимларнинг кўшган ҳиссалири ҳақида тушунчага эга бўлиши ва б.қ.лардан иборат.

МУСТАҚИЛ ТАЙЁРЛАНИШ УЧУН КЎРСАТМАЛАР

Асосий әдабиётлар:

Патологическая физиология /Под ред. А. Д. Адо, Л. М. Ишимовой -2-е изд., перераб. и доп. - М.: Медицина, 1980, с. 4-12, 16-18, 21, 56-59.

Патологическая физиология /Под ред. чл.-корр. АМН СССР Н. Н. Зайко. - 2- е изд., перераб. и доп. - Киев: Вища школа, 1985, с. 7-19, 25-26, 31-35, 54-57.

Н. Ҳ. Абдуллаев, Ҳ. Ё. Каримов /Патофизиология. Т., Абу Али ибн Сино номидаги тиббиёт нашриёти, 1998, б. 1-6.

Кўлимча адабиётлар:

Авиационная медицина /Под ред. Н. М. Рудного - М.: Медицина, 1986.

Бейкер П. Биология жителей высокогорья: Пер. с анг.- М.: Мир, 1986.

Космическая биология и медицина. Руководство по физиологии /Под. ред. О. Р. Газенко. - М.: Наука, 1987.

Чернух А. М. Место патологической физиологии в современной медицинской науке. В кн.: Международный симпозиум «Патофизиология и современная медицинская наука». Ростов-на-Дону, 1972, с. 3-18.

Асосий ўқув саволлари

I. Патофизиология — фундаментал фан ва ўқув предмети сифатида.

1. Патофизиология фани ва унинг вазифалари.

2. Патофизиологиянинг таркибий қисмлари.

3. Патофизиология фани тарихидан қисқача маълумотлар. Ривожланишининг асосий босқичлари.

II. Патологик жараёнларни моделлаштириш.

1. Экспериментал усул. Эксперимент турлари.

2. Патологик жараёнларни моделлаштиришнинг асосий қоидалари.

3. Моделларнинг (нусхаларнинг) асосий хиллари.

III. Экспериментларнинг бажарилиши: сичқонларда кинетоз ва камашуларда паст барометрик босимнинг организмга таъсири.

Аннотация

Патологик физиология (юн. pathos — дард чекиш, касаллик, physis — табиат, logos — фан) — касалликларнинг келиб чиқиши, ривожланиши ва оқибатлари умумий қонуниятларини ўрганадиган фандир.

Патофизиология фани — касал организмининг ҳаёт фаолиятини ўрганади.

Унинг асосий вазифалари қўйидагилардан иборат (А. М. Чернух, 1972):

— патологик жараён ва касалликларнинг ривожланиши, кечиши ва оқибатларининг умумлашган концепцияларини ишлаб чиқиш ва яратиш;

— касалликлар ва патологик жараёнларнинг экспериментал терапия принципларини ишлаб чиқиш мақсадида одам патологиясига ўхашаш клиник бузилишларнинг экспериментал нусхаларини (моделларини) яратиш ва клиницистлар билан ҳамкорликда бу усулларни аппробациядан ўтказиш;

— клиник патофизиологияни ривожлантириш;

— патофизиология фанини ўқитиш тизимини такомиллаштириш.

Патофизиология ўқув курси уч қисмга бўлинади:

биринчи қисм — нозология ёки касаллик ҳақида таълимот;

иккинчи қисм — типик патологик жараёнлар;

учинчى қисм — хусусий патологик физиология (орган ва тизимлар патофизиологияси).

Патофизиологиянинг мустақил фан сифатида вужудга келиши (экспериментал патология) М. М. Сеченовнинг шогирди В. В. Пашутин номи билан боғлиқ. 1924 йилдан бошлаб А. А. Богомолец ва С. С. Халатов таклифига биноан бу фан «патологик физиология» деб атала бошланди.

Патологик физиология усуллари. Экспериментнинг аҳамияти. Патофизиологиянинг асосий усули касалликларнинг нусхасини (моделини) яратишдан иборат. Эксперимент — бу сунъий чақирилган патологик жараённи ўрганишdir. Эксперимент ўткир ва сурункали бўлади. Ўткир эксперимент кузатишнинг аналитик усули бўлиб, қисқа давом этади. Сурункали эксперимент узоқ вақт давом этади (кунлар, ойлар, йиллар) ва И. П. Павлов фикрича синтетик усул ҳисобланади.

Патологик жараёнларни моделлаштириш принциплари:

- 1) адекватлик (одам патологиясига нисбатан);
- 2) олинган маълумотларнинг ишончлилиги (статистик ишлаш);
- 3) динамикада ўрганиш;
- 4) экспериментал терапия усулларини яратиш.

Патологик жараён ва касалликлар модельларининг асосий турлари:

- 1) биологик;
- 2) физик - кимёвий;
- 3) математик.

Кинетозлар (юн. *kinetos* — ҳаракатда) — ҳаракат касаллиги бўлиб, синонимлари — чайқалиш, денгиз касаллиги, учувчилар касаллигидир.

Сабаби — тезланишнинг таъсири, тезланиш бирлиги — гравитас — $9,8 \text{ м/с}^2$ га тенг. Тезланиш турлари: тўғри чизиқли, бурчакли, радиал, Кориолис тезланиши. Организмда тезланиш йўналиши, ёки вектор, краниоакудал (бош - оёқ), каудокраниал (оёқ - бош), кўндаланг (кўкрак - бел, бел - кўкрак) бўлиши мумкин.

Тезланишнинг таъсири қилиш механизми: вестибуляр, кўриш анализатори рецепторлари, проприорецепторлар (мушак, пай, бўғим), адашган асабнинг қитиқланишидан иборат. Симптомлари: кўнгил айниши, кусиш, нафас олишнинг тезлашуви, юрак уришининг секинлашуви, қон босимининг пасайиши, совуқ тер босиш ва бошқалардир.

Паст атмосфера босимининг организмга таъсири натижасида гипоксия ва декомпрессия синдроми содир бўлади. Гипоксия ёки O_2 танқислиги типик патологик жараён бўлиб, тўқималарнинг O_2 билан таъминланишининг етишмовчилиги ёки тўқималар томонидан O_2 ўзлаштирилишининг бузилиши натижасида келиб чиқади. Гипоксия патогенези асосида компенсатор-мослашув реакциялари ва патологик бузилишлар ётади («Гипоксия» бўлимига қаралсин). Декомпрессия синдромининг моҳияти шундан иборатки, атмосфера босимининг пасайишида организмда бўлган газлар кенгаяди ва суюқ муҳитда уларнинг эрувчанлиги пасаяди. Қон ва бошқа суюқликларнинг қайнаш нуқтаси шу даражагача пасайдики, улар тана ҳороратида ҳам қайнаши мумкин бўлади. Бу ҳолатларнинг ифодаси декомпрессия тезлиги ва даражасига боғлиқ бўлади. Атмосфера босимининг тез ўзгариши натижасида ўпка ичидаги босим кескин кўтарилиб, портлаш декомпрессия синдроми ва у билан боғлиқ ўпка, юрак,

кatta қон томирлар баротравмаси ривожланади. Ўпка альевеолалари ва томирларнинг ёрилиши натижасида газ пуфакчалари қон айланниш системасига тушиб газ эмболиясини чақиради.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

Кичкина каламуш ёки сичқонларда ўткир тажрибада патологик жараёнлар моделини вужудга келтириш лозим: паст атмосфера босими таъсирида каламушларда «тоғ» касаллигини ва сичқонларда кинетозларни чақириш. Ҳар бир патологик жараён манзарасида асосий икки томонни: хусусий патологик ва ҳимоя-физиологик ўзгаришларни кузатиш мумкин.

1-иши. Сичқонларда экспериментал кинетозлар.

Сичқонлар газламадан таёрганланган халтачага ўтқазилиб, қўл центрифугаси дискига (карусел) осилади, 30 — 40 секунд давомида айлантирилади ва ҳайвонлар халтачадан тез чиқариб олинади. Ҳайвонларнинг ҳаракатчанлиги, нафас олишининг ўзгариши ва умумий ҳолати кузатилади. Сичқонлар ўз танаси ўқи атрофида афдарилиб, айланма (манежли) ҳаракатлар қиласилади. Кинетозларнинг асосий звеноси ва механизми муҳокома қилинади. Баённома тўлдирилади ва унда қўйидагилар кўрсатилиши лозим:

- 1) эксперимент номи ва ўтказиш усули;
- 2) қайси ҳайвонларда патологик жараён чақирилган;
- 3) кузатилаётган патологик жараён, унинг ҳосил бўлиш механизми;
- 4) хулоса.

2-иши. Паст барометрик босимнинг каламушга таъсири.

Комовский аппаратининг шиша қалпоғи остига каламуш жойлаштирилади ва унинг умумий ҳолати: нафас олиш тезлиги, ҳаракатчанлиги, панжалари ва кулоқ кўриниши ва ҳ. к. кузатилади. Қалпокдан ҳаво сўриб олингандан кейин ҳайвон организмida содир бўладиган ўзгаришлар кузатилади. Унинг механизми муҳокама қилиниб, баённома тўлдирилади.

Жиҳозлар: каламуш, сичқонлар, қўл центрифугаси, халтачалар, пинцет, Комовский аппарати, шиша қалпоқ, вазелин, пахта, корнцанг.

АУДИТОРИЯ ИШИ

Амалий ишларни мустақил бажариш ва амалий кўникмаларни ўзлаштириш

Кўйидаги ишлар бажарилади:

- 1) сичқонларда кинетозларни моделлаштириш;
- 2) каламушларда «баландлик» касаллигини моделлаштириш.

Эксперимент баённомаси ва хulosаларни ёзиш

Талаба мустақил равишда ҳайвонларда кузатилған ўзгаришларни қайд қиласи, бажарилған ишлар натижасига асосланиб, хulosаларни шакллантириди, эксперимент баённомасини мустақил тузади.

2 - МАШГУЛОТ

М а в з у : НОЗОЛОГИЯ. УМУМИЙ ЭТИОЛОГИЯ ВА ПАТОГЕНЕЗ. ПАТОЛОГИЯДА РЕАКТИВЛИКНИНГ АҲАМИЯТИ

Манігулот мақсади. Талаба қўйидагиларни билиши керак:

1) «норма», «соғлиқ», «касаллик олди ҳолати», «касаллик», «патологик реакция», «патологик жараён», «патологик ҳолат» тушунчаларининг таърифини. Касаллик босқичлари ва оқибатлари, соғайиш ва унинг механизмлари, терминал ҳолатлар, ўлим, реанимация усулларини таъсифлашни;

2) пайкилотерм ҳайвонларда экспериментида – бақада ҳар хил патологик жараёнлар ривожланишида организм реактивлигининг ролини ўрганиш, ўпканинг бир ёки иккى томондан олиб ташланишида нафас функцияси ўзгаришларини кузатишни. Мослашув ва компенсатор реакциялар, викар компенсация ролини муҳокама қилиш, декомпенсация ҳолатини аниқлашни;

3) касаллик келиб чиқишида сабаб ва шароит, уларнинг диалектика боғлиқлиги, ташқи муҳитнинг касал чақириувчи омилларини (механик, физикавий, кимёвий, биологик) таъсирини билишни;

4) электр токининг бақа юраги ва асаб тизимига таъсирини ўрганиш, вазиятли масалаларни ечишни;

5) амалий кўниммаларни ўзлаштириш: жарроҳлик жиҳозлари (игна ушлагич, игна, пинцет, қайчи), ярага чок қўйиш, кимёвий термометр ва автотрансформатор билан ишлашни;

6) этиология ва патогенез масалалари бўйича мавжуд назариялар мөхиятини муҳокама қилишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини аниқлаш

Кўйидаги саволларга жавоб беринг. Жавобларни*** аудиториядан ташқари мустақил ишлаш дафтарига ёзинг.

*** Дастробки билим даражаси саюлларига ва вазиятли масалаларга жавоб эталонлари I ва II иловада келтирилган.

1. Сиз электр токининг қайси параметрларини (ток хусусияти) биласиз? Ток кучи нимага боғлиқ?
2. Биологик тўқима ва суюкликларнинг электр ўтказувчанлиги қандай, у нимани аниқлайди?
3. Парциал босим нима? Парциал босим даражаси нимага боғлиқ?
4. Газлар эрувчалигининг босим катталигига боғлиқлиги. Нормобария, гипо – ва гипербариялар нима? Барокамера ва унинг ишлаш принципи.
5. Организм газларнинг паст ва юқори парциал босимига қачон дуч келади?
6. Ионловчи радиация нима? Ионловчи радиациянинг биофизик таъсир эффицити. Сув радиолизи.
7. Корпускуляр ва нокорпускуляр нурланиш турлари.
8. Ионловчи нурларнинг қайси турлари чуқур киравчи хусусиятга эга? Ионловчи нурлар таъсирида ҳосил бўладиган параионлар нима?
9. Тананинг доимий ҳарорати нимага тент? Ҳарорат гомеостазининг роли.
10. Қандай ҳайвонлар пойкилотерм деб айтилади?
11. Юқори ҳарорат организмга қандай таъсир қиласди?
12. Инфрақизил ва ультрабинафша нурларнинг организмга таъсир эффицити.
13. Ультратовуш энергиясининг тирик биологик обьектларга асосий биофизик таъсир эффицитлари.
14. Қайси ўзгаришлар (тўлқин тебранишлари) ультратовушга киради?

МУСТАҚИЛ ТАЙЁРЛАНИШ УЧУН КЎРСАТМАЛАР

Асосий адабиётлар:

- Патологическая физиология /Под ред. Адо, Л. М. Ишимовой. – 2 – е изд., перераб. и доп. – М.: Медицина, 1980, с. 13–31, 51–86, 105–113.
- Патологическая физиология /Под ред. чл.- корр. АМН СССР Н. Н. Зайко.- 2- е изд., перераб. и доп. – Киев: Вища школа, 1985, с. 20–57, 73–83.
- Н. Ҳ. Абдуллаев, Ҳ. Ё. Каримов /Патофизиология, Т.: 1998, б. 12 – 63.

Кўшимча адабиётлар:

Патологик физиологиядан амалий машғулотлар бўйича қўлланма (Н. Ҳ. Абдуллаев ва Ҳ. Ё. Каримов таҳрири остида). – Тошкент. II ТашМИ нашриёти, 1994, 164 б.

Линденбратен В. Д., Турбина Л. В. Тесты по патофизиологии для II уровня усвоения (задания для студентов). – Хабаровск, 1981.

Петровская Л. В. Влияние гипоксической среды на устойчивость животных к острой гипоксии. – В кн.: Патологическая физиология экстремальных состояний. Пермь, 1986, с. 42–43.

Сукманский О. И., Царегородцев Г. И. К вопросу о сущности болезни. – М., 1985, с. 176 – 184.

Шараев П. Н., Широкова Т. Ю., Гусоргин В. М., Иванов В. Г. Патохимия соединительной ткани при адаптации животных к стрессфакторам. – В кн.: Патологическая физиология экстремальных состояний. Пермь, 1986, с. 57 – 58.

Мавзунинг асосий бўлимлари ва элг муҳим ўқув саволлари

Касаллик тўғрисида умумий таълимот (нозология)

1. «Норма», «соғлиқ», «касаллик олди ҳолати», «касаллик» тушунчалари.
2. Патологик реакция, патологик жараён, патологик ҳолат нима?
3. Қайси патологик жараён типик (нусхали) ёки типли дейилади?
4. Касаллик сабаби нима ва касалликнинг гурӯҳи сабаблари?
5. Касалликнинг ривожланиш шароити, шароит гурӯҳлари нима?
6. Касалликнинг асосий экзоген ва эндоген сабаблари.
7. Касаллик ривожланишида сабаб қандай рол ўйнаши мумкин?
8. Умумий этиологиянинг асосий назариялари (метафизик монокавализм, кондидионализм, конституционализм, диалектик каузализм).
9. Касаллик ривожланишида патологик ва компенсатор – мослашув реакциялари.
10. Патогенез нима?
11. Патогенезнинг етакчи звеноси, касаллик патогенезида «маҳаллий» ва «умумий» ўзгаришлар, сабаб – оқибат муносабатлари. Патогенезда «бузуқ доира».
12. Касаллик босқичлари, унинг оқибатлари. Соғайиш механизмлари (саногенез).
13. Терминал ҳолатлар: преагония, агония, клиник ўлим. Клиник ўлимнинг биологик ўлимдан фарқи.
14. Организмни реанимация қилишининг патофизиологик асослари (Неговский В. А.). Постреанимацион бузилишлар.

Ташқи муҳит омилларининг касаллик чақириучи таъсири

1. Организмга механик ва гравитацион таъсирлар (травма, кинетозлар, вазнисизлик).
2. Ионловчи нурлар, қуёш нури спектри, ультрабинафша ва лазер нурларининг шикастловчи таъсири. Нурланиш касаллигининг патогенези.
3. Паст ва юқори атмосфера босимининг организмга таъсири (тоғ ва баландлик касаллиги, кессон касаллиги).
4. Электр токининг организмга таъсири.
5. Юқори ва паст ҳароратнинг организмга таъсири. Куйиш касаллиги ва гипотермиянинг патогенези.

6. Кимёвий омилларнинг шикастловчи таъсири. Экзоген заҳарлашиш. Пестицидларнинг роли. Эндотен заҳарланиш.
 7. Биологик омилларнинг патоген таъсири.
 8. Рұхий омиллар. Ятроген касалликлар.
- Организм реактивлигининг патологиядаги роли.
1. Реактивлик турлари.
 2. Реактивлик ва резистенлик.
 3. Болаларда реактивлик хусусиятлари. Диатезлар, уларнинг турлари.

Аннотация

Нозология (юн. *nosos* – касаллик + *logos* – таълимот, фан) – касаллик түгрисида умумий таълимот.

Умумий нозологиянинг асосий тушунчалари – норма, соғлик, касаллик олди ҳолати, касаллик, патологик реакция, патологик жараён ва патологик ҳолат.

Норма – бу қон босими, ҳарорат, пульс сони, қоннинг шакли элеменлари миқдори ва ҳ.к. күрсаткичларининг ўртача статистик қийматидир. Норма динамик тушунча бўлиб, унинг күрсаткичлари ташки мухитга боғлиқ ҳолда ўзгариши мумкин.

Соғлик – ҳаёт фаолиятнинг оптималь шакли. ЖССТ таърифига биноан бу «нафақат касаллик ёки жисмоний дефектнинг йўқлиги, шу билан бирга тўлиқ жисмоний, рұхий ва ижтимоий барқарорлик ҳамдир».

Касаллик олди ҳолати – касаллик билан соғлик ўртасидаги ўтувчи ҳолат бўлиб, функционал зўриқиши усуслари билан аниқланади. Масалан, предиабет, гипертония олди ҳолати.

Касаллик – шикастловчи агентлар таъсирида организмнинг нормал ҳаёт фаолиятнинг ўзгариши бўлиб, унинг натижасида мослашув имкониятлари камаяди ва одамнинг иш қобилияти чекланади.

Патологик реакция – бу элементар реакция бўлиб, таъсир қилувчи қитиқловчининг кучи ва характеристига ноадекватdir ва шунинг учун гомеостаз бузилишига имконият туғидиради.

Патологик жараён – патологик қитиқловчи таъсирига жавобан ривожланувчи патологик ва мослашувчанлик ўзгаришларининг бир-бирига боғлиқ динамик комплекси.

Патологик ҳолат – патологик жараён натижасида аъзо тузилиши ва функциясининг тұрма ёки ортирилған турғун ўзгаришидир. Патологик ҳолат кўпинча патологик жараённинг оқибати ҳисобланади.

Патологик жараён ёки патологик ҳолатнинг бўлиши ҳали тўлиқ ҳажмда касаллик бўлишини кўрсатмайди. Аммо организм заифлашгандан ёки жараён тарқалған ва ортиқ даражада агрессив бўлса, касаллик юзага келиши мумкин. Масалан, соч халтачасининг яллиғлани-

ши – фурункул теридаги патологик жараён, лекин касаллик эмас. Кўп сонли фурункулларнинг ривожланиши касалликнинг иситма, интоксикация ва ҳ.к. билан кечадиган кенг куламли манзарасини бериши мумкин.

Касаллик босқичлари:

- 1) яширин (латент) ёки инкубацион давр. Бу организм билан патологик оиласа бўлган ички кураш даври;
- 2) продромал – касалликнинг биринчи белгилари даври;
- 3) касаллик авж олган давр – клиник намоён бўлиш даври;
- 4) касаллик оқибати: тўлиқ соғайиш, чала соғайиш, рецидив – касалликнинг қайталаниши, ўлим. Ўлим – организм ҳаётининг туганини. Сабаблари: нафас тўхташи – mort per asphyxiāt, юрак тўхташи – mort per syncopē.

Терминал ҳолатлар – ҳаёт ва ўлим орасидаги чегаравий ҳолатлардир. Буларга преагония, агония (юн. *agonia* – кураш), клиник ўлим киради. Клиник ўлим 5 – 6 дақ. давом этади, ҳаётнинг ташки белгилари (пульс, нафас, ҳамма рефлекслар) бўлмаслиги билан тавсифланади. Аммо ҳужайраларда модда алмашинуви давом этади, шунинг учун ҳам тирилтириш мумкин. Клиник ўлим – қайтар жараёндир. Тўқималарда, биринчи навбатда мия тўқимасида, модда алмашинувининг тўхташи бу биологик ўлимдир. Бу қайтмас жараён ҳисобланади.

Организмни жонлантириш *реанимация*, жонлантириш тўғрисидағи фан – *реаниматология* дейилади. В. А. Неговский бўйича реанимация принциплари: 1) юрак йўналиши бўйича таркибида адреналин ва глюкоза бўлган қонни артерияга юбориш; 2) сунъий нафас олдириш («офиздан – оғизга», «офиздан - бурунга» ва ҳ.к.); 3) юракни очиқ ва ёпиқ массаж қилиш; 4) организмга ҳаётий муҳим моддаларни юбориш.

Саногенез (юн. *sanus* – соғлом + *genesis* – келиб чиқиши) – соғайиш жараёни. Унда ҳимоя ва компенсатор жараёнлар иштирок қилади. Ҳимоя реакциялари – бу организмга патоген агент таъсир қилишининг олдини олишга, йўқотишга ёки кучсизлантиришга ёки патоген агентлар таъсирига организм сезигирлигини камайтиришга қаратилган специфик ва носпецифик реакцияларидир.

Компенсатор жараёнлар (функционал ва морфологик компенсация) бузилган гомеостазни тиклашга қаратилган. Соғайиш механизmlари: 1) тезкор турғун бўлмаган (масалан, йўтал, қусуш ва ҳ.к. билан организмдан касал чақирувчи агентларнинг чиқариб ташланиши); 2) нисбий турғун (масалан, организмнинг заҳирадаги (резерв) кучлар – юрак, буйрак, ўпка ҳамда викар компенсация – жуфт аъзолар компенсациясининг) ишлатилиши; 3) давомли ва турғун компенсатор жараёнлар (масалан, гипертрофия ва регенерация).

Этиология (юн. *aïtia* – сабаб + *logos* – таълимот) – касаллик келиб чиқишининг сабаби ва шароитлари түғрисидаги фан. Касаллик сабаби – касаллик чақирувчи ва унинг специфик хусусиятлари ни аниқловчи омиллар. Касаллик шароитлари – касаллик ривожланишига таъсир қилувчи, аммо ўзича касаллик чақира олмайдиган омиллардир. Шароит гурухлари: имкон яратувчи ва қаршилик кўрсатувчи бўлиши мумкин.

Касаллик сабаблари гурухлари: экзоген ва эндоген бўлиб, асосий эндоген сабаблар: патологик ирсият, асаб – эндокрин регуляция, қон айланишининг бузилишлари, ўсмалар, тошлар ҳисобланади.

Экзоген омиллар: физик, кимёвий, биологик, механик, рухий. Асосийлари инфекция, интоксикация, травмалар, овқатланишнинг бузилишлари.

Фавқулотдаги қитиқловчилар деб, организм фило – ёки онтогенез мобайнида мослашмаган қитиқловчиларга айтилади.

Касаллик ривожланишида сабабларнинг роли:

1) туртки роли – омил қисқа муддатда таъсир қиласи ва тўқималарнинг шикастланишини келтириб чиқаради (масалан куйишни чақирувчи юқори ҳарорат);

2) ўзгариб турдиган рол – ҳимоя механизmlари таъсирининг ошиб боришига қарши омиллар (масалан инфекцион касалликлар қўзғатувчилари – микробларга қарши антитаналар ишлаб чиқарилиши);

3) доимий рол – тўқималарнинг кескин шикастланишини чақирамайдиган омиллар, уларга қарши ҳимоя механизmlари ночор (масалан шовқин, ўзгарган босим таъсири) бўлади.

Умумий этиологиянинг асосий назариялари: монокаузализм, конституционализм, кондиционализм, диалектик каузализм.

Метафизик монокаузалистлар қарашларининг моҳияти: касаллик ривожланиши учун фақат бигта сабабнинг бўлиши етарли. Бу метафизик назария бўлиб, шароитнинг ролини эътиборга олмайди, яъни ҳодисалар орасидаги ўзаро алоқа ва боғлиқликни инкор қиласи. **Конституционалистлар қарашининг моҳияти:** касаллик ички сабабларга эга (конституция норасолиги), ташқи омиллар эса, фақат касалликнинг кучайишига имконият яратади. Бу реакцион назариядир, чунки бу назария фанга қарши бўлган одамларни мукаммаллашган ва мукаммаллашмаган кишиларга бўлади, касалликнинг олдини олишни инкор қиласи ва уларга албатта юз бериши мумкин бўлган ҳолат деб қарашади. **Кондиционалистлар қарашининг моҳияти:** касалликни шароитлар комплекси чақиради, касалликнинг сабаби йўқ, одатда сабаб деб айтилувчи нарса шароитдан бири бўлиб ҳисобланади. Кондиционализм вариантыларидан бири – «омиллар назарияси». Касаллик ҳар хил омилларнинг бир вақтда таъсири натижасида келиб чиқади

(инфекция, ёмон овқатланиш, қониқарли бўлмаган уй шароитлари ва б.к.).

Диалектик қаузализм қарашларининг моҳияти: касаллик аниқ сабаблар билан унинг ривожланишига имкон яратилган шароитда чакрилади.

И. П. Павлов бўйича касаллик бу икки томоннинг: «синиш» (шикастланиш) ва касалликка қарши ҳимоя физиологик чораларининг бирлигидир.

Касаллик манзарасида шикастланиш, бузилиш элементлари – патологик реакциялар ва тикланиш реакциялари – компенсатор-мослашув жараёнлар фарқ қилинади. Тикланиш реакциялари гомеостазнинг сақланишига ва ҳаракат учун оптималь шароит таъминлашга қартилади.

Патогенез (юн. *pathos* – касаллик, дард чекиш + *genesis* – келиб чиқиши) – касалликнинг келиб чиқиши, ривожланиши, кечиши механизмлари ва оқибати тўғрисидаги таълимотдир.

Патогенезнинг етакчи асосий звеноси – бу шундай ўзгаришларки, жараённи ҳамма звеноларининг батафсил авж олиши учун мутлоқ зарур ва улардан олдин юз беради.

Патогенезда «маҳалий» ва «умумий» нинг роли. Маҳалий патологик жараён ҳамма вақт организмнинг умумий ҳолатига таъсир кўрсатади, организмнинг умумий ҳолати эса маҳалий патологик жараённинг ривожланиш хусусиятларига боғлиқ.

Патогенезда «умумий (носпецифик)» ва «специфик» ўзгаришлар. Патологик жараён ва касалликларнинг ривожланиши давомида бузилишларнинг бир қисми ҳар хил касалликларда бир хил бўлиши мумкин. Бу касаллик ривожланишининг умумий, носпецифик механизмларидир. Бундан ташқари ҳар бир касаллик ўзининг фақат шу касаллик тури ва гурухларига хос бўлган специфик механизмларига (нурланиш касаллиги, инфекциялар ва б.к.) эга. Специфилик даражасини англаб етиш ҳар бир касаллик моҳиятининг очилиш даражасини аниқлайди.

Патогенезда «шакл» ва «функция». Маълум қоидаларга биноан морфологик ва физиологик ҳодисалар, шакл ва функция бир – бирини тақозо қиласди.

Патологик жараённинг ривожланишида сабаб-оқибат ўзаро муносабатлари мавжуд. Сабаб ва оқибат диалектик боғлиқ; сабаб оқибатни чакиради, оқибатнинг ўзи эса янги патологик жараён учун сабаб бўлади.

Бузук доира ёки ҳалқали боғлиқлик (*circulus vitiosus*) – бу сабаб-оқибат муносабатларининг тугашган занжири бўлиб, унда оқибат сабаб билан боғлиқ ўзгаришларни кучайтиради.

Ташқи муҳит омилларининг касаллик чақиравчи таъсири. *Физик омиллар.* I. Электр токи. Электр токининг зарарловчи механизми: элек-

тротермик таъсир (электр энергиясининг иссиқлик энергиясига айланishi – куйиш), электромеханик (электр энергиясининг механик энергияга ўтиши – тўқима шикастланиши, ёрилиши), электроким-ёвий таъсир (тўқиманинг ионланиши, электролиз).

2. Ўзгарган атмосфера босимининг таъсири.

Гипобария таъсир қилиш механизми: атмосфера ҳавосида кислород парциал босимининг пасайиши кислород танқислигига олиб келади, ўпка вентиляцияси кучаяди, гипокапния ва алкалоз ривожланади.

Гипербария таъсир қилиш механизми: газлар парциал босими-нинг кўпайиши, уларнинг қонда ва тўқималарда ортиқча эришига (айниқса азотнинг) олиб келади (сатурация). Босимининг кескин пасайишида (декомпрессия) газлар эрувчанлиги камаяди, газ пуфак-чалари – эмболия ҳосил бўлади, кессон касаллиги ривожланади.

3. Юқори ва паст ҳарорат таъсири.

Юқори ҳароратнинг таъсир қилиш механизми. Гипертермия – тана ҳароратининг умумий кўтарилиши (42°C тача), иссиқликнинг ташқарига берилишининг камайиши ва иссиқлик ҳосил бўлишининг кўпайишига боғлиқ марказий терморегуляция ишининг бузилиши билан тавсифланади. Куйиш – юқори ҳароратнинг маҳаллий таъсири натижасида чақирилади. Куйиш касаллиги кўринишида: I – куйиш шоки: а) қўзғалиш фазаси, б) тормозланиш фазаси; II – куйиш токсемияси; III – куйиш инфекцияси; IV – куйиш оқибатида ҳолдан тойиш босқичлари фарқ қилинади.

Паст ҳароратнинг таъсир қилиш механизми. Гипотермия – тана ҳароратининг умумий пасайиши (35°C дан паст) иссиқликнинг ташқарига берилишининг кучайиши билан боғлиқ. Гипотермияда алмашинув жараёнлари пасаяди, кислородга талааб камаяди. Жарроҳликда юракда қилиналигидан операцияларда гипотермиянинг қўлланилиши ана шунга асосланган. Совуқ уриши паст ҳароратнинг маҳаллий таъсири билан чақирилади, унинг ҳам 4 даражасини ажратиш мумкин.

4. Нур энергиясининг таъсири.

Ионловчи радиациянинг таъсир қилиш механизми: нейтрал молекулалар ионланиши ва эркин радикаллар ҳосил бўлиши, ядро атомларининг парчаланиши, радиотоксинлар – H_2O_2 типли оксидловчилар ҳосил бўлиши. Кон яратувчи, жинсий безлар, ичак эпитилийси тўқималари кўпроқ радиосезгир тўқималар бўлиб ҳисобланади.

Инфрақизил нурларнинг организмга патоген таъсири иссиқлик эфекти билан, ультрабинафша нурларники эса – биологик таъсири (гистамин, ацетилхолин ажралиши) билан боғлиқ.

Механик ошиллар тўқима шикастланиши, травмаларни чақиради. У организмнинг умумий носпективик реакцияси – травматик шок билан кечади.

Травматик шок босқичлари:

- 1) құзғалиш – эректил;
- 2) тормозланиш – торпид;
- 3) терминал (якунловчи).

Гравитацион таъсиrotлар организмга тезланиш ва ортиқча оғирликтиннің таъсири билан боғлиқ.

Вазнисизлик таянч аязоларга нисбатан оғирлик кучининг йүқолышы билан тавсифланади, сенсор (сезги), ҳаракат ва вегетатив бузилишлар билан намоён бўлади.

Кимёвий омиллар организм заҳарланишини чақиради. Бунда экзоген (ташқи) ва эндоген (ички) омиллар фарқ қилинади. Эндоген кимёвий омиллар жигар, буйрак, ичак ва бошқа аязолар касалликларида организмнинг ўзида ҳосил бўлади ва аутоинтоксикация чақиради. Экзоген омилларга пестицидларни – қишлоқ хўжалигига ҳосилдорликни кўпайтириш учун қўлланиладиган заҳарли кимёвий моддаларни киритиш мумкин, улар организмга тушганда уни заҳарлайди.

Биологик омиллар. Патоген микроблар, вируслар, паразитлар ва б.қ.лар организмга ўзларининг токсинглари билан таъсири қиласи; ҳайвонларнинг заҳарли чиқинилари ҳам заҳарланишини келтириб чиқаради.

Рұхий омиллар. Иккинчи сигнал тизимиға эга бўлган одам организмга патоген омил сифатида сўз ҳам таъсири қиласи. Ятроген касалликлар – шифокорнинг эҳтиётсизлик (қўпол) қилиб айтган сўзи билан чақирилган касаллик, тиббий деонтология қоидаларига риоя қиласлик билан боғлиқ касаллиkdir.

Патологияда организм реактивлигининг роли. Организмнинг ҳар хил қўзғатувчилар таъсирига жавоб бериш қобилиятининг ўзига ҳослиги унинг умумий хусусияти – реактивлиги туфайли таъминланади.

Реактивлик турлари:

- 1) биологик ёки тур реактивлиги. ҳар бир ҳайвоннинг турига ҳос бўлиб, ирсият ва ўзгарувчанлик асосида шакланади;
- 2) гуруҳли – одам ва ҳайвонларнинг маълум гуруҳларига мансуб (қон гуруҳлари, асад тизими, конституция типлари ва б.қ.);
- 3) индивидуал – ҳар бир организмга ҳос бўлган реактивлик ва жинс, ёш, конституция ва б.қ. билан боғлиқ.

У специфик ва носпецифик бўлиши мумкин. Улардан ҳар бири ўз навбатида физиологик ва патологик реактивликларга бўлинади. Физиологик специфик реактивлик иммунитет ва резистентлик билан аниқланади. Патологик реактивлик касаллик лайтида юзага келади ва касал чақиривчи омиллар таъсири билан боғлиқ. Патологик специфик реактивлик, масалан аллергияда кузатилади, носпецифик реактивлик – бу реактивликнинг шок, коллапс, наркозда ва б.қ.даги ўзгаришидир. Травматик шокда организм реактивлиги инфекцияларга нисбатан жиҳдий пасаяди.

Реактивлик резистентлик билан чамбарчас боғлиқ. Резистентлик – бу организмнинг заарлар (патоген) омиллар таъсирига чидамлилигидир. Пассив ва фаол, бирламчи ва иккиламчи (орттирилган) резистентлик фарқланади.

Организм реактивлигининг шаклланишида барьер механизмлар: тери ва шиллиқ қаватлар, гистогематик барьер, хужайра ва гуморал омиллар, асаб ва эндокрин тизимлар, биринтирувчи тўқима тизими, ҳамда ташқи муҳит шароитларининг роли ниҳоятда катта.

Чақалоқларда барьерлар естрили даражада ривожланмаган. Эпидермис етти қатор ўрнига икки, уч қатор ҳужайралардан иборат, тери юқори pH билан тавсифланади, бу эса инфекциянинг киришига қулагийлик яратади. Туғилишнинг биринчи кунларида лизоцим бўлмайди, комплемент титри паст, фагоцитоз одатда ниҳоясига етмаган. Икки ёшгача интерферон кам миқдорда синтезланади. Бола онадан олинган антитаналар билан туғилади. Бу уч ой давомида сақланадиган иммуноглобулин G дир. Туғилган бола организмида синтезланадиган биринчи иммуноглобулин IgM ҳисобланади. Унинг миқдори биринчи ҳафта давомида кўпаяди ва бир ёшга бориб катталардаги даражага етади. IgA туғилишнинг 2–3 ҳафтасидан бошлаб синтезланади. IgG синтезланишининг кўпайиши ҳаётнинг 2–3 ойларида кузатилади. Антитаналар ҳосил бўлиши лимфоид тўқиманинг ривожланиши билан ошади ва бола ҳаётининг биринчи йили давомида кузатилади, жинсий етилиш даврига бориб тугайди.

Айрисимон без ва лимфоид тўқима ривожланишининг етишмовчилиги иммундефицит (танқислик) ҳолатларига, яъни иммунологик реактивликнинг ҳар хил шаклда бузилишларига олиб келади.

И. П. Павлов ва унинг мактаби, Л. А. Орбели изланишларида марказий ва вегетатив асаб тизими ҳар хил қисмларининг реактивликдаги аҳамияти аниқланган. Масалан чуқур уйқу ва наркоз вақтида организмнинг электр токи билан шикастланиши уйғоқ ҳолатга қарангда камроқ даражада намоён бўлади. Асаб тизимининг иммунологик реактивликдаги роли ва инфекцияга резистенслиги қишики уйқу мисолида яхши кўрсатилган.

Cannon (1943), H. Selye (1960) реактивлик ва резистентликда муҳим ролни эндокрин тизимига беради. Организмдан маълум кескинлик ва мослашув механизmlарининг ишга тушишини талаб қилаадиган ҳолатларда Cannon етакчи ролни адреналинга («авария гормони»), H. Selye – гипофиз олди қисми ва буйрак усти бези гормонларига беради. Бу нуқтаи назардан кортикостероидларнинг ялигланишда иштирок қилиши алоҳида дикқатга сазовор. Глюкокортикоидлар ялигланишга қарши, минералкортикоидлар эса ялигланишини кучайтирувчи гормонлар сифатида хизмат қилади. Шунингдек қалқонсимон без гиперфункциясида ялигланиш шиддатли, гипо-

функциясида эса суст кечиши маълум. Қандли диабетда реактивлик жиддий пасаяди (яра ёмон битади, терида доимо йирингли шикастланишлар учрайди, кўпинча диабетга сил касаллиги қўшилади).

Реактивликда муҳим ролни биринкирувчи тўқума йўнайди, унинг элементлари иммунологик реакциялар, фагоцитозда иштирок қилали, яра битишини таъминлайди, баръер функциясини бажаради.

Реактивликда шунингдек ташқи муҳит шароитлари катта аҳамиятга эга. Масалан тана ҳарорати ошгэнда реактивлик ҳатто совуққонли ҳайвонларда ҳам ошади. Бундай шароитларда рептилияда (эчкемар) анафилактик шок, бақаларда — қоқшол ва камфорали тутқаноқни чақириш мумкин. Иссиққонли ҳайвонларда лихорадка даврида антитаналар титри ошади, фагоцитоз кучаяди. Лихорадкасиз инфекцион касалликлар оғир кечади (совуқ «дифтерия»). Тана ҳароратининг хамайиши гипоксияга, механик омиллар таъсирига чидамлиликни оширади. Реактивлик тўлиқ ва айниқса қисман очликда пасаяди. Об - ҳаво, йил фасли ва иқлиминг жиддий ўзгариши ҳам реактивлик ва резистентлик ҳолатига таъсирир кўрсатади.

Ташқи муҳитнинг одамга таъсири ижтимоий омиллар таъсирини ҳам ўз ичига олади. Ишда, оиласда микроижтимоий алоқаларнинг бузилиши невротик ҳолатларнинг ривожланишига олиб келиши мумкин, бу ҳолатда одам уни ўраб олган ижтимоий ва биологик муҳитга ноадекват муносабат билдира бошлайди.

Диатез – бу конституция аномалияси бўлиб, касалликка мойиллик юзага келади. Диатез турлари: экссудатив – катарал, тимико – гипопластик, асад – артритик ва астеник.

Машғулотларда бажариладиган амалий ишлар ва ўзлаштирилиши лозим бўлган амалий қўнилмалар билан танишиш

I-чи. Бақада нафас функцияси мослашув реакцияларини урганиш.

Учта банкага биттадан бақа жойлаштирилади: 1- га – соғлом, 2 – га – бир ўпкасиз, 3 – га икки ўпкасиз. Ўпкани олиб ташлаш учун бақа таҳтачага қорни пастта қилиб маҳкамланади. Аnestезия мақсадида қорнига операциядан 5 дақ. илгари эфирга ҳўлланган пахта қўйилади. Ўрта аксилляр чизиқ бўйлаб 1 см атрофида тери - мушак кесилади. Ўпка ташқарига олинади, у тубидан боғланиб кесиб ташланади, чўлтоқ кўкрак бўшлиғига киритилиб, ярага иккита чок қўйилади. З-чи бақада ўлка икки томондан ҳам олиб ташланади.

Банкаларга совуқ сув (5°C) қўйилади ва 2 дақ. дан сўнг нафас сони 1 дақиқа ичидаги саналади. Сўнг қайноқ сув қўйилади ва банкалаги сув ҳарорати 10, 15, 20, 25, 30 ва 40°C гача кўтарилади ва ҳаргал нафас олиши саналади. Иккита бақада нафас сони ўзгариши қўйидаги жадвалга ёзилади.

Ҳарорат С	Бақанинг нафас олиш сони	
	соғлом	(бир ўпкасиз)
5		
10		
15		
20		
25		
30		
35		
40		

Тажрибага баённома тузилади. Ҳар бир бақани уларни индивидуал реактивлик хусусияти билан боғлиқ, умумий ҳолати ва нафас функциясининг ўзгаришига зътибор қаратилилади.

2-иши. Бақа асаб тизими ва юрагига электр токи таъсирини урганиши:

— декапитация қилинган бақада Тюрк рефлекси вақти аниқланади, бунинг учун хлорид кислотанинг уч концентрацияси (0,25% ли, 0,5% ли, 1% ли) ишлатилади. Электродларни орқа мия кесиги ва думғазага қўйиб, орқа мия орқали 10 В кучланишга эга бўлган электр токи 5 сония давомида ўтказилади. Яна рефлекс вақти аниқланади;

— ҳаракатлансизлантирилган бақада юрак очилади, унинг қисқариши саналади. Электродлар олдинги чап ва орқа ўнг панжаларга қўйилиб 40 В кучланишга эга электр токи 5 сония давомида ўтказилади. Юрак қисқариши яна саналади.

Эксперимент натижалари муҳокама қилинади ва баённома тузилади.

Жиҳозлар: бақалар, қайчи, пинцетлар, игнатутқичлар, игналар, лигатуралар, игна тўғнағичлар, бәқаларни фиксациялаш учун штативлар, кичкина юпқа таҳталар, паҳта, эфир, 0,25, 0,5, 1% ли хлорид кислота эритмалари, электродли лаборатория автотрасформатори, кимёвий термометр, банкалар, совуқ ва иссиқ сув, секундомер.

Талаба: 1) жарроҳлик ашёлари билан ишлашни (қисқичлар, қайчи, игналар, игна ушлагичлар, пинцетлар); 2) ярага чок қўйишни; 3) кимёвий термометр билан ишлашни билиши керак.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнгилмаларни ўзлаштириш

Кўйидаги ишлар бажарилади:

- 1) бақада нафас функциясининг мослашув реакцияларини урганиш;
- 2) бақанинг асаб тизими ва юрагига электр токи таъсирини ўрганиш.

Эксперимент баённомаси ва хулосаларни ёзиш

Талаба ҳамма ишларни бажариб, эксперимент баённомаларини тузади ва амалий ишлар натижаларига асосланиб хулосалар қиласди. Амалий кўнгилмалар баҳоланади.

Вазиятли масалаларни ечиш

1-масала. 45 ёшли эркак, иш жойида носоз электрприборга қўл тегизиб электртравма олган. Умумий ҳолати оғир. Ҳуши йўқолган, нафаси сийрак, пульс аритмик, тўлиқлиги ва кучи суст.

1. Организмда рўй берган бузилишлар механизмини қандай тавсифлаш мумкин?

2. Беморни сақлаб қолиш учун қанақа чоралар кўриш мумкин?

2-масала. 4 ёшли бола очилиб қолган электр симига тегиб оғир электртравма олган. Ҳаёт белгилари йўқ. Тери қатлами кўкарған. Нафаси тўхтаган, пульс йўқ, рефлекслар ҳам йўқ.

1. Болани тирилтириш мумкинми?

2. Реанимациянинг патофизиологик асослари нималардан иборат?

3-масала. Беморнинг тана юзаси 25% II даражали термик куйиш олган. Умумий ҳолати оғир. Бемор қўзғалган ҳолатда кескин ташналик сезади, пульси тезлашган, тўлиқлиги ва кучи суст. Артериал босим 100/60 мм сим. уст.га тенг.

1. Бемор ҳолатини тавсифланг.

2. Бемор муҳтоҳ бўлган даволаш чораларининг патофизиологик асосларини исботланг.

4- масала. Уч йил муқадам бир одам 400 рентген дозада нурлашиб олган. Унда дастлабки икки кунда бош оғриғи, кўнгил айниши ва қусиши, ҳарорат кўтарилиши кузатилган. Сўнг касалликнинг ҳамма белгилари йўқолиб кетган.

1. Бемор соғайиб кетди деб ўйлаш мумкинми?

2. Касалликнинг бу даври нима билан тавсифланади?

3. Касалликнинг прогнози нимадан иборат?

Интеграция амалга оширилиши лозим бўлган фанлар

1. Рентгенорадиология.
2. Умумий жарроҳлик.

3 - МАШГУЛОТ

Мавзу : ПАТОЛОГИЯДА ИРСИЯТНИНГ РОЛИ

Машгулот мақсади. Талаба қуйидагиларни билиши керак:

- 1) хромосома назарияларининг наслдан-наслга берилишининг асосий мазмунини, ген, хромосома, аллел, гомозиготали, гетерозиготали организм, мутация ва унинг турлари тушунчасини;
- 2) кўп учрайдиган ирсий касалликлар ва синдромлар, наслий патология механизмлари, наслдан-наслга берилиш типлари, наслий касалликларнинг түфма касалликлардан фарқини;
- 3) оғиз шиллиқ эпителийсида жинсий хроматинни, ҳамда наслий галактоземияда сийдикда галактоза мавжудлигини аниқлашни;
- 4) генетик масалаларни ечишни.

АУДИТОРИЯДАН ТАШҚАРИ МУСТАЦИЛ ТАЙЁРЛANIШ

Кичик курслардаги фанлар бўйича заминий билимлар даражасини текшириш

1. Хромосома, ген, аллеллар нима?
2. Дезоксирибонуклеин (ДНК) ва рибонуклеин (РНК) кислоталари, уларнинг кимёвий тузилиши, турлари, оқсил синтезида иштироки.
3. Кариотип нима, одам кариотипи қанақа?
4. Диплоид ва гаплоид хромосомалар тўплами нима?
5. Соматик ва жинсий ҳужайралар кариотипини тавсифланг.
6. Генотип ва фенотип нима?
7. Қайси организм гомозигот ва гетерозигот дейилади?
8. Гетерозигот организм аллеллари қандай номланади?
9. Мендел қонунлари, уларнинг моҳияти.

Мустацил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2-е изд. перераб. и доп. – М.: Медицина, 1980, с. 87 – 98.

Патологическая физиология /Под ред. чл. – корр. АМН СССР Н. Н. Зайко. – 2- с изд. перераб. и доп. – Киев: Вища, школа, 1985, с. 57 – 73.

Н. Ҳ. Абдуллаев, Ҳ. Ҷ. Каримов /Патофизиология. Т.: Абу Али ибн Сино номидаги тиббиёт нашриёти, 1998, б. 64 – 75.

Патологическая физиология /Под ред. А. Д. Адо, М. А. Адо, В. И. Пыцкого и др. М.. Триала – X, 2002, с. 89 – 101.

Қўшимча адабиётлар:

Карузина И. П. Учебное пособие по основам генетики. – М.: Медицина, 1980.

Эфроимсон В. П. Введение в медицинскую генетику. – М., 1967.

Мавзу асосий бўлимлари ва энг муҳим ўқув саволлари

1. Наслий ва туғма касалликлар. Фенокопиялар.
2. Мутациялар, уларнинг турлари. Мутаген омиллар.
3. Наслий патология механизмлари.
4. Доминант, рецессив ва жинс билан уланган наслий касалликлар.
5. Хромосома касалликлари.

Аннотация

Ирсият – организмнинг филогенезда ишлаб чиқилган авлоддан-авлодга материал омилларини утказиш хусусияти бўлиб, муайян мухит шароитида шу турга хос бўлган белгиларнинг ривожланишини аниқлайди. *Ўзгарувчаник* – организмнинг индивидуал ривожланиши жараёнида янги белгиларни орттириш хусусиятидир.

Наслий аппарат ҳужайраларида турғун сакраш йўли билан содир бўладиган ўзгаришлар *мутация* дейилади. Ген, хромосома ва геном мутациялари фарқ қилинади. Ген мутацияси айрим генларнинг кимёвий тузилишининг (пурин ва пиримидин асослари кетма – кетлиги) ўзгариши билан боғлиқ. Хромосома мутацияси ёки хромосоманинг қайта қурилиши хромосома тузилишининг ўзгариши билан тавсифланади. Генома мутацияси организм ҳужайраларида хромосомалар сонининг ўзгаришидан иборат.

Мутациялар спонтан ва индуцирланган, фойдали ва заарли бўлиши мумкин. Жинсий ҳужайралар мутацияси авлодлар тақдирида, соматик – шу организм тақдирида (ўсма жараёнининг сабаби ҳисобланади) ўз аксини топади. Мутаген омиллар физик, кимёвий ва биологик бўлиши мумкин. Физик омилларга ионловчи, ультрабинафша нурланиши; кимёвийларга – цитостатик препаратлар, антибиотиклар, эркин радикаллар, биологикларга эса – вируслар (кўпинча қизилча, гепатит вируслари) киради.

Тұғма касалліклар наслдан—наслга берилмайды ва эмбрионал ривожланиш патологияси билан боғлиқ. Наслий касалліклар авлоддан—авлоддаға берилады ва генетик материал бузилиши билан боғлиқ.

Наслдан—наслга берилиш типлари:

- аутосом — доминант — полидактилия, синдактилия, брахидастилия ва бошқа скелет аномалиялари, Гентингтон хореяси, йүғон ичак полипози ва ш.к. наслдан—наслга берилади;
- аутосом — рецессив — аминокислоталар алмашинуви наслий касалліклари (альбинизм, фенилкетонурия, алкаптонурия) туғма гунглик, микроцефалия ва б.қ. лар наслдан — наслга берилади;
- рецессив, жинс билан уланған наслий касалліклар (гемофилия, дальтонизм ва б.қ.);
- чала доминирланған тип (ўроқсимон ҳужайралы анемия).

Наслий патология механизмлари:

- наслий информациянинг тушиб қолиши;
- наслий информациянинг патологик информация билан ўрин алмашинуви;

— шикастланған ДНК репарациясининг бузилиши;

— генетик аппарат фаоллиги регуляциясининг бузилиши ва ҳ.к.

Фенокопиялар — бу наслдан-наслга үтмайдиган туғма касаллук бўлиб, ташқи кўриниши бўйича наслий касаллікларни эслатади. Улар ҳомиланинг она қорнидаги ҳаёти патологияси билан боғлиқ. Ҳомила ўз тараққиётининг кескин даврларида шикастловчи омиллар, шу жумладан мутагенлар (доривор моддалар, вируслар, радиация) тъсирига айниқса сезгир бўлади. Гаметопатия, бластопатия, эмбриопатия ва фетопатиялар фарқ қилинади. Она қорнидаги патологиянинг сабаблари кўпинча интоксикация, инфекция, онанинг зарарли одатлари (алкоголизм, чекиш), бачадон — ҳомила қон айланиши бузилишлари ва б.қ. ҳисобланади. Хромосома аппарати шикастланмаслиги ҳам мумкин.

Хромосома касалліклари хромосомалар тузилиши ёки хромосома аберрацияси билан боғлиқ. Улар делеция (хромосома бир қисмнинг етишмаслиги), дупликация (икки марта кўлайиши), трансзиция (ўрин алмашиши), инверсия (180° га бурилиши), транслокация (хромосома бир қисмнинг бошқа ногомологик хромосомага ўтиши) шаклида учрайди. Хромосома аберрациялари кўпинча ҳомила ўлишига олиб келади, постнатал даврда эса организм ривожланишининг соматик ва руҳий бузилишларига сабаб бўлиши мумкин. Хромосома касаллікларининг сабаблари уларнинг бир-биридан ажралмай қолишидан иборат. Кўпинча куйидаги хромосома синдромлари учрайди:

— Даун синдроми — кариотип бузилиши ортиқча 21 — хромосома бўлиши билан ифодаланади. Хромосомаларнинг умумий сони — 47. Ақлий етишмовчилик. Жисмоний ривожланишдан орқада қолиш;

— Клайнфелтер синдроми. Кариотип – XXY. Хромосомаларнинг умумий сони – 47 (айрим вақтда 48 - XXXY ёки 49 - XXXXY). Эркак гипогонадизими, ақлий ва жисмоний етишмовчилик билан тавсифланади;

— Шерешевский - Тернер синдроми. Кариотип – XO. Хромосомаларнинг умумий сони – 45. Аёл гипогонодизими, жисмоний ва жинсий етишмовчилик билан тавсифланади;

— X - хромосома бўйича учсомалик. Кариотип – XXX. Хромосомалар умумий сони – 47. Бола туғиш функцияси сақланади.

Наслий мойилликка эга касалликлар: гипертония касаллиги, 12 бармоқ ичак яра касаллиги, қандли диабет, эпилепсия, шизофрењия. Бу касалликларнинг ривожланишида ҳам наслий омил, ҳам ташки мұхит омиллари аҳамиятга эга.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иши. Оғиз бўшлиғи шиллиқ пардаси эпителийсида жинсий хроматинни текшириш.

Стерил шпател билан оғиз бўшлиғи шиллиқ қаватидан қиринди олинади. Уни олишдан олдин оғиз мукаммал равища сув билан чайқаб ташланади. Оқ тусли карашдан иборат қиринди олиниб, буюм шишачага суртилади, устидан 2% ли орсейн эритмасидан бир томчи томизилади, қопловчи шишача билан ёпилади ва 2 – 3 сония даномида дока тампон ёрдамида бармоқ билан босиб турилади. Буёқ қолдиги олиб ташланади ва шишани қимирлатмасдан препарат микроскоп иммерсион тизимида ўрганилади. Жинсий хроматин түқ бинафша рангга бўялади. Хроматин мусбат ядролар фоизи ҳисоблаб чиқилади. Соғлом аёлларда жинсий хроматин лунж шиллиқ пардаси эпителийсида ўртача 30% хужайраларда аниқланади, у эркакларда бўлмайди.

Жинсий хроматин ёки Барр таначалари – хужайра ядроси қобиги остида донача шаклидаги компакт таначалар бўлиб, функционал фаол бўлмаган X – хромосомалардан иборат.

Ишга якун ясалади ва хулосалар қилинади, баённома қуйидаги саволларга жавоб берган ҳолда ёзилади:

1. Текширилган суртмада оғиз бўшлиғи шиллиқ қавати эпителий хужайрасида қанча жинсий хроматин таначалари топилди?

2. XXY, OX, XXX генотипли одамларда қанча жинсий хроматин бор? Бу одамлар қайси жинсга мансуб ва улар нима билан касалланган?

2-иши. Наслий галактоземияда сийдикда галактоза бўлишини аниқлаш.

Текшириладиган 1 мл сийдикка 0,5 мл концентрантган аммиак эритмаси ва 3 томчи 10% ли ачиштирадиган натрий эритмаси қўшилади. Намуна қайнашгача қиздирилади. Натижа агар ялтироқ сарик ранг пайдо бўлса мусбат деб топилади.

Иш натижалари ва холосалари ёзилади.

Жиҳозлар: буюм ва қопловчи шишачалар, стерил шпателлар, 2% ли орсеин эритмаси, пипеткалар, дока тампонлари, микроскоплар, иммерсион ёғ, пробиркалар, 1 мл. ли пипетка, текшириладиган сийдик, концентрантган аммиак эритмаси, 10% ли ачиштирадиган натрий эритмаси, спирт лампаси.

АУДИТОРИЯ ИШИ

Мавзуни оғзаки муҳокама қилиш. Амалий ишларни бажариш ва амалий кўнижмаларни ўзлаштириш

Юқорида кўрсатилган ишлар бажарилади. Экспериментларга баённомалар тузилади ва амалий ишлар натижалари асосида холосалар қилинади.

Вазиятли масалаларни ечиш

1-масала. Она ва ота соғлом. Уларнинг ягона боласи гемофилия билан касалланган. Ота – оналардан қайси бири болага гемофилия генини ўтказган? Боланинг жинси қанақа?

2-масала. Гемофилия бўйича гетерозигот соғлом аёл, соғлом эркакка турмушга чиққан, улар боласининг гемофилия билан касалланиш эҳтимоли қандай?

3-масала. Ранг кўрлиги билан касалланган аёл (рецессив ген X - хромосомада жойлашган) кўриши нормал эркакка турмушга чиққан. Уларнинг ўғил ва қызларида рангни қабул қилиш қандай бўлади?

4-масала. Кўриши нормал бўлган ота-онадан ранг кўрлиги билан касалланган бола туғилган. Ота-онасининг генотипини аниқланг.

5-масала. Отасида ранг кўрлиги бор, ўзининг кўриши нормал аёл кўриши нормал эркакка турмушга чиққан. Туғиладиган болада ранг кўрлиги эҳтимолини аниқланг.

6-масала. Гетерозиготли эркакнинг кўли нормал тузилишли аёл билан қурган турмушидан олти ва беш бармоқли иккита бола туғилган. Бу болаларнинг генотипи қандай?

7-масала. Гомозиготли олти бармоқли эркак беш бармоқли аёлга уйланган. Бу никоҳдан битта бола туғилган. Унинг генотипи ва фенотипи қандай?

8-масала. I қон гурухли аёл, гомозигот эркакка (II гурух) турмушга чиққан. Улардан бола туғилган. Болада қайси қон гурухи ва

қайси генотип бўлиши мумкин? Одамда қон гуруҳлари тизими J гени аллеллари билан ифодаланади. Рецессив аллел I гуруҳни детерминирлайди. J^a ва J^b аллеллари кодоминантли ҳисобланади.

9-масала. Наслий гунг эркакнинг эшитиши нормал аёл билан курган никоҳидан туғилган боланинг соғлиғи ҳолати тўғрисида ху-лоса қилинг. Болалар генотипи эҳтимолини кўрсатинг.

10-масала. Отаси гемофилия билан касалланган, онаси яа ўзи ҳам соғлом аёл генетик маслаҳатхонага касал болалар туғилиши хав-фи борми деган савол билан мурожаат қиласди. Бу аёлнинг эри соғ-лом. Сиз бу аёлга қандай жавоб берган бўлар эдингиз?

11- масала. Куйидаги қон гуруҳларига эга бўлган ота-онадан ту-ғилган болаларда қайси қон гуруҳлари бўлиши мумкин?

- а) I (0) x II (A),
- б) II (A) x II (A),
- в) II (A) x IV (AB).

12-масала. Куйидаги қон гуруҳларига эга ота-онадан туғилган болаларда қайси қон гуруҳлари бўлиши мумкин?

- а) IV (AB) x IV (AB),
- б) II (A) x III (B),
- в) I (0) x I (0).

13-масала. Ҳомиладор аёл генетик маслаҳатхонага мурожаат қилиб, унинг синглисида фенилкетонурия касаллиги борлигини айтади, аёл-нинг ўзи эса соғлом. Эри ҳам соғлом. Туғилган болада бу касаллик-нинг пайдо бўлиш хавфи борми, агар эрининг наслида яқин қарин-лошлар орасида никоҳ бўлган бўлса, аммо ҳеч ким фенилкетонурия билан касалланмаган бўлса?

14-масала. Аёл гемофилия билан касалланиши мумкинми? Бун-дай касалнинг насл-насаб шажарасини тузинг.

15-масала. Беморда 21 – жуфт хромосома бўйича учсомалик. Пе-риферик қон суртмасида миелобластлар топилган. Бу касалнинг соғ-лиғи тўғрисида нима дейиш мумкин?

16-масала. Эри соғ, соғлом аёл генетик маслаҳатхонага болалари-да ўроқсимон – ҳужайрали анемиянинг пайдо бўлиш хавфи борми, деган савол билан мурожаат қиласди. Унинг синглиси ўроқсимон – ҳужайрали анемиянинг оғир шакли билан касалланган. Агар унинг қонида гемоглобин типларининг биокимёвий текширишларида HbA – 70%, HbS – 28%, эрида - HbA – 98%, HbS – 0% топилган бўлса, бу аёлга нима деб жавоб бериш мумкин?

Генетик масалаларнинг ечилиши баённомалар дафтарига қуйида-ти шартли белгиларни ишлатиб ёсилади.

x^h – X- хромосомада жойлашган гемофилия рецессив гени;

x^c – X – хромосомада жойлашган дальтонизм (ранг кўрлиги) рецессив гени;

A^P – аутосомада жойлашган полидактилия доминант гени;
 $J^0 J^0$ – I қон гуруҳи генотипи;
 $J^a J^a$ – гомозигот II қон гуруҳи генотипи;
 $J^a J^0$ – гетерозигот II қон гуруҳи генотипи;
 $J^B J^B$ – III қон гуруҳи генотипи (гомозигот);
 $J^B J^0$ – III қон гуруҳи генотипи (гетерозигот);
 A^I – аутосомада жойлашган гунг рецессив гени;
 A^P – аутосомада жойлашган фенилкетонурия рецессив гени.

Интеграция амалга оширилиши лозим бўлган фанлар

1. Рентгенорадиология.
2. Болалар ва ички касалликлар пропедевтикаси.
3. Невропатология.

4 - МАШГУЛОТ

Мавзу: ҲУЖАЙРА ШИКАСТЛАНИШИ

Машгулот мақсади. Талаба қуйидагиларни билиши керак:

- 1) ҳужайра шикастланиши сабаблари ва умумий механизмларини, ҳужайра шикастланишининг специфик ва носпецифик кўришишини, ҳужайра айrim органеллари тузилиши ва функциясининг бузилишини, шикастловчи таъсиротларда ҳужайралар ҳимоя ва адаптация механизмларини;
- 2) бақада ўtkазилган экспериментда кардиомиоцитлар шикастланишида мембранадаги ионлар жараёнлари ролини кўрсата билишни;
- 3) атроф-муҳит шикастловчи омилларининг бир қужайрали организмлар (инфузория) функционал ҳолатига таъсирини аниқлашни;
- 4) буйрак некронефрози гистопрепарати мисолида шикастланишда морфологик ва функционал ўзгаришларининг ўзаро боғлиқлигини аниқлашни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Ҳужайра нима?
2. Ҳужайра қайси компонентлардан иборат?

3. Ҳужайра органеллалари нима ва уларнинг турлари?
4. Биринчи марта ҳужайра тўғрисида ёзган, ўсимлик ва ҳайвонлар ҳужайрасининг тузилишини кашф қилган ва илмий тизим – ҳужайра патологияси назариясини яратган олимлар номларини айтинг.
5. Ҳужайра ядроси функцияси.
6. Цитоплазма қобиги, тузилиши ва функцияси.
7. Эндоплазматик тур функцияси.
8. Гольджи комплексининг роли.
9. Лизосома ва пероксисома функцияси.
10. Митохондрия роли.
11. Ҳужайра номемброноген органеллалари роли.
12. Митоз нима ва унинг босқичлари.
13. Ҳужайра насоси нима? Калий – натрий насоси ишининг моҳияти.

Мустақил тайёрланиш учун курсатмалар

Асосий адабиётлар:

- Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. – М.: Медицина, 1980, с. 32- 50.
- Патологическая физиология /Под ред. чл. – корр. АМН СССР Н. Н. Зайко. – 2-е изд. перераб. и доп. – Киев: Вища школа, 1985, с. 122 – 132.
- Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада – Х, 2002, с. 16-44.
- Н. Х. Абдуллаев, Х. Ё. Каримов /Патофизиология, Т.: Абу Али Ибн Сино номидаги тибиёт нашриёти, 1998, б. 93 -105.

Кўшимча адабиётлар:

- Авцын А. А., Шалимов В. К. Ультраструктурные основы патологии клетки. – М., 1979.
- Алмазов И. В., Сутулов Л. С. Атлас по гистологии и эмбриологии. – М.: Медицина, 1978.

Асосий ўкув саволлари

1. Ҳужайра шикастланишини чақирувчи сабаблар.
2. Ҳужайра шикастланишининг умумий механизмлари (ҳужайрага шикастловчи агентларнинг бевосита, билвосита таъсири).
3. Шикастланган ҳужайра функциясининг бузилиши.
4. Ҳужайра шикастланишининг специфик ва носпецифик намоён бўлиши.
5. Ҳужайра айрим органеллалари тузилиши ва функциясининг бузилиши.
6. Шикастловчи таъсиротларда ҳужайра ҳимоя ва адаптация механизmlари.

Аннотация

Хужайра шикастланиши патоген омил билан организм ўзаро таъсириниң бирламчи оқибати, касалликнинг элементар таркибий қисми ҳисобланади.

Хужайра шикастланишининг сабаблари:

— физик омиллар: осмотик босимнинг ўзгариши; ҳароратнинг ўзгариши; механик таъсиротлар; ионловчи, ультрабинафша, инфракизил ва бошқа нурлар таъсири;

— кимёвий омиллар: заҳарланиш чақириши мумкин бўлган экзоген ва эндоген токсик моддалар, доривор препаратлар таъсири; кислород ва оксидланиш субстратларининг кўп бўлиши ёки етишмовчилиги; физиологик фаол моддалар — медиаторларнинг (гистамин, брадикинин ва б.к.) таъсири;

— биологик омиллар: организмга, хужайрага ўзларининг токсинлари билан таъсир қилиувчи бактериялар, паразитлар, вируслар;

— хужайра шикастланишида иммун жараёнларининг роли;

— хужайра қаришининг роли.

Хужайра шикастланишида асаб тизими трофик функциясининг бузилиши, узоқ давом қиласидаги ҳаракатсизлик ва бошқа омиллар муҳим аҳамиятга эга.

Хужайра шикастланишининг юзага келиши ва умумий механизмила-ри. Хужайра шикастланиши ҳар хил бўлиши мумкин, чунки у ҳар хил шикастловчи агентларга боғлиқ бўлади. Хужайрага шикастловчи омилларнинг таъсири тўғридан-тўғри, билвосита, бавосита бўлиши мумкин. Буни ионловчи радиация мисолида кузатиш мумкин. Тўғридан-тўғри таъсир бу радиациянинг тўқима моддаси молекуласига таъсири; билвосита таъсир — эритувчининг (сув) молекуласига таъсири; бавосита таъсир — нурланган организмнинг нурланмаган қисмига нейрогуморал ўзаришлар орқали таъсири.

Хужайра шикастланганда унинг функцияси бузилади. Организмнинг ҳамма хужайраларига хос бўлган ва ихтисослашган функциялар фарқ қилинади.

Ихтисослашган функциялар айрим хужайраларгагина хос. Масалан асаб хужайраларига кўзғалиш, сигналларни қабул қилиш ва узатиш, мушак тўқимаси хужайраларига — қисқариш жараёни, эндокрин тизим хужайраларига гормонлар — ишлаб чиқариш ва ҳ.к. хос. Хужайранинг умумий функцияларига модда алмашинуви жараёни ва унинг атроф-муҳит билан алоқаси; энергия (АТФ шаклида) қабул қилиш ва утилизация қилиш; генетик информацияни сақлаш, ўтказиш ва уни амалта ошириш; моддалар синтезланиши ва хужайра ичи парчаланишлари киради.

Моддалар алмашинуви жараёни ва атроф-муҳит билан ўзаро боғлиқликнинг бузилиши, биринчидан ташки хужайра мембранныси шикастланиши билан боғлиқ; хужайра ҳажмининг катталашиши, хужайра насослари ишининг бузилиши, натрий ва калий концентрациясининг ўзгариши (хужайра калийни йўқотади ва натрий туплади) содир бўлади; иккинчидан, хужайра рецептор аппаратининг бузилиши билан боғлиқ, бу хужайралараро ўзаро муносабатларнинг бузилишига (масалан, ўсма хужайраларида хужайра ўсиши контактли тормозланишининг бўлмаслиги) олиб келади. Энергия ҳосил бўлиш жараёнининг бузилиши митохондриялар шикастланиши билан боғлиқ оксидланиш ва фосфорланиш бир-биридан ажралади. Цитоплазма ва ядрода эркин радикалли жараёнлар юзага келади. Натижада хужайранинг ҳамма компонентлари – нуклеин кислоталари, оқсиллар, липидлар – шикастланади.

Генетик информация сақланиши ва ўтказилишининг бузилиши. Хужайра ядроси, умуман унинг нормал функция қилиши, хужайра иши координацияси, информация сақланиши ва хужайра бўлиннишида генетик материал узатилишини таъминлайди. ДНК репликацияси, РНК транскрипцияси жараёнлари ҳар хил нурланиш, кимёвий моддалар, вируслар ва б.к. патогенлар таъсирида бузилади. Митотик бўлинниш давомида ҳар хил шаклии хромосома aberrацияси (делеция, транслокация ва б.к.) содир бўлиши мумкин. Натижада хужайра ўлади ёки хавфли ўсма хужайрасига айланади. Ўсма ўсиши жараёнда хужайра пролиферациясини назорат қилувчи генлар мутацията учрайди. Хужайра шикастланиши ядронинг бужмайиши – пикноз, ядронинг ёрилиши – кариорексис, емирилиши – кариолизис, ядронинг шишиши, ҳар хил киритмаларнинг (гликоген, ёғ, пигментлар) пайдо бўлиши сифатида намоён бўлиши мумкин; ядро қобиги ва ядроча ҳам ўзгаради. Синтез жараёнининг бузилиши генетик ахборотни ДНК молекуласидан РНК молекуласига транскрипция қилинишида, унинг трансляциясининг (т–РНК, рибосома) бузилиши, посттрансляция ўзгаришлари (синтезланган молекула қисмларининг ажралиши) ва оқсилларнинг хужайрадан ажралиши шаклида ифодаланади. Масалан, дифтерия интоксикацияси трансляциянинг бузилиши натижасида кардиомиоцитларнинг шикастланишига, заҳарли қўзиқоринлар билан заҳарланиш транскрипциянинг бузилишига (РНК ферменти – полимераза шикастланади) олиб келади. Хужайрада одатда учрамайдиган оқсилларнинг (амилоид ва б.к.) пайдо бўлиши синтез жараёнларининг бузилиши билан боғлиқ.

Парчаланиши жараёнларининг бузилиши. Моддалар парчаланишини амалга оширувчи ихтисосланган органеллалар лизосомалар ҳисобланади, улар кўп микдорда ҳар хил ферментлар ушлайди. Лизосомалар ҳам хужайра хусусий моддалари ва айрим қисмларини, ҳам хужайра томонидан фаго – ва пиноцитоз жараёнда ютилган моддаларни емиради. Парчаланиш жараёнининг бузилишлари унинг камайиши ва кучайиши

сифатида намоён бўлади. Парчаланишнинг пасайиши ферментлар тизимининг наслий ёки ортирилган дефекти билан боғлиқ. Бунда организмнинг яшаш қобилияти бўлмасдан ўлиши мумкин ёки организм ҳужай-раларида — гепатоцитлар, нейронлар, фибробластлар ва б.к. ҳар хил шаклдаги дистрофиялар ривожланади, оқсил, ёғ, карбонсуви маҳсулотлар, пигментлар ва ҳ.к тўпланади. Парчаланишнинг қучайиши ҳужайра органеллаларида липидлар переоскидланишининг ошиши билан боғлиқ. Бу лизосомаларнинг шикастланишига ва лизосомал ферментларнинг ажралишига олиб келади. Гипоксия, ҳужайра ичи pH нинг кескин ўзгаришида, нур билан ва бошқа хил шикастланишларда учрайди.

Ҳужайра шикастланишининг специфик ва носпецифик намоён бўлиши. Специфик шикастланиш шикастловчи агентларнинг хусусиятлари, хоссаларига боғлиқ. Масалан иммунологик жароҳат нишондаги ҳужайра мембраннынинг шикастланишидан бошланади. Радиацион — ядро тузилишининг бузилиши ва эркин радикаллар ҳосил бўлишидан бошланади. Цианиллар билан заҳарланиш — нафас ферментлари жойлашган митохондриялар шикастланишидан бошланади. Термик жароҳатланиш учун оқсил — липоид тузилмаларининг коагуляция ва денатурацияланиши хос.

Ҳужайранинг носпецифик шикастланиши шикастловчи агентнинг хусусиятига боғлиқ бўлмаган умумий носпецифик ўзгаришлар билан намоён бўлади. Буларга оқсиллар денатурацияси, конформацион ўзгаришлар, ҳужайра қобиги ўтказувчанигининг бузилиши, шиш, мембрана потенциалининг ўзгариши, ҳужайрадан калий ионларининг ажралиб чиқиши, ҳужайра ичи ацидози, электр ўтказувчанигининг ошиши, ҳужайра сорбцион хусусияти, шикастловчи медиаторларнинг кўпайиши ва б.к. киради.

Ҳужайра органеллалари тузилиши ва функциясининг бузилиши куйидагилар:

— митохондриялар шикастланиши — инфекция, интоксикацияларда учрайди, натижада бўкиш содир бўлади, у митохондрия қобигининг ёрилишига, сўнг митохондриянинг парчаланишига олиб келади. Бўкиш натижасида вакуолалар ҳосил бўлади, ҳужайра контурлиги (шакли) бузилади. Ферментатив фаоллик сақланиши мумкин;

— лизосомалар шикастланиши — гидролитик ферментларнинг ажралиши билан тавсифланади, бу ҳужайра цитоплазмасининг шикастланишига ва ҳатто ўлишига олиб келади;

— рибосома ва эндоплазматик ретикулум шикастланиши. Асосий сабаблар инфекция ва интоксикация ҳисобланади. Заҳарловчи моддалар таъсирида эндоплазматик тўрда токсик агентларни заарсизлантирувчи янги фермент тизимлари ҳосил бўлади. Эндоплазматик ретикулум шикастланиши қувурчалар, пуфаклар ва цистерналарнинг (ховузчалар) ёрилиши, эндоплазматик тўр конфигурациясининг ўзгариши ва рибосомалар сонининг камайиши билан тавсифланади.

Машғулотда бажариладиган амалий ишлар ва ўзлаштирилиши лозим бўлган амалий кўнікмалар билан танишиш

1-иш. Кардиомиоцитлар шикастланишида мембранадаги ионли жараёнлар ролини ўрганиш.

Ҳаракатсизлантирилган бақа тахтачага қорни юқорига қаратиб маҳкамланади, юрак очилади, эҳтиётлик билан перикард олиб ташланади. Кимографда юрак қисқариши эгри чизифи ёзилади, сўнг қоринчалар олдинги юзасига строфантин билан ҳўлланган кичкина пахта тампони қўйилади ва 3 – 5 дақ. дан кейин юрак қисқариши регистрация қилинади, юрак қисқариш амплитудаси ва тезлиги ўзгариши кузатилади.

2-иш. Буйрак некронефрози гистопрепаратида ҳужайра шикастланиш белгиларини ўрганиш.

Буйрак некронефрози гистопрепаратини ўрганишида коптоқча капиллярлари босилган ҳолатда эканлиги, Боумен – Шумлянский қобиги оралиги кенгайланлигига эътибор қилинади. Каналчалар эпителий ҳужайралари бузилган, уларнинг ўрнига каналчалар деворини пушти ранг гомоген масса қоплаган. Айрим жойларда эпителий ҳужайралари сақланган. Каналчалар бўшлиги кенгайлан, уларда ўлган ҳужайралар ва некроз маҳсулотлари кўп. Кузатишлар натижалари баённома дафтарига ёзилади ва расми чизилади, хуросалар шакллантирилади.

3-иш. Ташқи муҳит омилларининг оддий ҳайвонлар ҳаракатчанилигига шикастловчи таъсирини ўрганиш.

2 та ўйиқли буюм шишиаси олинади, уларнинг ҳар бирига бир томчидан инфузорий культураси томизилади. Микроскопнинг кичик катталаштиргичида оддий ҳайвонлар ҳаракатчанилиги ўрганиллади. Шишиларнинг биттасига бир томчи 1% ли панкреатин эритмаси, иккинчисига бир томчи суюлтирилмаган ўт томизилади. 1 – 2 дақ. дан кейин инфузорий ҳаракатчанилиги кузатилади. Натижа баённома дафтарига ёзилади.

Жиҳозлар: бақалар, кимограф, шишадан ясалган перо, серфинклар, тахтачалар, қайчилар, пинцетлар, ампулали строфантин, инфузорий культураси, ўйиқли шиша, микроскоплар, 1% ли панкреатин эритмаси, хўқиз ўти, пипеткалар.

АУДИТОРИЯ ИШИ

Мавзуми оғзаки муҳокама қилиш. Амалий ишларни мустақил бажариш ва амалий кўнікмаларни ўзлаштириш

Кўрсатилган ишлар бажарилади. Талаба бақа юраги препаратини мустақил тайёрлашни, кардиомиоцитлар функционал ҳолатидан келиб чиқсан ҳолда юрак механограммаси ўзгаришини тўғри таҳлил қилишни билиши керак. Шунингдек у шикастловчи омилларнинг

бир ҳужайралы ҳайвонлар – инфузориялар ҳаракат фаоллигига таъсирини аниқлаш, некронефроз мисолида ҳужайра шикастланиши функционал ва морфологик ўзгаришларини қиёслаш хусусиятига эга бўлиши керак.

Эксперимент баённомалари ва хуносаларини ёзиш

Талаба мустақил равишда эксперимент баённомаларини тузади ва амалиёт ишлари натижаларига асосланиб хуносаларни шакллантиради.

Вазиятли масалаларни ечиш

1-масала. Нейрожарроҳлик клиникасига бош суяги ва унинг юмшоқ тўқималари шикастланган бемор олиб келинган. Қабул қилинганда беморнинг аҳволи ўртача оғирлиқда. Бир неча соат ўтгандан кейин унинг аҳволи жиддий оғирлашган, бош суяги ичи босими кўтарилиш белгилари кузатилган. Ҳаётини сақлаб қолиш учун бош суяги трепанация қилинган, ундан сўнг беморнинг аҳволи яхшиланган. Ҳужайралар шикастланиш динамикасидан келиб чиқкан ҳолда касаллик симтомларининг ривожланиш механизми, ҳамда ўтказилган даво тадбирлари эффекти механизмини тушинтиринг.

2-масала. Шифокорнинг амалий фаолиятида аъзолар ва тўқималарни кўчириб ўтказиш иши билан шуғулланишига тўғри келади ва бунинг учун консервирланган тўқималар (қон, кўз мугуз пардаси, суяқ, буйрак ва ҳ. к.) кўлланилади. Қандай йўл билан муваффақиятли равишда тўқима кўчиришни таъминлаш мумкин? Қандай қилиб консервирланган аъзо, тўқима ва ҳужайраларнинг яшаш қобилиятини аниқлаш мумкин?

Интеграция амалга оширилиши лозим бўлган фанлар

1. Патологик анатомия.
2. Умумий жарроҳлик.

5 - МАШГУЛОТ

Мавзу : МИКРОЦИРКУЛЯЦИЯ БУЗИЛИШЛАРИ

Машгулот мақсади. Талаба қўйидагиларни билиши керак:

1) микроциркуляция бузилишларининг асосий шакллари, ривожланишининг сабаблари ва механизmlари («сладж» феномени, микротомирлар обтурацияси, капилляротрофик етишмовчилик)ни;

2) бақала ўткір тажрибада «сладж» - феномени ва томир девори ўтказувчанлиги бузилишини чақырыш, микроциркуляция бузилиши оқибатларини таҳлил қилишни;

3) бақа тили препарати тайёрлаш күнікмасини ва юрак ичига инъекция қилиш техникасини әгаллашни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бүйіча заминий билимлар даражасини текшириш

1. «Микроциркуляция ўзани» термини нимани ифодалайди?
2. Капилляр ўзи нима, уларнинг ўлчами ва функцияси?
3. Капилляр деворининг тузилиши.
4. Гистогематик барьер, капилляр базал мемранаси нима, унинг тузилиши ва хусусиятлари?
5. Функция қиладиган, функция қымайдиган ва плазматик капилляrlар нима?
6. Капилляrlар ўтказувчанлиги нимага боғлиқ?
7. Капилляrlарда модда алмашинуви учун яхши шароитлар нима билан таъминланади?

Мустақил тайёрланиш учун курсатмалар

Асосий адабиётлар:

Патологическая физиология /Под ред. чл. – корр. АМН СССР Н. Н. Зайко- 2- е изд., перераб. и доп. – Киев: Вища школа, 1985, с. 182–192.

Н.Х. Абдуллаев, Х. Ё Каримов /Патофизиология. Т.: Абу Али ибн Сино номидаги тиббиёт нашириёти, 1998, б. 122–129.

Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада – X, 2002, с. 165 – 183.

Күшпимчай адабиётлар:

Овсянников В. Г. Патологическая физиология (типовые патологические процессы). – Ростов – на – Дону, 1987, с. 19–25.

Чернух А. М. Микроциркуляция. – М.: Медицина, 1975.

Асосий ўқув саволлари

1. Микроциркуляция бузилишлари – патологиянинг асосий бўлимларидан бири. Микроциркуляция муаммоларини ўрганишда олимлар хиссаси.

2. Микроциркуляциянинг тигли (нусхали) бузилишлари (томир ичи, томирлар девори ўзгариши билан боғлиқ, ва томир ташқари-сидаги), сабаблари ва механизmlари.

3. Қоннинг реологик хусусиятларининг ўзгаришлари.
4. Микротомирлар бутунлиги ва ўтказувчанлигининг ўзгаришлири. Биологияк фаол моддаларнинг роли.
5. «Сладж» - феномени, намоён бўлиши, сабаблари, ривожланиш механизmlари, сладж турлари. Капилляр (чин) стази.
6. Тромбоцитлар агрегацияси, диссеминирланган томир ичи қон ивиши (ДВС).
7. Капилляртрофик етишмовчилик.
8. Лимфодинамиканинг типли бузилишлари.

Аннотация

Микроциркуляция ҳаёт учун зарур бўлган тўқима гомеостазини таъминлайди. Микроциркуляция бузилишлари сув, тузлар, озиқа моддалари, газлар, қон ва тўқималар орасида маҳсулотлар алмашинувининг транскапиляяр бузилишлари билан тавсифланади. Микроциркуляция муаммоларини ўрганиш ва унинг мухим масалаларини ишлаб чиқишида А. М. Чернух (1975) ва В. В. Куприяновларнинг (1975) ҳиссаси ниҳоятда катта.

Микроциркулятор ўзаннинг асосий қисми бўлиб, диаметри 100 мкм дан юқори бўлмаган артериолалар, прекапиллярлар (прекапилляр артериолалар), капиллярлар, посткапиллярлар (посткапилляр венулалар), артериоловенуляр анастомозлар, лимфатик микротомирлар ҳисобланади.

Микроциркуляциянинг типик бузилишлари томир ичи, томир девори ва томир ташқарисидаги бузилишларга бўлинади. Томир ичи бузилишлари қоннинг реологик хусусияти, қон оқиш тезлигининг ўзгаришлари, қоннинг коагуляция хусусиятининг бузилишлари ва ҳ.к. билан боғлиқ.

Реология – суюқликларни, шу жумладан қоннинг ҳам, оқиш қонуниятлари тўғрисидаги фандир. Гемореология ҳужайра элементлари, плазма шаклининг ўзгариши, оқувчанлиги ва уларнинг микротомирлар девори билан муносабатини ўрганади.

Қоннинг реологик хусусияти, яъни оқувчанлиги кўпгина параметрларга: эритроцитлар ва бошқа шакли элеменлар миқдори, уларнинг шакли ва ўлчами, шакл ўзгартириш қобилияти, бир—бири ва микротомир девори билан ўзаро таъсири томирларнинг ўлчами ва механик хусусияти, оқсиллар миқдори ва сифати, шакли элеменлар агрегатлари, сладжлар, тромблар, эмболлар бўлиши ва б.к. га боғлиқ. Факат у омиллар қоннинг динамик ёпишқоқлик хусусиятини шакллантиради. Унинг ортиши ёки камайиши билан боғлиқ ҳолда қоннинг томирлардаги ҳаракати ёмонлашиши ёки яхшиланиши мумкин.

Қоннинг оқиши тезлиги унинг ёпишқоқлиги, томир ўлчами, қон босимининг катта-кичиклигига боғлиқ. Қон оқиши тезлигининг ҳажмли ва чизиқли тезлиги фарқ қилинади. Ҳажмли тезлик томирда ҳам артериовеноз босим фарқига ($Pa - Pv$), ҳам томир ўзани қаршилигига (R) боғлиқ. Артериовеноз босим фарқи (ΔP) қанча кўп бўлса ва қон оқишига қаршилик (R) кам бўлса, қон айланиши шунча жадалроқ бўлади. Қон оқишининг чизиқли тезлиги ҳажмли тезликнинг ҳамма капиллярлар ўзани кесими майдонига нисбати билан аниқланади. Қоннинг коагуляцион хусусиятлари унинг ивитувчи ва ивишга қарши тизимига боғлиқ.

Микроциркуляциянинг томир ичи типли бузилишларининг асосий феномени «сладж» — феномени ҳисобланади (анг. sludge — қуюқ лой, ботқоқ, балчиқ). Нормада томирларда қон оқиши узлуксиз, гомоген бўлади. Сладжда томирларда агрегатлар — қоннинг шаклли элементлари (эритроцитлар, лейкоцитлар, тромбоцитлар) дан иборат йигинди ҳосил бўлади. Агрегатлар ҳар хил шаклда, ўлчамда ва қаттиқликда бўлади. Сладж асосида қоннинг шаклли элементларининг (асосан эритроцитларнинг) чин агрегацияси ётади. Сладж қайтар ва қайтмас бўлиши мумкин. Қайтмас сладж агглютинация, яъни ҳужайра қобигининг шикастланишига олиб келувчи эритроцитларнинг бир-бирига ёпишиши билан тавсифланади.

Сладж сабаблари: эритроцитлар электрик зарядининг ўзгаришлари (нормада у манфий), қоннинг қуюқлашиши – гемоконцентрация, қон оқишининг секиналашиши. Сладж турлари: классик, декстран, аморф. Классик тури қирғоқлари нотекис эритроцитлар бир-бирига зич жойлашган йирик агрегатлар ҳосил бўлиши билан тавсифланади, лигатура қўйилганда ва қон оқишига тўқсинглик қилувчи ҳолатларда: куйиш, совқотиш ва бошқа патологик жараёнларда юзага чиқади.

Декстран сладж организмга декстран (молекуляр оғирлиги 250 000 – 500 000) қўйилганда учрайди. Агрегатлар ҳар хил ўлчамда, юмалоқ шаклли, эритроцитлар бир-бирига зич жойлашган бўлади.

Аморф сладж доначаларга ўхшаш жуда кўп миқдордаги майда агрегатлар ҳосил бўлиши билан тавсифланади. Улар бир неча ўнлаб ёки юзлаб эритроцитлардан ташкил топган. Экспериментда томир ичига этил спирти, тромбин, серотонин, норадреналин юбориб чакриш мумкин.

Эритроцитлар агрегацияси чин ёки капилляр стаз асосини ташкил қиласди. Эритроцитлар агрегацияси натижасида микроциркуляциянинг бузилишлари микротомирларнинг парциал ёки тўлиқ обтурацияси (бекилиши) шаклида намоён бўлади ва бу аъзолар ва тизимлар метаболизми ва функциясининг ишдан чиқишига олиб келади. Сладжнинг охирги босқичларида юзага келадиган аъзолар ва тўки-

малар трофик таъминланишининг бузилиши — капилляр- трофик етишмовчилик дейилади.

Тромбоцитлар агрегацияси диссеминирланган томир ичи қон ивишига (ДТИ) олиб келиши мумкин. ДТИ қоннинг кучли ивиши жараёнида қон ивиш омилларининг — прокоагулянтларнинг ортиқча сарфланиши, сўнгра қон ивиш омиллари танқислиги ривожланиши туфайли тез-тез қон кетиш билан тавсифланади.

Томирдаги микроциркуляция бузилишлари томир девори орқали моддалар транспорти фаол ва пассив механизми бузилишлари билан ифодаланади. Пассив механизм (ультрафильтрация ва диффузия) концентрацион ва электрокимёвий градиент орқали таъминланади. Моддалар фаол транспорти энергия концентрация градиентига қарама-қарши равишда сарф бўлиш орқали амалга оширилади. Патологияда томир девори орқали моддалар транспортининг кучайиши нафақат қон оқишининг жадаллашиши шунингдек микротомирлар ўтказувчанлигининг ошиши, улар девори бутуњлигининг механик шикастланиши билан ҳам боғлиқ. Эндотелиоцитлар орасидаги кенгайган бўшлиқдан йирик молекулали заррачалар, оқсиллар чиқиши мумкин. Кўринарли даражада шикастланмаган томир девори орқали эритроцитларнинг чиқиши эритроцитлар диапедези дейилади. Томир деворининг қўйолпроқ структуравий бузилишларида микроқон қўйилишлар кузатилади. Томир девори ўтказувчанлигининг ошишида биологик фаол моддаларга, кислород танқислиги, ацидоз, шунингдек протеаза ёки кининларга муҳим рол берилади.

Томир ташқарисидаги бузилишлар: 1) шикастловчи омилларга нисбатан томир атрофидаги бириттирувчи тўқима базофиллари реакцияси, ҳамда хужайра лизосомаси шикастланиши ва протеолитик ферментлар фаоллашиши. Базофиллар дегрануляцияси натижасида ҳосил бўлувчи биологик фаол моддалар ва ферментлар қоннинг реологик хусусиятларига таъсир қиласи, вазоконстрикция ёки вазодилатация чақиради, томир девори ўтказувчанлигини ўзгартиради (гистамин, серотонин), лизосомал протеазалар эса базал қобиқ деструктив ўзгаришларини чақиради; 2) томир девори орқали интерстициал суюқлик ва унда зриган моддалар транспортининг ўзгариши. Томир деворига қоннинг гидродинамик босимининг ошиши транссудациянинг кучайишига ва тўқимада суюқлик тўпланишига олиб келади. Қон онкотик босимининг камайиши ҳам интерстицияда суюқлик сақланишига ва шиш ривожланишига олиб келади. Бунга бирламчи ва иккиласмчи альдостеронизмда организмда натрийнинг ушланиши ҳам ёрдам беради. Томир ўтказувчанлигининг кескин ошиши рўй берётган ўзгаришларни чукурлаштиради ва шишнинг мемброноген механизмига сабаб бўлади. Тўқима коллоид — осмотик босимининг ошиши тўқималар орасидаги суюқлик резорбциясини ка-

майтиради. Лимфатик тизим етишмовчилиги ривожланади. Шундай қилиб, лимфатик тизим етишмовчилиги асосида транссудация ва резорбцияларнинг бузилиши ётади. Ҳосил бўлиш механизмларига кўра механик, динамик ва резорбцион лимфа айланиши етишмовчиликлари фарқ қилинади.

Машғулотда бажариладиган амалий ишлар ва ўзлаштирилиши лозим бўлган амалий кўнилмалар билан танишиш

1-иши. «Сладж» феноменининг ривожланиши ва бақа тили препарата қон айланишининг бузилишлари.

Бақа тилида «сладж» феномени.

Ҳаракатсизлантирилган бақа тахтачага қорни юқорига қаратиб маҳкамланади. Юрак очилади ва перикард эҳтиётлик билан олиб ташланади. Юракка унинг фаолиятини кучайтириш учун 3 томчи 0,1% ли адреналин эритмаси томизилади. Кейин бақа орқасини юқорига қаратиб ағдарилади. Пинцет билан оғзи очилиб, ҳўлланган тилни бироз тортган ҳолда тўғриланади. Препарат таёrlанаётганда тил ортиқча тортилмаслиги ва пастки жағ билан бир текисликда туришига эътибор бериш зарур. Микроскопнинг кичик катталаштиргичида бақа тили томирларида нормал қон айланиши кузатилади. Тил препарата нинг майдо томирлар жойлашган ва капилляр қон айланиши яхши кўринадиган дистал қисмини танлаш керак. Бақа орқа оёқлари билан сал кўтарилиб юрак қоринчасига 0,25 – 0,30 мл 15% ли этил спирти эритмаси (секинлик билан!) юборилади. Шу кўриш майдонида 20 – 30 дақ. давомида қон оқиши ҳолатининг аста-секинлик билан ўзгариши ва «сладж» феномени босқичлари кузатилади.

2-иши. Ксилол таъсирида микроциркуляция ўзан томирлари ўтказувчанилигининг ўзгариши.

Ҳаракатсизлантирилган бақада юрак очилади ва тил препарати тайёрланади. Кўриш орқали ва микроскоп остида қон айланиши ҳолати тил препарати ранги кузатилади, ундан кейин дистал қисм юзасига, унинг четларидан бирига яхшилаб (сочилиб кетмаслиги учун!) 1 – 2 томчи 0,1% ли ксилол эритмаси томизилади. 2 – 3 дақ. дан кейин бақа орқа оёқлари билан сал кўтарилидади ва юрак қоринчасига 0,25 мл метил кўкиннинг 1% ли эритмаси юборилади. Микроскоп остида ва визуал артерияларда бўёқ пайдо бўлиши ва тил тўқимасининг асосан ксилол томизилган жойида интенсив бўялиш кузатилади.

Жиҳозлар: бақалар, микроскоплар, тахтачалар, қайчи, пинцет, игна тўғнағиҷлар, шприц, 0,1% ли адреналин эритмаси, кўз пилеткалари, 15%ли этил спирти эритмаси, 0,1% ли ксилол эритмаси, 1% ли метил кўки эритмаси.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнгилмаларни ўзлаштириш

Кўйидаги ишлар бажарилади:

- 1) «сладж» феноменининг ривожланиши ва бақа тили препарата қон айланишининг кейинги бузилишлари;
- 2) ксиол таъсирида микроциркуляция ўзани томирлари ўтказувчанлигининг ўзгариши.

Талаба: 1) бақа тили препаратини тайёрлашни, 2) юрак ичига препаратлар юборишни, 3) бақа тилида «сладж» — феномени ва томир ўтказувчанлигининг бузилиш феноменини чақиришни билиши керак.

Эксперимент баённомаси ва хуносаларини мустақил ёзиш

Вазиятли масалаларни ечиш

1-масала. Бемор шифохонага ўнг кўлининг катта бармоғидан қон кетиши билан олиб келинган. Анамнезидан маълум бўлишибча bemor бармоғини бехосдан кесиб олган. Қон кетишини уйдаги воситалар билан (йод, қаттиқ қилиб боғлаш) тўхтатиш мумкин бўлмаган. Шу билан бирга bemor илгари ҳам, унда ҳатто унча кучли бўлмаган кесилиш ва лат ейишларда қонни тўхтатиш қийин бўлганлигини маълум қилган.

1. Бу ҳолатда микроциркуляциянинг қайси бузилишлари мавжуд?
2. Бу патологиянинг механизми тўғрисида тахминан нима дейишингиз мумкин?

2-масала. Панжаси шишган bemor шифохонага олиб келинган. Панжа ҳажми соғлом қўй панжасига қараганда икки баробар катталашган. Тери таранглашган ва кўкимтир тусда. Анамнездан маълум бўлишибча бир кун олдин уни ари чақдан. Ари чақдандан 40 дақ. кейин олдин унча катта бўлмаган, кейин катталашиб борувчи панжа шиши пайдо бўлган. Шиш 1 кундан кейин ҳам ўтиб кетмаган, тери эса кўк тусга кирган.

1. Бу ҳолатда микроциркуляциянинг қайси ўзгаришлари устунлик қилган?
2. Кузатилган патологиянинг механизми нимадан иборат?

Интеграция амалга оширилиши лозим бўлган фанлар

Патологик анатомия.

6 - МАШГУЛОТ

ҚОН АЙЛANIШИННИГ МАҲАЛЛИЙ БУЗИЛИШЛАРИ. I Мавзу : АРТЕРИАЛ ВА ВЕНОЗ ГИПЕРЕМИЯ

Машгулот мақсади. Талаба қуйидагиларни билиши керак:

- 1) артериал ва веноз гиперемияларнинг келиб чиқиш сабаблари, ривожланишнинг умумий механизmlари ва организм учун аҳамиятини; аъзо ва тўқималарда артериялар орқали кўп микдорда қон оқиб келиши (артериал гиперемия) ва веналардан қон оқиб кетишнинг қийинлашиши (веноз гиперемия) натижасида рўй берадиган қон айланиши бузилишларининг хусусиятини;
- 2) экспериментда қуён қулоги ва бақа тилида артериал ва веноз гиперемиялар нусхасини чақириш ва уларнинг макро – ва микроскопик намоён бўлишини таърифлашни;
- 3) регионар қон айланиши бузилишларининг маҳаллий ва умумий оқибатларини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Периферик қон айланиши нима?
2. Артериолаларнинг тузилиши, уларнинг диаметри ва функциялари.
3. И. М. Сеченов ифодасига биноан артериолалар қанақа томирлар ҳисобланади?
4. Томирларнинг базал тонуси нима? Унинг механизми нимадан иборат?
5. Периферик томирларнинг иннервацияси қандай амалга оширилади? Тоник импульсация нима?
6. Венулаларнинг тузилиши, уларнинг диаметри, функцияси нимадан иборат?
7. Вена томирларида қоннинг деполаниши учун шароит қандай яратилади?
8. Томир қисқартирувчи ва томир кенгайтирувчи эфектга эга бўлган гуморал моддаларни айтинг.

Мустақил тайёрланиш учун курсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. – М.; Медицина, 1980, с. 144 – 151.

Патологическая физиология /Под ред. чл. – корр. АМН СССР Н. Н. Зайко. –2-е. изд., перераб. и доп. – Киев: Вища школа, 1985, с. 162–168.

Н. Х. Абдулаев, Х. Ё. Каримов /Патофизиология. Т.: Абу Али ибн Сино номидаги тиббиёт нашриёти, 1998, б. 107–113.

Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада – X, 2002. с. 167–170, 179 – 182.

Қўшимча адабиётлар:

Овсянников В. Т. Патологическая физиология. Типические патологические процессы. – Ростов – на – Дону, 1987, с. 19–27.

Фролов В. А., Дроздова Г. А., Казанская Т. А., Билибин Д. П. Патологическая физиология (с патогенезом заболеваний стран тропического пояса). – М.: изд. – во ун – та Дружбы народов, 1987, с. 28–35.

Чеснокова Н. П., Берсудский С. О. Вопросы и ситуационные задачи по патологической физиологии. – Саратов, 1988.

Асосий ўкув саволлари

1. Маҳаллий қон айланиши бузилишларининг асосий шакллари.
2. Артериал гиперемиянинг турлари, сабаблари ва ривожланиши механизмлари.
3. Артериал гиперемиянинг ташқи белгилари ва микроциркуляциядаги ўзгаришлар.
4. Веноз гиперемия. Сабаблари, патогенези, ташқи белгилари.
5. Микроциркуляциянинг веноз гиперемияда ўзгаришлари.
6. Артериал ва веноз гиперемия оқибатлари.

Аннотация

Қон айланиши функционал белгиларига қараб тизимли (марказий) ва периферик (регионар) хилларга бўлинади. *Марказий қон айланиши* – аъзоларга қон етказилишини тъминлайди, қон босими-ни, циркуляциядаги қон миқдорини бир маромда сақладайди; *периферик қон айланиши* – транскапилляр алмашинувни тъминлайди, тўқи-ма гомеостазини сақладайди.

Маҳаллий қон айланиши бузилишларига артериал ва веноз гиперемия, ишемия, стаз, тромбоз ва эмболиялар киради.

Артериал гиперемия – Артериялар бўйлаб оқувчи қоннинг аъзо ва тўқималарга ортиқча оқиб келиши туфайли уларни қонга тўлиши – нинг кўпайишидир.

Артериал гиперемиянинг асосий звеноси – артериолалар кентайишидан иборат. *Физиологик* (ишчи) ва *патологик* артериал гиперемия фарқ қилинади. Сабаблари:

– физик омиллар (юқори ҳарорат, радиация, атмосфера босими-ning камайиши ва б.к.);

- кимёвий (ксилол, горчичник, скипидар ва б.к.);
 - механик (урилиш, лат ейиш, яралар);
 - биологик (микроорганизмлар ва б.к.);
 - рухий (газабланиш, уялиш, шодлик сезгиси ва ҳ.к.).
- Ҳосил бўлиш механизмига мувофиқ артериал гиперемия:
- нейротоник – томир кенгайтирувчи асаблар маркази ёки рецепторлари – вазодилататорлар таъсиранганда;
 - нейропаралитик – томир торайтирувчи асаб – вазоконстрикторинг кесилиши ёки ганглиоблокаторлар – кураресимон моддалар таъсири;
 - миопаралитик – томирларнинг силлиқ мушаклари фалажланishi (биологик фаол моддалар таъсири, ацидоз ва б.к.).

Артериал гиперемиянинг ташки белгилари: қизариш, маҳаллий ҳарорат кўтарилиши, аъзонинг катталашиши, майда томирлар пульсацияси, тўқималар тургорининг ошиши.

Микроиркуляция ўзгаришлари: қон оқишининг чизиқли ва ҳажмий тезлигининг ошиши, функция қилаётган капиллярлар сонининг ошиши, коллатералларнинг очилиши.

Артериал гиперемия оқибатлари: яхши (ижобий) тўқима функциясининг озиқланишининг кучайиши, банкалар ва горчичникларнинг чалғитувчи таъсири, салбий (ёмон) томир девори патологиясида уларнинг ёрилиши ва қон кетиши.

Веноз гиперемия – аъзо ёки тўқималарнинг, веналардан қон оқиб кетишининг қийинлашиши билан боғлиқ қонга тўлишининг ошишидир.

Сабаблари: веналарнинг ташқаридан (боғлаш, ўсма, ҳомилали бачадон ва ҳ.к. билан) қисилиши, вена томирларининг тиқилиши (тромб ёки эмбол билан), қон оқишининг секинлашиши (юрак, ўпка касалликлари), узоқ вақт ётиш, ўтириш, тик туриш.

Веноз гиперемия патогенезининг асосий звеноси: қоннинг нормал оқиб келишида, унинг қайтишининг қийинлашишидир. Ташки белгилари: кўкариш (цианоз), маҳаллий ҳароратнинг пасайиши, аъзонинг катталашиши (шиш).

Микроиркуляция ўзгаришлари: қон оқишининг чизиқли ва ҳажмий тезлигининг секинлашиши, силкинишли ва маятниксимон қон ҳаракати, очилган капиллярлар сонининг кўпайиши, венулалар ва майда веналарнинг кенгайини, коллатералларнинг очилиши.

Веноз гиперемиянинг асоратлари: тўқима озиқланишининг маҳаллий бузилишлари (шиш, гипоксия), бириткирувчи тўқима ўсиши ва аъзо атрофияси (мускат жигар, ўпка қўнғир индурацияси). Қон айланишларининг умумий бузилишлари ҳам бўлиши мумкин (масалан, дарвоза тизими венларida қон димланиши). Айрим ҳолатларда: яра битиши ва маҳаллий инфекцияли жараёнларда веноз гиперемия фойдали бўлиши ҳам мумкин.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш.

1-иш . Бақа тилида артериал гиперемия.

Бақа орқа миясини шикастлаш орқали ҳаракатсизлантирилади, тахтачага орқаси юқорига қаратиб ётқизилади. Эҳтиётлик билан тил ташқарига чиқарилади ва пробкали ромга тортилади. Тил томирлари топографияси ва уларда қон оқиши ўрганилади ва тилга I томчи ксилол томизилади. Ривожланган артериал гиперемия белгилари кузатилади. Баённома тузилади ва ўзгаришлар расмга олинади.

2-иш . Бақа тилида веноз гиперемия.

Шу бақа тилида артериялардан латералроқ жойлашган веналар икки томондан ҳам боғланади. Микроскоп остида веноз гиперемия кузатилади. Баённома тузилади ва расм чизилади.

3-иш . Куён қулогида артериал гиперемия.

Куён қулоги томирлари топографияси муҳокама қилинади. Кулоқнинг ўрта қисмида, артерия қирғоқларида веналар мавжудлиги аниқланади. Кулоқ терисига ксилол суртилади. Артериал гиперемия кузатилади. Баённома тузилади ва расм чизилади.

4-иш . Куён қулогида веноз гиперемия.

Куён қулоги ички томонига ёнбоши қирқилган пробка артерияга тўғрилаб жойлаштирилади. Кулоқ пробка устидан боғланади. Натижада вена томирлари қисилади. Веноз гиперемия ҳосил бўлади. Баённома тузилади ва расм чизилади.

Жиҳозлар: бақалар, микроскоплар, бақа учун тахтачалар, резин-калар, тўғнағичлар, игна ушлагичлар, игналар, лигатура, қайчилар, пинцетлар, қисқичлар, ёнбоши қирқилган пробка, бинт, пахта, ксилол, кўз пипеткалари.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Юқорида кўрсатилган ишлар бажарилади.

Талаба: 1) мустақил равишда бақа тили препаратини тайёрлаш, тил артерия ва вена томирларига лигатура қўйиш, ривожланадиган микроскопик ўзгаришларга баҳо беришни; 2) куён қулоги топографиясини; 3) куён қулогида артериал ва веноз гиперемияни чақиришни, уларнинг ташқи белгиларини муҳокама қилиш ва ривожлаши механизмини аниқлашни билиши керак.

Эксперимент баённомаси ва хуносаларни ёзиш

Талаба мустақил равишда экспериментта баённома тузади ва амалий ишлар натижаларига асосланган ҳолда хуносаларни шакллантиради.

Вазиятли масалаларни ечиш

I-масала. 53 ёшли, К. исмли бемор жигар циррози — асцит билан касалланган, қорин қорин бўшлиғида эркин суюқлик йигилиши туфайли катталашган. Қорин деворида веналар медуза боши кўрининшида кенгайган. Касалга қорин бўшлиғи пункцияси ўтказилган, 8 л суюқлик тортиб олинган, кейин беморнинг аҳволи тўсатдан ёмонлашган, боши айланган, хушдан кетиш ривожланган.

1) периферик қон айланишининг қайси бузилиши қорин бўшлиғида суюқлик тўпланишига олиб келганлигини; 2) қорин бўшлиғидан асцитик суюқликнинг тортиб олиниши периферик қон айланишининг қайси шаклининг ривожланишига олиб келганлигини, 3) хушдан кетиш ҳолатининг механизми нимадан иборатлигини, 4) бу тиббий манипуляцияда рўй берган асоратлар профилактикасининг эҳтимолий йўллари нимадан иборатлигини тушунтириб беринг.

2-масала. Куён бўйинининг чап томонида юқори симпатик тугун олиб ташланган ва чап қулоқни иннервация қиласиган асаб кесилган. Операциядан кейин қулоқлар териси ҳароратини ўлчаш натижаси денервацияланган томонда қулоқ териси ҳарорати интакт (ҳеч нима қилинмаган) томонга қараганда $1,7^{\circ}\text{C}$ га юқори эканлитини кўрсатди.

Денервациядан кейин қулоқ териси ҳарорати кўтарилишини тушунтириб беринг.

Интеграция амалга оширилиши лозим бўлган фанлар

1. Патологик анатомия.
2. Ички касалликлар ва болалар касалликлари пропедевтикаси.

7 - МАШГУЛОТ

ҚОН АЙЛANIШINING MAҲALLII BУZILIШLARI. II M a z u : ИШЕМИЯ. СТАЗ.

Машгулотнинг мақсади. Талаба қўйидагиларни билиши керак:

- 1) Ишемия ва стаз келиб чиқиши сабаблари ва механизмлари, уларнинг юзага келиши, турлари ва организм учун аҳамиятини билиши;
- 2) экспериментда бақа тилида ишемия ва стаз чақириш, уларнинг макро- ва микроскопик кўринишларини таърифлашни;
- 3) ишемия ва стазнинг умумий оқибатлари, коллатерал қон айланишининг ролини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Артериоловенуляр анастомозлар ёки шунтлар (боғламлар) нима, уларнинг диаметри ва хусусиятлари қандай?
2. Шунтлар турлари.
3. Шунтларнинг функционал вазифалари.
4. Коллатераллар нима, уларнинг роли?
5. Ангиоархитектоникасига кура коллатерал қон айланишининг етишимовчилигига эга аъзоларни айтинг.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. – М.: Медицина, 1980, с. 151-157.

Патологическая физиология /Под ред. чл.-корр. АМН СССР Н. Н. Зайко. -2-е изд., перераб. и доп. – Киев: Вища школа, 1985, с. 168-172.

Н. Х. Абдуллаев, Х. Ё. Каримов /Патофизиология. Т.: Абу Али ибн Сино номидаги тиббийёт нашариёти, 1998, №. 113-117.

Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада – X, 2002. с. 171-179.

Кўшимча адабиётлар:

Низовцев В. П. Пособие к практическим занятиям студентов по патологической физиологии. – Куйбышев, 1987.

Овсянников В. Г. Патологическая физиология. Типовые патологические процессы. - Ростов – на – Дону, 1987, с. 27-30.

Руководство по патологической физиологии /Под ред. Н. Н. Сиротинина. – М.: Медицина, 1966, т. 3, с. 252-264.

Асосий ўқув саволлари

1. Ишемия, турлари, сабаблари ва ривожланиш механизми.
2. Ишемиянинг ташқи белгилари; микроциркуляция ўзгаришлари.
3. Стаз, турлари, белгилари, ҳосил бўлиш ва ривожланиш механизми.
4. Ишемия ва стазда компенсатор жараёнлар; шунтланиш, коллатерал қон айланиши.

Аннотация

Ишемия, ёки маҳаллий камқонлик (юн. *ishei*n – тутиб қолмақ тўхтаб қолиш + *haima* – қон) — аъзонинг артериялар орқали қон оқиб келишининг камайиши билан боғлиқ камқонликдир. Асосий звеноси — артериал қон оқиб келиши учун қаршиликнинг ривожланиши.

Ишемия сабаблари: артерияларнинг обтурацияси ёки тиқилиши (тромб, эмбол билан облитерирланувчи эндоартериит, атеросклероз ва б.к.); компрессия ёки томирларнинг ташқаридан қисилиши (ўсма, лигатура, чандиқ билан); томирларнинг томир торайтирувчи аппаратнинг таъсирланиши натижасида (совуқ таъсири, травма, кимёвий агентлар, эмоционал таъсиротлар ва б.к.) спазми. Ишемия чақирувчи сабабига қараб обтурацион, компрессион ва ангиоспастик (нейротик) бўлиши мумкин.

Ишемиянинг ташқи асосий белгилари: оқариш, маҳаллий ҳарорат пасайиши, аъзонинг кичрайиши. Ишемияда микроциркулция бузилиши: қон оқиш тезлигининг секинлашиши, микроциркулятор ўзан томирларининг торайиши, функция қилаётган капиллярлар сонининг камайиши, коллатералларнинг очилиши.

Ишемиянда тўқума гипоксияси ривожланади:

— энергетик алмашинув ўзгаради, АТФ ҳосил бўлиши камаяди ва унинг натижасида анаэроб гликолиз кучаяди. Охирига қадар оксидланмаган моддалар — сут, пироузум кислоталар типидаги маҳсулотлар тўпланади, pH кислоталик томонга силжайди;

— липидлар пероксидланишининг кучайиши натижасида хужайра тузилиши ва функцияси бузилади. Биологик фаол моддалар ҳосил бўлишининг кучайиши туфайли капиллярлар ўтказувчанлиги ошади. Томирлардан суюқлик чиқиши кучаяди;

— хужайралар бўқади, дистрофик ўзгаришларга учрайди. Оқсил синтези камаяди, коллаген биосинтези кучаяди.

Ишемия оқибати коллатераллар ривожланишига боғлиқ. Уч тур коллатераллар фарқ қилинади: функционал мутлоқ етарли (масалан, скелет мушаклари, қорин пардаси); функционал мутлоқ етишмовчи (юрак, мия, буйрак, талоқ); функционал нисбий етишмовчи (ўпка). Ишемия инфарктга олиб келиши мумкин. *Инфаркт* — аъзонинг бир қисмининг қон билан таъминланишининг бузилиши натижасида ўлишидир. Инфаркт турлари: қизил — коллатералларнинг нисбий етишмовчилигига (кўпинча ўпкада), оқ — коллатераллар мутлоқ етишмовчилигига (кўпинча талоқда) ва геморрагик гултоҷли оқ инфаркт (буйрак, миокард) — инфаркт ўчоги перифериясида томирлар спазмининг уларнинг кенгайиши билан нафбатлашиши натижасида келиб чиқади.

Стаз – микроциркулятор ўзанда қон оқимининг тұхташи. Күпинча қайтар жараён ҳисобланади. Стазда қон гемолизи ва ивиши содир бўлмайди, шунинг учун стаз чақирувчи сабаблар йўқотилса қон оқиши тикланади.

Стаз турлари: ишемик – қон оқимининг тұхташи натижасида; веноз ёки димланиш стази – қон оқиб кетишининг бузилиши натижасида; капилляр ёки чин стаз, унинг асосида сладж ётади, у томир деворининг физик, кимёвий, инфекция қўзғатувчилар, биологик фаол моддалар билан шикастланиши натижасида ривожланади.

Болаларда периферик қон айланишининг бузилишлари (ишемия, стаз, маҳаллий камқонлик) катталарага қараганда тез ва енгил юзага келади, у қон айланиш регулятори механизмларининг етилмаганлиги билан боғлиқ.

Машғулотда бажариладиган амалий ишлар ва ўзлаштирилиши лозим бўлган амалий кўнинкамалар билан танишиш

1-иш. Бақа тилида компрессион ишемия чақириш ва стаз ривожланиши динамикасини ўрганиш.

Орқа мияси шикастланиб ҳаракатсизлантирилган бақа орқаси юқорига қаратилиб тахтачага жойлаштирилади, тил препарати тайёрланади. Юқори жаги кўтарилади ва оғиз бўшлиғи тубида асаб билан бирга ва тил веналаридан медиал жойлашган тил артериялари топилади. Икки томондан артерия остига жарроҳлик игнаси билан лигатура ўтказилади. Микроскопнинг кичик катталаштиргичида тилда қон айланиши ўрганилади, сўнг бирин – кетин икки томондан ҳам лигатуралар боғланади. Томирлар сони ва диаметрининг ўзгариши, қон оқиши тезлиги ва тузи, тил майда томирларида стаз ривожланиши аниқланади.

2-иш. Бақа қорин пардасида нейротик ишемия ҳосил бўлиши.

Шу бақанинг ўзида ўрта аксилляр чизиқ бўйича ўнг томондан қорин териси ва мушаклари кесилади. Эҳтиётлик билан ичак ҳалқаси ташқарига чиқарилади. Қорин пардаси ичакка игна тикиш ёрдамида ромга тортилади. Препарат микроскоп остига ўрнатилади. Томир тўри дастлабки ҳолати аниқланади. Кейин пипетка билан қорин пардасига 1:10 000 нисбатда бир томчи суюлтирилган адреналин томизилади ва томир тўридаги ўзгаришлар ва қон айланиши ўзгаришлари кузатилади.

Жиҳозлар: бақалар, микроскоплар, тахтачалар, қайчилар, пинцет, жарроҳлик игналари, игна ушлагичлар, лигатуралар, тўғнағичлар, 1:10 000 нисбатда адреналин эритмаси, кўз пипеткалари.

АУДИТОРИЯ ИШИ

Мавзуни оғзаки мұхокама қилиш. Амалий ишларни мустақил бажарып амалий күнікмаларни ўзлаштириш

Күйидеги ишлар бажарилади:

- 1) бақа тилида компрессион ишемия чақириш ва стаз ривожла-ниши динамикасини ўрганиш;
- 2) бақа ичак пардасиша нейротик ишемия ҳосил бўлишини ўрганиш.

Вазиятли масалаларни ечиш

1-масала. 42 ёшли, А. исмли беморда асабий ва эмоционал зўри-қиши натижасида, кўкрак суяги орқасида хуружли, чап кўлга ирра-диацияланадиган оғриқ пайдо бўлган.

1. Кўрсатилган патология асосида периферик қон айланиши бу-зилишининг қандай шакли ётиши мумкин?

2. Юзага келган бузилишлар механизми ва кетма-кетлигини ту-шунтиринг.

2 -масала. Стаз манзарасини электрон – микроскоп орқали ўрга-нища эритроцитлар агрегацияси феномени аниқланган.

1. Бу феномен стазнинг қайси турига ҳос бўлиши мумкин?

2. Унинг бўлиши мумкин бўлган сабаблари ва юзага чиқишини айтинг.

3-масала. Ишемияга учраган тўқимадаги ўзгаришлар артериал қон оқиб келишининг камайиши → кислород етишмовчилиги → Кребс циклининг пасайиши → анаэроб гликолизнинг пасайиши →энерге-тик алмашинувнинг камайиши → ихтисослашган функциянинг бу-зилиши тўғри кўрсатилганми? Хатога йўл қўйилган бўлса, у нима-дан иборат?

4-масала. Бемор С., 25 ёшда, кўпинча совуқ ҳавода қўл бармоқ-ларида хуружли оғриқ ва увушиб қолиш сезгиси пайдо бўлишидан шикоят қиласди. Оғриқ хуружи вақтида объектив равишда панжа ва бармоқларнинг кескин оқариши, маҳаллий ҳароратнинг пасайиши, тери сезгисининг бузилиши кузатилган.

1. Периферик қон айланишининг қайси бузилиши тўғрисида гап кетиши мумкин?

2. Бу бузилишнинг механизmlари ва клиник белгилари нимадан иборат?

Интеграция амалга оширилиши лозим бўлган фанлар

Патологик анатомия.

ҚОН АЙЛАНИШИННИГ МАҲАЛЛИЙ БУЗИЛИШЛАРИ.
III М а з у : ТРОМБОЗ. ЭМБОЛИЯ

Машгулот мақсади. Талаба қуйидагиларни билиши керак:

1) тромбоз ва эмболия ҳосил бўлиш сабаблари ва ривожланиш механизмлари, намоён бўлиш белгилари, турлари ва организм учун аҳамиятини;

2) экспериментда бақа ичак пардаси томирларида тромбоз ва эмболияни чақириш, уларнинг микроскопик намоён бўлишини таърифлашни;

3) тромбоз ва эмболия натижалари ва оқибатларини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Соғлом одам қон томир ўзанида қоннинг суюқ ҳолатини нима билан тушунтириш мумкин?

2. Қонни қон томири ичida ивишининг олдини олишда томир девори ва қон оқиши тезлигининг роли нимадан иборат?

3. Гемостаз нима, унинг механизми?

4. Қон ивиши фазалари.

5. Прокоагулянтлар нима?

6. Антикоагулянтлар нима?

7. Фибринолиз нима, унинг механизми?

8. Қоннинг орқага ҳаракат қилишига қаршилик кўрсатувчи вена томирларининг ўзига хос хусусиятларини айтинг.

9. *Vasa vasorum* нима?

10. Йирик веналар (бўйинтуруқ, ўмровости, мия қаттиқ қобиги синуслари) хусусиятлари тўғрисида нималарни биласиз?

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. – М.: Медицина, 1980, с. 152.

Патологическая физиология /Под ред. чл.-корр. АМН СССР Н. Н. Зайко. – 2-е изд., перераб. и доп. – Киев: Виша школа, 1985, с. 172-182.

Н. Х. Абдуллаев, Ҳ. Ё. Каримов /Патофизиология. Тошкент. Абу Али иби Сино номидаги тиббиёт наширисти. 1998, б. 117- 122.

Қўшимча адабиётлар:

Овсянников В. Г. Патологическая физиология (типовыe патологиче-
cкие процессы). – Ростов – на – Дону, 1987, с. 30-36.

Руководство по патологической физиологии /Под ред. Н. Н. Сиротини-
на. – М.: Медицина, 1966, т. 3, с. 252 – 264.

Чеснокова Н. П., Берсусдский С. О. Вопросы и ситуационные задачи по
патологической физиологии. – Саратов, 1988.

Асосий ўқув саволлари

1. Тромбоз, келиб чиқиш сабаблари ва шароитлари.
2. Тромб ҳосил бўлиш босқичлари ва механизmlари, тромб турлари.
3. Эмболлар ҳосил бўлиш сабаблари ва механизmlари, эмболия
турлари.
4. Кам учрайдиган эмболия турлари.
5. Тромбоз ва эмболиянинг аҳамияти, асоратлари ва оқибати.

Аннотация

Тромбоз – тирик организмда томир девори ички юзасида қон
элементларидан ташкил топган қон лахталарининг ҳосил бўлиш жа-
раёнидир. Қон лахталари томир олд деворига ўрнашган ёки томирни
бекитадиган бўлиши мумкин.

Кўпинча томир девори шикастланишига олиб келувчи касал-
ликлар (атеросклероз, ревматизм, юрак ишемия касаллиги ва б.к.)
тромбознинг сабаби ҳисобланади. Тромб ҳосил бўлишининг асосий
механизмларини Вирхов учлиги кўрсатади: томир деворининг меха-
ник, физик, кимёвий, биологик ва бошқа омиллар таъсирида ши-
кастланиши; қон ивитувчи ва қон ивишига қарши тизим фаоллиги-
нинг бузилиши; қон оқимининг секинлашиши.

Тромбоз фазалари: биринчи – ҳужайравий (тромбоцитлар адге-
зияси, агрегацияси ва агглютинацияси); иккинчи – плазматик (ко-
агуляция фазаси). Тромбоцитлар ва бошқа қон ҳужайралари заряди-
нинг ўзгариши адгезияга – уларнинг томир деворига чўкишига,
кейин эса бир-бирига «ёпишиши» (агрегация) га олиб келади. Адге-
зия ва агрегация механизмида шикастланган томирларда АДФ миқ-
дорининг кўлпайиши ва АТФ миқдорининг камайиши муҳим рол
йўнайди, бу томир девори антиагрегацион хусусиятининг пасайи-
шига (простациклин синтези камаяди) олиб келади. Коагуляция фа-
заси қўйидаги занжир реакцияси билан тавсифланади: тромбоцит-
лардан тромбокиназа ферментининг чиқиши, қон ва тўқима тром-

бопластинининг фаоллашиши; фаол тромбопластин кальций тузлари иштирокида протромбинга таъсир қилиб, уни тромбинга айлантиради; тромбин фибриногенга таъсир қилиб, уни фибринга айлатгали. Фибрин иплари тўрни ташкил қиласди, унда эритроцитлар ушланади. Ҳосил бўлган қон лахтаси қаттиқлашади, унинг ретракцияси содир бўлади.

Тромбознинг биринчи фазасида тромбнинг оқ қисми (тромбнинг бошчаси ҳамма вақт оқ); иккинчи фазасида – унинг қизил қисми ҳосил бўлади.

Тромбознинг оқибати ижобий ва салбий бўлиши мумкин. Ўткир травмада тромбознинг қон тўхтатувчи механизмини мослашув ҳодисаси деб талқин қулиш мумкин. Тромбознинг ижобий оқибатларига: тромбнинг асептик (микробсиз) шимилиши; унинг шаклланиши яъни унга бириктирувчи тўқима ўсиши; васскуляризация – тромбга майда томирлар ўсиб кириши; реканализация – тромбда янги канал ҳосил бўлиши ва қон оқимининг тикланиши. Тромбознинг салбий оқибатларига: тромбнинг сепсисга олиб келувчи септик ёки йирингли эриши; ишемия ва инфарктга олиб келувчи артериал томирнинг ёки веноз қон димланишига олиб келувчи вена қон томирининг тромб билан тиқилиши; тромбнинг узилиб кетиши ва кейинчалик тромбоэмболия ривожланиши ва б.қ.лар киради.

Эмболия (юн. *emballein* – ичига ташламоқ) – томирларнинг қон ёки лимфа орқали келувчи таначалар (эмболлар) билан тиқилиши. Эмболиянинг: эндоген – тромбоэмболия, тўқимали, ёғли, ҳомилали ўраб турувчи суюқликли; экзоген – ҳаволи, газли, бактериал, паразитар, ёт жисмлар эмболияси каби турлари мавжуд.

Petrogograd va парадоксал эмболия эмболиянинг кам учрайдиган шаклларига киради. Ретроград эмболияда эмбол қон оқимига қарши ҳаракат қиласди ва йирик веналарда қон оқиши секинлашганда кўкрак қафасининг сўриш таъсири камайишида (айниқса эмбол қаттиқлиги юқори бўлса) учрайди. Парадоксал эмболия юрак бўлмачалараро ёки қоринчалараро пардевори бекилмаганлигига учрайди. Эмболлар натижада катта қон айланиш доираси веналари ёки юракнинг ўнг томонидан бевосита чап томонига кичик қон айланиши доирасисиз ўтади.

Экзоген табиатли эмболиялар ичida кўпинча ҳаво ва газ эмболияси учрайди. Ҳаво эмболининг бўйин веналарига, улар лат еғанда тушиши айниқса хавфли. Газ эмболиясининг асосий механизми организм декомпрессияси вақтида қон газлари (асосан азотнинг) зерувчанлигининг пасайишидан иборат. Бу космосга парвоз шароитида учиш аппарати герметизациясининг бузилишида содир бўлиши мумкин.

Эндоген эмболиянинг кўп учрайдиган сабаби – тромбнинг узилиб кетишидир. Катта қон айланиш доирасида ҳосил бўлган эмболлар кичик қон айланиш доираси эмболияси манбаи бўлиши мумкин.

Катта қон айланиш доираси томирлари эмболияси, одатда юрак чап қисмida ёки артерияларда тромб ҳосил бўлишида учрайди.

Ёғ эмболияси найча суюкларининг асоратли синишига хос.

Тўқима эмболияси травма оқибатида қон оқими тизимига турли гўқималар (жигар, бош мия, мушаклар) айрим қисмларининг тушиб қолиши натижасида ривожланади. Ўсма ҳужайраларининг метастаз беришида тўқима эмболияси муҳим аҳамиятга эга.

Жойланишига қараб катта, кичик қон айланиш доираси ва дарноза венаси эмболияси фарқ қилинали.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иши. Бақанинг қатқорин томирларида тромб ҳосил бўлиши.

Ҳаракатсизлантирилган бақа тахтачага орқаси юқорига қаратиб маҳкамланади. Ўнг томонда қоринча ёнбошида тери – мушак кесилади. Ичак ҳалқаси ташқарига чиқарилади, ичак пардаси кузатиш учун микроскоп остида тўғриланади. Микроскопнинг кичик катталаштиргичида ичак пардасида нормал қон айланиши кўрилади. Оқ тромб ҳосил қилиш учун игна ёрдамида томир 10 сония давомида қисиб турилади. Томирда қон ҳаракати ўзгариши кузатилади. Томир қисилган жойда шаклли элементлар чўқади ва аста-секин оқ тромб ҳосил бўлади. Препаратнинг бошқа қисмida қон секин оқадиган томир ёнида ош тузининг кичик кристали қўйилади ва қизил тромб ҳосил бўлиш кетма-кетлиги ва манзараси кузатилади.

2-иши. Бақанинг қатқорин томирларида эмболия.

Ҳаракатсизлантирилган бақа қорни билан юқорига қаратиб тахтачага жойлаштириллади. Кўкрак қафаси очилади, юрак перикардан чиқарилади. Юрак қоринчасига шприц ёрдамида 0,5 мл вазелин ёғи эмульсияси юборилади. Кейин бақа орқаси юқорига қаратиб ағдарилиди, ўнг томонида тери мушак кесилади, қорин пардаси ташқарига чиқарилиб тахтачага тортилади ва микроскоп остида кўрилади. Микроскопнинг кичик катталаштиргичида эмболия манзараси кузатилади.

Жиҳозлар: бақалар, микроскоплар, тахтачалар, қайчилар, пинцет, тўғнағичлар, шприц, ош тузи кристаллари, вазелин ёғи эмульсияси.

АУДИРОТИЯ ИШИ

Мавзуми оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Куйидаги ишлар бажарилади:

1) бақанинг қатқорин томирларида тромб ҳосил бўлиши;

2) бақанинг қатқорин томирларида эмболия.

Талаба: 1) мустақил равишида бақанинг қатқорини ва юрак препаргини тайёрлашни, 2) бақа юраги қоринчасига вазелин ёғи эмульсиясини юборишни, 3) тромбоз ва эмболия ривожланишида периферик қон айланиши бузилишларини түгри баҳолашни билиши керак.

Эксперимент баённомаси ва хulosаларни ёзиш

Талаба мустақил равишида эксперимент баённомасини тузади, ўтказилган иш натижаларига биноан хulosалар чиқаради, тромбоз ва эмболия микроскопик манзарасини дафтарга чизади.

Вазиятли масалаларни ечиш

1-масала. Қуёнда экспериментал эмболия нұсхасини яратып жа-раёнида ўнг қулоқ қирғоғидаги венага 5 см^3 ҳаво юборылған.

Бу ҳолатда қайси қон айланиш доираси томирларида эмболия содир бўлади?

2-масала. 15 м чўқурликда ишловчи ғоввосларда декомпрессиядан 15 дақ, ўтгандан кейин кессон касаллиги белгилари: тери қичиши, бўғим ва мушакларда оғриқ, бош айланиши, кўнгил айниши, умумий заифлик пайдо бўлган.

1. Ривожланган эмболия келиб чиқиши бўйича қайси эмболия турига киради? Унинг келиб чиқиш механизмини тушунтиринг.

2. Эмболиянинг бу шаклида газ пуфакчалари нимадан ташкил топган?

3-масала. 14 ёшли, А. исмли беморда чап сонининг лат еған жойига жарроҳлик йўли билан ишлов берилган. 6 соатдан кейин ёқимсиз увушиб қолиш сезгиси ва оёқнинг совуши пайдо бўлган. Кейинчалик оғриқ қўшилган, унинг интенсивлиги кучайиб борган, оёқ териси оқарган. Болдир ва товоң тизза ости артериясида пульсация аниқланмай қолган.

1. Беморда периферик қон айланиши бузилишининг қайси шакли ривожланган ва унинг тахминий сабаби?

2. Кўрсатилган симптомларнинг ривожланиш механизmlари нимадан иборат?

Интеграция амалга оширилиши лозим бўлган фанлар

1. Патологик анатомия.

2. Умумий жарроҳлик.

**ЯЛЛИГЛАНИШ.
I М а в з у : АЛЬТЕРАЦИЯ. ЭКССУДАЦИЯ**

Машгулот мақсади. Талаба куйидагиларни билиши керак:

- 1) яллигланишнинг асосий сабаблари ва компонентлари, унинг белгилари, яллигланиш ўчоғида модда алмашинуви хусусиятлари ва физик кимёвий ўзгаришларни;
- 2) бирламчи ва иккиламчи альтерация механизmlарини тушунтириш ва яллигланиш жараёнида медиаторлар ролини таърифлашни;
- 3) бақада ўтказиладиган Конгейм тажрибасида ингичка ичак пардасида яллигланиш нусхасини яратиш, микротомирлар реакцияси кетма-кетлиги ва лейкоцитлар эмиграциясини;
- 4) бақа тилида кимёвий агент (ляпис) таъсирида яллигланиш чақириш, яллигланиш зоналарини таърифлашни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

**Кичик курслардаги фанлар бўйича заминий билимлар
даражасини текшириш**

1. «Аъзонинг функционал элементи» (Чернух А. М.) ёки гистион (Letterer) нима?
2. Қон ва ҳужайраларро бўшлиқда суюқлик ва моддалар алмашинуви қандай амалга оширилади?
3. Пиноцитоз нима?
4. Томир базал мембранаси функционал хусусиятлари нимага боғлиқ?
5. Хемотаксис нима, қоннинг қайси ҳужайралари хемотаксис хусусиятига эга?
6. Осмотик ва онкотик босим нима?
7. Қон плазмаси осмотик ва онкотик босими нимага teng?

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. –2 – е изд., перераб. и доп. – М.: Медицина, 1980, с. 158 – 173.

Патологическая физиология /Под ред. чл.-корр. АМН СССР Н. Н. Зайко. – 2- е изд., перераб. и доп. – Киев: Вища школа, 1985, с. 192 – 206.

Н. Ҳ. Абдуллаев, Ҳ. Ҷ. Каримова /Патофизиология. Т.: Абу Али ибн Сино номидаги тиббиёт нашриёти 1998, б. 129 – 144.

Патофизиологическая физиология /Под ред. А. Д. Адо, М. А. Адо, В. И. Пышского и др. М.: Триада – X, 2002, с. 185 – 194.

Қўшимча адабиётлар:

- Линденбратен В. Д., Турбина Л. В. Тесты по патофизиологии для II уровня усвоения (задания для студентов). — Хабаровск, 1981.
- Маянский Д. Н. Хроническое воспаление. — М.: Медицина, 1991.-270 с.
- Низовцев В. П. Пособие к практическим занятиям студентов по патологической физиологии. — Куйбышев, 1987.
- Овсянников В. Г. Патологическая физиология. Типовые патологические процессы. — Ростов — на — Дону, 1987, с. 109-128.
- Струков А. И. Некоторые современные аспекты в учении о воспалении. — Арх. пат., 1972, вып. 4, с. 9 — 18.
- Струков А. И. Спорные вопросы в учении о воспалении. — Арх. пат., 1972, вып. 9, с. 73 — 78.
- Хорст А. Молекулярные основы патогенеза болезней. — М.: Медицина, 1982, с. 325- 378.
- Чернух А. М. Воспаление. — М.: Медицина, 1979. —246 с.
- Чеснокова Н. П., Берсудский С. О. Вопросы и ситуационные задачи по патологической физиологии. — Саратов, 1988.

Асосий ўкув саволлари

- 1) Яллигланиши типик (нусхали) патологик жарён сифатида търифлаш.
- 2) Яллигланиш этиологияси, ташқи белгилари.
- 3) Яллигланиш реакциясининг асосий компонентлари, А. И. Струков бўйича яллигланиш фазалари.
- 4) Яллигланишда альтерация жараёни, унинг турлари.
- 5) Яллигланиш ўчоғида модда алмашинувининг ўзгаришлари.
- 6) Яллигланиш медиаторлари, уларнинг ҳосил бўлиш механизми ва яллигланиш жараёни ривожланишидаги роли.
- 7) Яллигланишда микроциркуляция ўзани томирлари реакцияси.
- 8) Яллигланишда экссудация ва лейкоцитлар эмиграцияси.

Аннотация

Яллигланиш (лат. *inflammatio*, юн. *phlogosis*) — типик патологик жараён бўлиб, тўқима шикастланиши натижасида ривожланади ва микроциркуляция, қон ҳамда бириктирувчи тўқиманинг альтератив, экссудатив ва пролифератив ўзгаришлари шаклида намоён бўлали. Яллигланиш гистион ёки «аъзо функционал элементи» (Чернух А. М., 1975) ҳудудида ривожланади. **Альтерация** тўқиманинг шикастланиши билан тавсифланади; **экссудация** — қон айланшининг бузилиши ва томирлардан атрофдаги тўқимага суюқлик, электролитлар ва оқсилларнинг чиқиши. Лейкоцитлар чиқиши (эмиграция) бунда маҳсус ўринни эгаллайди. **Пролиферация** — бириктирувчи тўқима хужайра элементларининг кўпайиши.

Яллиғланишнинг ташқи белгилари Цельс – Гален классик пентадаси қизариш (pibor), шиш (tumor), ҳарорат (calor), оғриқ (dolor), функцияниш бузилиши (functio laesa) сифатида мәйлум. Булар яллиғланишнинг маҳаллий белгилариидир. Яллиғланишнинг умумий белгиларига иситма, лейкоцитоз, ЭЧТ ошиши киради.

Яллиғланиш фазалари (А. И. Струков бўйича, 1972): 1 – тўқимава уни ташкил қилувчи хужайраларнинг шикастланиши (альтерация); 2 –биологик фаол (яллиғланиш медиаторлари деб номланувчи) моддаларнинг ажралиши – яллиғланиш механизмида улар асосий ролни ўйнайди; 3 – микроциркуляция ўзани ўзгариши (капиллярлар ва венулалар девори ўтказувчанлигининг ошиши); 4 – шикастланишга нисбатан қон тизими реакцияси, шу жумладан қоннинг реологик хусусиятининг ўзгаришлари; 5 - пролиферация – яллиғланишнинг репаратив босқичи (дефектнинг битиши).

Яллиғланиш сабаблари:

- экзоген омиллар (физик, кимёвий, механик, биологик ва б.к.). Масалан, юқори ва паст ҳарорат, кислоталар, асослар, травма, микроорганизмлар (бактериялар, вируслар, замбуруқлар ва ҳ.к.) таъсири;
- эндоген таъсиrottлар. Масалан ўт пуфаги, сийдик пуфаги яллиғланиши, бўғимларнинг уларда тузлар тўпланиши натижасида яллиғланиши, инфаркт ўчоғининг яллиғланиши, қон қуилиши, ўスマлар атрофидаги яллиғланиш ва б.к.лар.

Яллиғланиш патогенези. Яллиғланишнинг дастлабки ёки инициал звеноси тўқима шикастланиши – альтерация ҳисобланади. Бирламчи ва иккиласмчи альтерация фарқ қилинади. Бирламчи альтерация флогоген омил таъсирида яллиғланишнинг бошланғич босқичида пайдо бўлади, иккиласмчи альтерация – яллиғланиш ривожланган сари макромолекулаларнинг шикастланиши ва медиаторлар ҳосил бўлишига ҳамда қон айланишининг бузилишига олиб келувчи лизосомал ферментларнинг ажралиши ва фаоллашиши натижасида юзага келади. Альтерация давомида ҳужайра ва ҳужайра органеллаларида (митохондриялар, эндоплазматик тўр, лизосома) структуравий ўзгаришлар, метаболик – модда алмашинуви бузилишлари юз беради (Шаденинг таърифлашича (1923) «модда алмашинувида ёнғин» ривожланади: модда алмашинуви нафақат кучайган, шу билан бирга сифат жиҳатдан ҳам ўзгарган, тўла ёнмаган маҳсулотлар тўпланади, ацидоз юзага келади), биологик фаол моддалар – яллиғланиш медиаторлари ҳосил бўлади.

Модда алмашинувининг ўзгариши. Унинг интенсивлиги айниқса, яллиғланиш ўчиги марказида кучаяди. Бу ҳужайра шикастланиши ва шикастланган лизосомалардан гидролитик ферментларнинг чиқиши билан боғлиқ. Яллиғланиш ўчоғида тўла парчаланмаган карбонсувлар маҳсулотлари (сут, пироузум кислота), чала ёнган ёғлар (ёғ

кислоталари, кетон таначалари) ва оқсил парчаланиш маҳсулотлари (полипептидлар, аминокислоталар) тўплланади. Митохондриялар шикастланиши – Кребс цикли ферментларининг морфологик субстрати – аэроб оксидланиш ва оксидланишининг фосфорланиши билан бирга кечишининг бузилишига олиб келади. Кэрбонат ангидриди ҳосил бўлиши камаяди, нафас коэффициенти пасаяди.

Яллиғланиш ўчогида физик-кимёвий ўзгаришлар:

— тўла ёнмаган маҳсулотлар тўпланиши ҳисобига ацидоз ва H^+ гиперония ривожланади;

— гиперосмия – яллиғланиш ўчогида тўқима шикастланиши натижасида молекула ва ионлар (Na^+ , K^+ , Ca^{2+} ва б.к.) концентрацияси кўпаяди. Айниқса калий концентрацияси ошади, гиперкалиемия юзага келади. Буларнинг ҳаммаси осмотик босим кўтарилишига олиб келади, яллиғланиш ўчогида у 19 атм. етади. Тўқима музлаш нуқтасининг - Δ^* пасайиши ҳам характерлидир. У нормада – 0,62 ташкил қиласи, яллиғланишда эса – 1,4 гача етади;

— гиперонкия – онкотик босимнинг кўтарилиши. Оқсилнинг томирлардан чиқиши ва йирик оқсил молекулаларининг майда молекулаларга парчаланиши яллиғланиш ўчогида оқсил молекулалари концентрациясининг ошишига олиб келади, натижада гиперонкия ривожланади;

— ҳужайра юза таранглигининг ўзгариши – ёғ кислоталари ва юза таранглигини камайтирувчи бошқа бирикмаларнинг тўпланиши билан боғлиқ.

Яллиғланиши медиаторлари – биологик фаол моддалар бўлиб, яллиғланиш ривожланишини аниқловчи етакчи патогенетик омиллар ҳисобланади. Медиаторларга семиз ҳужайраларнинг (тўқима базофиллари) дегрануляцияси ва тромбоцитлар парчаланиши натижасида ҳосил бўлувчи гистамин ва серотонин, шунингдек лизосомал ферментлар, катион оқсиллари, циклик нуклеотидлар, РНК, ДНК парчаланиш маҳсулотлари, гиалуронидаза, лимфокинлар, E, ва E₂, простагландинлар, каллидин ва брадикинин, комплемент фрагментлари C2a, C3a, C5a ва б.к. киради. Кейинги вақтларда аниқланишича яллиғланишнинг энг кучли медиатори брадикинин ҳисобланади. У плазма α – глобулинидан калликреиногеннинг фаоллашиш маҳсулоти – калликреин ферменти таъсирида Хагеман омили (қон ивишининг XII омили) иштирокида ҳосил бўлади. Биологик табиатига қараб медиаторлар оқсил (масалан ўтказувчанлик омили ёки глобулини, плазмин), полипептид (масалан брадикинин), биоген аминлар (масалан гистамин, серотонин) бўлиши мумкин.

Таъсири қилиш механизми бўйича медиаторлар вазофаол моддалар ҳисобланади: томир ўтказувчанлиги ва тонусини ўзgartиради,

шиш, оғриқ чақиради, лейкоцитлар эмиграциясига, қоннинг реологик ҳусусиятларига ва ҳ.к. таъсир кўрсатади.

Яллиғланиш ўчогида томир ўзгаришлари. А. М. Чернух (1979) ва А. И. Струков (1982) томир реакцияларининг куйидаги босқичларини ажратади: 1 – қисқа муддатли томирлар спазми ва кейинчалик арте-риал гиперемия шаклланиши, 2 – веноз гиперемия, 3 – стаз.

Экссудация – томирлардан тўқимага қоннинг суюқ қисми, электролитлар, оқсиллар ва хужайраларнинг чиқиши. Дастлаб қоннинг суюқ қисми (экссудациянинг хужайрасиз фазаси), кейинчалик шаклии элементлар чиқади (экссудациянинг хужайрали фазаси). Экссудация сабаблари: капиллярларда гидростатик босимнинг кўпайиши, томир девори утказувчанлигининг ошиши, тўқимада онкотик ва осмотик босимнинг кўтарилиши. Экссудацияда суюқлик эндотелиал ҳужайралар орасидаги оралиқ орқали ташқарига чиқади, шунингдек экссудацияда цитопемпсис ҳодисаси (юн. *rempsis* – ўтказиш) – суюқлик майдада томчиларини фаол ушлаб олиш йўли билан уларнинг эндотелий цитоплазмаси орқали транспорт қилиниши (ультрапинон-цитоз) ҳам муҳим аҳамиятга эга.

Яллиғланишда лейкоцитлар эмиграцияси И. И. Мечников томонидан ўрганилган. Эмиграциянинг учта босқичи фарқ қилинади: лейкоцитларнинг капиллярлар ички юзаси қирғофида туриши, лейкоцитларнинг эндотелиал девор орқали чиқиши (лейкодиапедез), лейкоцитларнинг яллиғланган тўқимага ҳаракати (дайдиши).

Лейкоцитлар эмиграциясига таъсир кўрсатувчи омиллар: механик (суюқликнинг томирдан тўқимага оқиши); физик-кимёвий (лейкоцитнинг яллиғланиш ўчогига қараган устки юзаси таранглигининг пасайиши, цитоплазманинг физик-кимёвий тузилишининг ўзгариши), яллиғланиш ўчогида мусбат зарядланган ионларнинг тўпланиши; биокимёвий (лейкоцит ва эндотелиал ҳужайралар орасида кальций кўпричкаларининг ҳосил бўлиши). Аниқланишича, базал мембрана орқали ўтаётган лейкоцит унга ўзининг ферментлари (гидалуронидаза, коллагеназа, эластаза ва б.к.) билан таъсир қиласди. Шунингдек ўтказувчанликнинг ошишида катион оқсиллари ҳам аҳамиятга эга, улар мембрана каллоид моддасини гел ҳолатидан зол ҳолатига ўтказиб боради (тиксотропия ҳодисаси).

Яллиғланишда лейкоцитлар эмиграциясини биринчи марта И. И. Мечников мусбат ҳемотаксис асосида тушунтирган. Ҳозирги вақтда яллиғланиш ўчогида лейкоцитларни ўзига жалб қилувчи ҳусусиятга эга бўлган кўпгина моддалар ўрганилган (бактериал токсинлар, пептон, тўқима протеолизи маҳсулотлари ва бошқа моддалар, трипсин, плазмин, микроблар липополисахаридлари ва б.к.). Ҳемотаксик омилларнинг шаклланиши термолабил СЗа ва С5а компонентлари комплекси ҳосил бўлишига олиб келадиган антиген – антитана ўзаро таъсири натижасида келиб чиқади.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан тағишиш

1-иши. Бақа қатқорини яллиғланишида томир реакцияларини (Конгейм тажрибаси) ўрганиш.

Орқа мияси шикастланиб ҳаракатсизлантирилган бақа тахтачага орқаси юқорига қаратиб маҳкамланади, ўнг томон ёнбошида тери ва мушаклар кесилади, 2 см узунликдаги кесикдан эҳтиётлик билан ингичка ичак ҳалқаси ташқарига чиқарилади, қатқорин ромга, тўғнағичларни ичакка санчиш орқали тортилади. Қатқорин ортиқча тортилмаслиги ва буралмаслиги керак. Микроскопнинг кичик катталаштиргичида қатқорин томирларида қон айланиши ўрганилади. Атмосфера ҳавоси, қуриши ва механик шикастланиши таъсирида қатқорин ўткир яллиғланиши ривожланади. Яллиғланиш жараёнининг бошланғич фазалари ва ривожланишининг кейинги даврларида томир ўзгаришлари ўрганилади. Томирларнинг қисқа муддатли спазмидан кейин (уни ҳамма вақт ҳам кузатиб бўлмайди) артериал гиперемия ривожланади, сўнг у тез веноз гиперемияси билан алмашади. Томир девори олди плазматик қатламда томир девори бўйлаб ҳаракат қиливчи, кўп сонли тиниқ кумуш шарчалар шаклидаги лейкоцитлар пайдо бўлади, улар томир ички деворига ёпишади. Лейкоцитларнинг қирғоқда туриши кузатилади. Эмиграция жараёни 1,5 – 2 соатдан кейин бошланади (Низовцев В. П., 1987). Эмиграция микроскопнинг кичик катталаштиргичида (x40) яхши кўринади. Бунинг учун бақа қатқоринига қопловчи шиша кўйилади.

2-иши. Бақа тилида яллиғланиш зоналарини чақириш.

Бақа орқа мияси шикастланиб ҳаракатсизлантирилди ва тил препарати тайёрланади. Микроскопнинг кичик катталаштиргичида капилляр қон оқими яхши кўринадиган жой топилади. Тилнинг шиллиқ пардасига 2 сония давомида кичкина нордон азотли кумушнинг майда кристали жойлаштирилади, сўнг у олиб ташланади. Некроз, стаз ва тромбоз, веноз ва артериал гиперемиянинг яллиғланиш зоналари кузатилади.

Жижозлар: бақалар, микроскоплар, тахтачалар, қайчилар, пинцет, тўғнағичлар, қопловчи шиша, нордон азотли кумушнинг кристаллари.

АУДИТОРИЯ ИШИ

Мавзуни оғзаки муҳокама қилиши. Амалий ишларни мустақил бажариш ва амалий кўникмаларни ўзлаштириш

Кўйидаги ишлар бажарилади:

1) бақа қатқорини яллиғланишида томир реакцияларини ўрганиш (Конгейм тажрибаси);

2) бақа тилида яллиғланиш зоналарини чақириш.

Талаба: 1) мустақил равишда бақа қатқорини ва тили препарати-ни тайёрлашни; 2) яллиғланиш чақиришни, унда томир реакцияла-ри этаплари, лейкоцитларнинг қирғоқда туриши ҳамда яллиғланишда альтератив ўзгаришларни кузатишни билиши керак.

Эксперимент баённомаси ва хulosаларни ёзиш

Талаба эксперимент баённомасини мустақил тузади, утказилган ишлар асосида хulosаларни шакллантиради, яллиғланишда кузатил-ган альтератив ва томир ўзгаришларини дафтарга чизади.

Вазиятли масалаларни ечиш

1-масала. 22 ёшли, К. исмли эмизикли беморда бола туғилгандан 2 ҳафта кейин кўкрагининг чап томонида оғриқ пайдо бўлган. Сут бези қаттиқлашган ва айниқса эмизганда оғриган. 2 кундан кейин беморда қалтираш пайдо бўлган, ҳарорат $38,8^{\circ}\text{C}$ га кўтарилган. Касални текширишда сут бези катталашганилиги, сут бези атрофида тери қизарганлиги, ушлаганда иссиқ, пайпаслаганда кескин оғриқли, 4×15 см ли чегараси ноаниқ қаттиқлик аниқланган. Регионар лимфатик түгунлар катталашган. Лаборатория текширишларида лейкоцитлар миқдори $12,4\cdot10,0^{\circ}/\text{l}$; ЭЧТ соатига 40 mm.лиги маълум бўлган.

1. Яллиғланишдан далолат берувчи белгилар борми?

2. Агар бўлса, улар нималар?

2-масала. Куённинг олдиндан туки қириб ташланган қорин терисига $0,1\text{ ml}$ скипидар инъекция қилинган. Қитиқловчи агент инъекциясидан 1 соат кейин қуённинг томирига метилин кўки бўёғи юборилган. Скипидар юборилган жойда қорин териси кўп вақт ўтмасдан кўк рангга кирган.

Қориннинг скипидар юборилган қисмининг бўёқ билан танланган ҳолда бўялишини қандай тушунтириш мумкин?

3-масала. Ўткир яллиғланиш зонасига бирин-кетин нейтрофиллар, моноцитлар, лимфоцитлар эмиграция қилинган.

Кўрсатинг: 1) лейкоцитлар эмиграцияси қонунияти ким томонидан таърифланган? 2) унинг ривожланиш механизmlари нимадан иборат?

Интеграция амалга оширилиши лозим бўлган фанлар

1. Патологик анатомия

2. Болалар ва ички касалликлар пропедевтикаси.

3. Умумий жарроҳлик.

II Мавзу . ЯЛЛИГЛАНИШ. ЭМИГРАЦИЯ. ПРОЛИФЕРАЦИЯ

Машфулот мақсади. Талаба қуйидагиларни билиши керак:

- 1) яллигланишда лейкоцитларнинг роли, фагоцитоз ва унинг босқичлари, экссудация жараёни, экссудат турлари, экссудатнинг транссудатдан фарқи, яллигланиш учогида ферментлар ҳосил бўлиши ва аҳамиятини;
- 2) йиринг экссудатида ферментлар фаоллигини аниқлаш услубини эгаллаш, унинг морфологик таркиби ва хусусиятини баҳолашни;
- 3) яллигланишнинг репаратив босқичи — пролиферация механизми ҳамда яллигланишга асаб ва гормонал омиллар таъсирини;
- 4) яллигланиш назарияларини ва яллигланишнинг организм учун аҳамиятини танқидий баҳолай олишни.

АУДИТОРИЯДАН ТАШҚАРИ МУСТАҚИЛ ТАЙЁРЛANIШ

**Кичик курслардаги фанлар бўйича заминий билимлар
даражасини текшириш**

1. Фагоцитоз нима? Фагоцитоз тўғрисидаги таълимотнинг асосчиси ким?
2. Фагоцитоз турлари?
3. Организмда ферментлар қандай рол ўйнайди? Амило -, липо – ва протеолитик ферментларнинг таъсири нимадан иборат?
4. Лизосомал ферментлар нима, уларнинг функцияси?
5. Ҳужайрани лизосома ферментларининг емирувчи таъсиридан қандай сақлаш мумкин?
6. Репаратив регенерация нима?
7. Крахмал ва оқсилга сифатий реакцияни айтинг?
8. Индикатор фенолфталеин нордон, нейтрал ва ишқорий мухитда қайси рангни беради?

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2- е изд., перераб. и доп. – М.: Медицина, 1980, с. 173 – 177.

Патологическая физиология /Под ред. чл.- корр. АМН СССР Н. Н. Зайко. – 2 – е изд., перераб. и доп. – Киев: Вища школа, 1985, с. 200 – 211.

Н. Ҳ. Абдуллаев, Ҳ. Ё. Каримов /Патофизиология. Т.: Абу Али ибн Сино номидаги тиббиёт нашриёти 1998, б. 144 – 153.

Патологическая физиология /Под ред. А. Д. Адо, М. А. Адо, В. И. Пыцкого. М.: Триада – Х, 2002, с. 194 – 205.

Қўшимча адабиётлар:

- Адо А. Д., Маянский Д. Н. Современное состояние учения о фагоцитозе. – Иммунология, 1983, № 1, с. 20-27.
- Маянский Д. Н. Хроническое воспаление. – М.: Медицина, 1991.–270 с.
- Овсянников В. Г. Патологическая физиология. Типовые патологические процессы. – Ростов – на – Дону, 1987, с. 119- 128.
- Руководство к практическим занятиям по патологической физиологии / Под ред. проф. Н. И. Лосева. – М.: Медицина, 1985.
- Г. Н. Титов., А. Я Дьякова. Воспаление и гипоталамо – гипофизарно – надпочечниковая система. Теоретическая медицинская и педиатрическая практика. – М., 1974, вып. 1, с. 51-56.
- А. А.Хусинов О морфологических и функциональных изменениях в легких при повреждении различных отделов блуждающего нерва.- Автограф. канд. дисс. Самарканд, 1961.
- А. М Чернух. Воспаление. – М.: Медицина, 1979. – 426 с.
- Н. П. Чеснокова, С. О Берсудский. Вопросы и ситуационные задачи по патологической физиологии. – Саратов, 1988.

Асосий ўқув саволлари

1. Яллиғланиша экссудация жараёни. Яллиғланиш турлари. Эксудатнинг транссудатдан фарқи.
2. Яллиғланиша фагоцитоз, унинг босқичлари ва механизmlари.
3. Яллиғланишнинг репаратив босқичи. Пролиферация, унинг регенерациядан фарқи, ривожланиш механизми.
4. Яллиғланишнинг ривожланишида асаб ва эндокрин тизимнинг роли.
5. Яллиғланиш назариялари. Яллиғланишнинг солиштирма патологияси (Мечников И. И.). Яллиғланишнинг ҳимоя – мослашув аҳамияти.
6. Чақалоқлик даврида яллиғланишнинг хусусиятлари.

Аннотация

Яллиғланиш учогида лейкоцитлар организмни ҳимоялашда муҳим функцияни бажаради. Улар микробларни ва тўқималарнинг парчаланиш маҳсулотларини ҳазм қиласди (фагоцитоз). И. И. Мечников (1882) фагоцитоз вазифасини бажарувчи хужайраларни фагоцитлар деб номлади ва уларни икки гурухга: микрофаглар ва макрофагларга бўлди. Микрофагларга микробларни фагоцитирловчи полиморф ядроли лейкоцитлар киради, макрофагларга эса моноцитлар ва гистиоцитлар киради — улар йирикроқ заррачаларни ҳам (тўқима парча-

ланиш маҳсулотлари) ютади. Макрофагларни эркин (моноцитлар) ва фиксиранглар (гистиоцитлар, фибробиастлар ва бирингириувчи түқима эндотелиал ҳужайралари) хилларга бўлиш қабул қилинган.

Фагоцитоз босқичлари: яқинлашиш, ёпишиш, ботиш ёки чўкиш, ҳужайра ичидаги ҳазм қилиниши. Фагоцитоз айрим босқичларининг механизми: фагоцитнинг ёт жисмга яқинлашиши — лейкоцитлар ҳемотаксиси туфайли амалга оширилади. Яллигланиш ўчорига ҳосил бўлувчи антиген — антитана иммун комплекслари ҳемотаксик хусусиятга эга. Бундай комплексларнинг ҳосил бўлиши (иммуноадгеренция) C3 ва C5a комплементларининг фаоллашиши ва ҳемотаксинлар ҳосил бўлиши билан тавсифланади. Фагоцитоз обьекти томонига қаратилган юпқа цитоплазма бўртмалари, шунингдек лейкоцитларнинг манфий зарди, уларнинг обьект юзасига ёпишишига имконият туғдиради. Бу босқичда лейкоцитлар метаболик фаоллиги ошиши, анаэроб ва аэроп гликозилизнинг кучайиши ва кислород ўзлаштирилишининг 2—3 марта ошиши кўрсатилган. Фагоцитларнинг обьектга ёпишишидан илгари бактериялар опсонизацияси ва ҳужайра қисмларининг шикастланиши юз беради. Бунда улар иммуноглобулин M ва G лар ва C3, C5, C6, C7 комплементлари фрагментлари билан қопланади (Овсянников В. Г., 1987). Объектнинг фагоцитга ботиши (чўкиши) цитоплазма қисмининг у билан бирга обьектнинг ҳам лейкоцит ичига тортилиши (инвагинация) ёки фагоцит обьектни бутун танаси билан ўраб олиш йўли орқали амалга оширилади.

Лейкоцитда фагосома (ёт жисмли халтача) ҳосил бўлади. А. Хорст (1982) фагосомани «фагоцитни ўзини-ўзи ўлдирадиган халтача» деб номлаган, чунки фагоцитнинг тақдири олдиндан белгилаб қўйилган бўлади. Лейкоцит ичидаги водород пероксиди синтези кучаяди, пероксидланиш натижасида ҳужайра қобиги компонентлари шикастланади. Ҳазм бўлиш лизосомал ферментлар ёрдамида амалга оширилади. Лизосома фагосомага яқинлашади, у билан қўшилади, натижада фаголизосома ҳосил бўлади. Унда гидролиз амалга оширилади. Лизосома миелопероксидазаси микроорганизмлар оқсилларини парчалайди ва бактерицид таъсир кўрсатади. Фагосома қобиги шикастланиши натижасида фагоцитнинг ўзи аутолиз туфайли ўлади. Фагоцитозгача лейкоцитлар ўзидан нордон гидролазалар, асосий ферментлар (пероксидаза ва бошқалар), катион оқсиллари ажратиш хусусиятига эга, улар мембрана деструкциясига ва микроб ҳужайрасининг ўлишига олиб келади.

Экссудат ёки яллигланиш назласи сероз, фибринли, иирингли, геморрагик бўлиши мумкин. Экссудатни шиш ва сувсимон суюқликлардан (транссудат) ажратиш зарур. Ташқи кўриниши бўйича сероз экссудатни транссудатдан ажратиб бўлмайди (бу тиник, оқишсариқ рангли суюқлик), аммо солиштирма оғирлиги, оқсил ва ҳужайра

таркиби ва бошқа хусусиятлари билан ажратиш мумкин. Сероз экссудатнинг солиширма оғирлиги — 1018 ва ундан юқори, транссудатники — 1006 дан 1014 гача; оқсил миқдори тегишли равиша — 0,3 г/л юқори ва 0,3 г/л дан кам; ҳужайралар сони — 3000 ва юқори, 100 дан кам; pH 6–7 ва ундан кам, 7,4 – 7,6 атрофика; сирка кислота билан ўтказиладиган Ривальт реакцияси — мусбат ва манфий. Экссудатда амило-, липо-, протеолитик ферментлар бор, транссудатда эса бўлмайди.

Йиринг экссудати ва йирингли яллигланиш йиринг микроблари (стрепто-, стафилококклар ва б.к.) томонидан чақирилади. Йиринг экссудатида жуда кўп миқдорда ҳужайра элементлари бўлади. Ўткир йирингли яллигланишда экссудатда нейтрофиллар устунлик қилали, сурункали яллигланишда (сил, захм касалликлари) — лимфоцитлар, аллергик касалликларида — зозинофиллар кўп учрайди. Йиринг экссудати яллигланган тўқимага сингиб кетади. Натижада унинг эриб кетишини чақириди. Шундай тўқиманинг йирингли юмшаб кетиши фурункулда (теридаги соч олди халтасининг йирингли яллигланиши), карбункулда (кўп фурункулларнинг бир-бирига кўшилиб кетиши), флегмонада (тери ости клетчаткасининг ўткир тарқалган йирингли яллигланиши) кузатилади. Йиринг экссудатида унинг суюқ қисми — йиринг зардоби ва ҳужайра элементлари — йиринг танаачалари бўлади. Йиринг танаачалари йиринг ҳужайралари бўлиб, улар ҳар хил даражада шикастланган ва парчаланган нейтрофиллар, лимфоцитлар, моноцитлардан иборат.

Фибринли экссудат кўп миқдорда оқсил ушлайди, унда фибриноген бўлади ва кўпинча шиллиқ қаватфибриноз яллигланишида учрайди. Фибриноз яллигланиш тарқалиш чуқурлигига қараб крупоз (юзаки, енгил кўчадиган юпқа парда шаклида) ва дифтеритик (чуқур, шиллиқ қават бутун қалинлигига сингадиган) бўлиши мумкин. Дифтерия касаллигига фибринли карашларни ҳалкум ёки бўғиздан шилишга интилиш қон кетишига ва яра пайдо бўлишига сабаб бўлади.

Геморрагик экссудат уни пушти ёки қизғиши рангга бўёвчи эритроцитларнинг бўлиши билан тавсифланади. Кўпинча сил ёки рак касалликларида (плевритлар, перитонитлар, перикардитлар), ҳамда оғир инфекцияларда (сибир яраси, ўлат ва б.к.) учрайди.

Яллигланишнинг якунловчи фазаси репаратив, яъни тикланиш фазасидир, чунки бу фазада яллигланиш ўчори протеолиз ва некроз маҳсулотларидан тозаланади, ҳужайра элементлари кўляяди ва тўқима дефекти тикланади. Бу жараёнда мононуклеарлар — моноцитлар ва лимфоцитлар мухим рол ўйнайди. Моноцитлар, худди шундай тўқима фагоцитлари ҳам ўлган ҳужайраларни ютади ва ҳазм қилади. Лимфоцитлар плазматик ҳужайралар манбаи ҳисобланади, улардан эса

антитаналар ҳосил бўлади. Яллиғланиш ўчоги микроблар, экссудат, тўқима парчаланиш маҳсулотларидан тозаланади.

Яллиғланган тўқималар тозаланган сари пролиферация – хужайралар кўпайиши содир бўлади. Яллиғланишда хужайралар кўпайиш жараёнининг стимуляторлари яллиғланиш медиаторлари, тўқима парчаланиш маҳсулотлари, физик-кимёвий ва биокимёвий муҳит ўзгаришлари ҳисобланади. Яллиғланишда хужайра кўпайиши регуляторлари – трефонлар бўлиб, улар хужайраларнинг ўлиши натижасида ҳосил бўлади ва пролиферацияни стимуллайди. Бундан ташқари хужайра бўлинини регуляторларига хужайра бўлинини тормозловчи кейлонлар ҳам киради. Пролиферацияда адвентиция мезенхимал, камбиал хужайралар, эндотелтоцитлар иштирок қиласди. Уларнинг дифференцирланиши натижасида коллаген синтезирловчи фибробластлар ҳосил бўлади. Пролиферация грануляцион яъни ёш, ялтироқ-қизил рангли, донадор юзали, томир ва хужайраларга бой, толалари кам бириктирувчи тўқиманинг перифериядан ҳосил бўлишидан бошланади. Бириктирувчи тўқиманинг ёш хужайралари асосан фибробластлар ва майда томирлар эндотелиал хужайралари ҳисобланади. Грануляцион тўқима ўринбосарликдан ташқари ҳимоя функциясини ҳам бажаради. У яллиғланган жойни соёлом тўқимадан ажратиб турувчи демаркацион чизик ҳосил қиласди, бу чизик яллиғланиш ўчогидан модда алмашинуви маҳсулотлари ва микроорганизмларнинг қонга ва соғлом тўқимага ўтишига тўскىнилик қиласди. Грануляцион тўқима етилиши натижасида чандиққа айланади. Бу оқимтири рангда, томирлари, хужайралари кам, шу билан бир қаторда толалари кўп бўлган, етилган толали бириктирувчи тўқимадир. Яллиғланиш ўчогида бириктирувчи тўқима пролиферациясидан ташқари чекланган даражада регенерация – аъзо паренхима хужайралаrinинг кўпайиши ҳам кузатилади.

Яллиғланиш ривожланишида асаб ва эндокрин тизимнинг аҳамияти. Ўтган асрда олим Самуэл (1873) асаб тизимига шикастлавчи таъсир кўрсатиб кўз мугуз пардаси экспериментал яраланишини чақириш мумкинлигини кўрсатиб берган. Яллиғланиш ривожланишида асаб тизимининг роли А. Д. Сперанский изланишларида аниқ тасдигини топган. У миядаги турк эгари соҳасига ёт жисмни жойлаштириш орқали организмда экспериментал яллиғланиш жараёнларини чақирган. Итларда адашган асабнинг кесилиши, нафас йўллари шиллиқ қавати титроқ эпителийси ҳимоя функциясининг бузилиши билан боғлиқ вагус пневмониясининг ривожланишига ҳамда трофик бузилишларнинг гайдо бўлишига олиб келади (хусинов О. А., 1961).

Эндокрин тизим реактивликнинг муҳим механизми бўлиб, яллиғланишга жиддий таъсир кўрсатади. Яллиғланишга таъсир кўрсатувчи гормонлар икки гуруҳга бўлинади: 1 – яллиғланиш стимуля-

торлари ёки прояллигланиш гормонлари, уларга альдостерон, дезоксикортикостерон, инсулин, тироксин, эстрогенлар, тестостерон, соматотроп гормон, тиротроп гормонлар киради; 2 – яллигланишга қарши гормонлар (ёки яллигланиш ингибиторлари), буларга адreno-кортиcotроп гормон, гидрокортизон (кортизол), адреналин, прогестеронлар киради. Яллигланишнинг ривожланишига гормонлар таъсири, асосан уларнинг томир девори ўтказувчанилиги ва пролиферация жараёнларига таъсири билан боғлиқ.

Яллигланиш умумий назарияларининг вужудга келиши:

1) Вирхов – хужайра патологияси асосчиси – яллигланишнинг нутритив назариясини яратди, унга биноан яллигланишда ҳужайра ўзгаради, унинг озиқланиши ва ҳаёт фоалияти кучаяди. Ҳужайраларга қоннинг суюқ қисми озиқа моддалар билан биргаликда тортилади, ҳужайранинг хира бўкиши содир бўлади;

2) Конгейм яллигланишнинг томир назариясини яратган. Яллигланишда асосий рол томир ўзгаришларига берилади, ҳужайралар реакцияси эса иккиласмичи аҳамиятга эга;

3) Мечников яллигланишнинг биологик назариясини яратди. У яллигланиши асосида фагоцитоз жараёнлари ётувчи организмнинг шикастланишга нисбатан эволюция жараёнида ҳосил бўлган ҳимоя реакцияси деб талқин қиласди. Мечников патологик жараёнларни ўрганишда солиштирма патология усулини ишлаб чиқдан. Фагоцитоз ҳодисаси улар томонидан органик дунё эволюциясининг ҳар хил босқичларида кузатилган;

4) Шаде яллигланишнинг физик-кимёвий назариясини яратди, унга биноан яллигланишда асосий аҳамият маҳаллий модда алмашинуви бузилишлари, тўқима ацидози, осмотик ва онкотик гипертензияларга берилади;

5) Мейкин яллигланишнинг биокимёвий назариясини яратди. Яллигланиш ривожланиши учун хос бўлган моддаларни: лейкотоксин, экссудин, некрозин ва б.к. ажратди.

Ҳозирги вақтда яллигланиш патогенези медиаторларининг роли, ҳужайра қобиғи ва ҳужайра органеллалари ўтказувчанилигининг ўзгаришлари, ҳужайра транспорти ва биоэнергетикасининг бузилишлари, микроциркуляция ва гемореология бузилишлари тўғрисидаги кўплаб замонавий маълумотларга асосланган ҳолда кенг кўриб чиқилмоқда (Чернух А. М., Куприянов В. В., Хорст А., Флори ва б.к.).

Яллигланиш организм учун нафақат шикастловчи, шу билан бирга ҳимоя – мослашув аҳамиятига ҳам эга. Фагоцитоз, иммун таналари ҳосил бўлишининг кучайиши, ҳужайралар кўпайиши ва яллигланиш тўсифининг шаклланиши – яллигланишнинг ҳимоя реакциясининг юзага чиқишидир.

Ялигланиш реакциясининг ёшга боғлиқ хусусиятлари онтогенезда ҳар хил ёшдаги гурӯҳлар организми реактивлігі хусусиятлари билан боғлиқ. Янги туғилған чақалоқлар ва эмизикли болаларда инфекция жараёни күпинчә генерализацияланған (тарқалған) тус олади ва умумий интоксикациялар билан кечади, чунки уларнинг териси ялигланиш реакцияси орқали инфекцияни локаллаштириши қобилиятiga эта эмас. Томир реакцияси томир девори ўтказувчанинг ошиши, жиддий экссудация ва шиш билан тавсифланади. Чақалоқларда эмиграция ва фагоцитар фаоллик паст (Иво – Миллер, 1983). Уларда лейкоцитларнинг метаболик ва ферментатив фоллиги жуда интенсив бўлади.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иши. Суюқ йиринг экссудатидан суртма тайёрлаш ва микроскоп ёрдамида унинг морфологик манзарасини ўрганиш.

Буюм ойнасига пахта тампони ёрдамида суюқ йиринг экссудатидан суртма тайёрланади. Суртма қуригандан кейин Никифоров аралашмасида 10 дақ. давомида фиксиранади. Кейин суртма Романовский усулида 20 дақ. давомида бўялади. Суртмадан бўёқ дистилланган сув билан ювилиб ташланади ва фильтрловчи қофоз ёрдамида қуритилади. Суртмани микроскопик ўрганиш иммерсион тизимда амалга оширилади. Йиринг экссудатида кўп сонли ҳужайра элементлари (лейкоцитлар, йиринг таначалари, эндотелиал ҳужайралар, тўқима парчаланиш маҳсулотлари, фибрин иплари) бўлишига эътибор берилади. Агар йиринг септик ялигланишда олинган бўлса экссудатда микроблар: диплококклар, стафилококклар ва б.к. аниқланади. Микроскопик манзара баённома дафтарига чизилади.

2-иши. Йиринг экссудатининг амилолитик фаоллигини аниқлаш.

6 та кимёвий пробиркалар олинади, уларнинг ҳар бирига 1 мл крахмал қўйилади ва текширилувчи йиринг ошиб борувчи миқдорда (1 дан 5 томчигача) қўшилади. Олтинчи пробирка йирингсиз назорат сифатида қолдирилади. Пробиркали штатив термостатга 30 дақ. (ҳарорат 37° С) қўйилади, сўнг ҳар битта пробиркага 1 томчидан Люгол эритмаси қўшилади, пробиркадаги нарсалар аралаштирилади. Назоратдаги пробиркада крахмал йод билан кўк рангта бўялади. Натижалар баённомага ёзилади ва расм чизилади.

3-иши. Йиринг экссудатининг липополитик фаоллигини аниқлаш.

4 та кимёвий пробирка олинади уларнинг ҳар бирига 0,5 мл су-юлтирилган ёғ солинади. Биринчи пробиркага 2, иккинчисига – 4, учинчисига – 6 томчи текширилувчи йиринг қушилади. 4-пробирка назорат сифатида қолдирилади. Пробиркалар термостатга 30 дақ.

қўйилади, сўнг ҳар бир пробиркага 2 томчидан фенолфталеин индикатори кўшилади. Пробирка ичидаги нарсалар NaOH децинормал эритмаси билан оқимтириш – пушти ранггача титрланади. Олинган натижалар таҳлил қилинади, баённома тузилади ва расм чизилади.

4-иши. Йиринг экссудатининг протелиотик фаоллигини аниқлаш.

6 та пробиркага 1 мл сув билан аралаштирилган товуқ оқсили солинади, сўнг қолган 5 тасига йирингнинг тиниқ центрифугати: 1 –га 1, 2- га 3, 3- га 5, 4- га 7, 5 - га 9 томчи миқдорида кўшилади. Натрий хлориднинг изотоник эритмаси ёрдамида ҳамма пробиркалар ҳажми тенглаштирилади. Олтинчи (назоратдаги) пробиркага 9 томчи натрий хлориднинг изотоник эритмаси қўшилади. Пробиркалар силкитилади ва термостатта 30 дақ. қўйилади. Кейин ҳамма пробиркаларга сульфосалицил кислотанинг 20% ли эритмасидан 2 томчи қўшилади ва эритманинг лойқаланиш даражасининг камайишига қараб экссудатнинг парчаловчи таъсири тўғрисида хулоса қилинади. Назоратдаги пробиркада кўшилган реактив чўқтирган оқсил натижасида ҳамма нақт кескин лойқаланиш кузатилади. Олинган натижалар таҳлил қилинади, баённома тузилади ва расм чизилади.

Жиҳозлар: микроскоплар, термостат, йиринг экссудати, ёғдан тозаланган буюм ойналари, усти бекиладиган идишларга солинган Никифоров аралашмаси ва Романовский бўёғи, колбага солинган дистилланган сув, фильтрловчи қоғоз, шиша релслари, буйраксимон тозча, кимёвий пробиркалар, штативлар, крахмал ва товуқ оқсилининг сувли эритмаси, сув билан аралаштирилган пахта ёғи, Люгол эритмаси, ачитувчи натрий децинормал эритмаси, пенициллин шишаларига солинган фенолфталеиннинг 1% ли спиртли эритмаси, натрий хлориднинг изотоник эритмаси, 20% ли сульфосалицил кислота эритмаси, кўз пипеткалари, иммерсион ёғ, пахта.

АУДИТОРИЯ ИШИ

Мавзууни оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Қўйидаги ишлар бажарилади:

- 1) суюқ йиринг экссудатидан суртма тайёрлаш ва микроскоп ёрдамида унинг морфологик манзарасини ўрганиш;
- 2) йиринг экссудатининг амилолитик фаоллигини аниқлаш;
- 3) йиринг экссудатининг липполитик фаоллигини аниқлаш;
- 4) йиринг экссудатининг протеолитик фаоллигини аниқлаш.

Талаба: 1) мустақил равишида суюқ йиринг экссудатидан суртма тайёрлаш, унинг морфологик таркибини ўрганиш, йиринг танача-

лари, фибрин ипчалари, йиринг яллиғланиши микроорганизмлари бўлишини кўрсатишни; 2) йиринг экссудатининг биокимёвий хусусияти, унинг ферментатив фаоллиги – крахмал, ёф, оқсил парчалаш хусусиятини ўрганишни; 3) олинган натижаларни таҳлил қилишни билиши керак.

Эксперимент баённомаси ва хулосаларни ёзиш

Талаба ўтказилган ишлар натижалари асосида мустақил равиша баённома тузади ва хулосаларни шакллантиради, йиринг таначала-рининг микроскопик тузилишини чизади ва чизма шаклида йиринг ферментатив фаоллигини кўрсатади.

Вазиятли масалаларни ечиш

1-масала. 14 ёшли, М. исмли беморда, текширишлар натижасида плевра бўшлиғида суюқлик борлиги аниқланган. Ташхис қўйиши мақсадида плевра бўшлиғи пункция қилинган. Тиниқ оқимтири – сарик рангли пунктат олинган. Унинг нисбий солиширма оғирлиги – 1,024; оқсил миқдори – 0,33 г/л; Ривалът синамаси мусбат. Чўкиндада кўп ҳужайра элементлари: нейтрофиллар, лимфоцитлар, моноцитлар, эозинофиллар аниқланган. Лимфоцитлар айниқса кўп (ҳужайра элементлари 60–70% гача).

Олинган суюқликнинг хусусияти нимадан иборат?

2-масала. Экссудатда кўп миқдорда эозинофиллар топилган.

Кўрсатилган экссудат таркиби яллиғланишнинг қайси турига (инфекцияли, аспелтик, иммуноаллергик) хос?

3-масала. 27 ёшли, С. исмли беморни текширишда қорин бўшлиғида суюқлик тўпланиши аниқланган. Асцит ривожланиш сабабини аниқлаш учун парацентез – қорин бўшлиғи пункцияси қилинган. Оқимтири – сарик рангли тиниқ пунктат олинган. Унинг нисбий зичлиги – 1,014, оқсил миқдори – 0,2 г/л. Ривалът синамаси манфий. Чўкиндада кам миқдорда ҳужайра элементлари, асосан лимфоцитлар бор.

1. Беморда топилган суюқлик хусусияти нимадан иборат?

2. Асцитнинг бўлиши мумкин бўлган генези нимадан иборат?

4-масала. Иккита күён олиниб, уларнинг биттасига олдин 1 ҳафта давомида гидрокортизоннинг, иккинчисига – альдостероннинг катта дозалари юборилган, сўнг уларнинг териси остига стрептококкнинг вирулентли культураси юборилган.

1. Қайси күнда микроб юборилган жойда яллиғланиш реакцияси кучлироқ намоён бўлади?

2. Қайси күнда септициемия ривожланиш эҳтимоли юқори?

Интеграция амалга оширилиши лозим бўлган фанлар

1. Патологик анатомия.
2. Умумий жарроҳлик.
3. Болалар ва ички касалликлар пропедевтикаси.

11 - МАШГУЛОТ

Мавзу : ИСИТМА

Машгулот мақсади. Талаба қуидагиларни билиши керак:

- 1) иситма ривожланиши сабаблари ва механизmlари, иситма ривожланишининг ҳар хил босқичларида терморегуляция, модда алмашинуви ва физиологик функцияларнинг ўзгаришларини;
- 2) каламушда экспериментда пирогенал юбориб иситма реакцияси нусхасини чақириш ва электротермометрик ўлчов ёрдамида терморегуляция ҳолатини ўрганишни;
- 3) ҳарорат эгри чизикларини тузга билиш ва уларга асосланиб ҳарорат реакцияси типларини аниқлашни;
- 4) иситманинг организм учун биологик можиятини билиш (химоя - мослашиб аҳамияти ва мумкин бўлган салбий оқибатлар) ни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Изотермия нима, у кимларга хос, ҳарорат гомеостазининг роли нимадан иборат?
2. Қайси ҳайвонлар гомойотерм ва пойкилотермларга киради?
3. Иссиққонли ҳайвонларда терморегуляция маркази қаерда жойлашган ва унинг ишлаш принципи қандай?
4. Кимёвий ва физик терморегуляция нима?
5. Одамнинг нормал ҳарорати нимага teng ва унинг бир кечакундузда ўзгариши.
6. «Гипотермия» тушунчаси.
7. «Гипертермия» тушунчаси.

Асосий адабиётлар:

Патологическая физиология /Под ред. А. Д. Адо, Л. М. Ишимовой. 2 – е изд., перераб. и доп. – М.: Медицина, 1980, с. 178 – 193.

Патологическая физиология /Под ред. чл. – корр. АМН СССР Н. Н. Зайко. –2-е изд., перераб. и доп. – Киев: Вища школа, 1985. 309-321.

Н. Х. Абдуллаев, Х. Е. Каримов /Патофизиология. Т.: Абу Али ибн Сино номидаги тибиёт нашриёти, 1998, б. 154-162.

Патологическая физиология /Под ред. А. Д. Адо, М. А. Адо, В. И. Пыцкого, М.: Триада – X, 2002. с. 206 -213.

Қўшимча адабиётлар:

Антонов И. И. Температурный гомеостаз и гипероксия. – М., 1989.–222 с.
Васелкин П. Н. Лихородка. – М., 1963.

Васелкин П. Н. Лихородка. В кн.: БМЭ / Под ред. Б. В. Петровского. –3 –е изд., - М., 1980, т. 13, с.217 – 227.

Линденбрaten В. Д., Турбина Л. В. Тесты по патофизиологии для II уровня усвоения. – Хабаровск, 1981.

Овсянников В. Г. Патологическая физиология (типовые патологические процессы). – Ростов – на – Дону, 1987, с. 128- 147.

Руководство к практическим занятиям по патологической физиологии / Под ред. чл.- корр. АМН СССР Н. Н. Зайко и проф. Л. Я. Даниловой. – Киев: Вища школа, 1987, с. 88 – 92.

Сорокин А. В. Пирогены. – Л., 1965.

Чеснокова Н. П. Берсусдский С. О. Вопросы и ситуационные задачи по патологической физиологии. – Саратов, 1988.

Асосий ўкув саволлари

1. Иситма тушунчаси таърифи ва умумий тавсифи.
2. Иситма этиологияси: инфекцион ва ноинфекцион иситма.
3. Пироген моддалар, уларнинг турлари, ҳосил бўлиш манбай ва кимёвий табиати.
4. Пирогенларнинг таъсир қилиш механизmlари тўғрисида ҳозирги замон тушунчалари.
5. Иситма босқичлари, унинг ҳар хил босқичларида терморегуляциянинг қайта қурилиши.
6. Иситмада модда алмашинуви ва физиологик функцияларнинг ўзгаришлари.
7. Иситма реакциясининг биологик аҳамияти. Пиротерапия.
8. Иситманинг ортиқча қизишдан фарқи.
9. Илк ёшлик даврида иситма реакциясининг ҳусусиятлари.

Аннотация

Иситма (лат. febris, юн. ругехия) – типик патологик жараён бўлиб, терморегуляциянинг қайта қурилиши ва ҳароратнинг кўтарилиши билан тавсифланади. П. Н. Веселкин иситмани иссиққонли ҳайвон-

ларда эволюция давомида пироген моддалар таъсирида юзага келган носпектифик типли реакция сифатида таърифлайди; унинг моҳияти иссиқлик алмашинувининг вақтинчалик янги, юқорироқ даражада қайта қурилишидан иборат. Иситманинг этиологияси – пироген, яъни иссиқлик кўтарувчи (*pyros* – иссиқлик, *geno* – чақираман) моддалар ҳисобланади. Иситма реакциясини чақиравчи пироген агентларга яъни омилларга микроб ва вируслар, уларнинг парчаланиш маҳсулотлари ва организмда фагоцитоз ёки пиноцитоз обьекти бўлиб қолган моддалар ҳамда тўқима шикастланиши ва яллиғланишини чақиравчи ҳар қандай моддалар киради. Пироген моддалар – бу терморегуляция тузилмаларини специфик қўзғатувчи юқори молекулали (липолисахаридлар ва оқсиллар) бирикмалардир. Пирогенлар гурухлари: экзоген ёки бирламчи (таъсир қилиш механизми бўйича) ва эндоген ёки иккиласмачи бўлади. Экзопирогенларга микроорганизмлар ҳаёт-фаолияти маҳсулотлари, уларнинг экзо – ва эндотоксинлари киради. Грамманфий бактерия эндотоксини таркибида уч таркибий қисм борлиги кўрсатилган; микроб ҳужайра юзаси билан боғлиқ О фракция, ҳужайра ядроси билан боғлиқ К фракция ва липоид А деб номланувчи фракция (термостабил, оқсилдан тозаланган фракция). Фақат липоид А пироген хусусиятли модда ташувчи эканлиги тасдиқланган (Зайко Н.Н., 1990).

Кимёвий таркиби бўйича экзопирогенлар аввало липолисахаридлардир, аммо айрим микробларнинг (сил микобактерияси, I типли пневмококклар) термолабил оқсил фракциялари ҳам пироген фаолликка эга. Кўпгина грамманфий микроблардан экспериментал ва клиник амалиётда қўлланиладиган оқсилдан тозаланган стандартланган юқори фаолликга эга пироген препаратлар (масалан пирогенал) олина бошлади. Бу препаратлар одатда бактериал пирогенлар дейиллади.

Ҳозирги замон тушунчасига биноан экзопирогенлар ўз таъсирини организмга эндопирогенлар ҳосил бўлиши орқали амалга оширади (Овсянников В. Г., 1987). Эндопирогенлар оқсил табиатли модда бўлиб, улар ҳосил бўлишининг асосий манбай қон лейкоцитлари ҳисобланади. Лейкоцитларда пирогенлар тайёр ҳолда бўлмайди, улар лейкоцитларнинг ҳаёт фаолияти жараённида ишлаб чиқарилади. Экзопирогенлар таъсирида олдин лейкоцитлар метаболизми ўзгаради, уларда анаэроб гликолиз кучаяди, натижада пироген фаолликка эга бўлган янги оқсиллар синтезланади. Бу давр 1–2 соат давом қиласади. Кейин пироген ажратиши бошланади (гранулоцитлардан 16–18 соатдан кейин, моноцитлардан – 35 соатдан кейин). Бузилган, парчаланган лейкоцитлар эндоген пироген ажратиш хусусиятини йўқотади.

Этиологияси буйича инфекцион ва ноинфекцион иситма фарқ қилинади. Инфекцион – микроорганизмлар томонидан (бактерия-

лар, вируслар, оддий ҳайвонлар, замбуруғлар) қақирилади ва пневмония, грипп, безгак ва ҳ.к. касалликларнинг ўзига хос белгиси ҳисобланади. Ноинфекцион иситма қон қуйилганда, қуишида ва айрим дори моддалари юборилганда ривожланади. Шунингдек ноинфекцион иситмага:

— тўқиманинг механик, кимёвий ёки физик локал шикастланиши, ҳамда унда қон айланишининг бузилиши билан боғлиқ бўлган асептик яллиғланишда ривожланадиган иситмали реакциялар. Бундай ҳолатларда иситманинг ривожланиши яллиғланиш ўчигига лейкоцитлар эмиграцияси билан аниқланади. Лейкоцитлар фаоллашади ва пироген ишлаб чиқара бошлайди. Шундай қилиб, этиологияси ҳар хил бўлишидан қатъий назар ноинфекцион иситма патогенетик механизми инфекцион яллиғланишдаги иситма ривожланиш механизми билан бир хил;

— марказий асаб тизими функционал бузилишлари асосида (термоневрозлар деб номланувчи иситма) ёки умуман асабийлашишда (рухий касалларда ҳароратнинг кўтарилиши, соғлом одамларда: кўзга-лувчан аёлларда, болаларда, нотиқларда, актёрларда, имтиҳон сессияси даврида талабаларда ва кучли эмоция натижасида(Эмоционал иситма) бошқаларда;

— иммун, иммунпатологик жараёнлар ва аллергик реакциялар билан боғлиқ (улар асосида эндоген лейкоцитар пироген ҳосил бўлиши ётди) иситма реакциялари;

— жисмоний ишда ривожланадиган иситма реакциялари;

— гормонал бузилишларда ривожланадиган иситма реакциялари киради.

Пироген хусуситларга стероид гормонлар метаболитлари (прегнан, этиохоланолон ва б.к.) ҳам эга. Этиохоланолон *in vitro* лейкоцитар пироген ишлаб чиқарилишини стимуллаши кўрсатилган.

Иситма патогенези. Адабиётларда келтирилган маълумотларга кўра (Лоури М. И., 1985), гипоталамуснинг олд қисми — преоптик зонасида жойлашган терморегуляция маркази икки бўлимдан: термосезгир соҳа («термостат») ва термоўрнатувчи соҳа («ўрнатувчи нуқта») лардан иборат. Биринчисининг медиатори норадреналин ва серотонин, иккинчисиники — ацетилхолин ҳисобланади. «Термостат» нинг термосезгир нейронлари қон ҳароратининг ҳар ҳандай ўзгаришини шу пайтнинг ўзида қабул қиласи ва «ўрнатувчи нуқта» нейронларига бу тўғрида сигнал етказади, «термостат» эса иссиқлик ишлаб чиқариш ва унинг ташқарига берилишини ўзгартириш орқали тана ҳароратининг керакли даражага етказилишини таъминлайди. Кондан эндоген пирогенлар терморегуляция марказига тушади, термоўрнатувчи соҳада простагландин Е₁ ва Е₂ синтезловчи простагландинсинтетаза ферментини фаоллаштиради (Овсянников В. Г., 1987). Улар

таъсирида нормал тана ҳарорати худди пасайгандек қабул қилинади, натижада тана ҳароратини кўтаришга қаратилган ҳамма терморегуляция механизмлари ишга тушади, ҳарорат гомеостазини ўрнатувчи нуқта янги, юқорироқ даражага силжийди.

Тана ҳароратининг кўтарилишига олиб келувчи терморегуляция маркази функционал фаоллигининг ўзгариши вегетатив, соматик асаб ўтказувчилар ва ички секреция безларининг ишга тушиши орқали амалга оширилади. Адренергик механизмларининг асосан иссиқлик ҳосил бўлиши ўзгаришларига жавоб бериши кўрсатилган. Бунда норалреналиннинг гўридан-тўғри мета-болик эфекти оксидланишни фосфорланишдан ажратишдан иборат. Шу билан бир қаторда катехоламинлар периферик томирларнинг спазмини чақириб иссиқликни ташқарига берилишини чеклайди. Парасимпатик таъсир иссиқликни ташқарига берилиш жараёнининг фаоллашишини таъминлади. Ички секреция безлари фаолиятининг ўзгариши аввало тироксин ишлаб чиқарилиши кучайиши билан намоён бўлади, бу иссиқлик ҳосил бўлишининг ошишига олиб келади. П. Н. Веселкин (1972), Г. И. Медведева (1978) маълумотларига кўра, қалқонсимон без функционал фаоллигидаги ўзгаришлар иссиқликни регуляция қилувчи марказ сезигрлигини пироген таъсиrottларга нисбатан ўзgartиради.

Иситма босқичлари: stadium incrementi – ҳароратнинг кўтарилиши, stadium fastigii – ҳароратнинг юқори даражада туриши, stadium dectementi – ҳароратнинг пасайиши.

Биринчи босқичда иссиқлик ишлаб чиқарилиши уни ташқарига берилишидан устиворлик қиласи. Иссиқликнинг ташқарига берилиши кескин чекланади. Бошқа варианatlари ҳам бўлиши мумкин. Иссиқликни ташқарига берилишининг чекланишида симпатик асаб тизими қўзғалувчанлиги муҳим аҳамиятга эга. Тери томирларининг спазми ва қон билан таъминланишининг чекланиши совуклик терморецепторларининг таъсиrlанишга олиб келади. Қалтираш юзага келади. Қалтираш оқибатида рўй берадиган мушаклар титраши иссиқлик ҳосил бўлишининг кучайишига олиб келади.

Иситманинг иккинчи босқичида иссиқлик ҳосил бўлиши ва унинг ташқарига берилиши юқори даражада бараварлашади. Периферик томирлар кенгаяди, гиперемия ҳосил бўлади, тери ушлаб кўрилганда у иссиқ, иситма сезгиси пайдо бўлади.

Иситманинг учинчи босқичида яъни пирогенлар таъсири тугандан сўнг иссиқликнинг ташқарига берилиши унинг ҳосил бўлишидан устиворлик қиласи. Иссиқлик организмдан тернинг интенсив ажralиши, тери томирларининг кенгайиши, тез-тез нафас олиш ҳисобига чиқарилади. Иситманинг учинчи даврида ҳароратнинг пасайиши аста-секин ёки литик (бир неча кун давомида) ёки тез (критик) бўлиши мумкин. Ҳароратнинг критик пасайиши хавфли: артериал қон босими жиддий пасайиб, коллапс ривожланиши мумкин.

Ҳарорат күтарилиш даражаси бўйича иситманинг қуидаги турлари фарқ қилинади: субфебрил (38°C гача), ўртача – $38 - 39^{\circ}\text{C}$, юқори – $39 - 41^{\circ}\text{C}$, гиперпиретик – 41°C дан юқори.

Иситмада ҳарорат эгри чизиги типлари:

— *febris continua* – доимий ҳарорат, эрталабки ва кечқурунги ҳарорат фарқи 1°C дан кўп эмас, зотилжам, тошмали тифда кузатилади;

— *febris remittens* – бўшаштирувчи ҳарорат, унинг кундалик ўзгариб туриши – $1,5 - 2^{\circ}\text{C}$ атрофида. Ич терлама, сил, бруцеллез касалликлари, экссудатив плевритда кузатилади;

— *febris intermittens* – қур – қур тутадиган (ора-сира бўлиб, такрорланиб тутадиган) иситма – эрталабки ва кечқурунги ҳарорат орасида фарқ катта, эрталаб ҳарорат нормагача пасаяди, бир ёки икки кундан кейин ҳарорат мунтазам кўтарилади. Безгақда кузатилади (ҳар уч ва тўрт кунда тутадиган);

— *febris hectica* – ҳолдан тойдирувчи иситма, ҳароратнинг бир кеча-кундуздаги фарқи $3 - 5^{\circ}\text{C}$. Сепсисда, сил касаллигининг оғир шакларида кузатилади;

— *febris recutens* – қайталанувчи ҳарорат, унга ҳароратли ва ҳароратсиз даврларнинг навбатланиши хос, бунақа ҳолат бир неча кун давом қилиши мумкин (пирексия апирексия билан алмашади). қайталанувчи тифда кузатилади;

— *febris atypica* – ҳароратнинг қонуниятсиз ўзгариб туриши хос. Сепсисда кузатилади.

Иситмада модда алмашинувининг ўзгариши:

— асосий алмашинув ошган (нормада $1600 - 1700$ ккал), тироксин ва адреналин ишлаб чиқарилишининг кўпайиши билан боғлик;

— оқсил алмашинуви: манфий азот баланси, оқсил парчаланишининг кучайиши (инфекцион касалликларда), ҳарорат билан боғлик альбуминурия, креатинурия;

— карбонсувлар алмашинуви: гипергликемия, жигарда симпатико;

— адренал тизим фаоллашув билан боғлик гликогеннинг камайиши;

— ёғ алмашинуви: деподан ёғ мобилизациясининг кучайиши, кетонемия ва кетонурия;

— сув-туз алмашинуви: организмда сув ушланиши. Иситманинг биринчи даврида диурез кучайган (ички аъзоларга кўп қон оқиб келиши); иккинчи босқичида диурез камайган (альдостерон кўп иккаб чиқарилиши натижасида тўқималарда натрий ва сув ушланади); учинчи даврда – диурез ошган (кўп микдорда натрий хлорид йўқотилади).

Иситмада айрим физиологик функцияларнинг бузилиши:

— марказий асаб тизими: бош мия рефлектор фаолиятининг пасайиши, клиник белгилари – бош оғриши, ҳорғинлик, хуш бузилиши, талвасаланиш, галлюцинациялар бўлиши мумкин;

— эндокрин тизим: симпатико – адренал тизим, қалқонсимон без функцияси фаоллашиши, организм носспецифик реактивлигигинт ошиши;

— юрак-томир тизими: юрак қисқариш ритмининг тезлашиши (ҳарорат 1°С га кутарилганда пульснинг 1 дақиқада 8–10 га ортиши), ҳарорат кўтарилиш даврида артериал қон босимининг ошиши, ҳарорат камайганда томир тонусининг пасайиши;

— нафас: ҳарорат кўтарилаётганда нафас сони камаяди, кейин тезлашади (ҳарорат 1°С га кутарилганда нафас 1 дақиқада 3 га ошади), инфекцион иситмада интоксикация туфайли нафас сони 2–3 марта ошиши мумкин;

— ҳазм қилиш: ҳазм қилиш безларининг секретор функцияси ва ичакнинг мотор функцияси ҳамда иштаҳа камаяди, қабзият учрайди;

— буйраклар: диурез ўзгаради (юқорига қаралсан).

Иситманинг ортиқча қизишдан (гипертермия) фарқи:

— иситмада терморегуляция сақланади, унинг қайта қурилиши юқори даражада амалга оширилади. Гипертермияда терморегуляция бузилади.

— иситманинг сабаби пироген моддалар ҳисобланади, ортиқча қизиш эса иссиқликнинг ташқарига берилшини қийинлантирувчи (эксоген ортиқча қизиш) ёки организм хужайраларида оксидланишни фосфорланишдан ажратувчи (эндоген ортиқча қизиш) омилларга боғлиқ;

— иситмада тана ҳарорати атроф-муҳит ҳароратига боғлиқ эмас. Ортиқча қизиш эса асосан муҳит ҳароратининг кўтарилиши билан боғлиқ;

— иситма организмнинг ҳимоя – мослашиш реакцияси ҳисобланади. Ортиқча қизиш организм учун ҳавфли.

Иситманинг биологик аҳамияти. Органик дунё эволюцияси давомида пайдо бўлган иситманинг қўйидаги ижобий томонлари мавжуд: микроблар ҳаёт фаолияти сусаяди, антитаналар ишлаб чиқарилиши, фагоцитоз кучаяди, жигарнинг антитоксик функцияси, гематоэнцефалик барьер роли фаоллашиди ва б.к. Аммо ҳарорат ҳаддан ташқари кўтарилган ҳолларда марказий асаб тизими функциясининг бузилиши (хушининг хиралашиши, талvasаланиш ва б.к.) шаклида номақбул оқибатларга олиб келади.

Иситма реакциясининг фойдали томонлари (пиротерапия) кўпгина касалликларни даволашиша қўлланилади. Пиротерапияни биринчи марта Вагнер – Яуретг қўллай бошлади ва захм касаллигини сунъий иситма билан даволашга бағишлиланган ишлари учун 1916 йилда Нобел мукофотига сазовор бўлди. Ҳозирги вақтда пиротерапия марказий ва периферик асаб тизими касалликлари, ҳавфли гипертония, теританосил (захм, сўзак), тери (экзема) касалликларини, ўпка сили-

нинг кавернозли шакли ва б.қ.ларни муваффақиятли даволашда қўлланилади. Сунъий пироген моддалар экилган микроблардан уларни балласт моддалардан тозалаш усули орқали олинади. Замонавий тиббиёт арсеналида қуйидаги тозаланган пирогенлар: пирогенал (Россия), пирексаль (Германия), пиромен (АҚШ) ва б.қ.лар мавжуд.

Эрта ёшдаги болаларда терморегуляция ва иситма реакциясининг хусусиятлари. Бола организми нотурғун гомойотермия билан тавсифланади. Болалар тезда қизийдилар ва совук қоталилар. Уларда физик иссиқлик регуляцияси такомиллашган эмас, кимёвий эса етарли дарражада ифодаланган бўлади. Чақалоқларда иситмада тургун равишда ҳарорат кўтарилимайди, сакраб туради. Болаларда бир ёшгача стафилококк ва вируслар чақирган иситмада умумий интоксикация ва талvasаланиш билан кечадиган ниҳоятда юқори ҳарорат (41°C гача) кузатилади. Иситмада болаларда кузатиладиган талvasаланиш реакцияларининг ривожланиши механизми мия пўстлоқ ости тузилмаларини, пўстлоқнинг тормозловчи таъсиридан чиқиши ва стриопаллидар тизимнинг қўзгалиши билан тушунтирилади. Бундай ҳолатларда антипироген моддаларнинг (ацетилсалацицил кислота ва б.қ.), қўлланилиши ўзини оқлади. Бунга простагландин E_1 ва E_2 лар блокадаси орқали эришилади.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-ши. Экспериментал пирогеналли иситма.

Пирогенал – липополисахарид бўлиб, экилтан *Salmonella typhi* дан олинади. Пирогенал эритмаси тиниқ ва рангиз. Унинг фаоллиги минимал пироген дозада (МПД) ифодаланади. МПД – модданинг минимал миқдори бўлиб, кўён венасига юборилганда ҳароратнинг $0,6^{\circ}\text{C}$ кўтарилишига олиб келади. Пирогенал препарати ампулаларда 1 мл тўртта ҳар хил концентрацияли: 100, 250, 500, 1000 МПД да ишлаб чиқарилади.

Массаси 150 – 190 г каламушга тажрибадан 18 – 20 соат олдин овқат берилмайди. Амалиёт дарсида электротермометр ёрдамида ректал ҳарорат ўлчанади, нафас олиш сони ва тузи аниқланади. Сўнг қорин бўшлиғига қайнатиб олинган туберкулин шприци билан 50 МПД пирогенал юборилади. Пирогенал юборилгандан 15, 30, 45, 60 ва 90 дақ. кейин ҳарорат ўлчанади, 1 дақ. нафас сони аниқланади, шиллиқ қават рангига ва ҳайвон ҳолатига эътибор берилади. Одатда иситмали ҳайвон қўзгалган, нафас ва пульси тезлашган, шиллиқ қаватлар қизарган бўлади. Натижалар жадвалга ёзилади (2-жадвал), ҳарорат эгри чизиги чизилади, ҳарорат кўтарилиш даражасига қараб иситма қайси эгри чизикقا мансублиги аниқланади.

Жиҳозлар: каламуш, ампулали пирогенал, туберкулин шприци, корнцанглар, вазелин, тиббиётда ишлатиладган термометр ёки электротермометр, пахта, спирт, шиша қалпоқ таглиги билан.

2-иши. ҳар хил иситма турларида ҳарорат эгри чизигини чизиш.

2-жадвал

Вакт, дақылаларда	Ҳарорат	1 дақ. нафас олиш сони
Тажрибагача		
15		
30		
45		
60		
75		

АУДИТОРИЯ ИШИ

Мавзуни оғзаки мұхокама қилиш. Амалий ишларни мустақил бажариш ва амалий күнікмаларни ўзлаشتариш

Қуйидаги ишлар бажарилади:

- 1) экспериментал пирогеналли иситма чақириш;
- 2) ҳар хил иситма турларида ҳарорат эгри чизигини чизиш.

Талаба каламушда унга пирогенал юборғанда иситма реакцияси нұсқасини яратиши, электротермометр ёрдамида ректал тана ҳароратини ўлчаш ва ҳарорат эгри чизикларини чизишни билиши керак.

Эксперимент баённомаси ва хulosаларини ёзиш

Талаба мустақил равишида пирогенал юборилған иситмали ҳайвонни күзатиб, уннинг нафас олишини санаш, ҳамда тана ҳароратининг ўзгариши ёзилған жадвал маълумотлари асосида баённома тузади. Ҳарорат күтарилиши даражасига қараб иситма тури түғрисида хulosалар қиласы.

Мустақил равишида ҳарорат эгри чизиклари жадвали түлдиради (3-жадвал), ҳарорат ҳар хил эгри чизикларига хос кундалик ҳарорат ўзгаришини ҳамда бу эгри чизиклар күзатиладиган касаллilikларни аниклады.

Вазиятли масалаларни ечиш

1-масала. Учта – интакт, экспериментал тиреотоксикозли ва олдиндан күп марта глюокортикоидлар юборилған қүёңда пирогенал юбориши орқали экспериментал иситма чақирилған.

1. Кўрсатилган иситма нусхалари варианtlарида пирогеналга реакция бир типли бўладими?

2. Агар бўлмаса, нима учун?

2-масала. Учта қўёнлардан биринчисининг венасига динитрофенол (0,02 г/кг), иккинчисининг мушагига — пирогенал (0,01 г/кг), учинчисининг мушагига — 0,5 мл скипидар юборилган.

1. Қайси ҳолатда иситма ривожланиши кузатилади ва нима учун?

2. Қайси ҳолатда иситма ривожланмайди?

3-масала. 32 ёшли, В. исмли беморда тўсатдан қаттиқ бош оғриғи, заифлашиш, орқа мушакларида, кўл-оёқларида оғриқ, бурун бекилиши, қалтираш пайдо бўлган. ҳарорат тез $39,2^{\circ}\text{C}$ гача кўтарилиган. Чакирилган шифокор грипп ташисини кўйган.

Бу мисолда иситманинг ривожланиш механизmlари нималардан иборат?

4-масала. А. исмли беморда пайпаслаганда тери совуқ ва қурук. Субъектив бемор қалтирашни сезади, унда титтраш кузатилади. Б. исмли беморда пайпаслаганда тери иссиқ ва нам. Бемор танасининг қизиб кеттанилигини сезади.

Бу икки беморда иситманинг қайси даврлари мавжуд?

5-масала. М. исмли беморнинг ҳолати оғирлашган. Ҳар куни кечга бориб ҳарорат $39-40^{\circ}\text{C}$ гача кўтарилиди. Кечаси кўп тер ажralиши натижасида ҳарорат нормагача ва ундан ҳам пасаяди. Ҳароратнинг бир кеча-кундузда ўзгариши $4-5^{\circ}\text{C}$ ташкил қиласи.

1. Ҳарорат эгри чизигининг бу типи қандай номланади?

2. Бу иситма қачон кузатилади?

Интеграция амалга оширилиши лозим бўлган фанлар

1. Умумий жарроҳлик.

2. Болалар ва ички касалликлар пропедевтикаси.

3. Инфекцион касалликлар.

Ҳарорат эгри чизигининг асосий турлари

3-жадвал

Иситманинг узбек ва лотин тилларида номи	Касаллик кечиши давомида ҳарорат эгри чизиклари								Ҳароратнинг кундадлик ўзгаришлари	Бу ҳарорат тури кузатиладиган касал-р
	1	2	3	4	5	6	7	8		
	Э	К	Э	К	Э	К	Э	К	Э	К
Доимий Febris continua	40									
	39									
	38									
	37									
	36									

Бұшашти- рувчи <i>Febris remittens</i>	40 39 38 37 36													
Кур - құрловчи <i>Febris intermittens</i>	40 39 38 37 36													
Холдан тойдирувчи <i>Febris hectica</i>	40 39 38 37 36													
Қайтала- нувчи <i>Febris recurrentis</i>	40 39 38 37 36													
Атипик <i>Febris atypica</i>	40 39 38 37 36													

Изоҳ: эрта билан ўлчанган ҳарорат «Э», кечқурун ўлчанган ҳарорат «К» графаларига туширилади.

12 - МАШГУЛОТ

М а в з у : ИММУНОПАТОЛОГИК ЖАРАЁНЛАР. АЛЛЕРГИЯ

Машгулот мақсади. Талаба күйидагиларни билиши керак:

1) иммун тизим етишмөчилегининг асосий шакллари (бирламчи ва иккиламчи иммунодефицитлар), одамнинг орттирилган иммунодефицит синдроми (ОИТС) патогенезини;

2) аллергия тәърифи ва умумий тушунчаси, аллергенлар турлари, аллергик реакциялар типлари, уларнинг механизмлари, организм аллергик қайта қурилишининг босқычларини;

3) экспериментда умумий анафилакция реакциясини (денгиз чўчқасида анафилактик шок) ва «маҳаллий» аллергик феноменларни чақириш, уларнинг ривожланиши патогенези, аллергияда организмнинг гипо – ва десенсибилизацияси йўларини;

4) ҳомила иммун конфликтининг асосий шакллари ва оқибатлари, аллергияда наслий мойилликнинг роли, диатезлар патогенезида аллергиянинг аҳамиятини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

- 1. Иммунитет нима, унинг биологик роли?**
- 2. Иммунитет тўғрисидаги фан қандай аталади? Унга асос солган олимларни айтинг.**
- 3. Иммунитет турлари.**
- 4. Орттирилган иммунитет қайси гуруҳларга бўлинади?**
- 5. Антигенлар нима, уларнинг асосий хусусиятлари нимадан иборат?**
- 6. Гаптенлар нима?**
- 7. Антитана нима? Иммуноглобулиналарнинг беш синфини айтинг?**
- 8. Организмда иммун жавоб қандай амалга оширилади?**
- 9. Қон иммунокомпетент ҳужайраларини айтинг.**

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2 – е изд., перераб. и доп. – М.: Медицина, 1980, с. 125–143.

Патологическая физиология /Под ред. чл.-корр. АМН СССР Н. Н. Зайко. – 2 – е изд., перераб. и доп. - Киев: Виша школа, 1985, с. 100–122.

Петров Р. В. Иммунология. – М.: Медицина, 1982. - 367 с.

Хайтов Р. М. Манъко В. М.. Алексеев Л. П. и др. Иммуногенетика и иммунология: резистентность к инфекции. – Ташкент: Изд-во им. Ибн Сины, 1991. -456 с.

Н. Х. Абдуллаев, Ҳ. Ё. Каримов /Патофизиология. Т.: Абу Али ибн Сино номидаги тиббиёт нашриети, 1998, б. 240 – 267.

Патофизиология /Под ред. А. Д. Адо, М. А. Адо, В. И. Пыцкого и др. М.: Триада – X, 2002, с. 101 – 124.

Кўшимча адабиётлар:

Адо А. Д. Общая аллергология. – М.: Медицина, 1970, 278 с.

Беклемишев Н. Д. Иммунология и иммунорегуляция (при инфекциях, инвазиях и аллергиях). М.: Медицина, 1986.

Беклемишев Н. Д. Иммунитет и аллергия. – Иммунология, 1983, № 6, с. 78-81.

Брондз Б. Иммунотерапия в онкологии. – Врач, 1991, № 4, с. 26-28.

Воронцов И. М., Маталыгина О. А. Болезни, связанные с пищевой сенсибилизацией у детей. М.:Медицина, 1986.

Гушин И. С. Об элементах биологической целесообразности аллергической реактивности. — Пат. Физiol., 1979, № 4, с. 3-11.

Клиническая иммунология и аллергия / Под ред. Л. Йегера: пер. с нем. — М.: Медицина, 1990, т.1, 2, 3.

Косяков П. Н. Иммунология в современной медицине. — Вестн. АМН СССР, 1979, № 1, с. 14.

Линденбрaten В. Д., Турбина Л. В. Тесты по патофизиологии II уровня усвоения. — Хабаровск, 1981.

Петров Р. В. Иммунология и иммуногенетика. — М.: Медицина 1976 — 336 с.

Пышкий В. И., Адрианова Н. В., Артомасова А. В. Аллергические заболевания. — Изд. 2 —е, переаб. и доп. — М.: Медицина, 1991.—366 с.

Рябов С. И., Ракитянская И.А., Шутко А. Н. почки и система иммунитета. — Л.: Наука, 1989. — 150 с.

Транквилитати Н. Н. Методические указания к практическим занятиям по патологической физиологии. — Донецк, 1980.

Фонталин Л. Н., Певницкий Л. А. Иммунологическая толерантность. — М.: Медицина, 1978. — 284 с.

Чеснокова Н. П., Берсудский С. О. Вопросы и ситуационные задачи по патологической физиологии. — Саратов, 1988.

Асосий ўкув саволлари

1. Р. В. Петров бўйича иммунитет тушунчасининг таърифи, Т - ва В – иммун тизим тавсифи.

2. Иммун жавоб механизми тўгрисида ҳозирги замон тушунчаси.

3. Иммунтанслик ҳолатлар (бирламчи ва иккиласмачи иммун танқисликлар).

4. Одам орттирилган иммунтанслик синдроми (ОИТС) этиологияси ва ривожланиш механизми.

5. Аллергия тушунчаси ва умумий тавсифи. Аллергия ва иммунитет ўзаро муносабатлари.

6. Аллергенлар тўгрисида тушунча. Экзо - ва эндоаллергенлар (Адо А. Д., 1970).

7. Аллергик реакция типлари. Асосий босқичлари ривожланишини тавсифи.

8. Анафилактик шок патогенези (Гушин И. С., 1979).

9. Сенсибилизация, унинг турлари. Гипосенсибилизация, десенсибилизация, унинг усуллари.

10. Чакалоқлар аллергияси. Болаларнинг аллергизацияланиш манбалари. Диатезлар патогенезида аллергиянинг аҳамияти.

Аннотация

Иммунитет — Р. В. Петров (1982) таърифи бўйича — организмнинг ўзида генетик ёт информация ташувчи тирик тана ва модда-

лардан ҳимояланыш усулидир. Унинг асосий вазифаси – организм ҳужайрасидан генетик фарқ қиласиган ҳужайрани – у ёт ҳужайрами ёки шу тана ҳужайраси бўладими, аммо генетик нуқтаи назардан ўзгарган ҳужайрани – йўқ қилишдан иборат. Иммун жавоб лимфоид тизим – иммунитет аъзолари орқали амалга оширилади. Лимфоид тизимда марказий (айрисимон без, Фабрициус тўрваси, кўмик гурӯхли лимфатик фолликулалар – пейер тошмалари,) ва периферик (лимфатик тугунлар, талоқ, қон) аъзолар фарқ қилинади. Иммун тизим ҳамма ҳужайралари асоси қон яратувчи устун ҳужайра ҳисобланади. Бу ўзини-ўзи таъминловчи полипотент ҳужайра лимфоид ҳужайра (LSC – лимфоид устун ҳужайра), яъни Т – ва В – тизим лимфоид ҳужайралари умумий «ажоддларининг» ҳосил бўлишини таъминлайди. LSC икки типдаги ҳужайра – РТС (Т – ҳужайра ўтмишдоши) ва РВС (В – ҳужайра ўтмишдоши) ҳосил бўлишига олиб келади, улардан эса лимфоцитларнинг Т – ва В – популяциялари ривожланади (Косяков П.Н., 1979).

T-лимфоцитларни РТС дан ривожланиши иммун тизимнинг марказий аъзоси – айрисимон безда, унинг эпителиал ҳужайралари ва гуморал медиаторлар таъсирида рўй беради. Тимик гуморал омил (тимозин, тимопоэтин ва б.к.) қонга тушади. У Т – лимфоцитларнинг айрисимон бездан ташқарида етилишини таъминлаш хусусиятига эга. Тимик лимфоцитлар (тимоцитлар) учта мустақил типдаги лимфоцитларни: Т – ёрдамчилар (хелперлар), Т – эфекторлар ва Т – супрессорларни ҳосил қиласи ва қон айланиш ва периферик лимфотик аъзоларига етказиб туради. Т – эфекторлар антиген стимуляцияси таъсирида ҳужайра типли иммун реакцияларни амалга оширувчи сенсибилизацияланган лимфоцитлар клонининг (киллелар) тўпланишини таъминлайди. Устун ҳужайраларнинг ривожланишини регуляция қиласиган Т-дифференцияловчи ёки Т-регуляцияловчи ҳужайралар ҳам фарқ қилинади.

Бу – ҳужайралар ўтмишдошлари ҳали маълум бўлмаган сабаблар таъсирида илгари IgM синтезлаган, аммо устки иммуноглобулин рецепторлари бўлмаган В - олд ҳужайра босқичи орқали кўмикда бўладиган IgM рецепторли В-лимфоцитларга айланади. Бу лимфоцитлардан ҳар хил типдаги В - лимфоцитлар (В – эфекторлар, В - супрессорлар, В - хелперлар) ҳосил бўлади ва приферик лимфоид аъзоларга етказиб берилади, улар IgM, IgG, IgA, IgD, IgE синфили антитаналар ишлаб чиқариш қобилиятига эга бўлган плазматик ҳужайралар тўпланишини таъминлайди. Мембронасида IgG учун факат FcR ташувчи ва Т – ёки В – лимфоцитларга хос бошқа устки тузилмалари бўлмайдиган ноль лимфоцитлар ҳам фарқ қилинади. Макрофаглар махсус гистогенезга эга бўлиб, улар LSC дан эмас, балки қон яратилишининг гранулоциттар куртаги билан умумий бўлган

қон яратиш ўтмишдошларидан ҳосил бўлади. Шундай қилиб, етилган Т- лимфоцитларнинг (хелперлар, эффекторлар ва супрессорлар) ва В – лимфоцитларнинг (IgG, M, A) бир неча типлари ва макрофаглар специфик иммун реакцияларнинг ҳамма мажмунин тъминловчи энг асосий ҳужайра шериклари (партнерлари) ҳисобланади.

Иммун жавоб механизми тўғрисида ҳозирги замон тушунчаси. Организм иммун жавоби ривожланишида уч типдаги: Т-, В- лимфоцитлар ва макрофаглар (А- ҳужайралар – *accessorius* – ёрдамчи сўзидан олинган) иштирок қиласди. Антиген билан биринчи навбатда макрофаглар контакт қиласди. Макрофаглар уни ушлаб олади ва қайта ишлайди. Натижада антигеннинг кўп қисми гидролизланади, ёт оқсил антиген детерминантини ташувчи кам қисми эса А- ҳужайра юзасига чиқади, у ерда ёт пептид макрофаг гисто мос келмаслик молекуласи билан боғланади (Брондз Б., 1991). Антиген тўғрисидаги ахборотни Т – хелперларга узатувчи комплекс ҳосил бўлади. Т- лимфоцитлар бўлина бошлайди, «етилади» ва В-лимфоцитларга таъсир қилувчи гормонал омил (интерлейкинлар ва б.к.) ажратади. Т – ва В – лимфоцитлар орасида мураккаб ўзаро таъсир механизми (кооперация) мавжуд. Т – хелперлар (ёрдамчилар) лимфоцитларга антитаналар ишлаб чиқаришда ёрдам кўрсатади, Т- супрессорлар В – лимфоцитлар фаоллигини пасайтиради, антитаналар ишлаб чиқарилишини блоклайди. Т – киллерлар (қотил) ёт ҳужайраларни йўқ қиласди.

Иммунопатологик ҳолатларга тугма (бирламчи) ва орттирилган (иккиламчи) иммунтанқисликлар, аллергия ва аутоиммун жараёнлар киради (Косяков П. Н., 1979).

Бирламчи иммунтанқисликлар иммункомпетент ҳужайраларнинг (лимфоцитлар) етилишидаги наслий ҳосил бўлган дефект (нуқсон) билан тавсифланади. Улар асосида Т- ва В – иммун тизими дефекти ва унинг комбинирланган шакллари ётади. Т - иммун тизими дефекти экспериментда ҳомила ёки чақалоқларда тимэктомия ёрдамида чақирилади. Ҳайвонларда қонда лимфоцитлар миқдорининг кескин камайиши ҳужайра иммун реакцияларнинг пасайиши, турли инфекцияларнинг ривожланиши, ўсишнинг тўхташи билан тавсифланувчи ва ўлим билан кечувчи вастинг – синдроми ривожланади. Одамда учрайдиган айрисимон без тугма гипоплазияси наслий тусга эга ва Ди Джордж синдроми деб номланади. Унда ҳужайра типли иммунологик реакцияларнинг бўлмаслиги билан бир қаторда қон айланиш тизимида нуқсонлар, юзда, қалқонсимон без ва қалқонсимон без олд безида дефектлар бўлади. В - ҳужайраларнинг тугма тўлиқ бўлмаслиги агаммаглобулинемияга ёки Брутон касаллигига олиб келади. Бу касалликда плазматик ҳужайралар ҳамма типларининг ҳосил бўлиши блокланади, IgG миқдори 10 баровар, IgA миқдори эса 100 баравар камаяди. Касаллик жинс билан боғланган ҳолда

берилади ва ўғил болаларда намоён бўлади. Бунда Т-лимфоцитлар реакцияси сақланади. Т-ва В-лимфоцитлар функциясининг бузилиши билан кечувчи бирламчى иммунотанқисликнинг комбинирланган шакли Луи Бар синдромида (автосом – рецессив типли наслдан наслга берилиш) қузатилади. Айрисимон без бу касалликда куртак ҳолатда қолади. Т – лимфоцитлар сони камайган, IgA бўлмайди, IgG миқдори камайган ёки нормал, IgM миқдори ҳам нормал. Синдром телевангистазия ва атаксия билан бирга кечади. Вискот – Олдрич синдромида иммунодефицитнинг комбинирланган шакли тромбоцитопения ва экзема билан кечади. 10 ёшдан юқори ўғил болаларда намоён бўлади. Т – лимфоцитлар тизими функцияси ва гуморал иммун реакциялар (IgM миқдори кескин камайган) кучайиб борувчи шаклда бузилади.

Иккиласми иммун танқисликлар инфекция, интоксикация, цистостатик моддалар, травма, гиповитаминос таъсирида ривожланали. Бунда кўпинча иммуноцитлар генези ва функцияси бузилади. Т – киллерлар дефицити натижасида қариши ва ўсма ривожланиши юзага келади деб ҳисоблашади. Хелперлар дефицитида инфекцион касалликларнинг ривожланишига мойиллик ривожланади. Супрессорлар дефицити оқибатида организмнинг ўз ҳужайра ва тўқималарига қарши антитана ҳосил қилиши билан кечадиган атоаггрессия рўй беради.

Ортирилган иммунотанқислик синдроми (ОИТС) организмга ВИЧ – 1 ва ВИЧ-2 нинг (одам иммунодефицити вируси) тушиши натижасида ривожланади. Касаллик манбаи касал одам ёки ташувчи соғлом одам ҳисобланади. Касалликни юқтириш йўллари: жинсий (гомо – ва гетеросексуал) ва қон орқали. Хавф-хатар түғдирувчи гуруҳлар: гомосексуалистлар, наркоманлар, тартибсиз жинсий алоқа қилувчи шахслар, шунингдек қон препаратлари олувчи касаллар (гемофилия ва б.к.). Патогенези: вирус Т - лимфоцитларда (хелперлар) жойлашади ва иммунитетни сусайтиради. Организмнинг бактериялар, замбурууглар, вирусларга нисбатан ҳимоя реакцияси ва ўсмага қарши иммунитети пасаяди. Шундай қилиб, одам организми ҳам инфекцияларга, ҳам хавфли ўсмаларга ҳимоясиз бўлиб қолади. Узоқ давом қиласидиган иситма, лимфатик тугуларнинг катталашиши, ич кетишлар, жиддий озиб кетиш, пневмониялар, ўсма жараёнлари – Капоши саркомаси ОИТС га хосдир. ОИТС XX аср ўлати деб ном олган, у бир неча ўн минглаб инсонлар ҳаётини олиб кетмоқда: дунёда бир неча миллион ОИТС вирусини ташувчилар бор.

Аллергия. Аллергия тушунчаси (юн. *allos* – ўзгача, бошқа + *ergon* – таъсир) 1906 й. Пирке томонидан тиббиётга организмнинг ўзгарган рективлигини ифодалаш учун киритилган. Аллергия – организмнинг кўпинча антиген табиатли моддалар таъсирига нисбатан кучай-

ган ва бузилган реакциясилир. Аллергия түўрисидаги таълимот ҳозирги замон тиббиётининг энг муҳим йўналишларидан бири бўлиб қолмоқда (Адо А. Д., 1970). Аллергия чақирувчи моддалар аллергенлар дейилади. Организмга ташқаридан тушувчи экзоаллергенлар унинг ўзида ҳосил бўлувчи эндоаллергенлар (улар аутоаллергенлар дейилади) фарқ қилинади. Экзоаллергенлар инфекцион (ҳар хилдаги патоген ва нопатоген микроорганизмлар: бактериялар, вируслар, оддий ҳайвонлар, замбуруғлар) ва ноинфекцион: чанг (ўсимлик, ҳар хил дараҳтлар, ўтлар чанги), доривор моддалар (антибиотиклар, сульфаниламид препаратлар, симоб, Йод, маргимуш бирикмалари, барбитуратлар), озиқ-овқат (сут, тухум, шоколад, балиқ ва ҳ.к.), майший (уй чанги ва б.к.), эпидермал (юнг ва соchlар, ҳайвонлар қазғоги), паразитар (гельминтлар ва б.к.), ишлаб чиқариш (бўёклар, бензин, бензол ва б.к.) табиатли бўлиши мумкин.

Эндоаллергенлар иккита: табиий ёки бирламчи (мия, кўз гавҳари, мояқ, қалқонсимон без тўқимаси) ва иккиласмчи ёки орттирилган гурухларга бўлинади. Булар организм тўқимаси оқсилларининг денатурацияланиш маҳсулотлари (куйиш, нурлар, совуқ таъсирида ҳосил бўладиган ва бошқа аллергенлар) ҳисобланади. Комплекс аллергенлар: микроб + тўқима, тўқима + токсин ўзаро таъсири натижасида ҳосил бўлиши мумкин. Аллергенлар организмга тушиб уни сенсибилизациялайди, яъни организмни аллергенга сезирлигининг ошиши ҳолатига олиб келади. Сенсибилизациянинг икки тури фарқ қилинади: фаол – организмга аллерген тушгандан кейин ҳосил бўлади ва аллергенга нисбатан антитаналар ёки сенсибилизацияланган лимфоцитлар ишлаб чиқарилиши билан тугайди; пассив – экспериментда интакт реципиентга фаол сенсибилизирланган донорнинг қон зардоби ёки лимфоид ҳужайраларини юбориш орқали эришилади. Антитаналар аллергияяда эркин ёки преципитирланувчи (серологик преципитация реакцияси ёрдамида аниқланади) бўлиши мумкин, улар қон ва организм суюқликларида циркуляция қилади ва IgG ва IgM ларга киради; преципитирланмайдиган (улар реагинлар дейилади) антитаналар чин аллергик антитаналар бўлиб, Е синфли иммуноглобулин мансуб, улар ҳужайра – нишонларда фиксиранниш хусусиятига эга. Тўқима базофилларида фиксиранган Е иммуноглобулинларнинг антиген билан ўзаро таъсири бу ҳужайраларнинг дегрануляциясига олиб келади.

Аллергик реакциялар ривожланиш механизми бўйича тўрт типга бўлинади, уларнинг ҳар бири алоҳида механизм ва ўзига хос медиаторлар тўпламига эга (Пыцкий В. И., 1991):

– I – тезкор типли аллергик реакциялар (ёки ТТГ – тезкор типли гиперсезирлик). Уларнинг ривожланиш механизми антитаналар – реагинлар ҳосил бўлиши билан боғлиқ. Улар IgE га киради,

семиз ҳужайралар ва базофил лейкоцитларда фиксиранади. Антитаналарнинг аллергенлар билан ўзаро таъсири натижасида бу ҳужайралардан медиаторлар: гистамин, хемотаксик омииллар гурухлари, гепарин, тромбоцит фаоллаштирувчи омил, лейкотриенлар ва б.к. ажралади. Тезкор аллергик реакцияларга: анафилактик шок, Квинке шиши, атопик бронхиал астма (нобактериал табиатли астма, ривожланишида наслий мойиллик аҳамиятга эга), дерматит, аллергик ринитлар киради;

— II – цитотоксик типли аллергик реакциялар. G ва M синфли иммуноглобулинлардан иборат антитаналар ҳосил бўлади. Антитаналар ҳужайралар билан бирекади, натижада комплемент фаоллашади. Бу ҳужайраларнинг шикастланиши ва емирилишини чақиради. Аллергик реакцияларнинг бу типи доривор аллергия, лейкопения, тромбоцитопения, гемолитик анемия, чақалоқлар гемолитик касаллигида кузатилади;

— III – тўқиманинг иммун комплекслар билан шикастланиши (Артиюс типи, иммунокомплектар типли). Аллергенлар сифатида бактериялар, вируслар, замбуруғлар, озиқ-овқатлар, доривор моддалар хизмат қилиши мумкин. IgG IgM синфли антитаналар преципитирловчи ҳисобланади, улар антигенлар билан преципитат ҳосил қиласди. Иммун комплексларни нейтрофиллар фагоцитрлайди, натижада лизосомал ферментлар ажралади. Иммун комплексларнинг чўкиш жойларида протеолиз кучаяди, тўқима шикастланади, яллиганиш пайдо бўлади. Бу типдаги аллергик реакция зардоб касаллиги аллергик альвеолитлар, доривор, озиқ-овқат аллергияларида, ревматик артритда, тизимли қизил волчанкада (югурик – тери силининг бир тури) учрайди;

— IV – секин ривожланадиган типли аллергик реакциялар (ёки СТГ – секин ривожланадиган типли гиперсезгирилик). СТГ реакцияларга Пирке, Манту туберкулин синамалари киради, шунингдек у бруцеллез, захм, мохов, дизентерия ва бошқа инфекцияларда, контакт дерматит, атоаллергик касалликлар, кўчириб қўйилган тўқиманинг (трансплантат) битиб кетмаслиги каби аллергияларда учрайди. Уларнинг ривожланиш механизми организмда сенсибилланган T – лимфоцитларнинг ҳосил бўлиши билан боғлиқ.

Ҳозирги вақтда T – лимфоцитларда рецепторлар борлиги аникланган, баъзан улар ҳужайра антитаналари деб ҳам ифодаланади (Овсянников В. Г., 1987). Р. В. Петров фикрича (1976) лимфоцитлар рецепторлари мембранага фиксиранган иммуноглобулинлардан иборат. Бундай лимфоцит аллерген билан бириккан вақтда ундан лимфокинлар деб номланувчи моддалар ажралади. 12 тадан кўп лимфокинлар ажратилган (Овсянников В. Г., 1987). Бу Лауренс кўчириш омили, хемотаксик омил, МИФ – омил (макрофаглар миграциясини

ингибирловчи ва уларнинг шикастланган жойга тўпланишига имкон берувчи), лимфоцитлар бласттрансформацияси омили ва б.қ.дир. СТГ медиаторлари манбай сенсибилланган Т – лимфоцитлар ҳисобланади. Медиаторлар ажralиши механизмида эркин радикаллар тизими ва пероксидланиш жараёнига муҳим рол берилади (Гущин И. С., Цынкаловский О. Р., 1990).

Ҳамма аллергик реакцияларнинг ривожланишида учта: иммунологик, патокимёвий (ёки биокимёвий) ва патофизиологик босқич фарқ қилинади:

— иммунологик босқич организмга тушадиган аллергенларга қарши антитаналар (сенсибилизирланган лимфоцитлар) ҳосил бўлиши билан тавсифланади ва антиген ва антитана ўзаро таъсир қилиши билан тугайди. Бу даврда сенсибилизация ҳолати (сезгиликнинг ошиши) юзага келади;

— аллергик реакцияларнинг патокимёвий босқичи уларнинг тезкортипида антиген + антитана ҳосил бўлишидан бошланади. Бу босқичнинг моҳияти ТТГ да биологик фаол моддалар — медиаторларнинг ҳосил бўлишидан иборат, улар томир ўтказувчалигини оширади, бронхлар, ичак, бачадон силлиқ мушаклари қисқаришини, оғриқ ва ачиш сезгисини, шок ҳолати, некроз ҳодисаси ва аллергиянинг бошқа кўринишларини чақиради.

СТГ биокимёвий босқичи лимфоцитларнинг антиген билан бевосита контакти орқали амалга оширилади. СТГ медиаторлари — лимфокинлар цитотоксик таъсирга эга бўлиб, хужайралар альтерациясини чақиради, шунингдек қондан тўқимага лимфоцитлар ва макрофаглар миграциясини стимуллайди, бу ўз навбатида тўқиманинг мононуклеарлар билан инфильтрацияланишига олиб келади;

— аллергиянинг патофизиологик босқичи — функционал ва тузилиш соҳасидаги бузилишлардир. У аъзо ва тизимларнинг шикастланиши билан тавсифланади. Юрак-томир тизими томонидан ўзгаришлар юракнинг қисқариши сони ва кучи, артериал босимнинг пасайиши, томир ўтказувчалигининг ошиши ва шиш ривожланиши билан намоён бўлади. Нафас олиш аъзолари томонидан асфиксия ва бўғилишга олиб келувчи бронхлар ва бронхиолалар силлиқ мушакларининг қисқариши кузатилади, ўпка шишади (гистамин серотонин, одамда эса MPC – А таъсири эфекти). Қон томонидан — йирик томирларда қон ивишининг секинлашиши кузатилади, капиллярларда тромбоцитлар агрегацияси кучаяди, томирларни бекитувчи қон лахтаси ҳосил бўлади. Жигарда қон димланиш ҳодисаси кузатилади, жигар функцияси етишмовчилиги ривожланиши мумкин. Асаб тизими томонидан асаб рецепторларининг қитиқланиши натижасида оғриқ, ачишиш, қичишиш пайдо бўлади. Аллергия ривожланиш механизми учинчи босқичи — хужайраларнинг лимфо-

цитлар, киллерлар ва гуморал антитаналар билан бевосита шикастланиши, антиген – антитана комплекси билан индуцирлаган биологик фаол моддалар таъсиридан иборат. Кўлинча аллергик реакциялар лейкоцитлар эмиграцияси ва хужайралар инфильтрацияси билан кузатиладиган шамоллаш сифатида ривожланади. Тезкор типли аллергик реакцияларнинг оғир шакли анафилактик шок ҳисобланади.

1902 й. Риши ва Портъе томонидан таърифланган *анафилаксия* ҳолати организмга ёт оқсилни такроран парентерал юборилишида ривожланади. «Анафилаксия» термини (юн. апа – тескари, қарама – қарши таъсир + phylaxis – ҳимоя) ҳимоясизлик ҳолатини билдиради. Анафилактик шокнинг классик манзараси денгиз чўчқачасида кузатилади. Денгиз чўчқачасида анафилактик шокни чақириш учун, у олдин териси остига кичик дозада от зардobi юбориб сенсибилизацияни ҳолати ривожланади. Сўнг от зардobi такроран венага юборилади (у «ҳал қилувчи» доза дейилади) ва бу доза сенсибилизовчидан 10 баравар кўп бўлиши керак. Одатда 2–3 дақ. давомида анафилактик шок манзараси ривожланади: ҳайвон безовталаради, туклари ҳурпаяди, аксириш ва йўтал пайдо бўлади, денгиз чўчқачаси панжалари билан бурнини қашийди, нафас қийинлашади, олдин у тезлашади, кейин сийраклашади ва талvasали тус олади, ихтиёrsиз дефекация ва сийдик ажралиши кузатилади, чўчқача ёнбошига йиқилади, умумий талvasаланиш ривожланади ва ўлади. Ҳайвон ёрилганда ўпка шишганлиги аниқланади. Ўлим сабаби – бронхоспазм натижасида ривожланадиган асфиксиядан иборат. Анафилактик шокнинг ҳайвонлар тури бўйича фарқи: денгиз чўчқачасида анафилактик шокнинг асосий звеноси бронх ва бронхиолалар силлиқ мушаклари спазми ҳисобланади, итларда – жигар веналари спазми, дарвоза вена тизимида юракка қон оқиб келишининг камайишига олиб келувчи қон тўпланиши, қон босимининг пасайиши, юракнинг тўхташи; қуёнларда – ўпка артериолалари спазми ва уларнинг юракни ўнг қисми етишмовчилигидан ўлиши хос. Одамларда шок манзараси, унинг денгиз чўчқачаларида ривожланишига ўхшайди.

И. С. Гущин (1979) акад. А. А. Адо лабораториясида хужайра даражасида ўтказган изланишларида анафилактик шокнинг ҳимоя роли ҳам бўлиши мумкинligини аниқлаган. Жумладан, биологик фаол моддаларнинг ажралиши хужайра мембранны шикастланиши натижаси бўлмай, балки хужайра функциясининг фаоллашиши цитоплазмада сақланувчи биологик фаол моддаларни секрецияси билан боғлиқ эканлиги кўрсатилган. Бу жараён АТФ нинг ажралиб чиқиши ҳисобига рўй берали. Аллергияга қарши функцияни эозинофиллар ҳам бажаради, улар аллергик жараённинг кейинги ривожланишларидан.

рини тормозлайди. Бу арилсульфатаза (МРС – А га қарши қаратилған), гистаминаза (гистаминга қарши), фосфолипаза (тромбоцитлар агрегацияси омили фаоллигини йүқ қиласы) ва б.қ.дир. Аллергиянинг биологик мақсадга мувофиқлик томонлари аллергенларни топиш ва йүқ қилишта қаратилған. Анафилактик шок ўтказгандан кейин антианафилаксия ҳолати, яъни аллергенга сезгирилкунинг йўқолиши юзага келади, натижада антиген организмдан бартараф қилинади.

Организм умумий аллергизацияланишининг маҳаллий кўринишлари – Артиос – Сахаров феномени ҳисобланади. У от зардобини тери остига 1 ҳафта интервал билан кўп марта инъекция қилиш, 4–5 инъекциядан кейин зардоб юборилган жойда инфильтрат ҳосил бўлиши билан ифодаланади, кейинчалик шу жойда некроз ўчоги ва аниқ ифодаланган яллигланишли яра вужудга келади. Артиос – Сахаров феномени механизмида қонда преципитинлар тўпланиши ва иммун комплексларнинг (преципитатларнинг) ҳосил бўлиши етакчи рол ўйнайди, преципитатлар капиллярлар эндотелийсини шикастлайди ва яллигланиш чақиради.

Аллергия ва иммунитетнинг ўзаро таъсири. Иммунитет организмнинг ҳамма генетик ёт моддалардан ҳимояланиш реакцияси ҳисобланади. Аллергия – аллергенларга нисбатан юқори реакция бўлиб, у салбий клиник эффект (масалан енгил вазомотор ринит, конъюнктивитдан то жуда оғир анафилактик шоккача) билан кечади. Ҳам аллергия ҳам иммунитетда амалий жиҳатдан энг муҳим ролни бир хил механизмлар ўйнайди. Масалан гуморал иммунитетда IgG, IgM, IgA лар ишлаб чиқарилади, аллергик реакциянинг тезкор типида ҳам, шунингдек иммуноглобулинлар, аммо кўпинча IgE ишлаб чиқарилади. Фарқ шундан иборатки, IgG нинг антиген билан ўзаро таъсири кўпинча кўзга ташланиб турадиган клиник намоён бўлувчи оқибат чақирмайди, IgE нинг антиген билан ўзаро таъсири унинг дезинтеграцияланишини чақирса ҳам бузилган патологик реакциялар билан кечади. Бу шу билан тушунтириладики антиген + антитана (IgE) реакцияси хужайра (базофиллар, семиз хужайралар) юзасида рўй беради ва уларнинг шикастланиши гистаминсизмон моддаларнинг акралиши ва унга хос оқибатларнинг юзага келишига олиб келади.

Иммунитет ва аллергия ўзаро муносабатларини ечиш масаласи амалий жиҳатдан ниҳоятда муҳим. Чунки бир хил антигенга (кўк йўтал вакцинини юбориш) айрим одамларда фақат иммун қайта қурилиш содир бўлади, бошқаларда эса кўк йўтал қўзғатувчисига иммунитет ҳосил бўлса ҳам у жиддий гиперергик реакциялар ривожланиши орқали амалга оширилади. Бу иккита бир-биридан узоқ кўринишлар орасида ўтувчи шакллар ҳам бўлиши мумкин. Бундан ташқари битта индивидуум ҳаётининг ҳар хил даврларида бу реакцияларнинг турлича намоён бўлиши ҳам кузатилиши мумкин.

Бундай ўшашликлар ҳужайра типли реакцияларда ҳам кўзга ташланади. Т — ҳужайраларнинг ҳар хил типлари ўтказилган трансплантатни қабул қиласлиги, ёт антигенга нисбатан киллерлик функцияси, ўсма ҳужайраларининг дезинтеграцияси ва чиқариб ташланиши ва бошқа ҳимоя (иммунологик), реакциялари билан боғлиқ бўлади. Аммо улар секин ривожланувчи аллергик реакцияларни (енгилдан то оғир шаклигача) ҳам чақиради. Улар орасидаги фарқ организмнинг генетик хусусиятлари, ҳамда бўлиши мумкин бўлган давомли ноxуш экологик таъсиротлар (масалан, пестицидлар, бошқа кимёвий заҳарловчи моддалар, узоқ муддатли радиация) билан тушунтирилади.

Шундай қилиб юқорида келтирилганлардан кўриниб турибдики, иммунитет ва аллергияни бириктирувчи умумийлик, бу аслини олганда у ёки бу реакцияларда иштирок қилувчи иммун механизмларининг бир типлиги, уларнинг организм учун ҳимоя ва фойдали бўлган хусусиятидир. Аллергия ва иммунитет орасидаги фарқ шундан иборатки, аллергик реакциялар учун ҳимоядан ташқари шикастланиш ҳам патогномондир (гиперергик тусга эга яллиғланиш – шиш, бронхоспазм, тери қичиши, цитотоксик ва цитолитик эффект, шок). В. И. Пыцкий ва ҳаммуаллифлар. (1991) бу ҳақда шундай деб ёзишади: «Антигенга нисбатан шикастланиш бўлмаса биз бу реакцияни иммун реакция деб атаемиз. Шикастланиш бўлса биз худди шу реакцияни аллергик реакция деб атаемиз». Шундай қилиб, «аллергик реакциялар бир вақтнинг ўзида ҳам ҳимоя, ҳам шикастланиш бўлиб, организм учун ҳам фойдали ҳам зарарлидир». Шу нуқтаи назардан муаллифлар фикрича аллергиянинг аникроқ таърифи қўйидагича бўлиши мумкин: «аллергия (специфик) — организмнинг иммун реакцияси бўлиб, ўз тўқимасининг шикастланиши билан кузатилади, бу эса иммунитетда бўлмайди.

Гипо – ва десенсибилизация — сенсибилизацияланган организмнинг антигенга сезгирилгининг камайиши ёки юқори сезгирилгининг тўлиқ равишда бартараф этилишидир. Бемор организмига специфик аллергеннинг кичик, ошиб борувчи дозасини такроран юбориш орқали специфик гипосенсибилизация чақириш мумкин. Ривожланиш асосида IgE ҳосил бўлиши ётадиган аллергияларда (поллиноз, бронхиал астманинг атопик шакли, риносинуситлар, эшак еми касаллиги ва б.к.) яхши натижаларга эришилади. Специфик гипосенсибилизация механизми мураккаб бўлиб, охирига қадар ўрганилган эмас. Атопик касалликларда уни блокирловчи деб номланувчи антитаналар ҳосил бўлиши билан боғлашади, у организмга тушадиган аллерген билан бирикади ва шу билан бирга унинг IgE антитаналари билан kontaktининг олдини олади. Кейинчалик бу жараёнга, чамаси, аллергенга нисбатан иммунологик толерантликнинг ривожланиши кўшилади (Пыцкий В. И. ва б.к., 1991).

Шундай қилиб, специфик гипосенсибилизация аллергик жараённинг иммунологик босқичига таъсир қиласи. Носпецифик гипосенсибилизация десенсибилловчи медикаментлар (антигистамин виталари – димедрол, гормонал препаратлар ва б.к.) қуилганда ривожланади.

А. М. Безредка (1930) организмга ёт бўлган даволаш зардоблари (масалан, қоқшол касаллиги, дифтерияга қарши) юборилганда ривожланадиган анафилактик шокнинг олдини олиш учун специфик десенсибилизация усулини таклиф қилган. Бу усул организмда мавжуд аллергик антитаналарни боғлаш имкониятига эга бўлган ёт оқсилнинг кичик дозаларини юборишга асосланади ва у ёрдамида специфик гипосенсибилизацияга эришилади. Спонтан ёки ўз-ўзидан келиб чиқадиган десенсибилизация узоқ мuddатни талаб қиласи ва организмдан аллергик антитаналарнинг аста-секин чиқиб кетиши билан тавсифланади.

Аллергияга наслий мойиллик, чақалоқлар ва эрта ёшдаги болаларда аллергия. Аллергик касалликларга мультифакториал белгилар билан ифодаланувчи наслий мойиллик мавжуд (Гусин И. С., 1979). Наслида оғир аллергик касалликлари бўлмаган шахсларда чанг аллергенлари билан сунъий сенсибилизация қилиш орқали умумий аллергик реакцияларни чақириб бўлмайди. Одамларда аллергияга мойилликни аниқловчи генлар HLA (гистомосклемаслик локуси) комплекси деб номланувчи генетик тизимда жойлашган бўлади. Чақалоқлар аллергиясида уларнинг ота-оналари кўпинча ё аллергия билан касалланган ёки рецессив ген ташувчиси ҳисобланади. А. А. Адо (1980) маълумотларига кўра аллергияга мойиллик кўпинча доминант типида наследан-наслга берилади ва юқори пенетрантликка (патологик ген таъсири намоён бўлиши) эга. Болалар аллергизацияланиш манбалари озиқ-овқат аллергенлари, бактериал (шу жумладан, поствакцинал аллергия), медикаментоз ва ижтимоий аллергенлар бўлиши мумкин. Аллергик конституция ҳам наследан-наслга берилиши мумкин ва экспедатив – катарал, лимфатико – гипопластик ва асаб-артритик диатезлар шаклида ифодаланади.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иши. Денгиз чўчқачасида анафилактик шок.

Денгиз чўчқачаси антигеннинг – нормал от зардобининг - 0,2 мл микдорини тери остига 2–3 кун интервал билан уч марта юбориш орқали сенсибилизацияланади. 2–3 ҳафтадан кейин амалиёт дарсида венага такроран антигеннинг ҳал қилувчи дозаси юборилади. Бунинг учун унинг орқа оёқларининг бири юнгдан тозаланади, тери қайчи

ёрдамида кесилади ва юза жойлашган венага 1 мл нормал от зардоби юборилади. Одатда 1–2 дақ. дан кейин ҳайвонда анафилактик шок-нинг биринчи симптомлари пайдо бўлади. Чўчқача безовталаради, панжаси билан тумшуғини қашыйди, юнгги ҳурпаяди, танаси талвасали титрайди. Шок ҳолати кучайиб боради, чўчқача ёнбошига йиқилади, тоник ва клоник талвасалар ривожланади, ихтиёrsиз сийдик ажралиши ва дефекация кузатилади. Нафас олиши аста-секин сийраклашади ва кўпинча биринчи дақиқалар ичиди ҳайвон ўлади. У ёриб кўрилганда ўлканинг кентайланлиги, ҳаво билан тўлганлиги аниқланади, у пучайиб қолмайди ва юракни деярли тўлиқ бекитади. Нафас томонидан ўзгаришлар, қон ранги ҳайвоннинг асфиксиядан ўлганлигидан далолат беради. Асфиксиянинг бевосита сабаби бронхлар силиқ мушакларининг спазмидир. Айрим вақтларда шок дengiz чўчқачаларини ўлимга олиб келмаслиги ҳам мумкин. Бу ҳолда ҳайвонлар десенсибилизацияланган бўлиб қолади, уларда антианафилаксия ҳолати ривожланади. Олинган натижалар таҳлил қилинади.

2-иши. Бақа қатқоринида анафилаксия реакцияси.

Тажрибага катта ва бақувват бақалар олинади. Уларни сенсибилизациялаш учун лимфатик халтасига уч–беш марта 3–4 кун оралатиб 0,3 мл нормал от зардоби юборилади. Бақалар 20 – 22°C ҳароратда сақланади. Амалиёт дарсида сенсибилизацияланган бақа орқа лимфатик халтасига 1,5 – 2 мл 10% ли уретан эритмаси юбориш орқали ҳаракатсизлантирилади, тахтачага орқаси юқорига қаратиб маҳкамланади, ўнг томонида ўрта аксилляр чизиқ бўйлаб 2 см узунликда қорин кесилади, қатқорин ташқарига чиқарилади ва ромга тортилади. Микроскоп остида қон айланишининг асосий кўрсаткичлари (томирларнинг қонга тўлиши, қон оқиши тезлиги, диаметри) ўрганилади. Сўнг қатқоринга 3–4 томчи антиген томизилади. 3–5 дақ. ўтгач қатқорин томирларидан атрофга шакли элеменларнинг чиқиши кузатилади. Майда томирлар бўшаб қолади, уларда шакли элеменлар аниқланмайди. Яна 1–2 дақ. дан кейин йирик томирларда қон оқими секинлашади ва уларда стаз кузатилади. Айрим вақтда у қатқоринга нормал от зардоби юборишнинг биринчи 2–3 дақ. сида ривожланади.

Жиҳозлар : дengiz чўчқачаси, бақалар, нормал от зардоби, шприц, игналар, микроскоп, қайчи, пинцет, тахтача, 10% ли уретан эритмаси.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўниммаларни ўзлаштириш

Куйидаги ишлар бажарилади:

- 1) дengiz чўчқачасида анафилактик шок;

2) бақа қатқоринида анафилактик реакция.

Талаба: 1) денгиз чўчқачасини дарсдан 2–3 ҳафта олдин сенсибилизациялаш, ёт оқсилининг ҳал қилувчи инъекциясини юборишни, анафилактик шок ривожланиши давомида, унинг белгилари, ривожланиш механизмлари ва оқибатларини; 2) анафилактик шокдан ўлган ҳайвонни ёриш ва ўпка томонидан бўладиган ўзгаришларни аниқлашни; 3) бақа қатқоринида анафилактик реакция нусхасини яратишни билиши керак.

Эксперимент баённомаси ва хулосаларни ёзиш

Талаба мустақил равишда умумий ва маҳаллий аллергик реакцияларнинг ривожланиш механизми, десенсибилизациялаш йўллари ва усуллари тўғрисида баённома тузади ва хулосаларни шакллантиради.

Вазиятли масалаларни очиш

1-масала. Янги туғилган каламушларда экспериментда айрисимон безни олиб ташлаш орқали иммун тизим етишмовчилиги чақирилган.

1. Бу ҳайвонларда қайси иммун реакциялар йўқолиши мумкин – хужайравий ёки гуморал?

2. Айрисимон без олиб ташланганда қайси синдром ривожланади ва у нима билан тавсифланади?

3. Одамда айрисимон без гипоплазияси билан боғлиқ, худди шундай бирламчи иммунодефицит (иммунтанқислик) синдроми қандай аталади?

2-масала. А. исмли бемор, 4 ёшда. ҳаётининг биринчи йилидан бошлаб тез тақрорланадиган пневмония, гастроэнтеритлар, йирингли ангина, пиодермия билан касалланади. Иммунологик текширишларда: қон зардобида G, M глобулинлар кескин камайган, IgA аниқланмайди. Фитогемагглютининга лимфоцитлар реакцияси мусбат. Туберкулинга реакция ҳам мусбат.

1. Боланинг инфекциялар билан кўп касалланишини иммунологик танқислик билан тушунтириш мумкини?

2. Лимфоцитларнинг фитогемагглютининга мусбат реакцияси ва туберкулинга мусбат реакцияси нимадан далолат беради?

3-масала. қалқонсимон безнинг атоиммун шикастланиши билан касалланган bemor периферик қонида лейкоцитлар умумий сонига нисбатан 50% лимфоцитлар топилган; улардан 80% T- лимфоцитларга, 12% В- лимфоцитларга тўғри келади.

1. Беморда кўрсатилган популацияда лимфоцитлар ўзгариши борми?

2. Ўзгариш бўлса, у нимадан иборат?

4-масала. Илгари ёт оқсилга (от зардоби) сенсибилизацияланган денгиз чўчқачаси венасига анафилактик шок чақириш мақсадида 4 мл зардоб юборилган. Сўнгра тажрибадаги ҳайвонга дарҳол антигеннинг ҳал қилувчи дозаси – 1 мл от зардоби юборилган.

1. Бу ҳолатда анафилактик шок манзараси ривожланадими?

2. Тушунтиринг, нима учун?

5-масала. Денгиз чўчқачасига антигеннинг ҳал қилувчи дозаси юборилганда ўлимтга олиб келмаган анафилактик шок ривожланган. Агар унга ўтказилган шок синдромининг биринчи кунларида яна антиген юборилса шокнинг клиник манзараси такроран ривожланадими?

6-масала. Она ва ҳомила резус – омил бўйича бир-бирига мос келмайди.

1. Ҳомила томонидан патология ривожланиш эҳтимоли қажон юзага келиши мумкин – биринчи ҳомиладорликдами ёки иккинчи?

2. Бу патология қайси аллергик реакция типига киради?

Интеграция амалга оширилиши лозим бўлган фанлар

1. Умумий жарроҳлик.
2. Инфекцион касалликлар.
3. Болалар касалликлари, неонатология.
4. Ички касалликлар.

13 - МАШГУЛОТ

М а в з у : КАРБОНСУВЛАР, ОҚСИЛЛАР, ЁҒЛАР АЛМАШИНУВИННИНГ ТИПИК БУЗИЛИШЛАРИ

Машгулот мақсади. Талаба қўйидагиларни билиши керак:

1) карбонсувлар асосий бузилишларининг сабаблари, механизми, белгилари, гипо – ва гипергликемик ҳолат патогенези, инсулин етишмовчилиги ҳар хил шаклларининг сабаб ва механизmlари, қандли диабетда метаболик бузилишлар хусусиятлари ва ўзаро боғлиқлигини. Диабетик кома патогенезини;

2) экспериментда қўёнда (сичқонда) ўткир гипокликомия чақириш, унинг механизмини тушунтириш ҳамда экспериментал терапия ўтказишни. Каламушда аллоксан диабети нусхасида инсулин юборишга қадар ва юборгандан кейин ҳайвон ҳолатини ўрганишни;

3) ёғлар шимилиши, оралиқ алмашинуви бузилиш механизмлари, гиперлипемия ва организм умумий семириши патогенезини; ате-

росклероз этиология ва патогенези, унинг экспериментал нусхаларини; ҳар хил патология шаклларида биологик мембрана липидлари эркин радикалли оксидланишининг ролини;

4) оқсил шимилиши, алмашинуви оралиқ ва охириги этаплари бузилишлари, манфий ва мусбат азот баланси, нуклеин кислоталар, пурин ва пиримидин асослари алмашинуви бузилишлари, подагра патогенезини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги файлар бўйича заминий билимлар даражасини текшириш

1. Карбонсувларнинг биологик роли нимадан иборат? Глюкозанинг қондаги нормал миқдори нимага тенг?
2. Карбонсувлар алмашинувига таъсир қилувчи гормонларни айтинг, уларнинг таъсир қилиш механизmlари нимадан иборат?
3. Карбонсувлар алмашинувининг асосий этаплари.
4. Гликогенез, глюкогенолиз, глюконеогенез нима?
5. Ҳужайрада глюкоза парчаланишининг уч асосий йўлини айтинг.
6. Ёёларнинг биологик аҳамияти нимадан иборат?
7. Биологик мембрана липидларининг эркин радикалли оксидланиши ҳәқида тушунча.
8. Ёғ алмашинувининг асосий босқичларини айтинг. Липопротеинлар турлари, Липопротеин липаза нима, у қаерда ҳосил бўлади, уни фаоллаштирувчи омил?
9. Ёғ шимилишини стимулловчи ва ёғнинг уни деподан мобилизациясини чақирувчи гормонларни айтинг.
10. Конда умумий липидлар ва холестерин миқдори нормал кўрсаткичини келтиринг.
11. Оқсилнинг асосий функциялари. Овқат оқсилининг биологик аҳамияти тушунчаси.
12. Оқсил алмашинуви босқичлари, оқсилнинг қондаги миқдорини айтинг.
13. Сиз қайси анаболик ва катаболик гормонларни биласиз, уларнинг таъсир қилиш механизми.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. –2-е изд., перераб. и доп. – М.: Медицина, 1980, с. 233 – 254.

Патологическая физиология /Под ред. чл.- корр. АМН СССР Н. Н. Зайко. –2-е изд., перераб. и доп. – Киев: Вища школа, 1985, с238 –243, 245 –272.

Н. Х. Абдуллаев, Х. Ё. Каримов /Патофизиология. Т.: Абу Али ибн Сино номидаги тиббиёт нашриёти, 1998. б. 162 – 199.

Патологическая физиология /Под ред. А. Д. Адо, В. И. Пыцкого и др. М.: Триада – X, 2002. с. 214 – 245.

Қўшимча адабиётлар:

Бородин Е. А. Биохимический диагноз (физиологическая роль и диагностическое значение крови и мочи). – Благовещенск, 1991, ч. I, II.

Владимиров Ю. А., Арчаков А. И. Перекисное окисление липидов в биологических мембранах. – М., 1972.

Држевицкая И. А., Основы физиологии обмена веществ и эндокринной системы. – М.: Высшая школа, 1986. – 271 с.

Жуковский М. А., Шербачева Л. Н., Алексеева Р. М., Трофименко Л. Н. Сахарный диабет у детей. – Куйбышев, 1989. – 153 с.

Кендыш И. Н. Регуляция углеводного обмена. – М.: Медицина, 1985. – 271 с.

Ланкин В. З. Метаболизм липоперекисей в тканях млекопитающих. – В кн.: Биохимия липидов и их роль в обмене веществ. М.: Наука, 1981, с. 75-95.

Лейтсс С. М., Лаптева Н. Н. Очерки по патологической физиологии обмена веществ и эндокринной системы. – М.: 1967.

Линдебратен В. Д., Турбина Л. В. Тесты по патологии для II уровня усвоения. – Хабаровск, 1981.

Логинов А.С., Матюшин Б. Н. Свободные радикалы в хронической патологии печени. – Арх. пат., 1991, т. 53, № 6, с. 75-78.

Низовцев В. П. Пособие к практическим занятиям студентов по патологической физиологии. – Куйбышев, 1987.

Овсянников В. Г. Патологическая физиология (типовые патологические процессы). – Ростов – на – Дону, 1987, с. 51-73.

Пеккель В. А. Перекиси. – В кн.: БМЭ. М.: Советская энциклопедия, 1982, т. 18, с. 492-493.

Руководство к практическим занятиям по патологической физиологии /Под ред. проф. Н. И. Лосева. – М.: Медицина, 1985.

Сыромятникова Н. В., Гончарова В. А., Котенко Т. В. Метаболическая активность легких. – Л.: Медицина, 1987, -164 с.

Асосий ўкув саволлари

1. Карбонсувлар шимилиши ва оралиқ алмашинувининг бузилишлари этиологияси ва патогенези.

2. Гипергликемия, гипогликемия, глюкозурия, уларнинг турлари. Гипогликемик кома патогенези.

3. Қандли диабет этиологияси ва патогенези. қандли диабетнинг инсулинга боғлиқ ва инсулинга боғлиқ бўлмаган типлари. Инсулинга резистентлик механизmlари.

4. Қандли диабетда диабетик кома ва ангиопатиялар патогенези. Инсулин этишмовчилигининг экспериментал нусхаси.

5. Манфий ва мусбат азотли баланс. Кон оқсил таркибининг бузилишлари (гипо -, гипер -, диспротеинемиялар), уларнинг патогенези.

6. Оқсилларнинг шимилиши, оралиқ алмашинуви ва охирги этапларининг бузилишлари. Гиперазотемия.

7. Нуклеин кислоталари алмашинуви бузилишлари. Подагра, унинг патогенези.

8. Ёғларнинг шимилиши, оралиқ алмашинуви бузилишлари. Гиперлипемия, унинг турлари. Кетоз ва унинг патогенези.

9. Организмни ёғ босиши. Этиология ва патогенези. Экспериментал нусхалари.

10. Атеросклероз, унинг патогенези туғрисида замонавий тушунчалар (Репин В. С., 1991). Атеросклерознинг экспериментал нусхалари (Аничков Н. Н., Халатов С. С., 1956).

Аннотация

Карбонсувлар алмашинувининг бузилиши. Маълумки карбонсувлар алмашинувида икки йўл фарқланади: катаболик – глюкозанинг пироузум кислотага айланиши – у гликолиз ферментлари (глюкокиназа ва гексокиназа) билан катализланиши ва анаболик – пируватни глюкозага айланишининг – қайталанма жараёни бўлиб, пируватдегидрогеназа ва гликогенситетаза ферментлари иштирокида амалга оширилади. Глюконеогенез яъни карбонсувларнинг оқсиллар ва ёғлардан ҳосил бўлиши бу жараёнлар билан алоқада туради.

Овқатлар таркибидаги карбонсувларнинг парчаланиши ва шимилишининг бузилишлари ошқозон-ичак тракти гидролитик (амиолитик) ферментлари етишмовчилигига кузатилади. Эмизикли болаларда карбонсувлар ўзлаштирилишининг бузилиши наслий энзимопатиялар билан, ҳамда барвақт қўшимча овқат беришда ферментлар етилмаганлиги билан боғлиқ бўлиши мумкин. Карбонсувлар ўзлаштирилиши бузилишларининг кўп учрайдиган сабаблари – ошқозон-ичак тракти ялигланиш жараёнлари, хилма-хил заҳарлар билан (флоридзин, монойодацетат) заҳарланиш, ичак перистальтикасининг кучайиши ҳисобланади. Карбонсувлар гидролизи ва шимилишининг бузилишларига ошқозон-ичак тракти ва меъда ости бези ўсмалари, ортиқча қизиш, иситма, сувсизланиш, шок, ичак резекцияси ва б.қ. ҳам олиб келиши мумкин (Овсянников В. Г., 1987). Карбонсувлар шимилиши бузилишининг асосий механизми фосфорланишнинг бузилиши (ферментларнинг, масалан флоридзин билан ингибицияланиши, глюкокортикоидлар танқислиги ва б.қ.) ҳисобланади. Карбонсувлар парчаланиши, шимилиши бузилишининг оқибати карбонсувлар етишмовчилиги ҳисобланади ва бу ҳолат ёғларнинг ёғ де-посидан мобилизизация қилиниши натижасида ориқлашга олиб келади. Йўғон ичакда карбонсувлар парчаланишининг бузилиши натижасида ачиш жараёнлари кучаяди, ич кетиш кузатилади.

Карбонсувлар оралиқ алмашинуви бузилишлари гликогенез, гликолиз, гликогенолиз, глюконеогенезларнинг ўзгаришлари шаклида намоён бўлади. Бу жараёнлар айниқса интенсив равишда жигарда, кўндаланг-тарғил мушакларда кечади. Бу аъзолар гипоксиясида, шунингдек инсулин танқислигида гликолиз кучаяди, пироузум ва сут кислоталари ҳосил бўлади. Жигар шикастланиши шароитида сут кислотасининг гликогенга ресинтезланиши (карбонсувлар анаболизми) бузилади ва бу метаболик ацидозга олиб келади. Асаб охирларига заҳар ҳисобланувчи пироузум кислотанинг тўпланиши витамин В₁ танқислигида (бери-бери касаллиги) ривожланади ва унда невритлар, шолнинг енгил ва оғир шакллари (парез ва параличлар) кузатилади. Карбонсувлар оралиқ алмашинуви, шунингдек қалқонсимон без, буйрак усти бези, симпато-адренал тизим етишмовчилигида, наслий энзимопатияларда ҳам бузилади. Масалан глюкозо – 6 – фосфатаза ферменти танқислигида гликогенолиз блокадаланади, жигарда гликоген тўпланди ва наслий гликогенолиз (Гирке касаллиги) ривожланишига сабаб бўлади.

Қонда карбонсувлар миқдорининг ўзгариши гипер – ва гипогликемия шаклида намоён бўлади. Гипергликемия – қонда глюкоза миқдорининг 6,66 ммоль/л (нормада 3,33- 5,55 ммоль/л) дан кўпайиши. Физиологик ва патологик гипергликемия фарқ қилинади. Физиологик ўткинчи (транзитор) тусга эга ва тезлик билан ўтиб кетади. Бунга алиментар (тез ўзлаштириладиган карбонсувларнинг кўп қабул қилинишида кузатилади) ва нейроген (Бородин Е. А. ,1991) гипергликемиялар киради. Масалан стрессли вазиятларда қонга кўп миқдорда катехоламиналар чиқади ва бу жигарда гликогенолизнинг кучайишига олиб келади, натижада қонда глюкоза миқдори кўпаяди.

Патологик гипергликемия асаб-эндокрин бузилишлари натижасида келиб чиқади. Унга қандли диабетда инсулин танқислиги билан боғлиқ гипергликемия, контринсуляр гормонларининг кўп ҳосил бўлиши, масалан гипофиз ўсмасида (Иценко – Күшинг касаллиги, акромегалия), буйрак усти бези мағиз қатлами (феохромацитома), пўстлоқ қатлами (Иценко – Күшинг синдроми) гормонлари кўп ҳосил бўлганда ва б.к. ларда ривожланадиган гипергликемиялар киради. Гипергликемия механизми: глюкоза учун хужайра мембранныи ўтказувчанлигининг пасайиши, глюкозо – 6 – фосфатазанинг фоллашиши, гексокиназанинг тормозланиши (инсулин етишмовчилиги натижасида), глюкогенолизни, глюконеогенезнинг (контринсуляр гормонлар ҳисобига) кучайишидан иборат. Гипергликемия глюкозуряга олиб келиши мумкин.

Глюкозуря – глюкозанинг сийдикда пайдо бўлиши, унинг қондаги миқдори 10 ммоль/л дан ошгандан ривожланади. Глюкозуря физиологик ва патологик бўлиши мумкин. Физиологик глюкозуря-

яга алиментар, ҳомиладорларда, стрессор ҳолат асосида ривожланадиган глюкозуриялар киради. Патологик глюкозурия қуидаги ҳолатларда юзага келади:

— карбонсувлар алмашинуви бузилишида, қандлы диабетда, ўткир панкреатитда. Глюкозурия бу ҳолатларда гипергликемия билан боғлиқ. Глюкозанинг миқдори бирламчи сийдикда шунчалик юқорики, у буйрак бўсағасининг глюкоза учун бўлган миқдоридан юқори бўлали ($1,6 - 2$ г/л), натижада фосфорлаш ферментлари буйрак каналчаларида глюкозанинг реабсорбциясини таъминлай олмайди;

— буйрак томонидан келиб чиқадиган глюкозуриялар, гипергликемияга боғлиқ бўлмаган, глюкозанинг буйрак каналчаларида тўлиқ реабсорбцияланмаслиги натижасида келиб чиқали. Масалан буйрак диабетида қонда глюкоза миқдори нормада ёки нормадан кам бўлади. Бу фосфорланиш ва дефосфорланиш ферментларининг наслий ёки ортирилган танқислиги билан боғлиқ.

Гипогликемия — қонда глюкоза миқдорининг $3,3$ ммоль/л дан кам бўлиши. Физиологик гипогликемияга алиментар (тез ўзлаштирилувчи карбонсувларни кўп миқдорда қабул қилганда бошланғич гипергликемия учрайди, $3-5$ соатдан кейин қонга инсулин чиқиши билан боғлиқ бўлган кескин гипогликемия билан алмашади; оғир ва узоқ муддатли жисмоний ишдан кейин карбонсувларнинг энергия манбаси сифатида сарфланиши натижасида ривожланадиган гипогликемия; лактация даврида сут бези томонидан глюкозанинг кучли шимилиши натижасида ривожланадиган гипогликемия; астеник тана тузилишига эга бўлган шахсларда вегетатив асад тизими дисбаланси натижасида ва эмоционал салга ловуллаб кетадиган одамларда жисмоний ва ақдий зўриқишидан кейин наҳорда ривожланадиган нейроген гипогликемиялар (Бородин Е. А. 1991) киради. Патологик гипогликемия организмда инсулиннинг ҳаддан ташқари ортиқча бўлганида (унинг юқори дозаси таъсирида, гиперинсулинизмда — инсуло ма, меъда ости бези раки) рўй беради; жигарнинг оғир шикастланишида (фосфор, хлороформ билан заҳарланиш, жигарнинг ўткир сариқ дистрофияси, цирроз ва б.к.); наслий энзимолатияларда — гликогенозлар (жумладан Гирке касаллигига), галактоземиялар; эндокрин касалликларида; Симмондс касаллигига (гипофиз олд бўлаги гипофункцияси), адиссон касаллигига (буйрак усти бези гипофункцияси), қалқонсимон без гипофункциясида ва ҳ.к.; организмда карбонсувларнинг овқатлар билан етарли даражада тушмаслиги натижасидаги очликда юзага келади.

Қонда глюкоза миқдори $2,5$ ммоль/л гача камайганда гипогликемик кома ривожланиши мумкин. У гипоталамус вентролатерал ядроларнинг кўзғалиши билан боғлиқ бўлиб очлик сезгиси, тахикардия (адреналин кўп ишлаб чиқарилиши), кучли терлаш, мадорсизлик,

сўнг талвасаланиш билан кечади. Кома асосида тўқималарда ва айниқса марказий асаб тизимида карбонсувлар етишмовчилиги ётади.

Қандли диабет (*diabetes mellitus*) организмда инсулин етишмовчилиги ёки унинг паст биологик фаоллиги билан боғлиқ касаллик бўлиб, модда алмашинуви ҳамма турларининг бузилиши, йирик ва майда қон томирларининг шикастланиши билан тавсифланади. қандли диабет касаллигининг ривожланишида наслий мойиллик ва ташки мухитнинг нохуш тъясиротлари мухим рол ўйнайди.

Қандли диабетнинг иккита – инсулинга боғлиқ бўлган ва инсулинга боғлиқ бўлмаган типлари фарқ қилинади. Кўпинча иккинчи типли диабет учрайди, у билан қандли диабетга чалингланлар орасида 85% одам касалланган. Болаларда ва ўсмирларда кўпинча инсулинга боғлиқ бўлган қандли диабет учрайди (Мазовецкий А. Г., Лебедев В. П., 1989). Инсулинга боғлиқ бўлган қандли диабет патогенези асосида меъда ости бези инсулин ҳосил қилувчи хужайраларининг, кўпинча аутоиммун табиатли шикастланиши ётади, у хужайраларнинг дистрофик ўзгаришига, оролчалар бужмайшига ва инсулин ҳосил бўлишининг батамом тўхташига олиб келади. Наслий мойилликка эга яъни хавфли гуруҳга киравчи одамларда ҳал қилувчи механизм бўлиб, вирусли инфекциялар (қизилча, вирусли гепатит ва б.к.) ёки айрим интоксикациялар хизмат қиласди.

Инсулинга боғлиқ бўлмаган қандли диабетни асосан тўқималар маҳсус хужайра рецепторларининг инсулинга сезгирилгининг пасайиши (рецепторлар дефекти) билан боғлашади, бунда инсулин рецепторларининг бир-бирига боғлиқлигининг бузилиши ҳам аҳамиятга эга. Инсулинга боғлиқ бўлмаган қандли диабетнинг бошқа мухим сабабларидан бири проинсулиннинг ундан С– пептид молекуласининг узилиши орқали инсулинга айланишини тезлаштирувчи ферментлар фаоллигининг камайиши ҳисобланади. Диабетнинг бу турида без оролчалари тўқимаси ўзгармайди. Инсулинга боғлиқ бўлмаган қандли диабетда бу касалликка нисбатан наслий мойилликка эга одамларда, хавфли омил бўлиб, кам ҳаракатли ҳаёт тарзи билан яшаш ва тананинг ортиқча оғирлиги ҳисобланади.

Диабетнинг кўрсатилган икки типидан ташқари, эндокрин патологияда (Иценко – Күшинг касаллиги, акремегалия, диффуз токсик буқоқ, буйрак усти бези патологияси ва бошқа ҳолатлар) ривожланиши мумкин ва контринсуляр гормонларнинг устиворлиги билан боғлиқ бўлган диабет ажратилади. Инсулиннинг кўп миқдорда парчаланиш ҳолларида ҳам (масалан, жигар инсулиナзаси билан) инсулин етишмовчилиги ҳолатлари ривожланиши мумкин.

Инсулин етишмовчилигининг экспериментал нусхалари: меъда ости безини олиб ташлаш (биринчи нусха 1889 йил Меринг ва Миньковский томонидан олинган); аллоксан – мезоксал кислота уреиди -

юбориш, у Лангерганс оролчалари β – ҳужайраларини танланган ҳолда шикастлайди (Зайко Н. Н., 1977); дитизон юбориш, у инсулин деполаниши ва секрециясида иштирок қилувчи рухни ўзига боғлайди; контринсуляр гормонлар юбориш ва б.к.

Қандли диабет патогенези. Қандли диабетда инсулин етишмовчилиги моддалар алмашинувининг ҳамма турлари, аввало карбонсувлар алмашинувининг бузилишлари билан кечади. Карбонсувлар алмашинуви бузилишининг асосий механизми ҳужайра мембранныси ўтказувчанлигининг пасайиши ва гексокиназли реакция тезлигининг секинлашиши натижасида ҳужайрага глюкоза транспортининг камайишидан иборатдир. Ҳужайрага глюкоза киришининг қийинлашиши, глюкозанинг ёғ ва гликоген шаклида деполанишининг бузилиши, глюконеогенез ва гликогенолизнинг ошиши – диабетда гипергликемия ривожланишининг асосий патогенетик омилларидан ҳисобланади.

Қандли диабетда карбонсувлар алмашинувининг бузилиши билан боғлиқ асосий симптомларга қуйидагилар киради: гипергликемия; глюкозурия; сийдикда осмотик босимнинг ошиши билан боғлиқ ва организмнинг сувсизланишига олиб келувчи полиурия; сувсизланиш натижасида юзага келадиган ташналик – полидипсия; иштаҳанинг ошиши – полифагия – (баъзан булимия – бўри иштаҳаси) – унинг механизми: организм ҳужайралари очлик ҳолатида бўлади, чунки глюкозани ўзлаштира олмайди. Натижада очлик маркази қитиқланади.

Қандли диабетда оқсил алмашинувининг асосий ўзгаришлари – оқсил синтезининг бузилиши ва парчаланишининг кучайиши, парапротеинлар ҳосил бўлишидир. Қандли диабетда оқсил алмашинуви бузилишининг оқибатлари болаларда ўсишнинг кечикиши, антитаналар синтезининг бузилиши туфайли инфекцияларга мойиллик билан кечади.

Қандли диабетда ёғ-липидлар алмашинуви бузилишининг асосий механизмларига карбонсувларнинг ёғларга айланишининг бузилиши ва ёғларнинг ёғ делосидан мобилизациясининг кучайиши ҳамда жигарда ёғлар оксидланишининг бузилиши ва холестериннинг кўп ҳосил бўлиши киради. Касалликка тана массасининг йўқотилиши, юқори гипергликемия, гиперхолестеринемия ва кетонемия, жигарда ёғлар оксидланишининг бузилишлари хос. Кетонемия аввало шу билан боғлиқки, ёғ кислоталарининг парчаланиши натижасида ҳосил бўладиган ацетилкоэнзим А, цитратга айланана олмайди ва Кребс циклида ёнмайди, чунки Кребс циклининг метаболик қуввати бу касалликда чекланган бўлади.

Организмнинг кетон таначалари билан интоксикацияланиши натижасида қандли диабетнинг хавфли асорати – диабетик кома ри-

вожланади. Ҳушнинг йўқолиши, қуруқ тери, кўз олмаси тонусининг пасайиши, оғиздан кучли ацетон ҳиди келиши, сийрак шовқинли, жон-жаҳди билан олинадиган чуқур нафас — Куссмаул нафаси, артериал қон босимининг пасайиши, қонда глюкоза концентрациясининг, кетон таначалари миқдорининг кескин ошиши, сийикда ацетон бўлиши бу касалликка хосдир.

Нисбатан кам ҳолларда гиперосмоляр кома учрайди, унда кетоацидоz бўлмайди, аммо глюкоза миқдори юқори бўлади ($44,5$ ммолъ/л дан кўпроқ). Бу команинг асосий сабаби организмнинг сувсизланиши билан боғлиқ ва қонда электролитлар концентрациясининг кўпайиши, гипергликемия ҳисобланади, у эса ўз навбатида қон плазмасида осмоляр концентрациянинг ошишига олиб келади.

50 ёшдан ошган bemорларда юрак-томир, жигар ва буйрак етишмоячилиги, тўқималарнинг кислород билан таъминланишининг пасайиши асосида лактацидотик кома ривожланиши мумкин, у қонда сут кислотасининг тўпланиши билан боғлиқ. Бу команинг асосий сабаби кислота-асос мувозанатининг кислоталик томонга кескин силжишидан иборат. Сувсизланиш деярли кузатилмайди, оғиздан одатда ацетон ҳиди келмайди, сийикда ацетон аниқланмайди. Конда глюкоза концентрацияси нормага тенг ёки бир оз ошган бўлади.

Қандли диабетнинг бошқа оғир асорати томир деворининг шикастланиши — ангиопатия ҳисобланади. Томир деворига глико — ва мукополисахаридлар чўқади, бу эса гиалин ҳосил бўлишига ва томир деворининг шикастланишига олиб келади. Ўзгаришлар кўз тўр пардаси, юрак, мия, оёқ ва б.к. томирларнинг склерози ва облитерацияси шаклида намоён бўлади.

Оқсил алмашинуви бузилиши. Оқсил алмашинуви бузилишининг кўрсаткичи азот мувозанатининг бузилиши ҳисобланади. Мусбат азот баланси организмга кирадиган азотнинг ундан чиқадиган азот миқдоридан кўплиги билан, манфий азот баланси эса организмга азотнинг киришига қараганда сийдик ва ахлат орқали ундан кўпроқ чиқиши билан ифодаланади. Агар соғлом одамда мусбат ва манфий азот баланси организмнинг физиологик хусусиятлари билан боғлиқ бўлса (масалан, ўсиш, ҳомиладорлик мусбат, қариш эса манфий азот баланси билан ифодаланади), патологияда эса азот балансининг бузилиши оқсил синтезининг кучайиши ёки патологик омиллар таъсирида оқсил парчаланишидан далолат бериши мумкин. Масалан, кўп жойни эгаллайдиган куйиш, очлик, инфекциядаги иситма, буйрак ва ичак орқали оқсил йўқотилиши манфий азот балансига олиб келади. Катаболик гормонларнинг (тироексин, глюкокортикоидлар) ортиқча секрецияси оқсил парчаланиш жараёнини унинг синтезига нисбатан кучайиши билан намоён бўлади. Аксинча, анаболик гормонларнинг (соматотроп гормон, андрогенлар, инсулин) ортиқча

секрецияси оқсил синтезини кучайтиради. Мусбат азот баланси, шунингдек яра битишида, оғир касалликлардан кейин соғайиш даврида ва ҳ.к. кузатилади. Мусбат азот балансининг оқибати ўсиш жараёнининг тезлашиши, вақтидан илгари жинсий етилиш, манфий азот баланси оқибати эса иммунитет бузилишлари, дистрофия (шу жумладан ошқозон-ичак трактининг ҳам) шаклида кўринади.

Ошқозон-ичак трактида оқсил парчаланиши ва шимилишининг бузилиши яллиғланишда, ўスマларда, меъда резекциясида, асабийлашиш билан боғлиқ перистальтика кучайтишида, сифатсиз овқат маҳсулотлари истеъмол қилганда, меъда кислоталигининг пасайишида кузатилади. Оқсил парчаланиши бузилишининг механизми эндопептидазалар (пепсин, трипсин, химотрипсин) ва экзопептидазалар (карбо -, амино – ва дипептидазалар) танқислигидан иборат. Оқсил шимилиши бузилиши механизми АТФ танқислигидир (Овсянников В. Г., 1987), чунки аминокислоталар шимилиши – фаол жараён бўлиб АТФ иштирокида кечади. Оқсил гидролизи ва шимилишининг бузилиши оқибати оқсил етишмовчилиги, оқсил катаболизми фаоллашиши, парчаланмаган оқсилларнинг шимилиши ва организм аллергизацияланиши, шунингдек ичакда чириш жараёнларининг кучайиши хисобланади.

Оқсил оралиқ алмашинуви бузилишлари – оқсил синтезининг етишмовчилиги, унинг парчаланишининг кучайиши, организмда аминокислоталарнинг бошқа моддаларга айланишининг бузилишидан иборат. Оқсил синтезининг бузилиши оқсил етишмовчилиги, жигар шикастланиши (цирроз, токсик–инфекцион жароҳатланиш ва б.к.), анаболик гормонлар танқислигига кузатилади. Оқсил синтези етишмовчилиги қонда оқсил миқдорининг камайиши, иммунитет ва қон ивиши бузилишига, ҳужайраларда дистрофик жараёнларга олиб келади.

Қонда оқсил умумий миқдорининг ўзгариши гипопротеинемия (65 г/л дан кам), гиперпротеинемия (85 г/л дан кўп) шаклида учрайди. Баъзан қонда оқсил умумий миқдори норма атрофида бўлади, лекин айрим оқсил фракциялари орасидаги нисбат ўзгаради (диспротеинемия). Қон зардобида «патологик» оқсилларнинг пайдо бўлиши парапротеинемия дейилади.

Гипопротеинемиянинг бир неча сабаблари мавжуд: организмда сув ушланиши, масалан юрак, жигар ва буйрак декомпенсациясида; организмдан оқсилнинг йўқотилиши, масалан куйишларда, гломерулонефритда сийдик билан оқсил ажралиши жиддий пасаяди. Жумладан, нефротик синдромли bemорда қонда умумий оқсил миқдори 30 – 40 г/л гача камаяди (Бородин Е. А., 1991); плазма оқсиллари синтезининг жигар касалликлари, рак, какексияси, очликда ва б.к. пасайиши. Гипопротеинемия қон онкотик босимининг пасайиши билан кечади ва шишга олиб келади.

Гиперпротеинемия нисбий бўлиши мумкин, масалан диареяда, узлуксиз қусиши, вабо касаллигида ва б.к. организмдан катта миқдорда сув йўқотилади. Айрим касалликларда мутлоқ гиперпротеинемия кузатилади, у иммуноглобулинлар (яллиғланиш, инфекцион касалликлар) ёки патологик оқсиллар (миелом касаллиги) миқдорининг кўпайишни билан боғлиқ. Одатда гипо – ва гиперпротеинемияларда альбумин – глобулин коэффициенти камаяди (нормада у 1,5 га тенг).

Диспротеинемия патологик шароитларда тез-тез учрайди ва альбуминлар миқдорининг ўзгариши, α – глобулинлар миқдорининг кўпайиши (масалан, ревматизм, миокард инфаркти, коллаген касалликлари ва б.к.), α – глобулинлар миқдорининг камайиши (гепатитлар, жигар некрози ва б.к.), β – глобулинлар миқдорининг ўзгариши (липид алмашини туви бузилишлари), γ – глобулинлар фракциясининг ўзгариши (вирусли ва бактериал инфекцияларда организмда антитаналар ҳосил бўлиши кучаяди ёки аксинча, орттирилган ёки наслий гипогаммаглобулинемия ҳолатларида қонда иммуноглобулинларнинг йўқлиги ёки камайиши), фибриноген миқдорининг ўзгариши билан тавсифланади. Гипофибриногенемия қон ивишининг пасайишига, гиперфибриногенемия эса унинг ошишига олиб келади.

Организмда оқсил парчаланишининг кучайиши протеолитик ферментлар миқдорининг кўпайиши ва улар фаоллигининг ортиши билан боғлиқ. Бу ўзгаришлар катаболик гормонлар таъсирида, лизосома шикастланиши ёки ўтказунчалигининг ошиши ва ацидоz натижасида рўй беради. Масалан, гипертиреоз, Иценко – Күшинг синдроми ва касаллигида тўқима катепсинлари ва у билан боғлиқ оқсил парчаланиши, аввало кўндаланг-тарғил мушаклар, лимфа тугуллар, ошиқозоқ-ичак тракти хужайраларида фаоллашади.

Аминокислоталарнинг бошқа моддага айланишининг бузилишлари трансаминаланиш, дезаминаланиш ва декарбоксилланиш жараёнларининг кучайиши ва пасайиши сифатида намоён бўлади. Аминооксидаза ферменти таъсирида дезаминаланишининг кучайишида аммиакли интоксикация эҳтимоли мавжуд, унинг сусайишида эса (масалан гипоксия, С, В₁, В₆ гиповитаминози) аминокислоталарнинг сийдик билан ажралишига (аминоацидурия) олиб келувчи аминоацидемия ривожланади. Трансаминалалар (ёки аминотрансферазалар) томонидан регуляция қилинувчи трансаминаланишининг кучайишида Кребс цикли блокадаланиши, унинг сусайишида эса аминоацидурия ва биоген аминлар ҳосил бўлишининг кучайиши (жигарнинг токсик – инфекцион жароҳатланиши, витамин В₆ танқислиги) эҳтимоли юзага келади. Декарбоксилланишининг кучайишида биоген аминларнинг кучайиши, унинг сусайишида (масалан гипертиреозда) уларнинг танқислиги кузатилади.

Оқсил алмашинуви охирги этапларининг бузилиши азотли маҳсулотларнинг (аммиак, сийдикчил, сийдик кислота) ҳосил бўлиши ва организмдан чиқарилиши патологиясидан иборат. Аминокислоталар дезаминланиши натижасида ҳосил бўладиган аммиак жуда заҳарли бўлиб, унинг тўпланиши хужайра цитоплазмасининг, айниқса асаб тизими хужайраларининг шикастланишига олиб келади. Организмда аммиакнинг боғланишини таъминлайдиган қатор компенсатор жараёнлар шаклланган (Овсянников В. Г., 1987): жигарда аммиакдан сийдикчил синтезланиши; аммиакнинг глутамин кислота билан бириниши (амилданиш) ва глутамин ҳосил бўлиши; аммиакнинг буйракда водород ионлари билан бириниши ва сийдик билан аммоний тузлари шаклида ажралиши (аммониегенез). Бу жараёнларнинг бузилиши ҳамда дезаминланиш ва трансаминланишнинг кучайиши организмда аммиак тўпланиши ва интоксикация ҳодисаси билан кечади. Бундан ташқари глутамин кислотанинг алмашинув жараёнидан ажралиши Кребс циклининг тормозланиши ва кетон танаҷаларининг тўпланишига олиб келади, бу коматоз ҳолатнинг ривожланишига имконият туғдиради. Сийдикчил ҳосил бўлиши ва ажралишининг бузилиши кўрсаткичи — қонда қолдик (оқсилисиз) азот миқдорининг ўзгариши (нормада 0,2 – 0,3 г/л) ҳисобланади. У 50 % га сийдикчил азотдан ташкил топган. Унинг сийдикчилсиз қисми резидуал азот деб ном олган. Қонда қолдик азотнинг кўпайиши — гиперазотемия - унинг маҳсулотли (продукцион) ёки жигар билан боғлиқ — жигарда сийдикчил ҳосил бўлишининг бузилиши ва ретенцион ёки буйрак билан боғлиқ — буйракнинг ажратиш функциясининг бузилиши натижасида ривожланадиган хиллари бўлиши мумкин.

Сийдик кислота пуринасослари алмашинувининг охирги маҳсулоти бўлиб, нуклеин кислоталари таркибига киради. Сийдик кислота ҳосил бўлиши ва ажралишининг бузилиши лейкемия, полицитемия, гепатит ва подаграларда кузатилади. Подагра (юн. оёққа тузоқ) касаллиги Гиппократ давридан маълум бўлиб, унинг ривожланишида доминант — наслий мойиллик муҳим аҳамиятга эга ва қонда сийдик кислота миқдорининг кўпайиши билан (нормада – 20 – 40 мг/л) тавсифланади. Касаллик механизми охиригача ўрганилган эмас. Сийдик кислота тузлари бўғим ва тоғайларга чўқади, бу жойларда қон билан таъминланишнинг сустлиги натижасида муҳитнинг ачишига ва тузларнинг чўкинди сифатида йигилишига мойиллик бўлади. Тузларнинг чўкиши ўтқир яллигланиш, қаттиқ оғрувчи тутунчалар ҳосил бўлиши ва бўғимлар деформациясини чақиради.

Липид алмашинуви бузилиши. Ёллар парчаланиши ва шимилишининг бузилиши жигар, меъда ости бези, ичак шикастланишида, ичак девори яллигланиши ва унда қон айланишлари бузилишларида, буйрак

усти бези етишмовчилиги, витамин А ва В танқислиги, кальций ва магнийнинг ортиқча бўлишида, флоридзин ва монойодацетат билан заҳарланганда, баъзи антибиотиклар қабул қилганда ва б.қ. кузатилади. Ёғ гидролизи бузилиши механизми унинг эмульсияланишининг етишмовчилиги, меъда ости бези ва ингичка ичак липазаси танқислиги билан боғлиқ. Ёғларнинг шимилиши уларнинг ичак де-ворида транспорти ва фосфорланишининг бузилиши натижасида қийинлашади. Ёғ гидролизининг бузилиши унинг шимилишининг камайишига ва натижада стеатореяга – ахлат билан парчаланмайдиган ёғнинг кўп миқдорда ажралишига олиб келади. Бунинг оқибатида организмга ёғда эрувчи витаминлар - А, Д, Е, К гурухлари кам миқдорда тушади, жигарда протромбин синтези бузилади, қон ва лимфада ёғ миқдори камаяди, организм тўйинмаган ёғ кислоталари танқислигини сезади.

Ёғлар оралиқ алмашинуви бузилишлари – ёғ алмашинувининг ёғлар депосида бузилиши жигарда ёғ алмашинувининг издан чиқиши ҳамда ёғ кислоталарига айланишидан иборат. Ёғ алмашинуви кўрсаткичларидан бири гиперлипемия ($3,5 - 8$ г/л дан юқори) ҳисобланади. У алиментар (овқатланиши билан боғлиқ); транспортли – жигарда гликогеннинг камайиши (очлик, қандли диабет) натижасида ёғнинг деподан мобилизациясининг кучайиши ҳамда соматотроп гормони, адреналин, тиреодин ва бошқа гормонларнинг кўпайиши билан боғлиқ бўлиши мумкин; ретенцион (юн. retentio – ушлаб қолмоқ) – ёғнинг қондан тўқимага ўтишининг қийинлашиши, масалан атеросклерозда липопротеин липаза етишмовчилигига кузатилади.

Ёғнинг ёғлар депосида ортиқча тўпланиши семириш (*adipositas*) дейилади. У гиподинамия ва энергия сарф бўлишининг пасайиши шароитида ёғ мобилизациясининг тормозланиши ва синтезининг кучайиши билан боғлиқ бўлади.

Умумий семиришнинг патогенезида уч асосий омил: организмта овқатнинг кўп миқдорда тушishi, ёғнинг деподан етарли даражада мобилизация бўлмаслиги ва ёғнинг карбонсувлардан ортиқча ҳосил бўлиши (Лайтес С. М., Лаптева Н. Н., 1967) муҳим аҳамиятга эга.

Семириш турлари:

– алиментар – ортиқча овқат қабул қилиш ва овқатда карбонсувларнинг кўп бўлиши билан боғлиқ. Одатда семиришга наслий мойил шахсларда, овқат калорияси энергия сарфланишидан усти-ворлик қилганда учрайди. Семиришнинг кекса, кам ҳаракат қилувчи ҳаёт тарзига эга одамларда кўп учраши, уларда овқат марказининг олдингидек қўзғалувчанлик ҳолатининг сақланиши, асосий алмашинув даражасининг ёш билан боғлиқ камайиши билан (ҳар 10 ёшга 7,5 %га) тушунирилади;

— диэнцефал семириш — гипоталамус шикастланиши (ўсма, травма, инфекция) билан боғлиқ. Семириш жуда тез ривожланади. Ёғ асосан қорин, думба, сонда тўпланади. Семириш ёғнинг ёғ депосидан мобилизациясининг камайиши ва етарли даражада сарфланмаслиги билан боғлиқ;

— эндокрин семириш — гипотиреоз, жинсий безлар функцияси етишмовчилиги, Иценко – Кушинг касаллигига учрайди. Ёғ мобилизацияловчи гормонлар танқислиги ёғнинг деподан мобилизацияланишини тормозлайди. Ёғнинг танада йигилиши нотекис, гормонал бузилишларнинг бошқа белгилари ҳам (маскулинизация ёки феминизация ва б.қ.) аниқланади;

— метаболик семириш — карбонсувларнинг куп микдорда ёғга айланиши билан боғлиқ. Глюкоза алмашинувининг пентоз ва гликолитик йўлларини фаоллаштирувчи инсулин ва пролактиннинг ортиқча бўлишида овқат билан қабул қилинадиган карбонсувларнинг 50 % ёғларга айланади (нормада 30 %).

Семиришнинг эксперимент нусхалари: гипоталамус вентролateral ядроларини қитиқлаш (очлик марказининг қўзғалиши); тўқлик марказининг яъни гипоталамус вентромедиал ядроларини шикастлаш. Бунинг учун ауротиоглюкоза қўлланилади, у ҳайвонларда тўқлик сезгисининг йўқолиши ва гиперфагияни, кейинчалик гипоталамик семириш ривожланишини чақиради; ҳайвонларни кастрация қилиш (жинсий безларни олиб ташлаш) асосий алмашинувининг пасайишига олиб келади.

Организмнинг ориқлаши ёғнинг интенсив мобилизацияси туфайли ривожланади ва тана массасининг жиддий камайиши билан тавсифланади. Унинг сабаби очлик, липогенезнинг тормозланиши (В, С витаминлар гуруҳи танқислиги), сурункали инфекциялар, рак, интоксикация, ҳамда оғир жисмоний иш, қалқонсимон без ўсиш гормонининг ортиқалиги, эмоционал стресслар бўлиши мумкин. Карбонсувлар етишмовчилиги ва инсулин танқислиги шароитида контринсуляр гормонлар кўп микдорда ҳосил бўлади. Улар эса ёғ депоси ҳужайралари мембранныга таъсир қиласи ва АТФ дан циклик АМФ нинг ҳосил бўлишини таъминловчи аденилциклазани фаоллаштиради. Натижада учглицеридлар парчаланиши ва ёғ кислоталари чиқишини таъминловчи учглицеридлапаза фаоллашади.

Ёғ кислоталарининг бошқа маҳсулотларга айланишининг бузилиши кетоацидоизга – кетон таначаларининг (ацетосирка кислота, бета – оксимой кислота ва ацетон) тўпланишига олиб келади. Уларнинг ортиқча ҳосил бўлишининг асосий шароити глюкоза танқислигига ёғ кислоталарининг оксидланишидан иборат. Кислород танқислиги кетон таначаларини Кребс циклида оксидланишининг бузилишига олиб келади. Кетон таначаларининг ёғ кислоталарига ре-

синтезланишининг бузилишига НАДФ · Н₂ танқислиги ёрдам беради ва у глюкоза оксидланиши пентоз цикли бузилишида кузатилади.

Жигарда ёғ алмашинуви бузилишлари унинг ёғ инфильтрацияси шаклида намоён бўлади. Бунда жигар ҳужайраларига ёғ шимилади, унинг миқдори жигар массасининг 50 % ни ташкил қиласи (нормада 5 %). Ёғ инфильтрациясининг сабаби — гиперлипемия (овқат билан боғлиқ ва боғлиқ бўлмаган), жигар ҳужайраларининг шикастланиши (алкогол, фосфор, маргимуш, хлороформ билан заҳарлашиш, вирусли инфекциялар), липотроп омиллар: липокайн, метионин, холин, тўйинмаган ёғ кислоталари ва б. қ. ларнинг танқислиги. Липотроп омиллар танқислиги шароитида жигарда фосфолипидлар ва липопротеидлар ҳосил бўлиши бузилади. Фосфолипидлар ёғ кислоталари оксидланишининг катализаторлари, липопротеидлар эса ёғларнинг жигардан чиқишининг бир шакли ҳисобланади.

Патологиянинг турли шакллари патогенезида липидлар пероксидланишининг (ЛПО) роли. Кейинги йилларда ЛПО механизми нафақат ҳар хил нозологик шаклларда ўрганилган, шу билан бир қаторда унинг роли стресс патогенезида юрак, гелатобилиар тизим, асад тизими касалликлари ва патологиянинг бошқа шаклларида экспериментал исботланган. Патологик шароитларда липопероксидация маҳсулотларининг ҳосил бўлиши ва чиқишининг кескин ошиши исботлаб берилган. Бу маҳсулотлар мембрана фосфолипидларини шикастлаши мумкин.

Мембраналар полиенли фосфолипидлари пероксидланишининг фаоллашиши ҳужайралар стрессор шикастланишининг муҳим звеноси ҳисобланади: маълумки стрессда кучли прооксидловчи таъсирига эга норадреналин ва унинг метаболизми маҳсулотлари кўп ишлаб чиқарилади. Стрессда биоген аминлар таъсирида ЛПО фаоллашиши билан боғлиқ ҳужайра мембранаси тузилишида дезорганизация содир бўлиши аниқланган (Мейерсон Ф. З., Пшениникова М. Г., 1989). Е. Б. Бурлакова ва ҳаммуалифларининг (1992) кўрсатишича серотонин *in vivo* ЛПО ни ингибирлайди. Стрессда серотонин концентрацияси мияда 1,5 – 2 баравар опади, бу ҳолатда у мембрана стабилизациясига имконият туғдириб компенсирловчи рол ўйнайди.

Ионловчи радиация таъсири қилиш механизми кучайган ЛПО-нинг патологик роли мисоли бўлиб хизмат қилиши мумкин. Кўп миқдорда эркин радикаллар ҳосил бўлиши натижасида тўйинмаган ёғ кислоталарининг пероксидланиши кучаяди, натижада бу жараённинг токсик маҳсулотлари – липопероксидлар, альдегидлар, кетонлар тўғланади (Пеккель В. А., 1982).

Биомембраналарда ЛПО жараённинг интенсивланиши ҳужайралар функциясининг бузилишига олиб келади. ЛПО маҳсулотлари ДНК тузилишига модифицирловчи таъсири кўрсатади (Алексенко А. В., 1981).

ЛПО стимулланганда ДНК иккиламчи тузилиши ўзгаришга учрайди. Бу эфект переоксидлар концентрациясига боғлиқ ҳолда икки томонлама бўлиши мумкин (яъни бу жараён ДНК молекуласини стабиллаши ёки дестабиллаши мумкин).

Гепатобилияр тизимнинг сурункали шикастланиши (Логинов А. С., Матюшин Б. Н., 1991), юрак мушакларининг (Архипенко Ю. В., Шимкович И. В., 1989; Конорев Е. А., ва б.к., 1990), буйрак усти безининг шикастланиши, Е авитаминози (Архипенко Ю. В. ва б.к., 1988) ва б.к. ларнинг ривожланишида липопероксидланиш жараёнинг иштирокини тасдиқловчи маълумотлар олинган.

Организмда ЛПО маҳсулотлари таъсиридан сақловчи ҳимоя тизимлари: табиий антиоксидантлар (витамин Е, витамин К, глутатион), организмни эркин радикалли оксидланишдан сақловчи фермент тизимлари (супероксиддисмутаза) мавжуд. Ҳужайралар мембранныни стабилловчи ёки зичловчи ҳар қандай омиллар пероксидланишни тормозлайди. Бундай хусусиятга токофероллар, филлохинонлар ва убихинонлар эга, улар табиатда учрайдиган антиоксидлар ҳисобланди (Храпов Н. Г., 1991). Бу моддалар пероксид радикалларига гидропероксид занжири узилиш босқичида бевосита ўзаро таъсир кўрсатиб эркин радикаллар концентрациясини камайтириши мумкин.

Липопероксидларни утилизирловчи, улар миқдорини, шу билан бирга оксидланишнинг умумий тезлигини ҳам камайтирувчи ферментлар мухим рол ўйнайди. Шундай қилиб, ЛПО тезлиги бир неча тизимлар томонидан регуляция қилинади, улар ҳам ҳимоялаш, ҳам ишга солиш функциясини бажариб, ЛПО стабилизациясини таъминлайди.

Атеросклероз (юн. *atheros* – атала, *sklerosis* – қотиб қолиш) – сурункали касаллик бўлиб, аорта, йирик ва ўрта калибрли артериялар ички қатлами липид инфильтрацияси ва улар деворига биринтирувчи тўқиманинг ўсиши билан тавсифланади. Атеросклерозда артериялар тешиги тораяди, уларнинг девори қаттиқлашади, эластиклиги пасаяди, айрим ҳолатларда аневризмалар (томир деворини чўзилиши ва бўртиб чиқиши) кузатилади.

Атеросклероз сабаби ташқи ва ички, жумладан наслий омиллар бўлиши мумкин. Унинг келиб чиқишида қон плазмасида липопротеидлар ҳар хил синфлари миқдорининг диспропорцияланиши мухим рол ўйнайди. Бу липопротеидлардан айримлари, масалан молекуласи паст зичли ва ўта паст зичли липопротеидлар (МПЗЛ, МЎПЗЛ) холестериннинг томир деворига ташилишига имконият туғдиради яъни улар атероген ҳисобланади, бошқалари – молекуласи юқори зичли липопротеидлар (МЮЗЛ) бунга қаршилик кўрсатади ва улар антиатероген фракция дейилади. В. С. Репин (1991) маълумотига кўра

I молекула МПЗЛ ўз юзасида 1500 молекула холестерин ташийди. Гипер – ва дислипопротеидемияга таркибида кўп миқдорда ҳайвонот ёёлари ушлайдиган, холестеринг бой овқатнинг узоқ муддатда қабул қилиниши олиб келади. Атеросклероз ривожланишига жигарда холестерин парчаловчи ферментларнинг етарли даражада ишлаб чиқарилмаслиги қулай шароит туғдиради. Холестерин миқдори қон плазмасида нормага нисбатан (нормада 3,9 – 6,3 ммоль/л) ошади. Атеросклероз ривожланиши учун хавф-хатар туғдирувчи омилларга артериал гипертензия, семириш, гиподинамия, чекиш ва б.к.лар киради.

Касалликнинг илк белгилари сариқ рангли, ҳар хил ўлчамдаги липид доғлари бўлиб, улар аорта ички қатламида жойлашади. Доғларга сариқ рангни улар таркибидаги холестерин беради. Текис жойлашган доғлар аста-секинлик билан артерия тешигига чиқиб турадиган холестерин тошмаларга айланади. Катталашаётган тошмалар артерия тешигини торайтиради, баъзан уни тўлиқ бекитади (тешик облитерацияси). Тошмаларнинг қон билан етарли таъминланмаслиги натижасида, улардаги нарсалар некрозга учрайди, нати-жада атала-симон детрит ҳосил бўлади (атероматоз). Фиброзли тошмалар юзаси яраланади ва шу жойга тромбоцитлар чўкишига ва кейинчалик тромб ҳосил бўлишига олиб келади.

Экспериментда атеросклероз нусхасини Н. Н. Аничков ва С. С. Халатовлар (1911 – 1912 йй.) ҳайвонларни холестерин билан овқатлантириш натижасида яратгандар. Атеросклерозни қўёnda экспериментда ўсимлик ёғида эриган холестеринни 1 кг тана оғирлигига 0,2 – 1 г дан 2–4 ой давомида бериб чақириш мумкин.

Болаларда липид алмашинуви бузилишининг ўзиға хос хусусиятлари. Болаларда липид алмашинуви бузилиши модда ва энергия алмашинувининг наслий ва орттирилган хусусиятлари асосида ривожланади. Липид алмашинуви бузилишлари ичida кўп учрайдиган патология семириш ҳисобланади. У кўпинча бола ҳаётининг биринчи йилида ва 10 – 15 ёшларида кузатилади. Аксарият ҳолда экзоген – конституционал семириш учрайди, унинг асосида ёғ тўпланишига нисбатан наслий мойиллик ва болаларни ортиқча овқатлантириш ва тўйиб овқат ейиш ётади. Кўпинча у қизларда учрайди. 10 – 15 ёшдаги болаларда семиришнинг кўп учрайдиган сабаби пубертант давр гипоталамик синдроми (ўспиринлик дизэнцефал синдроми) ҳисобланади. Соң, сут безлари, думба терисида нозик стрийлар (тери чўзилиши чизиклари, йўллари) ҳосил бўлиши унга хос; артериал босимнинг ўтиб кетувчи кўтарилиши, баъзида бош суяги ичи гипертензияси кузатилади. Камроқ ҳолларда болаларда гипоталамик семириш сабаби бош суяқ – мия травмаси ва нейроинфекция оқибати бўлиши мумкин. Болаларда ҳам эндокрин семириш катталарда учрайдиган касалликлардаги каби кузатилади.

Болалик ёшида холестерин алмашинувининг наслга боғлиқ бузилишлари учрайди. Касалликнинг наслдан-наслга ўтиши аутосом – доминант бўлиб, гомозиготлар оғирроқ касалланади, кўпинча болалик ёшида миокард инфаркти ривожланиши ҳам мумкин. Ҳужайра мембранасида МПЗЛ липопротеидларга рецепторларнинг бўлмаслиги генетик нуқсон ҳисобланади. Ниман – Пик касаллигига турли аъзолар ҳужайраларида сфингомиелин чўқади. Генетик нуқсон – сфингомиелиназа танқислигидир. Касаллик болада жигар ва талоқнинг кескин катталashiши, руҳий ривожланишининг кечикиши, кўр ва кар бўлиш билан намоён бўлади. Болалар кўпинча икки ёшига етмай ўладилар.

Машгулотда бажариладиган амалий ишлар ва ўзлаштирилиши лозим бўлган кўнилмалар билан танишиш.

1-иш. Қуён ва сичқонда гипогликемик комани экспериментал терапия ўтказиш билан биргаликда чақириш (кўргазмали тажриба).

1. Олдиндан бир кун давомида оч қолдирилган (сув чекланмаган ҳолда) қуён териси остига 8 – 10 ТБ (таъсир бирлиги) да ва венага 10 ТБ/кг инсулин юборилади. Ҳайвоннинг ҳатти-ҳаракати ва умумий ҳолати кузатилади. Биринчи марта яққол намоён бўлган талваса хуружидан кейин тезлик билан қулоқ венасига 5 – 6 мл глюкоза (40% ли эритмаси) ва 0,5 мл адреналин тери остига юборилади. Венага глюкоза эритмасини юбориш қийин бўлган ҳолларда унинг уч марта кўпайтирилган миқдори бир хил ҳажмда 2 – 3 жойга тери остига ва қорин бўшлиғига юборилади. Ҳайвон ҳатти-ҳаракати ва умумий ҳолатини кузатиш давом этади. Нафас сони тажриба бошланишида ва кома ривожланишининг энг юқори ҳолатида ва 2 – 3 марта тикланиш даврида саналади.

2. Амалиёт дарси бошланишида I кундан кам бўлмаган вақт ичida иккита оч қолдирилган (сув чекланмасдан) оқ сичқонларнинг териси остига 10 ТБ/кг ҳисобида инсулин юборилади. Ҳайвонлар ҳолати кузатилади. Талваса пайдо бўлганда улардан бирининг қорин бўшлиғига 10 г тана массасига 0,5 мл ҳисобида 20 % ли глюкоза эритмаси юборилади. Иккала ҳайвонни кузатиш давом этади.

2-иш. Каламушда аллоксанли диабет нусхасини яратиш.

Амалиёт дарсидан 7 кун олдин каламушларга 100 г тана массасига 15 мг ҳисобида аллоксан юборилади (ош тузи изотоник эритмасида тайёрланган 5 % ли аллоксан эритмасини 100 г тана массасига 0,3 мл ҳисобида тери остига). Амалиёт дарсида ҳарорат ўлчанади, 1 дақ. нафас сони саналади, ҳайвонларнинг умумий ҳолатига зътибор берилади. Кейин тери остига 100 г тана массасига 3 ТБ ҳисобида инсулин юборилади ва 30 дақ. кейин юқорида кўрсатилган кузатиш такрорланади.

Жиҳозлар: қуён, каламуш, сичқонлар, инсулин, аллоксан, адреналин, инсулин юбориладиган шприц, 1,5 мл шприц, игналар, 20 ва 40 % ли глюкоза эритмалари, шиша қалпоқ.

АУДИТОРИЯ ИШИ

Мавзуми оғзаки мұхокама қилиш. Амалий ишларни мустақил бажариш ва амалий күнікмаларни ўзлаштириш

Күйидаги ишлар бажарылады:

1) қуён ва сичқонларда гипогликемик кома чақириш ва кейин-чалик экспериментал терапия ўтказиш (күргазмали тажриба):

2) каламушда аллоксанли диабет нұсқасини яратиши.

Талаба: 1) экспериментал ҳайвонларда гипогликемия ҳолатини чақиришни: гипогликемик кома күрсатилишида унинг ҳамма пайдо бўлиш белгиларини, ривожланиш механизми ва оқибатларини ўрганишни; 2) ҳайвонни гипогликемик ҳолатдан чиқаришни; 3) аллоксанли диабет намоён бўлиш белгиларини тавсифлаш ва бу патология ривожланиш механизмини билиши керак.

Эксперимент баённомаси ва хулосаларни ёзиш

Талаба мустақил равища қуён ва сичқонларда гипогликемик кома манзарасини кузатиш асосида баённома тузади ҳамда каламушда аллоксан юборгандан кейин унинг ҳолатини аниқлайди (термометрия ва нафас сонини санаш ва б. қ.). Гипогликемик кома ривожланиш механизмлари ва экспериментал терапия можияти, шунингдек экспериментал аллоксанли диабетда модда алмашинуви жараёнлари бузилиши тўғрисида хулоса қиласи.

Вазиятли масалаларни ечиш

I-масала. Экспериментда итда меъда ости бези олиб ташланган. Операциядан кейин панкреатик инсулин етишмовчилиги ҳолати юзага келган: тана массаси камайган (иштаҳа юқори бўлишига қарамасдан), жуда кўп миқдорда диурез ва ташналиқ, ҳар хил инфекцияларга мойиллик пайдо бўлган. Лаборатория текширишларида қонда глюкоза, холестерин ва липопротеинларнинг юқори миқдори, умумий оқсил, унинг γ – глобулин фракцияси миқдори камайганлиги, сийдикда глюкоза мавжудлиги аниқланган.

1. Экспериментда қайси касаллик нұсқаси яратилган?
2. Карбонсувлар алмашинуви бузилишлари билан боғлиқ симптомларни кўрсатинг.

3. Ёф-липид алмашинуви бузилиши белгилари ва уларнинг механизmlарини ифодаланг.

4. Оқсил алмашинуви бузилишлари ва уларнинг оқибатларини кўрсатинг.

2-масала. Итда меъда ости бези олиб ташлангандан кейин қандли диабетнинг оғир шакли ривожланган.

1. Агар бу ҳайвонда гипофиз олиб ташланса, унинг ҳолати қандай ва нима учун ўзгариади?

2. Бу патологияни биринчи бўлиб ким ўрганган?

3-масала. Экспериментал аллоксанли диабетли қўёнда қанд билан зўриқиш синамасида қонда қанд миқдорининг ўзгариши ўрганилган.

1. Ҳайвонда нормал қанд эгри чизигининг қандай ўзгаришлари кузатилади?

2. Аллоксаннинг патоген таъсир механизми нимадан иборат?

4-масала. 37 ёшли, С. исмли беморга «тез ёрдам» шифокори чақирилган. Беморнинг ахволи оғир, хуши хирадашган, вақти-вақти билан тоник талваса юзага келади. Терини тер қоплаган. Кўз олмаси тонуси нормада. АБ – 80/40 мм. сим. уст.га тенг, пульс тезлашган, ипсимон. Бемор қариндошларининг айтишича у бир неча йил давомида қандли диабет билан касалланган. Кейинги вақтларда bemор инсулинга нисбатан юқори сезирлик сеза бошлаган, бу очлик сезгиси, қўллар қалтираши, терлаш инсулиннинг кичик дозаси юборирилганда асад қўзгалувчанлигининг ошиши кўринишида намоён бўлган. Инсулиннинг навбатдаги инъекциясидан оз вақт ўтгандан кейин bemорда коллапс ривожланган. Шифокор bemорга глюкознинг 40 %ли эритмасидан 20 мл, 1 %ли адреналин эритмасидан 1 мл юборган. Ундан сўнг bemорнинг ҳолати нормаллашган.

1. Беморда коллапс ривожланишининг механизми нимадан иборат?

2. Тикловчи терапия механизмини тушунтиринг?

3. Инсулин қайси бирликларда дозаланади? Инсулин бирлиги сифатида нима қабул қилинган?

4. Ким инсулинни кашф қилишга сазовор бўлган?

5-масала. 17 ёшли, Е. исмли bemор иштаҳасининг юқорилигидан ва кучли чанқашдан шикоят қилган. Наҳорда қонда қанд миқдори 16 ммоль/л. Овқат қабул қилгандан кейин унинг миқдори кўпайган ва анча вақт давомида юқори миқдорда қолган. Инсулин юборилиши қонда қанд миқдорини деярли камайтиrmаган. Кунлик диурез 4 л, сийдикнинг солиштирма оғирлиги 1035. Сийдикда қанд аниқланган.

1. Беморда аниқланган гипергликемия патогенези нимадан иборат?

2. Инсулин юборгандан кейин қонда қанд миқдорининг ўзгар-маслигини қандай тушунтириш мумкин?

3. Полиурия келиб чиқишини қандай тушунтириш мумкин?

6-масала. 50 ёшли, М. исмли bemор шифохонага оғир ахволда олиб келинган. Беморнинг хуши йўқ, ранги оқарган. Тери қуруқ, кўз

олмалари юмшоқ, нафас шовқинли, чуқур, чиқарадиган нафасидан ацетон ҳиди келади. АБ – 80/40 мм сим. уст.га тенг, пульс 1 дақ. 100 марта, кичик тўлиқликка эга. Тана ҳарорати 36,1° С. Сийдикда кўп микдорда кетон таначалари аниқланган. Қон рН - 7,0. Беморни олиб келган одамнинг маълум қилишича у қандли диабет билан касалланган. Кейинги вақтларда овқатланиш режимини кўп бузган. Бундан бир неча кун олдин токсикоинфекцияни бошдан кечирган. Инсулин юбориш туфайли bemорни оғир ҳолатдан тезда қутқаришга эришилган.

1. Беморда ацилознинг қайси тури ривожланган?
2. Кетонемия ривожланиши нимадан иборат?
3. Диабетик кома ҳамма вақт ҳам кетон таначалари тўпланиши билан боғлиқми?

Интеграция змалга оширилиши лозим бўлган фанлар

1. Болалар касаллiliklari.
2. Ички касаллiliklar.
3. Эндокринология курси.

14 - МАШГУЛОТ

М а в з у : СУВ ВА ЭЛЕКТРОЛИТЛАР АЛМАШИНУВИННИНГ БУЗИЛИШЛАРИ

Машгулот мақсади. Талаба қуйидагиларни билиши керак:

- 1) сув баланси бузилиши сабаблари, механизmlари ва асосий хиллари, гипер -, изо - ва гипоосмоляр дегидратация ва гипергидратация турлари, шишнинг патогенетик омиллари, шиш турлари, болаларда сув алмашинуви бузилишининг хусусиятларини;
- 2) экспериментда шиш нусхасини ва организм дегидратациясини яратиш ва уларни патогенетик даволаш принципларини;
- 3) электролик гомеостаз бузилишининг сабаб ва механизmlари, натрий, калий, кальций, магний ва микроэлементлар етишмовчилиги ва ортиқча бўлишининг оқибатларини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Катта одамларда ва чақалоқларда тана массасининг неча фоизини сув ташкил қиласди?

2. Организмда сувнинг аҳамияти.
3. Организмда сувнинг тақсимланиши.
4. Организмнинг сувга бўлган кундалик эҳтиёжи (у нималардан ташкил топади)?
5. Организмдан чиқариладиган сув миқдори, чиқариш йўллари.
6. Сув баланси қандай регуляция қилинади?
7. Ҳужайра ва қон плазмасида натрий ва калий миқдорининг нормал кўрсаткичлари. Натрий ва калийнинг биологик аҳамияти.
8. Конда кальций, фосфор ва магнийнинг нормал кўрсаткичлари. Уларнинг организмдаги аҳамияти.
9. Организмда кальций-фосфор алмашинуви регуляцияси қандай амалга оширилади?
10. Сиз қайси микрозлементларни биласиз, уларнинг роли?

Мустақил тайёрланиш учун кўрсатмалар

Асосий адабиётлар:

- Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. – М.: Медицина, 1980, с. 254 – 276.
- Патологическая физиология /Под ред. чл. – корр. АМН СССР Н. Н. Зайко. – 2-е изд., перераб. и доп. – Киев: Вища школа, 1985, с. 279 – 294.
- Н. Х. Абдуллаев, Х. Ё Каримов. /Патофизиология. Тошкент, Абу Али ибн Сино номидаги тиббиёт нашриёти 1998, б. 208 – 215.
- Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада – X, 2002, с. 245 – 267.

Қўшимча адабиётлар:

- Авцын А. П. Введение в географическую патологию. – М., 1972.
- Авцын А. П. Недостаточность эссенциальных микроэлементов и ее проявления в патологии. – Арх. пат., 1990, № 3, с. 3-8.
- БМЭ, т. 18. М.: Советская энциклопедия, 1982, с. 56-63.
- Елисеев О. М. Отеки в клинике внутренних болезней. – М.: Медицина, 1970.
- Жаворонков А. А. Микроэлементозы ятрогенного происхождения. – Арх. пат., 1991, № 11, с. 73-77.
- Жмуркин В. П., Вельтищев Ю. Е. Обезвоживание организма. – В кн.: Краткая медицинская энциклопедия. М.: Советская энциклопедия, 1989, с. 264.
- Казначеев В. П., Азизинский А. А. Клиническая патология транскапиллярного обмена. – М.: Медицина, 1975.
- Крохалев А. Х. Водный и электролитный обмен (острые расстройства). – М.: Медицина, 1972.
- Линдебратен В. Д., Турбина Л. В. Тесты по патофизиологии для II уровня усвоения. – Хабаровск, 1981.
- Овсянников В. Г. Патологическая физиология (типовые патологические процессы). – Ростов – на – Дону, 1987, с. 87-96.

Руководство к практическим занятиям по патологической физиологии /Под ред. проф. Н. И. Лосева. – М.: Медицина, 1985.

Финкинштейн Л. Д. Роль осморегулирующей системы в патогенезе отеков. – Тер. Арх., 1990. № 12, с. 112-115.

Шутова Н. Т., Ирошникова Г. П., Фокин А. С., Черников Е. Д. Практические занятия по патологической физиологии. Л., 1974.

Асосий ўкув саволлари

1. Сув алмашинуви бузилишлари. Манфий ва мусбат сув баланси.
2. Гипо – ва дегидратация, уларнинг турлари. Сув гомеостази бузилишининг изо -, гипо – ва гиперосмоляр шакллари механизми.
3. Шишлар. Шишнинг патогенетик омиллари: қон ва тўқималар гидродинамик, осмотик ва онкотик босими градиентларининг аҳамияти, томир-тўқима мембранаси ҳолати.
4. Шиш турлари. Юррак, буйрак, яллигланиш, токсик, аллергик, очлик шишлари патогенези.
5. Электролит гомеостази бузилишининг асосий сабаблари ва механизmlари.
6. Натрий, калий, кальций, магний ва микроэлементлар етишмовчилиги ва кўплигининг оқибатлари.
7. Болаларда сув-электролит алмашинуви бузилишининг хусусиятлари

Аннотация

Сув алмашинуви бузилишлари электролит баланси бузилишлари билан чамбарчас боғлиқ ва дегидратация (сувсизланиш) ва гипергидратация (организмда сувнинг кўпайиши) шаклида ифодаланади. Дегидратацияяда манфий, гипергидратацияяда мусбат сув баланси юзага келади. Бу ҳолатлар сувнинг кириши ва йўқотилиши мувозанатидаги силжишни ифодалайди.

Манфий сув балансининг асосий сабаблари сув киришининг етишмовчилиги (сув етишмовчилиги, ошқозон-ичак тракти касалликлари, жумладан ютишнинг бузилишлари, қизилўнгач торайиши ва б.к.); сувнинг кўп микдорда йўқотилиши (кусиш, ич китиш, полиурия, куйиш ва б.к.) ҳисобланади. Сув ҳажмининг (томир ичи сектори) камайишида циркуляциядаги қон ҳажми, артериал ва веноз қон босим, юрак дақиқалик ҳажми ўзгаради. Қонда онкотик ва осмотик босим, эритроцитлар ва гемоглобин микдори, гематокрит кўрсаткичи ва қон ёпишқоқлиги ошади. Ҳужайра ичи сектори сувининг (интрацеллюляр сув) камайишида ташналик, шиллик қаватлар қуриши, иситма, мушакларнинг талвасали титраши, даврли нафас кузатилади.

Гипофизнинг орқа бўлагидан антидиуретик гормон ажралиши стимуляцияси сувсизланишида ҳимоя – компенсатор реакция ҳисобланади ва бу буйракда сув реабсорбциясининг кучайишига олиб келади. Организмда сув танқислигининг энг оғир оқибати коллапсdir (артериал босимни кескин камайиши). Ҳужайра дегидратацияси унинг тузилишининг бузилиши, ҳужайрадан калийнинг чиқиши ва оқсил парчаланиши билан кечади.

Сув ва электролитлар нисбатига қараб дегидратация учта: изоосмоляр, гипоосмоляр ва гиперосмоляр турга бўлинади. Изоосмоляр дегидратация сув ва электролитлар эквивалент йўқотилиши билан тавсифланади ва қон йўқотиш, ичак токсикози, полиурияларда кузатилади. Бу ҳолатларда асосан ҳужайра ташқарисидаги сув йўқотилади. Гипоосмоляр дегидратация асосан тузлар йўқотилиши ҳисобига келиб чиқади. Масалан ич кетиш ва кусишида, кучли терлашда – агар сув йўқотилиши тузсиз сув ичиш билан қопланган ҳолларда. Бунда ҳужайра ташқарисидаги муҳитда осмотик босимнинг пасайиши сувнинг ҳужайрага ўтиши ва натижада қоннинг қуюқлашишига олиб келади. Циркуляциядаги қон ҳажми камаяди. Гиперосмоляр дегидратациясида сув йўқотилиши электролитлар йўқотилишидан устунлик қилади. Бу гипервентиляция, тўхтосиз терлаш, сўлак йўқотилишида учрайди. Маълумки тер ва сўлак қонга нисбатан гипотоник ҳисобланади, шунинг учун уларнинг организмдан ортиқча чиқарилишида сув йўқотилиши электролитларга нисбатан кўпроқ бўлади.

Мусбат сув баланси сувнинг организмга кўп миқдорда кириши ва ундан кам чиқишида кузатилади. Сув тўқималарда ушланади. Бу антидиуретик гормон, альдостерон гиперсекрециясида, организмда натрий сакланишида (буйрак усти бези коптоқча зонаси аденонаси), кучли гипопротеинемия (онкотик босимнинг очликда, жигар ва буйрак шикастланишида, нефротик синдромда пасайишида), гидростатик босим ошишида (юрак етишмовчилиги, портал гипертензия, тромбофлебитлар, кичик қон айланиш доирасида гипертензия) ва б. қ. ларда учрайди.

Томир ташқариси секторида сув ҳажмининг кўпайиши қон ёпиш-қоқлигининг камайиши, унинг онкотик ва осмотик босимининг пасайиши, эритроцитлар ва гемоглобин миқдорининг, гематокритнинг камайиши билан намоён бўлади. Ҳужайра гипергидратацияси белгиларига бош оғриғи, сув ичганда кўнгил айниши ва қусиш, талвасалар киради.

Гипергидратацияда ҳимоя реакцияси буйрак коптоқчаларидан фильтрациянинг кучайиши ва каналчаларда реабсорбциянинг камайишидан иборат. Сувни организмда ортиқча бўлишининг энг оғир оқибатлари сув билан заҳарланиш ва ҳаётий муҳим аъзолар (мия ва ўпка) тўқималарининг шиши билан ифодаланади.

Гипергидратация худди дегидратациядек уч: изоосмоляр, гипоосмоляр, гиперосмолярлар турға бўлинади. Изоосмоляр гипергидратация камдан-кам учрайди ва қисқа муддатда натрий хлориднинг изотоник эритмаси кўп миқдорда юборилганда қузатилади. Гипоосмоляр гипергидратация (ёки сув билан заҳарланиш) рефлектор анурияда, ўткир буйрак етишмовчилигининг II босқичида аниқланади. Гиперосмоляр гипергидратация шўр дентиз сувини истеъмол қилинганда қузатилади.

Қон ва тўқималар орасида сув алмашинуви микроциркулятор ўзандада амалга оширилади. Капилляр—тўқима алмашинуви қонунияти Старлинг (1896) томонидан кўрсатилган бўлиб, унга асосан капилляр ва тўқималар орасида сув алмашинувида қоннинг гидростатик босими (капиллярнинг атериал қисмида бу босим 32 мм сим. уст., веноз қисмида – 12 мм сим. уст. тенг); тўқима қаршилиги (6 мм сим. уст. тенг); қон плазмаси коллоид–осмотик ёки онкотик босими (22 мм сим. уст.); тўқима коллоид босими (10 мм сим. уст.) каби омилларнинг иштирок қилиши назарда тутилади. Капиллярнинг артериал қисмида қоннинг гидростатик босими ва тўқима қаршилиги орасидаги фарқ (эффектив фильтровчи босим) $32 - 6 = 26$ мм. сим. уст ташкил қиласи. Қон онкотик босими ва тўқима онкотик босими орасидаги фарқ (эффектив онкотик босим) эса $22 - 10 = 12$ мм сим. уст. ташкил қиласи. Эффектив фильтровчи босим ва эффектив онкотик босим орасидаги фарқ ($26 - 12 = 14$ мм сим. уст.) одатда суюқликнинг томирдан тўқимага ультрафильтрланиш жараёнини таъминлайди.

Капиллярнинг веноз қисмида гидростатик босим 12 мм сим. уст., тўқима қаршилиги – 6 мм сим. уст., атрофида бўлиб, эффектив фильтровчи босим $12 - 6 = 6$ мм сим. уст. ни ташкил қиласи. Шу билан бир қаторда эффектив онкотик босим кўрсаткичи: $22 - 10 = 12$ мм сим. уст. даражасила қолади. Бу эффектив фильтровчи босим ва эффектив онкотик босим орасидаги фарқни кескин ўзгартиради ва у капиллярнинг веноз қисмида $6 - 12 = - 6$ мм сим. уст. ташкил қиласи ва бу сўриш кучи деб ном олган бўлиб, суюқликнинг қонга ўтишини таъминлайди. Қон ва тўқима гидродинамик, осмотик ва онкотик босими градиентларидан ташқари томир тўқима мембранаси ҳолати яъни томир девори ўтказувчанлиги ҳам муҳим аҳамиятга эга.

Шии (юн. oedema) — организм тўқималари ва сероз бўшлиқларида суюқликнинг ортиқча тўпланиши. Шишининг ривожланишига капиллярларда гидростатик босимнинг ошиши (масалан юрак етишмовчилигига), уларнинг ўтказувчанлигининг ошиши (масалан аллергияда), қон плазмаси онкотик босимининг камайиши (масалан, қахексия, баъзи буйрак касалликларида), лимфа оқиб кетишининг бузилишлари олиб келади. Ривожланиш механизмига қараб шишлар

яллиғланиш, юрак, буйрак, қаҳектиқ, аллергик, ангионевротик, гипотиреоид, лимфатик ва б.қ. турларга бўлинади.

Яллиғланиш шишлари патогенезида микроциркуляция бузилиши, капиллярлар девори ўтказувчанлигининг вазофаол моддалар таъсирида ошиши ҳамда онкотик ва осмотик босимнинг ошиши биринчи даражали рол ўйнайди. Юрак ёки димланиш шишлари келиб чиқишида гидродинамик босим ошишидан ташқари, гипоксия билан боғлиқ томир девори ўтказувчанлигининг ошиши, ренин, альдостерон ва антидиуретик гормонларининг ортиқча ажралиши аҳамиятга эга. Буйрак шишлари патогенезида коптотка фильтрациясининг камайиши ва сувнинг организмда сақланиши, иккиласмачи альдостеронизм натижасида нефрон каналчаларида реабсорбциянинг кучайиши, протеинурия билан боғлиқ гипопротеинемия (нефротик синдромда), альдостерон ишлаб чиқарилишининг стимуляциясига олиб келувчи гиповолемия ҳам аҳамиятга эга. Жигар шиши ривожланишида жигарда оқсил синтезининг бузилиши билан боғлиқ гипопротеинемия, жигарда альдостерон инактивланиши бузилиши натижасида ҳосил бўладиган иккиласмачи альдостеронизм, қон оқиб кетишининг қийинлашиши ва асцитга олиб келувчи порталь гипертензия муҳим рол ўйнайди.

Қаҳектиқ ёки очлик шиши оқсил синтези бузилиши ва трофиқси ўзгарган капиллярлар ўтказувчанлигининг ошиши натижасида юзага келадиган гипопротеинемия билан боғлиқ. Аллергик шиш организмнинг сенсибилизацияси билан боғлиқ бўлиб, унинг механизми яллиғланиш шиши патогенези билан ўхшаш: биологик фаол моддалар таъсири микроциркуляция бузилишини чақиради. Нейроген шиш сув алмашинуви ва тўқима трофикасининг асад регуляцияси бузилиши натижасида ривожланади. Гипотиреоизда шишлар аъзо ва тўқималарда гликозаминогликанлардан ташкил топган, сувнинг ушланишига имкон берувчи махсус шилемшиқ мoddанинг тўпланиши билан боғлиқ. Бундай шиш шилемшиқ шиш дейилади. Лимфатик шишлар лимфа оқиб кетишининг бузилиши натижасида ҳосил бўлади ва лимфатик томирлар ривожланиши нуқсонларида, лимфа оқиб кетишига ўсма жараёнлари тугунлари ҳосил қиласдиган механик тўсиқда, яллиғланишда — кўпинча сарамас яллиғланишида, лимфаденитда кузатилади. Сурункали лимфатик шиш филлашувга (айниқса оёкларнинг форят катта, йирик бўлиб кетишига) олиб келиши мумкин.

Болаларда сув — электролит алмашинуви бузшишларининг ҳусусиятлари. Болаларда катта одамларга нисбатан сувга талаб катта, бу модда алмашинувининг юқори интенсивлиги ва сув — электролит гомеостази регуляциясининг такомиллашмаганлиги билан боғлиқ. Болаларда функционал сув резерви катталарга нисбатан 3,5 баравар кам, чунки буйракнинг концентрациялаш имконияти паст. Сув етиш-

мовчилигига сезгирилк жуда юқори. Эрта ёшдаги болалар очликни оғир кечирадилар. Болаларда сув йўқотилиши кўпинча диспепсик бузилишлар билан боғлиқ. Токсик диспепсия токсик синдром ривожланиши билан Кечади. Доимий қусиш ва ич кетиши сув-туз алмашинувининг кескин бузилишига ва ҳар хил аъзолар ва тизимлар функционал ҳолатининг жиддий бузилишига олиб келади. Суюқликнинг кўп миқдорда йўқотилишида ва организмнинг кескин сувсизланишида – эксикоз содир бўлади.

Электролит алмашинуви патологияси организм суюқ муҳитларида натрий, калий, кальций, магний ва микроэлементлар миқдори ва нисбатининг бузилиши ҳамда ҳужайра ва ҳужайра ташқариси секторларида электролитлар тақсимланиши ва алмашинувининг бузилишлари билан тавсифланади. Ҳужайрадан ташқаридаги асосий электролитлар натрий, хлор, карбонатлар; ҳужайра ичидаги электролитлар калий, магний, фосфатлар ҳисобланади.

Натрий етишмовчилигига гипонатриемия ортиқча бўлишида – гипернатриемия ривожланади. Гипонатриемия антидиуретик гормон ишлаб чиқарилишининг камайишига олиб келувчи осмотик босимнинг пасайиши ва организмдан сув ажралишининг кучайишини чақиради. Гипернатриемия осмотик босим ошишига ва антидиуретик гормон кўп ишлаб чиқарилиши билан боғлиқ сув сақланишига олиб келади. Гипонатриемия организмга овқат билан натрийнинг етарли кирмаслигида ($0,5$ г кам, нормада бир кунда $3 - 6$ г), шунингдек натрийнинг жуда кўп йўқотилишида учрайди. Бунақа ҳолат буйрак каналчаларida натрий реабсорбциясининг бузилишида кузатилади ва организмда альдостерон ишлаб чиқарилишининг камайиши билан боғлиқ; тер ажралиши кучайганда, узлуксиз қусишда, буйрак усти бези пўстлоқ қисми патологиясида (аддисон касаллиги) учрайди. Натрий танқислигининг клиник намоён бўлиши биринчи навбатда унинг йўқотилиш тезлиги, кейин эса натрийнинг йўқотилиш миқдори билан аниқланади (Уилкинсон А. У., 1974). Масалан, 250 ммоль/л натрийнинг аста-секинлик билан йўқотилиши фақат ишқобилиятининг ва иштаҳанинг пасайишини чақиради, $250 - 500$, айниқса 1500 ммоль/л натрийнинг қусиш ва ич кетишда тез йўқотилиши эса қон айланишининг оғир бузилишларига олиб келади.

Гипернатриемия натрийнинг овқатлар билан ортиқча истеъмол қилинишида, организм сувсизланишида, олигурия ёки анурияда, буйрак усти бези гиперфункциясида, гиперальдостеронизмда, Иценко – Күшинг касаллигида, кортикостероид препаратлари, адренокортикотроп гормон ва б. қ.ларни узоқ вақт қабул қилганда ривожланади. Гипертония касаллиги патогенезида гипернатриемия муҳим рол ўйнайди. Сийдик кислотанинг натрий тузи сувда кам эрийди ва подагра касаллигига тўқималарга чўкади.

Қонда калийнинг камайиши – гипокалиемия юрак аритмиясининг ривожланишига олиб келади ва асаб ҳужайралари қўзғалувчанлигининг пасайиши, қисман шол бўлиш ва шол бўлиш, умумий депрессия билан тавсифланади. Гиперкалиемия юрак қўзғалувчанлиги, ўтказувчанлиги ва автоматизмининг пасайишига олиб келади, спазмалар ва талвасаларга мойиллик билан тавсифланади. Гипокалиемия калийнинг куп ажралишида (масалан альдостероннинг ортиқча бўлиши) ва унинг овқатлар билан кам киришида кузатилади. Организмда калийнинг кўпайиши унинг куп микдорда киришида, кам микдорда ажралишида (масалан альдостеронни камайиши), шунингдек ҳужайралар шикастланишида (инфекция, куйиш, гемолиз, травма) ва б.к. учрайди.

Кальций-фосфор алмашинуви патологияси қалқонсимон бези олди безлари функцияси – парагормон ва унинг антагонисти – кальцитонин (қалқонсимон без гормони) ишлаб чиқарилишининг ўзгариши билан чамбарчас боғлиқ бўлиб, ичакда кальций ва фосфатлар шимилиши, скелет ва тишлар оҳакланишининг бузилиши, фосфор-кальций тузларининг юмшоқ тўқималарда чўкиши билан намоён бўлади. Парагормон етишмовчилиги ва кальцитониннинг ортиқча бўлишида қонда кальций микдори камаяди, гипокальциемия содир бўлади ва бу асаб-мушак қўзғалувчанлигининг кучайиши натижасида тетаник талвасалар ривожланиши билан тавсифланади.

Организмда кальций ионлари етишмовчилиги ракит, спазмофилия, аллергик ва тери касалликлари, қон ивиши касалликлари, узоқ муддатли иммобилизацияларда кузатилади. Парагормоннинг ортиқча бўлишида (Реклингаузен касаллиги ёки фиброзли остеодистрофия) қонда кальций микдори кўпаяди, фосфор микдори камаяди. Суяк тўқимасидан кальций ювилади, унинг ўрнини фиброз тўқима эгаллайди, остеопороз – суякларнинг юмишаши содир бўлади. Парагормон ортиқча бўлишида Кребс цикли ферментлари (лактат – ва изоцитрат - дегидрогеназа) фаоллигининг йўқотилиши суякларда лимон ва сут кислоталари тўпланишига олиб келади, улар билан кальций эрувчан тузлар ҳосил қиласди. Бу кальцийнинг суяқдан қонга чиқишини таъминлайди. Кислоталик муҳитда ишқорий фосфатаза фаоллигининг камайиши ҳам мальум рол ўйнайди, чунки у нормал ҳолатда остеобластлар томонидан суякларда кальцийнинг кальций-фосфат ва кальцийкарбонат шаклида чўкишини таъминлайди. Гиперпаратиреозда фосфор-кальций тузлари аъзо ва тўқималарда (буйрак, ўпка, тери) чўкади, натижада бу аъзоларнинг функцияси бузилади, буйракда тошлар ҳосил бўлади, артериялар кальцинози ривожланади.

Магний алмашинуви патологияси кальций ва калий алмашинуви бузилиши билан яқин боғлиқ. Магний дефицити очликда ва унинг

шимилишининг бузилишида, диарея, оқма, резекция ва ҳ.к. ларда ошқозон-ичак шираси билан йўқотилишида кузатилади. Гипомагнитемия клиник нуқтаси назардан мадор-сиззлик ва апатия, гипермагнитемия эса гипотензия, серуїкулик, нафаснинг пасайиши, тогай рефлексларининг йўқолиши билан кечади (Овсянников В. Г., 1987)

Микроэлементлар алмашинувининг бузилишлари. Ҳозирги замон тушенчасига кўра (Авцын А. П., 1990) 15 дан ортиқ микроэлементлар эссенциал яъни ҳаётий муҳим (лат. *essentia* – моҳият) ҳисобланади. Микроэлементлар танқислиги, ортиқча бўлиши ва дисбаланси натижасида «микроэлементоз» атамаси билан бирлашувчи кўп сонли қасалликлар ва патологик жараёнлар ривожланади (Авцын А. П., 1972; Авцын А. П. ва б.к., 1983). Микроэлементознинг ятроген табиатга эга, узоқ муддатли парситерал овқатлантириш билан боғлиқ алоҳида шакли ажратилади (Жаворонков А. А., 1991). Ташқи муҳитда қандайдир микроэлементнинг етишмовчилиги ёки ортиқча бўлиши одам ва ҳайвонлар бутун жамоасининг қасалланишига (эндемияларга) олиб келиши мумкин.

Темир етишмовчилиги таркибида темир кам бўлган овқатларни истеъмол қилишда (эмизикли болаларда қўшимча овқатнинг кеч берилишида), ошқозон-ичак тракти қасалликларида кузатилади.

Организмда кальций ионлари етишмовчилиги рахитда (темирнинг апоферритин оқсили билан боғланишининг бузилиши), жигар қасалликларида (жигарнинг темир деполаш хусусиятининг бузилиши), темирга юқори талаб бўлганда (ҳомиладорлик, ўтқир ва сурункали қон йўқотиш ва б.к.) кузатилади. Темир танқислиги микроцитар гипохром анемиянинг ривожланишига олиб келади.

Организмда мис танқислиги темоглобин синтези бузилишини чақиради, қандали диабет ривожланишига олиб келади. Унинг ортиқча бўлиши жигар циррози ривожланишига олиб келиши мумкин. Йод етишмовчилиги эндемик буқоқ, фторнинг ортиқча бўлиши эса флюорозга сабаб бўлади. Рух етишмовчилиги ўсишнинг кечикишини, гипогонадизм, инсулин ишлаб чиқарилиши ва фаолигининг камайишини чақиради. Тупроқ ва овқат маҳсулотларида молибденнинг ортиқча бўлиши эндемик подагра ривожланишига олиб келади.

Мавзуни оғзаки муҳокама қилиш. Амалий ишларни мустақил бажариш ва амалий кўнікмаларни ўзлаштириш

1-иши. Каламушда адреналин шишини чақириш.

Тажриба мумкин қадар тана массаси бир хил бўлган иккита каламушда ўтказилади. Биринчисининг қорин бўшлиғига ампулали адреналин эритмаси 55 мкмоль/л ҳисобида (100 г тана массасига 1

мл), иккинчисига шу миқдорда натрий хлориднинг изотоник эритмаси юборилади. Ҳайвонлар ҳолати ва нафас ўзгаришлари кузатиласи. Адреналин юборилган каламушда чап юрак етишмовчилиги натижасида юзага келадиган ўпка шиши ривожланади. Кичик қон айланиш доираси ўпка артериялари тизимида қон босими ошади ва у катта қон айланиш томирлари спазми ва қон ҳажмининг кичик қон айланиш доирасига ўтиши билан боғлиқ. Адреналин таъсирида ўпка капиллярлари ўтказувчанлиги ҳам ошади. Объектив цианоз, баъзан нафас йўлларида қонли кўпик пайдо бўлиши кузатиласи. Ўзи ўлган ёки адреналин юборгандан 30 дақ. ўтгандан кейин эфир буғлари юқори концентрацияси таъсирида ўлдирилган иккита каламушда ҳам, кўкрак қафаси ёрилади, ўпка бўғиз билан биргаликда ташқарига олинади, ўпка бўғиздан ажратиласи, ҳар бир каламушнинг ўпкаси алоҳида ўлчанади. Ўпка – тана оғирлиги коэффициенти (граммларда ўпка массасининг килограммларда тана оғирлигига нисбати) аниқланади. Каламушларда бу коэффициент кўрсаткичи нормада 7 – 8 га тент. Унинг ошишига қараб шиш ривожланиш даражаси тўғрисида мулоҳаза қилинади. Олинган маълумотлар таҳлил қилинади.

2-иши. Бақада осмотик шиш.

2 та бақа олинади ва оддий тарозида ўлчанади. Биринчисининг (тажриба) орқа лимфатик халтасига 5 % ли натрий хлорид эритмасидан 3 мл, иккинчисига (назорат) шу миқдорда натрий хлорид изотоник эритмаси юборилади. Бақалар алоҳида банкаларга жойлаштирилади, ҳар бир банкага 300 мл атрофика сув қуйилади ва 1 соатга қолдирилади. Сув тўкиб ташланади ва бақалар қайта ўлчанади. Назоратдаги ва тажрибадаги бақа тана массаси орасидаги фарқ аниқланади ва таҳлил қилинади.

3-иши. Бақада экспериментал сувсизланишни чақириш.

2 та бақа олинади (тажриба ва назорат) ва ўлчанади. Тажрибадаги бақа 3 % ли натрий хлорид эритмаси солинган банкага, назоратдаги – сув солинган банкага жойлаштирилади. 30 дақ. кейин бақалар қайта ўлчанади. Сувсизланиш тўғрисида тана массасининг камайишига қараб мулоҳаза қилинади. Олинган натижалар таҳлил қилинади.

4-иши. Кальцийнинг оптика бўлиши ва танқислигининг бақа юрак мушагига таъсирини текшириш.

Ҳарактсизлантирилган бақа таҳтачага орқаси пастга қаратиб маҳкамланади. Кўкрак қафаси ёрилади, перикард олиб ташланиб юрак очилади. Визуал (ёки юрак қисқаришини кимографга ёзиш орқали) юрак фаолияти – кучи, қанча қисқариши ва ритми илк даражаси регистрация қилинади. Пипетка ёрдамида юрак юзаси 0,5 мл кальций хлориднинг 10 % ли эритмаси билан ювилади. 2 – 5 дақ. кейин кузатилаётган юрак қисқариши ўзгаришлари фонида юракка кальций ионларини фаол боғлаш хусусиятига эга этилендиаминтетра-

сирка кислота (ЭДТА), динатрий тузининг 10 % ли эритмасидан 0,8 – 1 мл томизилади. Визуал (ва кимографда) юрак фаолияти динамикасининг келгуси ўзгаришлари ўрганилади. Олинган маълумотлар таҳлил қилинади.

Жиҳозлар: каламушлар, бақалар, шиша қалпоқ, кимограф, тарози, тарози тошлари, тахтачалар, банкалар, қайчи, пинцет, шприц, игналар, тўғнағичлар, пипеткалар, ампулали адреналин эритмаси, 3 %, 5 % ли натрий хлорид эритмаси ва натрий хлориднинг изотоник эритмаси, 10 % ли кальций хлорид эритмаси, 10 % ли ЭДТА эритмаси, эфир.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва заманий кўнинмаларни ўзлаштириш

Куйидаги ишлар бажарилади:

- 1) бақада ўпка адреналин шишини чақириш;
- 2) бақада осмотик шиш;
- 3) бақани экспериментал сувсизлантириш;
- 4) кальций ионлари ортиқча бўлиши ва танқислигини бақа юрак мушагига таъсири.

Талаба: 1) каламушнинг қорин бўшлиғига ампулали адреналин юбориб унда ўпка шишини чақириш, шиш манзараси ривожланиш динамикасини кузатиш, уни плацебо билан қиёслаш, ҳайвонларни ёриш, ҳар бир каламуш ўпкаси ўлчаниб, ўпка – тана оғирлиги коэффицентини ҳисоблашни; 2) бақа организмидаги гипергидратация ва дегидратация нусхасини яратишни; 3) кальций ионлари ортиқча бўлиши ва танқислигининг бақа юрак мушагига таъсирини текшириш, юрак мушаги қисқариш механизмида кальций ролини тўғри талқин қилишни билиши керак.

Эксперимент баённомаси ва хулосаларни ёзиш

Талаба мустақил равишда баённома тузади ва сув-туз алмашинуви у ёки бу патологияси механизмига ва патогенетик терапия принципларига нисбатан хулосаларни шакллантиради.

Вазиятли масалаларни ечиш

I-масала. 18 ёшли Г. исмли техник тиббий пунктта дегидратацион ориқлаш ҳолатида олиб келинган. У сув заҳирасига эга бўлмаган ҳолда чўлда адашган. 6 соат давомида 30 км дан кўпроқ масофани 44° С ли ҳаво ҳароратида босиб ўтган.

Кескин тушкинлик ҳолатида. Кучли ташналик, оғиз қуриши, умумий мадорсизлик ва кўрқиш сезгисидан шикоят қиласди. Унда икки қоринчали мушакларнинг талвасали титраши кузатилади. Артинал қон босими 100/70 мм сим. уст. тенг. Пульс I дақ. 132 марта. Нафас тезлашган (I дақ. 34 марта) ва вақти-вақти билан даврли. Тана ҳарорати $38,3^{\circ}\text{C}$. 7 кг га ориқлаган (тахминан тананинг олдинги массаси 12% га йўқотилган). Қон текширишларида I мкл да эритроцит ва гемоглобин ошганлиги, ҳамда оқсил ва қолдиқ азот миқдори фоизларда кўпайғанлиги аниқланган. Гематокрит кўрсаткичи 65. Сув ичиш бемор аҳволининг анча яхшиланишига олиб келган.

1. Беморнинг оғир ҳолатини қандай тушунтириш мумкин?

2. Организмда сув танқислиги сабаблари ва оқибатлари нимадан иборат?

3. Гематокрит кўрсаткичи ўзгариши, плазмада эритроцитлар, гемоглобин, оқсил ва қолдиқ азот миқдорининг кўлайшини қандай тушунтириш мумкин. Дегидратациянинг қайси шакли мавжуд?

2-масала. 53 ёшли, Р. исмли бемор кучли шиш пайдо бўлиши, ташналик, умумий мадорсизлик ва бош оғришидан шикоят қиласди. Кўриқдан ўтказганда асосан тананинг пастки қисмларида кучли шиш борлиги аниқланган. Тери қуруқ, совуқ. Юзи оқарган, шишган. Юрак чегаралари нормада. Тонлари соф. АБ – 100/70 мм сим. уст.тенг, қон плазмасида оқсил миқдори камайган ва натрий миқдори кўпайган. Кундалик диурез 0,5 л. Сийикда оқсил 2 % ни ташкил қиласди. Текшириш натижалари асосида липоид нефроз деган ташхис кўйилган.

1. Беморда ташналик ва жуда кучли шиш ривожланишини тушунтиришинг?

2. Бемор организмига суюқлик юборишини жиддий чеклаш мақсадга мувофиқми?

3. Организмда натрий ушланишининг сабаблари ва оқибатлари нимадан иборат?

4. Бу ҳолатда сув ва натрий алмашинуви бузилишининг қайси кўшилган синдроми мавжуд?

3-масала. 7 ойлик В. исмли бола болалар клиникасига ич кетиш ва қусиши билан олиб келинган. Бундан 2 кун олдин касалланган. Бола кўп суюқлик йўқотганлиги гуфайли онаси тез-тез ширин чой ичирган. Болада аста-секинлик билан сувга нисбатан жирканиш пайдо бўлган: ҳар гал сув қабул қилганда қусган. Бола заифлашган. Тери қатлами оқарган – кўкимтири туслада. Тил нам. Тана ҳарорати $38,2^{\circ}\text{C}$. Нафас даврли. АБ кескин пасайган. Қон анализида I мм³ да эритроцитлар ва гемоглобин миқдори ошганлиги аниқланган.

1. Беморда дегидратациянинг қайси шакли мавжуд ва сувга нисбатан жирканиши қандай гушунтириш мумкин?

2. Организмда натрий танқислиги оқибатлари нимадан иборат?

3. Болага патогенетик даволашни тавсия қилинг.

4-масала. 10 ойлик А. исмли бола, болалар клиникасига «бронхопневмания» ташхиси билан келиб тушган. Олиб келинганды аҳволи ўртача оғирликда, ҳарорати $38,6^{\circ}\text{C}$, нафас олиши тезлашган, юзаки. Анамнезида рахит. Бола ҳәётининг биринчи ойларидан бошлаб нотинч, инжиқ, ёмон ухлайди, кўп терлайди, энсасида соч тўкилган. Бошнинг пешона ва тепа суюги бўртиқлари чиқиб туради. Оёқ суюклари О ҳарфи шаклида қийшиқ. Болада асаб-мушак қўзғалувчанилиги белгилари мавжуд. Стационарга келганининг иккинчи кунида кечкурун, қаттиқ йиғлаш вақтида талваса хуружи пайдо бўлган. Дастлаб фибрилляр мушаклар учб турishi, кейинчалик хушдан кетиш ва айрим мушак гурухларининг тоник талвасаси кузатилган. қўли тирсак ва билак-кафт бўғимларида букилган. I бармоқ IV ва V букилган бармоқларга яқинлашган; оёқлар чўзилган, бир-бирига қисилган, оёқ кафти ва бармоқлари остига қараб эгилган ҳолатда. Лаборатория текширишларида қонда кальций миқдори 2 ммоль/л ва фосфор миқдори 0,15 ммоль/л. Кальций хлориднинг 5 мл 10 % ли эритмасини венага аста-секинлик билан юборилгандан ва крахмал эритмасида хлоралгидрат клизмаси қилингандан кейин хуруж ку-пирланган. Боланинг аҳволи яхшиланган.

1. Тоник талвасаланиш билан намоён бўлган юқори асаб-мушак қўзғалувчанилик ҳолати нима дейилади ва унинг ҳосил бўлиши нима билан боғлиқ?

2. Талвасаланиш хуружи келиб чиқишида рахит касаллиги қандай рол ўйнайди?

3. Талвасалар юзага келишини қўзғатувчи омил сифатида нима хизмат қилган?

Интеграция амалга оширилиши лозим бўлган фанлар

1. Болалар касаллilikлари.
2. Ички касаллilikлар.
3. Эндокринология.

15 - МАШГУЛОТ

Маззу : КИСЛОТА-АСОС МУВОЗАНАТИНИНГ БУЗИЛИШЛАРИ

Машгулот маҳсади. Талаба қўйидагиларни билиши керак:

1) организм ички муҳити кислота-асос мувозанати бузилишининг асосий шаклларини; газли ва газсиз ацидозлар ва алкалозларни;

- 2) каламушда экспериментда экзоген ацидоз чақириш ва унинг ривожланиш механизмини аниқ тасвирлашни;
- 3) кислота-асос мувозанати бузилишининг компенсацияланган ва компенсацияланмаган шаклларини аниқлаш принциплари ва кўрсаткичларини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги файлар бўйича заминий билимлар даражасини текшириш

1. pH водород кўрсаткичи ҳаётий муҳим константа сифатида нима?
2. Кон, тўқима pH нимага тенг? Кислота-асос мувозанати (алмашинуви) нима? pH ҳаётий ўзгаришлари туриш чегараси.
3. Коннинг буфер тизимлари нима, уларнинг турлари?
4. Коннинг бикарбонат буфер тизими тўғрисида тушунча.
5. Коннинг фосфат буфер тизими тўғрисида тушунча.
6. Коннинг оқсил буфер тизими.
7. Гемоглобин буфер тизими.
8. pH нинг кислоталик ва ишқорли томонга силжиши қайси термин билан ифодаланади?

Мустақил тайёрланиш учун кўрсатмалар

Асосий адабиётлар:

Патологическая физиология / Под ред. А. Д. Адо, Л. М. Ишимовой. –2-е изд., перераб. и доп. – М.: Медицина, 1980, с. 277 – 281.

Патологическая физиология / Под ред. чл.-корр. АМН СССР Н. Н. Зайко. –2-е изд., перераб. и доп. – Киев: Вища школа, 1985, с. 272-279.

Н. Ҳ Абдуллаев, Ҳ. Ё Каримов. / Патофизиология. Тошкент Абу Али ибн Сино номидаги тиббиёт нашириёти, 1998. б. 200 – 207.

Патологическая физиология / Под ред. А. Д. Адо, М. А. Адо, В. И. Пыцкого и др. М.: Триада – X, 2002. с. 269 – 283.

Кўпимча адабиётлар:

БМЭ. – М.: Советская энциклопедия, 1979, т. 10, с. 336-342.

Гомеостаз / Под ред. П. Д. Горизонтова. – М., 1976, с. 376 - 456.

Гордиенко А. Н. Пособие по патологической физиологии. – Ростов – на – Дону, 1970.

Краткая медицинская энциклопедия. – М.: Советская энциклопедия, 1989, т. Ic. 46, 133, 571.

Лазарис Я. А., Серебровская И. А. Нарушения кислотно – щелочного гомеостаза. – Л., 1973.

Линденбратен В. Д., Турбина Л. В. Тесты по патофизиологии для II уровня усвоения (задания для студентов). – Хабаровск, 1981.

Мазурин Л. В., Воронцов И. М. Пропедевтика детских болезней. – М., 1985.

Овсянников В. Г. Патологическая физиология. Типовые патологические процессы. - Ростов – на – Дону, 1987, с. 74-85.

Рут Г. Кислотно – щелочное состояние и электролитный баланс: Пер. с англ. – М., 1978.

Чеснокова Н. П., Берсудский С. О. Вопросы и ситуационные задачи по патологической физиологии. – Саратов, 1988.

Асосий ўкув саволлари

1. Организм ички муҳити кислота-асос мувозанати бузилишнинг асосий шакллари ва синфлаш принциплари.
2. Газли ацидоз ва алкалозлар.
3. Газсиз ацидоз ва алкалозлар; метаболик, ажратув (буйрак ва гастроинтестинал), экзоген, аралаш шакллари.
4. Ацидоз ва алкалознинг ҳар хил турларида организмдаги бузилишлар.
5. Кислота-асос баланси ўткир ва сурункали бузилишларида компенсатор реакциялар.
6. Кислота-асос мувозанати бузилишининг компенсиранган ва компенсиранмаган шаклларининг кўрсаткичлари ва белгилари.
7. Болаларда кислота-асос мувозанати бузилиши хусусиятлари.

Аннотация

Кислота-асос мувозанати (КАМ) бузилиши модда алмашинуви ва газ алмашинуви тизими патологиясининг объектив кўрсаткичи ҳисобланади. Кислота-асос баланси силжишлари кўпгина касалликларда кузатилади, уларнинг кечишини оғирлаштиради. КАМ бузилишлари ацидоз ва алкалозларга бўлинади. Агар қоннинг pH норманинг четки даражаларида ($7,36 - 7,42$) ушланиб турса, ацидоз ва алкалоз компенсиранган дейилади. Агар регуляция қиладиган механизмлар етарли бўлмасдан pH силжиши катта бўлса, бу ҳолат декомпенсиранган дейилади.

Ацидоз кислоталарнинг мутлақ ёки нисбий ортиқча бўлиши ва pH камайиши билан тавсифланади. Ацидоз келиб чиқишига қараб газли, газсиз ва аралаш бўлиши мумкин. Газли (нафас ёки респиратор) ўпка гиповентиляцияси яъни организмдан CO_2 , етарли чиқарилмаслиги (ўпка касалликлари, нафас маркази ишининг пасайиши ва б.к.) натижасида юқори концентрацияли ҳаво ёки карбонад ангиридинг газли аралашмаси билан нафас олганда кузатилади.

Газсиз ацидознинг асосий шакллари метаболик, ажратув ва экзоген ҳисобланади. Метаболик ацидоз тўқималарда кислотали маҳсуларни саволларни жадидлаштиришади.

лотларнинг (кетон танаачалари, сут кислота ва органик кислоталар) ортиқча түпланиши натижасида юзага келади. Кетоацидоз қанды диабет, очлик, юқори иситма, гипоксия, катта жойни згаллаган яллигланиш жараёнлари, травмалар, куйишлар ва б.к. ларда ривожланади. Сут кислота түпланиши ҳатто соғлом одамларда ҳам, айниқса машқ құлмайдиганларда кучли жисмоний зўриқишида кузатилиши мумкин. Лактат-ацидоз жигарнинг оғир шикастланишида (цирроз, токсик дистрофия), юрак фаолияти декомпенсациясида, гипоксик ҳолатларда учрайди. Метаболик ацидоз кўпинча организмда бир неча кислотали маҳсулотларнинг ортиқча бўлишида кузатилади.

Ажратув ацидози буйрак касалликларида (сурункали диффуз гломерулонефрит, нефросклероз ва б.к.) организмдан кислотали фосфатлар, сульфатлар, органик кислоталар чиқарилишининг камайиши натижасида кузатилади. Ацидоз ривожланишига олиб келувчи сийдик билан натрий ионларининг кўп миқдорда ажралиши буйрак усти бези етишмовчилити ва бошқа эндокрин бузилишларда, сульфаниламид препаратлари ва баъзи сийдик ҳайдовчи воситаларнинг узоқ муддатда қабул қилинишида кузатилиши мумкин. Чиқарув ацидози (гастроэнтерал шакли) асосларнинг ошқозон-ичак тракти орқали, масалан ич кетиш, ишқорий ичак ширасининг меъдага отилиши билан боғлиқ узлуксиз қусишида вужудга келиши мумкин.

Экзоген ацидоз организмга кўп миқдорда кислотали бирикмалар, шу жумладан доривор воситалар юборилишида, келиб чиқиши мумкин.

Аралаш ацидоз (газли ва газсиз ацидознинг қўшилиши) кислород етишмовчилиги ва охиригача ёнмаган модда алмашинуви маҳсулотлари (сут кислота), масалан юрак-томир ва нафас тизими шикастланишларида түпланиши натижасида ривожланиши мумкин.

Газли ацидознинг компенсацияланишида гемоглобин, оқсил буфери ва буйраклар ҳал қилувчи рол йўнайди. Гемоглобиннинг қайта тикланган шакли эритроцитларда кўмир кислота диссоциацияланиши натижасида ҳосил бўлган водород ионларининг ортиқча қисмини ушлайди. Амфотер хусусиятга эга бўлган қон оқсиллари газли ацидозда водород ионларини бириттириб, ўзини асослар шаклида олиб боради. Газли ацидоз компенсациясида буйракнинг роли ацидогенез, аммониегенез ва гидрокарбонатлар реабсорбцияси кучайиши билан боғлиқ. Нефроптоз канаалчалари эпителийсида доимо карбонат ангириди гази ва сувдан карбоангидраза иштирокида кўмир кислота ҳосил бўлади, у кейинчалик HCO_3^- , анионлари ва H^+ ионларига диссоциацияланади. Водород ионлари канаалчалар бўшлиғига фаол секрецияланади (ацидогенез) ва сийдик реакцияси кислоталилигини кўпайтиради. Ажралган натрий ионлари NaHCO_3 , таркибида қонга реабсорбцияланади. Аммониегенезнинг қон pH ушлаб туришидаги

роли қуидагилардан иборат бўлади: буйрак каналчалари эпителий-сида глутамин ва бошқа аминокислоталардан аммиак ҳосил бўлади. У водород ионлари билан бирикади, аммоний иони, NH_4^+ ҳосил бўлади, улар эса хлор аниони билан реакция беради. NH_4Cl аммиакли тузи сийдик билан унинг pH ни ўзгартирмасдан ажралади. Бу жуда муҳим, чунки сийдикда pH 4,5 дан кам бўлиши буйрак эпителийсининг ўлишига олиб келади.

Газсиз ацидознинг компенсацияланниши аввало кислоталарни ҳужайраларо суюқлик билан аралаштириш ва уларнинг NaHCO_3 (гидрокарбонат буфери компоненти) билан бириттирилиши туфайли амалга оширилади. Водород ионларининг боғланишида оқсил буферни катта рол ўйнайди. Бунда оқсиллар кучсиз асос типида диссоцияланади, ўзидан Na^+ ионларини беради, улар эса кислота анионларини боғлайди ва бу кислоталардаги водород ионлари ўрнини эгалайди. Газли ацидозда бошқа компенсатор реакциялар асосан гидрокарбонат буферини тиклашга қаратилган бўлади. Организмдан CO_2 нинг ортиқча қисмини чиқарилишини таъминлайдиган ўпка гипервентиляцияси муҳим рол ўйнайди.

Ўртача компенсацияланган ацидоз деярли симптомсиз кечади ва қоннинг буфер тизими, ҳамда сийдик таркибининг текширилишида аниқланади. Ацидоз чукурлашувининг биринчи белгиси нафас кучайиши ҳисобланади, кейин у жиддий ҳансираш, нафаснинг патологик шакллари, масалан Куссмаул нафаси пайдо бўлишига ўтади. Компенсацияланмаган ацидоз ҳар хил аъзо ва тизимлар функциясининг жиддий бузилиши билан тавсифланади. Қонда катехоламинлар кўпаяди, бу юрак фаолиятининг кучайиши, пульс тезлашиши, артериал қон босимнинг кўтарилишига олиб келади. Ацидоз чукурлашишида адренорецепторлар реактивлиги камаяди ва натижада юрак фаолияти сусайиши, артериал босимнинг камайиши, юрак ритменинг бузилиши келиб чиқади. Бундан ташқари ацидоз адашган асаб қитиқланиши эфектининг кучайишига олиб келади, бронхоспазм чақиради, бронхиал ва овқат ҳазм қилишда иштирок қилувчи безлар секрецияси ошади, кўп ҳолларда қусиш ва ич кетиш содир бўлади. Компенсацияланмаган ацидозда марказий асаб тизими функцияси кескин ишдан чиқади; дастлаб бош айланиши, серуйқулик кузатилади, сўнг ацидотик кома ва ҳушнинг тўлиқ йўқолиши кузатилали. Компенсацияланмаган ацидозни, айниқса pH кескин силжишида дарҳол коррекциялаш лозим (ортиқча водород ионларини боғловчи гидрокарбонат эритмаси ва бошқа препаратни юбориш).

Алкалоз – КАМ бузилиши бўлиб, асосларнинг мутлоқ ёки нисбий ортиқча бўлиши билан тавсифланади. Алкалоз келиб чиқишига қараб газли, газсиз ва аралаш бўлиши мумкин. Газли алкалоз организмдан CO_2 нинг ортиқча чиқарилиши ва унинг артериал қонда

парциал босимнинг 35 мм сим. уст. дан камайишига олиб келувчи ўпка гипервентиляциясида учрайди. Ўпка гипервентиляциясида бош мия органик шикастланишларида (энцефалитлар, ўсмалар ва б.к.), нафас марказига ҳар хил токсик ва фармакологик агентлар таъсир қилишида (масалан баъзи бир микроб токсинлари, кофеин, коразол), ҳарорат кутарилишида, ўткир қон йўқотишларда учраши мумкин.

Газсиз алкалознинг асосий турлари бўлиб чиқарув, экзоген ва метаболик турлари ҳисобланади. Чиқарув алкалози меъда ширасининг кўп миқдорда йўқотилиши, узлуксиз қусишиларда; айрим буйрак касалликларида; организмда кўп миқдорда натрий ушланишини чақирувчи эндокрин бузилишларда; кучли терлашда ва б.к.да келиб чиқиши мумкин.

Экзоген алкалоз кўп миқдорда натрий бикарбонати юборилганда кузатилиши мумкин. Узоқ вақт таркибида асосларни кўп ушловчи овқатларнинг қабул қилиниши ҳам ўргача компенсацияланган алкалоз ривожланишига сабаб бўлади.

Метаболик алкалоз электролитлар алмашинуви бузилишларида учрайди. У болаларда раЖит касаллиги, электролитлар алмашинуви наслий бузилишлари, гемолиз, катта жарроҳлик аралашувларида кузатилади.

Аралаш алкалоз (газли ва газсиз алкалознинг қўшилиши) ҳанси-раш билан кечадиган бош мия травмаси, гипокапния ва кислотали меъда шираси билан қусишида кузатилади.

Газсиз ацидознинг асосий кўрсаткичи қонда гидрокарбонатлар миқдорининг кўпайиши бўлиб ҳисобланади. Газсиз алкалозда компенсатор реакциялар нафаснинг ўзгариши (нафас маркази иши пасаяди, ўпка гиповентиляцияси содир бўлади) ҳисобига; оқсил ва фосфат буферлари иштирокида – улар плазмага H^+ ионларини беради, $NaHCO_3$ дан Na^+ ионларини ўзига боғлайди; гидрокарбонатларнинг ортиқча қисмини чиқарувчи буйрак иштирокида амалга оширилади. Бунда сийдик реакцияси ишқорий, титрацион кислоталик камайган бўлади.

Газли алкалозда компенсатор реакциялар H^+ ионлари тикланишига қаратилган бўлади. Асосий ролни буйраклар бажаради; уларда водород ионлари секрецияси ва гидрокарбонатлар реабсорбцияси пасаяди. Шунинг учун ҳам сийдик реакцияси ишқорийдир. H^+ ионлари тикланишида плазма оқсиллари маълум рол ўйнайди, улар ўзидағи водород ионларининг натрий катионлари билан алмашинуви ҳисобига плазмага беради. Бундан ташқари ҳужайра водород ионларининг K^+ , Na^+ , Ca^{2+} ионлари билан алмашинуви натижасида ҳам плазма ион мувозанати тулдирилади.

Алкалозда (айниқса гипокапния билан боғлиқ бўлган) гемодинамиканинг умумий ва регионар бузилишлари рўй беради: мия ва

коронар қон айланиши камаяди, артериал қон босими ва юрак дақиқа ҳажми пасаяди. Асаб-мушак қўзғалувчанлиги ошади, талвасалар ва тетания ривожланишигача бориб етадиган мушак гипертонуси ривожланади. Кўпинча ичак моторикасининг сусайиши ва қабзиятлар кузатилади; нафас маркази фаоллиги камаяди. Ақлий иш қобилияting камайиши, бош айланиши газли алкалозга хос бўлиб, бехуш бўлиб қолиш ҳолати юзага келиши мумкин.

Алкалознинг коррекциялаш патогенетик принциплари гипервентиляцияни чакирувчи сабабларни йўқ қилиш, ҳамда қоннинг газ таркибини бевосита нормаллаштириш (масалан карбоген билан нафас олиш ва б.к.) билан боғлик.

Болаларда кислота-асос мувозанати силжишлари оғир, бемор умумий ҳолатининг бузилиш ҳоллари кўпинча эса ҳәётий муҳим аъзолар функциясининг ўзгариши билан кечади. Жумладан гипервентиляция, кучли ва узоқ давом қиласидаган қусиш, айниқса рахит билан касалланган болаларда кальций алмашинуви бузилиши асосида ривожланадиган алкалоз тоник талвасаларга (тетания) олиб келиши мумкин. Ацидозлар нафас, юрак-томир аъзолари, эндокрин ва буйрак касалликлари кешишини оғирлаштиради. Бола организмининг pH силжишига алоқадор ферментатив хусусиятларига лактатдегидрогеназа ферменти фаоллигининг юқори бўлиши киради, бу болалар қон зардобида катталарга нисбатан 3 – 4 баравар кўп бўлган сут кислотанинг юқори миқдорини компенсациялашга имконият беради. Шу билан бир қаторда чақалоқларда ва бир ёшгача бўлган болаларда карбоангидраза фаоллиги катталарга нисбатан 3 баровар ва ундан ҳам кам. Буни болаларда турли касалликларда (айниқса ўпка) гиперкарбония кўпроқ кузатилиши факти тушунтиради.

Кислота-асос мувозанати силжишларини ҳар бир ҳолда фақат олинган КАМ кўрсаткичлари асосида эффектив коррекциялаш мумкин. КАМ асосий кўрсаткичларига (Комаров Ф. И. ва б.к. бўйича 1976) қўйидагилар киради:

- pH – нормада артериал қон pH – 7,36 – 7,42 га teng;
- P_{CO_2} – артериал қонда углекислота парциал босими, нормада 35,8 – 46,6 мм сим. уст.;
- SB – қон стандарт бикарбонати, нормада – 21 – 25 ммоль/л;
- BB (buffer bases) – суюлтирилмаган қон ёки плазма буфер асослари, нормада – 44,4 ммоль/л;
- BE – (base excess) – асосларнинг ортиқча (кўп) бўлиши: – 2,4 дан +2,3 ммоль/л гача.

Артериал қон pH кўрсаткичи компенсацияланган ацидоз ва алкалозни компенсацияланмаганидан ажратишга имкон беради. P_{CO_2} нинг кўпайиши ёки чин газли ацидоздан ёки ривожланадиган алкалоз компенсатор реакцияларидан, P_{CO_2} нинг камайиши эса ёки газли

алкалоздан, ёки метаболик ацидоз компенсатор реакцияларидан далолат беради.

Бикарбонатларнинг стандарт концентрацияси қоннинг буфер хусусиятларини тұлғы тавсифламайды, шунинг учун ҳам организм буфер тизимларидан бирининг тахминли күрсаткичи ҳисобланади. Буфер асослари (ВВ) – бу қонда анион буферларининг суммар концентрациясидир (асосан бикарбонатлар ва оқсил анионларининг). Қонда ВВ күпайиши газли ацидозда компенсатор реакция ёки газсиз метаболик алкалознинг қонуний оқибати бўлиши мумкин.

ВЕ күрсаткичи буфер асосларининг нормага нисбатан ўзгаришдан (нормада асослар силжиши ноль атрофига) далолат беради. ВВ ошишида ВЕ күрсаткичи ҳамма вақт «+» белгили, миқдор жиҳатидан тахминан ВВ нормадан ўзгаришига тенг; ВВ камайишида у тегишли равишда пасаяди. Бир вақтда бу күрсаткич қонда буғланмайдиган кислоталарнинг бўлишидан билвосита далолат беради: уларнинг миқдори кўпайганда ВВ қисмининг нейтролизацияланиши содир бўлади ва шунга қараб ВЕ камаяди; буғланмайдиган кислоталар миқдори камайганда ВВ қонуний кўпаяди ва ВЕ ошади.

Газли ацидоз ва алкалозларда карбонат ангирид гази парциал босими ошади ёки ВЕ илк силжишсиз камаяди ($VE = 0$). Метаболик ацидоз ва алкалозда дастлаб ВЕ у ёки бу томонга ўзгаради, кейин фақат Pco_2 , күрсаткичи ўзгаради. ВЕ асослари силжиши метаболик ацидозда манфий бўлади, чунки буфер асослари кислотали маҳсулотлар билан боғланади, метаболик алкалозда эса ВЕ күрсаткичи мусбат бўлади.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

I-иш. Ўткир экзоген газсиз ацидозда ташқи нафас ўзгаришини ўрганиш.

Тана массаси 150 – 200 г бўлган каламушга наркоз берилади (наркозсиз ҳам мумкин). Ҳайвон қорни юқорига қаратиб маҳкамланади. Нафас сони ва амплитудаси саналади. Декомпенсацияланган ацидоз чақириш учун каламуш қорин бўшлиғига 100 г массага 0,5 – 1 мл ҳисобида 5% ли сут кислота эритмаси юборилади ва 1 – 3 дақ. дан кейин нафас күрсаткичлари аниқланади.

Ҳайвонда нафас олишнинг чуқурлашиши ва тезлашиши (ацидоз компенсацияси) аниқланади. 20 – 25 дақ. кейин ташқи нафас яна регистрация қилинади. Нафаснинг жиддий сусайиши ҳамда юрак қисқаришининг сийраклашиши кузатилади. Олинган маълумотлар дафтарга ёзилади ва кузатилган ўзгаришлар механизми тушунтилади.

2-иши. Кислота-ишқор мувозанатининг организм реактивлигига таъсирини ўрганиш.

Тана массаси 2 кг бўлган күён мушагига 10 % ли магний хлорид эритмасини 5 – 10 мл юборилади. 15 – 20 дақ. кейин наркотик уйку бошланади, у бир соатгача давом этади. Агар күён венасига олдин 5 мл 0,37 % ли хлорид кислота ёки 3 % ли сут кислота юборилса уйку содир бўлмайди. Венага олдин икки нордон карбонли соданинг 2,5 % ли эритмасидан 3 – 4 мл юборилса, аксинча магний хлоридининг таъсири кучаяди. Олингандан натижалар таҳлил қилинади, кузатилган ўзгаришлар механизми тушунтирилади.

Жиҳозлар: каламушлар, қуёnlар, шприцлар, игналар, тахтача, сут кислотанинг 5 % ли эритмаси, сут кислотанинг 3 % ли эритмаси, хлорид кислотанинг 0,37 % ли эритмаси, икки нордон карбонли соданинг 2,5 % ли эритмаси, магний хлориднинг 10 % ли эритмаси.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Куйидаги ишлар бажарилади:

- 1) ўткир экзоген газсиз ацидозда ташқи нафас ўзгаришини ўрганиш;
- 2) кислота-асос мувозанатининг организм реактивлигига таъсирини ўрганиш.

Талаба: 1) каламушда экзоген газсиз ацидоз чақириш, унинг компенсация ва декомпенсация фазаларида ташқи нафас ҳолатини ифодалаш, компенсатор реакциялар механизмини тушунтиришни; 2) кўёnda ўtkazilgan тажрибада наркотик таъсиротга организм реакциясининг кислота-асос мувозанати ҳолати нуқтаи назардан қиёслашни. Олингандан натижаларни таҳлил қилишни.

Эксперимент баённомаси ва хулосаларни ёзиш

Талаба мустақил равишда бажарилган ишларга баённома тузади, натижаларни таҳлил қиласи, хулосаларни шакллантиради.

Вазиятли масалаларни ечиш

I-масала. 56 ёшли, Ю. исмли бемор терапевтик клиникага ўпка эмфиземасини даволаш бўйича ётқизилган.

Объектив текширишида: кўкрак қафаси бочкасимон шаклда. Юрек чегаралари ўн томонга кенгайган. Тоңлари пасайган. Ўпканинг пастки қисмларида қутича товуши эшитилади. Ўпка чегаралари пастга

түшган, экскурсияси камайган, нафас сусайган, нафас чиқариш чўзилган. Аускультацияда қуруқ хириллаш эшистилади. Рентгенологик текширишларда ўпка майдони тинклигининг кенгайганлиги аниқланган. Кислота-асос мувозанатини текширишда: pH 7,36, P_{CO_2} = 56 мм сим. уст., BB = 50 ммол/л, SB = 29 ммол/л, BE = + 6 ммол/л.

1. Беморда кислота-асос мувозанати қандай ва нима учун ўзгарган?

2. Бу мисолда КАМ қайси кўрсаткичининг ўзгариши бирламчи, қайслари иккиласми бўлади?

2-масала. 38 ёшли, К. исмли bemor тетаниқ талваса хуружлари билан келтирилган. Анамнездан маълум бўлишича bemорни кейинги 6 ой давомида кучли зарда қайнаши, нордон кекириш, баъзан қусиш, қабзият безовта қилган. Зарда қайнаши туфайли доимо чой содасини қабул қилган. Кислота-асос мувозанати текширилганда: pH – 7,5, P_{CO_2} = 38 мм сим. уст., BB = 57 ммол/л, SB = 30 ммол/л, BE = + 12 ммол/л.

1. Беморда кислота-асос мувозанати бузилишининг қайси шакли мавжуд?

2. Кислота- асос мувозанати бузилишининг бевосита сабаби нима?

3. КАМ ўзгаришлари тетания ривожланишига олиб келиши мумкинми?

3-масала. 62 ёшли, К. исмли bemor шифохонага оғир аҳволда олиб келинган. Беморнинг хуши йўқолган, ранги оқарган, юз қиёфаси жиддийлашган. Териси қуруқ, чуқур нафас эътиборни ўзига жалб қиласди. Чиқарилаётган нафасдан ацетон ҳиди келади. АБ – 80/50 мм сим. уст.га тенг, пульс 1 дақ. 100 марта, кичик тўлиқликка эга. Беморни олиб келган қариндошининг маълум қилишича у қандли диабет билан касалланган. Охирги вақтларда bemор кўпинча овқатланиш режимини бузган. Бундан бир неча кун илгари у овқатланиш билан боғлиқ токсикоинфекцияни бошдан кечирган. Текширишда сийдикда кўп микдорда кетон таначалари топилган. Беморга комплекс терапия, шу жумладан инсулин ва венага натрий бикарбонати эритмасини юбориш тавсия қилинган. Ўтказилган терапия туфайли bemорни оғир аҳволдан кутқаришга эришилган. Кислота-асос балансини текшириш натижалари жадвалда келтирилган (4-жадвал).

1. Беморда шифохонага олиб келинганда КАМ бузилишининг қайси шакли мавжуд бўлган?

2. Беморга бундан кейин натрий бикарбонатни юборишнинг ҳожати борми?

Кўрсаткичлар	Даволашгача	Даволаш куалари	
		1 чи	3 чи
pH	7,28	7,34	7,44
PCO ₂ , мм сим.уст.	20	36	49
BB, ммолъ/л	31	39	51
SB, ммолъ/л	12	18	29
BE ммолъ/	-15	-9	+6

Интеграция амалга оширилиши лозим бўлган фанлар

1. Болалар касалликлари ва ички касалликлар.
2. Инфекцион касалликлар.
- 3.Анестезиология ва реаниматология.

16 - МАШГУЛОТ

М а в з у : АСОСИЙ АЛМАШИНУВ, ОЧЛИК ВА ВИТАМИНЛАР ЕТИШМОВЧИЛИГИ ПАТОФИЗИОЛОГИЯСИ

Машгулот мақсади. Талаба қўйидагиларни билиши керак:

- 1) асосий алмашинув бузилишларининг энг муҳим сабабларини;
- 2) очлик сабаблари ва патогенези, унинг турлари, босқичлари, модда алмашинуви ва организм физиологик функцияларининг бузилишларини;
- 3) очлик ҳолатидаги каламушда газ алмашинуви текширилиши мобайнида асосий алмашинувни мустақил аниқлашни;
- 4) экспериментал ҳайвонлар (сичқон, каламуш, товуқ) тўлиқ очлигида тана массаси, ҳаёт давомийлиги ва бошқа кўрсаткичлар ўзгаришини таҳлил қилишни;
- 5) модда алмашинуви патологиясида генетик омиллар аҳамиятини, ҳамда ёш болаларда оқсил – калория етишмовчилиги хусусияти ва оқибатларини таҳлил қилишни;
- 6) гипер -, гипо -, авитаминозлар сабаблари ва патогенези, шунингдек уларнинг муҳим шаклларида модда алмашинуви ва физиологик функциялар бузилишларини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Асосий алмашинув нима? У нимага тенг?
2. Асосий алмашинувни аниқлашнинг усулиари.
3. Асосий алмашинув даражаси нимага боғлиқ?
4. Тана юзаси қоидаси нимадан иборат?
5. Асосий алмашинувга таъсир қилувчи гормонларни айтинг.
6. Болаларда асосий алмашинувнинг кўрсаткичлари.
7. Асосий озиқ-овқат маҳсулотларининг озуқа моддалари калоријаси қандай?
8. Овқатнинг специфик динамик таъсири нима?
9. Одамнинг овқат рационида асосий озиқ-овқат маҳсулотларининг нормаси.
10. Ёғда эрувчи витаминларни айтинг. Уларнинг организмдаги асосий роли.
11. Сувда эрувчи витаминларни айтинг. Уларнинг организмдаги асосий роли.

Мустақил тайёрланиш учун кўрсатмалар

Асосий адабистлар:

Бузник И. М. Энергетический обмен и питание. – М.: Медицина, 1978. – 336с.

Патологическая физиология /Под ред. А. Д. Адо, Л. М. Ишимовой. – 2 – е, изд., перераб. и доп.- М.: Медицина, 1980, с221-233.

Патологическая физиология /Под ред. чл. – корр. АМН СССР Н. Н. Зайко. – 2 – е изд., перераб. и доп. – Киев: Вища школа, 1985, с. 238 – 244, 294-308.

Фролов В. А., Дроздова Г. А., Казанская Т. А., Билибин Д. П. Патологическая физиология (с патогенезом заболеваний стран тропического пояса). – М.: изд – во ун – та Дружбы народов, 1987, 139 – 151.

Н. Х. Абдуллаев, Х. Ё. Каримов / Патофизиология. Тошкент. Абу Али иби Сино номидаги тиббиёт нашриёти, 1998, 218 – 229 б.

Кўшимча адабиётлар:

Веселкин П. Н. Голодание (БМЭ) /Под ред. В. В. Петровского. – 3 – е изд. – М., 1974, Т. 6, с. 294 – 299.

Мазурин А. В., Логачев М. Ф. Квашноркор – В кн.: Краткая медицинская энциклопедия / Под ред. Б. В. Петровского. – 2 – е изд. – М., 1989, т. 1, с. 562.

Николаев Ю. С., Нилов Е. С. Голодание ради жизни. – М.: Советская Россия, 1983, - 189 с.

Овсянников В. Г. Патологическая физиология. Типовые патологические процессы. – Ростов – на – Дону, 1987, с. 51– 53.

Покровский А. А. Метаболические аспекты фармакологии и токсикологии пищи. – М.: Медицина, 1979. – 180 с.

Руководство к практическим занятиям по патологической физиологии /Под ред. Н. Н. Зайко, Л. Я. Даниловой. – Киев: Вища школа, 1987, с. 65 – 69.

Ходжаев К. Х., Чирко Ю. Г., Юлдашев А. Ю. Энергетический обмен при некоторых формах патологии органов пищеварения. – Ташкент: Медицина, 1985. – 185 с.

Асосий ўкув саволлари

1. Асосий алмашинув патологияси: асосий алмашинувнинг ошиши ва камайиши.
2. Очлик, экзоген ва эндоген сабаблари.
3. Очлик турлари (мутлоқ, тўлиқ, тўлиқ бўлмаган, қисман).
4. Тўлиқ очлик даврлари; очликнинг ҳар хил даврларида модда алмашинуви ва физиологик функцияларнинг ўзгаришлари.
5. Тўлиқ бўлмаган ва қисман очлик. Оқсил ва оқсил – калория этишмовчилиги.
6. Витаминлар алмашинуви бузилишлари: гипер -, гипо -, ва авитаминозлар, уларнинг асосий шакларининг намоён бўлиши.
7. Эрта ёшдаги болаларда очлик хусусиятлари.

Аннотация

Асосий алмашинув патологияси организмда доимо кечувчи ҳаётий муҳим функцияларни сақлашга қаратилган метаболик жараёнлар интенсивлиги ўзгаришларини акс эттиради. Асосий алмашинув патологияси қуидагиларда кузатиласди:

- қалқонсимон без гиперфункцияси – гипертиреозда (100 – 150 % гача) ва тиреотоксикознинг муҳим ташхисий белгиси бўлиб ҳисобланади;
- гипофиз гиперфункциясида: гигантизм ва акромегалияда (гипофизнинг эозинофилли аденоаси) соматотропиннинг ортиқча бўлиши анаболик жараёнларни фаоллаштириб, асосий алмашинувнинг ошишига олиб келади;
- буйрак усти бези магиз қатлами гиперфункциясида: феохромацитомада адреналиннинг ортиқча бўлиши юрак қисқариш сонини кучайтириб ва тезлаштириб асосий алмашинувни стимуллайди;
- жинсий безлар гиперфункциясида: тестостерон ва прогестеронларнинг ортиқча бўлиши эркин оксидланишни фаоллаштиради ва шу орқали асосий алмашинувни кучайтиради;

- мънда ости бези олиб ташланишида. Инсулин функциясининг тўхтани кетон таначаларининг тупланиши ва оксидланишнинг фосфорланишдан ажралишига олиб келади;
 - иситма, интоксикация, инфекцион-аллергик касалликларда. Механизми: оксидланишнинг фосфорланишдан ажралиши, эндотоксинлар таъсири;
 - юрак етишмовчилигида. Механизми: гипоксия ва гиперкапния натижасида нафас ва қон айланиш аъзоларининг иши кучаяди, бу асосий алмашинувнинг 30 – 50 % гача ошишига олиб келади;
 - хавфли ўсманинг охирги босқичларида. Механизми: макроэр-гик бирикмаларнинг кучли парчаланиши;
 - анемияларда. Механизми: асосий алмашинувнинг метаболизм токсик маҳсулотлари таъсирида кучайиши; юрак ва нафас аъзолари ишининг кучайиши.
- Асосий алмашинув қўйидаги ҳолатларда камайди:
- қалқонсимон без гипофункцияси – гипотиреозда (микседема, кретинизм) ҳужайра митохондрияларида оксидланиш жараёнларини стимулловчи тироксин ишлаб чиқарилиши камайиши натижасида;
 - гипофиз гипофункциясида. Тиреотропин ва кортиcotропин миқдорининг камайишида (гипопитуитаризм) иссиқлик ҳосил бўлиши озаяди;
 - буйрак усти бези гипофункциясида. Масалан, туберкулезда буйрак усти безининг икки томонлама шикастланиши энергетик жараёнларнинг пасайишига ва асосий алмашинувнинг камайишига олиб келади;
 - жинсий безлар гипофункциясида. Кастрация, жинсий безларнинг етарли ривожланмаслиги, климакс ҳужайрада энергетик жараёнларни камайтиради;
 - инсулин кўп ҳосил бўлишида. Инсулин мушак қисқаришини сусайтиради, оксидланишнинг фосфорланиш билан бирга кечишини оширади, бу иссиқлик ишлаб чиқарилишини камайтиради;
 - узоқ муддатли очликда — энергия сарф бўлишини кескин чеклайдиган механизmlар ишга тушади.
- Очлик** — овқат моддаларини бутунлай ёки етарли тушмаслиги, улар таркибининг ёки ўзлаштирилишининг кескин бузилиши билан боғлиқ бўлган организм ҳолатидир (Веселкин П. Н., 1977). Очлик физиологик ва патологик бўлиши мумкин. Физиологик очлик сут эмувчи ҳайвонларда (юмронқозик, айик, типратикан ва б.к.) қишики уйқу пайтида, курт-кумурсқаларда, бақа, балиқда, совуқда донг қотган ҳолатда; ҳайвонлар миграцияси даврида учрайди. Патологик очлик озиқ-овқат бўлмаслиги, етишмаслиги, таркибининг, ўзлаштирилишининг (организмда патологик ўзгаришлар) бузилиши натижасида ҳосил бўлади. Очлик сабаблари ташқи ва ички бўлиши мум-

кин. Ташқи ёки экзоген – озиқ-овқатнинг бўлмаслиги, етарли овқатланмаслик, овқат сифатининг бузилишларидир. Бунда мухим ролни ижтимоий омиллар ўйнайди. Ички ёки эндоген сабаблар овқат модалари ўзлаштирилишининг бузилишига олиб келувчи овқат ҳазм қилувчи тизимлар касалликлари, инфекцион касалликлар ва бошқа жараёнлар билан боғлиқ бўлиши мумкин. Жумладан, беморда очлик организмга овқатларнинг киришига механик тўсиқ ҳосил бўлганда (қизилўнгач, меъда бўйни торайиши ва ҳ.к.), инфекция ва интоксикацияларда, эндокрин ва руҳий касалликларда ривожланиши мумкин.

Очлик турлари тўлиқ ва мутлақ; тўлиқ бўлмаган; қисман ёки миқдорий бўлиши мумкин.

Тўлиқ очлик овқатнинг бутунлай қабул қилинмаслигига, аммо сув қабул қилинганда ривожланади; мутлақ очлик сув ҳам қабул қилинмагандан ривожланади; тўлиқ бўлмаган миқдорий очлик (овқатнинг етарли бўлмаслиги) организмга тушадиган овқат калорияси сарфланишга нисбатан кам бўлишида учрайди, қисман ёки сифатий очликда овқат калорияси организм талабига мос келади, аммо овқатнинг айрим зарур компонентлари (оқсил, ёғлар, карбонсувлар, витаминалар) организмга етарли миқдорда тушмайди.

Мутлақ очлик (сувсиз) 5 – 7 кундан кўп давом қилмайди, организм сувсизланиши оқсил парчаланиши ва модда алмашинув маҳсулотлари билан атоинтоксикацияни кучайтиради, натижада муқарар пар равишда ўлим содир бўлади. Одам учун тўлиқ очлик муддати 60 – 70 кундан ошмайди. Тўлиқ бўлмаган ва қисман очлик (миқдорий ва сифатий) эса узоқ муддат давом қиласи (ойлар, йиллар). Очлик муддати нафақат очлик гурига, шу билан бирга кўп бошқа омилларга: ёш, жинс, ҳайвон тури, асосий алмашинув даражаси, организм индивидуал хусусияти, атроф-муҳит шароитига ҳам боғлиқ. Очликни оғирлаштирувчи омиллар совук, юқори намлик, шамол, жисмоний ва руҳий зўриқиши ҳисобланади. Маълумки аёллар эркакларга нисбатан очликни енгил кечирадилар (уларда ёғлар заҳираси кўп, мушак массаси ўлчами, шунинг билан бирга асосий алмашинув даражаси кам), очлик муддатига организм хусусияти (асаб регуляциясининг тузи, марказий асаб тизими ва эндокрин аппарат ҳолати) ҳам таъсир кўрсатади.

Тўлиқ бўлмаган очликда тана массасини йўқотиш даражаси дастлабки оғирликнинг 40 % ни ташкил қиласи, тўлиқ очликда эса 50% га етади.

Тўлиқ очлик – организмнинг эндоген овқатланишга ўтиши, фермент тизимларнинг кўпроқ тежашга мўлжалланган қайта тақсимланиши ва тўқима ресурсларининг утилизацияланиши билан тавсифланади.

Клиник намоён бўлишига қараб тўлиқ очликнинг тўрт босқичи фарқ қилинади: лоқайдлик, очлик сезгиси кучайган сари ошиб борувчи кўзгалувчанлик; сусайиш-эзилиш (жуда узоқ муддатли); шол бўлиш ва ҳайвоннинг ўлиши. Модда алмашинуви ва энергия ҳолатига қараб тўлиқ очликнинг уч даври ажратилади.

Биринчи – 2 – 4 кунларда заҳиралардан тежамсиз фойдаланилади. Асосан карбонсувлар сарфланади, нафас коэффиценти 1 га тенг. Конда глюкоза миқдори 3 ммоль/л дан камайиб кетади. Инсулин секрецияси ҳам камаяди ва контуринсуляр гормонлар (глюкагон, буйрак усти бези глюокортикоидлари) миқдори ошади. Оқсил катаболизми ва глюконеогенез кучаяди. Очликнинг 2-кунидан бошлаб сийдик билан азот ажралиши камаяди. Очликнинг биринчи даври овқат марказининг кўзғалиши билан боғлиқ очлик сезгиси, безовталаниш ва овқатта эришишга интилиш билан тавсифланади. Бу даврда нормал ҳаёт фаолиятнинг чуқур бузилиши кузатилмайди.

Очликнинг иккинчи жуда узоқ бўлган – 50 – 55 кунларида ички заҳиралар тежамли сарф қилинади; энергия сарфланиши 90 % га ёғлар парчаланиши ва ёғ кислоталарининг оксидланиши ҳисобига таъминланади. Аденилатцилаза тизими фаоллашади, липолиз кучаяди, қонда гиперлипемия ва кетонемия кузатилади. Сийдикда креатинин миқдори кўпаяди. Нафас коэффициенти 0,7 гача пасаяди. Бу даврда очлик сезгиси сусаяди. Организмнинг ҳаётий функциялари пасайса ҳам тана ҳарорати, артериал қон босими, пульс тезлиги, қанд миқдори ва бошқа кўрсаткичлар норма атрофида (пастки чегарасида) сақланади. Организм очликка мослашади; унинг фермент тизимлари қайта қурилади (глико – ва липолитик, қайтааминланиш ферментлари фаоллашади), бу эндоген овқатланишга ўтишни таъминлайди. Асосий алмашинув даражаси камаяди, ҳаётий муҳим аъзоларнинг (юрак, мия) массаси, тана умумий массасининг кескин камайишига қарамасдан сақланади. Очликнинг 6 – 8 нчи кунларида меъда безлари спонтан ўз-ўзидан қондан оқсилларни – альбумин ва глобулинларни секрециялашга бошлайди, улар аминокислоталаргача парчаланади, сўрилади ва ҳаётий муҳим аъзоларнинг тузилишига сарф бўлади. Очликнинг иккинчи даврининг иккинчи яримидан бошлаб газсиз ацидоз ривожланади, азот баланси манфий, жигарда оқсил танқислиги туфайли янада ёғ инфильтрацияси ҳодисаси ривожланади. Аста-секинлик билан ҳолат оғирлашади: тана массаси кескин камаяди, мушак заифлашиши кучаяди, қийновчи қабзият пайло бўлади. Руҳият ўзгариши мумкин, иш қобилияти йўқолади. Бунда ҳар доим витамин етишмовчилиги кузатилади.

Очликнинг учинчи (терминал) даврида ҳаётий муҳим аъзоларнинг оқсиллари парчаланади. Бу даврда нафас коэффициенти 0,8 га тенг. Модда алмашинуви чуқур бузилишлари ва руҳий ҳамда сома-

тик функцияларнинг кескин пасайиши кузатилади. Бунинг асосида фермент тизимларининг бузилиши ва ишдан чиқиши ётади. Оқсиллар парчаланиши туфайли етарли даражада кўп ферментлар синтезланмайди, аксинча лизосомал гидролазаларининг фаоллиги ошади. Бу ҳужайра органеллалари липопротеид мембранаси бутунлигининг бузилишини кўрсатади. Фермент тизимлари парчаланиши ва дезфолланишини авитаминозлар, айниқса В грухи витаминалари етишмовчилиги охирига етказади, чунки витамин В кўпчилик фермент тизимларининг коферменти ҳисобланади. Ацидоз кучаяди. Гипопротеинемия ва қон онкотик босимининг камайиши очлик шишларига олиб келади. Мушак тўқимасининг нафақат енгил мобилизацияланадиган, шу билан бирга стабил оқсиллари ҳам парчаланади. Организмнинг бузилган модда алмашинуви маҳсулотлари билан заҳарланиши натижасида ёки инфекцион касалликларининг қўшилиши туфайли – организм эндиликда улар билан курашиш хусусиятига эга бўлмай қолади – агония ва ўлим содир бўлади.

Тўлиқ бўлмаган ва қисман очлик. Организм узоқ вақт давомида овқат етишмовчилиги шароитида ўзининг ҳаёт фаолиятини сақлаб туриш қобилиятига эга. Зарур овқат моддалари чекланган миқдорда бўлса ҳам организмга тушади. Тўлиқ бўлмаган ва қисман очликнинг патогенези икки омилга: овқатнинг калория танқислиги қанча юқори ва овқатда қайси конкрет моддалар йўқлиги ёки етишмовчилигига боғлиқ. Тўлиқ бўлмаган ва қисман очликда катталар ва болалар кўпинча оқсил ва оқсил – калория етишмовчилиги; гипо – ва авитаминозлар, айрим минерал моддалар ва микроэлементлар етишмовчилиги билан боғлиқ касалликлар билан; айрим овқат маҳсулотлари танқислиги чақирган анемия ва б.қ. билан дуч келади. Оқсил ва оқсил – калория етишмовчилигига алиментар маразм келиб чиқиши мумкин, бу ҳолат умумий ориқлаш, модда алмашинувлари бузилишлари ва организм кўпчилик аъзо ва тизмлари функциясининг ишдан чиқиши билан тавсифланади.

Бола организмида оқсил ва оқсил калория етишмовчилиги айниқса оғир кечади, чунки бола организми доимо оқсилга талаб сезади. Болаларда, асосан эрта ёшдаги болаларда овқатланишнинг оғир бузилиши квашиоркор (kwashiorkor; Гана халқлари тилида – қизил бола, демакдир) бўлиб ҳисобланади. Асосан у Жануби – Шарқий, Осиё, Африка, Тинч океани ҳавзаси давлатларида учрайди; баъзан енгил шаклда ўрта Осиё республикаларида ҳам кузатилади. Бу касаллик «иккинчи бола туғилгандаги биринчи бола касаллиги» деб аталади, у болани эмизишдан тўхтатиб ва уни катталар овқатланиш рационига ўтказилиши билан боғлиқ бўлиб, организмда ҳайвонат оқсиллари ва ўрнини њеч нарса босолмайдиган аминокислоталар етишмаслиги билан тавсифланади. Касалликка жиддий ориқлаш, ўсиш ва

рухий ривожланишдан орқада қолиш хос. Организмда бўладиган ўзгаришлар хилма-хил: тери жароҳатланиши – пигментли-қатламли дерматоз, бу ўзгариш тери қатламига қизимтири ранг беради; овқат ҳазм қилиш тизими аъзолари томонидан кусиши, ич кетиши ва витамин етишмовчилиги билан кечадиган атрофик жараёнлар; буйрак, жигарда дегенератив жараёнлар; кўмиқда атрофия ҳолатлари ва анемия; остеопороз ва б.к. Кўпинча иккиламчи инфекция қўшилиб сепсис ривожланади, натижада ўлим содир бўлади.

Эрта ёшдаги болаларда очлик хусусиятлари. Эрта ёшдаги болалар очикни оғир кечирадилар:

— ўсаётган организм овқатни регуляр киришини нафақат энергия сарфланишини қоплаш учун, шунингдек пластик зарурат – ҳужайралар ва тўқималар тузилиши учун ҳам талаб қиласди, натижада тана массаси ва бўй ўсишдан орқада қолиши келиб чиқади;

— болаларда асосий алмашинув даражаси тана юзаси бирлигига нисбатан ҳисобланганда, катталарга қараганда юқори. Организмда овқат моддалари заҳираси кўп эмас. Шунинг учун ҳам болаларда очикка чидамлилик паст, очикда яшаш муддати нисбатан қисқа;

— болаларда, айниқса чақалоқларда, тўлиқ очикда тана массасининг кундалик йўқотилиши катталарга нисбатан 2 – 3 баравар кўп, бу етарли такомиллашмаган асаб-гуморал регуляция, организм адаптив имкониятларининг пастлиги (шунинг учун ҳам тез гипогликемия ривожланади) билан боғлиқ;

— илк ёшдаги боларда очлик ривожланишининг кўп учрайдиган сабаблари эндоген омиллар ҳисобланади. Масалан эмизикили болаларда очикнинг сабаби эмишнинг бузилишлари, оғиз бўшлиги касалликлари, ривожланиш нуқсонлари, тез-тез кусиши ва сутни қайтқилиб ташлаш, ошқозон-ичак тракти ва модда алмашинувлари касалликлари, инфекцион касалликлар бўлиши мумкин;

— бола овқатидаги оқсил, витаминлар ва микроэлементлар танқислиги жуда оғир, баъзан модда алмашинувининг қайтмас бузилишлари, организм иммун ҳимоясининг пасайиши инфекция қўшилишига олиб келади. Кўпинча жараён генерализацияланган тус олади, сепсис ривожланади.

Витаминлар алмашинуви бузилишлари. Гипер – ва авитаминозлар. Гипервитаминозлар организмга витаминлар ортиқча кирганда ривожланади. Бу ҳолатларда организм интоксикацияси, аъзо ва тўқималарда патологик ўзгаришлар содир бўлиши мумкин. Айрим витаминларга (B_1 , ва B_{12}) сенсибилизация бўлиши, аллергик реакциялар ва ҳатто анафилактик шок ривожланиши мумкин.

А ва D гипервитаминозлари кўпроқ ўрганилган. А гипервитаминози сурункали ва ўткир бўлиши мумкин. Ўткири ретинолга бой маҳсулотларни кўп қабул қилгандан бир неча соат кейин ва кўпинча

бу витаминнинг жуда юқори дозасини қабул қилғандан кейин ривожланиши мумкин. Болаларда анорексия (иштаҳанинг йўқолиши), ринит, бош суяги ичи босимининг ошиши кузатилади. Катталарда иситма, бош оғриғи, серуйқулик, тери пўстининг тушиши, кўнгил айниш ва қусиши пайдо бўлади. А гипервитаминози бу витаминни узоқ муддатда, кунида 20 000 ХБ дан кўпроқ қабул қилганда ривожланади. Витамин А нинг токсик таъсирида, айниқса, унга нисбатан сезгирилик баланд болаларда, серзардалик, иштаҳа йўқолиши, сочнинг ингичка бўлиб қолиши ва тўқилиши, қўл панжаси ва товон терисининг куриши ва ёрилиши, бўғимларда оғриқ, юмшоқ тўқималарнинг шипшиши ва қавариши кузатилади. Жигар ва талоқ катлашиши мумкин. Ретинолнинг ортиқча бўлишида қалқонсимон без гиперфункциясини эслатувчи белгилар пайдо бўлиши, эмбрионда эса ҳар хил мажруҳлик, бармоқлар бўлмаслиги ва бир-бирига ёпишиши, урғочиларда бола ташлаш ҳодисаси тўғрисида маълумотлар бор.

Д гипервитаминози суюклар деминерализациясига олиб келади. Қонда кальций миқдори кўпаяди, у сийдик билан ажралади. Кальций тузлари буйрак, қон томирлари, ичак девори ва бошқа аъзоларга чўкади, бу кўрсатилган аъзолар функциясининг кескин бузилишини чақиради. Д гипервитаминози механизмини организмда витамин D ортиқча бўлишида эркин радикаллар ва липидлар пероксидланиш маҳсулотларининг ҳосил бўлиши билан боғлашади. Липопероксидланиш занжирли реакциялари содир бўлиб, ҳужайра мембраннылари ва субхужайра гузилмалари шикастланади. Витамин D ортиқча бўлиши суюқ тўқимаси ҳужайрасидан қон ва бошқа биологик суюқликларга кальцийнинг чиқишига олиб келади. Витамин Е (токоферол) антиоксидант таъсирига эга бўлганлиги учун витамин D нинг токсик таъсирини йўқ қилади.

Гиповитаминалор витаминларнинг қисман танқислиги натижасида юзага келади. Авитаминалор организмда витаминалар бўлмаслиги билан тавсифланади. Гило – ва авитаминалор экзоген ва эндоген бўлиши мумкин. Экзоген витамин етишмовчилиги овқатда витаминларнинг кам бўлиши ёки бўлмаслиги, овқат маҳсулотларида витаминалор миқдорининг фаслга қараб ўзгариб туриши, овқат маҳсулотларининг нотўғри сақланиши ва ишланиши билан боғлиқ бўлади. Эндоген гиповитаминалор организмда витаминалар ўзлаштирилишининг бузилиши, уларнинг ортиқча йўқотилиши, ҳамда витаминаларга юқори талаб (ҳомиладорлик, лактация, интенсив жисмоний иш ва ҳ.к.) бўлиши натижасида ривожланади. Витамин А етишмовчилигида патогномон симптом – қоронғида кўришнинг бузилиши (товук кўрлиги ёки генералопия); шиллиқ пардалар ва кўзнинг энг устки тиник пардасининг (роговица) куриши ва шикастланиши (ксерофталмия ва кератомалация); тери эпителийиси куриши, пўст ташлаши ва дағал бўлиб қолиши (кератинизация); болаларда – ўсишнинг

орқада қолиши, тери ва шиллиқ пардалар барьер функциясининг сусайиши туфайли антитаналар синтезининг пасайиши — натижада нафас аъзолари, сийдик ажратиш йўллари, тери йирингли жароҳатланиши инфекцион шикастланиши ривожланиши ва б.к. кузатилади.

Овқатда айниқса эрта ёшдаги болаларда D витаминининг етишмовчилигида ёки унинг терида ҳосил бўлишига имкон берувчи ультрабинафша радиацияси чекланишида рахит касаллиги ривожланади. Бу касаллик фосфор — кальций алмашинуви бузилиши билан тавсифланади, скелет, найсимон суяклар, бош суяги, қобирғаларда ўзгаришлар кузатилади, кўкрак қафасининг шакли ўзгаради, лиқилдоқ (чақалоқ боши тепасининг қотмаган жойи) кеч битади. Рахит патогенезида қалқонсимон без олд безлари паратормоннинг кўп ишлаб чиқарилиши аҳамиятга эга. Унинг ортиқча бўлиши суякларда карбонсувлар алмашинувининг бузилишига сабаб бўлади, бу ўз навбатида кислоталарнинг тўпланишига олиб келади, кальцийнинг эрувчан тузлари ҳосил бўлади, натижада кальций суяқдан қонга чиқади.

В₁ авитаминозида бери-бери касаллиги ривожланади, у полиневритлар (сезгининг симметрик бузилиши, панжа ва товоң ростловчи мушакларининг ярим шол ва шол бўлиши), юрак-томир тизими функциясининг бузилишлари (миокардиодистрофия, ўнг ва чап қоринча етишмовчилиги ҳоллари, натрий ушланиши ва шиш синдроми ривожланиши), қаҳексия билан тавсифланади. В₂ гиповитаминози марказий асаб тизими функциясининг бузилиши, уйку бузилиши, серзардалик ва ҷарчашлик ва б.к. билан кечади.

В₁ гиповитаминози оғиз бурчагида ёриқ пайдо бўлиши, лабнинг шиллиқ пардаси яллигланиши (хейлит), тил тўқимаси яллигланиши (глоссит), юз, қулок, бўйинда себорейли (лат. sebum — ёғ, юн. rheo — оқмок) дерматит билан намоён бўлади. В₂ витамины кескин етишмовчилигида кўз тиниқ пардаси шикастланади, ориқдаш, соч тўкилиши, мушак заифлиги кузатилади.

В₆ гиповитаминозида асаб тизимида (юқори қўзғалувчанлик, эпилептиформ — эпилепсияни эслатадиган талваса ривожланиши мумкин), шунингдек терининг себорейли дерматиттида шикастланиши кузатилади.

В₁₂ авитаминозида хавфли макроцитар мегалобластик анемия; орқамия ёнбош ва орқа устунлари (фуникуляр миелоз) ва периферик асабларнинг дистрофик шикастланишлари; ошқозон-ичак трактида атрофик жараёнлар (глоссит, меъда шираси кислоталигининг кескин камайиши билан кечадиган гастрит) ривожланади.

С авитаминозида цинга касаллиги ривожланади: қон томири деворлари шикастланади, улар эластиклик хусусиятини йўқотади, синувчан бўлиб қолади, ўтказувчанлиги ошади, майдада қон кетишлар содир бўлади. Милклар шишади, қонайди, уларнинг юзасида яралар ҳосил бўлади, оғиздан ёмон ҳид келади. Тишлар қимирлайди ва ту-

шади. Оғир ҳолатларда тери остига, мушаклар ичига, ички аъзоларга кенг кўламда қон қуилади. Анемия ривожланиб, юрак шикастланади, АБ пасаяди. Инфекцион касалликларга мойиллик ошади.


РР авитаминозида пеллагра касаллиги келиб чиқади. Унинг асосий белгилари – дерматит, диарея ва деменция (ақдлий заифлик). Панжа ва товон, юз ва бўйин, камрок ҳолларда кўкрак, билак ва болдир терисида симметрик пеллагрик эритема пайдо бўлади. Суюқ, чириган ҳидли ич кетиш унга хос. Марказий асаб тизими функцияси бузилиши, депрессия ҳолати кузатилади, руҳий бузилишлар эҳтимолдан холи эмас.

Кўп ҳолларда поливитамин етишмовчилиги ривожланади, унинг пайдо бўлишига инфекцион касалликлар, сурункали интоксикация, диарея қуай шароит туғидиради.

Машгулотда бажариладиган амалий ишлар ва ўзлаштирилиши лозим бўлган амалий кўнижмалар билан танишиш

1-иши. Каламушда очликнинг асосий модда алмашинувига таъсирини ўрганиш.

Иккита каламуш олинади: биринчиси – тажрибадаги (48 соатлик очликдан кейин текшириш ўтказилади), иккинчиси – назоратдаги. Асосий алмашинув билосита калориметрия усулида газ алмашинувини аниқлаш орқали текширилади. Эксперимент бошланишига қадар каламушлар ўлчанади ва газометрик аппаратга жойлаштирилади (Колабухов курилмаси, 1-расмга қаралсин). Эксикатор тубига ўзига карбонат ангидрид газини сингдириш учун натрон оҳаги, яъни ўлдирилган оҳакнинг $\{Ca(OH)_2\}$ NaOH билан аралашмаси сепилади. Эк-



1-расм
Газометрик аппаратнинг тузилиш схемаси
(Колабухов курилмаси):

1 – бўялган суюқлик солинган манометр, 2 – каламуш ўтказилган эксикатор (тубида натрон оҳаги), 3 – сув солинган дрексель, 4 – сув солинган бюретка (градуиранган шиша трубка), 5,6 – қисқичлар.

сикатор маҳкам бекитилади. Вақт манометрни бурилиш жойидаги суюқликнинг кўтарилишдан бошлаб белгиланади.

15 дақ. давомида ҳар бир каламушнинг кислород истеъмол қилиши регистрация қилинади. Истеъмол қилинган кислород миқдори манометрнинг иккита бўғимида ҳам мувозанатни сақлаш учун бюреткадан чиққан сув ҳажми билан белгиланади. Тана юзаси (cm^2) қўйидаги формула билан ҳисобланади:

$$S^3 = 11,3 \sqrt{P^2},$$

P – ҳайвон танаси массаси (г ларда). Кунлик энергия (кДж/м²) тенг:

$$\frac{X \cdot 96 \cdot 20,1 \cdot 1000}{S \cdot 1000}$$

X – бир кунда 15 дақ. давомида истеъмол қилинган кислород миқдори — 96 (мл) кўпайтирилган; 1000 – литрларга ўтказилиш коэффициенти; 20,1 – нафас коэффициенти 0,8 кДж/л (4,8 ккал/л) да кислород энергетик коэффициенти.

Олинган натижалар таҳдил қилинади ва организм очлигига асосий алмашинувнинг ўзгариш механизми тўғрисида холоса чиқарилади.

2-ши. Тўлиқ очлик ҳолатида турган ҳайвонлар тана массасининг статистик кўрсаткичларини ўрганиши.

Ҳайвонларда тўлиқ очликда тана массаси ва тана массасининг ҳар кунда йўқотилиш фоизлари ҳисоблаб чиқилади. Тана массасининг очликнинг ҳамма даврига оид ялпи йўқотилиши ва бир кунда ўртacha йўқотилиши аниқланади. Ҳайвонларда очлик эгри чизиги чизилади.

Жиҳозлар: каламушлар (очликдаги ва назоратдаги), газометрик аппарат, тана массаси \sqrt{P} қийматини ифодаловчи жадвал (5-6-7-жадвал) ҳайвонлар тўлиқ очлиги рақамлари.

Сичқоннинг тўлиқ очлигига тана массаси статистик кўрсаткичлари

5-жадвал

Очлик кунлари	Тана массаси		1 кечакундузда тана массасининг йўқотилиши %
	граммларда	фоизларда	
1	20,5	100	
2	17,3		
3	15,3		
4	14,2		
5	13,2		
6	12,3		
7	11,8		
8	11,4		

Каламушнинг тўлиқ очлигига тана массаси статистик кўрсаткичлари
6-жадвал

Очилик кунлари	Тана массаси		1 кечакуандозда тана массасининг йўқотилиши %
	граммларда	фоизларда	
1	176	100	
2	162		
3	151		
4	145		
5	138		
6	134		
7	129		
8	124		
9	119		
10	116		
11	113		
12	108		
13	99		
14	91		
15	88		

Товуқнинг тўлиқ очлигига тана массаси статистик кўрсаткичлари

7-жадвал

Очилик кунлари	Тана массаси		1 кечакуандозда тана массасининг йўқотилиши %
	граммларда	фоизларда	
1	1892	100	
2	1721		
3	1643		
4	1585		
5	1540		
6	1498		
7	1457		
8	1391		
9	1352		
10	1317		
11	1273		
12	1248		
13	1211		
14	1185		
15	1155		
16	1065		
17	1012		
18	980		

АУДИТОРИЯ ИШИ

Мавзуни оғзаки мұхокама қылиш. Амалий ишларни мустақил бажарып амалий күнікмаларни ўзлаштириш

Күйидеги ишлар бажарылады:

- 1) каламушда очликнинг асосий алмашинувга таъсирини ўрганиш;
- 2) тұлық очлик шароитида турған ҳайвонлар тана массасининг статистик күрсаткышларини ўрганиш.

Талаба: газ алмашинувини аниқлашга мүлжалланган газометрик аппаратнинг ишлаш принципини ўзлаштиришни. Тұлық очлик қолатидеги ҳайвонларда назоратдагиларга нисбатан асосий алмашинув күрсаткышларининг ўзгариш даражасини аниқлашни. Ҳар хил ҳайвонлар (сичқон, каламуш, товук) тұлық очлиги рақамлари билан танишиб, жадвалларда көлтирилмаган күрсаткышларни ҳисоблаш, очлик тұлық әгри чизигини чизиш, ҳар хил ҳайвонларда тұлық очликнинг ҳар хил даврларыда тана массасининг йүқотилиш характеристикин таҳлил қылишни билиши керак.

Эксперимент баённомаси ва хulosаларини ёзиш

Талаба мустақил равищда эксперимент баённомасини тузади, үтказылған ишлар натижалари асосида хulosаларни шакллантиради, очлик қолатидеги ҳайвонлар статистик күрсаткышларининг график тасвирини қиёслайди.

Вазиятты масалаларни ечиш

1-масала. Беморда асосий алмашинувнинг 50% га пасайиши ва радиофаол йодни сингишининг камайиши аниқланған. У апатия, серуїқулик ва хотира пасайишига шикоят қылади. Бемор ҳаракатла-ри сусайған. Юзи шишинқираган, тери қоплами шишиганды. Тана ҳарорати 35,7°C, пульс 1 дақ. 50 марта. АБ – 90/60 мм сим. уст.га тенг. Асосий алмашинув пасайиши сабаби ва патогенези нимадан иборат?

2-масала. 9 ёшли, А. исмли bemорда қалқонсимон без катталаштандылығы аниқланған. Асосий алмашинув текширилғанда унинг 40% га ошгани топилған. Пульс 1 дақ. 140, нафас сони 1 дақ. 32, тана ҳарорати 37,2°C. Беморда күзнинг чақчайиб туриши, күп терлаш, күл бармоқлари қалтираб туриши күзатылади.

Асосий алмашинув күпайишининг сабаби ва патогенези нимадан иборат?

3-масала. Оч қолдирилган ҳайвонда умумий сусайиш, асосий алмашинувнинг 18 % га пасайиши, тана массасининг 20 % га камайиши, гиперлипемия кузатилган. Тана ҳарорати 36,2°C, юрак қисқариш сони 1 дақ. 68, нафас коэффициенти 0,7.

Тўлиқ очлик даврини ва асосий алмашинув пасайиши механизмини аниқланг.

4-масала. 33 ёшли, Б. исмли бемор бир неча йил давомида жигар ва ўт чиқариш йўллари сурункали касаллиги билан касалланган. Охирги вакътларда унда кечаси кўришнинг бузилиши, тез-тез тумов, йўтал кузатилган. Тери қоплами қуруқ, пўст ташлайди, бўйин ва орқаси терисида йирингчалар. Анализ қилинганда эритроцитлар ва гемоглобин миқдори камайганлиги топилган.

1. Қайси гиповитаминос борлиги тўғрисида ўйлаш мумкин?

2. Унинг намоён бўлиш асосий белгиларининг ривожланиши нима билан боғлиқ?

3. Бу мисолда гиповитаминос ривожланишини нима билан тушунтириш мумкин?

5-масала. Бир аёл болалар поликлиникасига 2 ёшли боласининг касаллиги бўйича мурожаат қилган. Бола инжик, кўп йиғлади, ёмон ухлайди, кўп терлади, тез-тез ичи кетади. Объектив: тери қоплами оқарган, ўсишдан орқада қолиш кузатилади, тишлари 10 та, катта лиқиддоқ бекилмаган. Кўкрак қафаси ногўри шаклда, оёқлари қийшиқ. Конда фосфор ва кальций концентрацияси камайган.

1. Беморда қайси гиповитаминос бор?

2. Касаллик симптомлари ривожланиш механизmlарини тушуниришинг.

3. Онасига даволашдан ташқари қандай тавсиялар бериш мумкин?

6-масала. 45 ёшли, М. исмли bemorda кучли умумий ориқлаш, иштаҳаннинг кескин йўқолиши, қусиши, ич кетиш кузатилади. Юрак-томир тизими томонидан юракнинг тез уриши, юрак атрофида оғриқ ва шишларга шикоят қиласди. Асаб тизимининг кучли издан чиқиши: периферик сезгириликнинг бузилганлиги, асаблар йўлида кучли оғриқ, оёқларда ҳаракат чекланганлиги, ўнг қўлда ҳаракат йўқолганлиги аниқланади. Кўрсатилган маълумотлар асосида bemorga гиповитаминос В₁ (бери – бери касаллиги) ташхиси қўйилган.

1. Витамин В₁ қайси биокимёвий жараёнларни амалга ошириш учун керак бўлади?

2. Асаб тизими бузилишлари – полиневрит ҳодисаси нима билан боғлиқ?

3. Витамин В₁ қайси маҳсулотларда бўлади?

7-масала. К. исмли bemor терисининг, айниқса бўйин, қўл панжасидаги жароҳатланишдан, иштаҳа пасайиши, ич кетиш, оғиз

бўшлиғида куюшиш сезгисидан шикоят қиласди. Бемор инжиқ, хотирави бузилган, кўлинча оёқ мушакларининг талвасали қисқариши кузатилади.

1. Бемор шикоятига асосланиб қайси гиповитаминос тўғрисида ўйлаш мумкин?

2. Бу гиповитаминос пайдо бўлишининг асосий белгилари нима деб аталади?

8-масала. 2 ёшли, субтропик иқлим зонасида яшовчи болада кучли ориклиш, ўсиш ва руҳий ривожланишдан орқада қолиш билан тавсифланадиган касаллик аниқланган. Тери қоплами қизил рангда, пигмент қатламли дерматит белгилари, шишлар, қорин ўлчами катта, жигар ва талоқ катталашганлиги кузатилади. Конда кескин гипопротиенемия. Маълум бўлишича бола кўкракдан ажратилгандан сўнг кўп ўтмай касалланган.

1. Касаллик қандай аталади?

2. Унинг етакчи патогенетик механизми нимадан иборат?

Интеграция амалга оширилиши лозим бўлган фанлар

1. Ички касалликлар.

2. Болалар касалликлари ва ички касалликлар пропедевтикаси.

3. Рентгенорадиология.

4. Эндокринология.

17 - МАШГУЛОТ

М а в з у : ГИПОКСИЯ

Машгулот мақсади. Талаба қўйидагиларни билиши керак:

1) гипоксик ҳолатлар пайдо бўлиши, ривожланиши ва оқибатларининг умумий қонуниятлари, турилича патологик жараёнлар ва касалликлар патогенезида гипоксиянинг ролини;

2) гипоксиянинг асосий типлари: экзоген, респиратор, циркулятор, гемик, тўқима, шунингдек гипоксияда шошилинч (экстрен) ва узоқ муддатли адаптив реакциялар механизмини;

3) каламушда экспериментда гемик гипоксия нусхасини яратиш, енгил, ўртача ва оғир гипоксия намоён бўлиш белгиларини муҳокама қилишни; гипоксик ҳолатлар профилактикаси ва терапияси патофизиологик асослари тўғрисида тушунчани;

4) гипоксияда ҳомила ва чақалоқлар организми адаптив реакциялари хусусиятларини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фашлар бүйіча заманың билимлар даражасини текшириш

1. «Биологик оксидланиш» терминини қандай тушуниш мүмкін?

2. Биологик оксидланиш энергиясы қандай кумуляция қилинади?

Оксидланувчи фосфорланиш нима?

3. Ҳужайранинг қайси органеллаларыда энергия ҳосил бўлиши рўй беради? Нафас ферментларининг роли нимадан иборат? Нафас ферментларига қайси ферментлар киради?

4. Эркин оксидланиш нима? Гомойотерм ҳайвонлар ҳаёт фаолиятида унинг роли нимадан иборат?

5. Тўқималарни кислород билан таъминлашда организмнинг қайси аъзо ва тизимлари иштирок қиласди?

6. Артериал ва вена қонларидаги кислород ва карбонад ангириди гази нормал миқдори нимага тенг?

7. Қоннинг кислород сифими нима?

8. Карбемоглобин, карбокси – ва метгемоглобин нима? Карбоангидраза нима?

9. Феталь гемоглобин тўғрисида тушунча.

Мустақил тайёрланиш учун кўрсатмалар

Асосий адабиётлар:

Патологическая физиология / Под ред. А. Д. Адо, Л. М. Ишимовой – 2 – е изд., перераб. и доп. – М.: Медицина, 1980, с. 374 – 382.

Патологическая физиология / Под ред. чл. – корр. АМН СССР Н. Н. Зайко. – 2 – е изд., перераб. и доп. – Киев: Вища школа, 1985. с. – 321- 331.

Н. Х. Абдуллаев, Х. Ё. Каримов. / Патофизиология. Тошкент. Абу Али ибн Сино номидаги тибиёт нашриёти, 1998. б. 229 – 239.

Патологическая физиология / Под ред. А. Д. Адо, М. А. Адо, В. И. Пышского и др. М.: Триада – X, 2002. с. 284 – 295.

Кўшимча адабиётлар:

Гипоксия плода и новорожденного / Под ред. М. Я. Студеникина, Н. Халмана. – М.: Медицина, 1984.

Линденбрaten В. Д., Турбина Л. В. Тесты по патофизиологии для II уровня (задания для студентов). – Хабаровск, 1981.

Лосев Н. И., Хитров Н. К., Грачев С. В. Патофизиология гипоксических состояний и адаптация к гипоксии. – М.: 1983. – 174 с.

Овсянников В. Г. Патологическая физиология. Типовые патологические процессы. – Ростов – на – Дону, 1987, с. 37 – 51.

Руководство к практическим занятиям по патологической физиологии / Под ред. чл. – корр. АМН СССР Н. Н. Зайко, проф. Л. Я. Даниловой. – Киев: Вища школа, 1987, с. 92 – 99.

Чарный А. М. Патофизиология гипоксических состояний. — М.: Медицина, 1961. — 264 с.

Асосий ўкув саволлари

1. «Гипоксия» тушунчасининг таърифи.
2. Гипоксиянинг экзоген, респиратор, циркулятор, гемик, тўқима ва аралаш типлари.
3. Гипоксия асосий типларининг этиология ва патогенези.
4. Гипоксияда қоннинг газ таркиби кўрсаткичлари.
5. Гипоксияда шошилинч ва узоқ муддатли адабтив реакциялар, уларнинг механизмлари.
6. Ўткир ва сурункали гипоксияда модда алмашинуви ва физиологик функцияларнинг бузилиши.
7. Гипоксик ҳолатлар профилактика ва терапияси патофизиологик асослари.
8. Ҳомила ва чақалоқлар гипоксияси.

Аннотация

Гипоксия (*hypoxia*; юн. *hypo* + лат. *ox* {*xygenium*} – кислород) – типик патологик жараён бўлиб, тўқималарни кислород билан таъминланишининг етарли бўлмаслиги ёки кислородни тўқималар томонидан ўзлаштирилишининг бузилиши натижасида келиб чиқади. Гипоксия – бу биологик оксидланишнинг мутлоқ ёки нисбий етишмовчилиги ҳолатидир.

Биологик оксидланишнинг нисбий етишмовчилиги ортиқча жисмоний ва эмоционал зўриқиши, ёки оксидланишнинг фосфорланишдан ажралишида ҳосил бўлади. Биологик оксидланишнинг мутлақ етишмовчилиги организм тўқималари нормал ҳаёт фаолияти учун зарур бўлган энергия билан ҳатто тинч ҳолатда ҳам таъминланмаслиги билан тавсифланади ва кислород билан таъминлашда иштирок қилувчи органлар ва тизимлар жиддий шикастланишида ривожланади.

Гипоксиянинг типоксик (ёки экзоген), нафас (ёки респиратор), қон билан боғлиқ (ёки гемик), циркулятор (ёки юрак-томир), тўқима (ёки гистотоксик) ва аралаш типлари мавжуд.

Гипоксия асосий типларининг этиология ва патогенези. Экзоген ёки гипоксик гипоксия атмосфера ҳавосида кислород парциал босимининг камайиши, учиш аппаратлари декомпрессиясида кузатилади. Кислород парциал босимининг камайиши баландлик билан боғлиқ «тоғ» ёки «баландлик» касаллигига учрайди.

Ҳавода кислород миқдорининг камайиши экстремал вазиятларда одамнинг кислород кам ушлайдиган газли муҳитга тушишида (канал-

лизация қувурлари, цистерналар, шахталар ва б.к.) кузатилади. Жуда катта баландлиқда (19 км ва юқори) учиш аппаратлари герметиклиги бузилганда гипоксиянинг яшин тезлигига (молниенос) ривожланадиган шакли келиб чиқади. Барометрик босимнинг пасайиши натижасида қонда газ пуфакчалари ҳосил бўлади ва эмболия ривожланади.

Нафас ёки респиратор гипоксия ташқи нафас яъни ўпка вентиляцияси бузилиши, альвеола девори орқали газлар диффузияси бузилишида перфузия яъни ўпканинг қон билан таъминланишининг бузилишида ривожланади.

Қон билан боғлиқ яъни гемик гипоксия, қоннинг кислород сифими камайишида кузатилади ва анемияларнинг ҳамма турларига ҳос, чунки уларда эритроцитлар ва гемоглобин миқдори камаяди; карбоксигемоглобин ҳосил бўлишига олиб келувчи ис гази билан заҳарланганда (гемоглобиннинг ис газига яқинлиги кислородга нисбатан 300 марта юқори); нитритлар, анилин бўёғи ва б.к. билан заҳарланганда бу ҳолатларда таркибида уч валентли темир ушлайдиган метгемоглобин ҳосил бўлади, у кислород билан бирика олмайди.

Циркулятор гипоксия — катта ва кичик қон айланиш доирасида қон айланишининг бузилишида вужудга келади, натижада ё тўқимага кислород олиб келиниши, ё артериал қоннинг оксигенацияси (кислородга тўйиниши) бузилади. Бу гипоксиянинг димланиш (юрак етишмовчилигига) ва ишемик (томир етишмовчилигига) шакллари фарқ қилинади.

Тўқима ёки гистотоксик гипоксия тўқима нафас ферментларини блоклайдиган заҳарлар таъсир қилганда, оксидловчи-қайталанувчи жараёнларда иштирок қилувчи ферментлар синтези бузилишида, шунингдек оксидланишининг фосфорланишдан ажralиши ва эркин радикалли оксидланишининг фоаллашишида ривожланади. Механизми: қоннинг кислородга тўйиниши, кислород етказиб берилиши нормал даражада, аммо нафас ферментлари фаоллиги пасайганлиги сабабли тўқималар кислородни ўзлантира олмайди. Бундай ҳолат масалан, цианиидлар, алкоголь, эфир билан заҳарланганда,avitaminозларда (B_1 , B_2 , B_6 , PP) учрайди ва натижада гипоксия ривожланади.

Гипоксиянинг аралаш типи кислород етишмовчилигининг ҳамма типларининг комбинацияланиши билан тавсифланади. Масалан травматик шокда циркулятор, гемик, тўқима гипоксияси кузатилади.

Гипоксия ўтқир, сурункали ва яшин тезлигига (молниенос) ривожланадиган (бир неча сонияларда) бўлиши мумкин. Ўтқир гипоксия жуда кўп қон йўқотилиши, миокард инфарктни, углерод оксиди билан заҳарланганда ва бошқа оғир ҳолатларда учрайди. Сурункали гипоксия юрак пороклари, кардиосклероз, қон касалликлари ва бошқа

патологик ҳолатларда ривожланади. Молниенос ривожланадиган гипоксия айрим кимёвий моддалар, масалан цианиллар билан заҳарланганда келиб чиқиши мумкин. Ўтқир гипоксияда биринчى навбатда марказий асаб тизими олий қысмининг, сурункали гипоксияда эса юрак-томир тизими, нафас, қон тизимининг иши бузилади.

Гипоксиянинг оғирлик даражасига боғлиқ ҳолда намоён бўлишини баландликка кўтарилиганда яққол кузатиш мумкин. Унинг биринчи белгилари 3 – 4 км га кўтарилиганда пайдо бўлади: эйфория, бош айланиши, ҳансираш, юракнинг тез уриши кузатилади. 5 – 7 км баладликда (кеескин зона) ўртача кислород етишмовчилиги ривожланади: депрессия, ҳаракат координациясининг бузилиши, диспептик бузилишлар (кўнгил айниши, кусиши) учрайди. 8–9 км баландликда (ўлимга олиб келувчи баландлик) оғир кислород етишмовчилиги белгилари ҳосил бўлади: бирдан хушнинг йўқолиши, артериал қон босимининг пасайиши кузатилади. Кислород етишмовчилигига рўй берадиган бузилишлар механизми аввало марказий асаб тизими, мия пўстлоғи функциясининг ўзгариши билан боғлиқ. Масалан гипоксиянинг I даражасида мия пўстлоғида ички тормозланиш бузилади ва асаб тизимининг симпатик бўлими қўзғалади. II даражасида асаб марказларининг иши тормозланади ва макроэрグルлар танқислиги учрайди. III даражасида асаб марказлари шол бўлиши ва модда алмашинуви ҳамма турларининг бузилиши кузатилади.

Гипоксияда қоннинг газ маркиби кўрсаткичлари. Нормада артериал қонда кислород миқдори 18 – 20 ҳажм % ташкил қилади. Гипоксияда кўп ҳолларда қонда кислород миқдорининг камайиши – гипоксия кузатилади. Карбонад ангидрид гази миқдори унинг кўпайиши томонига силжийди (гиперкарния) ёки камайиши томонига қараб (гипокарния) ўзгариши мумкин. Гиперкарния ўпка вентиляцияси камайиши билан боғлиқ бўлиб ацидозга олиб келади, гипокарния эса ўпка вентиляцияси кучайиши билан боғлиқ бўлиб, организмдан карбонад ангидрид газининг кўп миқдорда чиқиб кетиши натижасида алкалоз содир бўлади.

Гипоксияда шошилинч (экстрен) ва узоқ муддатли адаптив реакциялар. Тезкор қисқа муддатли компенсация (Меерсон Ф. З. бўйича аварияли) организмда қисқа муддатли, лекин жиддий кислород етишмовчилигига учрайди. Булар ўпка вентиляциясининг ошиши (ҳансираш), юрак гиперфункцияси (тахикардия, ҳаётий мұхим аъзоларни қон билан таъминлашга қаратилган, қон оқимининг кўпайиши ва қоннинг қайта тақсимланиши), қоннинг деподан чиқиши, оксигемоглобин диссоциацияланиш тезлигининг ошиши, тўқимада кислород ўзлаштирилишининг яхшиланишидан иборат.

Узоқ муддатли адаптив реакциялар кўп давом қиладиган гипоксияларда юзага келади. Кўмиқда эритропозз кучаяди, ретикулоцит-

лар сонининг кўпайиши ундан далолат беради. Эритропоэзни буйракла ҳосил бўладиган эри гропоэтиналар кучайтиради. Кислород транспорти учун маъсул тизимларда (нафас, миокард мушаклари, ўпка альвеолалари массасининг кўпайиши) гипертрофия ва гиперплазия кузатилади. Кислород утилизацияси тизимларидага адаптив ўзгаришлар митохондрийлар миқдорининг ошиши, ҳар бир митохондрия фаол юзасининг катталашиши, митохондрий нафас ферментларини кислородга яқинлигининг ошиши билан намоён бўлади ва оксидланиш реакцияларининг етарли даражада кечишини таъминлайди. АТФ ҳосил бўлишининг камайиши натижасида ҳужайрада митохондрия синтезланиши учун жавобгар генлар тормозланиш ҳолатидан чиқади. Сурункали кислород етишмовчилигига организмнинг кислородга нибатан талаби камаяди, чунки модда алмашинуви ва анаэроб жараёнлар фаоллиги пасаяди.

Гипоксик ҳолатлар профилактикаси ва терапиясининг патофизиологик асослари.

Организмнинг кислород етишмовчилигига чидамлилиги тўқимани кислород билан таъминлайдиган тизимлар функционал имкониятларининг ошиши ҳисобига (машқ қилиш) ортиши мумкин. Бунга ҳужайра кислород ўзлаштиришининг кўпайиши ва анаэроб жараёнларнинг кучайиши киради. Организмнинг кислород истеъмол қилишини камайтириш мақсадида гипотермия ва гибернация усуллари (организмга асаб ва эндокрин тизимлар блокадасини чакиравчи фармакологик воситаларни қутиш, тана ҳароратини пасайтириш) кўлланилади. Гилоксик ҳолатларни даволашда аввало кислород етишмовчилигини чақирган асосий сабабни бартараф қилиш зарур.

Кўпчилик ҳолатларда гипербарик оксигенация яъни кислородни юқори босим остида юбориш қўлланилади. Бу қонда ва тўқимада физик эриган кислород заҳирасини ҳосил қилишга имконият тугдиради. Умумий резистентликни ошириш учун буйрак усти бези ва гипофиз гормонлари ишлатилади. Кон рН силжишини коррекция қилувчи ва анаэроб алмашинув токсик маҳсулотларини зарарсизлантирувчи кимёвий воситалар қўлланилади.

Ҳомила ва чақалоқ гипоксияси. Ҳомила гипоксияси патологик ҳолат бўлиб, ҳомила тўқима ва аъзоларини кислород билан етарли таъминланмаслиги ёки кислороднинг ноадекват утилизацияси натижасида келиб чиқади. Ўтқир ёки интранатал ва сурункали ёки антинатал ҳомила гипоксияси фарқ қилинади.

Асосий сабаблари: туғруқнинг ҳар хил нуқсонлари (киндинкнинг тушиб қолиши ёки қисилиши, йўлдошнинг вақтидан илгари ажралиши, бачадон ёрилиши ва б.к.). **Механизми:** бачадон-йўлдош қон айланишининг ўтқир бузилиши. Сурункали ёки антинатал туғилишга қадар рўй беради, аста-секинлик билан ривожланади, шунинг

учун ҳам ҳомила ўртача кислород дефицитига адаптацияланади. Ҳам экстрагенитал касалликларда (декомпенсиранган юрак пороклари, ўпканинг оғир касалликлари ва б.қ.) ҳам ҳомиладорликнинг ҳар хил патологияларида (токсикозлар, ҳомиланинг қоринда узоқ олиб юрилиши, инфицирланиш ва ҳ.қ.) кузатилади. Ҳомила касалликлари (гемолитик касалликнинг оғир шакллари, марказий асаб тизими ривожланиш нуқсонлари ва б.қ.,) ҳам ҳомила организми сурункали гипоксиясининг сабаби бўлиши мумкин.

Оғир кислород етишмовчилиги қон айланиши ва микроциркуляциянинг жиддий бузилишларига олиб келади: ҳомилада қисқа муддатли артериал қон босимининг ошиши, тахикардия кузатилади, сўнг улар артериал қон босимининг пасайиши ва брадикардия билан алмашади, қон плазманинг томир ўзанидан чиқиши натижасида қуюқлашади, тўқималарда шиш ривожланади. Модда алмашинуви токсик маҳсулотларининг тўқималарда тўпланиши (ацидоz) ҳужайра ичи шишига олиб келади. Бу ўзгаришлар ҳётий муҳим аъзолар функциясининг бузилиши, ҳомиланинг ўлиши, чақалоқ асфикциясига сабаб бўлиши мумкин.

Эрта ёшдаги болалар гипоксияси хусусиятлари. Матъумки ҳомила ва чақалоқ организми кислород етишмовчилигига катталар организмига нисбатан кўпроқ чидамли. Юракда гликоген заҳираси, мия ва юракда АТФ концентрациясини бир маромда сақлаш қобилияти аҳамиятга эга. Ҳомила организмидан анаэроб гликолиз жараёнлари кучайган бўлади ва у кислород етишмовчилигига чидамлиликни таъминлайди. Ўртача метаболик ацидоz ҳомила ривожланиши физиологик шароити деб қаралади ва у модда алмашинуви хусусиятлари билан боғлиқ. Ҳомила гемоглобинининг (HbF) кислородга яқинлиги, катталар гемоглобинига нисбатан юқори, бу ҳам ҳомила организмининг кислород етишмовчилигига юқори чидамлилигининг таъминланишига олиб келади. Гипоксия шароитида қон қайта тақсимланади, натижада мия, юрак ва буйрак усти безлари қон билан яхши таъминланади.

Чақалоқларни кислород етишмовчилигидан ҳимояловчи компенсатор механизmlарининг яхши ривожланганлигидан қатъий назар, гипоксия чақалоқ ва эрта ёшдаги болаларнинг энг муҳим патологик ҳолатларидан бири ҳисобланади ва у кўлгина ёмон патоген таъсиrotлар (йўлдош патологияси, киндикнинг қисилиши, тез такрорланадиган инфекция, сурфактант тутма нуқсони, иммун механизmlар етишмовчилиги ва б.қ.) билан боғлиқ. Шу нуқтаи назардан чақалоқ ҳолати тавсифланиши асосига Апгар шкаласи кўйилгани тасодифий эмас. Чақалоқларда гипоксия мия қон айланиши ва нафас бузилиши синдроми ривожланишида етакчи патогенетик звено ҳисобланади. Қоннинг PO_2 40 мм сим. уст. гача камайиши мияда қон айланишининг бузилишига олиб келмаслиги мумкин, аммо унинг янада па-

сайишида мияда қон оқими кескин күтарилади. Респиратор дистресс – синдроми (РДС) ёки гиалин мембраналари касаллиги, ўпкада газ алмашинувининг кескин камайиши билан тавсифланади ва гипоксия сабабли туғруқдан кейин ривожланади. Халқаро статистика маълумотларига кўра 25 – 35 % ҳолатларда у чақалоқлар ўлимининг сабаби ҳисобланади. Оғир РДС дан тирик қолган болаларда юқори неврологик асоратлар, айниқса интрацеребрал қон қуилиши, кузатилади. Гипоталамус марказий регуляция механизмилири ва мия устунининг гипоксик шикастланиши юзага келган нафас бузилишини чукурлаштиради.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иш. Қоннинг кислород сифими камайиши натижасида ҳосил бўладиган гипоксия типини яратиш ва ўрганиш.

Каламуш териси остига натрий нитритнинг 3 % ли эритмаси юборилади. Гипоксиянинг оғир шаклини олиш учун тана массаси 200 г. га тенг бўлган каламушга 3 % ли 0,8 мл ли, ўрта даражали гипоксияни чақириш учун 100 г тана массасига 5 мл ҳисобида ушбу эритма юборилади. 20 дақ. кейин ҳайвонда аста-секинлик билан гемоглобиннинг метгемоглобинга айланиши билан боғлиқ гемик гипоксия ривожланади ва жиддий ҳансираш кузатилади. Нафас тезлашади ва чуқурлашади, сўнг у талвасали тус олади. Тахминан 40 – 50 дақ. кейин ҳайвонлар асфиксия ҳолатида ўлади. Улар ёриб кўрилади ва метгемоглобиннинг кўп миқдорда ҳосил бўлиши натижасида қоннинг «шоколад» рангига кириши кузатилади. Агар қон пробиркага олиниб тенг равишда дистилланган сув билан суюлтирилса ва спектроскопга жойлаштирилса, спектрнинг қизил қисмида метгемоглобинга хос ютилиш йўлларини кўриш мумкин.

2-иш. Организм тур реактивлигининг гипоксияга чидамлилик ролини ўрганиш.

Комовский аппаратига иккита ҳайвон: совуқонли (бақа) ва иссиқконли (сичқон, каламуш ёки денгиз чўчқаси) жойлаштирилади. Ҳайвонларнинг дастлабки ҳолати аниқданади, нормал атмосфера босимида нафас олиши саналади. Барокамерадаги ҳавони сийраклатиб ҳайвон ҳолати, нафас сони ҳаво тортиб олингунгача бўлган умумий ҳолати кузатилади. Ҳайвоннинг ўлиб қолишига йўл кўймай гипобария шароитида иссиқконли ҳайвонларда талвасалар ривожланиш вақти ва бақада унинг ҳолати белгиланади. Олинган натижалар таҳрир қилинади, гипоксия шароитида организм тур реактивлигининг роли тўғрисида хуласалар чиқарилади.

Жиҳозлар: каламушлар, сичқон (денгиз чўчқаси), спектроскоп, Комовский аппарати, шиша қалпоқ, 3 % ли натрий нитрат эритмаси, шприц, игналар, пинцет, қайчилар, буйраксимон тоғарача, вазелин.

АУДИТОРИЯ ИШИ

Мавзуни оғзаки мұхокама қилиш. Амалий ишларни бажариш ва амалий күнікмаларни ўзлаштириш

Күйидаги ишлар бажарилади:

- 1) қоннинг кислород сифими пасайишида ҳосил бўладиган гипоксия типини яратиш ва ўрганиш;
- 2) гипоксияга чидамлиликда организм тур реактивлиги ролини ўрганиш.

Талаба: 1) экспериментда гемик гипоксияни чақириш, унинг ҳамма кўриниш белгилари ва ривожланиш механизмини; 2) ҳайвонлар ўлгандан кейин уларни ёриш ва гемик гипоксия типига мансуб белгиларни аниқлашни; 3) Комовский аппаратида совуқ ва иссиққонли ҳайвонларда гипоксик гипосиянинг турга оид фарқларини, уларнинг кислород етишмөвлilikiga чидамлилигини кузатишни билиши керак.

Эксперимент баённомаси ва хulosаларни ёзиш

Талаба мустақил равища каламушда гемик гипоксиянинг ривожланиши ҳамда каламуш ва бақда гемик гипоксия манзарасини қиёслаш асосида баённома тузади. Баённомада ҳайвонни ёришда олинган натижалар акс эттирилади, уларда ривожланадиган гипоксия шакллари ва организмининг тур чидамлилиги тўғрисида хulosалар қилинади.

Вазиятли масалаларни ечиш

1-масала. Оқ сичқоннинг қорин бўшлиғига 0,7 % ли 2, 4 — динитрофенол (100 г тана массасига 0,55 мл) юборилган, натижада ҳайвон ўтқир кислород етишмөвлilikidan ўлган.

1. Бу мисолда гипоксиянинг қайси шакли ривожланган?
2. Ривожланган гипоксиянинг механизми нимадан иборат?

2-масала. Оқ сичқонга натрий нитратнинг 1 % ли эритмаси (0,1 мл/кг) юборилгандан кейин ҳайвон ўтқир кислород етишмөвлilikidan ўлган.

1. Бу мисолда гипоксиянинг қайси шакли ривожланган?
2. Коннинг «шоколад» рангини нима билан тушунтириш мумкин?

3. Меттемоглобиннинг гемоглобиндан фарқи нимадан иборат?

4. Гипоксиянинг бу шаклида қандай воситалар қўлланиши мумкин?

3-масала. Геолог экспедиция таркибида баланд тоғли жойга қидирив ишлари ўтказиш учун келган. 3000 м баландликда туришининг

2 ичи кунида гипоксия ривожланишидан далолат берувчи «тоғ» касаллигига хос симптомлар: бош оғриши, ҳансираш, цианоз, иштаха йўқолиши, умумий мадорсизлик, уйқусизлик пайдо бўлган.

1. Экспедиция иштирокчисида ривожланган гипоксия сабаблари ва характеристи нимадан иборат?

2. Бу ҳолатда ҳансираш юзага келишининг омиллари нималар?

3. Баланд тоғли жойларда ҳансирашнинг қайси оғир оқибатлари ривожланиши мумкин?

4. Бу оқибатни патогенетик даволашни тавсия қилинг.

4-масала. Анилин бўёғи ишлаб чиқардиган корхонада ишловчи аппаратчи аёл соғлиқни сақлаш пунктига анилин билан заҳарла-нишнинг клиник манзараси билан олиб келинган. Унда гипоксия симптомлари устиворлиги: кўнгил айниш, кусиш, бош оғриши, қулоқларда шовқин, кўз олдида майда нарсаларнинг лип-лип этиб туриши, мадорсизлик, уйқусираш мавжуд. Шиллиқ пардалар цианози, юз ва тери қопламининг кўкимтири ранги эътиборни ўзига жалб қиласи. Гемоспектрофотометрияда кескин меттемоглобинемия аниқланган.

1. Бу мисолда гипоксия ривожланиши асосида қайси патогенетик омил ётади?

2. У гипоксиянинг қайси турига киради?

3. Қон таркибининг қайси ўзгаришлари гипоксиянинг бу турига хос?

5-масала. 22 ёшли, А. исмли беморда қон айланишининг бузилиши кўринишидаги декомпенсацияланган юрак пороги аниқланган. Асосий шикоятлари: ҳансираш, қон аралаш балғам билан йўтал, умумий мадорсизлик, юрак соҳасида оғриқ. Қонда эритроцитлар $6,0 \cdot 10^{12}$ /л, гемоглобин 150 г/л. Оксигемометрия натижалари – гемоглобиннинг кислород билан тўйиниш даражаси – 85 %.

1. Беморда гипоксиянинг қайси шакли ривожланган?

2. Бу патологияда қон томонидан мавжуд ўзгаришларни қандай тушунтириш мумкин?

3. Келтирилган оксигемометрия кўрсаткичларини баҳоланг.

6-масала. қишида эрта билан «Тез ёрдам» М. оиласининг бетоблиги тўғрисида чақирув олган. Вазият аниқланишича кечкурун кўмир ёқилган печ қопроғи эртароқ бекитилган. Тиббий кўрикда оила аъзоларининг умумий аҳволи ўртача оғирликда, бош оғриши, кўнгил айниши, кусиш, умумий мадорсизлик, уйқусирашга шикоят қилишади. Беш ёшдаги боланинг аҳволи оғир, ҳуши чалғиган.

М. оиласи касаллигининг сабаб ва механизмини тушунтиринг.

Интеграция амалга оширилиши лозим бўлган фанлар

1. Болалар касалликлари.

2. Ички касалликлар.

3. Токсикология курси.

М а з у : ТҮҚИМА ЎСИШИ ПАТОЛОГИЯСИ. ЎСМАЛАР

Машгулот мақсади. Тараба қуидагиларни билиши керак:

- 1) түқима атилизмининг биологик хусусиятлари ва турлари, хавфсиз ва хавфли ўスマларнинг ўсиш характеристини;
- 2) ўスマларнинг этиологик омиллари, онкоген вируслар, кимёвий ва физик бластомоген омилларнинг ролини;
- 3) ҳужайра ўсма трансформацияси механизми, онкогенез босқичлари,protoонкоген, онкоген ва антионкогенларнинг ролини;
- 4) ўスマларнинг экспериментал нусхасини яратиш усусларини ўрганиш, саркома M-1 ни М. А. Новинский бўйича трансплантация қилиш техникасини эгаллашни;
- 5) экспериментал ўスマлар макро - ва микропрепаратларини ўрганишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Митотик цикл нима, у нималардан иборат?
2. Митоз фазаларини айтиб беринг.
3. Ҳужайра бўлинишида генетик ахборот қандай узатилади?
4. Митотик циклнинг қайси фазасида дезоксирибонуклеин кислота редупликацияси рўй беради?
5. Генетик код нима?
6. Ҳужайрага генетик ахборотнинг оддий узатилиш жараёни нимадан иборат?
7. Транскрипция нима?
8. Тескари транскрипция нима?
9. Трансляция нима?
10. Кейлонлар ва трефонлар нима, уларнинг ҳужайра бўлиниши ва ўсишига таъсири нимадан иборат?
11. Контакт тормозланиш феномени нима?
12. Хейфлик ҳужайра бўлиниш лимити (нормаси) нима?
13. Пастер эфекти нима?

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. – М.: Медицина, 1980, с. 194 – 221.

- Патологическая физиология / Под ред. чл. – корр. АМН СССР Н. Н. Зайко. – 2 – е изд., перераб. и доп. – Киев: Вища школа, 1985, с. 211 – 238.
- Н. Х Абдуллаев, Х. Ё Каримов. Патофизиология. Тошкент. Абу Али ибн Сино номидаги тиббиёт нашириёти, 1998, б. 269 – 289.
- Патологическая физиология / Под ред. А. Д. Адо, М. А. Адо, В. И. Пышского и др. М.: Триада – X, 2002, с. 296 – 320.

Қўшимча адабиётлар:

- Говалло В. И. Иммунология против рака. – М.: Знание, 1987.
- Заридзе Д. Г. Заболеваемость злокачественными опухолями в РСФСР и их профилактика. Арх. пат., 1992, № 4, с. 5- 12.
- Копнин Б. П. Онкогены, антионкогены и канцерогенез. – Арх. пат., 1990, т. 52, № 9. с. 3-11.
- Кривчик А. А. Патофизиологические аспекты опухолевого роста. Минск, 1987.
- Овсянников В. Г. Патологическая физиология. Типовые патологические процессы. – Ростов – на – Дону, 1987, с. 169 – 190.
- Тимофеевский А. Д. Опухоли. – В кн.: БСЭ. – 3 – е изд. М.: Советская энциклопедия, 1976, т. 25, с. 556; т. 18, с. 461.
- Турусов В. С. Прогрессия опухолей. Этиологические, морфологические и молекулярно – биологические аспекты. Арх. пат., 1992, № 7, с. 5 – 13.
- Шабад Л. М. Эволюция концепций бластомогенеза. – М., 1979.
- Шапот В. С. Биохимические аспекты опухолевого роста. – М., 1975. – 304 с.

Асосий ўкув саволлари

1. Ўсмалар таърифи ва терминологияси (атамаси).
2. Ўсма ўсишининг биологик хусусиятлари.
3. Хавфсиз ва хавфли ўсмалар, уларнинг тавсифи.
4. Ўсма тўқимаси атипизми.
5. Ўсмалар этиологияси. Бластомогенезнинг кимёвий, физик ва биологик омиллари.
6. Протоонкоген, онкоген ва антионкогенлар.
7. Ўсма ўсишининг патогенези.
8. Организмга ўсманинг патоген таъсири. Метастазланиш, ўсма қаҳексияси.
9. Касб ва турмуш тарзи билан боғлиқ рак. Ўсма олди ҳолатлари.
10. Организмнинг антиblastom резистентлиги.
11. Ўсмаларнинг экспериментал нусхасини яратиш.

Аннотация

Ўсма (юн. *blastoma*, *neoplasma*, *onkos*, лат. – *tumor*) – тўқиманинг бошқариб бўлмайдиган, чексиз ўсиши бўлиб, тузилиши ва

хусусиятларининг атилизми билан тавсифланади. Л. М. Шабад (1979) таърифлашича, «плюс ўсиш ва минус дифференцировка» яъни ортиқча ўсиш ва етилишнинг йўқлиги ўсмаларга хос.

Ўсма ҳар хил тўқимадан ўсиши мумкин. Эпителиал тўқимадан ўсадиган ўсма рак, биринкирувчи тўқимадан ўсадиган ўсма – саркома дейилади.

Ўсма ўсишининг биологик хусусиятлари:

— ўз-ўзидан ўсиш. Ўсма ўсишида (регенерациядан фарқли равишда) факат ўсма ҳужайралари иштирок қиласи. Битта ҳужайрадан катта ўсма келиб чиқиши мумкин;

— тўхтовсиз, чексиз ўсиш – Хейфлик ҳужайра ўсиши лимитининг (чегараси, нормаси) бўлмаслиги, ўсма ҳужайраларида контакт тормозланишининг бўлмаслиги, ўсма тўқимасида ҳужайра ўсиши ва кўпайишини пасайтирувчи моддаларнинг (кейлонлар) кам миқдорда бўлиши, ҳужайралараро боғлиқликнинг мустаҳкам бўлмаслиги;

— автоном, назоратсиз, марказий асаб тизими бошқарув таъсирiga ва гуморал таъсирларга итоат қилмайдиган ўсиш;

— ўсма ҳужайралари бир жойдан иккинчи жойга қон ва лимфа оқими орқали олиб ўтилиши (метастазланиш) мумкин;

— ўсма ҳужайралари сунъий равишда кўчириб ўтказилиши яъни трансплантация қилиниши мумкин;

— ўсма ҳужайралари тузилиши ва хусусиятлари атилизмiga эга.

Ўсмалар ҳавфсиз ва ҳавфли бўлиши мумкин. Ҳавфли ўсмаларнинг ҳавфсиз ўсмалардан фарқи:

— ҳавфли ўсмалар ўсиши инфильтратив (яъни инвазив, деструктивланувчи) ўсиш дейилади, улар атрофидаги тўқималарни емиради; ҳавфсиз ўсмалар экспансив яъни атрофидаги тўқималарни емирмай, лекин силжитиб ўсади;

— ҳавфли ўсмалар метастазлар беради, ҳавфсиз ўсмалар метастазлар бермайди;

— ҳавфли ўсмалар қахексия (ориқлаш) билан кечади;

— ҳавфли ўсмалар ҳужайраларида атилизм кўпроқ ифодаланган;

— ҳавфли ўсмаларга прогрессия яъни қайтмас миқдорий ўзгаришлар хос, улар асосида соматик ҳужайраларнинг тобора янги ва янги мутациялари ётади.

Ўсма ҳужайраси атилизми. Ўсма ҳужайрасининг нормал ҳужайрадан фарқ қилдирувчи тузилиши ва хусусиятлари бўйича ўзгаришига атилизм дейилади. Атилизмнинг икки хили: тўқима ва ҳужайра атилизми фарқ қилинади. Тўқима атилизми паренхима ва строма яъни ҳужайра ва ҳужайралараро нисбатнинг ўзгариши билан тавсифланади. Ҳужайра атилизми ўз навбатида морфологик, физик-кимёвий, функционал, иммунологик ва биокимёвий турларга бўлинади. Улар ўсма ҳужайраларининг шакли ва тузилиши; уларнинг фи-

зик – кимёвий хусусиятлари, ҳужайраларда сув, электролитлар, оқсил ва б.к. моддаларнинг микдори; функция қилиш хусусиятлари; антиген хоссалари; модда алмашинуви ўзгаришларини акс эттиради. Ҳужайра атипизми ўсма ҳужайралари анаплазия ва метаплазияси шаклида намоён бўлади. *Анаплазия* – ҳужайра етилишининг йўклиги ва паст дифференцировка, эмбрионар ҳолатга қайтишдан иборат. *Метаплазия* – бошқа тўқиманинг хусусиятларига эга бўлиш (масалан, кубик эпителия ясси тус олади ва ҳ.к.).

Ўсма ҳужайрасида модда алмашинуви хусусиятлари:

— ўсма ҳужайрасида нормал ҳужайрадан фарқли равишда гликолиз – глюкозанинг кислородсиз сут ва пироузум кислота ҳосил бўлишига қадар парчаланиши (ўсма ҳужайрасида pH – 6,4 - ацидоз-гача камайиши мумкин) кучайган. Гликолиз ўсма ҳужайрасининг асосий энергия манбаидир;

— ўсма ҳужайраси кучли равишда глюкоза истеъмол қилади, шунинг учун ҳам уни «глюкоза тузоги» деб айтишади. Ўсма ҳужайрасида гликолиз ферментлари жуда фаол;

— ўсма ҳужайрасида сут кислотанинг ҳосил бўлиши кислород иштирокида (аэроб гликолиз) кечади. Бу Пастер манфий эффекти, ёки Крэбртри эффекти деб ном олган;

— ўсма ҳужайрасида оқсил алмашинуви кескин ўзгарган: ҳужайрада оқсил синтези унинг парчаланишидан устунлик қилади, шунинг учун ҳам сийдикда C/N коэффициенти юқори – дизоксидатив карбонурия кузатилади;

— нуклеин алмашинуви ўзгарган, нуклеин кислоталари (РНК, ДНК) синтези кучайган, чунки янги ҳужайралар ҳосил бўлади.

Ўсмалар этиологияси. Ўсма чақиравчи омиллар бластомоген ёки канцероген (юн. cancer – рак, geno – чақираман) омиллар дейилади. Кимёвий, физик, биологик канцероген каби уч гуруҳ омиллар фарқ қилинади. Кимёвий канцерогенлар ташки ёки экзоген (органик ва ноорганик) ва эндоген яъни организмнинг ўзида ҳосил бўлувчи омилларга бўлинади.

Органик табиатли экзоген кимёвий канцерогенлар қуйидагиларга бўлинади:

— яримциклик ароматик углеводородлар (ПАУ): 3,4 – бензипрен, 9 – 10 – диметил – 1,2 – бензантрацен, дibenзантрацен (ДБА), 1–2 – метилхолантрен. Маҳалий канцероген таъсирга эга бўлиб, тамаки тутуни ва қатрони (смола), қурум, нефт, битум ва асфальтда бўлади;

— аминоазобирикмалар – органотроп (маълум аъзоларга) таъсирга эга бўлади: диметиламиноазобензол – организмга қайси йўл билан киришидан қатъий назар жигар ракини чақиради, ортоаминоазотолуол – жигар ракини, β – нафтиламин сийдик пуфаги ракини чақиради;

— нитрозаминлар – булар ҳам органотроп ҳисобланади: диэтилнитрозамин жигар ва қизилўнгач ракини, метилнитрозийдикчил – бош мия ўсмасини чақиради.

Экзоген ноорганик канцерогенларга – висмут, бериллий, никель, вольфрам бирикмалари ва б.к. киради, уларга одам тоғ – кон саноатида дуч келиши мумкин.

Эндоген кимёвий канцерогенларга:

— стероид гормонлар: гипофиз гонадотроп гормонлари, жинсий белзлар гормонлари (уларнинг кўп ҳосил бўлиши ёки гормонал дисбалансда сут бези, бачадон, тухумдонда ўсма ҳосил бўлиши мумкин);

— ўт кислоталари – ўт кислоталарини ишлаш орқали жуда кучли канцероген – метилхолантрен олинган;

— холестерин ва унинг метаболитлари – ракдан ўлган одамлар тўқимасида таркиби бўйича холестеринга яқин маҳсулотлар 2 – 3 марта кўп сақланиши аниқланган;

— аминокислоталар, масалан, триптофан метаболитлари киради.

Физик канцерогенларга ультрабинафша ва қуёш нурлари, рентген нурлари, α , β , γ – нурлари ва б.к. киради. Ультрабинафша ва қуёш нурлари узоқ вақт таъсир қилганида тери ракини чақириши мумкин. Бу экспериментал изланишларда (сичқон, каламушларда) ва клиник кузатишларда уз тасдигини топган. Рентгенологларда тери раки ривожланиши маълум. Лейкозлар ва ўсма касалликларининг сингувчи радиация таъсирида кўп учраши аниқланган. Экспериментда каламуш ва сичқонларда рак ва саркомани рентген нурлари билан нурланиш таъсирида чақириш мумкин. Нурланиш ҳужайра ядросини, ядро қобигини, ҳужайра наслий аппаратини шикастланишини чақиради. Физик канцерогенлар кокканцероген ролини ўйнаши ҳам мумкин ва кимёвий канцерогенлар билан биргаликда таъсир қилиб, улар эфектини кучайтириши мумкин.

Биологик канцерогенларга онкоген вируслар ва *Aspergillus* типидаги замбурууглар киради. *Aspergillus flavum* замбуруфи ер ёнғоғида ҳаёт кечиради, афлатоксин – кучли канцероген ҳусусиятга эта бўлган модда синтезлайди. Афлатоксиннинг ҳатто жуда кичик дозалари жигар ўсмасини чақиради.

Ўсма ривожланишида вируслар роли кўпчилик экспериментал изланишларда тасдиқланган. Жумладан Нобел мукофотига сазовор бўлган Раус товуқ саркомасини ҳужайрасиз филтрат орқали кўчириб ўтказиш мумкинлигини кўрсатиб берган. Биттнер сут омилини кашф қилган, бу омил вирусадан бошқа нарса бўлмай, сут бези раки бўлган сичқонлардан уларнинг болаларига сут орқали берилади. Синфланиши бўйича онкоген вируслар ДНК ва РНК сақловчи вирусларга бўлинади. ДНК сақловчи вирусларга полиэдрал (кўп қиррал) шакли

қуён папилломаси, полиомалар, одам сўғали, маймун вакуолловчи вируслари киради. Улар рапова (папиллома, полиома, вакуолизация сўзларидан олинган) умумий номи билан биринкириллади. РНК – сақловлчи полиздрал шаклли вируслар онкорнавируслар ёки ретровируслар деб айтилади. Бу вируслар таркибida вируснинг ҳужайрага киришига имконият тудириувчи, РНК матрицасида (қолипида) ДНК синтезловчи яъни «генетик ахборотни тескари узатувчи» маҳсус фермент – тескари транскриптаза ёки ревертаза топилган.

Канцерогенезда вируслар роли тўғрисидаги вирусгенетик назария деб номланувчи назария 1958 й. Л. А. Зильбер томонидан таътифлаб берилган. Бу назарията асосан вирус ҳужайра шикастланишини чақирмайди, унга наслий ахборот кирилади ва ҳайвон ҳужайраси геномасининг таркибий қисми бўлиб қолади. Л. А. Зильбернинг айтишига кўра, ҳужайрага кирган вирус узоқ мuddатда «ўзининг касаллик чақириувчи хусусиятини намоён қилиши учун алоҳида шароит» туғилмагунча, беозор бўлиб қолади.

Кейинги йилларда қилинган кашфиётларга кўра юқорионкоген ретровируслар таркибida трансформацияловчи генлар бўлиб, улар онкогенлар деб ном олган. Бу генлар онкоген вирусларнинг ўсма чақириш ва *in vitro* экилган ҳужайраларнинг трансформацияланиш хусусиятини аниқлайди.

Одам ва ҳайвон ҳужайраси геномасида онкоген,protoонкоген ва антионкогенларнинг кашф қилиниши онкогенез механизмини аниқлашга имкон берди. Онкогенлар нормал ҳужайраларнинг ўсма ҳужайрасига трансформацияланишини таъминловчи генлар ҳисобланади. Протоонкогенлар онкогенларнинг ўтмишдоши бўлиб, нормал ҳужайрада муҳим функцияларни бажаради: улар ҳужайра бўлинишини, пролиферация жараёнларини ва етилишини (дифференцировкасини) назорат қилади. Ҳозирги вақтда 70 дан ортиқ protoонкогенлар мъалум. Уларнинг фаоллашиши ва онкогенларга айланиши юқорионкоген ретровируслар, кимёвий ва физик канцероген омиллар таъсирида ва спонтан юзага келиши мумкин. Бунда уларнинг тузилиши ўзгаради, геномада айрим генлар нускаси сони кўпаяди (амплификация) ва б.к. Протоонкогенлар фаоллашиши доминант тусга эга. Ҳужайрада пайдо бўладиган қўшимча генетик ахборот нормал ҳужайрадаги иккита шу ген аллелидан биттасининг трансформация қилиниши учун етарли бўлиб қолади.

Ядро оқсилиарини кодирловчи онкогенлар (тус, туб, р 53 оиласи генлари) иммортализаторловчи – генлар деб номланди (иммортализация – боқийликка эга бўлиш), улар ҳужайраларнинг чексиз бўлинишига имкон беради. Ras, sic, sys,raf, neu ва б.к. генлар оиласи трансформатор – генлар бўлиб, ҳужайранинг морфологик трансформациясини чақиради. Ўсма ривожланишини супрессирловчи

генларнинг мавжудлиги ҳам аниқланган. Уларнинг вакили Rb гени ҳисобланади. Наслий ўсмаларнинг ривожланиши бу генларнинг инактивланиши билан боғлиқ. Наслий ретинобластома ва остеосаркома 13 – хромосома чўзилган елкаси бир қисмининг делецияси билан корреляция қилинади, рабдомиосаркома ва Вильмс ўсмасининг ҳосил бўлиши эса 11 – хромосома калта елкаси бир қисмининг делецияси натижасида келиб чиқади. Шундай қилиб, делетирланган (йўқотилган) хромосома қисмларида ўсма ривожланишини супрессирладиган (тўхтатадиган) генлар бўлиши мумкин. Агар онкогенлар доминант таъсир кўрсатса, антионкогенлар ўзгариши рецессив тусга эга бўлади яъни ўсма трансформацияси учун иккита ген аллелларининг ҳам инактивланиши зарур. Шунинг учун ҳам улар рецессив рак генлари деб аталади.

Ўсма ўсишининг патогенези. Усмалар ўсиши кўп босқичли жараён ҳисобланади. Унинг уч босқичи фарқ қилинади: 1 – нормал ҳужайранинг ўсма ҳужайрасига трансформация (ёки инициация) қилиниши, 2 – промоция ёки фаоллашиш, 3 – ўсма прогрессияси. Трансформация босқичи нормал ҳужайранинг инициаторлар деб номланувчи омиллар таъсирида потенциал (яширин) ўсма ҳужайрасига айланишидан иборат.

Трансформация иккита: мутацион ва эпигеном йўл орқали рўй бериши мумкин. Мутацион канцерогенез нормада ҳужайра бўлинишини тормозловчи ген – репрессорнинг мутацияси билан боғлиқ. Бунаقا ўзгариш масалан кимёвий канцерогенлар таъсирида (генотоксик канцерогенлар) кузатилади. Эпигеном канцерогенез ҳужайра геномасига унга тегишли бўлмаган ва мутация чақирмайдиган, аммо генома нормал регуляциясининг турғун бузилишини чақирувчи омиллар таъсири билан боғлиқ. Эпигеном ўзгариш, масалан вируслар таъсирида келиб чиқади. Мутацион ва эпигеном канцерогенез қўшилган ҳолатда бўлиши ва бир–бирини инкор қўлмаслити мумкин.

Канцерогенезнинг иккинчи босқичи – промоциядир. Трансформацияланган ҳужайралар уларга промоторлар яъни активаторлар (фаоллаштирувчилар) таъсир қўлмагунча узоқ муддат давомида латент ҳолатда – нофаол шаклда қолиши мумкин. Ҳам инициацияловчи ҳам промоцияловчи эфектта эга канцерогенлар тўлиқ канцерогенлар деб аталади (тамаки тутунида масалан, ҳам генотоксик канцерогенлар ҳам промоторлар мавжуд). Трансформацияланган ўсма ҳужайралари кўпая бориб, ўсма тутунини ҳосил қиласди. Экспериментда кротон ёғи ўсма ўсишини фаоллаштирувчи омил бўлиши мумкин, у ўз-ўзича ҳеч қачон ўсма чақирмайди, аммо канцероген – метилхолантрен билан трансформацияланган ҳужайра кўпайишини фаоллаштиради.

Канцерогенезнинг учинчи босқичи – прогрессия – ўсма хусусиятларининг турғун микдорий ўзгаришлари ва унинг ўсиш тезлиги-

нинг ошиши билан тавсифланади. Яшаш қобилияти кўпроқ бўлган ўсма ҳужайраларини танлаб олиш жараёни кечади, янги ва янги мутациялар содир бўлади, ҳужайра генотипи ва фенотипи борган сари ўзгараверади. Ўсма кўпроқ хавфли бўлиб боради (прогрессирланувчи малигнизация) ва катталашади.

Хавфли ўсмалар метастаз беради. Метастазланиш – бирламчи ўсма тутунидан узоқда жойлашган ҳар хил аъзо ва тўқималарда ўсманинг янги ўчоғларининг пайдо бўлишидир. Метастазланишнинг учта босқичи фарқ қилинади: бирламчи ўсмадан ўсма ҳужайралари бир гурӯҳининг ажralиши ва уларнинг қон ёки лимфатик томирларга кириши, ўсма ҳужайраларининг томирлар орқали ташилиши, уларнинг у ёки бу аъзога имплантация қилиниши (ёпишиши). Рак асосан лимфоген, саркома эса гематоген йўл орқали метастазланади.

Ўсмали организмда хавфли ўсма ривожланиши натижасида ориклиш – рак қахексиси содир бўлади. Унинг асосий сабаблари: ошқозон – ичак тракти функциясининг бузилиши (овқатнинг ўзлаштирилмаслиги, эндоген очлик), модда алмашинуви бузилиши (сут кислота, кетон танаачалари тўпланиши, оқсил парчаланиши), ўсмадан токсик моддаларнинг ажralиши (жигарда, буйракда ва б.к. каталаза миқдорини камайтирувчи токсогормон ҳосил бўлиши), қон кетиши.

В. С. Шапот (1975) ўсманинг организмга тизимли таъсири тўғрисидаги тушунчани таърифлаб берган. У қўйидагича намоён бўлади:

— ўсманинг глюкозани ўзига кучли сингдириши ва гипогликемия. Гомеостаз бузилиши учун хавфли вазият туғилганда организм унга ўзининг ҳамма компенсатор – мослашув механизmlарини жалб қилиш билан жавоб беради. Гипогликемияга қарши турувчи асосий механизм глюконеогенезнинг жадаллашуви интенсификацияси (глюкокортикоидлар гиперпродукцияси) ҳисобланади. Аммо бундай компенсация организм учун мақбул эмас, чунки талоқ ва айрисимон без оқсилларининг парчаланиши иммунодепрессив ҳолатга олиб келади, глюконеогенез учун аминокислоталар ва глицериннинг кўп миқдорда ишлатилиши ўз оқсил ва липидларининг синтезланиш имкониятини чеклайди, бу эса шубҳасиз аввало мушаклар дистрофиясига олиб келади. Кучайиб борувчи дистрофия қахексиянинг муҳим патогенетик компонентларидан ҳисобланади.

— ўсма азот тузоги бўлганлиги туфайли, азот бирикмалари етишмовчилиги қахексия патогенезининг яна битта звеносидир;

— энергетик гомеостазнинг бузилиши организм дистрофик ўзгаришларининг муҳим механизми ҳисобланади;

— ўсмага сингиши натижасида ривожланадиган витамин Е дефицити ва у билан боғлик пероксидланишнинг кучайиши протеолитик ферментларнинг фаоллашишига ва оқсил парчаланишининг зўрайишига сабаб бўлади. Шундай қилиб, организм ҳамма аъзо ва тизимлари фаолиятида кўп қиррали мураккаб бузилишлар содир бўлади.

Ўсма олди ҳолатлари — шундай патологик жараёнларки, улар күп ёки кам фоиз ҳолатларда малигнизацияяга учраш лаёқатига эга. Облигат ва факультатив рак олди ҳолати фарқ қилинади. Облигат рак олди ҳолати етарли даражада тез-тез хавфли ўсмага айланиш билан (масалан йўғон ичак, меъда полипози, пигментли ксеродерма, мастопатиянинг айрим шакллари); факультатив рак олди ҳолати — малигнизацияяга нисбатан кам ҳолларда учраш эҳтимоли бўлиши билан тавсифланади (бачадон бўйни эрозияси, диффуз мастопатиянинг кўргина шакллари, анацид гастрит, меъда яра касаллиги).

Л. М. Шабал бўйича (1979) хавфли ўсмалар ривожланишининг тўрт босқичини ажратиш мумкин: 1 — нотекис диффуз гиперплазия босқичи, 2 — ўчоғли пролифератлар босқичи, 3 — нисбатан хавфсиз ўсма босқичи (миомалар, аденоалар, фибромалар), 4 — хавфли ўсма (рак, саркома) ривожланиш босқичи. Ўсма ривожланишида ҳамма тўрт босқичнинг бўлиши шарт эмас. Кўпинча хавфли ўсма ўчоғли пролифератлар босқичидан кейин дарҳол ривожланади.

Айрим ҳолатларда ракнинг ривожланиши қасбга оид канцероген омилларнинг таъсири билан боғлиқ. Масалан: XVIII асрда Англияда болаликдан бошлаб тутун чиқарувчи қууруларни тозаловчи шахсларда «қуур тозаловчилар раки» — моек халтаси териси раки, сонички юзаси ва қорин раки, Саксония ва Чехия кон қазувчиларида бронхоген рак, рентгенологларда рентген таъсирида келиб чиқадиган қасб тери раки, анилин заводи ишчиларида сийдик пуфаги раки ва б.к. қузатилган.

Ўсмалар ўсиши кўпинча турмушдаги заарарли одатлар билан боғлиқ. Трубка чекканда пастки лаб раки, нос чекканда — оғиз бўшлиғи ўсмаси (оғиз бўшлиғи туби, тил), сигарета чекканда — ўпка раки ривожланиш хавфи пайдо бўлади. Ер қиррасининг айрим регионларида (Хиндистон ва б.к.) йилнинг совуқ вақтларида одамлар кийим остида кўмир чўғи солинган тувақча олиб юришади, юқори ҳарорат таъсирида доимий қитиқланиш натижасида қорин териси раки ривожланади (кенгри — рак).

Антиblastom резистентлик яъни организмнинг ракка қарши чидамлилиги, аввало иммунологик назорат билан боғлиқ. Иммун тизим антиген гомеостаз, яъни тўқима ва ҳужайралар антиген таркибининг доимийлиги учун жавоб беради. Рак иммунологияси канцерогенезнинг энг мураккаб масалаларидан бири ҳисобланади. Организмда ўсма ривожланишига нисбатан иммунологик реакция мавжуд. Ўсма трансформацияси йўлига тушган ҳужайра организм иммунологик назорати томонидан элиминация қилинади (йўқотилади). Иммун тизим нотўғри ривожланиш дастурига эга бўлган ҳамма ҳужайраларни бартараф қиласи. Организмни ўсмалардан бирламчи ҳимояловчи ҳужайралар сифатида табиий киллерлар хизмат қиласи (айри-

симон без таъсирига боғлиқ бўлмаган лимфоцитлар автоном тизими). Улар ўсма нишонини олдиндан сенсибилизацияламасдан ўлдиради. Бирламчи ҳимоялашнинг бошқа ҳужайралари сифатида макрофаглар хизмат қиласди. Улар антигенни ушлайди ва субмолекуляр шаклга ўтказиши мумкин. Мобил макрофаглар антиген тўғрисида ахборотни Т – лимфоцитлар – хелперларга узатади ва келгуси иммунологик реакцияларнинг ишга тушишидан сигнал беради. Макрофаглар кўпинча ўсманни инфильтрайди ва кучли цитоксик таъсир кўрсатади. Макрофаглар эрувчи омил – интерлейкин – 1 (ИЛ-1) ишлаб чиқаради. ИЛ-1 таъсирида Т – хелперлар ИЛ-2 ишлаб чиқаради, унинг таъсирида Т – киллерлар фаоллашади ва ўсма ҳужайраси нишонига махсус цитотоксик таъсир кўрсатади. Бир вақтда Т – хелперлар янтиген тўғрисида ахборатни тинч ҳолатдаги В – ҳужайраларга узатади. Улар плазматик ҳужайраларга дифференцияланишга бошлайди ва то ИЛ-2 ажralиб тургунча кўпаяди. Плазматик ҳужайралар IgM ва IgG ишлаб чиқаради.

Иммун тизимнинг ўсма ўсишидан ҳимоя қилишда тўғри функция қилиши шунчалик муҳимки, ҳатто клонал – селекция назария асосчиси Ф. Бернет уни иммун тизимнинг етакчи ва асосий функцияси деб ҳисоблаган. Гёё организм ўсма ривожланишидан ҳимоя қилувчи ишончли ҳимояга эга экандек туйилади, аммо бир қатор омиллар борки, улар ракка қарши иммунитетнинг ривожланишига йўл бермайди:

- хавфли ўсмалар асосан табиий иммунитет даражаси пасайған кекса ёшдагиларда ривожланади;
- ўсма тўқимаси ривожланишининг илк босқичларида, ҳамма вақт ҳам етарли даражада кучли, юқори иммун жавоб чақиравчи антиген ҳисобланмайди (антиген мимикрияси ҳоллари);
- ўсма ҳужайралари иммун омиллар таъсиридан экранланган (ҳимояланган) бўлиши мумкин;
- ўсма ўсишининг ўзи иммунодепрессия чақириши мумкин;
- ташқи муҳит кўпгина омиллари канцероген таъсиридан ташқари иммунодепрессив таъсирга эга бўлиши мумкин (масалан радиофаол нурланиш ва б.к.);
 - ташқи муҳит кўпгина салбий омилларининг доимий ва сурункали таъсири (чекиш, касб канцерогенлари) иммун механизmlарининг зўриқиши ва сўнг бузилишига олиб келувчи узоқ муддатли ва ҳаддан ташқари патологик таъсир кўрсатади;
 - айрим вируслар (масалан, гепатит В вируси ва б.к.) ҳужайра ДНК си билан тўлиқ интегриланади ва ҳақиқатда ҳам организм ҳужайраларининг онкогени бўлиб қолади, ваҳоланки, бу ҳолатда генетик мимикрия ривожланади, натижада вирус ўз қиёфасини яширади (маскировкаланади), унинг иммункомпетент ҳужайралар томонидан таниш жараёни бузилади;

— хавфли ўсмалар ОИТС (СПИД) каби касалликларнинг йўлдоши ҳисобланади. Масалан ёшларда учрайдиган ОИТС да ривожлана-диган Капоши саркомаси (одатда бундай бўлмайди) бу касаллик-нинг кўп учрайдиган асорати ҳисобланади. Бунга оғир иммунтанс-лик олиб келади;

— ўсма ривожланишига олиб келувчи иммунтансликлар кўлгина сурункали инфекцион касаликлар, кўшимча иммунодепрессив таъсири қилиш хусусиятига эга доривор моддаларнинг узоқ муддатда кўлланилиши ва айниқса кўчириб ўтказилган аъзолар ажралиши-нинг олдини олиш учун маҳсус ишлатиладиган иммунодепрессант-ларнинг (циклюспорин ва б.к.) кўлланилишида юзага келади. Буй-рак кўчириб ўтказилгандан кейин ўсма касаликлари билан оғриш ўн марта га кўпаяди;

— шундай вируслар борки (Γ – ҳужайрали лейкоз вируси), улар Γ – лимбоцитларнинг бузилишига эмас, аксинча уларнинг хавфли пролиферациясига олиб келади, бу ҳолда ўсма жараёнининг олдини олиш учун лимфатик тизим ҳолатига боғлиқ бўлган иммун жавоб етарли бўлмай қолади.

Шундай қилиб, иммун тизим функциясининг бузилиши ўсма ҳосил бўлиши ва ривожланишининг энг муҳим патогенетик омили ҳисобланади.

Ўсмаларнинг экспериментал нухасини яратиш:

— ўсмаларни трансплантация қилиш усули. Дунёда биринчи марта рак ва саркоманинг катта итдан кучукчага муваффақиятли кўчириб ўтказилиши рус ветеринар врачи М. А. Новинский томонидан амалга оширилган. Ҳозирги вақтда трансплантациянинг қуидаги турлари: *автоматрансплантация* – шу организмнинг ўзида тўқиманинг бир жойдан иккинчи жойга, *изотрансплантация* – тўқиманинг бир хил на-сли (линниядаги) ҳайвоннинг биридан иккинчисига, *гомотрансплантация* (аллотрансплантация) – тўқиманинг бир хил турдаги ҳайвоннинг биридан иккинчисига ва *гетеротрансплантация* (ксенотрансплантация) – тўқиманинг бир турдаги ҳайвондан иккинчи турдаги ҳайвонга кўчириб ўтказилиши кўлланилади;

— ўсмаларни индуцирлаш – кимёвий ва физик канцерогенлар билан таъсири қилиш орқали ўсма чақириш. Япониялик олимлар Ямагива ва Ишикава қуён кулогига тошкўмир қатронини суртиш орқали ҳайвонларда деярли 100 % ҳолатларда ўсма чақиришган;

— ўсмаларни эксплантация қилиш – ўсма тўқимасини организмдан ташқарида – *in vitro* – экиш ва ўстириш. Россияда биринчи марта ҳужайра ва тўқимани экишни 1912 й. патофизиолог А. Д. Тимофеевский қуллаган ва канцероген моддалар таъсирида тўқима ма-лигнизацияланишини таърифлаган. Одам ўсма тўқимасининг (бача-дон бўйни раки) экилиши мумкинлигига биринчи марта 1950 й. Дж.

Гей эришган. Экилган тўқима Нела деб номланган. Бу экилган тўқима (культура) ҳозирги кунда ҳам яшиамоқда.

Бажариладиган амалий ишлар ва ўзлаштирилиши лозим бўлган амалий кўнижмалар билан танишиш

1-иши. Каламушга М – 1 саркомасини кўчириб ўтказиш.

Ўсмали каламуш қон чиқариш орқали ўлдирилади, тахтачага қорни юқорига қаратиб маҳкамланади, ўсма тубидаги тери жуни қирқиласди ва шу жойга йод суртилади. Ўсма юзасидаги тери асептика сақланган ҳолда кесилади, ўсманинг периферик қисмидан қайчи билан кичкина бўлаклар кесиб олинади ва Петри косачасига қўйилади. Соғлом каламуш тахтачага боғланаб, енгил эфир наркози остида ўсма ўтказиладиган жой териси ишлангандан кейин (жуни қирқиласди, йод суртилади) асептика қоидаларига риоя қилган ҳолда 1 см узунликда кесилади. Тайёрланган 3 – 4 мм катталикдаги ўсма пинцет ёрдамида кесилган жой териси остига тиқилади. Яра тикилади. Ўсма ўсиши кузатилади.

2-иши. Асцитли Эрлих карциномасининг микроскопик манзарасини ўрганиш.

Буюм ойнасига I томчи асцит эритмаси томизилади ва суртма тайёрланади. Суртма ҳавода қуритилади, 10 дақ давомида метил спиртида фиксирулана ва буюм ойна Романовский бүёғи билан тўлдирилади. 30 дақдан кейин буёқ тўкиб ташланади, суртма дистилланган сув билан ювилади ва фильтрловчи қозоз билан қуритилади. Микроскопнинг иммерсион тизимини ишлатиш орқали кўриш майдонида рак ҳужайралари топилади ва дафтарга чизиб олинади. Рак ҳужайралари катталигига ва ядроларининг шакли ҳар хиллигига эътибор берилади.

3-иши. М – 1 штаммали каламуш саркомасининг микроскопик манзарасини ўрганиш.

Микроскопнинг катта катталаштиргичи орқали ҳар хил катталидаги саркоматоз ҳужайраларнинг дуксимон шаклда ва уюрма қўринишида тутам-тутам бўлиб жойлашиши кўрилади. Ядровий бўлинишнинг ҳар хил фазаларида турган ҳужайралар аниқланади.

4-иши. Ўсма диапозитивлари ва макропрепаратларини намойиш қилиш.

Жиҳозлар: М – 1 штаммали каламуш саркомаси, Эрлих карциномасининг асцит шакли билан касалланган сичқон, корнцанглар, ўсма қисмларини олишга ва Петри косачасида аралашма тайёрлашга мўлжалланган стерил инструментлар тўғлами, йод дамламаси, натрий хлоридининг стерил изотоник эритмаси, наркоз учун эфир, пахта, наркоз маскаси сифатида ишлатиладиган воронка, буюм ойналари, Рома-

новский бўёғи, суртмаларни фиксация қилиш учун метил спирти, уларни қуритиш учун фильтрилайдиган қоғоз, иммерсион ёғ, суртмали буюм ойналарини ўрнатиш учун кюветалар ва яккачўплар, иммерсияли микроскоплар, кўчириб ўтказишига мўлжалланган ўсма препаратлари.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнижмаларни ўзлаштириш

Кўйидаги ишлар бажарилади:

- 1) каламуш М – I саркомасини кўчириб ўтказиш;
- 2) Эрлих асцитли карциномасининг микроскопик манзарасини ўрганиш;
- 3) каламуш М – I саркомасининг микроскопик манзарасини ўрганиш;
- 4) ўсма дилозитивлари ва макропрепаратларини ўрганиш.

Талаба: 1) ўсма трансплантацияси техникасини эгаллаш, унинг муваффақиятли кўчириб ўтказиш қоидасини, 2) саркома М – I ва Эрлих аденокарциномаси микроскопик тузилиш хусусиятларини тавсифлашни билиши керак.

Эксперимент баённомаси ва хулосаларни ёзиш

Талаба мустақил равишда экспериментта баённома тузади, экспериментал ўсмалар микроскопик манзарасини дафтарга чизади.

Вазиятли масалаларни ечиш

I-масала. Клиникага 52 ёшли, Н. исмли бемор чап қўли шишиши, умумий мадорсизлик, кескин ориқдаш, уйқусининг ёмонлиги шикоятлари билан келиб тушган. Объектив текширилганда: уни чап панжаси ва билаги кучли шишгандиги, пайпаслаганда қўлтиқ ости лимфатик тугуналарни катталашгандиги, чап сут безида ноаниқ чегарали, атрофдаги тўқималарга ёпишган ўсма аниқланган. Кўкрак қафаси рентгенографияси ўпканинг ўнг томонида катта бўлмаган соя борлигини кўрсатган.

1. Сизнинг тахминий ташхисингиз?
2. Чап қўл шишиши механизмини тушунтиринг.
3. Бемор ориқлашини қандай тушунтириш мумкин?

2-масала. Онкодистансерга 43 ёшли эркак бошининг тепа қисмидаги ўсма характеристи нимадан иборат эканлигини аниқлашни сўраб

мурожаат қылган. Бемор ўсмани биринчи марта болалик йилларида сезган, ўсма сўнг деярли ўзгармаган. Беморнинг кайфияти яхши. Объктив текширилганда: бошнинг юқори қисмида катта олча катталигидаги ўсма аниқланган, пайпаслаганда у юмшоқ, яхши чегаралган, қимиirlаб туради.

1. Сизнинг тахминий ташхисингиз?

2. Бу ўсманинг ўсиш характеристи нимадан иборат?

3-масала. Болалар жарроҳлик клиникасига текшириш учун 2 ёшли, М. исмли bemor ётқизилган. Унинг думғаза-дум суюги соҳасида 25x20 см ўлчамли, юмалоқ шакли, пайпаслаганда қаттиқ ўсма аниқланган. Аhamnезидан маълум бўлишича ўсма бола туғилгандан кўп ўтмасдан пайдо бўлган, тезлик билан катталашган ва кўрсатилган ўлчамга етган. Бола гипотрофия ҳолатида, юрмайди, чунки ўсма ўлчами ниҳоятда катта. Текширганда ўсманинг орқа мия канали билан боғлиқлиги тўғрисида шубҳа туғилган. Ота—онасининг талабига биноан бола операция қилинган. Операция давомида аниқланишича ўсма думғаза суюги тўқимасидан ўсганлиги ва унинг орқа мия канали билан боғлиқ эмаслиги аниқланган. Ўсма олиб ташланган. Бемор операцияни эсономон кечирган ва яхши ҳолатда уйига жавоб берилган. Текширилганда ўсмада соchlар, тирноқ, тишлар топилган.

1. Бу қандай ўсма? Унинг ривожланиш механизми нимадан иборат?

2. Бундай ўсма ўсишини қайси назария билан тушунтириш мумкин?

4-масала. 48 ёшли, Г. исмли bemorni рентгенологик текширишда йўғон ичак полипози топилган. Бемор нормал тана тузилишига эга, ориқламаган, умумий ҳолати қониқарли, бирдан-бир шикояти вақти-вақти билан ахлатда алвон рангли қон пайдо бўлишидан иборат.

1. Сиз бу касаллик тўғрисида нима биласиз?

2. Сизнинг фикрингизча шифокор тактикаси нимадан иборат бўлиши керак?

Интеграция амалга оширилиши лозим бўлган фанлар

1. Жарроҳлик касалликлари (онкология курси).

2. Болалар касалликлари ва ички касалликлар пропедевтикаси.

3. Рентгенорадиология.

4. Эндокринология.

I Иловалар**ЗАМИНИЙ БИЛИМЛАР ДАРАЖАСИ САВОЛЛАРИГА
ЖАВОБЛАР ЭТАЛОНИ (НАМУНАСИ)****2 - Машгулот**

1. Ток параметрлари: ток турлари, ток кучи, тебраниш сони, кучланиши, токка қаршилик. Ток кучи ток кучланишига ва түкима қаршилигига боғлиқ.

2. Ҳар хил түкималарнинг ток ўтказувчанлиги ҳар хил ва у түкималардаги сув миқдорига боғлиқ. Электротүкималарнинг сувлари токка жуда паст, орқа мия суюқлиги, қон ва мушакларда юқори.

3. Парциал босим — газлар умумий аралашмасидаги ҳар бир газнинг босими. Кислород парциал босими:


$$\begin{aligned} & 760 \text{ мм сим. уст.} - 100 \% \\ & X = 21 \% (\text{O}_2) \\ & X = \frac{760 \times 21}{100} = 159,6 \text{ мм сим. уст.} \end{aligned}$$

Парциал босим шу газни газлар умумий аралашмасининг фоиздаги миқдорига ва умумий босим даражасига боғлиқ.

4. Босим кўтарилиганда газлар эрувчанлиги ошади, пасайганда камайди. *Нормобария* – атмосфера босимининг нормал даражаси (760 мм сим. уст. ёки 101,3 кПа). *Гипобария* – атмосфера босимининг камайиши, *гипербария* – атмосфера босимининг кўтарилиши. *Барокамера* – қонда газлар эрувчанлигини ошириш мақсадида атмосфера босимини кутариш учун хизмат қиласидан аппарат.

5. Организм паст атмосфера босими таъсирига баландликларда, юқори босим таъсирига – чукурликларда (сув ва ер остида) дуч келади.

6. Ионловчи радиация – юқори энергия ташувчи нурланиш бўлиб, түкималарга кириб атом ва молекулалар қўзғалиши ва ионизацияси ни чақиради. Ионловчи радиациянинг биофизик эфектлари: радиофизик, радиокимёвий, радиофизиологик таъсирилардан иборат. Сув радиолизи:



7. Корпускуляр нурлар: альфа–нурлари, бета–нурлари, протонлар оқими, нейтронлар оқими. **Нокорпускуляр нурлар:** гамма нурлари (Рентген нурлари).

8. Гамма – нурлари энг кўп тарқалиш, сингиб кетиш хусусиятига эга. *Пара ионлар* – бу орбитадан чиқарилган электрон ва ундан кейин қолган атом ёки молекулаларнинг мусбат зарядланган қисми.

9. 36 – 37°C ҳарорат нормал модда алмашинувини таъминлайди (ферментлар – биологик катализаторлар учун оптимал ҳарорат).

10. Пойкилотерм ёки совукқонли ҳайвонлар ташқи муҳит ҳароратига боғлиқ бўлган ўзгарувчан тана ҳароратига эга бўлади.

11. Юқори ҳарорат тўқимада оқсил денатурациясини (коагуляциясини) чақиради.

12. Инфрақизил нурлар иссиқлик, ультрабинафша нурлар – биологик (тери пигментацияси, гистамин, ацетилхолин ажралиши) эфектга эга.

13. Ультратовуш энергияси иссиқлик ва механик эффект беради.

14. 20 000 Гц ва юқори.

3 - Машгулот

1. *Хромосома* – ирсиятнинг материал бирлиги бўлиб, кимёвий тузилиши бўйича, қўш спирал шаклдаги ДНК нинг гигант (жуда катта) молекуласидир. Ген – хромосоманинг бир қисми, ирсиятнинг функционал бирлигидир. Аллеллар – гомологик хромосоманинг жуфт генлариdir.

2. ДНК ва РНК – нуклеин кислоталари, наслий белгиларнинг ўтказилишига маъсул. ДНК кимёвий таркиби: дезоксирибоза, фосфор кислота қолдиги, азот асослари (аденин, гуанин, тимин, цитозин), ДНК ҳужайра ядросида жойлашган ва РНК синтези учун қўйма қолип (матрица) ҳисобланади. РНК асосан цитоплазмада жойлашган ва қўйидаги таркибга эга: рибоза, фосфор кислота қолдиги, азот асослари (аденин, гуанин, урацил, цитозин). РНК турлари: информацион, транспортловчи, рибосомал. Информацион ёки матрицабоп РНК оқсиллар биосинтезида матрица ролини ўйнайди, оқсил тузилишида аминокислоталар кетма-кетлигини трансляциялади. Транспортглайдиган РНК аминокислоталар қолдиqlарини рибосомага транспорт қиласди. Рибосомал РНК рибосомада оқсил синтези учун зарур.

3. Хромосомалар йиғиндиси *кариотип* дейилади. Одамда у 46 хромосомадан ташкил топган.

4. Соматик ҳужайралардаги 46 хромосома (23 жуфт) *диплоид* йиғинди, жинсий ҳужайралар – гаметалардаги – 23 хромосома *гаплоид* йиғинди дейилади.

5. Соматик ҳужайралардаги 46 хромосомадан 44 таси *аутосом* ва 2 таси жинсий ёки *аллосомалар* (аёлларда XX, эркакларда XY) дейилади. Жинсий ҳужайра 23 хромосомаларидан 22 таси аутосомалар ва 1

таси аллосома (аёл гаметаларида ҳамма вақт X хромосома, эркаклар гаметаларида ёки X ёки Y хромосома).

6. *Генотип* – ҳамма генлар йигиндиси яъни организмнинг ген фонди. *Фенотип* – ҳамма наслий белгилар мажмуи (кўз ва соч ранги, қон турорлари ва б.к.)

7. Агар ташув белгиси буйича хромосома тўпламидаги аллеллар бир хил бўлса, организм *гомозигот*, агар аллеллар ҳар хил бўлса – *гетерозигот* дейилади.

8. Жуфт генлардан биттаси *доминант* дейилади, у ҳамма вақт ўзини намоён қиласи, устивор бўлади, доминирланади, иккинчиси – *яширин*, рецессив ҳисобланади, доминант ген томонидан босилади.

9. Менделнинг I қонуни – доминирланиш қонунига асосан биринчи авлодда аналогик аллел белгилари билан ажralиб турувчи зотларнинг ўзаро чатишувидан фақат генларнинг биттаси – доминанти намоён бўлади, иккинчиси яширин ҳолда қолади.

Менделнинг II қонуни – парчаланиш, бўлиниш қонуни дейилади. Биринчи авлод гибридларининг ўзаро чатишувида аллел генлар жуфти бир – биридан айрилади ва авлоднинг биринчи бўғинида яширин бўлган доминант ва рецессив белгилар маълум миқдорий нисабатда (3:1) намоён бўлади.

Менделнинг III қонуни – белгиларнинг бир-бирига боғлиқ бўлмаган комбинацияланиш: авлодда чатишууда иштирок қилувчи ҳамма аллел жуфтлари эркин комбинацияланади ва маълум миқдорий нисбатда уларнинг хилма-хил комбинациялари юзага келади.

4 - Mashgʻulot

1. *Хужайра (cellula)* – ҳамма тирик жоннинг энг майдага бирлиги.

2. *Эукариотлар хужайраси* уч асосий компонент: ядро, цитоплазма ва қобигдан тузилган.

3. *Хужайра органеллалари* – хужайра ичи тузилмалари бўлиб, хужайра функциясини амалга оширади. Мембрани тузилишга эга бўлган органеллалар: эндоплазматик тўр, Гольджи пластинкасимон комплекси, лизосомалар, пероксисомалар ва митохондриялар ва но-мембрани органеллалар: центриолалар, рибосомалар, микротрубоч-калар, микрофиламентлар мавжуд.

4. Хужайра тузилишини Роберт Гук (1665 й.) тавсифлаган, ўсимлик ва ҳайвон хужайраси тузилишини Шлейден ва Шванн (1838 й.) аниқлаган, хужайра патологиясини Р. Вихров (1858 й.) яратган.

5. Хужайра ядросининг функцияси: хужайра бўлинишида генетик ахборотни (информацияни) саклаш ва узатиш; оқсил синтезини таъминлаш.

6. Цитоплазма мембранны – липопротеид табиатли цитоплазма қобиги. Унинг функцияси: транспортловчи ва барьер – рецепторли.

7. Эндоплазматик түр функцияси – оқсил синтези, липидлар ва полисахаридлар метаболизмida иштирок қилиш. Кўндаланг - тарғил мушаклар эндоплазматик тўрида кальций ионлари деполанади, эндоплазматик тўрда уларнинг деполаниши мушак толаларининг бўшашишига олиб келади.

8. Гольджи комплекси метаболизм жараёнларида ва шунингдек полисахаридлар синтезида, уларнинг оқсиллар билан комплексланнишида, мукопротеидлар ҳосил бўлишида, хужайрадан тайёр секретларнинг чиқарилишида иштирок қиласди.

9. Лизосомалар ўзида гидролитик ферментлар (протеиназалар, нуклеазалар, липазалар ва б.к.) ушлайди. Пероксисомалар аминокислоталар оксидланиш ферментлари, водород пероксидини парчаловчи каталаза ферментини сақлади.

10. Митохондрияларда хужайра нафаси кечади – органик бирикмаларнинг оксидланиши ва ажралган энергиянинг АТФ молекуласи синтези учун (оксидланишнинг фосфорланиш билан бирга боғланган ҳолда кечиши) ишлатилиши рўй беради.

11. Номембрани органеллалар – хужайра тузилишининг таянч – ҳаракат тузилмалари ҳисобланади. Центриолалар хужайра бўлиннишида иштирок қиласди.

12. *Митоз ёки кариокинез* – хужайранинг билвосита бўлиниши. Унинг фазалари: профаза, метафаза, анафаза, танафаза.

13. Хужайра насоси – хужайрага сув, электролитлар, шакар ва бошқа маҳсулотларни уларнинг концентрацияси градиентига қарама-қарши тушишини таъминлайди. Калий-натрий насоси хужайра мембранныси орқали натрий ва калий ионларининг осмотик кучга қарши ҳаракатини бошқаради. Хужайра ичидаги калий ионлари концентрацияси хужайра ташқарисига қараганда 20 – 30 марта юқори даражада сақланади, хужайра ичидаги натрий ионлари концентрацияси эса хужайра ташқарисига қараганда таҳминан 10 марта камдир. Калий-натрий насоси иши макроэргик бирикмалар (АТФ) энергияси орқали таъминланади.

5 - Машғулот

1. *Микроциркулятор ўзан* – майда томирлар тизими бўлиб, артериолалар, гемокапиллярлар, венулалар, ҳамда артериовенуляр анастомозларни ўз ичига олади.

2. *Қон томири капиллярлари* – организмнинг жуда кўп сонли ва энг майда томирлари ҳисобланади. Энг ингичка, диаметри 4 – 5 дан 6 – 7 мкм гача бўлган капиллярлар кўндаланг-тогай мушаклар, асадлар ва ўлкада бўлади, йирикроқлари (7–11 мкм) – тери ва шиллик қаватларда учрайди. Капиллярнинг веноз қисми диаметри унинг артериал қисмига қараганда 1,5 – 2 марта кенгроқдир.

3. Капилляр девори уч қават: ички (эндотелиал ҳужайралар), ўрга (базал мембронага жойлашган перицетлар) ва ташқи (адвентициал ҳужайралар ва коллаген толалари) юпқа қатламдан иборат.

4. Гистогематик барьер эндотелий, капилляр базал мембронаси, ҳамда периваскуляр бириктирувчи тўқимадан ташкил топган. Базал мемброна аморф модда ва фибрилляр тузилмалардан иборат, унда унинг моддаларга нисбатан танлаб ўтказувчанилиги билан боғлиқ бўлган карбонсув—оқсил—липидлар комплекси сақланади. Базал мемброна қалинлиги 30 – 35 нм.

5. Одатда физиологик шароитда ҳар бир тўқимада 50 % гача ишламайдиган капиллярлар бўлади, уларнинг тешиги кичрайган, шакли элементлар улар орқали ўтмайди. Капиллярлар очилганда уларнинг тешиги нормаллашади, аммо улар фақат плазма сақлайди (булар плазматик капиллярлар). Функцияланувчи ёки очилган капиллярлар ишлаетган аъзоларда устиворлик қиласи, уларда яхлит қон циркуляция қиласи. Икки хил функцияланувчи капиллярлар: магистрал ва ёнлама капиллярлар фарқ қилинади, кейингилари капиллярлар тўрини ҳосил қиласи.

6. Капиллярлар ўтказувчанилиги базал мемброна ва томирни ўраб олган бириктирувчи тўқиманинг асосий моддаси ҳолатига, шунингдек қонда кальций тузлари концентрацияси ёки қонга протеолитик ферментлар тушишига боғлиқ. Гиалуронидаза таъсирида гиалурон кислотанинг парчаланиши капиллярлар ўтказувчанилигининг ошишига олиб келади.

7. Капиллярларда алмашинув жараёни учун энг қулай шароит капиллярлар деворининг ингичка бўлиши, уларнинг тўқимага тегиб туриш майдонининг катта бўлиши (6000 м^2 кўпроқ), қон оқими-нинг секинлиги (0,5 мм/с), қон босимининг паст бўлиши (20 – 30 мм сим. уст.) орқали таъминланади.

6 - Машгулот

1. Периферик қон айланиши – қоннинг майдага артериялар, капиллярлар ва веналарда ҳамда артериавеноз анастомозларда циркуляция қилиши.

2. Артериолалар – мушак типли, диаметри 50 – 100 мкм дан кўп бўлмаган майдага артериал томирлар бўлиб, яхши ифодаланган резистент функцияга эга, қон босимини ушлаб туради, силлиқ мушак ҳужайраларининг қисқариши туфайли аъзоларга қон оқиб келишини регуляция қиласи.

3. И. М. Сеченов ифодаси бўйича артериолалар «томир тизими-нинг кранлари» ҳисобланади.

4. Томирларнинг силлиқ мушаклари доимо (ҳатто асаб гуморал таъсирот бўлмагандага ҳам) қисман қисқариш ҳолатида бўлади – бу

базал тонусдир. Унинг юзага келиши томир девори силлиқ мушаги айрим қисмларида автоматия ўчоғлари мавжудлиги билан боғлиқ,

5. Артеријалар ва артериолалар симпатик асабларнинг (медиатори — норадреналин) узликсиз томир торайтирувчи (вазоконстрикторловчи) таъсири остида туради. Парасимпатик асаб толалари (медиатори — ацетилхолин) томир кенгайтирувчи (вазодилатацияловчи) хусусиятга эга. Доимий тоник импульсация симпатик асаб толалари орқали келиб туради. У томир ҳаракатлантирувчи марказда шаклнади ва томирлар силлиқ мушаклари қисқаришини маълум даражада сақлаб турали.

6. *Венулалар* — микроцикулятор ўзанининг тармоқланувчи қисми томирлари. Посткапилляр венулалар диаметри 15 – 30 мкм, йиғувчи веналар диаметри – 30 – 50 мкм, мушакли веналар диаметри – 50 – 100 мкм атрофика бўлади. Бу томирлар метаболизм маҳсулотларини олиб чиқиб кетади, қон ва томир ташқарисидаги суюқлик орасида гематолимфатик мувозанатни регуляция қиласди. Венулалар девори орқали худди капиллярлардагидек лейкоцитлар миграция қиласди. Посткапиллярлар девори ниҳоятда чўзилувчан ва юқори ўтказувчанликка эга.

7. Микроциркулятор ўзанининг веноз қисмida қоннинг деполаниши учун шароит қон оқимининг секинлиги (1 сонияда 1 – 2 мм дан юқори эмас), паст қон босими (10 мм сим. уст атрофика), ҳамда бу томирларнинг чўзилувчанлиги билан яратилади.

8. Томир торайтирувчи моддаларга адреналин, норадреналин, вазопрессин, серстонин, ренин, ангиотензин ва б.к. киради; томир кенгайтирувчи моддаларга — простагландинлар, брадикинин, ацетилхолин, гистамин, АТФ ва унинг парчаланиш маҳсулотлари, сут, кўмир кислоталари ва б.к. киради.

7 - Машгулот

1. *Артериоловенуляр анастомозлар* — ёки шунтлар — артериал қонни капиллярлар ўзанисиз веналарга ташувчи томирлар кўшилишидир. Уларнинг калибри 30 дан 500 мкм гача, узунлиги 4 мм, 1 дақ. 2 – 12 марта қисқариш хусусиятига эга.

2. Шунтлар икки турда бўлади: чин — улар орқали соф артериал қон оқади ва атипик (ёки яримшунтли) — улар орқали аралаш қон оқади, бундай шунтларда артериолалар ва венулалар калта капилляр типли томирлар билан уланади.

3. Шунтлар қуйидаги функцияларни бажаради: 1) аъзо орқали оқадиган қон оқими ва қон босимини (умумий ва маҳаллий) регуляция қилиш; 2) веноз қон оқими ва вена қоннинг артериализациясини жадаллаштириш; 3) деполантган қон ва тўқима суюқлиги

оқимини веноз ўзанга жалб (мобилизация) қилиш; 4) организмда қон айланиш бузилиши ва патологик жараёнларда ривожланадиган компенсатор реакцияларда иштирок қиласы. Шунтлар орқали қон капиллярларсиз артериолалардан венулаларга тушады. Қон оқишининг централизацияланиши юзага келади, натижада ҳаётий мұхим аязларда босим сақланиб турады.

4. Коллатераллар – қон оқимини четлаб ўтадиган йүл бўлиб, асосий устуннинг ёнбош тармоқлари ҳисобланади. Қон билан таъминланишнинг бузилишининг тикланишида мұхим аҳамиятта эга. Ҳатто оёқ йирик артериясининг ишдан чиқиши коллатерал қон оқими туфайли унинг ўлишига олиб келмайди.

5. Юқори даражали энергия алмашинуига эга бўлган мия, юрак, буйрак ва талоқда коллатерал қон айланиши етишмовчилиги мавжуд.

8 - Машғулот

1. Соғлом одам томири ўзанида қоннинг суюқ ҳолати қон ивиши, қон ивишига қарши ва фибринолитик тизимларнинг мувозанати билан таъминланади.

2. Қоннинг томир ичида ивишига томир эндотелийсининг силлиқ юзаси, томир девори ва қон шаклли элементларининг манфий заряди (бир хил зарядлар бир-биридан узоклашади), томир деворида юпқа фибрин қатламининг, қон ивишини адсорбцияловчи омилнинг бўлиши, қон ивиши омилларининг бир жойда керакли концентрацияга эришишга йўл қўймайдиган қон оқишининг катта тезлиги қаршилик кўрсатади.

3. Гемостаз – қон кетишининг тўхташи. Соғлом одамда майда томирлар шикастланишида қон кетиши 1 – 3 дақ. тўхтайди. Томирлар торайиши ва уларнинг тромбоцитлар агрегати билан тиқилиши натижасида юзага келадиган бирламчи гемостаз ва тромбоцитлар қайтмас агрегацияси билан тавсифланадиган иккиламчи гемостаз (қонни ивиши) фарқ қилинади.

4. Қон ивиши уч фазани кечади: 1 – фаол тромбопластин (тромбокиназа) ҳосил бўлиши; 2 – протромбиндан фаол тромбопластин ва кальций ионлари таъсирида тромбин ҳосил бўлиши; 3 – фибриногендан тромбин таъсирида фибрин ҳосил бўлиши.

5. Прокоагулянтлар – қон ивиши омиллари. Қон ивишининг плазмати омиллари (улар 13, рим рақамлари билан белгиланади) ва қон ва тўқима шаклли элементларининг ивиш омиллари фарқ қилинади.

6. Антикоагулянтлар – қон ивишини тормозловчи омиллар. Улардан энг кучлиси бириктирувчи тўқима базофиллари ва семиз ҳужай-раларида ҳосил бўладиган антитромбин III, IV ва гепарин ҳисобланади.

7. Фибринолиз – қонда кам миқдорда фибриногендан ҳосил бўла-диган фибриннинг узлуксиз кечувчи парчаланиш жараёни бўлиб, қоннинг суюқ ҳолатда сақланишига хизмат қиласи. Фибринолиз ме-ханизми: нофаол плазминоген – плазма глобулини – қон ва тўқима ферментлари таъсирида фаол шаклга – плазминга ёки фибрин пар-чаловчи фибринолизинга айланади.

8. Веналарга хос бўлган хусусиятлардан бири уларда клапанлар-нинг – қоннинг тескари оқишига қаршилик кўрсатувчи мосламала-рининг – бўлишидир. Оёқ веналарининг функционал вазифаси ни-ҳоятда юқори, чунки қоннинг оқими қоннинг оғирлик кучини ен-гиши керак.

9. *Vasa vasorum* – «томирлар томирлари» – йирик ва ўрта қон томирларининг ўзини-ўзи озиқалаш тизими (васкуляризация). Улар томир девори ўрта пўстлоғи чуқур қатламларигача кириб боради.

10. Йирик веналар (бўйинтурук, ўмровости ва б.қ.) тананинг бу қисмлари фасцияларининг (мушак пардаси) ўзига хослиги туфайли суст бўшашибди уларда босим нолга яқин ёки манфий бўлади.

9 - Машғулот

1. Аъзонинг функционал элементи ёки *гистион* – бириктирувчи тўқима функционал бирлиги бўлиб, ҳужайралар, толали тузилма-лар, асосий субстанция, асаб толалари ва уларнинг охиirlари, миқ-роциркулятор ўзан ва лимфатик йўлларни ўз ичига олади.

2. Кон ва ҳужайрашаро бўшлиқ орасида суюқлик ва модда алма-шинуви асосида иккита асосий механизм ётади: диффузия; фильт-рация ва реабсорбция. Сув ва сувда эрувчи моддалар (глюкоза, NaCl, альбуминлар ва ҳ.к.) капиллярлардаги тешикчалар орқали ўтади. Ёнда эрувчи алкоголь типидаги моддалар ҳамда O₂ ва CO₂ капилляр мем-бранаси бутун юзаси орқали эркин диффузияланади.

3. *Пиноцитоз* – капилляр деворлари орқали йирик молекулалар-нинг кириш ва ўтказилиш йўли. Бунда капилляр ҳужайра мембрана-си инвагинацияланади (ўзига тортилади), молекулани ўраб оловичи вакуола ҳосил қиласи; ҳужайранинг қарама-қарши томонида теска-ри жараён кечади.

4. *Базал мембрана* – эндотелий ва унинг остидаги товак бирикти-рувчи тўқима орасида чегаравий парда ҳисобланади, ҳужайра қава-тини мустаҳкамлаш учун хизмат қиласи ва унинг ҳужайрасини ич-карига кўчишига йўл қўймайди. Базал мембрана асосий моддаси-нинг функционал хусусияти унинг таркибига кирувчи гликозами-ногликанлар: сульфатланган хондроитсульфат кислота ва сульфат-ланмаган гиалурон кислоталари билан боғлиқ.

5. *Хемотаксис* – лейкоцитларнинг маълум кимёвий таъсировчи-ларга ёки улардан тескари томонга ҳаракати. Хемотаксис мус-

бат – ҳаракат қимёвий таъсирловчи манбага қаратилган ва манфий – ҳаракат таъсирловчи манбага қарама-қарши қаратилган бўлиши мумкин. Хемотаксис ҳужайра озиқаланиши, фагоцитоз ва ҳужайра айрим функционал хусусиятлари асосида ётади. Нейтрофиллар, мононитлар, лимфоцитлар хемотаксис хусусиятига эга. Хемотаксис-нинг моҳияти уларнинг цитоплазмаси микротубуляр аппаратининг фаоллашиши ва лейкоцитнинг амёбосимон ҳаракатини амалта оширувчи псевдоподийлар (сохта оёқчалар) актомиозин ипларининг қискаришидан иборат.

6. *Осмотик босим* эритмада бўлувчи ҳамма моддаларнинг суммар концентрацияси билан аниқланади. *Онкотик босим* – осмотик босимнинг бир қисми бўлиб, оқсил заррачаларининг концентрацияси билан аниқланади.

7. Нормада одам қони плазмасининг осмотик босими 7,6 атм. га генг ва асосан тузлар ҳисобига таъминланади. Қон онкотик босими нормада 25 мм сим. уст. (0,03 – 0,04 атм.) атрофида бўлади.

10 - Машғулот

1. *Фагоцитоз* (юн. phagos – еб юборувчи + kytos – ҳужайра) – микроб ва тирик ҳужайраларнинг ҳар хил бириктирувчи тўқима ҳужайралари – фагоцитлар томонидан ютилиш ва ҳазм қилиниш жараёнидир. Фагоцитоз таълимоти асосчиси улуғ рус олими эмбриолог, зоолог ва патолог И. И. Мечниковдир.

2. *Фагоцитоз турлари*: тугалланган, фагоцит танасида объектнинг тўлиқ парчаланиши, ва тугалланмаган фагоцитозга учраган объект фагоцит ичida ҳалок бўлмайди, тирик ҳолда қолади ва ҳатто унда кўпаяди ҳам.

3. *Ферментлар* – тирик организмда мавжуд оқсил табиатли моддалар бўлиб, унда кечувчи кимёвий реакцияларни бир неча марта тезлаштиришга қодир специфик биологик катализаторлардир. *Амилолитик* (карбонсувларни парчалайди), *липолитик* (ёғларни парчалайди) ва *протеолитик* (оқсилларни парчалайди) ферментлар фарқ қилинади.

4. *Лизосомалар* – ферментлар сақловчи ҳужайра ичи органеллалири бўлиб, макромолекулаларни (оқсиллар, нуклеин кислоталари, полисахаридлар, липидлар) парчалашиб билан бирга ҳужайра ичи ҳазмини амалта ошириш хусусиятига эга. Лизосома нордон гидролазалари микроорганизмлар ва вируслар лизисини чақириши мумкин.

5. Ҳужайрада жойлашган бирикмаларини лизосомал ферментнинг парчаловчи таъсиридан лизосомани қопловчи бир қаватли липопротеид мембрана ҳимоя қиласи.

6. *Репаратив регенерация* – шикастловчи омил таъсиридан кейин, тузилма шикастланишларининг йўқотилиш (ликвидация) жараёни.

У тўлиқ (реституция) ўлган тўқиманинг худди ўзига ўхшаш тўқима билан тикланиши ва тўлиқ бўлмаган (субституция) шикастланиш зонасида чандиқ ҳосил бўлиши билан намоён бўлади.

7. Крахмалга сифатли реакция йод билан реакция ҳисобланади: кўк рангга бўялиш кузатилади. Оқсилга сифатли реакция – сульфосалицил (ёки азот) кислота билан реакция ҳисобланиб, бунда эритма лойқаланади.

8. Фенолфталеин индикатори нордон ва нейтрал мұхитда рангсиз, ишқорий мұхитда — тўқ қизил (малина) рангни беради.

11 - Машгулот

1. *Изотермия* – ташқи мұхит ҳароратининг ўзгаришига боғлиқ бўлмаган тана ҳароратининг доимийлигидир. Одам ва олий ҳайвонлар изотермия хусусиятига эга. Улар ҳәтида ҳарорат гомеостазининг роли ниҳоятда юқори, чунки ферментларнинг – биологик катализаторларнинг нормал ишлаши учун оптималь ҳарорат ($36 - 37^{\circ}\text{C}$) зарур.

2. Тана ҳароратига боғлиқ ҳолда икки хил: гомойотерм – иссиқ-қонли ва пойкилотерм – совуққонли ҳайвонлар ажратилади. Тана ҳарорати гомойотерм ҳайвонларда доимий, пойкилотермларда – ўзгариб турувчи ва ташқи мұхит ҳароратидан кам фарқ қиласи. Гомойотерм ҳайвонларга қушлар, сут эмүвчилар, одам киради. Пойкилотермларга – оддий ҳайвонлар (балиқлар, сувда ва қуруқликда яшовчилар, судралувчилар ва б. қ.) киради.

3. Терморегуляция маркази гипоталамусда жойлашган. У иссиқлик ҳосил бўлиши ва ташқарига берилишини бошқаради ва тана ҳароратининг доимийлигини сақладайди.

4. Ҳароратнинг доимийлиги кимёвий ва физик терморегуляция орқали амалга оширилади. Кимёвий терморегуляция – иссиқлик ҳосил бўлишини, физик – иссиқликни ташқарига берилишининг бошқарилишидир. Иссиқлик ҳосил бўлиши организм ҳужайраларида модда алмашинуви натижасида кечади; иссиқликнинг ташқарига берилиши физик жараёнлар (буғланиш, нурланиш, ўтказилиш ёки конвекция) орқали амалга оширилади.

5. Соғлом одамнинг тана ҳарорати (қўлтиқ остида) $36,5 - 36,9^{\circ}\text{C}$, тўгри ичакда – $37,2 - 37,5^{\circ}\text{C}$ бўлади. Кун давомида тана ҳарорати $0,5 - 0,7^{\circ}\text{C}$ атрофига ўзгариб туради. Тинч ҳолат ва уйқу ҳароратни камайтиради, мушак фаолияти эса уни оширади.

6. *Гипотермия* (организмни совутиш) – иссиқлик балансининг бузилиши бўлиб, тана ҳароратининг камайишига олиб келади.

7. *Гипертермия* (организмнинг ортиқча қизиши) – тана ҳароратининг вақтинча кўтарилиши бўлиб, терморегуляция механизми-

нинг бузилиши ва иссиқликнинг ташқарига берилиши ва иссиқлик ҳосил бўлишининг бир—бирига мос келмаслиги натижасида келиб чиқади.

12 - Машғулот

1. *Иммунитет* (лат. *immunitas* – нимадандир озод бўлиш) – ҳар қандай генетик ёт агентларни, шу жумладан касал чақирувчи микроблар ва уларнинг токсинларини қабул қиласлиқ, юқтираслиқ. Иммунитетнинг биологик роли инфекцияга қарши кураш, ўсма ўшининг олдини олиш, қарилликка қарши кураш, организмнинг индивидуал антиген хусусиятини (антиген гомеостази) саклашдан иборат.

2. Иммунитет тўғрисидаги фан *иммунология* дейилади. Эдуард Дженнер (1796) – чечакка қарши эмлаш усулини кашф қилди. Илмий иммунология асосчиси Луи Пастер (XIX аср иккинчи ярими) – инфекцион касалликлар (товуқ вабоси, сибир яраси, кутуриш) кўзғатувчиларини кучсизлантириш усулини ишлаб чиқди, инфекцияга қарши специфик иммунизация мумкин эканлигини исботлadi. И. И. Мечников ҳужайра иммунитети (фагоцитоз) ролини исботлadi; П. Эрлих – касал қабул қиласлиқда гуморал омиллар (антитанаалар) ролини тасдиқлади.

3. Наслий (тур) ва орттирилган иммунитет фарқ қилинади. Наслий иммунитет наслдан – насила берилади ва тур резистентлиги (чидамлиги) билан боғлиқ. У мутлоқ ва нисбий бўлиши мумкин. Мутлоқ тур иммунитетига мисол: одамда ит ва шохли ҳайвонлар тоунини (чума) юқтираслиқ хусусияти бор, ҳайвонлар вабо ва бўғма касаллиги билан касалланмайди. Нисбий тур иммунитетига мисол: ноқулай шароит (совқотиш, ортиқча қизиш, авитаминозлар ва ҳ.к.) яратиш орқали касаллик юқтираслиқни ўзгартириш мумкин. Масалан совқотишда товукларга сибир ярасини юқтириш мумкин, одатда эса улар бу касаллик билан касалланмайди. Одамда орттирилган иммунитет унинг ҳаёти давомида шаклланади ва наслдан – наслга берилмайди.

4. Орттирилган иммунитет табиий ва сунний хилларга бўлинади, уларнинг ҳар бири ўз навбатида фаол ва пассив бўлиши мумкин. Орттирилган табиий фаол иммунитет юқумли касалликларни ўтказгандан кейин ҳосил бўлади, пассивга – чақалоқлар иммунитети (онадан ҳомилага йўлдош ёки она сути орқали ўтади) киради. Сунний фаол иммунитет вакцина, пассив – иммун зардоб яъни тайёр антитаналар юбориш орқали чақирилади.

5. *Антигенлар* – организм учун генетик ёт моддалар (оқсиллар, нуклеопротеидлар, полисахаридлар ва б.к.) бўлиб, уларнинг юборилишига организм специфик иммун реакцияларнинг ривожлани-

ши билан жавоб беради. Антигенлар иккита хусусиятта эга: антитана ва иммун (сенсибилизацияланган) лимфоцитлар ҳосил бўлишини чақиради ва антитаналар ва иммун лимфоцитлар билан ўзаро таъсирга киради.

6. *Гаптенлар* – антиген хусусиятига эга бўлмаган моддалар. Уларга кўпгина макромолекуляр бирикмалар, масалан доривор препаратлар, оддий кимёвий моддалар (бром, йод, хром, никел ва б.к.), шунингдек оқсил табиатига эга бўлмаган мураккаброқ маҳсулотлар (айрим микроб маҳсулотлари, полисахаридлар ва б.к.) киради. Гаптенлар организмга кирганда иммун механизмлар ишга тушмайди, улар организм тўқимаси оқсили билан бириккандан кейингина антиген (аллерген) бўлиб қолади. Бунда конъюгацияланган ёки комплекс деб номланувчи антигенлар ҳосил бўлади ва организмни сенсибилизациялади. Бу гаптенлар (аллергенлар) организмга такroran тушганда, кўпинча ҳосил бўлган антитаналар ва (ёки) сенсибилизацияланган лимфоцитлар билан мустақил равишда, олдиндан оқсил билан бирикмасдан боғланади.

7. *Антитаналар* – антиген юборилишига жавобан ҳосил бўлувчи ва у билан специфек реакция беришга қодир, қоннинг специфик оқсиллари – иммуноглобулинлардир. Иммуноглобулинларнинг беш синфи: IgG, IgM, IgA, IgE, IgD фарқ қилинади. IgG ҳамма глобулинларнинг 80 % ни ташкил қиласди, йўлдош орқали енгил ўтади. Жуда фаол равишда бактерия, экзотоксин, вирус антигенларини ўзига боғлади. Антиген стимуляциясидан кейин биринчи бўлиб IgM пайдо бўлади, қонга киравчи грамманфий бактерияларга таъсир кўрсатали, фагоцитозни фаоллайди, IgG га нисбатан бир неча марта фаолроқ IgA нафас ва ошқозон-ичак тракти шиллиқ пардаларини микроорганизмлардан ҳимоя қиласди. IgE ёки реагинлар, аллергик реакциялар ривожланишида рол ўйнайди. IgD яхши ўрганилмаган. Уларнинг аутоаллергик жараёнлар, жумладан қалқонсимон без шикастланишида иштирок қилиши тахмин қилинади.

8. Организмда иммун жавобни лимфоид тизим амалга оширади. Унда антитаналар ишлаб чиқарилади ёки сенсибилизацияланган лимфоцитлар тўпланади. Иммунитетнинг марказий аъзолари: айрисимон без (тимус), кўмик, Фабрициус тўрваси (қушларда), одамда унинг мумкин бўлган аналоглари – ичак пейер тошмалари, кўмик, эмбрионал жигар. Иммунитетнинг периферик аъзолари: талоқ, лимфатик тугунлар, солитар (йирик) фолликулалар (пуфакчалар), қон ва б.к.дир.

9. Қон ва лимфада иммунокомпетент хужайралар – лимфоцитлар мавжуд. Т, В ва нул лимфоцитлар фарқ қилинади. Т – лимфоцитлар хужайра иммунитетга, В – лимфоцитлар эса гуморал иммунитетга (антитаналар ишлаб чиқарилиши) жавоб беради. Нул хужайралар

мембранасида Т- ва В – лимфоцитларнинг типик маркери бўлмайди, улар комплемент иштирокини талаб қўлмайдиган ҳужайра — нишонининг антитанага тобе бўлган лизисини амалга оширади. Т - ва В - лимфоцитлар кўмик устун ҳужайраларидан ҳосил бўлади, аммо Т - лимфоцитлар тимусда етилади (уларни тимусга тобе дегани шундан келиб чиқади), В – лимфоцитлар эса *bursa fabricius* да (ёки уларнинг аналоглари) етилади, бурсага боғлиқ ҳужайралар дейилади.

13 - Машгулот

1. Карбонсувлар организмда энергетик, пластик ролни бажаради (улар РНК, ДНК, мукополисахаридлар ва бошқа биологик муҳим бирикмалар синтези учун зарур), дезинтоксикация жараёнида (глюкурон кислота ва бошқа бирикмаларнинг иштироки) аҳамиятга эга. Соғлом катта одам қонида глюкозанинг нормал миқдори 3,33 – 5,55 ммоль/л.ни ташкил қиласди.

2. Инсулин – меъда ости бези Лангерганс оролчалари β – ҳужайралари гормони – глюкоза учун ҳужайра мембранаси ўтказувчалигини оширади, тўқималарда пентоз ва гликолитик йўлларини фаоллаштириш орқали глюкоза оксидланишини кучайтиради, глюкозанинг ёёларга айланиши ва унинг деполанишини жадаллаштиради, глюкозани гликогенга айлантиради, глюконеогенезни тормозлайди. Контринсуляр гормонлар: соматотроп, адренокортикотроп гормонлар; глюкокортикоидлар; тиротроп гормон ва тироксин; катехоламинлар (адреналин, норадреналин); глюкагон. Соматотроп гормон гексокиназа ферменти фаоллигини, шу билан бирга тўқималар томонидан глюкоза истеъмол қилинишини камайтиради. Унинг ҳайвонларга юборилиши панкреатик оролчалар β – ҳужайралари функциясини оширади, бу уларнинг ҳолдан тойишига ва метагипофизар диабет ривожланишига олиб келади. Глюкокортикоидлар гексокиназа блокадасини чақиради, ҳужайра мембранасининг глюкоза учун ўтказувчалигини пасайтиради, глюконеогенезни фаоллаштиради. Тироксин ичакда глюкоза шимилишини оширади, глюкозанинг жигардан қонга чиқишини жадаллаштиради, инсулиннинг парчаланишига (инсулинизанинг фаоллашиши) олиб келади. Адреналин глюкозанинг жигардан қонга чиқишини (фосфорилазани фаоллашиши) жадаллаштиради. Глюкагон ҳам худди шундай глюкозанинг жигардан қонга чиқишини стимуллайди.

3. Карбонсувлар алмашинувининг асосий босқичлари. Организмда овқат карбонсувлари амилолитик ферментлар (сўлак, панкреатик шира амилазаси, ичак шираси сахаразалари, мальтазалари, лактазалари) таъсирида охирги маҳсулотлар – моносахаридларгача парчала-

нади. Ингичка ичак деворида фосфорланиш (гексокиназа ферменти) ва дефосфорланиш (фосфатаза ферменти) жараёнлари иштирокида моносахаридлар қонга сўрилади. Қондаги глюкоза жигарга ташилади, унинг кам қисми (5 %) гликоген шаклида жигарда йигилади, асосий қисми (65 %) хужайралар томонидан энергетик материал сифатида ишлатилади, кўп қисми (30 %) ётга айланади. Карбонсувлар оралиқ алмашинуви организм хужайраларида кечади. У гликолиздан бошланади, натижада пироузум кислота ҳосил бўлади. Кислород иштирокида пироузум кислота оксидланувчи декарбоксируланишга учрайди, ацетилкоэнзим А ҳосил бўлади, у эса Кребс циклида охирги маҳсулотлар (CO_2 ва сув) ва АТФ энергияси ҳосил бўлгунча ёнади (1 молекула глюкоза 36 молекула АТФ беради).

4. *Гликогенез* – глюкозадан гликоген (гликогенсинтетаза ферменти иштирокида) ҳосил бўлиши. *Гликогенолиз* – гликогеннинг парчаланиши (гликогенфосфорилаза ферменти иштирокида) ва глюкоза ҳосил бўлиши. *Глюконогенез* – глюказанинг аминокислоталар, глицерин, сут ва пироузум кислоталари ва Кребс цикли метаболитларидан синтезланишидир.

5. Гликолизнинг – хужайрада глюкоза парчаланишининг учта асосий йўли мавжуд: 1 – сут кислота ҳосил бўлиши ва 1 моль глюкозадан 2 моль АТФ ажратилишгача бўлган анаэроб гликолиз; 2 – 1 моль глюкозадан 36 моль АТФ ҳосил бўлиши билан CO_2 ва H_2O нинг аэропарчаланиши, 3- пентоз цикл – хужайрани анаболик мақсадларда НАДФН ва рибоза билан таъминлайди.

6. Ёллар организмда энергия манбаи ҳисобланади: эндоген сув манбаи; пластик рол ўйнайди – жуда керакли ёф кислоталарини сақлайди; ҳимоя функциясини бажаради (аъзоларни шикастланишдан, терини куришдан, организмни совқотишдан сақлайди); ёфда эрувчи витаминаларнинг шимилишида иштирок этади.

7. Липидлар пероксидланиши (ЛПО) – таркибида тўйинмаган ёф кислоталарини сақловчи липидларнинг оксидланиши бўлиб, ҳар хил пероксидланиш маҳсулотлари – липопероксидланган моддаларнинг ҳосил бўлиши билан тавсифланади. Липопероксидланган моддаларнинг ҳосил бўлиши кўпинча эркин радикалли (фаол) кислород шаклларининг таъсирида, липоксигеназа ферментлари иштирокида кечади.

Кислороднинг фаол шакллари: супероксид аниони, водород пероксида гидроксил радикали ва б. қ. – организм хужайраларида аэроп глюколиз натижасида ҳосил бўлади, Cadenas (1989) маълумотларига кўра истеъмол қилинадиган кислороднинг 5 % пероксидга айланади. Кислороднинг эркин радикалли шакллари биологик мембрана ЛПО ни стимуллайди.

ЛПО жараёни давомида ҳам пероксидлар, ҳам гидропероксидлар ҳосил бўлади. Бу мураккаб занжирли жараёнларнинг охирги маҳсу-

лотлари альдегидлар (малонли диальдегид, гексаналь ва б.к.), кетонлар, паст молекулали алканлар ва б.к. ҳисобланади. Гидропероксидларнинг ҳар хил шакллари линолеатлар, арахидонат ва бошқа тўйинмаган ёф кислоталари метаболитларининг пероксидланиши натижасида ҳосил бўлиши мумкин. ЛПО давомида ҳосил бўлувчи циклик гидропероксидлар простагландинлар, простациклин, тромбоксан биосинтезида иштирок қилиши мумкин (Ланкин В. З., 1981). Простагландинлар пероксидлари кучли биологик таъсир кўрсатади, ичак силлиқ мушаклари, коронар томирлар қисқаришини, тромбоцитлар агрегациясини чақиради. Стеринлар гидропероксидлари стероид гормонлар синтези ва уларнинг бошқа маҳсулотга айланишида муҳим рол йўнайди. Шундай қилиб, ЛПО нормал метаболик жараён ҳисобланади, аммо нормада унинг даражаси ниҳоятда паст. Пероксидлар интенсив ҳосил бўлишида биологик мембраналарга шикастловчи таъсир кўрсатиши ва ҳужайранинг субхужайра органеллаларига токсик таъсир қилиши мумкин.

8. Ёф алмашинувининг асосий босқичлари. Овқат ёғлари эмульсијланади, ошқозон-ичак тракти липополитик ферментлари (меъда шираси, панкреатик шира липазаси) таъсирида глицерин ва ёф кислоталарига қадар парчаланади. Глицерин қонга сўрилади, ёф кислоталари ўт кислоталари билан бирикib холеиннатлар ҳосил қиласи ва у лимфага сўрилади. Ичак деворидаёт ёф қисман глицерин ва ёф кислоталаридан ресинтезланади, оқсил билан боғланади ва липопротеидлар шаклида қонда циркуляция қиласи. Липопротеидларнинг тўрт синфи: хиломикронлар (экзоген ёғнинг асосий транспортланадиган шакли), ўта паст зичликка эга бўлган липопротеидлар — ЎПЗЛ (ёки пребета — липопротеидлар), паст зичликка эга липопротеидлар — ПЗЛ (ёки бета — липопротеидлар), юқори зичликка эга липопротеидлар — ЮЗЛ (ёки альфа — липопротеидлар) фарқ қилинади. Липопротеидлар асосан ЎПЗЛ ва хиломикронлар таркибида қон плазмасида ёф учгицеридлар кўринишида транспортланади (ташилади), нормада унинг миқдори 1 — 2,3 ммоль/л. Транспортланган ёғнинг бошқа бир шакли — эстерифицирланмаган ёф кислоталари (Э — ланмаган ЁК) ҳисобланади, уларнинг миқдори қонда нормада 640 — 880 мкмоль/л ни ташкил қиласи.

Ёф учун биринчи барьер (тўсиқ) ўпка ҳисобланади, у липопек-сик функцияни бажаради яъни ёғларни ушлаб қолади ва парчалайди. Ҳосил бўладиган ёф кислоталари қисман оксидланади ва ўпкада газ алмашинуви учун энергия беради. Липопротеинлар ўпка барьеридан ўтгач қонга тушади ва липопротеин липаза ферменти таъсирига учрайди. Гепарин липопротеин липазани фаоллаштирувчи (тиниқлаштирувчи омил) ҳисобланади, у бирютирувчи тўқима семиз ҳужайраларидан ажралади. Липопротеин липаза ферменти аъзолар капил-

лярлари эндотелийсіда ҳосил бўлади, липопротеинлардаги ёғни Э – ланмаган ЁК ва глицерингача гидролизланишини ва гидролиз маҳсулотларини ҳужайрага киришини таъминлайди. Ҳужайраларда Э – ланмаган ЁК оксидланиши асосий алмашинувнинг ярмини таъминлайди (Лейтес С. М., Лаптева Н. Н., 1967). ЁF кислоталари β – оксидланишга учрайди. ЁF кислоталари ёнишининг охирги маҳсулотлари (Кребс циклида) CO_2 ва H_2O ҳисобланади. ЁF алмашинуви оралиқ маҳсулотлари – кетон танаачаларидир (β – гидроксимой, ацетосиркокислота, ацетон). Нормада қонда уларнинг миқдори 0,08 – 0,43 ммоль/л.

9. Организмда доимо липолиз ва липосинтез жараёнлари кечади. Тўқимада липосинтезни икки гормон: инсулин ва пролактин кучайтиради. Липолиз кўпгина гормонлар: соматотроп, тиротроп, адреналин, тироксин ва б.к. ёF мобилизацияловчи гормонлар таъсирида кучаяди, улар ҳужайра қобигидаги аденилцилазани фаоллаштиради, бу эса АТФ дан циклик АМФ ҳосил бўлишига олиб келади, углициеринлипаза ферменти фаоллашади, натижада липолиз ва Э – ланмаган ЁК ажралиши кузатилади.

10. Нормада соғлом катта одам қонида умумий липидлар 4 – 7 г/л ва холестерин 3,9 – 6,3 ммоль/л ни ташкил қиласди.

11. *Оқсилнинг асосий функциялари.* Организмга овқат билан кирувчи оқсил пластик ва энергетик мақсадларда хизмат қиласди. Оқсилнинг пластик аҳамияти ҳужайранинг тури тузилиш компонентларининг ўрнини тўлдириш ва уларни янгидан ҳосил қилишдан иборат. Унинг энергетик аҳамияти эса организмни оқсил парчаланишида ҳосил бўлувчи энергия билан таъминлашдан иборат. Шунингдек оқсил модда алмашинувнинг ҳамма турларини таъминлаш функциясини ҳам бажаради, бу ферментлар, гормонлар ва бошқа биологик муҳим бирикмаларнинг синтезланиши билан боғлиқ. Бундан ташқари оқсиллар қоннинг коллоид – осмотик босимини сақлайди, транспорт функцияси (карбонсувлар, липидлар, гормонлар ва бошқа моддаларнинг ташилиши) бажаради, қон ивиши ва ҳ.к.ларда иштирок этади. Оқсилларнинг биологик қиймати тушунчаси уларда алмаштириб бўлмайдиган аминокислоталарнинг бўлиши (улар 8 – та: валин, лейцин, изолейцин, треонин, метионин, фенилаланин, триптофан, лизин) билан боғлиқ.

12. *Оқсил алмашинуви босқичлари.* Ошқозон – ичак трактида оқсиллар протеолитик ферментлар: меъда ширасидаги пепсин, панкреатик ширадаги трипсин ва хемотрипсин ичак шираси пептидазалари таъсирида охирги маҳсулотлар – аминокислоталаргача парчаланади. Катта одам қон плазмасида оқсиллар умумий миқдори 65 – 85 г/л ташкил қиласди. Оқсилнинг асосий фракциялари албуминлар (40 – 50 г/л), глобулинлар (20 – 30 г/л) ва фибриноген (2 – 4 г/л) ҳисобланади.

Таркибидаги фибриноген бўлмаган қон плазмаси зардоб дейилади. Организм ҳужайраларида кечадиган оқсил оралиқ алмашинуви дезаминланиш, трансаминаланиш ва декарбоксилланиш жараёнларини ўз ичига олади. Аминокислоталар парчаланишининг охирги маҳсулотлари амиак, сийдикчил (мочевина), биоген аминлар, CO₂ ва H₂O ҳисобланади. Аминокислоталарнинг дезаминланиши натижасида ҳамма тўқималарда амиак ҳосил бўлади. Сийдикчил жигарда амиакдан цитруллин – аргинино – арнитин циклида ҳосил бўлади.

13. Тўқималарда доимий оқсил парчаланиши билан бир қаторда, оқсил синтези ҳам кечади. Оқсил парчаланишини кучайтирувчи яъни катаболик гормонларга глюкокортикоидлар ва тироксин киради. Катаболик гормонларнинг асосий таъсир қилиш механизми оқсил парчаланишини тъминловчи ферментлар синтезининг индукцияланишидан иборат. Анаболик яъни оқсил синтезини кучайтирувчи гормонларга соматотроп гормонлар, инсулин, анаболик стероидлар киради. Анаболик гормонларнинг асосий таъсир қилиш механизми – аминокислоталар учун ҳужайра ўтказувчанлигининг ошиши, и – РНК, АТФ синтезининг кучайишидан иборат.

14 - Машғулот

1. Катта одамлар организмидаги сув тана массасининг 60 % ни, чақалоқларда эса – 75 % ни ташкил қиласи.

2. Сув ҳужайраларда, аъзоларда ва тўқималарда модда алмашинуви жараёни кечадиган муҳит ҳисобланади. Сувнинг организмга уз-луксиз кириши ҳаёт фаолиятини сақловчи асосий шартлардан бири ҳисобланади. Бола организмидаги модда алмашинуви интенсивлигининг юқори бўлиши кўп миқдорда сув талаб қиласи.

3. Сувнинг кўп қисми (35 – 45 %) ҳужайра ичидаги бўлади – бу интрацеллюляр сувдир. Унинг кам қисми (15 – 25 %) – ҳужайра ташқарисидаги ёки экстрацеллюляр сувдир. У томир ичидаги, ҳужайралар орасидаги ва трансцеллюляр суюқликларга (овқат ҳазм қилиш канали секрети, сероз бўшлиқлар, орқа миядаги суюқликлар) бўлинади.

4. Катта одам бир кунда ўргача 2,5 л сув қабул қиласи, ундан 1,2 л – ичиш билан, 1 л – овқатлар билан киради, 0,3 л – эндоген сув ҳисобланади (алмашинув кимёвий реакциялар натижасида ҳосил бўлади).

5. Бир кунда катта одам организмидан ўргача 2,5 л сув ажралади: – 1 – 1,5 л буйраклар, 0,5 – 1 л тери, 0,4 л – ўпка, 0,1 – 0,2 л – ахлат орқали.

6. Сув алмашинувини регуляция қилувчи асаб маркази гипотала-мусда жойлашган. Сув – электролит гомеостази иккита механизм: томирлар ва юрак бўшлигининг ҳажмий ёки волюмопрепторларни

таъсирантириш ва организм суюқликлари ва тўқималарida тузларнинг осмотик концентрацияси ўзгаришини қабул қилувчи осморецепторларни таъсирантириш орқали сақланади. Осморецепторларнинг қитиқланиши гипофиз орқа бўлаги антидиуретик гормони ажралишини стимуллайди, натижада буйрак каналчаларida сув реабсорбцияси кучаяди (осморегуляция рефлекси). Қон ҳажмининг камайишида юрак ўнг бўлмачаси волюморецепторларининг қитиқланиши альдостерон секрециясини оширади, бу гормон натрий реабсорбциясини кучайтиради ва сувнинг сақланишига имкон беради.

7. Натрий асосан ҳужайра ташқарисида сақланади. Ҳужайраларда кам миқдорда – 35 ммоль/л бўлади, қонда эса унинг миқдори 143 ммоль/л га тенг. Калий – ҳужайра ичи электролити ҳисобланади: 98 % ҳужайра ичиди ва фақат 2 % ҳужайра ташқарисидаги бўшлиқда бўлади. Қон плазмасида калий миқдори 3,8 – 5,1 ммоль/л атрофида. Натрий ва калий асосий потенциал ҳосил қилувчи ионлар ҳисобланади, асаб импульсларининг ҳосил бўлишида иштирок қиласи. Калий ва натрий ионларининг ўзаро таъсири организм ҳужайралари қўзғалувчанлигини аниқлайди. Ҳужайраларда натрий – калий насос деб номланувчи ва ҳужайрадан натрий ионларининг чиқишини ва ҳужайрага калий ионларининг киришини таъминловчи механизм мавжуд. Натрий ва калий асосий катионлар сифатида кислота – асос мувозанатини сақлашда иштирок қиласи, юрак-томир тизими функционал ҳолатига таъсири кўрсатади. Натрий организм суюқликлари осмотик босимини регуляция қиласи, тўқималарда сувни ушлайди, ионлар балансини сақлади.

8. Қон плазмасида нормада кальций миқдори 2,5 ммоль/л (10 – 11 мг %); ноорганик фосфор – 0,06 ммоль/л; магний – 0,75 – 1,2 ммоль/л. Кальций скелет тузилиши учун зарур; унинг 90 % суяқ тўқимасида бўлади (кальций фосфат ва кальций карбонат шаклида чўкади). Кальций асаб импульсларининг узатилиши, скелет ва силлиқ мушаклар қисқариши, юрак мушаклар фаолияти ва қон ивиши жараёнида иштирок қиласи. Магний кўпгина ферментли жараёна-рининг фаоллашишида, мушаклар қисқариши, асаб толалари орқали қўзғалувчанликнинг ўтказилишида муҳим рол ўйнайди. Магний ўзининг асаб ва мушак тўқимаси функцияга таъсири бўйича кальцийнинг антагонисти ҳисобланади. Фосфор муҳим биоорганик бирималар (нуклеотидлар, нуклеин кислоталари, фосфолипидлар, фосфор эфирлари, карбонсувлар, қатор витаминлар ва коферментлар) таркибига киради, организм ҳаёт фаолиятининг ҳар хил метаболик жараёнида иштирок этади.

9. Форфор – кальций алмашинувига қалқонсимон ён бези (паратгормон), қалқонсимон без (кальцитонин) гормонлари, витамин D, ҳамда ошқозон – ичак тракти pH таъсири кўрсатади. Паратгормон

кальцийнинг ошқозон-ичак трактида шимилишини стимуллайди ва буйракда фосфор реабсорбциясини сусайтиради. У кальцийни суяклардан мобилизация қиласи. Шунинг учун паратормоннинг ортиқча бўлиши гиперкальциемия ва гипофосфатемияга имкон туғдиради. Кальцитонин паратормоннинг антагонисти бўлиб, кальцийнинг қондан суякка ўтишини стимуллайди ва шу билан бирга гипокальциемия ва суяклар минерализациясига олиб келади, буйрак каналчаларида фосфор реабсорбциясини кучайтиради, гиперфосфатемия чақиради. Ошқозон-ичак трактининг кислоталик мухити, шунингдек витамин D ичакда кальций шимилишига ёрдам беради, ишқорий мухит эса унга қаршилик кўрсатади.

10. Организм тўқималарида микроэлементлар 1:100 000 ва ундан кам концентрацияда бўлади. Темир, мис, рух, марганец, кобальт, молибден, олтингурут, бром ва бошқалар организм ҳаёт фаолияти учун ниҳоятда зарур.

15 - Машгулот

1. pH водород кўрсаткичи – водород ионлари моляр концентрациясининг манфий ўнли логарифмидир. У гомеостазнинг кескин параметрларидан бири ҳисобланади, чунки фақат pH нинг маълум кийматида модда алмашинувининг оптималь кечиши таъминланади, ҳар бир фермент мухитнинг pH чегарасида фаолдир.

2. Артериал қон pH 7,36 – 7,42, вена қони – 7,26 – 7,36; хужайра ичи – 7,2 – 7,0. pH нинг ҳаётий ўзгариб туриш чегараси юқори эмас – 6,8 – 7,8. Кислота-асос мувозанати (КАМ) – организмда кислотали ва ишқорий маҳсулотларнинг доимий нисбати билан ифодаланади.

3. Буфер тизимлари – водород кўрсаткичини (pH) маълум дараҷагача сақловчи тизимлар. Улар кучсиз кислота ва уларнинг кучли асослар билан реакцияси натижасида ҳосил бўлган тузлар аралашмаси ҳисобланади. Қоннинг буфер тизимларига бикарбонат, фосфат, оқсил ва гемоглобин буфер тизимлари киради.

4. Бикарбонатли буфер тизим: карбонат кислота – натрий (ёки калий) бикарбонатлари $\frac{\text{H}_2\text{CO}_3}{\text{NaHCO}_3}$. У қуйидагича функция қиласи: Қонга кислоталар диссоциацияланиши натижасида кўп миқдорда ажралиб чиққан H^+ бикарбонат HCO_3^- ионлари билан кучсиз карбонат кислота H_2CO_3 – ҳосил қилиб бирикади. У осонгина сув (H_2O) ва ўпка орқали чиқиб кетадиган карбонат ангидриди газига (CO_2) парчаланади. Шундай қилиб, қонда H^+ ионлари концентрацияси ошишининг олди олинади. Қонга асослар тушган ҳолларда у карбонат кислота билан бикарбонат NaHCO_3 , ҳосил қилиш орқали реакция беради.

ди. Бикарбонатларда кислота ва асос нисбати 1:18, бу организм учун фойдали эмас, аммо бу бикарбонатларнинг концентрацияси жуда юқори.

5. Қоннинг фосфат буфер тизими бир асосли ва икки асосли фосфатлардан ташкил топган, уларнинг нисбати $\frac{\text{NaH}_2\text{PO}_4}{\text{Na}_2\text{HPO}_4}$ 1:5 га teng. Бу анча фойдалироқ нисбат. Биринчи бирикма кучсиз кислотадир, иккинчиси асослар хусусиятига эга.

6. Плазма оқсиллари ўзининг амфотер хусусияти (шартли равишда H – R- OH белгиланади) туфайли буфер тизими ролини ўйнайди. Нордон мұхитда улар кислоталарни боғлаб асос шаклида, ишқорий мұхитда эса асосларни боғлаб кислоталардек реакция беради.

7. Гемоглобин буфер тизими: гемоглобин – оксигемоглобин шаклида бўлиб, ниҳоятда кучли буфер ҳисобланади ва қон буфер ҳажмининг 75 % ни ташкил қиласи. Гемоглобин оксидланган шаклда ўзининг кислотали хусусиятини (H^+ ионларини беради ва K^+ ионларини боғлайды) намоён қиласи. Қайта тикланган гемоглобин асослар ролини бажаради (H^+ ионларини ўзига кўшиб олади, K^+ ионларини беради).

8. Буфер ролини бажарувчи физиологик тизимларга нафас аъзолари, буйраклар, тери, ошқозон – ичак тракти киради, улар организмдан кислоталар ва асосларни чиқаради ва буфер тизим компонентлари нормал нисбатини тиклайди. Нафас механизми учувчи маҳсулотларнинг (CO_2) чиқарилишини таъминлайди. Агарда КАМ коррекцияланиши учун қоннинг буфер тизимига 30 сония талаб қилинса, ўлка учун 1 – 3 дақ. зарурдир. Буйраклар учмайдиган моддаларни чиқаради ва ўлкага нисбатан янада секинроқ таъсир кўрсатади. Буйракларга pH силжишини тугатиш учун 10 – 20 соат керак бўлади. Буйрак томонидан водород ионлари доимий концентрациясини сақлаш асосий механизми бўлиб, буйрак каналчаларида натрий ионлари реабсорбцияси ва водород ионлари секрецияси ҳисобланади. Сийдик ва қонда водород ионлари H^+ концентрацияси нисбати 800:1 ташкил қиласи. Бу буйракларнинг организмдан водород ионларини чиқариш қобилияти шунча юқори эканлигини кўрсатади. Қон pH кислотали томонга силжиганда сийдик билан кўп миқдорда нордон тузлар NaH_2PO_4 , ишқорий томонга силжиганда эса кўп миқдорда асосли тузлар: Na_2HPO_4 ва Na_2CO_3 ажralади, сийдик pH натижада 4,5 – 8,5 атрофифда ўзгарили, нормада эса сийдик pH кучсиз нордон (4,7 – 6,5) реакцияга эга. КАМ сақланишида маълум ролни ошқозон – ичак тракти ва тери ҳам бажаради.

9. Мұхит pH нинг кислотали томонга силжиши *ацидоз*, ишқорий томонга силжиши *алкалоз* дейилади.

1. Асосий алмашинув – тұлиқ мушак тинчлиги ҳолатыда организм ҳаётини сақлаш учун зарур бўлган энергия миқдори. Асосий алмашинув интенсивлиги стандарт шароитда: ёттан ҳолатда, охирги овқат қабул қилингандан 14 соат кейин, комфорт ҳаво ҳароратида ($18 - 20^{\circ}\text{C}$) аниқланади. Катта одамда (үрта бўйли ва тана массали) асосий алмашинув 1600 – 1700 ккал/кун га тенг.

2. Асосий алмашинувни аниқлаш усуслари: 1) калориметрия усули калориметр асбоби ёрдамида бевосита организмдан чиқарилаёттан ёки унга кираётган иссиқлик миқдорини ўлчашга имконият беради; 2) газ алмашинувини текширишга асосланган билвосита калориметрия усули. Ўзлаштириладиган кислород миқдорини ўлчаб ва тана юзасини ҳисоблаб, формула бўйича асосий алмашинув энергияси аниқланади; 3) тиббиёт амалиётида тана массаси, бўй, ёш, жинс, тана ҳарорати, пульс кўрсаткичи, нафас сони, артериал босим катталиги ва б.к. ҳисобга олинган жадвалдан фойдаланилади.

3. Асосий алмашинув даражаси ёш, жинс, бўй, тана массаси, асаб ва эндокрин тизим функционал ҳолати ва бошқа омилларга боғлиқ.

4. Тана юзаси қоидасига биноан иссиқконли ҳайвонларда энергия сарф бўлиши тана юзаси катталигига пропорционалdir. Тана массаси бирлигига (солиштирма юза) қанча кўп юза тўғри келса, асосий алмашинув шунчак юқори бўлади.

5. Асосий алмашинувга тироксин, учйодтиронин, адреналин, жинсий гормонлар кучли таъсири кўрсатади.

6. 1 кг тана массасига ҳисобланган асосий алмашинув интенсивлиги, болаларда катталарага нисбатан анча юқори. Бир ёшгача бўлган болаларда у $50 - 58$ ккал / (кг.кун) атрофида ўзгариб туради. Ёш ошиши билан асосий алмашинув доимо пасайиб боради ва катталарада 40 ккал/ m^2 , кекса одамларда – 34 ккал/ m^2 ташкил қиласди.

7. Организмда 1 г углеводлар ёнганда $4,1$ ккал ($17,17$ кДж), 1 г ёғ ёнганда $9,3$ ккал ($38,94$ кДж), 1 г оқсил ёнганда $4,1$ ккал ($17,17$ кДж) энергия ажralиб чиқади.

8. Овқатнинг специфик – динамик таъсири – овқат қабул қилгандан кейин моддалар алмашинуви ва энергия сарфланишнинг кучайишидир (бир соатдан кейин бошланади, 3 соатдан кейин максимумга етади ва бир неча соат давомида сақланади).

9. Одамнинг овқатланиш нормаси ёшга, меҳнат интенсивлигига ва бошқа омилларга боғлиқ. Овқат рационида бир кунда $80 - 100$ г оқсил, $70 - 100$ г ёғ, $400 - 450$ г карбонсувлар бўлиши керак.

10. A, D, E, K витаминлари ёфда эрувчи витаминларга киради. Витамин A (ретинол, антиксерофталмик витамин, ўсиш витамины) нормал ўсишни таъминлайди, кўзнинг қоронгулилкка адапта-

циясини таъминловчи кўриш пигментлари ҳосил бўлишида иштирок қиласди ва б.к.

Витамин D (кальцифероллар, антирахитик витамин) кальций ва фосфор алмашинувини бошқаради (ингичка ичакда кальций ва фосфор шимилиши, буйрак каналчаларида фосфор реабсорбцияси ва қондан сукка кальций транспортланишини таъминлайди). Витамин E (токофероллар, антистерил витамин) антиоксидантнирувчи рол ўйнайди, организм учун токсик ҳисобланувчи эркин радикаллар ва липидлар пероксидларининг ҳосил бўлиш жараёнига тўсқинлик қиласди. Мушак тўқимасида модда алмашинувини нормаллаштиради, жигарда витамин A тўпланишига ижобий таъсир кўрсатади. Витамин K нинг (филлохинонлар, антигеморрагик витамин) биологик роли унинг қон ивишида иштирок қилиши билан боғлиқ. У жигарда протромбин ва бошқа қон ивиш омилларининг синтезланиши учун зарур.

11. Сувда эрувчи витаминларга витамин B₁, B₂, B₆, B₁₂, PP, C ва б.к. киради. Витамин B₁ (тиамин) айниқса асаб-мушак тўқимасида карбонсувлар ва энергетик алмашинувда муҳим рол ўйновчи қатор омиллар коферментлари тузилишида иштирок қиласди. Витамин B₂ (рибофлавин, антисебория витамины) оксидланиш - тикланиш жараёнлари регуляцияси, ҳамда кўзнинг нормал кўриш функцияси сақланишида иштирок қиласди. B₆ (пиридоксин) аминокислоталар ва липидлар алмашинувида иштирок қиласди. Витамин B₁₂ (цианокобаламин) ўсиш омили ва гемопоэз стимулятори ҳисобланади, ҳар хил аминокислоталар синтезида иштирок қиласди, жигар, асаб тизими функциясига ижобий таъсир кўрсатади, қон ивиши жараёни, карбонсувлар ва липидлар алмашинувини фаоллаштиради. Витамин PP (никотин кислота) ҳужайра нафаси ва оралиқ алмашинуви реакцияларида иштирок қиласди, ошқозон-ичак тракти секретор ва мотор функцияларини нормаллаштиради. Витамин C (аскорбин кислота) оксидланиш-тикланиш жараёнлари, томир деворида коллаген ҳосил бўлиши, қон ивиши ва тўқима регенерациясида иштирок қиласди, стероид гормонлар ҳосил бўлишини стимуллайди, организмнинг инфекция ва интоксикацияга чидамлилигини таъминлайди

17 - Машғулот

1. Биологик оксидланиш – ҳамма тирик ҳужайраларда кечадиган оксидланиш реакцияларининг мажмуюи. Биологик оксидланиш кислороднинг оксидланиш субстратига бевосита бирикиш жараёни эмас. У водород (ёки электронлар) атомининг берилиши билан ва уларнинг бир бирикмадан (донор) иккинчига (акцептор) кўчирилиши билан боғлиқ; бунда энг охирги акцептор – кислороддир. Донорлар ҳам органик, ҳам ноорганик моддалар бўлиши мумкин.

2. Биологик оксидланиш энергияси АТФ ва бошқа макроэргик бирикмалар шаклида кумуляцияланади. Бу организм ҳужайра ичи кимёвий жараёниларининг ҳар хил кўринишларида, физиологик фолиятининг турли шаклларида фойдаланиши мумкин бўлган энг оддий энергия шаклидир. АДФ ва ноорганик фосфатдан ҳар хил субстратлар оксидланиш энергияси ҳисобига АТФ молекуласи синтезланиш жараёни оксидланишли фосфорланиш дейилади. АДФ ва фосфатдан АТФ синтезланишида АТФ – синтетаза ферменти иштирок қиласи.

3. Ҳужайрада энергия ҳосил бўладиган асосий жой митохондрийадир. Бунда иккита жараённинг бирикиши амалга оширилали – макроэргик боғламлар ҳосил бўлиши билан оксидланиш ва фосфорланиш, қайсиким, бунда оксидланувчи моддалар (карбонсувлар, оқсиллар, ёғлар) энергиясининг 60 % гача қадар бўлган қисми макроэргик боғламларга ўтади. Нафас ферментлари занжири (flavin ферментлари, ҳар хил дегидрогеназалар, цитохромлар) митохондриялар ички мембраннысига жойлашган бўлиб, электронларнинг кўчирилишида иштирок қиласи, электронлар салбийроқ оксидланиш – тикланиш потенциалига эга бирикмалардан потенциали ижобийроқ бирикмаларга ўтказилади. Электронларнинг занжир бўйича кўчирилиши цитохромоксидаза мураккаб фермент тизими ёрдамида тугалланади. Шундай қилиб, субстратларнинг кислород билан оксидланиш жараёни оксидланиш – тикланиш реакциялари серияси билан воитали ифодаланган.

4. Энергия тўпланиши билан бирга кечмайдиган биологик оксидланиш эркин оксидланиш дейилади. Унинг энергетик эффекти иссиқлик ҳосил бўлиши бўлиб, тана ҳарорати сақланишида иштирок қиласи ва эркин ҳолда организмдан чиқиб кетади. Гомойотерм ҳайвонларда оксидланувчи фосфорланишнинг эркин оксидланишга ўтиши, организмда иссиқликка талаб ошганда катта аҳамиятта эга.

5. Тўқималарнинг кислород билан таъминланишида қатор тизимлар: нафас аъзолари – улар ёрдамида атмосферадаги кислород организмга киради; организмни кислород транспорт механизми билан таъминловчи қон тизими; тўқималарга кислород етказиб берилишини таъминловчи қон айланиш тизими ва биологик оксидланишни таъминловчи ҳужайранинг ўзидаги фермент тизими иштирок қиласи.

6. 1 л артериал қонда нормада 180 – 200 мл/л (18 – 20 ҳажм %), вена қонида эса – 120 мл/л (12 ҳажм %) кислород; 45 – 50 ва 50 – 55 ҳажм % карбонад ангирид гази бўлади.

7. Гемоглобиннинг кислородга тўлиқ тўйинишида қонда кислороднинг максимал миқдори қоннинг кислород сифими деб ном олган. Шундай қилиб, қоннинг кислород сифими ундаги гемоглобин миқдорига боғлиқ. 1 г гемоглобин ўзига максимал 1,34 мл кислород

бириктириш хусусиятiga эга (Хюфнер константаси). Қонда гемоглобин миқдори 140 г/л бўлса, қоннинг кислород сифими $1,34 \times 140 = 187,6$ мл, ёки 19 ҳажм % атрофида. Қон плазмасида кислород кам миқдорда физик эриган ҳолатда ҳам бўлади.

8. Карбемоглобин – гемоглобиннинг карбонад ангирилди гази билан бирикиши. Эритроцитларда карбон иккioxиди сув билан бирикади ва карбонат кислотаси ҳосил бўлади. Бу жараён карбоангидраза ферменти томонидан катализланади (20 000 марта тезлашади). Карбокси – ва меттемоглобин – гемоглобиннинг патологияда учрайдиган бирикмалари; ис гази билан заҳарланишда карбоксигемоглобин; нитратлар, бертоле тузи ва бошқа заҳарлар билан заҳарланганда – меттемоглобин ҳосил бўлади. У ҳам кислород ташилишида иштирок қила олмайди.

9. Фетал гемоглобин HbF ҳомила қонида унинг она қорнида ривожланишининг 9- ҳафтасида пайдо бўлади. У катталар гемоглобинига (HbA) қараганда кислородга яқинроқдир, бу унга кислород камроқ бўлганда ҳам кислород билан тўйинишга имконият беради. Туғилишдан олдин қонда HbA пайдо бўлади. Ҳаётини биринчи йилида фетал гемоглобин тўлиқ равишида катталар гемоглобини билан алмашинади.

18 - Машгулот

1. Митотик цикл – ҳужайрада биринчи бўлиннишдан кейинги бўлиннишга қадар рўй берувчи ва иккита янги ҳужайра генерациясининг ҳосил бўлиши билан тугалланувчи жараёнлар мажмуудир. У интерфаза ва митозалардан иборат.

2. Митоза жараёнида беш фаза: профаза, прометафаза, метафаза, анафаза, танафаза фарқ қилинади.

3. Ҳужайра бўлиннишида генетик ахборот (информация) узатилиши ДНК молекуласи редупликацияси ёрдамида амалга оширилади.

4. ДНК редупликацияси интерфазада кечади.

5. Генетик код – наслий информациянинг нуклеин кислота молекуласида ёзилиш тизими.

6. ДНК — РНК — оқсил.

7. Транскрипция – генетик информациянинг ДНК матрицасидан (қолипидан) РНК га узатилишининг биринчи босқичи.

8. Тескари транскрипция – генетик информациянинг РНК дан ДНК га узатилиши.

9. Трансляция – генетик информациянинг оқсил синтезланиши жараёнида матрицали (ёки информацион) РНК дан узатилишининг иккинчи босқчи.

10. Кейлонлар – гликопротеидлар бўлиб, митоз жараёнида ҳужайралар томонидан ишлаб чиқарилади ва шу тўқиманинг бошқа ҳужайралари митозини тормозлайди. Уларнинг таъсир қилиш механизми:

ДНК редупликацияси учун зарур ферментларни инактивлаш. Треконлар – кимёвий табиати бўйича ҳар хил моддалар бўлиб (масалан, лейкоцитлар парчаланиш маҳсулотлари), ҳужайра ўсиши ва бўлинини стимуллаш қобилиятига эга.

11. Иккита ёнма-ён жойлашган қисмлар нормал ҳужайралари кўпайиб, бир-бири билан контактга келади. Тўқима ўсиши ва ҳужайра бўлининиши бу жода тўхтайди, чунки ҳужайра мембранныи ферментлари ва тўқима ичи тизими гормонлари бўлинаётган ҳужайралар сонини регуляция қиласди.

12. Хейфлик ҳужайра бўлининиш лимити (чегараси) – ҳар бир ҳужайра ядросида жойлашган, бўлининиш сонини 50 тагача чеклайдиган механизмларнинг мавжудлигидир.

13. Кўпгина нормал тўқималарда Пастер эфектини кузатилади: кислород иштироқида гликолиз интенсивлиги (жадаллиги) пасаяди ва сут кислота ҳосил бўлиши тормозланади.

II ИЛОВА

ВАЗИЯТЛИ МАСАЛАЛАРГА ЖАВОБЛАР

2 - Машғулот

1-масала.

1. Бемор юрак фибрилляцияси қўринишидаги электрошок ҳолатида.
2. Бемор шошилинч реанимацион чора-тадбирлар: юрак дефибрилляцияси ва сунъий нафас ўтказилишига муҳтож.

2-масала.

1. Ҳа.

2. Нафас олиш ва юрак уриши тўхтагандан кейин организм ҳужайраларидаги модда алмашинуви давом этади. Реанимацион чора-тадбирлар таъсирчан ва узоқ мuddатли (нафас тикланишига қадар, айрим вақтда бир неча соат) бўлиши керак.

3-масала.

1. Куйиш шоки ҳолати.
2. Шокка қарши, сўнг токсемия, куйиш инфекцияси ва ҳолдан тойишга қарши қаратилган чора-тадбирлар ўтказилиши зарур.

4-масала.

1. Йўқ, bemorda нур касаллиги.
2. II давр – bemornинг хотиржам қўриниши – қон ишлаб чиқарилишининг сусайиши билан тавсифланади.
3. Бир неча кундан кейин касалликнинг авж олиши бошланади, у ички аъзоларга қон куйилиши, қон ишлаб чиқаришнинг кескин пасайиши, иммунитетнинг сусайиши, инфекцион асоратлар ривожланиши билан тавсифланади.

3 - Машғулот

1-масала.

Болага гемофилия гени онасидан ўтган, боланинг жинси — эркак.

2-масала.

$$\text{♀ } XX \times \text{♂ } XY$$

$$XX, X^+X, XY, X^+Y$$

Гемофилия билан касал боланинг туғилиш эҳтимоли 1:3 (25%).

3-масала.

$$\text{♀ } X^c X^c \times \text{♂ } XY$$

$$X^c X, X^c Y$$

Қизларнинг кўриши нормал бўлади, чунки ген рецессив, яширин, доминант ген томонидан босилади, ўғил болалар эса ранг қўрлиги билан касалланади.

4-масала.

$$\text{♀ } X X^c \times \text{♂ } X^c Y$$

5-масала.

$$\begin{array}{c} \text{♀ } XX^c \times \text{♂ } XY \\ + \\ X X, X^c X, XY, X^c Y \end{array}$$

Ранг қўрлиги билан касалланган бола туғилиш эҳтимоли 1:3 (25 %).

6-масала.

$$\text{♂ } AA^P \times \text{♀ } AA$$

AA — беш бармоқли бола генотипи.

A^P A — олти бармоқли бола генотипи.

7-масала.

$$\text{♂ } A^P A^P \times \text{♀ } AA$$

Генотип — A^P A

Фенотип — олти бармоқли

8-масала.

$$Q\ J^0\ J^0 \times Q\ J^+ J^+$$

$J^0 J^+$ - генотип

II қон гурӯҳи

9-масала.

$$Q\ A^s\ A^s \times Q\ AA$$

$A^s A$ – болалар генотипи

10-масала.

$$Q\ XX^h \times Q\ XY$$

$$XX, X^h X, XY, X^h Y$$

Касал бола туғилиш ҳаёфи мавжуд (1:3).

11-масала.

a)
$$\begin{array}{c} J^0 J^0 \ X \ J^+ J^0 \\ J^0 J^+, J^0 J^+ \\ \hline \text{II гурӯҳ} \end{array} \quad \begin{array}{c} J^0 J^0, J^0 J^0 \\ \hline \text{I гурӯҳ} \end{array}$$

b)
$$\begin{array}{c} J^+ J^0 X \ J^+ J^0 \\ J^+ J^+, J^0 J^+, J^0 J^+ \\ \hline \text{II гурӯҳ} \end{array} \quad \begin{array}{c} J^0 J^0 \\ \hline \text{I гурӯҳ} \end{array}$$

b)
$$\begin{array}{c} J^+ J^0 X \ J^+ J^0 \\ J^+ J^+, J^0 J^+ \\ \hline \text{II гурӯҳ} \end{array} \quad \begin{array}{c} J^+ J^+ \\ \hline \text{IV гурӯҳ} \end{array} \quad \begin{array}{c} J^0 J^+ \\ \hline \text{III гурӯҳ} \end{array}$$

12-масала.

a)
$$\begin{array}{c} J^+ J^+ X \ J^+ J^+ \\ J^+ J^+ \\ \hline \text{II гурӯҳ} \end{array} \quad \begin{array}{c} J^+ J^+, J^0 J^+ \\ \hline \text{IV гурӯҳ} \end{array} \quad \begin{array}{c} J^+ J^+ J^+ J^+ \\ \hline \text{III гурӯҳ} \end{array}$$

b)
$$\begin{array}{c} J^+ J^0 X \ J^+ J^0 \\ J^+ J^+ \\ \hline \text{IV гурӯҳ} \end{array} \quad \begin{array}{c} J^+ J^0 \\ \hline \text{III гурӯҳ} \end{array} \quad \begin{array}{c} J^+ J^0 \\ \hline \text{II гурӯҳ} \end{array} \quad \begin{array}{c} J^0 J^0 \\ \hline \text{I гурӯҳ} \end{array}$$

b)
$$\begin{array}{c} J^0 J^0 X \ J^0 J^0 \\ J^0 J^0 - \text{I гурӯҳ} \end{array}$$

13-масала.

$$\begin{matrix} Q & A^P A & O^P A A \\ & A^P A & A A \end{matrix}$$

Касал бола туғилиш хавфи йўқ, ташувчилар ёки соғлом насл-насабли бола бўлиши мумкин.

14-масала.

Онаси гемофилия ташувчиси, отаси гемофилия билан касалланган аёл камдан кам ҳолларда гемофилия билан касалланиши мумкин:

$$\begin{matrix} Q & X X^h & O^P X^h Y \\ & X^h X^h & \end{matrix}$$

15-масала.

Бемор Даун касаллиги билан касалланган. Миелобластларнинг пайдо бўлиши лейкоз касаллигидан далолат беради.

16-масала.

Эри соғлом, нормал ирсиятга эга, хотини соғлом, аммо ўроқсимон ҳужайрали анемия гени бўйича гетерозигот ҳисобланади, касал бола туғилиш хавфи йўқ. Фақат гомозиготларда касаллик тугилганиданоқ кескин, кўпинча ўлимга олиб келувчи анемия билан намоён бўлади. Гетерозиготларда эса, уларнинг қонида А гемоглобини нормал бўлганлиги учун, касаллик фақат гипоксия шароитида намоён бўлади.

4 - Машғулот

1-масала.

1. Беморда шикастланган ҳужайраларда сув алмашинувининг бузилиши билан боғлиқ, мия тўқималарининг травматик шиши. Бемор ахволининг оғирлашиши калла суюги ичи босимининг ошишига олиб келувчи мия шишиши билан боғлиқ.

2. Трепанация калла суюги ичи гипертензиясини бартараф қилиш учун қилинган.

2-масала.

1. Аъзо ва тўқималарнинг муваффақиятли кўчириб ўтказилишини тъминлаш учун гисто мос келишлик принципларига риоя қилишдан ташқари, кўчириб ўтказилувчи ҳужайра ва тўқима ўз ҳаёт фалиятини сақлаган бўлиши зарур.

2. Шикастланган ҳужайрани (масалан, лейкоцит) шикастланмаганидан бўёқ ва бошқа моддаларни ўзига сингдириш интенсивлиги бўйича ажратиш мумкин. Аъзонинг яшаш қобилиятини тўлиқ дараҷада иммунокимёвий, биокимёвий, радиацион ва бошқа усусларни кўллаб аниқлаш мумкин.

5 - Машғулот

1-масала.

1. Бу ҳолда микроциркуляциянинг томир ичи бузилишлари мавжуд.
2. Қон ивишининг бузилиши, эҳтимол плазма ёки ҳужайра қон ивиш компонентларининг танқислиги (дефицити) билан боғлиқ.

2-масала.

1. Бу ҳолда микроциркуляциянинг томир деворида ва томирдан ташқарида бузилишлари мавжуд.
2. Томирдаги: капиллярлар ва венулалар девори ўтказувчалигининг бузилиши ва у билан боғлиқ шиш, микротомирлар девори эндотелиал ҳужайраларнинг шикастланиши, капиллярлар ва венулалар девори орқали шаклли элементлар диапедези. Томирдан ташқари: лимфа айланишининг бузилиши, микротомирларни ўровчи бириктирувчи тўқиманинг шикастланиши.

6 - Машғулот

1-масала.

1. Веноз гиперемия.
2. Постанемик артериал гиперемия.
3. Бош миянинг қон билан таъминланишининг етишмовчилиги.
4. Асцитик суюқликни аста—секинлик билан олиб ташлаш, беморни горизонтал ҳолатга ўтказиш.

2-масала.

1. Денервацияланган томонда нейропаралитик артериал гиперемия ҳосил бўлади. Артериал томирларнинг кенгайиши ва қон оқишининг тезлашиши, артериал гиперемия зонасида тери ҳароратининг ошишига олиб келади.

7 - Машғулот

1-масала.

1. Асад ва эмоционал зўриқишда, коронар артериялар спазми натижасида, юрак бир қисмининг ишемияси юзага келади.

2. Огриқ сезгиси коронар томирлар спазми, шунингдек охирига-ча оксидланмаган модда алмашинуви маҳсулотларининг тўпланиши билан боғлиқ.

2-масала.

1. Эритроцитлар агрегацияси (сладж) феномени чин стазга ҳос.
2. Кўпинчада унинг ҳосил бўлиш сабаблари физик, кимёвий ва биологик омиллар ҳисобланади. Эритроцитлар қон оқишини қи-йинлаштирувчи ва уни тўхтатувчи конгломератлар ҳосил қиласди.

3-масала.

Нотўғри. Кислород очлиги анаэроб гликолиз интенсивлигининг пасайишини чақирмайди, аксинча уни оширади.

4-масала.

1. Беморда огриқ хурожи ва қўл бармоқларининг увишиб қолиши ишемия ривожланиши билан боғлиқ.

2. Совуқ таъсирида панжа томирларининг рефлектор спазми на-тижасида артериялар орқали қон оқиб келиши камаяди, шу сабабдан ишемия белгилари (совуш, тери сезувчанлигининг бузилиши, оғриқ) ҳосил бўлади.

8 - Машғулот

1-масала.

Бу ҳолда кичик қон айланиш доираси томирлари эмболияси ҳосил бўлади.

2-масала.

1. Газли. Fаввос 2,5 атм. босимида ишлаган. Бу босимда қонда газлар эрувчанлиги ошади (сатурация келиб чиқади). Чуқурликдан кўтарилиганда декомпрессия содир бўлади. Газлар эрувчанлиги пасаяди, қонда газ пуфакчалари ҳосил бўлади.

2. Асосан азотдан.

3-масала.

1. Беморда сон артерияси тромбози ривожланган. Унинг мумкин бўлган сабаби кўпинчада травма вақтида томир деворининг шикастланишидир.

2. Кузатилган симптомлар артерия тромбози натижасида ривож-ланган ишемия билан боғлиқ.

9 - Машғулот

1-масала.

1. Ҳа.

2. Яллигланишнинг маҳаллий белгилари – терининг қизариши, қавариш, оғриқ, маҳаллий ҳароратнинг кўтарилиши, функцияниң бузилиши; умумий белгилари – иситма, лейкоцитоз, ЭЧТ ошиши.

2-масала.

1. Бу ҳолда кимёвий таъсирловчи скипидарнинг юборилишига тери яллигланиши реакцияси ривожланади.

2. Қонга бўёқ юборилгандан кейин яллигланиш зонасида тўқималарнинг бўялиши, яллигланиш ўчоғида томирлар ўтказувчанлиги ни ошиши ва унинг юқори сорбцион хусусияти билан тушунтирилади.

3-масала.

1. Биринчи марта лейкоцитлар эмиграцияси кетма-кетлигини И. И. Мечников таърифлаган ва шунинг учун ҳам Мечников эмиграция қонуни деб аталади.

2. Нейтрофиллар эмиграцияси асосан бактериал токсинлар, тўқима ва оқсиллар парчаланиш маҳсулотлари таъсирида ҳосил бўлади. Нейрофилларнинг томирдан чиқиши уларнинг эндотелиал ҳужайралар орасидаги тешикчалардан диапедезланиши орқали амалга оширилади. Моноцитларнинг кечроқ чиқиши уларнинг камроқ хемотоксик сезигирлиги билан тушунтирилади. Макрофаглар эмиграциясини лизосомал ферментлар (протеиназалар), микроблар ли-пополисахаридлари, бактериялар культураси оқсил фракциялари стимуллайди.

Мононуклеар ҳужайраларнинг эндотелий орқали ўтиш жараёни секироқ амалга оширилади, улар эндотелий цитоплазмаси орқали ўтади ва қарама – қарши томонга базал мембрани ёриб чиқади.

10 - Машғулот

1-масала.

1. Олинган суюқлик сероз экссудатдир. Унинг юқори зичлиги, кўп миқдорда оқсил бўлиши, мусбат Ривальт синамаси, суюқлик ранги ва тиниқлиги бундан далолат беради. Клиник белгиларининг намоён бўлиши авжидаги сероз экссудатда лимфоцитлар миқдори 80 – 90 % га етади.

2-масала.

1. Экссудатнинг бундай ҳужайра таркиби яллигланишнинг иммунологик тилига хос.

3-масала.

1. Олинган суюқлик транссудатдир. Зичликнинг юқори эмаслиги, оқсилиниг 0,3 г/л дан камлиги, Ривалът салбий синамаси, суюқликнинг оч-сариқ ранги, тиниқлиги, ҳужайра элементларини кам миқдори, улар ичидаги лимфоцитларнинг кўплиги шундан далолат беради.

2. Қорин бўшлиғида яллигланишга хос бўлмаган суюқликнинг (транссудат) тўпланиши дарвоза венаси тизимида веноз қон димланиш ҳодисаси (жигар циррози, юрак етишмовчилиги ва б.к.) билан боғлиқ.

4-масала.

1. Яллигланишни кучайтирувчи гормон – альдостерон юборилган қуёnda яллигланиш жараёни кучли намоён бўлади, бу гормон яллигланишни стимуллайди. Гидрокортизон эса яллигланишни тормозлайди.

2. Гидрокортизон олган қуёnda септицемия ривожланиш эҳтимоли кўпроқ. Яллигланиш ривожланишининг сусайтирилиши, инфекция локализациясига қаратилган маҳаллий ҳимоя реакцияларини пасайтиради. Организмда микроб тарқалиши учун шароит туғилади.

11 - Машғулот

1-масала.

1. Бу ҳайвонларда пирогеналга реакция бир хил бўлмайди.

2. Глюкокортикоидлар иситма реакциясининг ривожланишини лейкоцитлар томонидан пирогенлар ишлаб чиқарилишини пасайтириш ҳисобига тормозлайди. Қалқонсимон без гормонлари (тироксин, учйодтиронин) юқори концентрацияда оксидланувчи фосфорланиш ва нафасни бир-биридан ажратиш ҳисобига иссиқлик ҳосил бўлишини кучайтиради.

2-масала.

1. Чин иситма пирогенал юборганда, шунингдек скапидар таъсирида аспептик яллигланиш ривожланишида кузатилиши мумкин. Икки ҳолатда ҳам пироген моддалар таъсирида терморегуляция марказининг иши қайта қурилади.

2. Динитрофенол юборилганда иситма эмас, эндоген қизиб кетиш ривожланади, чунки динитрофенол – оксидлананиш жараёнларини кескин оширувчи ва ҳужайрада нафас ва фосфорланиш жараёнларини бир-биридан ажратувчи модда ҳисобланади.

3-масала.

1. Грипп вируси чақирган инфекцион ялтигланиш шароитида экзо – ва эндоген пирогенларнинг ҳосил бўлиши учун шароит яратилади, у эса келтирилган мисолда иситма реакцияси ривожланишининг бевосита сабаби ҳисобланади.

4-масала.

А. исмли беморда иситманинг I – босқичи, Б. исмли беморда иситманинг 2 – босқичи мавжуд.

5-масала.

1. Ҳарорат эгри чизигининг бу типи гектик иситма дейилади.

2. У ўпка силининг оғир шакларида, септик ҳолатларида кузатилади.

12 - Машғулот

1-масала.

1. Асосан ҳужайра иммун реакциялари ривожланиши пасайтирилган бўлади.

2. Эскпериментда айрисимон без (тимус) олиб ташланганда паст бўйлилик, тукларнинг тушиши, инфекцион қўзғатувчиларга нисбатан қаршиликнинг бўлмаслиги билан тавсифланувчи вастинг – синдром юзага келади. Қонда лимфоцитлар сони кескин камаяди.

3. Худди шундай одамда айрисимон без гипоплазияси билан боғлиқ бирламчи иммун танқислик синдроми Ди Джордж синдроми дейилади. У эрта болалик даврида пайдо бўлади, ҳужайра типли иммунологик реакцияларнинг бўлмаслиги, инфекцияга нисбатан паст резистентлик билан тавсифланади. Болалар илк болалик ёшида ўладилар.

2-масала.

1. Ҳа, мумкин. Болада гипо – ва дисимму ноглобулинемия шаклидаги иммун етишмовчилиги мавжуд. IgA бўлмаслиги нафас йўллари ва ошқозон-ичак тракти шиллиқ қаватларининг микроорганизмлардан ҳимоя қилинмаслигига олиб келади.

2. Лимфоцитларнинг фитогемаглутинин ва туберкулинга мусбат реакцияси ҳужайра иммун реакцияларининг сақланишидан далолат беради.

3-масала.

1. Катта одам периферик қонила лимфоцитлар ўртача 30 % ни ташкил қилади, шундан 55 – 60 % Т – лимфоцитларга ва 25 – 30 % В – лимфоцитларга түгри келади.

2. Беморда Т – лимфоцитлар миқдори күпайған ва В – лимфоцитлар миқдори камайған.

4-масала.

1. Анафилактик шок ривожланмайды.

2. Юборилган антитаналар тұқымаларда фиксируланишта ултурманған, демек пассив сенсибилизация ҳолати юзага келмаган.

5-масала.

Йүқ, ривожланмайды, чунки ўлимга олиб келмайдиган анафилактик шокдан кейин организм специфик десенсибилизацияси ривожланады, демек ҳамма аллергик антитаналар анафилактогенлар билан ўзаро таъсирға кирған. Десенсибилизация ҳолати 3 – 4 кундан күтірілген, яна янгидан антитаналар ишлаб чиқарилиши бошланмагунча давом қилади.

6-масала.

1. Онада ҳомила резус–мос келмаслиги фақат ҳомила резус – мусбат эритроцитларининг резус–манфий она қонига тушганида ва Ph – антигенга нисбатан антитана ишлаб чиқарилиши стимулланғанда ривожланады. Бириңчи туғилған бола антитаналар таъсирига дүч келмайды, чунки ҳомила эритроцитлари она қонига фақат туғиши вақтида шикастланған бачадон девори орқали тушиши мүмкін, демек антитаналар бола туғилғандан кейин ҳосил бўлади. Бу патологиянинг юз бериш эҳтимоли күтірілген тақроран ҳомиладорликда юзага келади: организмда бўлған антитаналар ҳомила эритроцитларига таъсир кўрсатиши, ўлимга олиб келиши мүмкін бўлған анемия ривожланишини чақириши мүмкін.

2. Бу патология цитотоксик аллергик реакциялар қаторига киради.

13 - Машғулот

1-масала.

1. Экспериментда қандли диабет касаллиги нусхаси яратилған.

2. Карбонсувлар бузилиши билан боғлиқ симптомлар: гипергликемия, глюкозуря, полиурия, полидипсия (чанқаш), полифагия.

3. Ёғ ливидлар алмашинуви бузилиши белгилари: карбонсувларнинг ёғларга айланишининг бузилиши билан боғлиқ тана массасининг йўқотилиши, ёғларни жигарда ёнишининг бузилиши натижаси.

сида ривожланадиган гиперлипемия, холестерин ҳосил бўлишининг ошиши билан боғлиқ гиперхолестеринемия.

4. Оқсил алмашинуви ўзгаришларига оқсил синтези бузилиши ва унинг парчаланишининг кучайиши (шунинг учун ҳам гипопротеинемия, γ – глобулинлар миқдорининг камайиши), антитаналар синтезининг бузилиши (шунинг учун ҳам инфекцияга мойиллик кузатилади) киради.

2-масала.

1. Экспериментал қандли диабетли ҳайвонда гипофиз олиб ташланганда модда алмашинувига гипофиз олд бўллаги контринсуляр гормонларининг соматотроп, адренокортикотроп, тиротропларнинг таъсири тўхтайди. Ҳайвонларнинг аҳволи анча яхшидан бошлади, чунки бу шароитда инсулин таңқислиги организм томонидан енгил ўtkазилади.

2. Экспериментал қандли диабетли ҳайвонларда гипофизэктомия таъсирини ўрганишни биринчи марта В. А. Hoyssay (1931) итларда амалга оширган ва бу Хуссей итлари деб ном олган.

3-масала.

1. Қандли зўриқишда қонда қанд миқдори жудаям кўпаяди (нормада максимум 1 соатдан кейин 6,6 — 8,25 ммоль/л ни ташкил қилади), аслига аста-секинлик билан қайтади (бир неча соатлар давомида), 2 соатдан сўнг қанд миқдори ўша нормадагигача (ёки нормадан паст миқдоргача) пасаяди.

2. Аллоксан SH гуруҳларини блоклайди ва инсулин нофаол бўлиб қолади (Ало А. А., Ишимова Л. М., 1980).

4-масала.

1. Беморда коллапс ривожланиши инсулин юборилгандан кейин гипогликемия юзага келиши билан боғлиқ. Гипогликемия асаб ҳужайралари озиқланиши ва нафасининг бузилиши билан намоён бўлади (уларда глюкоза захираси йўқ).

2. Бемор ҳолатининг нормаллашиши қонда глюкоза миқдорининг тикланиши (глюкоза ва адреналин юборилиши) билан боғлиқ.

3. Инсулин халқаро бирлиқда дозаланади. Инсулин бирлиги қилиб, унинг шундай миқдори қабул қилинганки, 24 соат давомида оч қолдирилган тана массаси 2 кг га тенг қўёнга юборилганда, у қонда глюкоза миқдорини 45 мг % (1,8 ммоль/л) гача камайтиради. 1 мл да 40 инсулин бирлиги бўлади.

4. Инсулинни 1922 й. Нобел мукофоти лауреатлари Бантинг ва Бест кашф қилишган.

5-масала.

1. Беморда гипергликемия, кўриниши бўйича нопанкреатик инсулин етишмовчилигининг натижаси бўлса керак.
2. Инсулин юборилиши қондаги қанд миқдорига деярли таъсир кўрсатмайди, бу касаллик генезида инсулин ишлаб чиқарилишининг бузилиши эмас, қандайдир бошқа механизмларнинг (инсулин ингибиторлари – инсулиназа таъсири, хужайраларни инсулинга сезгирилигининг камайиши, контринсуляр гормонларнинг ортиқча бўлиши ва б.к.) рол ўйнашидан далолат беради.

3. Қандли диабетда полиурия сийдикнинг юқори осмотик босими (глюкозурия билан боғлиқ) ва натрийнинг кўп ажралиши (ацетон таналари билан биргаликда) билан боғлиқ.

6-масала.

1. Беморда моддалар алмашинуви охиригача оксидланмаган маҳсулотларининг (кетон таначалари) тўпланиши билан боғлиқ метоболик ацидоз.

2. Қандли диабетда кетонемия кетон таналарининг кўп ҳосил бўлиши (жигарда карбонсувлар танқислигида ёғ кислоталарининг тўлиқ оксидланмаслиги оқибатида), кетон таналарининг етарли даражада оксидланмаслиги (Кребс цикли фаоллигининг камайиши оқибатида), ёғ кислоталари ва кетон таналари ресинтезланишининг бузилиши (НАДФ · Н₂ танқислиги оқибатида) билан боғлиқ.

3. Айрим ҳолларда қандли диабет билан оғриган bemорда диабетик кома кетон таналари бўлмаганда, аммо жуда юқори гипергликемияда (50 ммоль/л гача) ва қонда натрий, сийдикчил ва хлор миқдори кўпайганда ривожланади. Бундай кома гиперосмоляр дейилади, гиперосмия билан тавсифланади ва сув – электролит алмашинувининг бузилиши билан боғлиқ.

14 - Машгулот

1-масала.

1. Азобланётган bemорнинг оғир ҳолатини организмнинг сувсизланиши, сув ҳажмининг томир ичидаги ҳужайра ичи секторида камайиши билан тушунтириш мумкин. Bемор танасининг дастлабки массасига нисбатан 12 % га орқидаган. Маълумки тана массасининг сув йўқотилиши билан боғлиқ 10 % га камайиши оғир бузилишларни чақиради, 20 – 22 % камайиши эса ўлимга олиб келиши мумкин.

2. Организмда сув танқислиги сабаблари унинг кам кириши (жабрланувчидаги сув захираси бўлмаган, чўл шароити) ва кўп миқдорда чиқарилиши ва сувнинг асосан тер билан йўқотилишидир (ҳавонинг

юқори ҳарорати, узоқ йўл). Организмда сув танқислигининг оқибати ҳужайра дегидратацияси ҳисобланади, унинг белгилари: шиллиқ пардалар қуриши, ташналик, иситма, даврли нафас, мушакларнинг талвасали титраши. Дегидратациянинг энг оғир оқибати – артериал босимнинг кескин камайиши.

3. Сув миқдорининг томир ичи секторида камайишида гематокрит кўрсаткич (шакли элеменларнинг плазмага нисбати) қон қуюқлашиши сабабли ошади, нормада у 36 – 48 % га тенг. Шу сабабли 1 мкл қонда эритроцитлар, гемоглобин ва оқсил миқдори кўпаяди. Бундай кўпайиш мутлақ эмас, нисбий тусга эга. Қонда қолдиқ азот миқдорининг кўпайиши ҳужайралар дегидратацияси билан боғлиқ оқсил парчаланиши натижасидир. Организмдан сув йўқотилиши электролитлар йўқотилишидан юқори бўлганлиги туфайли дегидратациянинг бу шакли гиперосмоляр ҳисобланади.

2-масала.

1. Беморда ташналикнинг ривожланиши гипоталамус вентролатерал бўлимида жойлашган ташналик марказининг таъсиrlаниши билан тушунтирилади. Унинг механизми: қон плазмасида натрий миқдорининг кўпайиши ҳужайрадан сувнинг ҳужайралараро бўшлиқقا – осмотик босим юқори бўлган томонга ўтишига олиб келади. Ҳужайра дегидратацияси содир бўлади ва у ташналик марказини қўзгатади. Массив шишлар кескин протеинурия (сийдикда оқсил 2%) ва гипернатриемия билан боғлиқ. Оқсилнинг сийдик билан йўқотилиши, унинг қондаги миқдорининг камайишига ва онкотик босимнинг пасайишига олиб келади, бу тўқимада суюқликнинг ушланишига сабаб бўлади.

2. Бемор организмига суюқлик юборишни чеклаш мақсадга мувофиқ эмас, чунки қайтариб бўлмайдиган ўзгаришларга (оқсил парчаланиши ва б.к.) олиб келадиган ҳужайра дегидратацияси кучаяди.

3. Организмда натрий ушланишининг сабаби буйракнинг ажратиш функциясининг бузилиши, гиперальдостеронизм ва бошқа омиллар бўлиши мумкин. Организмда натрий ушланишининг оқибати гиперосмия ҳисобланади. Томирларда ва ҳужайралараро бўшлиқда осмотик босимнинг кўтарилиши антидиуретик гормоннинг кўп ажралишига олиб келади, бу буйрак каналчаларида сув реабсорбциясими кучайтиради, натижада кундалик диурез камаяди.

4. Бу ҳолда сув ва натрий алмашинуви бузилишининг аралашган синдромларидан бири: ҳужайра дегидратациясининг ҳужайрадан ташқари гипергидратацияси билан кўшилиши кузатилади.

3-масала.

1. Кусиши вақтида нордон меъда шираси йўқотилиши натрий, калий, хлоридлар йўқотилиши ва метаболик алкалоз ривожланиши

билан кечади. Ширин чойни доимий ичиш сув танқислигини компенсируйди, аммо қон плазмасидаги бусиз ҳам паст бўлган тузлар концентрациясини чукурлаштиради (гипоосмоляр дегидратация) ва болада суюқлик ичишга жирканиш пайдо бўлади.

2. Натрий танқислигига гипоосмия ривожланади. Бу антидиуретик гормон ажралишининг камайишига, буйракларда сув реабсорбциясининг пасайишига, буйраклар орқали «ортиқча» сувнинг ажралишига (осморегуляцияловчи рефлекс) ва сувнинг ҳужайралараро бўшлиқдан ҳужайрага (юқорироқ осмотик босим томонга) ўтишига олиб келади. Ҳужайра дегидратацияси кўринишларидан бири – суюқлик қабул қилганда қўнгил айниши ва қусишидир.

3. Бола организми натрий, калий, кальций электролитлари, хлоридлар эритмасини юборишига муҳтож. Тузли препаратларнинг кенг спектри кўп қўлланиладиган ва юқори эффективия восита регидрон препарати шаклида тақдим этилган.

4-масала.

1. Юқори асаб-мушак қўзғалувчанлик ҳолати тетания деб номланувчи тоник талвасалар шаклида намоён бўлади. У қонда алкалоз негизида ионланувчи кальций концентрациясининг камайиши натикасида ривожланади.

2. Рахитда кальций ва фосфор алмашинуви бузилиши юзага кела-ди. Қонда ноорганик фосфор миқдори кўпайиши ионланган кальций миқдорининг камайишига олиб келади. Рахит билан касалланган болаларда ҳаётининг биринчи 6 – 18 ойларида рахитоген тетания ёки спазмофилия ривожланади. Бундай беморларда баҳор ойларида қонда витамин D фаол метаболити кўпайишига олиб келувчи ультрабинафша нурланишда қондан суякка кальций мобилизацияси ку-чяди. Қонда кальций миқдорининг камайиши тетаник талвасала-ниш хуружига олиб келган.

3. Талвасалар ҳосил бўлишини қўзғатувчи омил ўпка гипервентиляция (тез юзаки нафас, йиғлаш) ҳисобланади, у кислота – асос мувозанатини алкалоз томонга силжишига олиб келади.

15 - Машғулот

1-масала.

1. Бу ҳолда қонда PCO_2 кўтарилиши бирламчи, BB, SB, BE – кўрсаткичларининг ўзгариши иккиласми ҳисобланади ва метаболик компенсацияни ривожланишдан далолат беради.

2-масала.

1. Беморда компенсацияланмаган метаболик алкалоз мавжуд.
2. Ишқорнинг кўп истеъмол қилиниши.

3. Ҳа, алкалозда қонда ионланувчи кальций миқдори камаяди, бу тетаниянинг ривожланишига олиб келиши мумкин.

3-масала.

1. Келиб тушганда беморда компенсацияланмаган метаболик ацидоз бўйлган.

2. Терапиянинг 3-кунида кислота-асос мувозанатининг назорат текшируви беморда бикарбонат натрий юборилиши натижасида компенсацияланган метаболик алкалоз ривожланганигини кўрсатди. Бикарбонат натрийни юбориш тўхтатилиши лозим.

16 - Машғулот

1-масала.

Беморда асосий алмашинувнинг камайиши қалқонсимон без гипофункцияси – тиреоид гормонларнинг кам ишлаб чиқарилиши билан боғлиқ. Патогенези – қалқонсимон без фолликулалари ҳужайралари қон плазмасидан тироксин, учйодтиронин ва бошқа гормонларни синтезлаш учун зарур бўйлган йодни етарли сингдирмайди. Уларнинг танқислиги ҳужайра митохондрияларида оксидланиш жараёнларининг камайишига, демак асосий алмашинувнинг пасайишига олиб келади.

2-масала.

Болада асосий алмашинув ҳужайра энергетик алмашинувини кучайтирувчи тироксин ва бошқа гормонларнинг кўп ишлаб чиқарилиши натижасида, кучайган. Патогенези: гормонларнинг ортиқча бўлиши нафас ва фосфорланишининг бир–биридан ажralишига, АТФ ҳосил бўлишининг камайишига ва АДФ ва ноорганик фосфат концентрациясининг кўпайишига олиб келади. Бу оксидланиш жараёнларини, энергия тарқалиб кетишини ва асосий алмашинувни янада кучайтиради. Пульс, нафаснинг тезлашиши, тана ҳароратининг кўтарилиши ва бошқа симптомлар ҳам асосий алмашинувнинг янада кўпроқ ошишига ёрдам беради.

3-масала.

Ҳайвонда очликнинг иккинчи даври. Бу даврда энергетик алмашинув асосан ёғларнинг оксидланиши билан тавсифланади – нафас коэффициенти 0,7 га тенг. Асосий алмашинувнинг пасайиши қуидагилар билан тушунтирилади: 1) митохондрияларда жойлашган энергия ҳосил қилувчи тизимлар тежамлироқ функция қилишга ўтади; митохондрияларнинг умумий сони камаяди, қолган митохондрияларда оксидланишининг фосфорланиш билан бирга кечиши ошади;

2) қалқонсимон без ва меъда ости бези панкреатик оролчалари β – хужайраларининг функцияси пасаяди, бу асосий алмашинув пасайшининг регулятор омилларидан бири ҳисобланади.

4-масала.

1. Беморда А гиповитаминози мавжуд.

2. Қоронғида кўришнинг бузилиши – гемералопия – кўзнинг қоронғилик адаптациясини регуляция қилувчи, кўриш пигменти ро- допсин синтезининг бузилиши билан тушунтирилади. Юқори нафас йўлларининг кўп учрайдиган касалликлари шилиқ қават баръер функциясининг заифлашиши ва организм қаршилигининг пасайиши билан боғлиқ. Тери куриши ва пўст ташлаши – бу витамин А этишмовчилигига тери эпителийси ва соч фолликулаларининг кератинизацияси (яъни ортиқча қотиб кетиши) патологияси кўринишидир. Терининг йирингли шикастланиши баръер функциянинг пасайишидан, шунингдек иммунитетнинг сусайишидан (чунки А гиповитаминозида антитаналар синтези, хужайралар митотик фаоллигини камайиши натижасида, пасайган) далолат беради. Эритроцит ва гемоглобин миқдорининг камайиши, эҳтимол ошқозон-ичак трактида темир шимилиши бузилиши билан боғлиқ.

3. А гиповитаминознинг жигар ва ўт ажратувчи йўлларнинг узоқ муддатли касалликларида ривожланиши ёнда эзувчи витаминлар шимилишининг бузилиши билан боғлиқ. Ўт секрециясининг етарли бўлмаслиги уларнинг шимилишини бузади ёки тўхтатади.

5-масала.

1. Болада D гиповитаминози – рахит мавжуд.

2. МАТ қўзғалувчанлигининг ошиши рахитга хос, шунинг учун bemорда тез аччиқланиш, йиғлаш, ёмон ухлаш кузатилади. Вегетатив асад тизими қўзғалувчанлигининг ошиши томирлар спазми (тери қоплами оқарган), терлаш, ич кетиш билан кечади. Ўсишдан орқада қолиш ва суяклар ва тишлар патологияси суякларда кальций миқдорининг камайиши билан тушунтирилади (D витамини суяклар минерализациясини кучайтиради).

3. Бола даволаш тавсияларидан ташқари, витамин D га бой овқатларни (тухум сариги, жигар, балиқ, сариёғ) истъемол қилиши зарур, ҳамда күёш нури тушадиган, соғ ҳаволи жойларда кўпроқ бўлиши керак.

6-масала.

1. Витамин В₁, кетокислоталарнинг (пироузум, кетоглутар) де-карбоксилланиши учун зарур, чунки у бу жараёнда иштирок қилув-

чи кофермент таркибига киради; ацетилхолин синтези ва парчаланиши пентоз циклининг нормал ишлаши учун зарур.

2. Асаб тизимининг бузилиши кетокислоталар, айниқса пиразум кислотанинг тўпланиши билан боғлиқ, унинг концентрациясининг 2 – 3 марта кўпайишида сезувчанликнинг бузилиши, невритлар, фалажланиш ва б.к. лар ривожланади. Ацетилхолин синтезининг камайиши асаб импульсларининг узатилишини бузади.

3. Одам учун витамин В₁ нинг асосий манбаси бўлиб дағал майдалангандан тайёрланган нон ва ноң маҳсулотлари, дуккаклилар, жигар, ёғсиз чўчқа гўшти ҳисобланади. Сабзавотлар ва сутда витамин В₁ кам бўлади.

7-масала.

1. Беморда РР гиповитаминози (никотин кислота етишмовчилиги) мавжуд.

2. Витамин РР танқислигининг асосий белгилари – дерматит (терининг жароҳатланиши), диария (ич кетиш), деменция (асаб тизими функциясининг бузилиши).

8-масала.

1. Бола касалланган касаллик квашиоркор дейилади.

2. Касаллик овқатланишнинг оқсил етишмовчилиги натижасида оғир бузилиши туфайли ривожланади. Жуда керакли бўлган аминокислоталар танқислиги унинг патогенезида асосий ролни ўйнайди: ҳаётий муҳим оқсиллар синтези, ўсиш, аъзо ва тўқималар ривожланиши бузилади.

17 - Машгулот

1-масала.

1. Сичқонда гипоксиянинг гистотоксик типи ривожланган.

2. 2,4 – динитрофенол хужайрада оксидланишни фосфорланишдан ажратади, натижада АТФ синтези бузилади. Қондаги энергия эркин иссиқлик шаклида тарқалади, биологик оксидланиш эффективлиги эса камаяди.

2-масала.

1. Гемоглобин инактивланиши натижасида гипоксиянинг гемик типи ривожланган.

2. Қоннинг «шоколад» ранги, унда метгемоглобин бўлиши билан тушунтирилади, у нафас функциясини бажара олмайди.

3. Метгемоглобин молекуласида гемоглобиндан фарқли равища, иккивалентли темир учвалентли билан алмашган, метгемоглобин кислород билан қайтар реакцияга кириш хусусиятига эга эмас.

4. Аскорбин кислота ва глютатион ишлатилиши мумкин, улар метгемоглобинни қайта тиклади.

3-масала.

1. Экспедиция иштирокчиларида ривожланган гипоксиянинг сабаби ҳавода 3000 м баландликда кислород парциал босимининг камайишидан иборат. Гипоксиянинг типи – гипоксик (ёки экзоген).

2. Ҳансираши хеморецепторларнинг қонда кислород парциал босимиининг камайишига нисбатан қитиқланишига жавобан ривожланади.

3. Баланд тоғли жойларда ҳансирашнинг оғир асорати гипокапния ҳисобланади, у гипервентиляция натижасида ривожланади ва алкалозга олиб келиши мумкин.

4. Гипокапнияни эффектив даволаш воситаси сифатида карбоген – кислороднинг (95 %) карбонатангидрид гази (5 %) аралашмаси билан нафас олиш, шунингдек кислотали препаратларни юбориш тавсия қилинади.

4-масала.

1. Бу ҳолда гипоксия ривожланиши асосида гемоглобин инактивацияси ётади.

2. Гипоксия типи – гемик.

3. Қон газ таркибининг ўзгариши гипоксемия ва гиперкапния ривожланиши билан тавсифланади. Қоннинг кислород сигими камайади.

5-масала.

1. Беморда, гипоксиянинг кичик қон айланиш доирасида қоннинг димланиши билан боғлиқ циркулятор типи ривожланган.

2. Эритроцитлар ва гемоглобин миқдорининг кўпайиши организмининг гипоксияга компенсатор реакцияси ҳисобланади ва гемопоэз кучайиши билан боғлиқ.

3. Нормада гемоглобиннинг кислородга тўйиниши даражаси 97 % ни ташкил қиласди. Оксигемометрия кўрсаткичларининг камайиши артериал қоннинг кислородга етарли тўйин маслигидан яъни декомпенсациядан далолат беради.

6-масала.

М. оиласи аъзолари касалланишининг сабаби – ис гази билан заҳарланиш. Механизми – гемик гипоксиянинг ривожланиши. Гемоглобин ис газига кислородга нисбатан 300 марта яқинроқ, гемог-

лобин инактивацияси юзага келади, у кислород ташиш хусусиятини йўқотади. Касалликда ривожланган белгилар ҳётий мухим аъзоларнинг, айниқса марказий асаб тизимининг гипоксия натижасида бузилишидан далолат беради.

18 - Машгулот

1-масала.

1. Беморда чап кўкрак сут безининг хавфли ўсмаси.
2. Шиш лимфа оқиб кетишининг бузилиши натижасида ҳосил бўлади, чунки қўлтиқ ости тугуларига берилган метастазлар лимфатик томирларни қисиб кўяди.
3. Организмнинг озиб кетишпи ёки рак қахексияси ўсманинг организма тизимли таъсири натижасида рўй беради.

2-масала.

1. Бемор бош териси остида хавфсиз ўсма, эхтимол липома.
2. Ўсманинг ўсиши экспансив, шунинг учун ҳам ўрнидан қўзғаладиган, атрофдаги тўқималар билан ёпишган эмас ва капсуласи бор.

3-масала.

1. Тератома – бир неча типдаги тўқималардан ташкил топган, ривожланган аъзо ва анатомик соҳаларга хос бўлмаган ўсмадир. Эмбрионал даврда тўқима шаклланишининг бузилиши натижасида ҳосил бўлади.
2. Конгейм дисонтогенетик назариясига биноан хато эмбрионал куртаклардан эмбрионал ҳужайралар унга хос бўлмаган жойларга тушади, туғилгандан кейин жуда тез ўсма ривожлана бошлишига сабаб бўлади.

4-масала.

1. Ичак полипози облигат рак олди ҳисобланади.
2. Шунинг учун малигнизация ҳосил бўлишигача ўсмани олиб ташлаш мақсадга мувофик.

О. А. Ҳусинов, Д. С. Ҳайдарова

II ҚИСМ

АЪЗОЛАР ВА ТИЗИМЛАР ПАТОФИЗИОЛОГИЯСИ

19 - МАШГУЛОТ

ҚОН ТИЗИМИ ПАТОФИЗИОЛОГИЯСИ. I Мавзу : ЭРИТРОЦИТЛАР ПАТОЛОГИЯСИ

Машгулот мақсади. Талаба қуйидагиларни билиш керак:

1) камқонлик (анемия) таърифи, таснифини, постгеморрагик, гемолитик ва қон яратилишининг бузилиши натижасида келиб чиқадиган анемияларнинг этиологияси ва патогенезини;

2) ҳайвонда экспериментал анемия чақира билишни. Қон суртмалари тайёрлаш, уларни бўяш ва микроскоп остида кўришни. Экспериментал анемияда қонда эритроцитлар, ретикулоцитлар, гемоглобин микдорини аниқдашни;

3) турли турдаги анемияларда эритроцитлар ва гемоглобин томонидан бўладиган миқдорий ва сифатий силжишларни (физиологик регенерация кўрсаткичлари ва эритроцитларнинг дегенератив ўзгаришлари) баҳолашни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

Куйидаги саволларга жавоб беринг.

Жавобларни* аудиториядан ташқари мустақил ишлаш дафтарига ёзинг.**

1. СИ тизими бўйича катталар ва болаларда эритроцитлар сони.
2. Катталар ва болаларда гемоглобин миқдори.
3. Эритроцитларнинг ўртача диаметри, уларнинг шакли, ранг кўрсаткичи.
4. Эритропозз, эритропоэтинлар нима?
5. Қон яратилиши турлари.
6. И. П. Чертков ва А. И. Воробьев бўйича нормал эритропозз схемаси (чизмаси).
7. Нормал эритропозз учун керакли бўлган моддалар.
8. Нормада эритроцитлардаги гемоглобин турлари.
9. Эритроцитларнинг асосий функциялари. Гемоглобин кимёвий бирикмаларининг нормал ва патологик шакллари.
10. Катталар ва болаларда эритроцитларнинг яшаш муддати.

*** заминий билимлар саволларига жавоб эталонлари ва вазиятли масалаларга жавоблар I ва II иловаларда келтирилган.

Мутакил тайёрланиш учун кўрсатмалар

Асосий адабиётлар:

Патологическая физиология. /Под ред. А.Д. Адо и Л.М. Ишимовой - 2-е изд. перераб. и доп. - М: Медицина 1980, - с. 282–313.

Патологическая физиология. / Под ред. чл.-корр АМН СССР Н.Н. Зайко. – 2 - е изд.перераб и доп.-Киев: Вища школа,1985- с.336–349.

Патологическая физиология. / Под ред. акад. РАМН А.Д. Адо и проф. В.В. Новицкого. Томск, изд-во Томского ун-та, 1994, с. 168-280

Патологическая физиология / Под ред. А. Д. Адо и др. - М.: Триада-Х, 2002, с. 463–474.

Н. Ҳ. Абдуллаев, Ҳ. Ҷ. Каримов / Патофизиология. Т.: Абу Али ибн Сино номидаги тибиёт нашриёти, 1998, б., 307–331.

Қўшимча адабиётлар:

Алексеев Г.А., Кассирский И.А. Клиническая гематология. Медицина, 1970.

Идельсон Л.И. Гипохромные анемии. - М.: Медицина, 1981–190с.

Козинер.Б.В., Пермяков, Н.К.Томилин, В.В. Кровопотеря. / БМЭ Под ред. Б.В. Петровского- 3 - е изд.- М.,1980-Т.12-с.227–239.

Наследственные анемии и гемоглобинопатии /Под ред.-Ю.Н. Токарева и др.-М.: Медицина, 1983–335 с.

Патологик физиологиядан амалий машгултлар бўйича қўлланма /проф. Н.ҳ. Абдуллаев, ҳ.Ҷ. Каримов таҳрири остида. Т., 1994, 93–108 б.

Руководство по гематологии. /Под ред. А.И. Воробьева, 2 - е изд. перераб. и доп. - М. Медицина,1985-. Т.2. –386с.

Руководство к практическим занятиям по патологической физиологии. /Под ред. чл.-корр. АМН СССР Н. Н. Зайко и проф.- Л.Я. Даниловой, Киев.: Вища школа, 1987. –184с.

Тур А.Ф. Гематология детского возраста. М.: Медицина, 1963.

Тур А.Ф., Шабалов Н.П. /Кровь здоровых детей разных возрастов. Медицина, 1970.

Токарев Ю.Н., Михайлова Н.Д., Турбина Н.С., Крылов В.И., Логачёв М.Ф. /Краткая медицинская энциклопедия. Под ред. акад. Б. В. Петровского, изд. 2, том 1. М.: Изд-во «Советская энциклопедия», 1989, с.81–84.

Тесты и графы логических структур для самоконтроля знаний по темам патофизиологии крови. /Под ред. Г.А. Ерзиной, 2- МолМИ., М., 1987, с.75.

Файнштейн Ф. Э., Козинец Г.И., Бахрамов С.М., Хохлова М.П. /Болезни системы крови. Изд. 2-е перераб. и доп.-Т.: «Медицина»,1987,670 с.

Асосий ўкув саволлари

1. Анемия: таърифи, патогенези, қизил кўмикнинг функционал ҳолати, ранг кўрсаткичи, қон яратилиш тури, эритроцитларнинг ўртacha диаметрининг ўзгариши бўйича таснифи.

2. Анемияларда эритроцитларнинг патологик шаклари.
3. Постгеморрагик анемия: патогенези, қон манзараси.
4. Гемолитик анемия, этиология, патогенези. Чақалоқларнинг гемолитик касаллиги. Резус-конфликт ҳақида замонавий тушунча.
5. Қон яратилишининг бузилиши натижасида келиб чиқадиган анемиялар. Витамин В₁₂ (фолат кислота) танқислиги анемияси: патогенези, қон манзараси.
6. Темир танқислиги анемиялари. Этиология ва патогенези. Қон манзараси. Болаларда темир танқислиги ҳолатлари.
7. Гипопластик анемиялар.
8. Бирламчи ва иккиламчи полицитемиялар. Мутлақ ва нисбий эритроцитоз. Вакез касаллиги, патогенези, қон манзараси.

Аннотация

Анемия (юн. *an* - инкор этиш, *haíma* — қон) — қонда қоннинг ҳажм бирлигига эритроцитлар сони ва гемоглобин микдорининг камайиши.

Анемияларда микдорий ўзгаришлардан ташқари эритроцитлар ва гемоглобин томонидан сифат ўзгаришлар ҳам кузатилади — эритроцитлар ўлчами, унинг шакл ўзгариши, ядроли эритроцитлар пайдо бўлиши, эритроцитларда гемоглобин микдорининг ўзгариши ва б. к. шулар жумласидандир.

Анемиялар таснифи

- | | |
|---|--|
| Этиологияси бўйича: | 1) ирсий
2) орттирилган |
| Патогенези бўйича: | 1) қон кетиш натижасида (постгеморрагик)
2) қон емирилишининг кучайиши натижасида (гемолитик)
3) қон яратилишининг бузилиши натижасида |
| Қон яратиш тури бўйича: | 1) қон яратилишининг нормобластик туридаги анемия
2) қон яратилишининг мегалобластик туридаги анемия |
| Қизил кумикнинг регенерация қилиш қобилияти бўйича: | 1) регенератор
2) гиперрегенератор
3) гипорегенератор
4) аргенератор |
| Ранг кўрсаткичи бўйича (Р.К.): | 1) нормохром ($P.K. = 0,85 - 1,05$)
2) гипохром ($P.K. < 0,85$)
3) гиперхром ($P.K. > 1,05$) |

Эритроцитларнинг ўртча диаметри бўйича (ЭЎД):

- 1) нормоцитар (ЭЎД – 7–8 мкм)
- 2) микроцитар (ЭЎД – <7 мкм)
- 3) макроцитар (ЭЎД – > 8 мкм)
- 4) мегалоцитар (ЭЎД 10–12 мкм)

Хар хил турдаги анемияларнинг патогенези бўйича тавсифи. *Постгеморрагик анемиялар.* Сабаби: 1) ўткир қон кетишлар (томирларнинг лат ейиши, уларнинг патологик жараён туфайли ёрилиши ёки шикастланиши натижасида); 2) сурункали (такроран) қон кетишлар (меъда ва 12 бармоқ ичак яраси, бавосил, бачадон фибромиома си ва бошқалар).

Ўткир постгеморрагик анемиянинг ривожланишида 3 босқич кутилилади: 1) рефлектор; 2) гидремик; 3) қизил кўмикли. Биринчи босқичда қуйидаги рефлектор компенсатор механизmlари ишга киришади: периферик томирлар спазми, қон ивишининг тезлашиши, деполардан (захиралар) қоннинг чиқиши, тахикардия, ҳансираш.

Марказий асаб тизими кўзғалади, альдостерон ажralиб чиқиши кучаяди, бу эса натрий реабсорбциясини кўпайтиради, натижада организмда сув ушланиб қолади. Қоннинг суюқ қисми кўпаяди. Плазма лимфа ҳисобига ҳам тикланади (гидремик босқич). Қон кетишдан 4 – 5 кун ўтгач қизил кўмик фаоллашади. Гипоксия туфайли буйракнинг юкстагломеруляр аппаратида эритропозни кучайтирувчи эритропоэтинлар ишлаб чиқарилиши ошади (қизил кўмик босқичи).

Қон яратилиш тури бўйича постгеморрагик анемия *нормобластик*, қизил кўмикнинг регенерация қобилияти бўйича – *регенератор ҳисобланади*.

Қон манзараси: қон кетишининг дастлабки 1 – 2 кунларида эритроцитлар сони, гемоглобин миқдори ва ранг кўрсаткичи деярли ўзгармайди. Кейинчалик эритроцитлар сони ва гемоглобин миқдори камаяди. Қон суртмасида гипохромия ($P.k.- < 0,8$), ретикулоцитоз, полихроматофилия, якка-ягона нормобластлар, лейкоцитоз (нейтрофиллар ядросининг чапга силжиши билан) кузатилади. Сурункали постгеморрагик анемия темир мoddасининг йўқолишига олиб келади. Тез-тез қон йўқотишлар темир танқислиги камқонлиги ривожланишига олиб келади. У гипо – ва аргенератор бўлиши мумкин. Периферик қонда – гипохромия, микроцитоз, пойкилоситоз (эритроцитлар шаклининг ўзгариши) кузатилади. Темир танқислиги камқонлиги баъзан қизларда жинсий вояга этиш даврида (илк хлороз) ва аёлларда климакс даврида (кечки хлороз) кўп ҳайз кўриш, ҳамда бачадондан қон кетишлар (метроррагиялар) сабабли юз беради.

Гемолитик анемиялар – қон емирилишининг кучайиши натижасида ривожланган анемиялар, ортирилган ва ирсий бўлиши мум-

кин. Орттирилган гемолитик анемиялар — гемолитик заҳарлар (илон заҳари, қўзиқорин заҳари, фенилгидрозин, анилин бўёклари, сулема ва б.к.); юқумли ва паразитар касалликлар (безгак, анаэроб сепсис); бошқа гуруҳдаги қонни қўйиш; резус — конфликт (чақалоқлар гемолитик касаллиги); эритроцитларга қарши аутоантитаналар ишлаб чиқарилиши (автоиммун касалликлар) сабабли келиб чиқади.

Гемолитик анемияларнинг патогенези: эритроцитлар ҳаёти (умри) нинг қисқаришидир. Орттирилган гемолитик анемияларда одатда гемолиз томир ичдиа юз берали. Гемолитик заҳарлар эритроцитлар мембранныга бевосита таъсир кўрсатади, мембрана тузилмаларини (структурасини) емиради. Ирсий гемолитик анемияда эса нуқсонли эритроцитлар томирдан ташқарида талоқ ва жигар макрофаглари иштирокида гемолизга учрайди. Шакли ўзгарган эритроцитлар капиллярлардан қийинчилик билан ўтиб шикастланади ва моноцитар — макрофагал тизим ҳужайралари (РЭТ—ретикулоэндоцелиал тизим) томонидан ушланиб томирлардан ташқарига чиқарлади ва парчаланади. Томирдан ташқари гемолиз (ҳужайра ичи гемолизи) орттирилган гемолитик анемиянинг бошқа хилларига нисбатан резус — конфликтда ҳам муҳим аҳамият касб этади.

Гемолитик анемияларнинг ҳамма шакли учун хос бўлган умумий белгилар юқори даражада кечадиган гемолиз натижасида келиб чиқади: қонда бевосита билирубин концентрациясининг ошиши (бу сариқликка олиб келади), стеркобилиннинг кўп микдорда најас билан, уробилиннинг сийдик билан ажралиши, қонда эркин гемоглобиннинг циркуляцияси (гемоглобинемия), унинг қисман сийдик билан ажралиши (гемоглобинуря) шулар жумласидандир. Кондаги гемоглобин макрофагал тизим ҳужайралари томонидан ютилади ва гемосидерингача парчаланади. Гемосидериннинг талоқда, жигарда, буйракларда, қизил кўмикда тўпланиши (гемосидероз) бириттирувчи тўқиманинг реактив ўсишига ва бу аъзолар функциясининг бузилишига олиб келади. Шундай қилиб, гемолитик анемияларнинг патогенезида гемолитик сариқлик ва ички аъзолар гемосидерози муҳим аҳамиятга эга. Гемолитик анемияларда жигар ва талоқнинг каталлашиши бу унинг энг кўп учрайдиган белгиларидир.

Қон яратилиш тури бўйича бу анемия — *нормобластик*, қизил кўмикнинг эритроцитлар ишлаб чиқариш хусусиятига қараб *гиперрегенератор* анемиялар қаторига киради. Қон манзараси: эритроцитлар гипохромли, гемоглобин турли даражада камайган, оғир гемолитик кризларда унинг микдори кескин камаяди (20 г/л гача ва ундан паст, Файнштейн Ф. Э. ва б.к. 1987). Ранг кўрсаткичи ўртача камайган, аммо 1 га тенг ва ҳатто > 1 (сохта гиперхромия). Яққол кўзга ташланадиган ретикулоцитоз, баъзан ретикулоцитар кризлар (40% гача), полихроматофилия, анизо- ва пойкилоцитоз учрайди.

Янги туғилған чақалоқларнинг гемолитик касаллиғи — эритроцитларнинг кескин емирилишининг (гемолиз) организмга заҳарли (токсик) таъсири натижасида келиб чиқадиган қатор симптомлар (анемия, сариқлик, шишлар) билан характерланадиган оғир касаллик. Касалликнинг асосида она ва бола қонининг бир-бирига, күпинча резус омил бўйича мос келмаслиги ётади. Одатда бу касаллик резус манфий аёlda иккинчи марта ҳомиладорликда ривожланади (агар ҳомилага отасидан резус – омил ўтган бўлса). Она организмида ҳомила резус - омилига (антигенга) қарши антитаналар – антирезус аглютининлар ишлаб чиқарилади. Бу антитаналар қайта ҳомиладорлик даврида ҳомила организмига кириши мумкин. Маълумки она ва ҳомила қони аралашмайди, лекин туғиши пайтида йўлдош (плацента) ажралганда бачадоннинг жароҳатланган юзасидан она организмига ҳомила нинг эритроцитлари кириши мумкин. Натижада антиген – антиаглютинин реакцияси ривожланади ва у бола ташлашга сабаб бўлиши, янги туғилған чақалоқларда эса эритроцитларнинг массив гемолизи туфайли уларда камқонликнинг ривожланишига олиб келиши мумкин.

Баъзи ҳолларда резус конфликт биринчи ҳомиладорлик даврида ҳам қузатилиши мумкин, агар резус - манфий аёлга резус-мусбат қон қуйилған бўлса, шунингдек ҳомиладорликнинг нормал кечиши бузилған ҳолатда, аборт қилинганда (бу ҳолда ҳомиланинг эритроцитлари она қонига туғишдан олдинроқ кириб антитаналар ишлаб чиқарилишига сабаб бўлади). Нормал кечётган биринчи ҳомиладорликда резус - конфликт юз бермаслиги нафақат ҳомила эритроцитларнинг она қонига тушиш эҳтимолининг камлиги, балки бирламчи иммун жавоб кўлинча IgM (макроглобулиналар) ишлаб чиқарилиши билан кечиши, улар эса йўлдош орқали ҳомила қонига ўтадолмаслиги билан ҳам тушунтирилиши мумкин. Қайта сенсибилизация юз берадиган кейинги ҳомиладорликларда иммун жавоб иккинчи турли бўлиб IgG ишлаб чиқарилиши билан кечади. IgG йўлдош орқали ҳомила қонига енгил ўтади. Кейинги ҳар бир ҳомиладорликда она қонидаги антирезус – аглютининлар миқдори ошиб боради ва уларнинг ҳомила қонига ўтиш эҳтимоли ортади. Туғриқдан кейин дарҳол резус - манфий аёлга унинг организмига тушган ҳомиланинг резус - омилини блоклайдиган антирезус – иммуноглобулиналар юбориб, онада кейинчалик антирезус- антитаналар ҳосил бўлишининг олдини олиш мумкин.

Гемолитик касалликда янги туғилған чақалоқ қонида кўп миқдорда билвосита билирубин циркуляция қиласи. У катта концентрацияда бош мия ҳужайраларига заҳарли таъсир кўрсатади, чунки гематоэнцефалик барьердан ўтиб марказий асад тизимини заҳарлайди (ядроли сариқлик, ёки билирубинли энцефалопатия). Янги туғилған чақалоқлар гемолитик касаллигининг бир неча: анемик, сариқ ва

шиш билан кечувчи шакллари фарқ қилинади. Яхши прогнозни анемик шаклида кутиш мумкин. Конда – анемия, эритробластоз, нормобластоз, ретикулоцитоз кузатилади.

Ирсий гемолитик анемияларнинг сабаблари қуйидаги генетик бузилишлар: а) мембраналар тузилиши (наслий эритроцитопатия ёки мембранопатия); б) эритроцитлар ферменти фаоллигининг камайishi (наслий энзимопатия); в) гемоглобин синтези бузилишлари (наслий гемоглобинопатия) бўлиши мумкин.

Наслий эритроцитопатияда (Минковский - Шоффар касаллиги) эритроцитлар мембраннынг ўтказувчанилиги ҳужайрага сув билан ортиқча кирадиган натрий ионлари учун ошади. Натижада эритроцитлар шишади, сфероцитларга (шарсимон шакл) айланади. Бундай эритроцитларнинг умри 120 кун ўрнига 8–14 кунни ташкил этади. Уларнинг осмотик ва механик резистентлиги пасаяди, бу эса талоқ ва жигар макрофагоцитларида эритроцитлар гемолизининг кучайишига олиб келади. Касаллик авлоддан - авлодга аутосом доминант тур бўйича ўтади.

Наслий энзимопатиялар кўпинча эритроцитларда глюкоза – 6 – фосфатдегидрогеназа (G-6-ФДГ) ферменти танқислиги туфайли келиб чиқади. Бунда эритроцитлар мембраннынг гемоглобин ва липидларнинг оксидланиши, айниқса оксидлантирувчи дорилар қабул қилинганда (сульфаниламидлар, фтивазид, ПАСК, безгакга қарши дорилар) кучайган бўлади. Эритроцитлар мембраннынг ўтказувчанилиги ошади, уларнинг осмотик резистентлиги пасаяди, ўткир томир ичи гемолизи ривожланади. Бу кўпинча оксидловчи дорилар таъсиридан ташқари, овқатга от ловиасини ишлатиш — фавизм ($\text{G-6-ФДГ-танқислиги анемиясининг бир тури}$) да ҳам кузатилади. Наслий энзимопатиялар эритроцитларнинг бошқа ферменти — пируваткиназанинг танқислиги билан ҳам боғлиқ бўлиши мумкин.

Гематология институти маълумотларига мувофиқ G-6-ФДГ танқислиги билан боғлиқ эритроэнзимопатиялар Озарбайжон аҳолиси орасида 4,6–37,5%, шу жумладан унинг Кўкчой туманида, 31,2–38,7% ҳолларда учраши аниқланган. Ўзбекистон Республикаси худудида наслий анемияларнинг бу тури ўзбекларда (эркакларида) 0–3%; яхудийларда 2–3% гача, арабларда 2,4–7,6% гача учраши аниқланган.

Наслий гемоглобинопатия қуйидаги шаклларда намоён бўлади: а) ўроқсимон ҳужайрали анемия; б) α - талассемия; в) β -талассемия. Ўроқсимон ҳужайрали анемияда (гемоглобиноз S) тузилиш генининг мутацияси натижасида патологик гемоглобин — HbS синтез қилинади. Унинг нормал Hb A1 дан фарқи шундаки, гемоглобиннинг β - занжирида глутамин кислота валин билан алмашган бўлади. Таркибида HbS мавжуд бўлган эритроцит ўроқсимон шаклни эгал-

лайди, чунки HbS кристаллашиб чўқади ва эритроцитнинг шаклини ўзгартиради. Бу эритроцитлар айниқса гипоксия ҳолатида («баландлик» касаллиги, зотилжам ва ҳ. к.) хужайра ичидаги гемолизга учрайди. Касаллик авлоддан-авлодга тўлиқ бўлмаган доминант шаклида ўтади. Бу шуни англатадики, HbS бўйича гомозиготлар (уларда фақат HbS мавжуд) анемиянинг оғир шакли билан касалланадилар, гетерозиготлар эса (уларнинг эритроцитида HbS - 22-45%, ва Hb A1 - 55-78% қадар) ўроқсимон эритроцитлар аномалияси ташувчи-си ҳисобланадилар.

Талассемияда, регулятор генлар мутацияси оқибатида гемогло-биннинг альфа ёки бета занжири синтезининг наслий дефекти юз беради, касаллик авлоддан авлодга аутосом — доминант турда ўтади. Талассемияда эритроцитларда гемоглобиннинг аномал шакллари (Hb A2, гемоглобин F ва бошқалар) учрайди. Эритроцитлар нишон шаклида бўлиб, уларда гемоглобин хужайранинг фақат марказида ва четида жойлашади. Талассемия ёки Кули касаллиги, боланинг бир ёшга тўлаётган вақтида оғир гемолитик анемия ҳолатида аниқланади, гепато - ва спленомегалия, ички аъзолар гемосидерози, шунингдек сүякларнинг ривожланишининг бузилиши билан кечади.

Гемоглобиноз S ва талассемия асосан ўрта ер денгизи қирғоги зонасида учрайди. Ўзбекистонда гематология институти маълумотларига кўра, наслий гемоглобинопатияларнинг бу шакллари 6,5%, шундан, Самарқанд вилоятида - 4,2% ва Хива шаҳрида - 4,3% ҳолатларда учрайди.

Наслий гемолитик анемияларда қон манзараси. Эритроцитларнинг кескин регенерацияси белгилари кузатилади: юқори ретикулоцитоз, полихроматофилия, якка ягона эритроцитларнинг ядроли шакллари (қизил кўмикда ядрорий шакллар нозеффектив эритропоэз натижасида парчаланади). Қон суртмаларида дегенератив — ўзгарган эритроцитлар (мембранопатияларда микросфероцитлар, ўроқсимон хужайрали анемияда — ўроқсимон эритроцитлар, талассемияларда — нишонсимон эритроцитлар) учрайди.

Эритроцитлар яратилиши бузилиши натижасида ривожланадиган анемиялар. Бу анемияларга дефицит (танқислик), гипоапластик ва метапластик анемиялар киради. Дефицит анемияларга эса темир, витамин B₁₂ (фолат кислота) танқислиги анемиялари киради.

Темир танқислиги анемияси: Анемиянинг бу тури ҳамма камқонликларнинг 80-95% ни ташкил этади. У асосан болаларда, ўсмирларда ва аёлларда учрайди. Темир манбаси асосан озиқ-овқат маҳсулотлари (гўшт, балиқ, жигар, дуккакли ўсимликлар, гуруч, тухум, майиз, олхўри) ва емириладиган эритроид ва бошқа хужайралар ҳисобланади. Соғлом одам организмидаги тахминан 4-5 г темир мавжуд. Темирнинг қон плазмасидаги концентрацияси 1 мг/л ни таш-

кил этади, унинг циркуляция қилувчи қондаги умумий миқдори — 3 мг атрофида. Темирнинг сўрилиш жойи ўн икки бармоқ ичак ва ингичка ичакнинг бошланғич қисмидир.

Темир танқислиги камқонлиги сабаблари: 1) сурункали қон йўқотишилар (теморроидал, бачадондан қон кетиши, ўсмалардан қон кетиши ва бошқалар); 2) овқатда темирнинг (алиментар) етишмовчилиги; 3) темирнинг кўп йўқотилиши ёки сарфланиши (ўсиш, ҳомиладорлик, лактация; 4) меъда-ичак трактида темир сўрилишининг бузилиши (меъда резекцияси, ахлоргидрия, энтеритлар); 5) гемоглобин таркибига темир киритилишининг бузилиши, (ферментларнинг наслий танқислиги, кўрошин билан заҳарланиш ва б. қ.). Темир танқислиги камқонлиги патогенезида қуйидаги омиллар муҳим аҳамиятга эга: 1) эритробластлар гемоглобинизацийасининг етишмовчилиги; 2) эритроцитлар етилишининг кечикиши; 3) ноэфектив эритропоззнинг кучайиши (20% дан кўпроқ). Қон яратилиши бўйича нормобластик турда кечади. Анемия гипорегенератор характерга эга. Қон манзараси: гемоглобин кескин камайган, ранг кўрсаткичи паст (0,6–0,4), эритроцитлар гипохром, ретикулоцитлар сони бироз кўлайган ёки нормадан паст. Анизоцитоз, пойкилоцитоз, микроцитоз, сидеропения (Fe 100 мкг/л гача) кузатилади.

Гем таркибига темир киришининг бузилиши натижасида юзага келган темиррефрактер ёки сидероахрестик анемиялар алоҳида ўрин тутади. Кўпинча, бу X-хромосома билан уланган бўлиб, наслдан-наслга ўтади ва гем синтезида қатнашувчи ферментлар фаоллигининг пасайиши, қон зардобида темир миқдорининг ошиши, ҳамда унинг ички аъзоларда тўпланиши (гемосидероз) билан характерланади.

Темир танқислиги камқонлиги болаларда кўпинча бир ёшга тўлиш даврида кузатилади ва алментар ҳисобланади, яъни тўйиб овқат емаслик ва бир хил овқатлар истеъмол қилиш билан боғлиқdir. Кўпинча темир танқислиги камқонлиги чала туғилган болаларда кузатилади. Нормал ҳомиладорликнинг охирги 3 ойида темир заҳира ҳолида тўпланади. Чала туғилиш бола организмидаги темир заҳирасининг 2 марта қисқаришига олиб келади. Шунинг учун чала туғилган болалар 5–6 ойлик бўлганда уларда онадан олган темир заҳираси жиддий камаяди ва темир танқислиги камқонлиги ривожланади. Оқсилининг кам миқдорда истеъмол қилиниши гемоглобиннинг оқсил қисмнинг ҳосил бўлишини бузади. Болаларда гемоглобин синтезида B_6 , B_{12} , (фолат кислота) витаминалари салмоқли аҳамиятга эга. Темир танқислиги камқонлигининг оғир шаклларида гемоглобин миқдори 35,0 г/л гача, эритроцитлар сони — $1,4 \cdot 10^{12}/\text{л}$ гача пасаяди. Бола жисмоний ривожланишдан орқада қолади.

Витамин B_{12} (фолат кислота) танқислиги анемияси. Вит. B_{12} ёки цианокобаламин организмга овқат маҳсулотлари (гўшт, тухум, жи-

гар) билан киради ва Каслнинг ташқи омили деб аталади. Меъданинг шиллиқ қаватида антианемик омил — гастромукопротеин ёки Каслнинг ички омили ишлаб чиқилади. У витамин B_{12} ни унинг ичакла парчаланишдан сақлаб сўрилишини таъминлайди. Конга сўрилган витамин B_{12} плазманинг оқсиллари — транскобаламинлар I, II, III, ёрдамида жигарга ташилади ва унда заҳира ҳолатида тўпланади.

Витамин B_{12} фолат кислатани фаоллаштириб, уни тетрагидрофолат кислота (фолат кислотанинг кофермент шакли) га айлантиради, бу эса ДНК таркибига кирувчи тимидинмонофосфат синтези учун зарур. Натижада нормал митоз таъминланади ва эритрокариоцитлар эритробластларгача етилади. (Н. Н. Зайко, 1985). Агар организмда Витамин B_{12} (фолат кислота) танқислиги юз берса, эритробластик қон яратилиш типи ўрнига мегалобластик қон яратилиш типи пайдо бўлади. Периферик қонда гемоглобинни кўп ушловчи мегалобласт ва мегалоцитлар учрайди, гиперхром камқонлик ривожланади. Витамин B_{12} ва фолат кислота танқислигига организмда асаб ҳужайралари учун заҳарли бўлган метилмалон кислота тўпланади. Миelin ҳосил бўлиши бузилади, орқа миянинг орқа ва ён устунларининг дегенерацияси юз беради (фуникуляр миелоз). Ҳазм қилиш тракти шиллиқ қаватлари ҳужайраларида ДНК синтезининг бузилиши туфайли овқат ҳазм қилиш каналининг ҳамма шиллиқ қаватларида яллиғланиш — атрофик жараёнлар ривожланди.

Организмда витамин B_{12} танқислигининг сабаблари қуйидагилар бўлиши мумкин: 1) унинг озиқ-овқатда кам бўлиши (айниқса болалар сунъий равишда эчки сути ва сутли аралашмалар билан овқатлантирилса); 2) гастромукопротеин танқислиги ва витамин B_{12} сўрилишининг бузилиши (меъда ва ичакнинг резекцияси, меъда саратон касаллиги, энтеритлар, спру); 3) ичакда витамин B_{12} ни ютадиган кенг тасмасимон гижжанинг бўлиши; 4) витамин B_{12} нинг кўпроқ сарфланиши (ҳомиладорликнинг иккинчи ярми); 5) жигарда витамин B_{12} нинг заҳираланишининг бузилиши (гепатит, цирроз).

Қон манзараси: Нв ва эритроцитлар сони кескин пасайган, эритроцитлар гиперхром, ранг кўрчкаткичи 1,3 — 1,5. Қон суртмасида аизо-, пойкилоцитоз, кўплаб мегалоцитлар (ўлчами >12 мкмли, ядроиз эритроцитлар) ва мегалобластлар, шунингдек ядро қолдиқли (Жолли таначалари) ва ядро қобиқли (Кабо ҳалқаси) эритроцитлар; ретикулоцитлар сони нормадан паст; лейкопения, нейтрофилларнинг полисегментацияси, тромбоцитопения кўзга ташланади. Қон яратилиш тури — мегалобластик бўлиб, бунда анемия гипорегенератор хусусиятга эга бўлади.

Витамин B_{12} (фолат кислота) танқислиги камқонлигига (Алдисон - Бирмер анемияси) симптомлар учлиги (триада): 1) қон яратилишининг ва қоннинг ўзгариши (гиперхром мегалоцитар анемия);

2) меъда-ичак тракти ўзгаришлари (шиллиқ қаватлар атрофияси — тил сўргичларининг текисланиши, глоссит, эзофагит, гастроэнтерит), 3) асаб тизими ўзгариши (фуникуляр миелоз, гандираклаб юриш) кузатилади.

Гипопластик анемиялар. Қизил қўмикнинг қон яратиш функциясининг бузилиши билан боғлиқ бўлиб, эритроцитлар, лейкоцитлар ва тромбоцитларнинг етарли миқдорда ишлаб чиқарилмаслиги билан намоён бўлади. Сабаблари экзоген омиллар: ионизация чақирувчи радиация, баъзи дори воситалари (цитостатиклар ва б. қ.), эндоген омиллар (узоқ давом этган инфекцион жараён, иммун конфликт) бўлиши мумкин. Патогенези: қоннинг устун ҳужайраларининг зарарланиши ва ҳалок бўлиши. Қон яратилиши нормобластик турда бўлиб, эритропоззининг прогрессив камайиши билан кечади. Анемия арегенератор турга киради. Қон манзараси: эритроцитлар сони ва гемоглобин кескин камайган эритроцитлар нормохром, ранг кўрсаткичи нормада. Ретикулоцитлар миқдори нормадан паст, лейкопения, тромбоцитопениялар кузатилади.

Метапластик анемиялар. Лейкозлар ва хафвли ўсманинг қизил қўмикка метастаз беришида, кўкрак безлари, ўпка, меъда раки ва б. қ. да ривожланади. Патогенези: қон яратувчи тўқима ҳажмининг қисқариши. Қонда яққол ривожланган эритронормобластоз ва қоннинг лейкемоид манзараси.

Эритроцитозлар. Эритропоэтинлар ҳосил бўлишининг кучайиши қизил қўмикнинг эритроцитар куртаги функционал фаоллигининг ошиши билан кечади. Натижада циркуляциядаги қон ҳажми, эритроцитлар сони, гемоглобин миқдори кўпаяди, гемотокрит кўрсаткичи ошади. Қон томонидан бундай ўзгаришлар полицитемияни кўрсатади. Бирламчи полицитемия (чин полицитемия) — Вакез касаллиги ёки эритремия — қизил қўмикнинг эритроцитар куртаги гиперплазияси туфайли вужудга келган, ўсма табиатли, қон яратиш тизимининг мустақил касаллигидир. Бу касалликка қизил қўмикда эритроцитлар, лейкоцитлар ва тромбоцитлар ишлаб чиқарилишининг кучайиши хосдир. Конда эритроцитлар сони $8 \cdot 10^{12}$ /л гача, гемоглобин (180—200 г/л) гача ошади, ЭЧТ эса 1—3 мм/соат гача секинлашади.

Иккиламчи полицитемия гипоксик ҳолатлар оқибатида пайдо бўлиб, бирор бир касалликнинг симптомидир, лекин мустақил касаллик ҳисобланмайди. Эритроцитлар сони, гемоглобин, гематокрит кўрсаткичининг ошиши иккиламчи полицитемияларга хос. Бу белгилар баланд тогда яшовчи аҳолида «баландлик» гипоксиясига, юракнинг туфма пороклари, ортирилган декомпенсациялашган юрак пороклари, нафас олиш аъзоларининг сурункали касалликларида учрайдиган ўпка етишмовчилигига нисбатан организмнинг компенсатор — мослашиш ҳимоя реакцияси ҳисобланади. Бирламчи ва ик-

киламчи полицитемияларни биргаликда мутлақ (абсолют) эритроцитоз категориясига киритиш мумкин, чунки бу икки ҳолатларда ҳам эритроцитлар сони ва гемоглобин қоннинг ҳажм бирлигida ошган бўлади.

Нисбий эритроцитоз кусиши вақтида организмдан суюқлик йўқотилиши, ич кетиши, куйишлар, кўп терлаш натижасида сувсизланниш оқибатидир. Бу ҳолатлар қоннинг қуюқлашиши, қон плазмасининг шаклли элементларга нисбатан камайиши, яъни гематокрит кўрсаткичи ошиши билан характерланади. Эритроцитлар ва гемоглобиннинг ҳақиқий ошиши бу ҳолда кузатилмайди.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан таввишиш

1-иши. Экспериментал анемия чақирилган ва чақирилмаган (назоратдаги) күёnlарда гемоглобин миқдорини аниқлаш.

Машғулотдан уч кун олдин қўён териси остига ёки мушакка икки марта 1 кг массага 0,5—1 мл 1% ли фенилгидрозин юборилади. Натижада эритроцитлар гемолизга учрайди ва гемолитик анемия ривожланади.

Сали гемометрининг градуирланган пробиркаси пастки қисмининг айлана белгисигача хлорид кислотанинг децинормал эритмаси қўйилади. Қўён қулогининг четки венасига қон олиш учун игна санчилади, қоннинг биринчи томчиси пахта билан артиб ташланади, кейин 0,02 мл қон капилляр билан олинади ва у пуфлаб гемометр пробиркасига қўйилади, капилляр пробирка ичидаги аралашма билан чайқалади. Пробирка 3—4 дақ. сақланади, сўнгра унга дистилланган сув қўшилади, шиша таёқча билан аралаштирилиб, текширилаётган қон эритмаси ранги стандарт эритма рангига қадар суюлтириллади ва у билан солиштириб кўрилади. Ранглар бир хил бўлгач, пробиркадаги рақам менискнинг пастки қисмига қараб белгиланади ва гемоглобин миқдори грамм фоизларда ёзиб олинади. Гемоглобинни г/л да ифодалаш учун натижа 10 га кўпайтирилиши лозим.

2-иши. Ўша қуёnda эритроцитлар сонини аниқлаш. Кизил қонни текширишга мўлжалланган аралаштиргич (меланжер) олинади, унинг уни куён қулогига санчилган иғнадан чиқаётган қон томчисига ботириллади ва 0,5 белгигача тўлдириллади, аралаштиргич уни пахта билан артилади, сўнг у 101 белгигача 1% ли натрий хлор (ош тузи) эритмаси билан тўлдириллади, меланжер силкитилиб стол устига горизонтал ҳолатда қўйилади. Горяев камераси олиниб, унинг устига силлиқданган ёпқич шиша Ньютон ҳалқаси пайдо бўлгунча суриласди. Меланжер силкитилиб, ундан 1—2 томчи пахтага чиқарилади, кейинги томчи ёпқич шиша четига томизилиб, камера тўлдири-

лади. Микроскоп конденсори туширилади. Горяев санаш камераси аввал микроскопнинг кичик катталаштирувчи объективида, кейинчалик катта катталаштирувчи объективи ёрдамида кўрилади. Эритроцитлар сони 5 та катта ёки 80 та кичик катакчаларда саналади (ҳар битта катта катакда 16 та кичик катакчалар бор). 1 мкл қонда эритроцитлар сони қўйидаги формула бўйича аниқланади:

$$\frac{A \cdot 4000 \cdot 200}{80}$$

A — 5 та катта катакларда саналган эритроцитлар;

$\frac{1}{4000}$ битта кичик катакчанинг ҳажми;

80 — 5 та катта катакдаги кичик катакчалар сони;

200 — аралаштиргичда қоннинг суюлтирилиши.

Эритроцитлар сонини 1 л қонда ҳисоблаш учун яъни СИ бирлигига тенглаштириш учун 1 мкл да топилган эритроцитлар сони 10^6 га кўпайтирилади.

3-иши. Ранг кўрсаткичини аниқлаш.

Ранг кўрсаткичини аниқлаш учун қўйидаги формуладан фойдаланилади:

$$\frac{3 \cdot \text{Нb}}{\text{г/л}}$$

учта биринчи рақам — эритроцитларнинг миллионлардаги сони

Масалан: Нb — 60 г/л, эр. — 3,100.000

$$P\ k. = \frac{3 \cdot 60}{310} - \frac{180}{310} - 0,6$$

4-иши. Анемия чақирилган қуён қонидан суртма тайёрлаш ва бўяш.

а) Романовский бўйича. Қуён қулоғидан олинган қон томчиси буюм шишаchasи четига томизилади. Четлари силлиқланган бошқа буюм шишаchasи билан 45° бурчак остида қон томчиси юпқа қатлам ҳосил қилиб, буюм шишаchasининг бутун юзаси бўйлаб тортилади. Суртма 1 дақ, давомида метил спиртида қотирилади (фиксация қилинади), сўнгра суртма устига Романовский бўёғи (азурэозин) қўйилади. 20 дақ, ўтгач, бўёқ оқана сув билан ювилади ва суртма филтриловчи қоғоз ёрдамида куритилади. Суртмалар микроскопнинг иммерсион объективи остида кўрилади.

б) Ретикулоцитларни суправитал бўяш усули. Тоза буюм шиша-си устига брилианткрезилблау бўёғининг абсолют алкоголда тайёрланган 1,2% ли эритмаси томизилиб, юпқа суртма тайёрланади. Бу бўёқ суртмаси устига яна қўёндан олинган қоннинг юпқа суртмаси ҳосил қилиниб, у куримасдан дарҳол 10 минут давомида ҳўлланган пахта ёки фільтрловчи қоғоз билан ёпилиб нам камерада (Петри косачаси) сақланади. Шишачага суркалган қуруқ бўёқ ҳўл эритроцитларда эрийди, уларнинг базофил компонентини бўяди ва тўр (ретикулум) ёки донача шаклида аниқланади.

5-иши. Қон суртмаларини микроскоп остида кўриш.

а) Ретикулоцитларни санаш. Кўриш майдонидаги ҳамма эритроцитлар саналади ва улардан қанчаси ретикулоцитлар эканлиги белгиланади. Санаш эритроцитлар сони 1000 ёки 2000 тага етгунча давом эттирилади. Санаб чиқилган ретикулоцитлар эса фоизларда (%) ёки 1000 та эритоцитларга нисбатан — промиллида ($\%$) аниқланади. Санашни енгиллаштириш учун кўриш майдони чекланади, бунинг учун окуляр ичига маркази қирқилиб кичкина туйнукча ҳосил қилинган қоғоз бўлакчаси — қоғоз диафрагмаси кўйилади.

б) Экспериментал анемия чақирилган қўёнда ва анемияли беморда қон суртмаларида эритроцитларнинг регенератив шаклларини ўрганиш.

Иммерсион объектив остида шакли ўзгарган эритроцитлар — ясси, юлдузсимон, ноксимон (пойкилоцитоз); ўлчами ўзгарган эритроцитлар — микроцитлар, макроцитлар, мегалоцитлар (анизоцитоз) ва ҳар хил бўялган эритроцитлар — гипохром, гиперхром (анизохромия), Жолли танаълари ва Кабо ҳалқалари мавжуд эритроцитлар қайд қилинади.

Жаҳозлар: қўёнлар, микроскоплар, Сали гемометри, шприц, Горяев камераси, буюм шишаочалари, силлиқланган ёпқич шиша ва нам камералар (ҳўл пахта тўшалган Петри косачаси), эритроцитларни суюлтириш учун меланжерлар, бўяш учун шиша рельслар ва кюветалар, инъекцион игналар, пипеткалар, иммерсион ёғ, фильтрловчи қоғоз тасмалари, пахта, 95% ли этил спирти, метил спирти, хлорид кислотанинг децинормал эритмаси, 1% фенилгидрозин эритмаси, дистилланган сув, Романовский бўёғи (азурэозин), брилиант-крезилблау бўёғининг спиртдаги 1,2% ли эритмаси, ош тузининг 1% ли эритмаси, камқонлик чақирилган қуён ва анемияли бемор қон суртмалари.

АУДИТОРИЯ ИШИ

Мавзуни оғзаки муҳоммади қилиш. Амалий ишларни мустақил бажариш ва амалий кўнижмаларни ўзлаштириш

Кўйидаги ишлар бажарилади:

1) экспериментал анемия чақирилган ва назоратдаги қўёнлар қонида гемоглобин миқдорини аниқлаш;

- 2) шу қүёнлар қонида эритроцитларни санаш;
- 3) ранг күрсаткичини ҳисоблаш;
- 4) анемияли қүёнлар қонидан суртмалар тайёрлаш ва уларни бўяш: а) Романовский бўйича, б) ретикулоцитларни супровитал усулда бўяш;
- 5) суртмаларни микроскоп остида кўриш.

Талаба: экспериментда анемия чақириш усуллари, Сали гемометри ёрдамида гемоглобин миқдорини аниқлаш, Горяев камерасида эритроцитларни санаш, ранг күрсаткичини ҳисоблаш, қон суртмалари тайёрлаш, уларни фиксация қилиш, Романовский ва суправитал усуллар билан бўяшни ўрганиши, қон суртмаларини микроскоп остида кўриш ва анемияда эритроцитлар тизимининг сифат ўзгаришларига баҳо беришни билиши керак.

Эксперимент баёниномаси ва хулосаларни ёзиш

Қайдномаларни ёзиш вақтида қуйидагиларга аҳамият бериш лозим: 1) камқонли ва назоратдаги қўёнларда гемоглобин, эритроцитлар сони, ранг күрсаткичи таҳдили натижаларини солиштириш ва дафтарга ёзиб олиш; 2) қон суртмаларини микроскоп остида кўриб, эритроцитларнинг сифат ўзгаришини аниқлай олиш, уларнинг регенератив ва дегенератив шаклларини билиш, расмини чизиш.

Вазиятли масалаларни ечиш

1-масала. Нb- 103 г/л, эритроцитлар $3,4 \cdot 10^{12}/\text{л}$

Қон суртмаси ўзгаришсиз.

Анамнез маълумотларига мувофиқ бемор ўткир қон йўқотишни бошдан кечирган.

1. Ранг күрсаткичини ҳисобланг.

2. Қон йўқотишнинг қайси кунинда қон текширилган.

2-масала. Нb - 80 г/л, эритроцитлар $3,1 \cdot 10^{12}/\text{л}$ ва лейкоцитлар $12,0 \cdot 10^9/\text{л}$. Қон суртмасида 1000 та эритроцитга 100 та ретикулоцит аниқланган, полихроматофиллар, нормобластлар учрайди.

1. Ранг күрсаткичини ҳисобланг.

2. Камқонликни таснифланг:

- а) ранг күрсаткичи бўйича,
- б) қон яратилиш тури бўйича,
- в) патогенези бўйича,
- г) қизил кўмикнинг функционал ҳолати бўйича.

3-масала. Нb- 50 г/л эритроцитлар $2,5 \cdot 10^{12}/\text{л}$, ретикулоцитлар-1,5%. Қон суртмасида: микроцитлар, пойкилоцитлар, гипохром эритроцитлар. Плазмада темир миқдори 230 мкт/л.

1. Ранг кўрсаткичини ҳисобланг.

2. Мазкур қон манзараси қайси анемия тури учун характерли?

3. Қон плазмасида темирнинг микдори нормада қанчага тенг?

4-масала. Эритроцитлар сони $3,5 \cdot 10^{12}/\text{л}$, Нb-58 г/л. Қон суртмасида: микроцитоз, пойкилоцитоз, эритроцитлар гипохромияси, ретикулоцитлар 1000 та эритроцитга 18 та.

1. Ранг кўрсаткичини ҳисобланг.

2. Анемиянинг бўлиши мумкин бўлган сабаби нима?

3. Сидеропения анемиянинг бу тури учун характерлами?

5-масала. Нb- 68 г/л, эритроцитлар $2,9 \cdot 10^{12}/\text{л}$.

Қон суртмасида: ретикулоцитлар 1000 эритроцитга 300 та. Қонда билвосита билирубин микдори ошган.

1. Ранг кўрсаткичини ҳисобланг.

2. Анемиянинг бўлиши мумкин бўлган сабаби нима?

3. Қонда бундай микдорда ретикулоцитлар пайдо бўлишини изохланг.

6-масала. Нb- 78 г/л, эритроцитлар $2,6 \cdot 10^{12}/\text{л}$, ранг кўрсаткичи 0,9. Қон суртмасида: анизо - ва пойкилоцитоз, ретикулоцитлар 40%. Қонда билвосита билирубин микдори ошган.

1. Анемияни тавсифланг:

а) патогенези бўйича;

б) қон яратилиши бўйича;

в) ранг кўрсаткичи бўйича;

г) қизил кўмикнинг функционал қобилияти бўйича.

2. Ретикулоцитларнинг етилувчи хужайралар қаторидаги ўрнини кўрсатинг.

7-масала. Эритроцитлар $2,8 \cdot 10^{12}/\text{л}$, Нb -133 г/л, ретикулоцитлар 20%. Қон суртмасида: микросферацитоз (эритроцитлар диаметри 6,4 мкм).

Беморнинг жигари ва талоги катталашган.

1. Ранг кўрсаткичини ҳисобланг.

2. Анемиянинг келиб чиқишини тушунтиринг.

8-масала. Беморда эритроцитлар $1,5 \cdot 10^{12}/\text{л}$, Нb - 66, г/л аниқланган. Периферик қонда: пойкилоцитоз, мегалоцитоз, ретикулоцитлар 0,2%, эритроцитларда Жолли танаачалари ва Кабо ҳалқалари учрайди.

1. Ранг кўрсаткичини ҳисобланг

2. Анемияни тавсифланг:

а) патогенези бўйича,

б) қон яратилиши тури бўйича,

в) ранг кўрсаткичи бўйича,

г) қизил кўмикнинг регенератор қобилияти бўйича.

9-масала. НВ - 82 г/л, эритроцитлар $2,0 \cdot 10^{12}/\text{л}$.

Қон суртмасида мегалоцитлар, анизо - ва пойкилоцитоз, ретикулоцитлар нормадан паст, нейтрофиллар полисегментацияси, лейкопения.

1. Ранг кўрсаткичини ҳисобланг

2. Беморда анемия қандай характерга эга?

3. Анемиянинг бўлиши мумкин бўлган сабабларини кўрсатинг.

10-масала. НВ- 37 г/л, эритроцитлар $0,91 \cdot 10^{12}/\text{л}$. Қон суртмасида: макроцитоз, мегалоцитоз, гиперхромия, Жолли таначали ва Кабо ҳалқали эритроцитлар учрайди. Беморда тил сўрғичлари атрофияланган, у гандираклаб юради.

1. Ранг кўрсаткичини аниқланг.

2. Беморда анемия қанақа характерда.

11-масала. НВ - 50 г/л, эритроцитлар $1,65 \cdot 10^{12}/\text{л}$, лейкоцитлар $2,5 \cdot 10^9/\text{л}$, тромбоцитлар $100 \cdot 10^9/\text{л}$, ретикулоцитлар $0,1\%_{\text{ю}}\text{ю}$ юкори бўлмаган анизо - ва пойкилоцитоз.

1. Ранг кўрсаткичини ҳисобланг.

2. Анемиянинг турини кўрсатинг:

а) патогенези бўйича,

б) ранг кўрсаткичи бўйича.

3. Қизил кўмикнинг регенератор имкониятига баҳо беринг.

12-масала. НВ- 67 г/л, эритроцитлар сони $2,02 \cdot 10^{12}/\text{л}$, ранг кўрсаткичи 1,0, ретикулоцитлар $0,2\%_{\text{ю}}$, лейкопения, тромбоцитопения.

1. Бу ҳолатда ривожланиш механизми бўйича қайси турдаги камонлик келиб чиқади?

2. Ушбу анемиянинг келиб чиқиши мумкин бўлган сабаблари қайсилар?

Интеграцияни амалга ошириши лозим бўлган фанлар

1. Ички касалликлар.

2. Болалар касалликлари.

3. Гематология курси.

20 - МАШГУЛОТ

ҚОН ТИЗИМИ ПАТОФИЗИОЛОГИЯСИ

II Маззу : ЛЕЙКОЦИТЛАРНИНГ ЎЗГАРИШЛАРИ

Машгулот мақсади. Талаба қўйидагиларни билиши керак:

I) турли турдаги лейкоцитозлар ва лейкопениялар, нейтрофиллар ядросининг чап ва ўнг томонга силжишининг этиологиясини;

2) ўткир ва сурункали лейкозларда периферик қондаги сифатий ўзгаришларни таҳлил қилишни. Лейкозлар этиологияси ва патогенези, лейкозларнинг лейкемоид реакциядан фарқини;

3) экспериментда лейкоцитоз ва лейкопения чақиришни, экспериментал лейкоцитозли қуён қонидаги лейкоцитлар сонини Горяев камерасида санашни;

4) лейкозларда тайёр қон суртмаларида лейкоцитларнинг патологик шакларини фарқлай олиш, қон манзарасини ўрганишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Лейкоцитлар, уларнинг функцияси.
2. Лейкоцитларнинг гурухлари ва турлари, уларнинг катталар ва болалар қонида СИ тизими бўйича миқдори
3. Лейкопозз нима? Лейкопоззни рагбатлантирувчи моддалар қаерда ҳосил бўлади?
4. Лейкопоззнинг босқичлари.
5. Лейкоцитар формула нима, унинг фоизлардаги кўрсаткичи?
6. Болалар лейкоцитар формуласининг ўзига хослиги.
7. Машковскийнинг лейкоцитар профили нима?

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо и Л. М. Ишимовой. - 2-е изд. перераб. и доп. - М.: Медицина, 1983, с. 294-303.

Патологическая физиология /Под ред. Н.Н. Зайко- 2-е изд. перераб. и доп. - Киев: Вища школа, 1985, с. 349- 358.

Патологическая физиология /Под ред. акад. РАМН А. Д. Адо и проф. В. В. Новицкого - Томск, изд-во Томского ун-та, 1994, с. 280 - 288.

Патологик физиологиядан амалий машгулотлар бўйича қўлланма / Проф. Н.Х. Абдуллаев ва Ҳ.Ё. Каримовлар таҳрири остида. Тошкент, 1994, 6. 80 - 93.

Н. Х. Абдуллаев, Ҳ. Ё. Каримов / Патофизиология. Т.: Абу Али ибн Сино номидаги тиббиёт нашриёти, 1998, б., 333- 348.

Патологическая физиология /Под ред. А. А. Адо, М. А. Адо. В. И. Пыцкого и др. М.: Триада – X, 2002, с., 475 – 491.

Кўшимча адабиётлар:

Детские болезни /Под ред. чл. - корр. АМН СССР, проф. Л.А. Исаевой. - М.: Медицина, - 1987. - с. 361-367.

Кассирский И.А., Алексеев Г.А. Клиническая гематология. - М., Медицина, 1970 .

Мазинг Ю.А. Нейтрофильные гранулоциты и система защиты организма. Архив патологии, 1991, № 9, с. 70–73.

Файнштейн Ф. Э. и др. Болезни системы крови. - Ташкент, 1987.

Физиология человека: В 4-х томах. Т.3. Пер. с англ. /Под ред. Р. Шмидта и Г. Тевса. - М.: Мир, 1986 - с. 21-25.

Асосий ўқув саволлари

1. Лейкоцитозлар, лейкопениялар, уларнинг турлари, сабаблари ва механизmlари.

2. Лейкоцитар формула ва лейкоцитар профилнинг ўзгаришлари.

3. Нейтрофиллар ядроининг чап ва ўнг томонга силжиши. Ядро силжиши индекси тўғрисида тушунча.

4. Лейкозларнинг этиологияси ва патогенези. Таснифи. Болаларда лейкозлар кечишининг ўзига хослиги.

5. Лейкозларда периферик қон манзараси. Лейкемик бўшлиқ ҳақида тушунча.

6. Лейкемоид реакциялар. Уларнинг лейкозлардан фарқи.

Аннотация

Лейкоцитлар сонининг қон ҳажми бирлигига ошиши *лейкоцитоз*, камайиши эса – *лейкопения* деб аталади.

Лейкоцитоз физиологик ва патологик бўлиши мумкин. Физиологик лейкоцитоз овқат истеъмол қилиш (овқат ҳазм қилиш), жисмоний зўриқиши (миоген), асад зўриқиши (эмоционал) билан боғлиқ бўлиши мумкин. Бу лейкоцитозга чақалоқларда ва ҳомиладорларда учрайдиган лейкоцитозлар ҳам киради. Физиологик лейкоцитознинг механизми қон томирларида лейкоцитларнинг қайта тақсимланиши билан боғлиқ.

Патологик лейкоцитоз (лейкопения) ҳамма турдаги лейкоцитлар сонининг камдан–кам ҳолларда пропорционал кўпайиши (камайиши) билан тавсифланади, кўргина ҳолларда эса қандайдир бир ҳужайра турининг кўпайиши (камайиши) мавжуд бўлади. Шу нуқтати назардан лейкоцитознинг кўйидаги турлари фарқланади:

1) нейтрофилли лейкоцитоз (нейтрофилез, нейтрофилия). Одатда бактериал инфекциялар, заҳарланиш, тўқималар некрози, йирингли ва асептик яллигланиш билан кечадиган касалликларда (мисокард инфаркти, гангrena, куйишлар, сурункали миелолейкоз, эритремия, абсцесс, остеомиелит) кузатилади;

2) Эозинофилли лейкоцитоз (эозифилия) гижжа инвазиясида, аллергияда, организмга ёт оқсиллар ва оқсил табиатли бошқа маҳсулотлар кирганда кузатилади. Баъзи ҳолатларда (Леффлер фибропластик париетал эндокардити, тугунли периартериит, лимфограну-

лематоз) гиперэозинофилли лейкемоид реакцияларда учраши мумкин. Бунақа ҳолат қизил қўмикнинг эозинофилли инфильтрацияси билан кечадиган сурункали миелолейкоз касаллигига (қонда лейкоцитлар сони $20 - 70 - 10^3/\text{мкл}$ ва юқори, эозинофиллар $50 - 70\%$ бўлганда) ва тўқималарнинг (эндокард, ўпка, лимфатигунлар) эозинофил инфильтрациясида ҳам кузатилиши мумкин;

3) базофилли лейкоцитоз (базофилия) кўпинча сурункали миелолейкозда, эритремия, гемофилия, шунингдек сурункали ярали колит, баъзи тери касалликларида (эритродермия, уртикар тошма) кузатилади. Базофиллар ва семиз хужайраларни белбоғсимон темиратки (*herpes zoster*), контактли дерматит касалликларида терида ва туфакчалар (везикул) суюқликларида топишади. Аъзоларнинг базофиллар ва семиз (маст) хужайралар билан диффуз инфильтрацияси тизимили мастохужайрали касалликларда (мastoцитоз) аниқланади;

4) лимфоцитларнинг кўпайиши — лимфоцитоз — вирусли ва баъзи сурункали бактериал инфекцияларда (сил) кузатилади ва сурункали лимфолейкознинг характерли белгиларидан ҳисобланади;

5) моноцитларнинг кўпайиши — моноцитоз — сурункали моноцитар лейкозга хос белги ҳисобланади, аммо бошқа патологик ҳолатларда ҳам кузатилади (ўрта ўтқир ва сурункали бактериал инфекциялар — сил, бруцелләз, захм; паразитар касалликлар — безгак, лейшмиоз; гемобластозлар, лимфогранулематоз (Ходжкин касаллиги); носпектифик ярали колит, тизимили қизил югурик ва б.к.), аммо бу касалликларга хос (диагностик) белги эмас.

Лейкоцитлар сонининг патологик камайиши — лейкопениянинг сабаблари қўйидагилар бўлиши мумкин: 1) ионловчи нурлар таъсири; 2) кимёвий моддалар (бензол, толуол ва б.к.) таъсири; 3) инфекциялар (қорин тифи, грипп); 4) дори-дармонларга аллергия (пирамидон, аналгин, сүлфаниламиналар); 5) витамин B_{12} ва фолат кислота танқислиги; 6) атоиммун касалликлар; 7) хавфли ўсмалар метастазлари; 8) анафилактик ва гемотрансфузион шок; 9) цитостатик препаратлар (б - меркалтопурин, миелосан); 10) алкогол туфайли келиб чиқадиган лейкопения; 11) эозинофилия ва моноцитоз билан кечадиган наслий нейтропения; 12) зарарсиз («айбсиз», «беоззор») деб аталадиган лейкопения — *leucopenia innocens*. Шундай, сабабини тушунтириш қийин бўлган, ҳеч қандай нохуш сезги кузатилмайдиган лейкопения билан баъзан ўтқир лейкоз, сублейкемик миелоз (камдан- кам), сурункали интерстициал гепатит бошланиши мумкин.

Лейкопениянинг механизми лейкопоззнинг сусайиши, лейкоцитларнинг интенсив парчаланиши ва уларнинг томир ўзанида қайта тақсиланишидан иборат. Лейкопения лейкоцитларнинг фагоцитар фаоллигининг пасайиши, антитаналарнинг етарли даражада ҳосил

бўлмаслиги, бактерицид модда ва ферментлар ишлаб чиқарилишинг камайиши билан тавсифланади. Бунинг натижасида организмнинг бактериал инфекция билан курашишга қаратилган ҳимоя кучлари сусайди.

Лейкопения турлари: 1) нейтропения, баъзи бактериал (қоринтифи, паратиф, бруцеллез) ва вирусли (инфекцион гепатит, трипл, қизамиқ) инфекцияларда, ионловчи нурлар, антитаналар таъсирида ривожланади, анафилактик шокда учрайди; 2) эозинопения — АКТГ юборилганда, Иценко — Күшинг синдромида, стрессда (адренокортикоид фаолликнинг ошиши туфайли қизил кўмикда эозинофиллар тўпланиши) кузатилади; 3) лимфоцитопения — ўсмирлар ва болаларда айрисимон без гипоплазияси билан боғлиқ тумга агаммаглобулинемия билан биргаликда кузатилади, катталарда лимфогрануломатозда, лимфотугунларнинг тарқоқ силида, баъзан нейтропения билан биргаликда, тизимли қизил югурикда, ўткир радиацион синдромнинг ilk белгиси сифатида, буйрак етишмовчилигининг терминал босқичида, стрессда кузатилади; 4) моноцитопения — асосан ўпка силида лимфоцитар - моноцитар нисбатни баҳолашла аҳамиятга эга.

Базофиллар миқдорининг камайишини аниқлаш уларнинг қондаги миқдори кам бўлгани туфайли қийинчилик туғдиради.

Лейкопенияning энг оғир шакли агранулоцитоз — гранулоцитлар сонининг периферик қонда кескин камайишидан тортиб, уларнинг тўла йўқолишига қадар — организмнинг инфекцияга қарши курашишининг пасайишига ва бактериал асоратлар ривожланишига олиб келади (ангина, пневмониялар, септицемия, оғиз бўшлиги, меъда - ичак тракти шиллиқ қаватининг яраги - некротик заарланиши).

Ривожланиш механизмига кўра агранулоцитознинг миелотоксик ва иммун турлари фарқ қилинади.

Миелотоксик агранулоцитоз цитостатик омиллар (ионловчи нур, дори-дармонлар) таъсири натижасида вужудга келади ва уларнинг дозаси ва экспозициясига боғлиқ бўлиб, одатда секин-аста ривожланади, унга лейкопенияning тромбоцитопения ва кўпинча анемия билан биргаликда қўшилиб келиши, яъни панцитопения шаклида учраши хосдир. Агранулоцитоз чўққисида қизил кўмикда гранулоцитар, шунингдек эритроцитар элементларнинг ва мегакариоцитларнинг йўқолиши кузатилади.

Иммун агранулоцитоз асосан икки турда бўлади: гаптенли ва аутоиммунли (тизимли қизил югурикда ва баъзи бошқа иммунли патология шакларида), шунингдек изоиммунли (янги туғилган чақалоқларда, баъзан гемотрансфузиядан кейин) ҳам бўлиши мумкин.

Лейкоцитозларда ва лейкопенияларда лейкоформула ва лейкоцитар профилнинг ўзгаришлари кузатилади. Лейкоцитлар айрим турлари сонининг кўлайини ёки камайиши, уларнинг умумий сони нормал, кўпайган ёки камайганлигига боғлиқ ҳолда нисбий ёки мутлақ (абсолют) бўлиши мумкин. Масалан лимфоцитлар фоизининг ошиши (60%), лейкоцитлар умумий сонининг камайишида кузатилса, нисбий лимфацитозни англатади, чунки бу ҳужайраларнинг мутлақ сони нормал кўрсаткичлар атрофида бўлиши мумкин. Шу билан бир қаторда лейкоцитлар айрим шакллари нисбий кўрсаткичларининг камайиши, лейкоцитларнинг умумий миқдори ошган ҳолатда бу ҳужайралар сонининг ҳали чиндан ҳам камайганлигидан дарак бермайди, чунки уларнинг 1 мкл қондаги мутлақ миқдори нормал ёки ҳатто ошган бўлиши мумкин.

Лейкоцитлар сони, уларнинг айрим шаклларининг нисбати ва морфологиясининг ўзгариши касаллик қўзғатувчининг тури, вирулентлиги, кечиш характеристи ва патологик жараённинг тарқалишига, организмнинг индивидуал реакциясига боғлиқ.

Ядро силжиши — бу ядроси сегментлашмаган (ёш) ва сегментлашган нейтрофиллар нисбатининг ўзгаришидир. У ядро силжиши индексини ҳисоблаш йўли билан аниқланади. Нормада ядро силжиши индекси (Бобров индекси) 1/15 ёки 0,06—0,08 га teng. Чап ва ўнг томонга ядро силжиши фарқланади. Чапга томонга силжиш нейтрофил қаторидаги ҳужайраларнинг ўшарганлигини билдиради.

Ядронинг чапга силжишининг қуйидаги турлари мавжуд. 1) регенератив силжиш — гранулоцитопоэз реактивлиги фаоллигининг кўрсаткичи бўлиб ҳисобланади (юқори бўлмаган умумий лейкоцитоз фонида таёқча ядролилар ва метамиелоцитлар миқдори ошган, битта-яримта миелоцитлар учрайди); 2) гиперрегенератив (лейкемоид) силжиш — лейкопоэтик тўқиманинг ҳаддан ташқари гиперплазияси, ҳужайралар етилишининг бузилиши ва қон таркибининг ўшаришини акс эттиради. Бу пайтда таёқча ядроли гранулоцитлар ва метамиелоцитлар сони кескин ошиди, миелоцитлар, промиелоцитлар пайдо бўлади; лейкоцитларнинг умумий сони ошган, ўзгармаган ва ҳатто, миелоид куртакнинг фаоллашгандан кейин ҳолдан тойиши натижасида камайган бўлиши мумкин; 3) дегенератив силжиш — лейкопоэзнинг сусайиши ва чуқур бузилишидан дарак беради. Лейкограммада умумий лейкопения фонида цитоплазмаси ва ядроси дегенератив ўзгарган таёқча ядроли нейтрофил гранулоцитлар кўпаяди, сегментядролилар камаяди, метамиелоцитлар эса учрамайди; 4) регенератив — дегенератив силжиш қизил кўмикда патологик ўзгарган ва етилиши бузилган лейкоцитларнинг меъёридан кўп ишлаб чиқарилиши билан характерланади. Бунда лейкоцитоз кузатилиб, қон суртмасида дегенератив ўзгаришлар билан таёқча ядроли гранулоцитлар, метамиелоцитлар ва миелоцитлар сони кўпаяди.

Нейтрофиллар дегенерациясининг белгилари қуидагилардан иборат; 1) токсоген донадорлик — цитоплазмада оқсилиарнинг инфекцион (токсик) агент таъсири остида коагуляцияси натижасида купол, интенсив бўяладиган доначалар пайдо бўлиши; токсоген доначалар йирингли-септик жараёнларда (перитонит, флегмона ва ҳ.к.) кузатилади; 2) Князьков - Деле танаачалари — базофилиянинг цитоплазмадаги оч-кўк қўринишида, турли чўқмалар шаклида учрайдиган қолдиқлари: қизамиқ, ўпка зотилжами ва бошқа инфекцияларда кузатилади; 3) цитоплазманинг вакуолизацияси ҳужайраларнинг ёғли дегенерацияси натижасида ҳосил бўлади. Препарат спирт билан фиксация қилинганда ёғ эрийди ва бўёқни ўзига олмайдиган бўшлиқлар (вакуолалар) пайдо бўлади (тешикли лейкоцитлар). Вакуолизация сепсиснинг оғир шаклари, абсцесс, нур касаллигига учрайди.

Ядронинг ўнг томонга силжиши ёш ҳужайраларнинг камайиши ёки тўла йўқолиши ва сегментядроли нейтрофилларнинг ошиши, гиперсегментациялашган (5—6 сегментгача) ҳужайраларнинг пайдо бўлиши билан тавсифланади. Ўнг томонга силжиш гранулоцитопоззинг сусайиб қолганидан дарак беради.

Лейкозлар (гемобластозлар). «Лейкоз» атамаси 1921 йилда Эллерман томонидан таклиф қилинган. Лейкозлар қон яратувчи тўқиманинг ўсма табиатли тизимли касаллиги бўлиб, унга лейкоцитларнинг назоратдан чиқсан хавфли пролиферацияси хос. Бу касалликда ўсманинг ўсиш манбай сифатида кўмик устун ҳужайрасининг авлоди — айрим қон яратувчи куртакларнинг ўтмишдошлари хизмат қилади.

Лейкозлар анъанавий равишда ўткир ва сурункали турларга бўлинади, аммо бунда касалликнинг кечиш хусусиятлари (ривожланиши тезлиги, умрининг давомийлиги) эмас, балки ўсма субстратининг цитоморфологик таснифи тушунилади.

Ўткир лейкознинг морфологик субстратини ёш бласт ҳужайралари (ўтмишдош ҳужайраларнинг 2—3 синфи ёки 4 синф ҳужайралари) ташкил этади; сурункали лейкозда ўсманинг асосий массасини етилган ва етилаётган (5 ва 6 синф) ҳужайралар ташкил қиласи.

Лейкозга хос ўзгарган ҳужайраларнинг цитокимёвий тавсифига боғлиқ ҳолда ўткир лейкозлар миелобластли, миеломонобластли, эритромиелоз, промиелоцитарли, лимфобластли, табақалашмаган турларга бўлинади.

Сурункали лейкозларнинг ҳам ўз навбатида қуидаги турлари фарқ қилинади: миелолейкоз, лимфолейкоз, моноцитар лейкоз, эритремия (Вакез касаллиги).

Периферик қонда лейкоцитлар сонининг ўзгаришига қараб лейкознинг қуидаги шакллари фарқланади: лейкемик (қонда юқори лейкоцитоз, бальзан $500-1000 \cdot 10^3/\text{мкл}$ гача этади); сублейкемик (лейкоцитоз — $15-50 \cdot 10^3/\text{мкл}$), алейкемик (лейкоцитлар сони нормага яқин) ва лейкопеник лейкозлар.

Болаларда кўпроқ ўткир лейкоз ташхисланади. Қон яратувчи ва лимфоид тўқиманинг ҳамма хавфли ўсма касалликлари орасида бу касаллик билан ҳар 10 боланинг бири оғрийди. Лейкозлар билан оғриш боланинг 2 — 5 ёши оралиғига тўғри келади.

Болаларда лейкоз кечишининг ўзига хос белгилари: 1) болаларда лейкознинг ўткир шакллари учрайди; 2) қонда лейкемик бўшлиқ мавжудлиги; 3) тери ва шиллиқ қаватларда геморрагиялар бўлиши; 4) бодом безларида некротик ўзгаришлар; 5) кескин анемия.

Этиология ва патогенези. Лейкемик жараённинг ривожланиш сабаблари охиригача ўрганилмаган. Ҳозирги вақтда ионловчи нурлар, экзоген кимёвий омиллар, онкоген вирусларнинг этиологик роли тасдиқланган. Лейкозларнинг ривожланишида наслий мойилликнинг аҳамияти ўрганиб чиқилган. Мутацион назария, клонал концепциянинг асосий фоялари шакллантирилган.

Ионловчи радиация (ИР). Ионловчи радиациянинг лейкоз билан этиологик боғланишини Хиросима ва Нагасаки фожиаси ишонарли равишда тасдиқлайди. Атом бомбаси портлагандан кейин шаҳар аҳолиси орасида Япониянинг бошқа шаҳарлари аҳолисига кўра лейкоз 13 марта кўпроқ ривожланган. Ҳавфли ўсмалар касалликлари билан оғриш даражаси собиқ СССР ҳудудида Чернобил АЭС ҳалокатидан кейин 1985 йилдан бошлаб 7 фоизга кўпайган.

Ҳавфли ўсмалар жараёнини, шу жумладан лейкозни турли кимёвий бирикмалар ёрдамида экспериментал йўл билан яратиш мумкинилиги маълум. Уларга ПАУ, ароматик аминлар, азобирикмалар, инсектицидлар киради.

Баъзи эндоген моддалар: стероид бирикмалар (жинсий гормонлар, ўт кислоталари, холестерин ва б.к.), шунингдек триптофан алмашинуви маҳсулотлари ҳам лейкозоген таъсирга эга.

Вирус назарияси. Hubner (1970) гипотезасига мувофиқ, умуртқали ҳайвонлар турларининг кўпчилигида онкоген вирусларнинг генетик материали бўлиб, вирусли генетик белгилар макроорганизмнинг ҳужайра репрессорлари томонидан тормозланган ва вирус нофаол шаклда бўлади.

Кимёвий канцерогенлар, радиация ва бошқалар таъсири остида ҳужайра репрессорлари «кучсизланади» ва вирус фаоллашиб, лейкоз ривожланишига сабаб бўлади. Шундай қилиб, касалликнинг ривожланишида вирусни юқтириш эмас, балки ҳужайрада лейкозген информацияни назорат қилувчи тизимларнинг ҳолати маълум рол ўйнайди.

Лейкознинг одамда инфекцион — эпидемик жараён сифатида вирусли этиологиясига қарши куйидагиларни келтириш мумкин: а) бемор билан контакда бўлганда, касаллик юқмаслиги; б) реципиентта лейкоз билан оғриган bemor қони тасодифий куйилганда, лейкоз билан оғримаслиги.

Наслий омил. Тахмин қилинишича қандайдир яширин генетик нуқсон (дефект) наслдан-наслга берилиб у ташқи ва ички нокулай омиллар таъсирида лейкознинг ривожланишига олиб келиши мумкин.

1960 й. Новелл ва Хангерфордлар (Филадельфия) сурункали миелолейкоз билан ilk бор оғриган беморларда бир жуфт хромосома узун елқасининг нормадагига нисбатан деярли икки марта кичикигини аниқлашди. Бу хромосома Филадельфия (Ph^+) хромосомаси номини олди ва XXII жуфт хромосоматага қарашли эканлиги аниқланди.

Аммо кўпчилик тадқиқотчилар хромосома тўплами ўзгаришлари лейкоз чақирувчи сабаб эмас, балки унинг оқибати деб, ҳисоблайдилар. Хромосомаларнинг энг кўп учрайдиган аномалияси анеуплоидия (хромосомалар сонининг ўзгариши) ҳисобланиб, асосан гиперплоид тавсифга эга.

Лейкозларнинг ривожланишида наслий омиллар ролини оиласиди туғма лейкозлар ва бир тухумдан ривожланган эгизакларнинг ҳар икковининг лейкоз билан оғриши тасдиқлади. Гомозигот эгизакларнинг бирида лейкоз мавжудлиги иккинчисини ҳам шу касал билан оғриши эҳтимоли 25% ни ташкил этади. Оиласида ўткир лейкоз билан оғриган шахсларнинг касалланиш хавфи деярли 3 марта ошади. Кузатувлар шуни кўрсатади, триптофан алмашинувининг наслий аномалияси, болаларнинг лейкоз билан оғриш хавфини яратади. Бу туғма лейкоз ривожланиши хавфини юзага келтирадиган алоҳида омиллар.

Даун касаллиги ва лейкоз орасида боғланиш борлигининг аниқланиши лейкознинг келиб чиқишида наслий таъсир аҳамиятининг тан олинишига имкон берди. Даун касаллигига ўткир лейкознинг ривожланиш эҳтимоли 20 — 30 марта ошади.

Шундай қилиб, лейкозлар этиологияси турли хил сабаблардан иборат бўлиб, патогенези эса ҳужайра бўлиниши информациияси, ҳужайралар дифференциациясининг бузилиши ва регуляция этувчи омилларнинг назоратидан чиқиб кетиши билан тушунтириллади. Гемобластозларнинг ва умуман хавфли ўсмалар ривожланишининг ҳамма тан олган назарияси — моноклонал назариядир. Бу назарияга мувоғиқ лейкоз ҳужайралари битта ягона мутацияга учраган клон ҳужайранинг авлодидир.

Маълумки мутациялар деярли мунтазам равишда узлуксиз рўй беради, ўртача ҳар соатда битта ҳужайра мутацияга учрайди. Соғлом одамларда иммун тизимининг ҳимояга кириши натижасида бу ҳужайралар бегона сифатида элиминация қилинади. Лейкознинг клонал назарияси касалликни назоратдан чиқсан клон ҳужайралари пролиферацияси, дифференцияси ва етилишининг бузилиши натижаси

сифатида изоҳлайди. Демак, лейкознинг ривожланишига мутаген омилларнинг ножӯя таъсири ва организмнинг ҳимоя кучларининг пасайиши сабаб бўлиши мумкин.

Лейкемик бўшлиқ (*hiatus leucæticus*) ўткир лейкозга хос ташхис мезони бўлиб, унда қон яратилишининг эрта босқичлари узилиб қолади, натижада қонда асосий морфологик субстратни ташкил этувчи ёш ҳужайралар ва лейкоцитларнинг етук шакллари орасидаги оралиқ шакллар йўқолади.

Лейкемоид реакциялар — қоннинг реактив характерга эга бўлган ўзгариши бўлиб, лейкоцитлар сонининг ошиш даражаси ёки ҳужайралар морфологиясининг ўзгариши бўйича лейкозни эслатувчи ҳолатдир. Улар сепсис, туберкулезнинг оғир шакллари, ўсмалар каби касалликларга жавоб сифатида юз бериши, шунингдек кучли заҳарлашиш, кимёвий моддаларнинг қон тўқимасига таъсири натижасида ривожланиши мумкин.

Бу ҳолатларда периферик қонда гиперлейкоцитоз қайд қилинса хам, аммо лейкограммада етилган ҳужайралар кўпроқ учрайди ва фақат камдан-кам ҳолатларда якка-ягона миелоцитлар пайдо бўлади, «лейкемик бўшлиқ» бўлмайди. Қизил кўумик пунктатида ҳужайраларнинг яққол ўзгариши кузатилмайди. Шундай қилиб, лейкемоид реакциялар куйидагилар билан тавсифланади: 1) қон манзарасининг лейкоцитлар билан ўхшашилиги (қонда етилмаган лейкоцитлар шаклларининг пайдо бўлиши); 2) лейкоцитларнинг умумий сонининг 1 мкл да ўн минглардан ошиши.

Лейкоцитлардан фарқи: 1) нейтрофилларда яққол токсоген доначалар аниқланиши; 2) базофиллар ва эозинофиллар миқдорининг кўпаймаслиги; 3) лейкемоид реакцияларда қондаги ўзгаришлар асосий касалликдан тузалиш жараёнида йўқолади.

Мангулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-ши. Экспериментал лейкоцитозли қуён қонида лейкоцитларни санаи.

Экспериментал лейкоцитоз яратиш учун қуён териси остига бир ҳафта давомида вазнга нисбатан 1мл/кг ҳисобида бензол юборилади. Лейкоцитларни санашиб учун қон олиш қуйидагича бажарилади: қуён қулогининг четки венасига игна санчилади, биринчи қон томчиси артилади, иккинчи томчи аралаштиргичнинг 0,5 белгисигача олинади. Аралаштиргичнинг уни фильтрловчи қоғоз билан артилади ва унга 3% ли сирка кислота эритмаси 11 белгисигача олинади. Аралаштиргич 1 дақ. давомида силкитилади ва столга горизонтал ҳолда қуйилади. Горяев камераси тайёрланади. Аралаштиргичдан олинадиган би-

ринчи томчи артилади, иккинчиси билан камера тұлдирилади. Лейкоцитлар микроскопнинг катталаштирувчи объективи остида 100 та катта бүш катакларда саналади, уларнинг сони қуйидаги формула бўйича аниқланади:

$$\frac{a \cdot 4000 \cdot 20}{1600}, \quad a - 100 \text{ та катта катақдаги лейкоцитлар сони};$$

$$\frac{1}{400} \quad \text{кичик катақча ҳажми:}$$

1600 — 100 та катта катаклардаги кичик катақчалар сони,
20 — қоннинг аралаштиргичда суюлтирилиши.

2-иши. Лейкоз билан оғриган беморларнинг қон суртмасини кўриш.

Микроскоп остида қон суртмаларида миелобластлар, промиелоцитлар, миелоцитлар (базофилли, нейтрофилли эозинофилли), макрофаглар, лимфобластлар ва ҳамма турдаги етилган хужайралар аниқланади. Топилган ҳамма элементлар расми дафтарга чизилади.

Жиҳозлар: қуёnlар, микроскоплар, Горяев камераси, лейкоцитлар учун меланжерлар (аралаштиргичлар), инъекцион игналар, шприц, иммерцион ёғ, пахта, этил спирти, бензол, генцианвиолет бўёғи аралаштирилган 3% ли сирка кислота эритмаси, лейкоз билан оғриган беморнинг қон суртмалари.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнималарни ўзлаштириш

Қуйидаги ишлар бажарилади:

1) экспериментал лейкоцитоз чақирилган қуён қонида лейкоцитларни санаш;

2) лейкоз билан оғриган беморларнинг қон суртмасини кўриш.

Талаба қуйидагиларни билиши керак: 1) экспериментал лейкоцитоз чақириш усууларини эгаллашни; 2) мустақил равишда лейкоцитларни санашни; 3) лейкоцитларнинг патологик шаклларини фарқлай олишни.

Эксперимент баённомаси ва хулосаларни ёзиш

Талаба мустақил равишда тажрибалар қайдномасини тузади, натижаларни таҳлил қиласи, хулосаларни шакллантиради.

Вазиятли масалаларни ечиш

1-масала. Лейкоформулада қүйидаги ўзгаришлар аниқланған: нейтрофил метамиелоцитлар — 7%, таёқча ядролилар — 20%, сегмент ядролилар — 62%, лимфоцитлар — 7%, моноцитлар — 9%. Қонда лейкоцитларнинг умумий сони $13,0 \cdot 10^9/\text{л}$.

1. Нейтрофиллар ядросининг қандай силжиши мавжуд?
2. Қандай сабаблар қон томонидан бундай ўзгаришларга олиб келиши мумкин?

2-масала. Беморда некротик ангина, тана ҳарорати күтарилган. Анамнезга кўра, ўтган ҳафтада боши оғригани туфайли, унинг учун аллерген бўлган амидопирин истеъмол қиласкан. Лейкоформула: эозинофиллар — 1%, нейтрофилли метамиелоцитлар — 0%, таёқча ядролилар — 2%, сегмент ядролилар — 38%, лимфоцитлар — 50%, моноцитлар — 9%. Лейкоцитларнинг умумий сони — $2,5 \cdot 10^9/\text{л}$.

1. Гранулоцитлар сонининг камайишини тушунтиринг
2. Бу ҳолат қандай номланади?

3-масала. Анамнез маълумотларига кўра bemor аскаридоз билан оғриган. Қонда лейкоцитоз аниқланған.

1. Лейкоцитлар сони қоннинг қайси шаклли элементлари ҳисобига кўпайган?

2. Тахминий лейкоформулани ёзинг.

4-масала. Қонда лейкоцитларнинг умумий сони $2,5 \cdot 10^9/\text{л}$, лимфоцитлар — 45%.

1. Лимфоцитларнинг мутлақ (абсолют) сонини ҳисобланг.
2. Бу ҳолатда қайси лимфоцитоз мавжуд: мутлақ ёки нисбий?

5-масала. Лейкоформулада миелобластлар кўпчиликни ташкил қиласди (85%). Сегмент ядроли нейтрофиллар — 9%. Лейкоцитларнинг умумий сони кўпайган.

1. Бу қайси лейкоз турига хос?
2. Миелобластлар фагоцитар фаолликка змагми?

6-масала. Қон таҳлили: Нв — 100 г/л, эритроцитлар — $3,0 \cdot 10^{12}/\text{л}$, лейкоцитлар — $120,0 \cdot 10^9/\text{л}$, қизил кўмикни цитогенетик текшириш натижасида 90% филаделфия хромосома метафазалари аниқланған. Лейкоформулада промиелоцитларгача кескин чапга силжиш, якка-ягона миелобластлар учрайди.

1. Лейкоз турини аниқланг ва унинг келиб чиқиши эҳтимоли генезини тушунтиринг.

2. Бу касаликда лейкоциттар формуланинг тахминий рақамларини ёзинг.

Интеграция амалга оширилиши лозим бўлган фанлар

1. Нормал физиология.
2. Ички касалликлар.
3. Гематология курси.

ҚОН ТИЗИМИ ПАТОФИЗИОЛОГИЯСИ

**III М а з у : ҚОН ҲАЖМИ, ФИЗИК-КИМЁВИЙ
ХОССАЛАРИ, ИВУВЧАЛЫГИ ВА ТРОМБОЦИТЛАРНИНГ
ЎЗГАРИШЛАРИ**

Машгулот мақсади. Талаба қуидагиларни билиши керак:

- 1) қоннинг умумий ҳажми ўзгаришининг механизмлари, сабаблари ва турларини;
- 2) қоннинг физик - кимёвий хоссалари: эритроцитларнинг чўкиш тезлиги (ЭЧТ), осмотик резистентлиги ва қоннинг ёпишқоқлиги бузилишлари механизмларини;
- 3) қон ивиши ва гемостазнинг бузилиши механизми ва оқибатларини таҳдил қилишни;
- 4) экспериментал гемолитик анемия чақирилган ҳайвонда қоннинг ивиши, ЭЧТ вақти, осмотик резистентлик, гематокрит кўрсаткичини аниқлай билишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

**Кичик курслардаги фанлар бўйича заминий билимлар
даражасини текшириш**

1. Қон таркиби нимадан иборат. Гематокрит кўрсаткичи нима, у нимага тенг?
2. Қоннинг умумий массаси ва ҳажми нимага тенг?
3. Қоннинг осмотик ва онкотик босими тўғрисида тушунча.
4. ЭЧТ нима, соғлом эркак, аёл, болаларда ЭЧТнинг кўрсаткичлари. У қандай аниқланади?
5. Қоннинг суюқ ҳолатини нима таъминлайди?
6. Қоннинг ивиш омиллари.
7. Қон ивиш фазалари.
8. Гипотоник ва гипертоник эритмаларда эритроцитлар ўзини қандай тутади?
9. Гемолиз нима?
10. Эритроцитларнинг осмотик резистентлиги (ЭОР) нима? Максимал ва минимал ЭОР нимага тенг?
11. Қоннинг ёпишқоқлиги нимага боғлиқ? Ёпишқоқлик кўрсаткичи нимага тенг ва у қандай аниқланади?
12. Қон оқсиллари, уларнинг фракциялари.
13. Қоннинг 1 мкл да қанча тромбоцитлар бор?
14. Тромбин, протромбин индекси, уларни аниқлашнинг аҳамияти.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо и Л. М. Ишимовой - М.: Медицина, 1980.- с. 282 - 286; 303 - 313.

Патологическая физиология /Под ред. Н. Н. Зайко. - Киев: Вища школа, 1985. с. 332 - 336; 359 - 363.

Патологическая физиология /Под ред. А. А. Адо, М. А. Адо, В. И. Пыцкого и др. М.: Триада-Х, 2002. с.492 - 508.

Н. Х. Абдуллаев, Ё. Х. Каримов /Патофизиология. Т.: Абу Али ибн Сино номидаги тиббиёт нашиёти, 1998. б. 349 - 358.

Кўшимча адабиётлар:

Козловская Л.В. Николаев А. Ю. Учебное пособие по лабораторным методам исследования. - М.: Медицина, 1985, с. 15, 34-37, 40-37, 67-71, 75-109.

Сааков Б.А, Брин В.Б, Овсянников В. Г. Методические рекомендации по курсу патологической физиологии (I. Изменения объема крови. Патологическая физиология острого постгеморрагического синдрома. II. Патологическая физиология эритрона). - Ростов-на-Дону, 1974, с. 6 -12.

Тур А. Ф. Гематология детского возраста. - М. 1963.

Файнштейн Ф. Э. и др. Болезни системы крови. - Т., 1987.

Физиология человека. В 4 - х томах. Т.3. Пер. с англ. /Под ред. Р. Шмидта и Г. Тевса. - М.: Мир, 1986. - с. 5 - 15, 18 - 21, 25 - 33.

АСОСИЙ ЎҚУВ САВОЛЛАРИ

1. Қоннинг умумий ҳажмининг ўзгаришлари. Гипер - ва гиповолемияларнинг патогенези.

2. Қоннинг физик-кимёвий хоссалари: ЭЧТ, осмотик резистентлик ва ёпишқоқликнинг ўзгаришлари.

3. Қон ивиши ва гемостазнинг бузилишлари: наслий ва орттирилган шакллари. Геморрагик диатезлар. Гипо - ва гиперкоагуляциянинг сабаблари.

4. Тромбоцитозлар, тромбоцитопениялар ва тромбоцитопатиялар: сабаблари ва патогенези. ДВС синдромнинг патогенези.

Аннотация

Қон умумий массасининг ўзгаришлари. Қоннинг ўртача умумий миқдори турли организмларда турлича бўлиб, тана вазнининг 6 — 9% ни ташкил қиласди ёки тахминан 80 — 85 мл/кг тенгдир. Қоннинг нормал миқдори (ҳажми) **нормоволемия** (*norma* — норма, *volumen* — ҳажм, *haema* — қон), қон ҳужайраларининг нормал ҳажми — **нормоцитемия** (*norma* — норма, *citos* — ҳужайра, *haema* — қон)

деб аталади. Демак қон ҳажмининг нормал тавсифи — нормоволемия ва нормоцитемия ёки нормоцитемик нормоволемиядир.

Кўпгина патологик жараёнларда ва баъзи физиологик ҳолатларда қоннинг умумий ҳажми ошиши, ёки камайиши мумкин. Қон ҳажмининг ошиши гиперволемия, камайишини эса — гиповолемия (нурег — кўл, ҳуро — кам) деб аташ қабул қилинган. Нормоволемия, гипер — ва гиповолемиялар қоннинг шаклини элементлари ва плазма ҳажмининг ўзгаришига қараб (уларнинг нормада нисбати 45:55 ни ташкил этади) нормоцитемик, полицитемик ва олигоцитемик бўлиши мумкин.

Нормоцитемик (оддий) нормоволемия соғлом индивидларда учрайди. Полицитемик нормоволемия юрак етишмовчилиги, силикоз, ўлка эмфиземаси билан оғриған беморларда гипоксия туфайли эритроцитлар ишлаб чиқарилиши кучайганда учрайди. Бу пайтда қон ҳажми узоқ вақт нормал бўлади (нормоволемия), эритроцитлар ҳажми ортади (полицитемия) ва қоннинг ҳажм индекси (ёки гематокрит кўрсаткичи, у нормада 0,36 — 0,48 ҳажм % га тенг) эса ошади. Олигоцитемик нормоволемия кўпинча қон кетгандан кейин тўқималар оралиғидаги суюқлик оқиб келиши ҳисобига қон ҳажми-нинг тикланиш даврида учрайди. Қоннинг шаклини элементларининг сони бутун организмда (қон кетиши натижасида) ёки қон ҳажм бирлигига (қоннинг суюлиши натижасида) камаяди. Оқибатда ҳажм индекси ҳам камаяди.

Гиперволемия ўзгармаган ҳажм индексида ҳам плазма ва ҳам шаклини элементлар ҳажмининг бир вақтда кўпайиши ёки фақат плазма ва ёки фақат эритроцитлар ҳажмининг кўпайишига боғлиқ бўлиши мумкин. Шунга мувофиқ: а) нормоцитемик ёки оддий гиперволемия — плазма ва эритроцитлар ҳажмининг нормал нисбати билан; б) полицитемик гиперволемия — кўпроқ эритроцитлар ҳажми ва ҳажм индексининг ошиши билан; в) олигоцитемик гиперволемия — плазма ҳажмининг ошиши, эритроцитлар сони ва ҳажм индексининг камайиши билан фарқланади.

Нормоцитемик ёки оддий гиперволемия жуда кам учрайди. Бунга қон ҳажмининг қон қуйилгандан кейин кўпайишини мисол сифатида келтириш мумкин. Полицитемик гиперволемия кўпинча қон касаллиги — эритремия — Вакез касаллиги билан боғлиқ. У оғир юрак ва ўлка етишмовчилигида, ҳаво сийраклиги касаллигида ҳам учрайди. Олигоцитемик гиперволемия организмда сув ушланиб қолиши натижасида қон плазмаси ҳажмининг кўпайиши туфайли юз беради. Сув алмашинувининг бузилиши, буйрак патологияси, қонга меъёрдан кўпроқ суюқлик юборилиши, қоннинг суюқ қисмининг кўпайиши унинг суюлиши ёки гидремияга сабаб бўлади.

Қон ҳажмининг камайиши (гиповолемия) уч турга бўлинishi мумкин.

1. Нормоцитемик ёки оддий гиповолемия, плазма ва шаклли элементлар ҳисобига қон ҳажмининг камайиши. Кўпинча дарҳол қон кетганидан кейин учрайди. Ҳажм индекси ўзгармайди.

2. Полицитемик гиповолемия қоннинг ҳажми плазма ҳажми ҳисобига камайганда юз беради. Организм сувсизланганда, иссиқ уриши, шокларда, ич кетишларда, баъзи жанговор заҳарловчи моддалар (ЖЗМ) таъсирида, кўп терлаш натижасида кузатилади. Қон қуюқлашиб, эритроцитларнинг ҳажми нисбатан ошади. Бунда қоннинг умумий миқдори камайтан, ҳажм индекси ошган бўлади.

3. Олигоцитемик гиповолемия қон ҳажмининг эритроцитлар миқдори ҳисобига камайиши билан тавсифланади. Кўпинча ўкир қон кетишининг компенсация даврида қон томирлари ўзанига тўқима суюқлиги туша бошлайди, қон суюқлашади. Қон ҳажми ва индекси камайганлиги кузатилади.

Қоннинг физик-кимёвий хоссаларининг ўзгариши. ЭЧТ нинг ўзгариши. Нормада ЭЧТ соатига 4 — 10 мм атрофида аниқланади. Янги туғилган чақалоқларда соатига 2 мм га тенг. ЭЧТ кўрсаткичи кўп касалликларда ўзгаради ва қуйидаги омилларга боғлиқ бўлади: 1) қон плазмаси оқсилларининг миқдори ва сифат таркибига (глобулинлар ва фибриногенлар). Нормал муҳитда манфий зарядланган эритроцитлар бир-бирини ўзидан қочиради. Патологияда (масалан яллиғланиш жараёнларида) қонда кучсиз зарядланган йирик дисперсли (дағал) оқсиллар миқдори кўпаяди. Улар эритроцитлар юзасига адсорбция этилиб, уларнинг юза зарядларини камайтиради, бунинг натижасида эритроцитлар бир-бирига яқинлашади ва тез чўкади; 2) қон ёпишқоқлиги ва эритроцитлар сонига. ЭЧТ нинг ошиши қон ёпишқоқлиги пасайганда (гидремия) ва эритроцитлар сони камайганда (анемия) кузатилади. Қон ёпишқоқлиги (сувсизланиш) ва эритроцитлар сони ошганда (эритремия) ЭЧТ секинлашади; 3) қонда холестерин ва лецитин миқдорига. Холестерин ЭЧТ ни тезлаштиради, чунки эритроцитларда адсорбцияланади. Лецитин ЭЧТ ни секинлаштиради; 4) эритроцитлар нисбий зичлигининг ўзгаришларига. Масалан қонга гипертоник эритма юборилганда эритроцитлар сувни йўқотади, бужмаяди. Уларнинг нисбий зичлиги ва ЭЧТ ошади. Гиперкапнияда, асфиксия, юрак, декомпенсациясида эритроцитлар аксинча сувни ўзига тортади, уларнинг нисбий зичлиги камаяди, ЭЧТ секинлашади.

Эритроцитлар осмотик резистентлигининг ўзгаришлари. Эритроцитларнинг осмотик резистентлиги деб уларнинг гипотоник эритмаларга нисбатан чидамлилигига айтилади. Максимал ва минимал осмотик резистентлик фарқ қилинади. Минимал осмотик резистентлик $0,44 - 0,46\% \text{ NaCl}$ га, максимал — $0,32 - 0,28\% \text{ NaCl}$ га тенг. Осмотик резистентликнинг ошиши механик сариқлиқда, артериос-

клерозда, меъда саратонида ва бошқа аъзоларнинг хавфли ўсма касалликларида, амилоидоз ва қон кетишида кузатилади. Осмотик резистентликнинг пасайиши юрак етишмовчилигида, наслий сфероцитар анемияда, эритроцитлар қариганда кузатилади.

Қон ёпишқоқлигининг ўзгариши. Қоннинг ёпишқоқлиги сувга нисбатан 37°C да $4,5 - 5,0$ га тенг бўлади, патологик ҳолатларда 2 дан 20 гача ўзгариб туради. У оқсиллар, коллоидлар, қоннинг шаклли элементлари миқдорига боғлиқдир. Вена қонининг артериал қонга нисбатан ёпишқоқлиги унда CO_2 , концентрацияси кўп бўлгани сабабидир. Қоннинг ёпишқоқлиги у қуюқлашганда, қонда шаклли элементлар кўпайганда (полицитемия, лейкоз), CO_2 , тўпланганда, оқсиллар миқдори, айниқса фибриноген кўпайганда ошади. Қоннинг ёпишқоқлигининг ошиши томирлар периферик қаршилигининг кучайиши, юрак фаолиятининг қийинлашиши ва қон оқимиининг секинлашувига сабаб бўлади. Қон ёпишқоқлигининг пасайишига гидремия, анемия, гипопротеинемия, қон ивишининг пасайиши (гепарин юборилганда) сабаб бўлади. Қон ёпишқоқлигининг пасайиши қон оқимининг тезлашишига олиб келади.

Қон ивиши ва гемостазнинг ўзгаришлари. Қон ивиш тизими қон ивишига қарши ва фибринолитик тизимларнинг ўзаро алоқаларининг бузилишлари қон ивишининг секинлашиши (гипокоагуляция) ва қон кетиши ёки қон ивишининг тезлашиши (гиперкоагуляция) ва тромбозлар ривожланишига олиб келиши мумкин.

Қоннинг ивишида 13 омил қатнашади ва қон ивишининг уч фазаси фарқланади: 1) фаол тромбопластин ҳосил бўлиши (фаол тромбокиназанинг шаклланиши, 5 – 10 дақиқа давом этади; 2) протромбиннинг тромбинга айланиши – 2–5 сония давом этади; 3) фибрин-мономер ҳосил бўлиши – 3–5 сония давом этади.

Қон ивишининг секинлашишига қўйидагилар сабаб бўлиши мумкин: 1) бир ёки бир нечта қон ивиши омилларининг – прокоагулянтларнинг етишмаслиги; 2) антикоагулянтларнинг (гепарин, антитромбин) меъёрдан ошиши; 3) фибринолиз фаоллашиши. Бир ёки бир нечта прокоагулянтлар етишмовчилиги қон кетиши кўринишида намоён бўлиб, геморрагик диатезларда кузатилади.

Гемостаз механизми бузилишининг устунлигига боғлиқ ҳолда қўйидаги геморрагик диатезлар фарқ қилинади: а) гемостазнинг қон ивиши занжирни бузилишлари туфайли геморрагик диатезлар; б) томирлар бузилишлари туфайли; в) тромбоцитар бузилишлар туфайли; г) тромбоцитар ва гемостазнинг қон ивиш занжирни бузилишлари туфайли.

Геморрагик диатезларга қўйидагилар киради:

1. Гемофилия. X – хромосома билан уланган наслий касаллик. Бу касаллиқда қон ивиш жараёнининг I фазаси ва бутун ивиш жараёни

бузилади. Кичкина жароҳатдан кейин узоқ вақт давомида қон иви-майди. А гемофилия (VIII – омил – антигемофил глобулин – АГГ – танқислиги), гемофилиянинг ҳамма шакларининг 70– 78% ни ташкил этади; В гемофилия (IX омил - Кристмас омили – тромбопластининг плазмадаги компоненти – ТПК – танқислиги) гемофилияларнинг 6 – 13% ни ташкил этади; С гемофилия – XІ омил тромбопластиннинг плазмадаги ўтмишдоши - ТПҮ танқислиги билан боғлиқ бўлиб, I – 3% ни ташкил этади. Гемофилиянинг клиник манзараси гематома турда қон кетиши ва суяқ-бўғим аппаратининг заарланиши билан тавсифланади.

2. Геморрагик васкулит – Шенлейн - Генох касаллиги, иммунно-комплекс касаллик ҳисобланади. Микротомирларнинг АГ- АТ комплекси ва комплемент билан заарланишига асосий патогенетик аҳамият берилади. Касаллик асосида томирларнинг (капиллярлар, венулалар, артериолалар) ўчокли микротромбоваскулит тури бўйича тарқоқ носспецифик заарланиши ётади.

3. Тромбоцитлар сони камайиши билан боғлиқ геморрагик диатезлар. Уларнинг бошқа геморрагик диатезлардан фарқи, қон кетишининг петехиал – доғсимон турда бўлишидир. Бу касалликларга Верльгоф касаллиги (идиопатик тромбоцитопеник пурпур) киради ва у организимда тромбоцитларга қарши аутоантитаналар (IgG) мавжудлиги сабабли вужудга келади. Тромбоцитларнинг кўпроқ парчаланиши (уларнинг яшаш муддати нормадаги 7–10 кун ўрнига бир неча соатгача камаяди) уларнинг қизил кўмикда кўпроқ ишлаб чиқарилишига сабаб бўлади ва мегакариоцитларнинг ёш шакллари пайдо бўлиши кузатилади. Мегакариоцитларга қарши антитаналар ҳосил бўладиган ҳолатларда тромбоцитлар ишлаб чиқарилиши бузилиши мумкин.

4. Виллебранд касаллиги – аутосом – доминант турдаги наслдан-наслга ўтадиган геморрагик диатез бўлиб, тромбоцитокоагулопатия белгиларига эга. Касаллик асосида Виллебранд омили деб белгилangan VIII - ВО омили молекуласи компоненти синтези бузилиши (ёки камдан-кам функционал етишмовчилиги) ётади.

Геморрагик диатезнинг яққол кўринилилари нисбатан енгил шаклардан оғир шаклларгача намоён бўлади. Айниқса бурундан қон кетиши, тери остига ва тери ичига қон қуюлишлар бу касалликка хосdir, аммо худди гемофилия касаллигида кузатиладиган гематома туридаги қон кетишлилар ҳам бўлиши мумкин.

Орттирилган коагулопатиялар. Уларнинг патогенези мураккаб, чунки кўп ҳолларда қон ивиш тизимида бир неча бузилишлар ва гемостазнинг томир тромбоциттар занжирида ўзгаришлар биргалиқда намоён бўлиши мумкин.

Орттирилган коагулопатиялар бирор бир касаллик фонида ривожланиб, иккиласида характерга эга бўлади: 1) янги туғилган ча-

қалоқларда (К - витаминига боғлиқ VII, X, II ва IX омиллар танқислиги); 2) оғир энтеропатияларда (айниқса болаларда) ва мальаб-сорбциянинг бошқа турларида, дори-дармон қўлланилиши натижасидаги дисбактериозларда; 3) жигарнинг паренхиматоз заарланишларида; 4) бирламчи амилоидозда, парапротеинемиялар, макро - ва криоглобулинемияларда; 5) ДВС синдроми ривожланишига сабаб бўладиган ҳамма ҳолатларда; 6) эмоционал зўриқиш ва стрессда (фибринолитик фаолликнинг бирламчи ошиши, гипофибриногенемия); 7) баъзи дори-дармонларни қўллаганда — билвосита ва бевосита таъсир этувчи антикоагулянтлар, фибринолитик ва дефибринловчи таъсирга эга препаратлар дозаси меъёридан оширилганда; 8) қон ивиш омилларига қарши циркуляцияда иммун ингибиторлари (антитанаалар) пайдо бўлганда.

Қон ивишининг тезлашиши — гиперкоагуляцион силжишларнинг (ГС) сабаблари қуидагилардан иборат: 1) қонда прокоагулянтлар (тромбопластин, тромбин) концентрациясининг кўпайиши; 2) табиий антикоагулянтлар фаоллигининг пасайиши; 3) фибринолиз жараёнининг тормозланиши.

Томир деворининг шикастланиши, тўқиманинг шикастланиши ва ҳужайраларнинг парчаланиши, қон реологиясининг (окувчанинг) ўзгаришлари; протромбин ва фибриногенга бевосита таъсир этувчи ёт протеазаларнинг қон ўзанига тушиши (илон заҳари), қон ивиши ва қон ивишига қарши тизимларнинг нейро - эндокрин регуляциясининг бузилишлари ва кўрсатилган механизмларнинг комбинацияси томир ичida тромб ҳосил бўлишининг патогенетик механизmlari бўлиб ҳисобланади.

Диссеминиранган (тарқоқ) томир ичida қон ивиши синдроми — ДВС синдроми — турли хил касалликлар ва ҳолатларда: сепсисда, вирусемияда, хавфли ўсмаларда, айниқса меъда ости бези ва простата бези ракида, шокнинг ҳамма турларида, шикастли жарроҳлик аралашувларида, акушерлик патологиясида (йўлдошнинг муддатдан олдин ажралиши, ҳомиланинг бачадон ичida ўлиши, қононоқ сувлари билан эмболия юз беришида, эклампсияда ва ҳ.к.); сатҳи кенг куйишлар ва совук уришида, суюклар синишида, мажақланиш синдромида; паренхиматоз аъзоларнинг: жигар, буйраклар, меъда ости безининг деструктив заарланишида; ўткир томир ичida гемолизнинг барча турлари ва лейкоцитлар цитолизида; гемобластозларда; тизимли қизил югурикда, тугунчали периартериитда ва баъзи бошқа иммун касалликларда; тромбоцитопеник пурпурада; геморрагик васкулитда; ўткир буйрак етишмовчилигига; заҳарли илонлар чаққандада; массив қон куйишдан кейин ва ҳ.к. вужудга келади.

ДВС — синдромининг барча шаклларига гиперкоагуляция ва гипокоагуляция фазаларининг кетма-кет алмашиниши хос. Гиперкоа-

гуляция фазаси қисқа бўлиши ва қоннинг томир ичидаги тарқоқ ҳолда ивиши микроциркуляциянинг аъзоларда (ўпка, буйрак, жигар, буйрак усти безларида) фибриннинг мурт массалари билан блокада этилиши ва гиперкоагуляцион шок билан тез тугалланиши мумкин. Айрим ҳолларда у секин, яширин ривожланиши ва кўпинча ўз вақтида аниқланмаслиги мумкин. Иккинчи гипокоагуляция фазасида кўпинча оғир геморрагиялар юзага келади, шунинг учун бу ҳолатни тромбогеморрагик синдром деб ҳам аташади.

Иккинчи фазага ўтиш даврида прогрессивланувчи тромбоцитопения, қон плазмасида фибриноген миқдорининг пасайиши, тромбин ва протромбин вақтларининг чўзилиши, қонда фибринолиз маҳсулотларнинг (ФМ), тромбоцитларнинг антигепарин омили (пластинсимон омил - 4), эритроцитларнинг фрагментацияси феномени пайдо бўлиши кузатилади. Анча кейинроқ ривожланувчи иккинчи фазада чукур гипокоагуляция ривожланиб, ҳатто қон ивимай қолиши мумкин (ўз-ўзидан — спонтан, шунингдек тромбин қўшилса ҳам). Бунга қон ивиши омилларининг истеъмол, блокада ва протеолиз қилиниши, истеъмолли тромбоцитопения ва қон ўзанида қолган тромбоцитлар агрегациясининг бузилиши, микроциркуляциянинг фибрин ва ФМ билан шикастланиши ва блокада қилиниши, гипоксия ва локал ацидоз туфайли гемостатик механизмларнинг ишдан чиқиши сабаб бўлиши мумкин.

Шундай қилиб, ДВС - синдромда гемостаз тизимининг учта занжирни: томирли, тромбоцитар ва коагуляцион занжир ҳам чукур зарарланади. ДВС — синдром — ўткир, ўрта ўткир, сурункали ва қайталаниб кечиши мумкин.

Тромбоцитлар ўзгаришлари. Нормада тромбоцитлар сони — 180,0—320,0 · 10⁹/л. Тромбоцитлар томонидан ўзгаришлар қўйидаги турда бўлиши мумкин: 1) сонининг камайиши — тромбоцитопениялар, 2) кўпайиши — тромбоцитозлар ва 3) уларнинг адгезив агрегацион, коагуляцион ва ретрактил хоссаларининг бузилишлари билан функционал силжишлар яъни тромбоцитопатиялар шаклида.

Тромбоцитопения деб, тромбоцитлар сонининг 150 · 10⁹/л дан камайишига айтилади. Тромбоцитопенияларнинг асосий сабаблари уларнинг ҳаддан ташқари парчаланиши ёки истеъмол қилиниши, шунингдек тромбоцитлар ишлаб чиқарилишининг камайишидир. Тромбоцитопенияларнинг наслий ва ортирилган шакллари фарқлашади. Наслий тромбоцитопениялар тромбоцитларда гликолиз ёки Кребс цикли ферментлари фаоллигининг, шунингдек тромбоцитопатинилар ишлаб чиқарилишининг бузилиши билан боғлиқ. Ортирилган шакллари витамин В₁₂ ва фолат кислотанинг танқислиги ёки кўпроқ истеъмол қилиниши, қизил кўмик ўрнини хавфли ўсма эгаллаши, унинг ҳужайралари пролиферация хусусиятининг сусайиши ва бошқа сабаблар туфайли юз беради.

Тромбоцитоз — тромбоцитлар сонининг $400 \cdot 10^9/\text{л}$ дан кўпайиши, бирламчи (метакариоцитларнинг бирламчи пролиферацияси оқибатида) ва иккиламчи (бирор бир касаллик натижасида) бўлиши мумкин. Иккиламчи (реактив) тромбоцитозни тромбоцитларнинг функционал ожизлиги ва протромбиназа ҳосил бўлишининг бузилиши билан тушунтиришади. Сабаблари бартараф қилинса йўқолади.

Бирламчи тромбоцитоз эритремия, сурункали миелолейкозда учрайди. Иккиламчи — ўткир ревматизм, ревматоид артрит, ярали колит, сил, жигар циррози, остеомиелит, амилоидоз ва бошқаларда учрайди. «Аспленик» тромбоцитоз талоқ олиб ташлангандан кейин кузатилади. Унинг вужудга келишини тромбоцитлар парчаланадиган аъзонинг олиб ташланиши, шунингдек, қизил кўмик фаолиятини тормозловчи гуморал омил ишлаб чиқарилиши ва антитромбоцитар антитаналар синтези билан боғлашади.

Тромбоцитопатиялар наслий ва орттирилган бўлиши мумкин. Улар учун қон кетиш вақти, қон ретракциясининг йўқлиги ёки унинг кескин сустлашиши фонида узайиши, тромбоцитлар сонининг нормал ёки деярли нормал бўлиши ҳосдир.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иш. Токсик гемолитик анемия модели яратилган қуёnda Сухарев усули бўйича капилляр қоннинг ивиш вақтини аниқлаш.

Текшириш учун қуён қулогининг четки венасидан олинган қоннинг биринчи томчиси артиб ташланади. Куруқ капиллярга (ЭЧТ ни аниқлашга мўлжалланган) қон устуни баландлиги 20—30 мм етгунча қон олинади. Капилляр қийшайтирилиб қон унинг ўртасигача силжитилади ва ҳар икки томонга 30 — 45° ҳаракатлантирилади. Қоннинг капилляр бўйлаб силжиши ҳали қон ивиши бошланмаганидан дарак беради. Қон ивишининг бошланиши капилляр оғишганда қон силжишининг секинлашиши пайтидан ва капиллярнинг ички деворида қон лахтаси пайдо бўлишидан бошлаб белгиланади. Қон ҳаракатининг тўла тўхташи унинг тўла ивиши вақтига мос келади.

Нормада: бошланиши 30 сония — 2 дақиқа
туғаши 3 — 5 дақиқа.

2-иш. Эритроцитлар чўкиш тезлигини (ЭЧТ) гемолитик анемия модели яратилган қуёnda Панченков усули билан аниқлаш.

Капилляр натрий цитрат (лимон — нордон) эритмаси билан ювилади. Бу реактив уни «Р» белгисигача тўлдирилади ва соат шишасига пуфлаб тўкилади. Қулоқнинг четки венасидан икки марта «К» белгигача қон олинади ва соат шишасига пуфлаб солинади, яхшилаб

натрий цитрат билан аралаштирилади. Қон ва стабилизатор нисбати 4:1 бўлиши лозим. Аралашма «К» белгисигача каплярга олинади ва у штативга I соат давомида вертикал ҳолатда ўрнатилади. Бир соатдан кейин эритроцитлар устунидан юқори турган плазма устуни миллиметрда аниқланади. ЭЧТ ни фракция усулида аниқлаш учун текшириш ҳар 15 дақиқада амалга оширилади.

3-иши. Гемолитик анемия модели яратилган қуён қонида эритроцитларнинг осмотик резистентлигини аниқлаш.

Пробиркага ош тузининг 0,85% дан 0,2% гacha бўлган (интервали 0,05%) эритмасидан 1 мл солинади. Кейин ҳар бир пробиркага 1 томчидан дефибринланган қон томизилади. Қайси пробиркада гемолиз белгилари салгина бўлгани (минимал резистентлик) ва қайси пробиркада гемолиз яққол намоён бўлгани (максимал резистентлик) қайд қилинади.

4-иши. Гемолитик анемия модели яратилган қуён қонида гематокрит кўрсаткичини аниқлаш.

Гематокрит капилляри натрий цитрат (нордон — лимон натрий) эритмасида чайилади ва қуён қулоғи венасидан олинган қон билан тўлдирилади. Кейин капилляр металл штативга маҳкамланади ва 10 дақ. давомида 3000 айл./дақ. тезлигига центрифугада айлантирилади. Капиллярнинг қанча бўлинмасини плазма ва қанчасини шаклли элементлар эгаллагани белгиланади. Гематокрит кўрсаткичи шаклли элементларнинг плазмага нисбатан эгаллаган фоизини ҳисоблаш йўли билан аниқланади.

Жиҳозлар: гемолитик анемия модели яратилган қуён, инъекцион иғналар, этил спирти, Панченков аппарати, пробиркалар, штатив, пипетка, 3% ли натрий цитрат (нордон — лимон натрий), устида ойсимон, силлиқланган чуқурчаси мавжуд буюм шишаочаси, ош тузининг 0,85% ли, 0,6% ли, 0,55% ли, 0,5% ли, 0,45% ли, 0,4% ли, 0,35% ли, 0,3% ли, 0,25% ли, 0,2% ли эритмалари, гематокрит капилляри, центрифуганинг пробиркалари, центрифуга, қуённинг дефибринланган қони, кўз пипеткалари.

АУДИТОРИЯ ИШИ

Мавзууни оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Бажариладиган ишлар:

- 1) капилляр қоннинг ивиш вақтини аниқлаш;
- 2) ЭЧТ ни аниқлаш;
- 3) эритроцитларнинг осмотик резистентлигини аниқлаш;
- 4) гемолитик анемия модели яратилган қуён қонида гематокрит кўрсаткичини аниқлаш;

Талаба қуйидагиларни бажара олиши керак:

- 1) қүённинг қулоқ венасидан қон олиш техникасини эгалашни;
- 2) мустақил равища қоннинг ҳамма анализларини қилишни;
- 3) олинган натижаларни түғри таҳлил қилиш ва хulosалар чиқаришни.

Эксперимент баённомаси ва хulosаларни ёзиш

Талаба мустақил равища тажрибаларнинг қайдномасини тузади, олинган маълумотларни дафтарга ёзib олади, натижаларни таҳлил қиласди, хulosаларни шакллантиради.

Вазиятли масалаларни ечиш

1-масала. Болалар клиникасига 12 ёшли, Р. исмли бемор тушган. Шикоятлари: оёқ-қўллари териси остида ҳеч қандай сабабсиз қон куйилишлар пайдо бўлган. Умумий аҳволи қониқарли. Қон таҳлилида қон ивиш вақти секинлашган, протромбин вақти ўзгармаган, қон кетиши плазманинг рекальцификацияси вақти узайган, 1 мкл қонда тромбоцитлар сони 230 минг.

Бола қайси касаллик билан оғриган, касаллик нимага боғлиқ?

2-масала. М. исмли беморнинг анамнез маълумотларига кўра сифатсиз овқат еганидан кейин ичи кетган ва қусган (1 кечакундузда 10 — 12 марта). Шикоятлари: умумий мадорсизлик, иштаҳасининг йўқлиги, ташналиқ. Тили куруқ, оқ караш билан қопланган. Гематокрит кўрсаткичи аниқланганда: шаклии элементлар 70%, плазма 30%.

Куйидаги саволларга жавоб беринг:

1. Беморнинг умумий қон массаси қандай ўзгарган, сабаби?
2. Гематокрит кўрсаткичи қандай ўзгарган?
3. Ушбу ҳолатда чин полицитимия мавжудми?

3-масала. Р. исмли ҳомиладор аёл вазни 4,300 г. та тенг бола туққан, туғиш пайтида туғиш фоалиятининг сустлиги, кўп сувлик аниқланган. Йўлдош ажралгандан кейин қон кетиши бошланган. Умумий аҳволи оғир. Пульси 1 дақ. да 140 марта, тўлиқлиги ва кучланиши сустлашган, ҳансираш кузатилади, АҚБ 80/50 мм/симоб устуни атрофида, тери қопламлари оқарган, ҳуши хиралашган. Қон таҳлили: қонда фибриноген миқдори 0,05 г.

1. Ривожланётган симптомларнинг механизми қандай?
2. ДВС— синдром нима?
3. Мазкур акушерлик патологиясининг эҳтимолий сабабини туғунириштинг?

Интеграция амалга оширилиши лозим бўлган фанлар

1. Гематология.
2. Болалар касалликлари ва ички касалликлар пропедевтикаси.

22 - МАШГУЛОТ

ЮРАК-ТОМИР ТИЗИМИ ПАТОФИЗИОЛОГИЯСИ I Мавзу : ЮРАК ЕТИШМОВЧИЛИГИ

Машгулот мақсади. Талаба қўйидагиларни билиши керак:

- 1) зўриқишиш ва миокард шикастланиши билан боғлиқ юрак етишмовчилигининг сабаблари ва асосий патогенетик механизmlарини;
- 2) мутлақ ва нисбий коронар етишмовчилиги (ЮИК, миокард инфаркти) тўғрисида тушунчаларни;
- 3) юрак етишмовчилигидаги компенсатор ва декомпенсация механизmlарини;
- 4) юрак шикастланишининг нокоронаротен шакллари тўғрисида тушунчаларни;
- 5) каламушда экспериментал миокард инфаркти (ЭМИ) ва коронар етишмовчилигини чакириш ва уларда ЭКГ ўзгаришларини таҳлил қилишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШИ

Кичик курслардаги фанлар бўйича заминий билимлар даражасини текшириш

1. Юрак мушаклари тузилишининг хусусиятлари.
2. Юрак мушакларида электрик потенциалларнинг ҳосил бўлиш механизми.
3. Миокард физиологик ишчи гипертрофиясининг моҳияти.
4. Юракнинг қон билан таъминланиши (коронар қон айланиши) хусусиятлари.
5. Юракни зарб ва дақиқа ҳажми (ЮЗХ, ЮДХ) нима?
6. Франк-Старлинг рефлекси нима?
7. Кардиомиоцитларнинг энергия билан таъминланиши қандай амалга оширилади?
8. Кардиомиоцитлар қисқаришида кальций насосининг роли нимадан иборат. Мушак қисқаришлари химизми.
9. Юрак бўлмаси натрийуретик омили (БНО) ва унинг сув-туз гомеостазидаги роли.

Мустақил тайёрланиш учун қўрсатмалар

Асосий адабиётлар:

Патологическая физиология /Под. ред. А. Д. Адо и Л. М. Ишимовой – 2-е изд. перераб. и доп. М.: Медицина. 1980. с. 314–330.

Патологическая физиология /Под. ред. чл.- корр. АМН СССР Н. Н. Зайко. - 2- е изд. перераб. и доп. - Киев: Вища школа. 1985. с. 363– 375.

Патологическая физиология /Под. ред. акад. РАМН А. А. Адо и проф. В. В. Новицкого - Томск, изд-во Томского ун -та, 1994, с. 308 –313.

Патологическая физиология /Под ред. А. Д. Адо и др. М.: Триада - X, 2002, с. 404-432.

Н. Ҳ. Абдуллаев, Ҳ. Ё. Каримов /Патофизиология. Т.: Абу Али ибн Сино номидаги тиббиёт нашриёти, 1998, б. 363-385.

Қўшимча адабиётлар:

Березоя Т. Т., Коровкин Б. Ф. Биологическая химия - М.: Медицина, 1983, с. 706 – 711.

Дошицин В. Л. Практическая электрокардиография. - 2-е изд. перераб. и доп. - М.: Медицина, 1987. - с. 5 - 6.

Иван С. Ламбич, Светомир П. Стокинич. Стенкардия: - Перевод с сербско-хорватского - М.: Медицина, 1990, 432 с.

Меерсон Ф. З. Адаптация сердца к большой нагрузке и сердечная недостаточность. М.: Наука, 1975, - с. 263.

Постнов А. Ю. Предсердный натрийуретический фактор (морфология и некоторые физиологические характеристики новой системы регуляции водно – солевого гомеостаза). Архив патологии, 1987, № 3, с. 86 –90.

Руководство к практическим занятиям по патологической физиологии /Под ред. чл. корр. АМН СССР Н.Н. Зайко, проф. Л. Я. Даниловой - Киев: Вища школа. 1987. с. 134-140.

Сыркин А. Л. Инфаркт миокарда - М.: Медицина, 1991, 302 с.

Федоров Б.М. Стресс и система кровообращения. - М.: Медицина, 1991, 318 с.

Физиология человека /Под ред. Р. Шмидта и Г. Тевса (перевод с англ. Н. Н. Алипова, под ред. акад. П.Г. Костюка) - М.: Мир, 1986. В 4-х томах, том 3. - с. 74 - 100.

Хитров Н. К., Пауков В. С. Адаптация сердца к гипоксии - М.: Медицина, 1991, 236 с.

Асосий ўкув саволлари

1. Юрак етишмовчиликини (ЮЕ) чақирувчи сабаблар ва шароитлар.
2. ЮЕ типларининг таснифи.
3. «Ҳажм билан зўриқиши» ва «босим билан зўриқиши» нима?
4. ЮЕ нинг зўриқиши билан боғлиқ сабаблари ва механизmlари.
5. ЮЕ нинг миокард шикастланиши билан боғлиқ сабаблари ва механизmlари.

6. ЮЕ нинг гемодинамик кўрсаткичлари ва белгилари.
7. Нокоронаротен ва коронаротен юрак етишмовчилиги сабаблари ва шароитлари.
8. Юрак ишемик касаллигининг (ЮИК) этиологияси ва патогенези.
9. Миокард инфаркти этиологияси ва патогенези, унга хос ЭКГ ўзгаришлари.
10. ЮЕ компенсатор механизmlари. Тоноген ва миоген дилатация. Тахикардия, миокард гипертрофияси ва уларнинг аҳамияти.
11. Гипертрофияланган юракнинг декомпенсацияси сабаблари.

Аннотация

Юрак етишмовчилиги деб, юракнинг нормал гемодинамикани сақлаш ўчун керак бўлган қонни кам миқдорда чиқариш ҳолатига айтилади. Бундай ҳолат ҳатто тинч вақтда ҳам («тинч ҳолатда етишмовчилик») ёки фақат жисмоний зўриқишида («зўриқишидан етишмовчилик») кузатилиши мумкин. Юракнинг қон ҳайдаш функцияси бузилишига унинг қисқарувчанлик хусусиятининг бевосита бузилиши билан боғлиқ бўлмаган ҳар хил ҳолатлар ҳам (клапанлар пороки, юқори даражада брадикардия ва ҳ. к.) олиб келиши мумкин. Тор маънода юрак етишмовчилиги деганда унинг қисқарувчанлик хусусиятининг камайиши (миокард етишмовчилиги) тушунилади.

Юрак етишмовчилиги типларининг таснифи. Юрак етишмовчилигининг 3 патофизиологик вариантини ажратиш мумкин.

1. Зўриқишидан етишмовчилик (зўриқиш билан боғлиқ шакли), бунда қисқарувчанлиги нормал бўлган юракка ортиқча талаб юқланади. Юрак етишмовчилигининг зўриқиши билан боғлиқ шакли ўз навбатида 2 турга бўлинади: 1) юрак бўшлиқларида қон ҳажмининг кўпайиши оқибатида («ҳажм» билан зўриқиш); 2) қоннинг юрак бўшлиқларидан чиқиб кетишига бўлган юқори қаршилик оқибатида («босим» билан зўриқиш).

Биринчиси жисмоний иш вақтида; клапанлар етишмовчилиги билан боғлиқ юрак порокларида кузатилади. Юрак порокларида қон унинг бўшлиқларига нафақат диастола вақтида тушади, шу билан бир қаторда клапанларнинг тўлиқ ёпилмаслиги натижасида юракдан ҳайдалган қоннинг бир қисми ҳам қайтади. Иккинчи тури юрак тешикларининг торайиши натижасида ривожланади. Масалан у ўпка артерияси, аорта тешиги, бўлмача-қоринча орасиддаги тешиклар торайишида учрайди. Юракдан қон чиқишига қаршиликнинг кўпайиши гипертония, генерализацияланган артериосклероз, пневмосклерозларда ҳам юзага келади.

2. Миокард шикастланиши билан боғлиқ юрак етишмовчилиги (юрак етишмовчилигининг миокардиал шакли) инфекциялар, интоксикациялар, гиповитаминослар, аллергик ва атоаллергик жараёнларда учрайди. Миокард шикастланиши учун унинг қисқарувчанлик функциясининг кескин камайиши характерли бўлиб, у қисқарувчанликни тъминловчи миокард оқсилиарининг камайиши натижасида юзага келади.

3. Юрак етишмовчилигининг аралаш шакли — миокард шикастланиши ва юрак зўриқишининг бирга қўшилиши билан тавсифланади. Масалан ревматизмда яллиғаниш жараёни натижасида юрак мушаклари ва клапанларининг шикастланиши ва бузилишлари комбинацияланиши мумкин. Юрак етишмовчилигининг бу варианти, шунингдек юрак мушак толаларининг дистрофик ўзгариши ёки улиши натижасида, соғ қолган толаларнинг зўриқиб ишлашида ҳам келиб чиқиши мумкин.

Ривожланиш характерига ва тезлигига қараб юрак етишмовчилиги ўткир ва сурункали бўлиши мумкин.

Ўткир юрак етишмовчилиги билан боғлиқ қон айланиши етишмовчилиги миокард қисқарувчанлик хусусиятининг ўткир заинфилшиб кетиши, масалан миокард инфаркти (МИ), ўпка артерияси эмболияси, перикард бўшлиғига қон куйилиши (перикард тампонадаси), пароксизмал тахикардия, каротид синусидан патологик рефлекс ҳосил бўлиши билан боғлиқ қоринчалар фибрилляцияси натижасида келиб чиқади. Кўпинча ўткир юрак етишмовчилигига бемор ҳолати шок манзарасини эслатади ва у «кардиоген шок» дейилади.

Қон айланишининг сурункали шакли қон айланиш тизимининг прогрессивланувчи касаллкларида (атеросклероз, коронар етишмовчилиги, гипертония касаллиги, юрак пороклари ва ҳ. к.) ривожланади.

Қон айланишининг сурункали етишмовчилигининг З босқичи фарқ қилинади.

Биринчи — бошланғич (компенсирулган), яширин босқич; у функционал зўриқиши усуllibарни ёрдамида аниқланади. Бу вақтда организмнинг кислородга нисбатан талаби ошади, аммо қон айланиш аппарати ишлётган органларни ётарли даражада қон билан таминалай олмайди — гипоксия ривожланади. Беморнинг ишлаш қобилияти чекланган бўлади.

Иккинчи — яққол ривожланган қон айланиши етишмовчилиги босқичи — беморнинг тинч ҳолатида гемодинамиканинг бузилганилиги билан тавсифланади. Компенсатор механизmlарининг ишга тушиши туфайли организмнинг ҳаёт фаолияти узоқ муддат давомида сақланиши мумкин. Компенсация резервларининг ҳолдан тойиши билан оқдекомпенсация фазаси ривожланади. Иш қобилияти кескин чекланган бўлади.

Учинчи — охирги, декомпенсацияланган босқич — компенсация механизмларининг барбод бўлиши, гемодинамиканинг чукур бузилиши, модда алмашинуви ва ҳамма органлар функцияларининг турғун ўзгаришлари ҳамда иш қобилиятининг йўқолиши билан тавсифланади.

Бундан ташқари юрак етишмовчилиги чап ва ўнг қоринча ҳамда компенсиранган (яширин) ва субкомпенсиранган ёки декомпенсиранган (яққол кўриниб турадиган) хилларга бўлинади.

Юрак етишмовчилигининг гемодинамик кўрсаткичлари.

1. Зарб индекси (ЗИ) — зарб ҳажмининг тана юзасига нисбати соғлом одамларда $45 - 55 \text{ мл}/\text{м}^2$ ни ташкил қиласди. Қон айланишининг яққол етишмовчилигига ЗИ декомпенсация оғирлик даражасига қараб параллел ўзгаради.

2. Юракнинг дақиқалик ҳажми (ЮДХ) ва юрак индекси (ЮИ) юрак етишмовчилигига асосан камаяди, аммо систолик индекс кўрсаткичи каби кескин даражада камаймайди.

Қон айланиши сурункали етишмовчилигининг декомпенсиранган шаклида, айниқса ўткир юрак етишмовчилигига ЮДХ ва ЮИ миокард қисқарувчанлик хусусиятининг заифлашиши ва (ёки) вена қонининг юракка қайтишининг камайиши ҳамда диастола фазасида юрак бўшлиқларининг қонга тўлиқ тўлмаслиги натижасида камаяди. ўткир миокард инфарктида ЮДХ 50% ва ундан кўпроққа камайиши ва бу ўлим хавфини туғдириши мумкин.

3. Қон айланиши етишмовчилигининг ҳамма шаклларида қон оқиш вақти (ҚОВ) унинг даражасига қараб пропорционал ошади ва декомпенсацияда 60 сония ва ундан кўпроқни ташкил қилиши мумкин (нормада 20 — 22 сония).

ҚОВ нинг катта ва кичик қон айланишида ўзгариши юрақдан отиладиган қон миқдорига боғлиқ; у қанча кўп бўлса ҚОВ шунча кам бўлади. Юрак етишмовчилигига ундан отиладиган қон (зарб ҳажм ва ЮДХ) юқорида кўрсатилганидек камаяди ва табиийки натижада ҚОВ ошади.

4. ҚОВ нинг ошиши ва қоннинг капилляр ўзанидан ўтишининг секинлашиши O_2 нинг тўлиқроқ утилизация қилинишига олиб келади ва вена қонида O_2 миқдорининг камайиши ва унинг утилизацияланиш коэффициентининг ($O_2\text{УК}$) ошиши шундан далолат беради.

$$O_2\text{УК} = \frac{\text{Артериал қон } O_2 - \text{ вена қони } O_2}{\text{Артериал қон } O_2}$$

$$\text{Нормада } O_2\text{УК} = \frac{18 \text{ ҳажм \%} - 12 \text{ ҳажм \%}}{18 \text{ ҳажм \%}} = 0,3 - 0,4$$

О, УК нинг ЮЕ да ошиши компенсация механизмларидан бири ҳисобланади.

5. Циркуляциядаги қон ҳажми (ЦҚҲ) сурункали юрак етишмовчилигининг бошланғич фазасида ё ўзгармайди ёки эритроцитларнинг деподан чиқиши ҳисобига бир мунча ошади. Кўмикда эритропоэзниң кучайиш имкони ҳам бор. Қон айланиши етишмовчилигининг II – III босқичларида ЦҚҲ аниқ ошади.

6. Қон босимининг ўзгариши. Сурункали юрак етишмовчилигига систолик артериал босим (САБ) ўртача камаяди ва у миокард қисқарувчанлик хусусиятининг заифлашиши ва юрак зарб ҳажмининг камайиши билан боғлиқ. Ўткир юрак етишмовчилиги САБ ва диастолик артериал босим (ДАБ) ларнинг пасайиши билан кузатилади. Артериал босимнинг (АБ) пасайиши даражаси ўткир етишмовчилик чақирган сабаб, патологик жараённинг оғирлик даражаси ва б.к. ларга боғлиқ бўлади. Гипотензия механизми томир тонуси марказий ва периферик йўллари регуляциясининг бузилишини ўз ичига олади.

Веноз босим, ҳам периферик ҳамда марказий босим каби ошади. Босим кўрсаткичининг 12–15 см сув устдан ошиши чап қоринча диастолик босимининг ошишини кўрсатади ва ЮЕ нинг илк бегиси ҳисобланади. Ўткир ЮЕ марказий веноз босимининг камайишига олиб келади.

ЮЕ нинг асосий кўринишлари. 1. *Ҳансираш* (dyspnoe) — нафас сони, ритми, чукурлигининг ўзгариши ёки нафас мушаклари ишининг кучайиши — ҳаво етишмовчилиги ёки нафас қийинлашиши субъектив сезиглари билан намоён бўлади.

Сурункали юрак етишмовчилигининг (СЮЕ) илк фазасида гипервентиляция фақат кўшимча жисмоний зўриқиша ҳосил бўлади ва у тугагандан сўнг йўқолади, аммо кислород етишмовчилигининг тугаш вақти ошади яъни нафаснинг ўзгариши соғлом одамларга нисбатан чўзилганроқ бўлади.

Декомпенсацияда ҳансираш тинч ҳолатда ҳам кузатилади. Унинг пайдо бўлишига кичик қон айланиш доирасида қон димланиши имкон беради ва бу ўпкада газ алмашинувининг жиддий бузилишига сабаб бўлади. Ҳансирашнинг ниҳоятда оғир шакли — чап қоринча ўткир етишмовчилигига (гипертония, касаллиги, аортал пороклар, МИ) юзага келиши мумкин бўлган, ўткир ривожланувчи «юрак астма» сининг пароксизмал хуружи ҳисобланади.

2. *Цианоз* (юнон. с(к)уанос — тўқ кўк) — шиллиқ қават ва терининг кўкимтири туслаги кириши, қоннинг О₂ билан етарли тўйинмаслиги натижасида пайдо бўлади ва ЮЕ нинг муҳим белгиларидан ҳисобланади. Цианоз қон айланиши секинлашган жойларда — қўл оёқ бармоқларида (акроцианоз шаклида, юн. akros — охирги, жуда узоқдаги), бурун учида, лабда яққол кўзга ташланади. Цианоз кейинчалик тарқалган тус олади.

Цианознинг ҳосил бўлиши қонда қайталаңган Н₂ қўпайиши ва Н₂O₂ камайиши билан боғлиқ. Қонда кислород миқдорининг камайиши: а) капиллярларда қоннинг секин оқиши ва тўқималарда кислороднинг кўп сарф қилиниши; б) ўпка капиллярларида қоннинг етарли артериализация бўлмаслиги натижасида келиб чиқади. Терининг кўқимтири туста киришида ундаги майда томирларнинг ортиқча қонга тўлиши ҳам маълум даражада аҳамиятга эга.

3. Тахикардия (ТК) — юрак уриш сонининг тезлашиши — ЮЕ га хос белги; доимий ёки хуруж кўринишида бўлиши ва нормал ёки ўзгарган юрак ритми билан кечиши мумкин.

ЮЕ да ТК бир томондан мослашув аҳамиятига эга бўлиб, веналардан қоннинг яхши олиб чиқиб кетилишига ёрдам беради, иккинчи томондан патологик рол ўйнайди, чунки узлуксиз ТК да юрак мушакларининг ошиб борувчи чарчапи ЮЕ ни чуқурлаштиради.

4. Юрак ёки димланишиши — асосан веноз димланиш ва веноз босимнинг ошиши натижасида ҳосил бўлади, капиллярлардан қон плазмаси фильтрацияланишининг кучайиши билан кечади. Қон димланиши натижасида ривожланадиган гипоксия трофиқанинг ва томир девори ўтказувчанигининг бузилишига олиб келади. Юрак шишлари келиб чиқишида тўқимада сув сақланишининг рефлекс-тор-ренин-адренал механизми ҳам муҳим роль ўйнайди.

ЮЕ да иккиласи альдостеронизм кузатилади: чунончи волюм-рецепторлардан ҳосил бўладиган рефлекс ренин - альдостерон тизимини стимуллайди (бу: ракда қон айланиши бузилиши натижасида). Иккиласи альдостеронизм организмда Na⁺ сақланишига ва гиперосмия ривожланисига олиб келади. Бу эса буйракда сув реабсорбциясини стимулловчи гипофиз антидиуретик гормонининг кўплаб ажралишига олиб келади.

Миокард нокоронароген некрози. У куйидаги ҳолатларда ривожланади.

1. Гипоксия натижасида ҳосил бўладиган некроз — гипоксик ва гемик гипоксия оқибатида келиб чиқади. Организмда O₂ умумий этишмовчилиги натижасида юрак мушак толаларининг некротик шикастланиши ривожланади ва у кўпинча субэндокардиал қатламда жойлашиш — локализацияланиши тенденциясига эга.

2. Некрозли электролит-стериоид кардиопатия — натрий тузларининг кўп миқдорда айрим анионлар (сульфатлар, фосфатлар) билан бириккан ҳолда тўпланиши натижасида келиб чиқади. Бунда юракда дегенератив — некротик типли шикастланиш ўчоғлари ҳосил бўлади ва у кўпинча ички аъзолар томирларининг гиалинози билан кечади. Агар буйрак усти бези стериоид гормонлари миқдори баравар кўпайса, шикастланиш интенсивироқ бўлиши ёки тузлар кам миқдорда бўлганда ҳам ривожланиси мумкин. Ана шундай нокулай элек-

тролит — стероид фонда бошқа сабаблар билан боғлиқ юрак шикастланиши өнгилроқ ривожланади ва оғирроқ кечади. Масалан норадреналин, кальциферол ҳосилалари кичик дозаларининг юборилиши, шунингдек гипоксия, мушак зўриқиши ёки аксинча ҳаракатнинг жиддий чекланиши миокарднинг кенг кўламда шикастланишига олиб келади. Калий ва магний тузлари бунда ҳимояловчи таъсири қилиш хусусиятига эга.

3. Юракнинг иммун шикастланиши. Айрим ҳолатларда организмда юрак тўқимасига нисбатан уни шикастлайдиган антитаналар ва сенсибилизацияланган лимфоцитлар ҳосил бўлиши тасдиқланган. Бунга некрозга учраган мушак толаларининг денатурацияланган компонентларининг қон оқимига тушиши сабаб бўлиши мумкин. Юрак ёт антигенларнинг антитаналар билан ўзаро таъсири натижасида ҳам шикастланиши мумкин. Антиген — антитана комплекси комплимент тизимини фаоллаштиради, натижада реакция кетаётган жой яқинидаги ҳужайралар биринчи наъбатда шикастланади. Бунақа ҳужайра шикастланишлари атоиммун жараённинг ишга тушиш механизми сифатида хизмат қилиши мумкин.

4. Юракнинг нейроген шикастланиши. Унинг асосида симпатик асаб тизимининг (САТ) ҳаддан ташқари кўзғалиши билан боғлиқ тўқима метаболизми даражаси ва унинг қон билан таъминланиши орасида мос келмаслик механизми ётади. Симпатик асаб толаларининг қитиқланишига жавобан миокарднинг О₂ истеъмол қилиши тоҳ томирлардагига нисбатан юқори даражада кўпаяди, натижада миокард гипоксияга учрайди. Адашган асабнинг қитиқланиши эса метаболизм даражаси ва коронар қон оқими кўрсаткичи орасида қарама-қарши ўзгариш чақириб, қон билан таъминланишин яхшилайди. В. Рааб замонавий одамларда юракнинг кўп шикастланиш сабабини САТ ва ПАТ (парасимпатик асаб тизими) тонуси орасида мос келмаслик билан тушунтирувчи концепция яратди. Унинг фикрича ҳозирги одамларнинг ҳаёти унинг аждодларига қараганда ҳаракат ва жисмоний зўриқишининг ўсиб борувчи камайиши билан фарқ қиласи ва бу САТ нинг активлашишига олиб келадиган эмоционал таъсиrottар билан боғлиқ. Бир вақтда n. vagus тонуси пасяди. Ана шундай асаб таъсирида рўй берадиган дисбаланс натижасида юрак мушаклари тоҳ томирларида қатор модда алмашинуви ва функционал ўзгаришлар содир бўлади ва у миокард гипоксиясига қулай шароит тудиради. Шу сабабли кейинги вақтларда юрак шикастланишида кўп эътибор «жавобсиз қолган эмоциялар» га қаратилмоқда. Чунки ирода таъсирида пасайтирилган мушаклар юқори фаоллигининг йўқлигига қонга ажralиб чиққан симпатик медиаторлар юрак-томир тизимида узоқ ва интенсив «тайёрлов» ўзгаришларини чақиради. Бундай вазијатлар миокардга патоген таъсири кўрсатади.

Коронар етишмовчилиги. Тож артериялари орқали қон оқиб келиши етишмовчилигига ривожланади. Миокарднинг О₂ билан тъминланиши ва қон оқиб келиши орасидаги мослик бузилади. Юрак мушаклари қон оқиб келиши етишмовчилигига жуда сезгир, чунки бунда нафақат етказиб берилаётган О₂ миқдори балки, оксидланиш субстратлари (глюкоза, ёғ кислоталари) ҳам, айниқса рұхий эмоционал ва жисмоний зўриқишида юрак иши учун зарур бўлган юрак мушакларидаги АТФ энергия миқдори ҳам камаяди. Масалан стрессор вазиятларда организмда кўп миқдорда адреналин ва норадреналин ажралади, бу эса юрак мушакларида кислород истеъмол қилинишининг кўпайишига олиб келади. Шундай қилиб, коронар қон айланиш имконияти ва миокард эҳтиёжи орасида мос келмаслик ўзага келади.

Миокард озиқланиши бузилишининг асосий сабаби юрак тож томирларининг атеросклероз билан шикастланишидир. Бундай томирларнинг тешиги торайтган бўлади, ноқулай омиллар таъсирида тез спазмга учрайди, томир интимасининг шикастланган қисми эса тромб ҳосил бўладиган жой бўлиб қолади.

Коронар қон айланишининг бузилиши билан кечадиган ҳамма қасалликлар битта нозологик шаклга бириктирилган ва у ЮИК (юрак ишемик қасаллиги) деб ном олган. Кўпинча ЮИК тўш суяги орқасида қисувчи оғриқ хуружи билан намоён бўлади ва у стенокардия дейилади. Оғриқ кўпинча чап қўлга, чап елкага, айрим вақтларда бўйинга, жағта тарқалади (иrradiация қилинади), ўлимдан қўрқиш туйғуси туғилади. Стенокардия атеросклероз билан шикастланган тож артерияларининг спазмидан ривожланадиган миокард ўтқир ишемияси натижасидан пайдо бўлади. Ўзгармаган тож артериялари жуда кам спазмга учрайди. Спазмнинг сабаби ҳаяжонланиш, организмнинг ҳаддан ташқари совуши ва бошқа омиллар бўлиши мумкин. Стенокардия хуружи кўпинча жисмоний зўриқишида рўй беради. Зўрайиш билан боғлиқ (жисмоний зўриқишида юзага келадиган) ва тинч ҳолатда ривожланадиган стенокардия фарқ қилинади.

ЮИК билан боғлиқ коронар етишмовчилиги патогенезида мухим ролни қон ивишининг ошиши ўйнайди. Бу миокард томирларида микроциркуляциянинг ёмоилашишига ва тромбозга олиб келиши мумкин. ЮИКнинг оғир шаклларидан бири миокард инфаркти ҳисобланади. Юрак мушагида некроз ўчоғи ҳосил бўлади. У кўпинча атеросклеротик ўзгарган тож артерияларининг тромбози билан боғлиқ, тромб эса атеросклеротик пилакчаларнинг яраланиши натижасида келиб чиқади. Коронар томирларида тромб ҳосил бўлишига жисмоний ва эмоционал зўриқиши ёрдам беради, чунки бу ҳолатларда юракнинг иши кучаяди, қонда буйрак усти бези гормонлари кўпаяди, қон ивиши тезлашган бўлади.

Инфарктда юракнинг қисқарувчанлик хусусияти камаяди, унинг насос функцияси бузилади. Агар некроз учоги катта бўлса артериал босим ҳам камаяди, ўткир юрак етишмовчилиги, кардиоген шок (нитроглицерин таъсирида тўхтамайдиган қаттиқ оғриқ хос) бошлиниди ва кейин коронар артерияларда қон оқишининг тўхташи натижасида ўлим содир бўлади. ЮИК миокардда ўчоғли дистрофик ўзгаришлар ва кардиосклероз билан ҳам намоён бўлиши мумкин. Миокарднинг оксидланиш субстратлари (глюкоза, ёғ кислоталари) билан таъминлашининг бузилиши лактат, пируватларнинг сарф қилинишини кучайтиради, энергия ҳосил бўлишини камайтиради, рН кислотали томонга силжийди, миокард ферментлари фаоллиги камаяди. Буларнинг ҳаммаси юрак қисқарувчанлик функциясининг камайишига олиб келади. Симптоадренал тизимнинг фаоллашиши натижасида умумий периферик қаршилик ошади: микроциркуляция бузилади, гипоксия ва ацидоз ривожланади.

Инфаркт ўчоғидан ўлган ҳужайралар некроз маҳсулотлари — лактатдегидрогеназа, креатинкиназа, аспартатаминотрансфераза ферментлари қонга сўрилади, уларнинг қонда топилиши инфарктдан дарак беради. Қонда С-реактив оқсил кўпаяди, нейтрофил лейкоцитоз кузатилади, ЭЧТ тезлашади. ЭКГ томонидан ўзига хос ўзгаришлар учрайди, чунончи: 1) ишемия зонасига хос Т — манфий тишчаси; 2) ST интервалининг кўтарилиши — шикастланиш зонаси; 3) чукур Q тишчаси — некроз зонаси аниқланади. Айрим уланишларда Q тишчаси \checkmark — шаклини эслатади ва у ўлим қаноти дейилади. ўтказилган инфаркт чукур Q тишчаси шаклида из қолдиради.

Юрак етишмовчилигига компенсатор механизmlар: 1) қисқа муддатли ёки шошилинч бўлиши мумкин. Бу тахикардия, ҳансираш, тоноген дилатация; 2) узоқ муддатли адаптация. Бунга миокард гипертрофияси, эритропоэзниң кучайиши ва бошқалар киради. Тахикардиянинг механизми: бу Бейнбридж рефлекси бўйича ковак веналари куйилиш жойида уларнинг қон билан тўлиб кетиши юрак қисқаришлари тезлашишини чақиради. Рефлексоген зоналарнинг — аорта ёйи ва каротид синусининг (CO_2 кўплиги ва O_2 етишмовчилигига Гейманс рефлекси) қитиқланиши ҳам тахикардияга олиб келади. Ҳансираш механизми: қонда O_2 етишмовчилиги (гипоксемия) ва CO_2 нинг кўп бўлиши (гиперкарпния) рефлектор (Гейманс рефлекси) нафас марказини қитиқлайди, бу эса нафаснинг тезлашишига ва чуқурлашишига олиб келади. Тахикардия дастлаб тўқиманинг қон билан таъминланишини сақлаб туради, лекин кейин юрак мушаклари чарчайди, кам дам олади, CO_2 тўпланиши давом этади — гиперкарпния ривожланади. Тоноген дилатация — юрак зарб ҳажмининг ошиши билан ифодаланувчи юрак бўшлиқларининг кентайишидир. Франк — Старлинг қонунига асосан диастолик қонга тўлиш яъни

миокард чўзилувчанилигининг ошиши юрак қисқарувчанилигининг кучайишига олиб келади. Нормалда зарб ҳажми (битта систолада чап қоринчадан аортага ва ўнг қоринчадан ўтка артериясига отиласидиган қон миқдори) 70 мл га тенг. Спортсменларда зарб ҳажм 200 мл етади. Тоноген дилатация миогенга айланиши мумкин, у зарб ҳажмининг камайиши билан характерланади. Миоген дилатация декомпенсация ҳолатидан дарак беради. Юрак мушаклари гипертрофияси юрак мушаклари ҳажмининг кўпайиши билан тавсифланади (юракка зўриқиши тушганда компенсатор аҳамиятга эга).

Юрак гипертрофиясининг турлари: 1) физиологик, 2) патологик гипертрофия фарқ қилинади. Физиологик гипертрофияда юракнинг ҳамма бўлимлари тана умумий мушак ҳажмининг катталашишига пропорционал равишда ошади. Юракнинг заҳира (резерв) имкониятлари ошиши билан кечади. Заҳира деганда тинч ҳолатда ва механик зўриқишида юракнинг функция қилиш даражаси орасидаги фарқ тушунилади. Юрак патологик гипертрофиясида унинг ҳар хил қисмлари баравар бўлмаган равишда тана умумий мушак ҳажмига ноадекват катталашади. Гипертрофиянинг компенсатор аҳамияти астасекинлик билан йўқолади. Гипертрофиянинг салбий томонлари: а) мушак толалари солиширма юзасининг кичрайиши (ион алмашинув механизмлари бузилади); б) капиллярларнинг етарли ривожланмаслиги; в) кардиомиоцитларнинг адренергик таъминланишининг бузилиши.

Миокард гипертрофиясининг босқичлари (Меерсон Д.З., 1975): 1) аварияли (бузилиш) босқичи, 2) шаклланган гипертрофия босқичи, 3) ҳолдан тойиш босқичи (прогрессивланувчи кардиосклероз). Биринчи босқич энергетик модда алмашинувининг жадаллашиши, О₂ танқислиги билан характерланади: АТФ ва креатинфосфат миқдори камаяди, сут кислота ва ноорганик фосфатлар кўпаяди. О₂ танқислиги натижасида Na-K-Са насосларининг иши бузилади, ҳужайрада Na ва H₂O йигилади, K эса ҳужайрадан чиқиб кетади. Аварияли босқичда миокард ҳажм бирлигига юқори оғирлик тушади, чунки ҳажм ҳали катталашмаган умумий оғирлик эса ошган бўлади. Иккинчи босқичда юракнинг умумий иши ошади, оқсил синтези, энергия ҳосил бўлиши кучаяди, юрак мушакларининг зиммасига тушадиган оғирлик иши нормаллашади. Гипертрофиянинг учинчи — ҳолдан тойиш босқичида — кардиомиоцитларда нуклеин кислоталарининг концентрацияси камаяди, митохондрияларда дистрофик ўзгаришлар, миофибрillарда атрофия ва дегенерация, кардиосклероз ривожланади. Молекуляр даражада учинчи босқичда миокард ҳужайралари генетик аппаратининг фаолияти ниҳоятда интенсивлашади. Агар гипертрофияда юрак чегаралари катталашса у эксцентрик, агар ўзгарамса — концентрик дейилади. Эксцентрик

гипертрофия юрак порокларида, концентрик — тиреотоксикозда күзатилади.

Миокард гипертрофиясининг етишмовчилиги ҳолатига ўтишига олиб келувчи омиллар: а) капиллярлар сонининг миокард юзаси бирлигига нисбатан камайиши; б) митохондриялар ҳажмининг миофибриллар ҳажмидан орқада қолиши; в) юрак иннервацияси (адренергик нерв аппарати, нейроцитлар ва улар шохчаларининг сони) ва унинг фаолияти орасида мос келмаслик; г) кардиомиоцитлар солиштирма юзасининг камайиши (натижада ионлар баланси бузилади, сарколеммалар майдони 2,5 марта камаяди), балансланмаган ишлаш шакли билан кечади. Миокарднинг ортиқча ҷарчаши тиреотоксикозда, митрал клапанлар етишмовчилигига, катта қон айланыш доираси гипертензиясида, аорта тешиги стенозида, аорта клапанлари етишмовчиликларида ривожланади.

Машгулотда бажариладиган амалий ишлар ва ўзлаштирилиши лозим бўлган амалий қўнималар билан танишиш

1-ши. Экспериментал миокард инфарктини чақириш.

Бу икки усулда олиб борилади: 1) коронар томирлари орқали қон оқиб келишини тўхтатиш ёрдамида экспериментал инфаркт чақириш; 2) юракнинг жадал ишлаши билан коронар қон оқими интенсивлиги орасида мос келмасликни яратиш орқали коронар етишмовчилигини чақириш, (питуитрин, калий хлорид, кортизон, преднизолон, изадрин юбориш орқали).

Купинча коронар артерия шохчаларидан бирини боғлаш орқали инфаркт чақириш усули қўлланилади. Бу усулда миокард инфарктини моделлаштиришнинг афзалиги шундан иборатки, унда бу патологияга хос гемодинамик, электрокардиографик, морфологик ва биохимёвий ўзгаришлар билан бир қаторда бир хил катталикка ва локализацияга эга бўлган инфарктни келтириб чиқариш мумкин. Шунинг учун ҳам ҳозирги вақтда эксперимент шароитида коронар артерияни боғлаш орқали инфаркт чақириш кенг қўлланиладиган ва ишончли усуллардан бири ҳисобланади (Фролькис В.В. ва б.қ., 1962; Гуревич М. И. 1963; Струков А.И. б.қ., 1967). Ҳозирги вақтда миокард инфарктини чақириш учун каламушда юрак коронар-окклюзион инфаркти ва аневризмасини моделлаштириш усули қўлланилмоқда (Коган А.Х., 1979).

Бу усулнинг моҳияти шундан иборатки эндотрахеал наркоз остида ва ўпка сунъий вентиляцияси ёрдамида торакотомия қилинади. Атравматик игна билан чап коронар артерия боғланади. Натижада ишемия белгилари пайдо бўлади: а) дастлабки 20—40 с.да бойлан-

ган жой кўзга ташланадиган даражада оқаради, кейин унинг айрим жойлари ёки ҳамма қисми тотал цианозга учрайди; б) ишемия зонасининг қисқариши сусаяди; в) некрозга учраган жой бирмунча дилатацияга учрайди.

Кўзга кўринадиган белгилар бўлмаган тақдирда уч марта ўтказиладиган электрокардиографик назорат (операциягача, торактомиядан кейин, чап тож артерияси бойлангандан кейин) лигатуранинг тўғри кўйилганлигидан далолат бериши мумкин.

ЭКГ (электрокардиограмма) ҳайвонларда наркоз остида ёзилади. Каламушда ЭКГ икки қутбли (полюсли) стандарт уланишларда оёқларга электродларнинг кўйидагича кўйилишида ёзилади.

олдинги чап панжа (+) олдинги ўнг панжа (-)

орқа чап панжа (+) олдинги ўнг панжа (-)

орқа чап панжа (+) олдинги чап панжа (-)

Бу уланишлардан ҳар биттаси иккита тегишли панжалар орасидаги потенциаллар фарқини ёзиб олади. Электродлар (инъекцион иғналар) панжалар терисига тикилади. Миокард инфарктида кўпинчча электрокардиографик ёзилма ўзига хос ўзгаради ва унда кўйидагилар аниқланади:

- 1) S - T сегменти кўтарилади;
- 2) Р - тишчаси пасаяди;
- 3) Q- патологик тишчаси ҳосил бўлади;
- 4) кейинчалик Т - тишчаси манфий бўлади.

Жиҳозлар: каламуш, электрокардиограф, ўпканинг сунъий вентиляцияси учун аппарат, стерил жарроҳлик инструментлари (қайчи, пинцетлар, атравматик игна, лигатура).***

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнкимларни ўзлаштириш

Кўйидаги ишлар бажарилади:

- 1) экспериментал миокард инфарктини чақириш;

Талаба экспериментал миокард инфаркти чақириш малакасини, ЭКГ ёзиш техникасини эгаллаши керак.

*** СамТИ патофизиология кафедрасида 1987 й. каламушларда эндотрахеал наркоз остида ўпка сунъий вентиляцияси ёрдамида экспериментал миокард инфаркти чақириш йўлга кўйилди.

Эксперимент баённомаси ва хулосаларни ёзиш

Вазиятли масалаларни ечиш

1-масала. Тажрибада каламуш аортасига кийдирилган металлик ҳалқа ёрдамида унинг кўндаланг кесими уч баровар камайтирилган. Ҳайвонлар аортанинг экспериментал торайтиришдан (коарктация-сидан) 35 соат кейин ўлдирилган.

Каламушда аортанинг экспериментал торайтиришдан кейин юрак-нинг қайси қоринчаси гипертрофияси кузатилади?

2-масала. Кучи ва муддати ҳар хил бўлган жисмоний зўриқишилар билан боғлиқ ҳар хил даражадаги миокард гипертрофияси бор денгиз чўчқалари кучи бутунлай тамом бўлгунча сузишга мажбур қилинган.

Сузиш вақтида жисмоний ҳолдан тойиш қайси ҳайвонларда олдинроқ бошланади, юрак гипертрофияси кўпроқ даражада ривожланганидами ёки камроқ ривожланганидами? Тушунтиринг нима учун?

3-масала. Бемор А., 62 ёшда. Стационарга юрак чап қоринчаси етишмовчилиги бўйича ётқизилган. Ҳолати мажбурий. У куннинг асосий қисмида кроватда оёгини осилтириб ўтиради. Ётишга ҳаракат қилганда ҳансираш кучаяди.

Нима сабабдан bemорда ҳансираш оёгини осилтириб ўтирганда, ётганга қараганда кам даражада намоён бўлади?

4-масала. Бемор клиник ва электрокардиографик усуllibарда тасдиқланган миокард инфарктидан вафот қилган. Аммо мурда ёрилганда коронар томирларда атеросклеротик ўзгаришлиар ва тромбоз топилмаган.

Бу мисолда диагностик хатога йўл қўйилганми? Агар қўйилмаган бўлса, инфаркт нимадан ривожланганилигини тушунтириб беринг?

5-масала. Бемор П., 9 ёшда. Кардиологик бўлимга тана ҳароратининг кўтарилиши, тизза, болдири ва оёқ бўғимларида оғриқ, шиш, иштаҳанинг пасайиши, мадорсизликка шикоят билан келиб тушган.

Текширишда: боланинг ахволи ўртача оғир, бирмунча озган, ранги оқарган, тинч ҳолатда пульс 1.дақ.да 80 марта, ўринда ҳолатини ўзгаришиш тахикардия чақиради. Юрак уриши кучли, чап чегаралири 1,5 см кенгайган. Юрак тоналари пасайган. Юрак чўққисида систолик шовқин эшитилади.

Ташхис: ревматизм, такрорий хужум, ўртача эндомиокардит асосида митрал клапанлар етишмовчилиги.

1. Болада юрак етишмовчилигининг қайси типи мавжуд?
2. Юрак чегараларининг кенгайиши нима билан боғлиқ, у қандай аҳамиятта эга?

3. Бу ҳолатда зўриқишининг қайси варианти аҳамиятли?

Интеграция амалга оширилиши лозим бўлган фанлар

1. Биокимё.
2. Ички касалликлар.
3. Болалар касалликлари.

23 - МАШГУЛОТ

ЮРАК - ТОМИР ТИЗИМИ ПАТОФИЗИОЛОГИЯСИ II Мавзу : ЮРАК АРИТМИЯЛАРИ

Машгулот мақсади. Талаба қуйидагиларни билиши керак:

- 1) Юрак ритми бузилиши сабаблари ва механизmlарини фарқлашни;
- 2) Бақада юрак қисқариш сонига термик омил таъсир қилиш механизмини аниқлашни;
- 3) Гольц тажрибасида юрак тўхташи сабаби ва механизmlарини аниқлашни;
- 4) Бақада электр токи таъсирида экспериментал экстрасистолия чақиришни;
- 5) Бақа юрагида Станниус 2- лигатурасини қўйиш йўли орқали экспериментал кўндаланг блокадани чақиришни;
- 6) Юрак ритми бузилишига хос электрокардиографик ўзгаришларни ўрганишни.

АУДОТОРИЯДАН ТАШҚАРИ МУСТАҚИЛ ТАЁРЛANIШ

Кичик курслардаги фанлар бўйича заминий билимлар даражасини текшириш

1. Юрак тузилиши, кичик ва катта қон айланиш доираси.
2. Юрак ўтказувчанлик тизими ва ритмининг етакчиси.
3. Юрак мушаги хусусиятлари.
4. Миокард рефрактер фазаси (мутлақ ва нисбий рефрактерлик).
5. ЭКГ, стандарт уланишлар, тищчалар ва интервалларнинг белгиланиши ва вақтлари.

Мустақил тайёрланиш учун кўрсатмалар

Асосий адабиётлар:

Патологическая физиология / Под ред. А. Д. Адо и Л. М. Ишимовой - I-е изд. перераб. и доп. - М.: Медицина, 1980, с. 332 - 338.

Патологическая физиология /Под ред. чл.- корр. АМН СССР Н. Н. Зайко. - 2-е изд. перераб. и доп. - Киев: Вища школа, 1985, с. 375 - 389.

Патологическая физиология /Под ред. акад. РАМН А. А. Адо и проф. В. В. Новицкого - Томск, изд-во Томского ун-та, 1994, с. 298 - 307.

Патологическая физиология /Под ред. А. А. Адо, М. А. Адо, В. И. Пыцкого и др. М.: Триада - Х, 2002, с. 427 - 432.

Н. Х. Абдуллаев, Х. Ё. Каримов /Патофизиология. Т.: Абу Али ибн Сино номидаги тиббиёт нашриёти, 1998, б. 370 - 376.

Қўшимча алабиётлар

Абдуллаев Р. А. Основные заболевания сердечно - сосудистой системы и их профилактика. -Т.: Медицина, 1983, 64 с.

Дошичин В. Л. Практическая электрокардиография - 2- е изд. перераб. и доп. - М.: Медицина, 1987. 336 с.

Мурашко В. В., Струтынский А. В. Электрокардиография - М.: Медицина, 1987, - 256 с.

Руководство к практическим занятиям по патологической физиологии /Под ред. чл. -корр. АМН СССР Н. Н. Зайко, проф.Л. Я. Даниловой. - Киев: Вища школа . 1987, с. 134 - 140.

Патологик физиологиядан амалий машғулотлар бўйича қўлланма. /Н.Х.Абдуллаев ва Х. Ё. Каримов таҳрири остида. Тошкент: II ТошМИ нашриёти, 1994, б. 109- 124.

Справочник участкового терапевта /Под ред. Засл. деятеля науки проф. Г. П. Матвеекова. - Минск: Беларусь. 1986. с. 46 -53.

Физиология человека /Под ред. Р. Шмидта и Г. Тевса (перевод с англ. Н. Н. Алипова, под ред. акад. Т.Г. Костюка) - М: Мир, 1986. - В 4-х томах, 3, с. 44 -74.

Асосий ўкув саволлари

1. Юрак ритмининг бузилишига (аритмиялар) нималар киради? Юрак аритмиялари тушунчаси.

2. Автоматизм бузилиши натижасида келиб чиқадиган аритмиялар этиологияси, патогенези ва ЭКГ даги ўзгаришлар:

- а) синусли тахикардия;
- б) синусли брадикардия;
- в) синусли (нафас) аритмия.

3. Қўзгалувчанликнинг бузилиши натижасида келиб чиқадиган аритмиялар этиологияси, патогенези ва ЭКГ даги ўзгаришлар:

- а) экстрасистолия;
- б) пароксизмал тахикардия;
- в) мерцателли (титрокли) аритмия.

4. Ўтказувчанликнинг бузилиши натижасида келиб чиқадиган аритмиялар (блокадалар), этиологияси, патогенези ва ЭКГ даги ўзгаришлар:

а) сино-аурикуляр блокада;

б) атрио - вентрикуляр блокада (күндаланг блокада)

в) Гисс тутами оёқчалари блокадаси (узунасига блокада)

5. Қисқарувчанликнинг бузилиши натижасида келиб чиқадиган аритмиялар этиологияси, патогенези ва ЭКГ даги ўзгаришлар:

а) альтерниранувчи пульс.

Аннотация

Юрак ритмининг бузилиши ёки аритмиялар деб:


1) юрак қисқариш сонининг (ЮКС) ўзгариши (нормада -1 дақ, 60—90 марта, 2-расм а);

2) юрак ритмининг регуляр бўлмаслиги (нотўғри ритм, 2-расм б, в);


3) қўзғалиш ҳосил бўладиган жойнинг (ритм етакчиси) ўзгариши яъни ҳар қандай носинусли ритм;

4) юрак ўтказувчи тизимининг ҳар қандай қисмларидан электр импульси ўтказилишининг бузилишларига айтилади.


Аритмияларнинг сабаблари миокардда органик ёки функционал ўзгаришлар, асаб - рефлектор таъсиротлар, асаб тизимининг шикастланиши, эндокрин бузилишлар, токсик таъсиротлар, миокардда ионлар таркибининг ўзгаришлари бўлиши мумкин. Аритмияларнинг асосий механизмлари автоматизм гетеротоп ўчоғларининг ҳосил бўлиши ва қўзғалиш тўлқинларининг патологик циркуляциясидан иборат.




2 расм. ЭКГ-юрак ритми ва қисқариш сонининг тавсифи:
а - тўғри ритм; б, в - нотўғри ритм.




3-расм. Ритмнинг номотроп бузилиши:
а-соглом одам ЭКГси (ЮҚС) - 77/дақықа); б-зүркүшдан кейин ЭКГ (ЮҚС-
150/дақықа); в-спортчи ЭКГси (тинглик ҳолатда ЮҚС); г-синусли аритмияли
бемор ЭКГси.




4-расм Аллоритмик қоринча экстросистолияси:
а-бигеминик; б, в- тригеминик; г-квадригеминик.




5-расм. ЭКГ, II - уләниш. Бұлмача экстрасистолияси:
а-бұлмача юқори қисмлари; б-бұлмача урта қисми;
в-бұлмача пастки қисми;
г-блокланған экстрасистолия.




6-расм. АВ - бұлымдан экстрасистолияда ЭКГ; а-QRS ва P° қүшилған;
б-P° QRS дан кейин жойлашған.




7-расм. Экстросистолада ЭКГ: а-чап қоринча; б-үнг қоринча.



8-расм. Суправентрикуляр пароксизмал тахикардияда ЭКГ:
а-бүлмача; б-атриовентрикуляр




9-расм. Пароксизмал қоринча тахикардияда ЭКГ.




10-расм. Бўлмача фибрillationасида ЭКГ:
а-йирик толали; б-майдга толали.




11-расм. Синоатриал блокадада ЭКГ




12-расм. I даражали атриовентрикуляр блокадада ЭКГ:
а-бўлмача шакли; б-тутунли; в-дистал.



13-расм. II даражали атриовентрикуляр блокадада ЭКГ:
а - I тип (Самойлов - Венкебах даврлари); б - II тип.



14-расм. III даражали атриовентрикулятор блокадада ЭКГ (III тип):
а - 2:1; б- 3:1



15-расм. III даражали тұлық атриовентрикулятор блокадада ЭКГ.

Аритмияларнинг ҳамма хили юракнинг асосий функцияларининг автоматизм, құзғалувлычанлик, үтказувчанлик ва қисқарувлычанлик бузилишининг натижасидир. Ҳозирги замон түшүнчесига биноан күпчилик ҳолатларда уларнинг асосида юқорида күрсатылған функцияларнинг турли хилдаги құшилған бузилишлари ётади.

Автоматизмнинг бузилишлари 1. Синуслы тахикардия (СТ) — 1 дақ. ЮҚС тұғри синус ритми сақланған ҳолда 90 дан 150—200 гача ошишидір, СТ асосий ритм етакчысы — синоатриал түгун (СА-түгун) автоматизмнинг ошиши билан бөглиқ.

Соғлом одамларда (3-расм, а) СТ жисмоний зўриқишида (3-расм, б) ёки эмоционал кучланишда юзага келади. СТ СА — түгунда ишемия ёки дистрофик ўзғаришлар бўлганда, турли инфекцияларда, токсик тъясиротларда юрак етишмовчилиги бор касалларда тана ҳарорати кўтарилигандан ривожланиши мумкин. СТда СА- түгунда юрак бўлмачалари ва қоринчаларидан олдий йўл билан үтказиладиган электр импульслари чиқаради, ЭКГ нормадан кам фарқ қиласи, фақат R-R интервали қисқаради ва бу интервал одатдагидан калта бўлади.

2. Синуслы брадикардия (СБ) — тұғри синус ритми сақланған ҳолда ЮҚС нинг 1 дақ.да 59—40 тагача камайиши билан тавсифланади. СБ СА — түгунда автоматизмнинг камайиши билан бөглиқ. Кўпинча унинг асосий сабаби адашган асаб тонусининг ошиши ҳисобланади. Соғлом одамлар орасида синус брадикардияси кўпинча спортсменларда учрайди (3-расм, в). Патологияда СБ айрим инфекцияларда (грипп, ич терламаси), миокард инфаркти, СА — түгунни ишемияси, калла суяги ичи босими ошиши (п. vagus қитиқланиши) ва ҳ.к.лар оқибатида учрайди. ЭКГ СБ да СТ дагидек нормадан кам фарқ қиласи, фақат R - R интервали бир мунча чўзилади.

3. Синуслы (нафас) аритмия (СНА) — нотұғри синус ритми бўлиб, унга ЮҚС нинг вақти-вақти билан аста-секин тезлашиши ва сийраклашиши хос. СНА да ЮҚС нафас олганда ошади ва чиқаргандан камаяди. СНА СА — түгунда импульсларнинг бир текис ва регуляр ҳосил бўлмаслиги, бу эса ўз навбатида адашган асаб тонуси ва (ёки) нафас вақтида юракни қонга тўлишининг ўзғарыб туриши билан бөглиқ бўлиши мумкин.

СНА кўпинча соғлом, ёш одамларда ҳамда инфекцион касалликлардан тузалаётган даврда (реконвалесценция) учрайди. Шунингдек у кўпинча нейроциркулятор дистония билан касалланган ёш одамларда аниқланади. СНА да электримпульсларнинг ўтказилиши бузилмайди, шунинг учун ҳам уни регуляр синус ритмидан ажратадиган ягона белги R - R интервалининг нафас фазасига боғлиқ ҳолда вақти-вақти билан аста-секин қисқариши ва чўзилиши (3-расм, г) бўлиб ҳисобланади.

Юрак қўзғалувчанинг бузилишлари. 1. Экстрасистолия – эктопик табиатли импульс ёки импульсларга жавобан вақтидан илгари қўзғалиш бўлиб, юрак ёки унинг айрим қисмларининг на-вбатдан ташқари қисқариши билан характерланади, юрак қисқаришидаги маълум кетма - кетликнинг бузилиши билан кечади. Гетеротоп қўзғалиш ўчогининг жойлашишига қараб бир неча хил экстрасистолалар бўлмача, атриовентрикуляр (қоринча усти), қоринча ва б.қлар фарқ қилинади. Экстрасистолалар сабаби яллигланишлар, дистрофик жараёнлар, юрак клапан аппаратининг шикастланишлари, ЮИК, интоксикациялар бўлиши мумкин. Бунда бошқа аъзолардан (ўт-тош ёки буйрак-тош касаллиги, диафрагмал чурра, меъда яра касаллиги, ме-теоризм, умуртқа билан кўкрак қафаси оралиғи касалларни ва ҳ.к.) бўладиган рефлектор таъсирот ҳам маълум рол ўйнайди.

Экстрасистола юрак ритми бузилишининг энг кўп учрайдиган хили ҳисобланади. Соғлом одамларда у функционал характерга эга ва у вегетатив реакциялар, эмоционал кучланиш, чекиш, аччиқ чой, кофе, алкоголь ва б.қ. ларнинг ортиқча истъемол қилиниши натижасида юзага келиши мумкин. Бундай экстрасистола, одатда аритмияга қарши маҳсус препаратлар қабул қилишни талаб қўлмайди ва юзага келтирувчи омилларнинг йўқотилиши билан ўтиб кетади. Экстрасистоланинг онда-сонда бўлиб турадиган ва тез - тез такрорланиб турадиган (дақиқасига олти мартадан кўп) хиллари фарқ қилинади. Диастола бошланишида пайдо бўладиган экстрасистолалар R - T га типли экстрасистола «илк» деб ном олган ва у прогнозик нуқтаи назардан ёмон деб ҳисобланади. Бу категориядаги экстрасистолага миокарднинг жиддий ўзгаришларидан дарак берадиган кўп сонли, гурухли (қаторига бир неча экстрасистола) ва политопли (ЭКГ да қоринчалар комплексининг шакли ва экстрасистолия олд интервалининг узунлиги билан фарқ қиласиган) экстрасистолалар киради. Агар қоринчалар экстрасистоласи юқори ЮКС фонида кечса, у кўпинча компенсатор (КП) деб номланувчи пауза билан кузатилади. Бу шу билан боғлиқи, СА тутунидан келадиган навбатдаги импульс қоринчаларга улар экстрасистолик қисқаришнинг ҳали мутлақ рефрактер фазада бўлган вақтига тўғри келади, шунинг учун бу импульс қоринчаларни қўзғата олмайди. Кейин яна бир импульс-

нинг келишига қадар қоринчалар тинчлик ҳолатида бўлади, шунинг учун ҳам экстрасистолиядан кейинги биринчи қисқариш нормал ритмда кетади. Охирги нормал ва экстрасистолиядан кейинги биринчи қисқариш орасидаги вақт иккита R - R интервалига тенг бўлади.

Нормал систоланинг экстрасистола ритми билан тўғри алмашинишидаги ритм *алгоритмия* дейилади ва у бигеминия (ҳар бир нормал қисқаришдан кейин экстрасистола, 4-расм, а); тригеминия (иккита нормал қисқаришдан кейин экстрасистола, 4-расм, б) ёки нормал қисқаришдан кейин бирин-кетин иккита экстрасистола (тригеминиянинг иккинчи варианти, 4-расм, в); квадрагеминия (ҳар уч нормал қисқаришдан кейин экстрасистола ёки нормал қисқаришдан кейин учта экстрасистола, 4-расм, г) шаклида намоён бўлади.

ЭКГ да экстрасистола экстрасистолик комплекснинг вақтдан илгари ҳосил бўлиши билан характерланади. Қоринча усти экстрасистолалари ўзгармаган қоринча комплекси ва тўлиқ бўлмаган КП билан ажralиб туради. Бўлмача экстрасистоласида Р тищасининг шакли бироз ўзгарган бўлади (5-расм). Атриовентрикуляр бўлим (AB) экстрасистоласида импульснинг ретроград тарқалиши натижасида Р тищаси манфий шакл олади (6-расм). Агар эктопик ўчоғ AB бўлимнинг юқори қисмida жойлашса Р тищча QRS олдида, агар ўрта қисмida жойлашса у аниқланмайди, чунки импульс бўлмачаларга ҳам, қоринчаларга ҳам бир вақтда тарқалади, қоринчалар қисқариши систола қисқаришига қараганда кучли бўлганлиги учун QRS Р тищасини ютади (6-расм, а). Агар импульс AB нинг охирги қисмida ҳосил бўлса Р тищаси QRS тищасидан сўнг келади (6-расм, б).

Қоринча экстрасистолалари формаси ўзгарган, юқори амплитудали QRS тищаси (унинг кенглиги 0,1 с дан кўпроқ), Р тищасининг бўлмаслиги ва тўлиқ КП билан фарқланади (7-расм) (Мурашко В.В., Струтынский А.В., 1987).

2. Пароксизмал тахикардия (ПТ)— бу тўсатдан бошланадиган ва тўсатдан тугайдиган юрак қисқаришининг 1 дақ. 140 – 150 гача тезлашиши бўлиб, кўпинча тўғри регуляр ритм билан кечади. У бўлмача, AB - бўлим ёки қоринчалардан тез-тез ҳосил бўладиган эктопик импульслар натижасида пайдо бўлади.

ПТ хуружи одатда бир неча сониядан бир неча соатларгacha давом этади. Ҳар қандай ПТ нинг муҳим белгиси (биринчи бир неча циклдан ташқари) тўғри ритм ва ЮКС доимий сақланишидир, унинг синусли тахикардиядан фарқи шундан иборатки, у жисмоний зўри-қиши, эмоционал кучланиш, чукур нафас олиш, атропин инъекциясидан кейин ўзгармайди.

Гетеротоп ўчоғининг жойлашишига қараб: бўлмача (8-расм, а), атриовентрикуляр (8-расм, б) ва қоринча ПТ (9-расм) фарқ қилинади. Бўлмача ПТ ЮКС нинг 1 дақиқада 140—240 (кўпинча 160—

190), нормал ва аниқ ритмик бўлиши билан тавсифланади. Эктолик ўчоқ бўлмачада СА - тугунидан қанча узоқда жойлашган бўлса, Р тишчаси шунча кўп ўзгарган бўлади. Қоринча ПТ юрак ўтказувчаник тизими Гис тутами, унинг оёқчалари ёки периферик толаларидан келадиган импульслар таъсирида ҳосил бўлади. Шундан келиб чиқкан ҳолда ЭКГ да Гис тутами оёқчалари блокадасига хос ўзгаришларни эслатадиган белгилар регистрация қилинади. Ритмлар сони одатда минутига 140 — 220, бўлмача ва қоринча фаолиятида диссоциация қузатилади ва бу гемодинамиканинг жиддий ўзгаришлари, АБ пасайиши, юрак етишмовчилиги ривожланиши, мия ишемиясира олиб келади.

Қоринча ПТ миокард органик шикастланиши фонида, айниқса ёши катта эркакларда ривожланади. Кўпинча қоринчалар деворида жойлашган МИ да ҳосил бўлади, у ЮИК нинг бошқа кўринишларида, гипертония касаллигига, юрак порокларида, миокардитларда ҳам учрайди (Дошичин В. Л., 1987).

3. Титрокли (мерцателли) аритмия (ТА). Бўлмачалар титраши, фибрillaцияси ва трепетанияси. Бу аритмиялар қўзғалувчаникнинг бўлмачаларда тартибсиз тарқалиши билан боғлиқ, натижада юрак бўлимлари фаолиятида узук-юлуклик (фрагментлик) келиб чиқади: айрим қисмлар қисқарали, бошқалари эса бу вақтда бўшашибган ҳолатда бўлади. ЭКГ да бўлмача трепетаниясида Р тишчаси ўрнига бир хилдаги арасимон конфигурацияли, минутига 220 — 350 марта ҳосил бўладиган - f номли титраш тўлқинлари регистрация қилинади (10-расм).

ТА доимий ва турли муддатли хуруж билан кечадиган пароксизмал, ЮКС га қараб брадисистолик (ЮКС минутига 60 мартадан кўп), нормосистолик (60—90), тахисистолик (90 дан кўп) шакллари, ҳамда йирик, ўртача ва майда тўлқинли шакллари фарқ қилинади.

ТА асосида одатда миокарднинг органик шикастланиши ётади. Етуклик ёшида ва қариликда ТА нинг сабаби бўлиб, ЮИК нинг кўпинча гипертоник касаллик билан қўшилиб келиши хизмат қилали. Ёшларда эса ТА нинг сабаби кўпинча ревматизм, юрак пороклари (митрал стеноз, аорта пороклари), кам ҳолатларда тугма пороклар, ҳамда сурункали қон айланиши етишмовчиликлари, МИ, перикардит, ўткир «ўпкали юрак», кардиомиопатия, миокардитлар, W-P-W синдроми бўлиши мумкин.

Қоринчалар пирпираши, фибрillaцияси ва титраши — юрак ритменинг терминал бузилиши бўлиб, юрак оғир шикастланиши фонида ривожланади. Қоринчалар фибрillaциясига наркоз, дорилар интоксикацияси (юрак глиқозидлари, хинидин, симпатомиметиклар), электролитик бузилишлар, электротравмалар, юракка катетр қўйиш, қисман миокарднинг оғир шикастланишлари, жумладан МИ,

коронар артериянинг бекилиши, юракнинг ортиқча чўзилиши ва совқотиши олиб келиши мумкин. Қоринчалар титраши ва пирпирашида бирданига ҳуш йўқолади, айрим вақтларда талвасага тушиш рўй беради, юрак тоналари ҳам йўқолади, тери қатлами тўқ-кўқ тусга (цианоз) киради. ЭКГ да юқори ва кент, минутига 250 ва ундан кўп, бир хил бўлган амплитудалар аниқланади. Қоринчалар комплекси элементлари дифференциация қилинмайди. Қоринчалар титрашида ЭКГ да бир хилдаги амплитуда тўлқинлари регистрация қилинади, улар пирпирашида эса бу амплитуда тўлқинлари ҳар хил баландлик ва кенгликка эга бўлади, улар орасидаги масофа ҳам бир хил бўлмайди, ЭКГ «тартибсиз» тусда бўлади, унда олдин пирпираш тўлқинлари аста - секинлик билан камаяди, кейинчалик асистолия регистрация қилинади.

Электрик дефибрилляция: айрим ҳолатларда электр токи нафақат титраш ва фибрилляцияга олиб келиши, шунинг билан бир қаторда аритмияларни тўхтатиши ҳам мумкин. Бунинг учун биргина қисқа муддатли ($0,01$ с), юқори кучланишли (4000 В) ва кучи бир неча амперга эга доимий ток импульси ўtkазилади. Ана шундай импульснинг шикастланмаган кўкрак қафасига жойлаштирилган кенг юзали электродлар орқали ўtkазилиши юракнинг тартибсиз қисқаришини шу вақтнинг ўзида тўхтатади. Бундай вақтда электрик дефибрилляция, даҳшатли асорат ҳисобланадиган қоринчалар титраши ва фибрилляциясига қарши энг ишончли кураш усули сифатида ишлатилмоқда.

Юрак ўтказувчанилигининг бузилишлари (блокадалар). Ўтказувчан тизимнинг қандайдир бир қисми бўйича электрик импульслар ўтишининг секинлашиши ёки тўлиқ тўхташи юрак блокадалари деб ном олган. Агар ўтказувчан тизимнинг пастки қисмларига айрим импульслар ўтиши фақат секинлашган ёки вақти-вақти билан тўхтаган бўлса, тўлиқ бўлмаган қисман юрак блокадаси тўғрисида гап бориши мумкин. Импульсларнинг бутунлай ўтмай қолиши юракнинг тўлиқ блокадасидан дарап беради. Импульслар ўтишининг бузилиш жойига қараб синоатриал, бўлмача ичи, атриовентрикуляр ва қоринчалар ичи блокадаси (Гисс тутами ва унинг тармоқлари блокадалари) фарқ қилинади.

Синоатриал блокада (САБ)— электрик имульсларнинг СА-тугунидан бўлмачаларга ўтиши бузилади, кўпинча бўлмачада СА - тугуни атрофида яллиглиниш ва дегенератив ўзгаришлар (ревмокардит, миокардитлар, атеросклеротик кардиосклероз — МҮИ, АСКС) ривожланиши натижасида келиб чиқади. Кўпроқ тўлиқ бўлмаган САБ ҳосил бўлади ва унда бўлмачаларга (демак қоринчаларга ҳам) СА-тугунида ҳосил бўлган импульсларнинг фақат бир қисми ўтказilmайди. Натижада ЭКГ да (11-расм) вақти - вақти билан юрак цикли

қисмларининг тушиб қолиши кузатилади (Р тишчаси ва QRST комплекси). Ана шундай битта цикл тушиб қолишлар пайтида юракнинг иккита цикли орасидаги пауза, R - R ёки R - P тишчалари орасидаги одатдаги интервалга нисбатан тахминан 2 баробар каттaroқ бўлади.

САБ да айрим ҳолатларда 2 ёки 3 PQRST цикли тушиб қолади, унда ЭКГ да чўзилган, одатдаги R - R (P - P) интервалидан 3 ёки 4 марта ошган пауза фиксация қилинади.

Бўлмачалар ичи блокадаси (БИБ) – бўлмачалар ўтказиш тизимидан импульслар ўтишининг бузилиши бўлиб ЮИК, МЎИ, АСКС, юрак митрал пороқлари, миокардитлар билан касалланган одамларда учрайди, айрим вақтларда наперстянка (дигиталис) препаратларини кўп дозада берилгандা, электролит бузилишларида ҳам учрайди. Кўпинча тўлиқ бўлмаган БИБ кузатилади ва унда бўлмача орқали импульсларнинг СА-тугунидан ёки бу импульсларнинг ўнг бўлмачадан чап бўлмачага ўтказилиши секинлашади, натижада Р тишчасининг вақти 0,11 дан кўпроққа чўзилишига ва унинг бўлинниб кемтикланишига олиб келади.

Атриовентрикуляр блокада (АВБ) – импульсларнинг бўлмачалардан қоринчаларга ўтишининг бузилиши билан намёён бўлади. Импульсларнинг ўтиши ёки кечикиши ёки уларнинг ўтиши бутунлай тўхташи мумкин, АВБ тўлиқ ва тўлиқ бўлмаган, (қисман) ўткинчи ёки доимий бўлиши мумкин. Тўлиқ бўлмаган (қисман) атриовентрикуляр блокаданинг 3 даражаси фарқ қилинади.

АВБ 1- даражасида импульсларнинг бўлмачадан қоринчага ўтиши кечикади, ЭКГ да (12-расм, а, б, в) ўзгармаган QRS комплексида Р-Q интервали чўзилиши аниқланади (0,20 с дан кўпроқ). Кўпинча блокаданинг бу тури ЮИК, миокардитларда, ревмокардитда, юрак пороқларида учрайди. Дигиталис, β - блокаторлар, хинидин, новокаинамид препаратларининг ортиқча дозада берилиши ҳам ушбу блокадага олиб келади.

АВБ 2- даражасининг 3 типи мавжуд. Биринчи типида Р- Q интервали аста – секин чўзилади, бўлмачалардан импульснинг вақти – вақти билан юзага келадиган блокадаси кузатилади. ЭКГ да Р тишчаси аниқланмайди, QRS комплекси тушиб қолади (Самойлов - Венкебах даври, 13-расм, а). Иккинчи типида (13-расм, б) қоринчаларга импульслар ўтиши, олдиндан Р- Q (R) интервали чўзилмасдан, бирданига тушиб қолиши билан тавсифланади. Р тишчасининг QRS тишчалари сонига нисбати доимий ёки ўзгариб турадиган бўлиши мумкин (3:2; 4:3 ва ҳ.к.). Блокаданинг бу хили асосида ҳар доим юракнинг органик касалликлари ётади. Бу блокада тўлиқ блокадага ўтиши мумкин. Учинчи тип АВБ нинг II даражаси юқори даражали тўлиқ бўлмаган АВБ ёки чуқурлашган II даражали АВБ деб ном олган, чунки унда АВ ўтказувчанликнинг бузилиш даражаси

биринчи ва иккинчи типларга қараганда анча юқори. Тұлиқ бүлмеган АВБ юқори даражасыда ЭКГ да ёки ҳар иккинчи (2:1, 14-расм, а) ёки 2 ва ундан күпроқ (3:1, 4:1 ва ҳ.к., 14-расм, б) қоринча комплекси тушиб қолади. Бу чукур брадикардияга олиб келади ва унда хушнинг бузилиши (бош айланиши, хушнинг йўқолиши ва ҳ.к.) юзага келиши мумкин.

III даражали АВБ (тұлиқ кўндаланг блокада) импульсларнинг АВ бўлим орқали бўлмачадан қоринчаларга тұлиқ ўтмаслиги билан тавсифланади (15-расм). Бўлмачалар СА - тугунидан қоринчалар эса III тартибли автоматизм марказидан келадиган импульслар таъсирида кўзғалади. Шу сабабли бўлмачалар ва қоринчалар бир-бирига боғлиқ бўлмасдан кўзғалади ва қисқаради, натижада бўлмачалар қисқариш ритми қоринчалар қисқаришига нисбатан ўзгармаган ва юқори характеристерда бўлади.

Қоринчалар қисқариш сони етакчи ритм жойлашиш жойига боғлиқ. Агар у бир дақ.да 48 ва ундан кўпроққа етса, етакчи ритм АВ-бўлимда (блокаданинг проксимал типи) жойлашган бўлади. Бу типда импульснинг қоринчалар орқали ўтиш йўли одатдагича, шунинг учун QRS комплекси, R-R оралиги ўзгармаган, бўлмача қисқариши қоринчалардан тез бўлғанлиги учун P - Р орасидаги масофа R - R орасидаги масофадан кичик бўлади. Тұлиқ кўндаланг блокада ўткинчи ва доимий бўлиши мумкин.

АВБ нинг II ва III даражаси, айниқса АВБ нинг дистал шакли кўпинча қон дақиқа ҳажмининг камайиши ва аъзоларнинг, биринчи навбатда бош мия гипоксиясига олиб келувчи чукур гемодинамик ўзгаришлар билан кечади. Айниқса бу жиҳатдан қоринчаларнинг узоқ муддатли асистолия даври, яъни ҳали блокададан пастда жойлашган қоринчалар янги эктопик етакчи ритми функция қилишга бошламасдан, II даражали АВБ нинг тұлиқ АВБ га ўтиши натижасида юзага келган қоринчалар эффектив қисқаришининг бўлмаслик даври хавфли ҳисобланади. Қоринчалар асистолияси III даражали блокадада II ва III тартибли эктопик марказлар автоматизмининг кескин пасайиши натижасида ҳам ривожланиши мумкин. Асистолия сабаби кўпинча тұлиқ АВБ да учрайдиган қоринчалар титраши ёки фибрилляцияси бўлиши мумкин. Юрек ритми минутига 20 ва ундан кам бўлса, шунингдек қоринчалар асистолияси 10—20 с дан кўп давом қилса, бемор бош мия гипоксияси натижасида хушини йўқотади, талвасаланиш синдроми ривожланади. Бунаقا хуружлар Морганыи - Адамс - Стокс синдроми деб ном олган. Прогноз бундай синдромли bemорларда яхши эмас, чунки ҳар бир хуруж ўлим билан туташи мумкин.

Қоринчалар ичи блокадаси (КИБ)- Гис - Пуркинье тизимининг турли қисмларида учраши мумкин. Проксимал блокадаларда Гис тута-

міда, дистал блокадаларда — ўнг ва чап оёқчалар даражасыда бузилишлар юзага келади. Гис тутами оёқчаларида импульслар ўтказилишининг бузилиши миокардитлар, ЮИК, юрак пороклари, кардиомиопатияларда учрайди. Ўнг оёқча блокадаси «ўпкали юракда» (ўткир ва сурункали) ривожланиши мумкин. Уни тўлиқ блокадасыда ЭКГ да QRS комплекси кенгайган (0,12 с ва кўпроқ), ўнг кўкрак уланишида QRS M — шаклида жойлашган, Т тишча манфий, чап кўкрак уланишида S тишча чуқур ва кенг (0,04 с дан кўп) бўлади. Ўнг оёқча тўлиқ бўлмаган (қисман) блокадаси, тўлиқ блокадага қараганда QRS нинг камроқ (0,08 — 0,11 с) қисқарғанлиги билан тавсифланади.

Гис тутами чап оёқча блокадаси (тўлиқ) икки тутамли блокада бўлиб, чап оёқча олд ва орқа тармоқларининг бир вақтда шикасланишидан иборат. ЭКГ да QRS комплекси кенг, уни ёки унинг бурилган қисми (кўтарилик ва пастта тушган) бўлинган R тишли билан намоён бўлади, қоринчалар комплекси кенгайган S тишличи QS шаклида, QRS комплекси 0,12 с ва ундан кўп (0,17 с гача) бўлади. Кўпинча ўтказувчанлик бузилишининг бир неча хиллари кўшилади (Мурашко В. В., Струтинский А. В., 1987).

Қисқарувчанликнинг бузилишлари. *Pulsus alternans* — альтерниранувчи пульс шаклида намоён бўлади ва амплитудаси ва узунлиги катта ва кичик пульс тўлқинларининг алмашиниши билан тавсифланади. Бу кўпинча, миокард шикастланишида унга келадиган битта импульста жавобан ҳамма толалар қўзғалиши ва қисқариши, кейин гисига жавобан эса фақат унинг бир қисми қўзғалиши ва қисқариши билан боғлиқ. Шунинг учун ҳаракат потенциали ва қисқариш амплитудаси ҳар хил бўлади.

Машгулотда бажариладиган амалий ишлар ва ўзлаштирилиши лозим бўлган амалий қўнікмалар билан танишиш

1-иши. Юқори ва паст ҳарорат таъсирида тахикардия ва брадикардия чақириш.

Ҳаракатсизлантирилган бақа тахтачага қорнини юқорига қаратиб жойлаштирилади, юраги очилади ва 1 дақда унинг қисқариши саналади. Синус тугуни атрофига иссиқ сувли, сўнг совуқ сувли пребирка қўйилади ва ҳар икки ҳолатда юрак қисқариши яна саналади. Натижка дафтарга ёзилади.

2-иши. Гастрокардиал рефлекс ёки Гольц тажрибаси.

Бақада бир минутда юрак қисқариши саналади ва унинг қорнига тўмтоқ предмет билан урилади, юрак қисқариши яна саналади. Натижка дафтарга ёзилади.

3-иши. Электр токи таъсирида экспериментал экстрасистолия чақириш.

Кимографга юрак қисқаришининг нормал эгри чизиги ёзилади, кейин кучланиши 5 вольт электр токи билан таъсир қилинади. Дафтарга нормал ва электр токи таъсиридан кейин юзага келган юрак қисқариши эгри чизиги ёзиб олинади.

4-иш. Экспериментал юрак кўндаланг блокадасини (Станниус-нинг иккинчи лигатурасини қўйиш) чақириш.

Ҳаракатсизлантирилган бақа тахтачага қорни юқорига қаратиб ётқизилади. Юрак очилади ва 1 минутда қисқариши саналади. Бўлмача ва қоринча орасига лигатура қўйилади, бўлмача ва қоринча қисқариши алоҳида саналади. Натижা баённома шаклида дафтарга ёзилади.

Жиҳозлар: бақалар, уларни фиксация қилиш учун тахтачалар, пробиркалар, иссиқ ва совуқ сув, пинцет, кимограф, токни камайтирувчи трансформатор, лигатура, пахта, бинт,

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўникумаларни ўзлаштириш

Кўйидаги ишлар бажарилади:

- 1) Юрак автоматизмининг бузилиши бўйича тажриба;
- 2) Гольц тажрибаси;
- 3) Экспериментал экстрасистолия;
- 4) Станниус иккинчи лигатурасини қўйиш:

Талаба: 1) юрак қисқаришини санашиб; 2) бақада юрак аритмиясини (синус тахикардияси ва брадикардияси, блокада, экстрасистолия) чақиришни билиши керак.

Эксперимент баённомаси ва хулосаларни ёзиш

Талаба мустақил равишда бақада аритмияларни кузатиш асосида баённома тузади, кузатилган ҳодисаларнинг ривожланиш механизми тўғрисида хулосалар қиласди.

Вазиятли масалаларни ечиш

1-масала. Бемор юрагининг нотекис уриши, қўрқиш сезгисига шикоят билан врачга мурожаат қилди. Текширганда bemорда бигеми-нус пульси аниқланди.

1. Беморда юракнинг қайси функцияси бузилган?

2. Бу патологияда пульснинг ўзгариши қандай номланади?

2-масала. Бемор анамнезида ревматик эндокардит ўтказган. Ҳозирги вақтда унда титроқли (мерциателли) аритмия билан кечадиган юрак пороги бор.

1. Бу патология қайси юрак порогида кузатилади?
2. Мерцателли аритмиянинг механизмини тушунтириңт.
3. ЭКГ га қайси ўзгаришлар хос?

3-масала. Бемор А., 42 ёшда, клиникага түсатдан бошланган юрак уриши билан тушди. Текширилганды пульсни санаш деярли мумкин эмас. Бунақа хуржулар кейинги иккى йил давомида безовта қилмоқда. ЭКГ да — хурж вақтида R - R орсидаги масофа — 0,29 с.

1. Бемор аритмиянинг қайси шакли билан касалланган?
2. Бу касалликда юрак мушагининг қайси функцияси бузилган?

4-масала. Бемор анамнезида ревматик миокардит. Пульс дақиқада 84 марта, суст тұлықтықка эга. Катта ва кичик пульс тұлқынларыннинг навбатлашиши кузатилади.

1. Беморда пульснинг ўзгариши нима дейилади?
2. Бу ўзгариш юрак мушаги функциясыннинг қайси бузилишидан дарап беради?

5-масала. Бемор В., 36 ёшда, юраги оғришига шикоят қиласы. Анамнезида — ревматик миокардит. Текширишда: пульс I дақиқада 82 марта, норитмик. ЭКГ да - навбатдан ташқары қысқариш, Р тищаси йўқ, қоринчалар комплекси шакли ўзгарган, Т-Р интервали чўзилган.

1. ЭКГ ўзгаришларини тушунтириңг.
 2. Беморда ритм ўзгаришининг қайси тури мавжуд?
- 6-масала.** 67 ёшли, И. исмли bemорда механик сариқлик. Пульс дақиқада 48 марта.

1. Бундай пульс нима деб аталади?
2. Бу ўзгаришнинг механизмини тушунтириңг.

7-масала. Бемор А. 9 ёшда, клиникага юқори ҳарорат, йўтал, кўкрак қафасида оғриққа шикоят билан тушган. Клиникага ётқизилганды пульс I дақиқада 120 марта, қониқарли тұлықтық ва кучланишта эга.

1. Пульснинг бундай ўзгариши нима дейилади?
2. Унинг механизмини тушунтириңг.

8-масала. Бемор В., 37 ёшда, болаликдан ревматизм билан оғриган. 14 ёшида юрак пороги ташхиси кўйилган. Ҳар доим ўзини яхши сезган. Баҳорда ангина ўтказгандан кейин ҳансираш, юрак уриши, юракда оғриқ, қон тупуришларга шикоят қила бошлаган. Текширилганды: тери ва шиллиқ қаватларда цианоз, юрак чегаралари ҳамма томонга кенгайган, ўпкада нам хириллаш кузатилган. Пульс дақиқада 126 марта, норитмик. АБ—100/75 мм сим. уст.га тенг.

1. Бемор қайси юрак порогига чалингган?
2. Унинг касаллиги қандай аритмия билан кечаялти?

9-масала. 8 ёшли болада нафас олганда тезлашадиган пульс билан кечадиган аритмия аниқланган.

1. Беморда юрак ритми ўзаришининг қайси хили мавжуд?
2. Унинг механизмини тасвирланг.

10-масала. Талабалар гурӯҳини шифокор кўригидан ўтказганда В. исмли талабада пульснинг дақиқада 50 марта уриши, яхши тўлиқлик ва кучланишга эгалиги аниқланди. АБ 100/70 мм сим. уст.га тенг.

1. Бу мисолда пульснинг ўзига хослигини тушунтиринг.
2. Бу ҳолат қандай аталади?
3. Унинг механизми нимадан иборат?

11-масала. Бемор С. 43 ёшда, юракда оғриқ, юрак уриши тўхтани сизгиси билан бирга унинг тез уришига шикоят қиласди. Анамнезида — ревматик миокардит. Текширишда: пульс дақиқада 78 марта уради, аритмик. ЭКГ да: юракнинг навбатдан ташқари қисқариши кузатилади, Р тишчаси манфий, QRS комплексидан кейин жойлашган, Т-Р интервали қисқарган, навбатдан ташқари қисқаргандан кейин эса у чўзилган.

1. ЭКГ ўзгаришларини тушунтиринг.
2. Беморда ритм бузилишининг қайси тури мавжуд?

Интеграция амалга оширилиши лозим бўлган фанлар

1. Патологик анатомия.
2. Ички касалликлар.
3. Болалар касалликлари.

24 - МАШГУЛОТ

ЮРАК - ТОМИР ТИЗИМИ ПАТОФИЗИОЛОГИЯСИ

III Мавзу : ТОМИРЛАР ЎЗГАРИШЛАРИ

Машгулот мақсади. Талаба қўйидагиларни билиши керак:

- 1) ҳар хил турдаги гипер - ва гипотензив ҳолатларнинг ривожланиш сабаб ва шароитларини ўрганишни;
- 2) артериал гипер - ва гипотензия асосий шакларининг ривожланиш механизмларини тушунтиришни;
- 3) артериал гипер - ва гипотензияларнинг таснифини ўрганишни (жадваллар ва слайдлар қўлланиб);
- 4) экспериментал ҳайвонларда портал гипертензияда регионар қон айланиши бузилишлари механизmlарини ўрганишни;
- 5) талабаларда тонометрия ўтказиш ва унинг натижаларини муҳокама қилишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Кон босими нима ва у қандай ўлчанади?
2. Одамда артериал босимнинг нормал кўрсаткичлари нимага тенг?
3. Томир тонуси нима?
4. Кайси нерв толалари вазоконстрикторларга ва вазодилататорларга киради?
5. Томир ҳаракатлантирувчи марказ тушунчаси.
6. Томирларга гормонлар ва тўқима модда алмашунуви маҳсулотларининг таъсири нимадан иборат? Ca^{2+} нинг роли.
7. Кон босими нисбий доимийлигини ушлаб турувчи механизм нимадан иборат?
8. Ўпка, юрак, мияда кон айланиш хусусиятлари.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо и Л. М. Ишимовой. – 2- е изд. перераб. и доп. -М.: Медицина, 1980, с. 314 – 358.

Патологическая физиология /Под ред. чл. - корр. АМН СССР Н. Н. Зайко. -2- е изд. перераб. и доп. -Киев: Вища школа, 1985, с. 390-412.

Патологическая физиология /Под ред. акад. РАМН А. Д. Адо и проф. В. В. Новицкого. Томск, изд-во Томского Ун-та, 1994, с. 313-324.

Фролов В. А., Дроздова Г. А. и др. Патологическая физиология (с патогенезом заболеваний стран тропического пояса и болезней цивилизации). М.: Изд-во УДН, 1987, с. 308.

Н. Х. Абдуллаев, Х. Ё. Каримов /Патофизиология, Т.: Абу Али ибн Сино номидаги тиббиёт нашриёти, 1998, б. 382- 385.

Кўшимча адабиётлар:

Абдуллаев Р. А. Основные заболевания сердечно-сосудистой системы и их профилактика. - Ташкент: Медицина, 1983. 64 с.

Вихерт А. М. и соавт. Особенности возрастной динамики атеросклероза аорты у различных этнических групп мужского населения Андижана. Архив патологии, 1993, № 7, с. 25-29.

Глазер Г. А., Глазер М. Г. Артериальная гипертония. -3 - е изд., доп. и перераб. -М.: Медицина, 1986. - 80 с.

Кушаковский М. С. Гипертоническая болезнь и вторичные артериальные гипертензии. Л.: Медицина, 1983.

Нагорнев В. А. Современные аспекты патогенеза атеросклероза. Архив патологии, 1994, № 9, с. 13-22.

Постнов Ю. В., Орлов С. Н. Первичная гипертензия как патология клеточных мембран. М.: Медицина, 1988.

Утепов Я. Ю. Распространенность атеросклероза аорты и магистральных артерий у жителей Ташкента. Архив патологии, 1992, № 7, с. 34-37.

Физиология человека /Под ред. Р. Шмидта и Г. Тевса. Перев. с англ. -М.: Мир, 1986. -т. 3. с. 101-190.

Шехонин Б. В., Тарапак Э. М., Ковалева Е. А. и др. Иммуноморфологическое выявление отдельных антигенных детерминант АПОВ в нормальной интиме и атеросклеротических бляшках аорты человека. Архив патологии, 1989, № 2, с. 23-30.

Шхвацабая И. К., Чихладзе Н. М. Гиперальдостеронизм и артериальная гипертония (диагностика и лечение) / АМН СССР -М.: Медицина, 1984, 136 с.

Асосий ўкув саволлари

1. Гипертония касаллигининг этиология ва патогенези.
2. Симптоматик гипертензиялар патогенези.
3. Артериал гипотензиялар этиология ва патогенези. Гипотензив ҳолатлар таснифи.
4. ўтқир гипотензиялар патогенези.
5. Гипотензияларда компенсатор реакциялар.
6. Атеросклерознинг этиология ва патогенези.

Аннотация

Функционал нуқтаи назардан организмдаги ҳамма томирлар 4 типга бўлинади (Бутенко Г. М., Быць Х. В., 1985): 1) компенсирловчи томирлар — бу типдаги томирларга аорта ва эластик типли артериялар киради. Уларнинг вазифаси юракдан зарб билан отиладиган қонни бир текис қон оқимиға айлантириш; 2) резистив (қаршилик кўрсатувчи) томирлар — буларга томир ўзанининг пре - ва посткапилляр соҳаларида жойлашган артериолалар ва венулалар киради; 3) алмашунув томирлари — бу томирларни капиллярлар ва венулалар ташкил қиласи — улар орқали қон ва тўқима орасида икки томонлама модда алмашунув таъминланади; 4) сигим томирлари — буларга асосан майдо веналар киради — уларда қоннинг 70 — 80% томирларга тақсимланиш ва юракка қайтиш учун деполанади.

Резистив типли томирлар патологиясига артериал гипер - ва гипотензиялар киради. Артериал гипертензия тўғрисида артериал қон босимининг (АБ) 160/95 мм сим. уст.га тенг ва ундан юқори бўлганида гапириш мумкин. У бирламчи (гипертония касаллиги) ва иккиласи (симптоматик гипертензия) турларга бўлинади.

Гипертония (хафақон) касаллиги (ГК). Этнологияси. Г. Ф. Ланг илк бор ГК нинг нервоген табиати тұғрисида таҳмин қилди ва бу фикр кейинчалик А. Л. Мясников ва унинг шогирдлари томонидан илмий изланишларда тасдиқланды. ГК ривожланиши асосида МАТ олий қыслары функциясининг бирламчи бузилиши ётади. МАТ невротик ҳолатига күпинча узлуксиз тақрорланадиган стресслар олиб келади. Г. Ф. Ланг ГК ни «жавобсиз қолған эмоциялар» касаллиги деб атади, у бу билан касаллыйк ривожланишида салбий эмоцияларнинг алохода патогенетик ролига зәтиборни қаратади.

Сүнгги вақтларда артериал гипертензия ривожланишида күпроқ томир девори ҳужайраларида Са насослари, жумладан кальмодулин функциясининг бузилишлари билан боғлиқ Са концентрацияси-нинг ўзгаришларига катта аҳамият берилмоқда (Постнов Ю. В., 1989). Томирларда қон босими күтарилишига олиб келадиган патологияк ўзгаришлар мураккаб занжирининг бошланғич звеноси томир мушаклари ва қон ҳужайраларида кальций балансининг бузилишідан иборат. Кейинчалик кальций миқдори асаб охирларыда ҳам күпаяди, натижада улар күп миқдорда норадреналин ажратып болады, у эса томирлар торайишига олиб келади.

ГК ривожланишида мұхим ролни туз режимининг бузилиши ҳам үйнайды. ЖССТ маълумотларига күра ичимлик сувида NaCl нинг максимал миқдори 600 мг/л дан ошмаслиги керак. Таркибида Na хлорид күп бўлган сувнинг истъемол қилинишида ГК күпроқ учрайди. Бир кунда 5 г дан күпроқ туз истъемол қилиниши бирламчи гипертензия ривожланишига олиб келиши мумкин. «Тузли гипертензия» нинг экспериментда моделлаштирилиши ҳам ГК ривожланишида күп миқдорда туз истъемол қилишининг аҳамиятини тасдиқлайди.

ГК юзага келишида ёш ҳам маълум даражада аҳамиятта эга. Қарилникнинг гипертония касаллигининг келиб чиқишига имкон берувчи роли илгаридан яхши маълум. Шу билан бирга, айниқса ҳозирги вақтда, бирламчи гипертензия ёшлар орасида ҳам учрамоқда. Б. С. Арипов (1988) маълумотларига күра юқори синф мактаб болалари орасида гипертония олди ҳолати күпроқ содир бўлмоқда. 40 ёшгача ГК билан эркаклар аёлларга қараганды күпроқ касалланаидилар, 40 ёшдан кейин эса нисбат қараша-қарши тус олади.

ГК ривожланишида унга нисбатан наслий мойиллик (яқин ва узоқ қариндошларда ГК ва томир касаллеклари бўлиши) катта аҳамият касб этади. Бошқа имкон берувчи омиллар орасида чекиш ва алкоголнинг күп истъемол қилиниши ҳам катта аҳамиятта эга.

ГК патогенези. Бирламчи гипертензиянинг патогенетик мөхияти резистив томирлар тонусининг ошиши билан боғлиқ периферик қон оқимига қаршиликнинг кучайишидан (нейрогуморал бошқарув,

шунингдек томир деворида ион мувозанати бузилиши оқибатида) иборат.

Асаб омилининг роли. Узоқ муддатли асаб зўриқиши олдин бош мия пўстлоғи тузилмаларида қўзгалиш ва тормозланиш жараёнларининг бузилишига, кейин эса улар функциясининг ҳолдан тойишига олиб келади. Артериал босимнинг тўғридан-тўғри кўтарилишининг механизми гипоталамусдаги негетатив марказларининг, биринчи наvbатда, томир ҳаракатлантирувчи марказнинг қўзгалишидан иборат. Импульслар САТ орқали томирларга етиб келади ва унинг медиатори – норадреналин ёрдамида томир тонуси вазомотор компонентини кучайтиради, у эса ўз навбатида артериолалардаги α – адренергик рецепторларни фаоллаштиради. Натижада томирлар тораяди, уларнинг қон оқимига қаршилиги кучаяди. Қисман гипертензив эффект буйрак усти бези мағиз қисми стимуляцияси ва унинг натижасида қонга кўп микдорида адреналин ажралиши билан ҳам боғлиқ. Ҳамма гипертензия ҳолатларининг 85 % атрофида бўлган қисми ушбу сабаб ҳиссасига тўғри келади.

Аммо ГК қон босими ошиш механизмида асаб омилининг шубҳасиз роли билан бир қаторда, бошқа механизм – томир тонуси миоген компонентининг ион мувозанати, жумладан томир деворида Ca^{++} микдорининг ўзгаришлари натижасида кучайиши ҳам (миоген элементларининг кучлироқ қисқариши) аҳамиятга эга (Постнов Ю. В., 1988).

Шундай қилиб гэтогенетик нуқтаи назардан артериал гипертензияларни артериялар тонусининг ошишида қайси механизм (базаль, шу жумладан миоген ёки вазомотор) рол ўйнашига қараб икки турга бўлиш мумкин (Быць Ю. В., 1977). Айрим ҳолатларда вазомотор компонентининг кучайиши ва нейрогуморал бузилишлар натижасида томирлар спазми, бошқа ҳолларда ион мувозанатининг бузилиши ва томир деворида кальций тўпланиши натижасида томир тонуси миоген компонентининг устиворлилиги етакчи омил бўлиб қолади.

Буйрак омилининг роли. ГК да буйрак томонидан ўзгаришлар қасалликнинг авж олишида муҳим рол ўйнайди. Буйракда қон айланышининг бузилиши (ишемия, пульс босими ва ўртacha артериал босимнинг камайиши) унинг юкстагломеруляр аппаратида ренин секрециясини стимуллайди, ренин ўз навбатида ангиотензиногенни (қон плазмаси гамма глобулини) фаоллаштириб уни ангиотензин I га айлантиради. Ангиотензиноген қон конвертировчи ферменти таъсирида асосан прекапилляр томирларга тўғридан-тўғри прессор таъсири кўрсатувчи ангиотензин II га айланади. Ангиотензиноген ангиотензиназа ферменти томонидан парчаланади. Иккита буйракда ҳам гемодинамика бузилганда уларнинг ангиотензиназа фаоллиги тубдан пасаяди ва бу артериал қон босимининг турғун кўтарилишига олиб

келади. Шундай қилиб буйракда қон айланиши бузилиши натижасида ривожланадиган артериал гипертензия қисман ренин — ангиотензин тизимининг қисман ангиотензиназа ишлаб чиқарилишининг камайиши билан боғлиқ бўлиши мумкин.

Ренин миқдорига қараб артериал гипертензиянинг уч тури фарқ қилинади: 1) гиперренинемик шакли — 25—30%; 2) норморенинемик шакли — 55—60%; 3) гипоренинемик шакли — 10—20% ҳолларда учрайди.

Буйракда антипрессор тизим ҳам мавжуд бўлиб, унга рениннинг фосфолипид ингибиторлари ва А ва Е типли простагландинлар киради. Улар буйракнинг магнит моддасида ҳосил бўлади, А типли простагландинлар кўтарилиган артериал босимни пасайтиради, Е типлиси эса нормал артериал босимда гипотензив эффект чақиради.

Эндокрин безларнинг роли. ГК патогенезида буйрак усти безлари кўпроқ аҳамиятга эга. Экспериментда альдостерон ва ДОК (дезоксикортикостерон гормони) юбориб айниқса, хлорид натрий юклamasи фонида гипертензия чақиришган. Бу гормонлар таъсирида уларнинг буйрак каналчалари ҳамма қисмida, кўпинча дистал қисмida кучли реабсорбцияланиши натижасида организмда натрий ионлари ушланиб қолади. Бир вақтнинг ўзида сувнинг ҳам ушланиб қолиши сабабли шиши ривожланади. Томир тешиги қисман тораяди. Томир деворида натрий ва кальций концентрациясининг кўпайиши натижасида унинг прессор асаб ва гуморал таъсиirlарга (катехоламиналар, вазопрессин, ангиотензин II) сезувчанлиги ошади.

Симптоматик гипертензиялар. Тахминан 15% ҳолатларда артериал гипертензия иккиласми чиқади, симптоматик ҳисобланади ва қандайдир бошқа бир (асосий) касаллик билан бирга ривожланади. 10% ҳолатларда у буйрак ёки унинг томирлари шикастланиши — ўткир гломерулонефритлар билан боғлиқ бўлиши мумкин («буйрак гипертензияси»). 3% ҳолатларда симптоматик артериал гипертензия тўғридан-тўғри эндокрин бузилишлар (феохромоцитома, Кушинг синдроми, тиреотоксикоз ва б.к.) натижасида келиб чиқади. Симптоматик гипертензиялар МАТ шикастланишидан сўнг (лат ейиш, контузия, ўсма, яллигланиш жараёни), эритремияларда ҳам учрайди.

Ҳомиладорларда артериал гипертензия 10—15% ҳолатларда учрайди ва у она, айниқса ҳомила соғлигига жиддий хавф туддиради. Кейинги ўн йилларда артериал гипертензиянинг янги турлари аниқланган. Улар айrim дорилар: гормонал контрацептивлар, минералова глюкокортикоидлар (преднизолон, кортизон), анаболик гормонлар, айrim анальгетиклар (феноцетин, реопирин, бутадион ва б.к.), худди шундай индометатцин, психотроп моддалар қабул қилганда ривожланиши мумкин.

Қон босимининг кўтарилиши томирларда иккиласми детенератив ўзгаришлар (атеросклероз) ривожланишига, бу эса ўз навбатида

периферик қаршиликнинг янада кўпроқ ошишига олиб келиши мумкин. Натижада кўп аъзолар, жумладан, бош мия, юрак ва буйракларнинг қон билан таъминланishi камаяди. Томирлардаги бунаقا ўзгаришлар (масалан инсультда) уларнинг ёрилишига олиб келади. Артериал гипертензиялар келиб чиқишидан қатъий назар юрак фоалияти бузилиши ва унинг зўриқиши сабабли юрак етишмовчилиги ривожланишига имкон яратади.

Артериал гипотензиялар. Артериал гипотензия деб АБ 105/60—100/60 мм сим. уст. дан кам бўлган ҳолатларга айтилади. У юракдан отиладиган қоннинг камайиши, периферик қаршиликнинг пасайиши ёки иккита омилнинг қўшилган ҳолатда бўлишида ривожланиши мумкин. Кўпчилик ҳолатларда артериал гипотензия юракдан отиладиган қоннинг камайиши билан боғлиқ бўлади.

Айрим одамларда артериал гипотензия қандайдир касаллик симтомлари билан кечмайди. Уларда ички аъзолар ва тизимлар функциясининг бузилишлари аниқланмайди ва улар ишга лаёқатли, ҳатто жисмоний иш бажаришлари мумкин. Гипотензиянинг бу хили физиологик ҳисобланади.

Этиологиясига қараб: 1) бирламчи (эссенциал) ва 2) иккиласмчи (симптоматик) артериал гипотензия шакллари тафовут қилинади.

Бирламчи (нейроциркулятор) артериал гипотензиянинг асосий сабаблари асаб тизимишининг узоқ муддатли зўриқиши, оиласвий ва майший кўнгилсизликлар, рухий шикаст, контузиялар, қаттиқ чарчаш ва ҳ. к. лар бўлиши мумкин. Унинг патогенези мия пўстлоғида тормозланишининг устиворлиги билан кечадиган асосий асаб жараёнларининг зўриқиши ва унинг пўстлоқ ости тузилмаларига, жумладан томир ҳаракатлантирувчи марказга тарқалишидан иборат. Холинергик асаб толалари охирлари кўзгалувчанлигининг адренергиклардан устиворлиги фонида томир торайтирувчи таъсиротнинг су сайипи резистив томирлар тонуси, периферик қаршиликнинг пасайиши ва қон босимининг камайишида энг муҳим патогенетик механизмлардан ҳисобланади.

Иккиласмчи (симптоматик) артериал гипотензия кўпинча юрак пороклари, миокардит, миокард инфаркти, бош мия (коммоция), ўпка (крупоз пневмония), жигар (гепатит, механик сариклик), қон (анемиялар), эндокрин безлар ва б. қ. касалликларда учрайди.

Кечишига қараб ўткир ва сурункали гипотензиялар фарқ қилинади. Сурункали гипотензияларга нейроциркулятор ва симптоматик гипотензиялар, ўткир гипотензияларга — шок, коллапс ва ҳушдан кетишлар киради.

Шок ҳар хил сабаблар натижасида келиб чиқиши мумкин. Шунга қараб унинг куйидаги турлари фарқланади: 1) оғриқ билан боғлиқ (куйиш, травматик, электрошок, плевропульмонал); 2) гуморал (ге-

магглютинацион, гипогликемик, анафилактик); 3) психоген (психик зарба таъсирида).

Коллапснинг қуйидаги турлари мавжуд: 1) ортостатик — гавданы горизонтал ҳолатдан бирданига вертикалга ўзгартиришда; 2) инфекцион— ҳароратнинг критик пасайишида; 3) энтероген— демпинг синдромида; 4) панкреатик — меъда ости бези ферментларининг патологик фаоллашишида — ўткир панкреатитларда; 5) гипоксик — юқори баландликка кўтарилиганда учрайди.

Шок ва коллапс гипотензия билан кечса ҳам уларни бир-биридан қуйидагиларга асосланган ҳолда ажратиш мумкин: 1) шокда хуш сақланади; 2) коллапс травма натижасида келиб чиқмайди; 3) наркоз шок ривожланишининг олдини олади; 4) коллапс шок сингари фазалар билан кечмайди.

Гипотензиялар ривожланиши фаол гемодинамик реакциялар билан компенсация қилинади, бу реакциялар кўкрак ичи томирлари артериал барорецепторлари чўзилиши натижасида ҳосил бўладиган сигналлар билан боғлиқ. Барорецепторлар аорта ёйи ва каротид синусида жойлашгани туфайли одам вертикал ҳолатга ўтганда бу рецепторларда гидростатик босим пасаяди. У эса барорецепторлардан импульсларни пасайтиради, шунинг ўзи ўз-ўзидан рефлектор мослашув реакцияларининг ишга тушишига олиб келади. Барорецепторлардан импульсланишнинг камайиши натижасида қуйидаги жараёнлар юзага келади: 1) резистив ва сифим томирларининг торайиши; 2) ЮҚС тезлашиши; 3) катехоламинлар секрециясининг ошиши; 4) ренин - ангиотензин тизимининг фаоллашиши; 5) вазопрессин ва альдостерон ишлаб чиқарилишининг ошиши.

Компенсирувчи томирлар патологиясига атеросклероз киради. ***

Атеросклероз (юнон. *athete* - суюқ бўтқа, *scleros* — қаттиқ) — ЖССТ таърифига кўра у «артериялар интимасида липидлар, углеводлар мураккаб бирикмалари, қон элементлари ва қонда циркуляция қилувчи маҳсулотларнинг ўчоқли чўкиши, бириктирувчи тўқима ҳосил бўлиши ва кальций чўкиши билан намоён бўладиган хилма-хил ўзгаришларни» ўз ичига олади.

Этиологияси. Атеросклероз чақирувчи ва унинг ривожланишига имкон берувчи омиллар фарқланади. Улар эндоген (ирсият, жинс, ёш) ва экзоген (стресс, ортиқча овқатланиш, интоксикация ва б.к.) бўлиши мумкин. Эндоген омиллар туғилганданоқ (ирсият) ёки постнатал онтогенезнинг маълум босқичида (жинс, ёш) ўз таъсирини кўрсатиши мумкин.

Невроген омилнинг роли. Атеросклероз салбий эмоциялар фонида тез авж олиб ривожланиши мумкин (Фролов В. А., Дроздова Г. А. ва б.к. 1987). Иккинчи жаҳон урушида концентрацион лагерларда ўлган

*** 13-Машгулотга қаралсин

одамлар ёриб кўрилганда томирларнинг жуда катта кўламда атеросклеротик шикастланишлари топилган.

Бу касаллик иқтисодий ривожланган, юқори даражали ишлаб чиқаришга эга бўлган, демак асаб тизимиға юқори даражада зўриқиши тўғри келадиган мамлакатларда ривожланашётган мамлакатларга нисбатан 15—20 марта кўп учрайди. Бундан ташқари атеросклероз шаҳарликларда қишлоқдагиларга нисбатан кўпроқ учрайди.

Атеросклероз ривожланишида асаб руҳий стресснинг муҳим ролини экспериментлар ҳам тасдиқлайди. П. С. Хомуло (1964) итларда МАТ нинг узоқ муддатли (2 йил) функционал зўриқишини чақириш орқали аорта ва юрак тож артерияларининг атеросклеротик ўзгаришларини олишга муваффақ бўлди.

Томирлар атеросклеротик шикастланишида асаб бузилишлари тъсир механизмини қўйидагича тасвирлап мумкин (Фролов В. А. ва б.к., 1987): мия пўстлоғи неврози юзага келишида томир ҳаракатлантирувчи марказ доимий доминант қўзғалувчаник ҳолатига тушади, натижада периферик томирлар спазмга учрайди. Спазмнинг кучайишига салбий эмоцияларда учрайдиган катехоламиниларнинг қонга кўп миқдорда ажralиши ёрдам беради. Кон томирларининг узоқ муддатли доимий спазми албаттга томир девори трофиқасининг бузилишига олиб келади, чунки спазмда *vasa vasorum* қисилини ҳисобига унинг озиқланиши бузилади.

Модда алмашинуви бузилишининг роли. Атеросклероз ривожланишида гиперхолестеринемия ва гиперлипопротеидемияларнинг аҳамияти ниҳоятда катта. Гиперлипемия овқат билан бирга ёғларнинг ортиқча қабул қилинишида ривожланади. Атеросклероз генезида гиперхолестеринемиянинг ролини Н. А. Аничков ва С. С. Халатовлар томонидан 1913 й. ишлаб чиқилган атеросклерознинг холестеринли модели тасдиқлайди. Гиперхолестеринемия холестериннинг организмга ташқаридан овқатлар таркибида кўп миқдорда кириши (экзоген холестерин) ёки организмнинг ўзида унинг кўп миқдорда ҳосил бўлиши (эндоген холестерин) билан боғлиқ бўлиши мумкин. Эндолиген холестринемия қандли диабет ва подагра касалликларида учрайди. Маълумки қандли диабетда углевод ва ёғлар алмашинуви бузилиши натижасида организмда кўп миқдорда ацетил - КоА ҳосил бўлади ва ундан холестерин синтезланади. Подаграда эса организмда кўп миқдорда мезоксал кислота уреиди — аллоксан ҳосил бўлади. Аллоксан инсуляр аппарат дегенератив ўзгаришларини чақиради, натижада қандли диабет, сўнг эса гиперхолестеринемия ривожланади.

Атеросклероз ривожланишида нафақат холестерин миқдори, шу билан бир қаторда унинг фосфолипидлар билан нисбати ҳам аҳамиятга эга (Бутенко Г. М., Быць Ю. В., 1985). Бу нисбат нормада 0,9 атрофида бўлиши керак. Атеросклерозда у кўпаяди. Фосфолипидлар

холестерин миқдорини камайтиради, уни эмульгиранган ҳолатда ушлаб туради, шунинг учун ҳам уларнинг нисбий дефекти атеросклерозда муҳим йўлдош омиллардан ҳисобланади. Организмга кирадиган ёғларнинг сифат таркиби муҳим аҳамиятга эга. Одатда организмга тушадиган холестериннинг 2/3 қисми ёғ кислоталари билан кимёвий (эфирли) боғланишга учрайди ва холестеринэстэрлар ҳосил бўлади. Шуни ҳам айтиш керакки, холестериннинг ўсимлик ва балик ёғи таркибida бўладиган тўйинмаган ёғ кислоталари (линов, линолен, арахидин) билан эстерификацияси поляр, мобил, енгил эрувчи ва катоболизланувчи ҳолестерин эфирларининг ҳосил бўлишига ёрдам беради. Юқорида келтирилган маълумотлар Андижонда яшовчи ерли ҳалқларда томир деворида липоидлар миқдори кўрсаткичининг ерли бўлмаган ҳалқларга нисбатан паст бўлиши (Вихерт А. М. ва б.к., 1992) уларнинг кўпроқ пахта мойи истъемол қилиши билан тушунтирилиши мумкин. Шу билан бир қаторда холестериннинг тўйинган ёғ кислоталари (стеарин, пальмитин) билан эстерификация қилиниши қийин эрувчи, эритмада енгил чўқадиган холестеринэстэрларнинг ҳосил бўлишига олиб келади.

Организмга тушадиган липидларнинг жигарда оқсиллар билан бирикиши натижасида липопротеидлар ҳосил бўлади. Липопротеидлар 4 фракцияга бўлинади: 1) хиломикронлар; 2) молекуласи ўта паст зичликка эга бўлган липопротеидлар (ЎПЗЛ) ёки пре - β – липопротеидлар; 3) молекуласи паст зичликка эга бўлган липопротеидлар (ПЗЛ) – β – липопротеидлар; 4) молекуласи юқори зичликка эга бўлган липопротеидлар (ЮЗЛ) – α – липопротеидлар. β – липопротеидлар молекуласида кўп миқдорда тўйинган ёғ кислоталари ва холестерин ва оз миқдорда оқсил бўлади. Улар фосфолипидларнинг нисбий дефицити билан фарқланади ва енгил чўкиш хусусиятига эга. Оқсил ва липидлар нисбати α - ва β - липопротеидларда қўйидагича: α – липопротеидлар таркибida 33–60% оқсил, 40–67% липидлар бор; β – липопротеидларда эса оқсил – 7–20%, липидлар – 79–93% ни ташкил қиласи, шунинг учун ЎПЗЛ ва ПЗЛ атероген фракция, ЮЗЛ антиатероген фракция деб ном олган. Демак, атеросклероз ривожланиши учун қонда ЎПЗЛ ва ПЗЛ ларнинг кўпайиши ҳал қилувчи аҳамиятга эга.

Тромбоцитларнинг роли. Замонавий маълумотларга қараганда (Фролов В. А., Дроздова Г. А. ва б.к., 1987), тромбоцитлар томир девори ҳужайраларига ПЗЛ ташибиди. Бундан ташқари тромбоцитларда кечадиган бир қатор кимёвий реакциялар натижасида ПЗЛ ўзининг кимёвий тузилишини ўзгартириб рецепторларсиз ҳужайрага кириш хусусиятига эга бўлиб қолади. Бу эса ПЗЛ ларнинг томир деворида йиғилишини кучайтиради.

Эндокрин безларнинг роли. Юқорида кўрсатилганидек қандли диабет атеросклероз ривожланиши учун шароит туғдиради. Қалқонси-

мон без ҳам атеросклероз ривожланишига алоқадор. Унинг гормонлари липополизни кучайтиради, шунинг учун ҳам бу без гипофункциясида кўп миқдорда ёғлар тўпланиши ва атеросклероз ривожланиши кузатилади. Ёш билан боғлиқ ёки қандайдир бошқа бир сабаб (тукхумдоңларнинг олиб ташланиши, уларнинг нурланиши) натижасида жинсий bezлар функциясининг пасайини, қон зардобида холестерин миқдорининг кўпайишига олиб келиши ва атеросклерозни авж олдириши мумкин.

Ирсиятнинг роли. Кўп ҳолатларда атеросклероз гиперстениклар орасида учрайди. Экспериментда атеросклероз томир деворининг липолитик фаоллиги юқори ҳайвонларда (каламушлар, итлар) чақириш жуда қийинлиги ирсиятнинг ролини тасдиқлайди, аммо томир девори липолитик фаоллиги паст ҳайвонларда (куёнлар) атеросклероз енгил чақирилади. Турга хос белгиларнинг наслдан-наслга ўтиши маълум.

Терида ва бошқа тўқималарда липидлар ва холестериннинг тўпланиши билан кечувчи оиласиал гиперхолестеринемия ёки оиласиал қсантоматоз (синоними — ёғ дўмбоқчаси, қсантоматоз юонча - *xanthos* - сап-сарик) деб аталувчи касаллик атеросклероз наслий генезининг тасдиги бўлиши мумкин. Бу касаллик ферментлар тизимининг наслий дефекти билан боғлиқ бўлиб, бир оила аъзоларининг бир нечтасида, шу жумладан кичкина болаларда ҳам тез авж олиб борувчи оғир атеросклерознинг ривожланиши билан характерланади (Фролов В. А., Дроздова Г. А. ва б.к., 1987). Бу касалликда 8—12 ёшдаги болалар миокард инфарктидан ўлиши мумкин. Алабиётларда ҳаттоқи чақалоқларда ҳам миокард инфаркти ҳолатлари ёзилган. Наслий омил атеросклероз ривожланишида лизосомалар орқали ҳам амалга оширилиши мумкин. Де Дюв (лизосомани кашф қилган олим) концепцияси бўйича атеросклероз «модда тўпланиш касалликларига» киради, чунки лизосомада холестеринни парчалайдиган фермент бўлмайди. Олдин лизосома, кейин ҳужайра холестеринга тўлади, натижада томирлар атеросклеротик шикастланиши юзага келади. Маълумки ҳамма лизосомал касалликлар наслдан-наслга берилади.

Ёшининг роли. Атеросклероз кўпинча кекса одамлар томирларини шикастлайди ва бу томир деворининг ёшга қараб ривожланадиган метаболик ўзгаришлари билан боғлиқ бўлади. 40 ёшгача томир деворида ёғлардан фосфолипидлар, углеводлардан енгил полимерланадиган гиалурон кислота типида нордон мукополисахаридлар, оксилардан — склеропротеинлар (аввало коллаген) устуворлик қилади. Улар яхши экстракция қилинадиган моддалар ҳисобланади. Бошқа сўз билан айтганда бу ёшда томирлар эластиклик ва юқори мобиллик хусусиятига эга бўлади. 40 ёшдан кейин томир девори тўқимасида фосфолипидлар камаяди, холестерин эса кўпая бошлайди. Нордон полисахаридлардан томир деворини қалинлаштирувчи инерт би-

рикма — хондроитинсульфатлар устуворлик қила бошлайди, томир деворининг лабиллиги кескин камаяди. Ёш ошиши билан томир деворига кальций тузлари чўкади, бу ҳам склеротик ўзгаришлар ривожланишига имкон беради.

Атеросклероз патогенези. Атеросклероз ривожланишида ҳал қилувчи механизм томирлар эндотелийси орқали субэндотелиал қатламга ПЗЛ ва ЎПЗЛ (ЛП атероген фракциялари) ларнинг кириши ҳисобланади. Липопротеидлар макрофаглар рецепторлари томонидан ушланади. Шунинг учун бу рецепторлар «сквенджер рецепторлар», макрофаглар эса «сквенджер - ахлат йигиштирувчи хужайралар» деб номланган (Нагорнев В. А. 1991). Кейин холестериннинг тўпланиши натижасида эндотелиал хужайраларнинг шишишӣ бошланади. Субэндотелиал қатлам ичига оқсиллар ҳам киради. Артериялар интимасида ПЗЛ қисман агрегацияланади, уларнинг ўлчами катталашади, қисман ҳосил бўлган липидлар переоксидлари ёрдамида парчалана-ди. ПЗЛ артерия девори бириктирувчи тўқима оқсиллари — коллаген ва эластинлар билан ўзаро таъсирга киришади. Макрофаглар интерлейкинлар секреция қилади, улар эса Т-хужайралар пролиферациясини стимуллайди. Макрофаглардан ажраладиган интерлейкин 1 эндотелиал хужайралар юзаси хусусиятларини ўзгартиради, лейкоцитлар ва лимфоцитлар адгезиясига ва уларнинг томир деворига миграцияланшига олиб келади. Томир девори силлиқ мушак хужайралари пролиферацияси ва тромбоцитлар ўсиш омили секрецияси ҳам стимулланади (Нагорнев В. А. 1991). Шу тарзда томир деворида атеросклеротик пилакчалар шаклланади.

Шундай килиб, атеросклероз мураккаб динамик жараён бўлиб, бир неча даврлардан иборат (Фролов В. А., Дроздова Г. А. ва б.к., 1987): 1) липидларгача давр — унда модда алмашинувининг чукур ўзгаришлари ва томир девори тузилишида мураккаб ўзгаришлар рўй беради; 2) липоидоз даври — томир интимасида сарик липид доғлар ҳосил бўлади; 3) липосклероз — тўплган липидлар ва оқсиллар атрофига жиддий равишда бириктирувчи тўқима ўсади. Артерия тешигига (ёриғи) чиқиб турувчи қаттиқ липосклеротик пилакчалар ҳосил бўлади; 4) атероматоз даври — бир томондан склероз кучаяди, иккинчи томондан липид — оқсил массаси емирилади; 5) атерокальциноз даври — пилакчаларга кальций чўкади; 6) атероматозли яралар даври — пилакчалар яраланади ва атероматоз массалар қонга тушади.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иши. Каламушда дарвоза венаси торайишида регионар қон айланниши бузилишларини кузатиш.

Каламуш тахтачага қорни юқорига қаратиб жойлаштирилади. Енгил эфир наркози остида тери ва мушаклар ханжарсимон ўсиқ пастидан қорин оқ чизиги бўйлаб кесилади. Ичак чапга силжитилади, жигарнинг олд қирғоти озгина кўтарилади ва дарвоза венаси топилади, унга қорин пардаси ва ичак томирларига назар ташлагандан кейин лигатура кўйилади. Қорин бўшлиги тоқ аъзоларида веноз гиперемия ривожланади. Регионар қон айланиши ва умумий гемодинамик бузилишлар муҳокама қилинади, тажрибага баённома ёзилади.

2-иши. Талабаларда тонометрия ўтказиш.

Талабалар ўз-ўзида қон босимини ўлчайди, натижаларни баённомага ёzáди, ўқитувчи иштирокида муҳокама қиласи, хulosалар чиқаради, қон босимида бўладиган ўзгаришларга алоҳида эътибор берилади.

Жиҳозлар: каламуш, тахтача, каламушни фиксация қилиш учун тизимча, шиша воронка, эфир, қайчилар, пинцетлар, лигатура, тонометрлар.

АУДИТОРИЯ ИШИ

Мавзуни оғзаки мукоҳама қилиш. Амалий ишларни мустақил бажариш ва амалий кўнікмаларни ўзлаштириш

Кўйидаги ишлар бажарилади:

- 1) каламуш портал тизимида регионар қон айланиши бузилишини ўрганиш;
- 2) талабаларда тонометрия ўтказиш.

Эксперимент баённомаси ва хulosаларни ёзиш

Талаба: 1) экспериментда портал гипертензия чақириш ва АБ ўлчаш техникасини згаллашни; 2) олган натижаларни ёш нуқтаи назардан талқин қилишни билиши керак.

Вазиятли масалаларни ечиш

1-масала. қуёnda бир буйрак артериясини қисиш билан бирга иккинчи буйрак олиб ташланган. Бунда ҚБ ўртача 105 дан 133 мм сим. уст.га кўтарилиган.

1. Қон босими кўтарилиш механизми нимадан иборат?
2. Экспериментал қуёnlарда агар уларда операциядан 2 — 3 ҳафта олдин тузсиз диета ўтказилган бўлса, гипертензия ривожланишини сусайтириш мумкинми?

2-масала. Бемор К., 24 ёшда, у бош оғриши, бел соҳасида оғриқ, юзда шиш, умумий мадорсизлик шикоятлари билан клиникага ётқи-

зилган. Кўп йиллар ўзини соғлом сезган. Бундан бир ой муқаддам ангина ўтказган. Келиб тушганда: АБ — 180/110 мм сим. уст.га тенг. Қон анализи: эритроцитлар 1 мкл — $3,1 \cdot 10^6$ /л, лейкоцитлар 1 мкл — $12,6 \cdot 10^3$ /л, ЭЧТ — 28 мм/с. Сийдикда: кескин протеинурия, микрогематурия, лейкоцитурия кузатилган.

1. Бемор гипертониянинг қайси шакли билан касалланган?

2. Бу ҳолатда гипертензиянинг ривожланиш сабаби ва механизmlари нимадан иборат?

З-масала. Бемор Н., 40 ёшда, анамнезида яра касаллиги туфайли меъданинг кўп жойи резекциясини бошидан кечирган. Кўп овқат истеъмол қилгандан кейин умумий мадорсизлик, бош айланиши, танада қалтираш сезган.

1. Юз берган ҳодисаларнинг механизмини тушунтиринг.

2. Касаллик характеристи тўғрисида сизнинг фикринги?

Интеграция амалга оширилиши лозим бўлган фанлар

1. Нормал физиология

2. Ички касалликлар пропедевтикаси.

3. Патологик анатомия.

25 - МАШГУЛОТ

М а з у : ТАШҚИ НАФАС ПАТОФИЗИОЛОГИЯСИ

Машгулот мақсади. Талаба қўйидагиларни билиши керак:

1) ташқи нафас бузилишининг асосий сабаблари ва механизmlарини;

2) ўткада альвеола вентиляцияси, газлар диффузияси ва перфузия (қон айланиши) бузилишларининг патогенези ва уларнинг нафас етишмовчилиги ривожланишидаги ролини;

3) ҳайвонларда (бақа ва каламуш) экспериментал нафас етишмовчилиги чақирилганда ривожланадиган компенсатор ва ҳақиқий патологик реакцияларга баҳо беришни;

4) нафас етишмовчилиги типлари, уларнинг кўрсаткичлари, ҳансираш турлари, патологик нафас шаклларини;

5) чақалоқларда нафас бузилиши хусусиятлари, чала туғилган болаларда нафас етишмовчилиги патогенезида сурфактант тизими-нинг ролини.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Нафас нима?
2. Ташқи ёки ўпка нафаси, у қанақа жараёнлардан иборат?
3. Ички нафас нима?
4. Нафас маркази, у қаерда жойлашган, тузилиши ва функцияси, ким томонидан кашф қилинган?
5. Нафаснинг автоматик равишда ўз-ўзини бошқариши нимадан иборат?
6. Нафас маркази фаоллигининг гуморал ва рефлектор регуляция килиниши.
7. Ўпка ҳажмларини айтинг?
8. Қанақа ўпка сифимларини биласиз?
9. Катталар ва болаларда 1 дақиқадаги нафас сони.
10. Альвеоло - капилляр мембрана нимадан иборат?
11. Ўпка физиологиясида сурфактант роли.
12. Атмосфера, альвеоляр ва нафас чиқарилгандаги ҳавонинг нормал таркиби.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо и Л. М. Ишимовой. - 2 - е. изд. перераб. и доп. - М.: Медицина, 1980, с. 358-374.

Патологическая физиология /Под ред. чл.-корр. АМН СССР Н. Н. Зайко - 2 - е изд. перераб. и доп. - Киев: Вища школа, 1985, с. 412-431.

Патологическая физиология /Под ред. А. Д. Адо и др. М.: Триада-Х, 2002. с. 404-432; 520-552,

Н. Ҳ. Абдуллаев, Ҳ. Ё. Каримов /Патофизиология. Т., Абу Али ибн Сино номидаги тиббиёт нашриёти, 1998, б. 90-101.

Кўшимча адабиётлар

Абросимов В. Н. Нарушения регуляции дыхания. М.: Медицина, 1990. 248 с.

Зильбер А. П. Дыхательная недостаточность (Руководство для врачей). М.: Медицина, 1989, с. 134-136.

Мазурин А. В., Воронцов И. М. Пропедевтика детских болезней. - М.: Медицина, 1985, с. 134-136.

Малышев В. Д. Острая дыхательная недостаточность. - М.: Медицина. 1989-240 с.

Руководство к практическим занятиям по патофизиологии /Под ред. чл.-корр. АМН СССР Н. Н. Зайко, проф. Н. Я. Даниловой. Киев: Вища школа, 1987.

Структура и функциональная организация дыхательного центра /М. В. Сергиевский, Р. Ш. Габдрахмонов, А. М. Огородов и др.- Новосибирск, изд-во НГУ, 1993. -192 с.

Асосий ўқув саволлари

1. Нафас тизими бузилишининг умумий этиологияси ва патогенези.
2. Нафас етишмовчилиги тўғрисида тушунча. Унинг обструктив ва рестриктив шакллари патогенези.
3. Нафас аритмиялари, уларнинг турлари.
4. Даврли нафас, унинг турлари ва патогенези.
5. Асфиксия. Этиологик омиллари. Даврлари. Бола ўсишининг она қорнидаги даври асфиксияси ва чақалоқлар асфиксияси.
6. Пневмоторакс, унинг турлари. Ҳансираш патогензи ва даврлари.

Аннотация

Ташқи нафас бузилишининг сабаблари: I) нафас олишдаги ҳаво таркибининг ўзгаришлари; 2) нафас асаб ва гуморал регуляциясининг бузилишлари; 3) нафас йўллари функционал ва структур шикастланишлари; 4) ўпка ва плевра патологияси; 5) кўкрак қафаси ва нафас мушакларининг шикастланишлари ҳисобланади. Бу этиологик омилларнинг ҳаммаси нафас етишмовчилиги ривожланишига олиб келиши мумкин. Нафас етишмовчилиги ташқи нафас бузилишидан иборат бўйиб, унда организм тинч вақтда ёки жисмоний юкламада қоннинг нормал газ таркиби таъминланмайди.

Нафас етишмовчилигининг (НЕ) таснифи.

- I. Кечиши бўйича: 1) ўткир; 2) сурункали.
- II. ҳолатнинг оғирлигига қараб: 1) компенсиранган; 2) декомпенсиранган; 3) яширин (симптомсиз).
- III. Патогенези бўйича: 1) обструктив типли — нафас йўллари ўтказувчанлигининг бузилиши натижасида; 2) рестриктив типли — ўпка нафас юзасининг кичрайиши натижасида ривожланадиган НЕ.

Вентиляциянинг бузилишига қараб НЕ нинг кўйидаги шакллари фарқ қиласи: а) марказий шакли (наркотиклар таъсири, давомли гипоксия натижасида нафас нейронлари қўзғалувчанлигининг пасайиши, бош миянинг органик жароҳатланиши); б) периферик ёки асаб-мушак шакли (полиомиелит, ботулизм, қоқшол, полиневрит, миозит, диафрагмал нерв-п. frenicus- функциясининг бузилишлари; в) торакодиафрагмал ёки париетал шакли — кўкрак қафаси экспурсияси чекланиши (кўкрак қафаси деформацияси, асцит, метеоризм, семириш); г) ўпка шакли.

Ташқи нафас бузилишининг патогенези уч асосий жараён: вентиляция, диффузия ва перфузияларнинг ўзгариши билан боғлиқ бўлади.

Вентиляциянинг ўзгаришлари. Дақиқали альвеоляр вентиляцияси (ДАВ) кўрсаткичи ўпкада газ алмашувини аникроқ характерлайди.

ДАВ = нафас ҳажми (0,5 л) минус қолдиқ ҳаво ҳажми (0,15 л), кўпайтирилади 1 дақиқадаги нафас сонига.

$$\text{ДАВ} = (0,5 - 0,15 = 0,35\text{л}) \cdot 14 = 4,9 \text{ л}$$

Вентиляция бузилишининг механизмга қараб нафас етишмовчилгининг икки тури фарқ қилинади: 1) обструктив ва 2) рестриктив.

Обструктив нафас етишмовчилиги (лат. *obstruction* — қаршилик) нафас йўлларининг торайиши ва ҳано ҳаракатига юқори қаршилик туғилганда пайдо бўлади. НЕ нинг бу тури ҳиқилдоқ шишида (дифтерия, сохта круп), товуш тирқиши спазмida, нафас йўлларининг ёт жисм билан тиқилишида, ўсма билан қисилишида ва ҳ.к. ривожланади.

Рестриктив нафас етишмовчилиги (лат. *restriction* — чекланиш) альвеолаларнинг ростланиши ва ўз ҳолига қайтишининг бузилиши, уларнинг ҳаракатчанлигининг чекланиши ва нафас юзасининг камайиши билан характерланади. Масалан у пневмонияда (зотилжам), ўпка шишишида, унинг фиброзида, қисилишида, пневмотораксда, экссудатив плеврит ва б.к. патологик жараёнларда ривожланади.

Вентиляциянинг бузилишлари гиповентиляция, гипервентиляция ва нотекис вентиляция шаклида намоён бўлади.

Альвеолар гиповентиляция. Альвеолалар орқали вентиляция қўидаги ҳолларда камайиши мумкин: 1) нафас сонининг камайишида; 2) нафас ҳажмининг камайишида; 3) қолдиқ ҳаво ҳажмининг кўпайишида.

Гиповентиляция ўпка яллигланиши касалликларида, ателектазда, ўпка қисилишида, нафас мушакларининг шикастланишида, умуртқа суягининг қўйшайишида, морфин билан заҳарланнишда, шокнинг торпид фазасида учрайди. У артериал қонда О₂ камайишига (гипоксемия) ва СО₂ миқдорининг кўпайишига (гиперкарбния) ва pH нинг камайишига яъни ацидозга олиб келади.

Гипервентиляция тоғ касаллиги, бош мия касалликлари (менингитлар, энцефалитлар), ўпка патологиясида (ўпка шиши ва б.к.), кислотали маҳсулотлар тўпланиши билан кечадиган ҳолатларда учрайди. Гипервентиляция механизми: 1) рефлектор — томир хеморецепторларининг О₂ етишмовчилиги, СО₂ кўплиги, Н⁺ концентрациясининг ошиши натижасида қўзғалиши; 2) марказий — нафас марказининг СО₂ кўплигидан қўзғалиши. Гипервентиляция нафас дақиқалик ҳажми (НДХ) ва ДАВ нинг кўпайиши билан характерланади, гипокарбния ва алкалозга олиб келади.

Нотекис вентиляция — соғлом одамларда ҳам учрайди, чунки ўпка альвеолаларининг ҳаммаси ҳам бир вақтда ишламайди. Нотекис вентиляция айниқса нафас аппаратининг айрим касалликларида яхши намоён бўлади. Унинг ривожланиш сабаблари ўпка эластиклигининг йўқолиши (масалан ўпка эмфиземаси), бронх ўтказувчанигининг қийинлашиши (бронхиал астма), ўпка фибрози, альвеолаларда эксадут йигилиши ва ҳ.к. бўлиши мумкин. Нотекис вентиляция, гиповентиляция каби гипоксемияга олиб келади, аммо ҳамма вақт гиперкарния билан кечмайди.

Диффузиянинг бузилишлари. Газлар диффузияси альвеолокапилляр мембрана (а/к) орқали амалга оширилади ва қуидагиларга боғлиқ бўлади: 1) альвеолалар майдонига, нормада катта одамларда 50—80 м² тенг; 2) альвеолокапилляр мембрана қалинлигига (нормада 0,4—1,5 мкм); 3) альвеолар ҳавода О₂ ва СО₂ парциал босимига (рO₂ = 100 мм сим.уст., рCO₂ = 40 мм сим. уст.); 4) қоннинг ҳаво билан контакт қилиш вақти — экспозицияга (0,3с).

Соғлом одамда тинч вақтда ўпканинг О₂ учун диффузион қобилияти ёки диффузия коэффициенти дақиқада 30 мл /1 мм сим. уст. тенг. Ўпканинг диффузион қобилиятининг камайиши а/к мембранаси шикастланиши билан кечадиган касалликларда (ўпка шишиши, яллиғланиши ва ҳ.к.) кузатилади. А/к мембрана шикастланишида альвеоло — капилляр блок ривожланиши мумкин (масалан, альвеола ичи шишида, альвеола ва капиллярлар девори қалинлашишида).

Перфузиянинг бузилишлари. Ўпкада қон айланиши бузилиши билан намоён бўлади. Нормада ўпкада умумий қон оқими дақиқада 4,5—5 л га тенг яъни қоннинг дақиқалик ҳажмига баравар. Ўпкада қон оқимининг бузилиши ҳам ўнг қоринча ҳам чап қоринча патологиясида, шунингдек томир етишмовчилигига (шок коллапс) ва бошқа касалликларда кузатилади. Кўрсатилган ҳамма ҳолатларда ўпкада қон оқими камаяди. Нормада 1 дақиқада оқиб келалиган 1 литр қон ҳажмига 0,8 л ҳаво тўғри келади. Эффективлик коэффициенти (ЭК) яъни вентиляцион-перфузион кўрсаткич 0,8 га тенг.

$$\text{ЭК} = \frac{4 \text{ л/дақ.} \cdot (\text{ДАВ})}{5 \text{ л/дақ.} (\text{ўпка орқали дақ. қон оқими})} = 0,8$$

Кўрсатилган қийматда қоннинг нормал газ таркиби таъминланади. Вентиляциянинг қон оқимига мос келмаслиги газ алмасинувининг бузилишига олиб келади. Бу кўрсаткичининг камайиши гипоксемия ва гиперкарниядан далолат беради, кўлайиши эса қоннинг О₂ тўйинишининг ортиши ва СО₂ миқдорининг камайишини билдиради.

Перфузия бузилишининг сабаблари қон айланиши етишмовчилиги (юрак пороклари, қоринчалар қисқарувчанлик хусусиятининг камайиши, коллапс, шок ва б.к.), ўпка касалликлари (эмфизема, ўпка фибрози ва ҳ.к.) бўлиши мумкин.

Ҳансираш (лат. dyspnoe) — ҳаво етишмовчилигининг субъектив сезгиси ва у билан боғлиқ нафасни кучайтиришга талаб. Нафас олиш ва чиқаришнинг бузилишига (қийинлашишига) қараб ҳансираш инспиратор, экспиратор ва аралаш бўлиши мумкин. Экспиратордада нафас чиқариш, инспираторда нафас олиш қийинлашади. Экспиратор ҳансираш пастки нафас йўлларининг патологиясида (бронхиал астма, ўпка эмфиземаси, асфиксиянинг II босқичи) учрайди. Бронхиал астмада иккита кўрсаткич: кучайтирилган нафас чиқаришдаги ҳаво ҳажми (нормада 2,8 л) ва Тиффно индекси кескин ўзгаради, иккаласи ҳам камаяди (Тиффно индекси кучайтирилган нафас чиқаришдаги ҳаво ҳажмининг ўпканинг тириклик сигимига фоизларда нисбати). Нормада у 70 —80% ни ташкил қиласди.

$$\frac{2,8}{3,5} = 80\%$$

Инспиратор ҳансираш (нафас олиш қийинлашади) юқори нафас йўллари патологиясида (ҳиқилдоқ лифтерияси — чин круп, ҳиқилдоқ шишиши, ЎРК, сохта круп, нафас йўлларига ёт жисм тиқилиши, асфиксиянинг I босқичи) учрайди. Инспиратор ҳансирашда Геринг - Брэйер рефлекси кечикади.

Нафаснинг патологик шакилари. Уларга нафас аритмиялари, даврли нафас, терминал нафас ва апноэ киради.

Нафас аритмиялари — нафас ритми, чуқурлиги ва сонининг ўзгариши. Патогенезига қараб қуидаги нафас аритмияси турлари фарқ қилинади: 1) чуқур ва тез нафас ёки гиперпноэ; 2) чуқур сийрак нафас (брадипноэ); 3) юзаки ва тез нафас (таксипноэ ёки полипноэ).

Гиперпноэ (чуқур ва тез нафас) жисмоний зўриқишида, эмоционал қўзғалишида учрайди. Бу компенсатор тигли нафас. Механизми: қонда СО₂ нинг тўпланиши нафас марказининг қўзғалишига яъни нафас олиш ва чиқаришнинг тез алмashiшига олиб келади. Нафас тезлашган, аммо чуқур чунки унда заҳира ҳолидаги альвеолалар очилади.

Брадипноэ (чуқур ва сийрак нафас) ёки стенотик нафас — бўғиз стенозида (бўғиз торайиши, ўсма билан қисилиши, унга ёт жисм тушиши) учрайди. Механизми: ҳаво альвеолаларга нормага нисбатан секин тушади ва Геринг-Брэйер рефлекси кечикади.

Таксипноэ (юзаки ва тез нафас) зотилжам касаллигида, ўпка шишада, пневмотораксда учрайди. Механизми: ўпка нафас юзасининг

а)



апноэ

б)



апноэ

16-расм. Даврли нафас типлари:
а -Чейн - Стокс; б- Биот.

камайиши Геринг - Брэйер рефлексининг тезлашишига олиб келади, чунки вагус рецепторлари тезроқ қитиқланади.

Даврли нафас нафас паузалар — апноэ — билан навбатланиши билан характерланади. Даврли нафаснинг иккита типи мавжуд: 1) Чейн-Стокс; 2) Биот.

Чейн - Стокс нафаси (16-расм, а). Механизми: нафас маркази қўзғалувчанлигининг пасайиши, унинг CO₂ га сезувчанлигининг камайиши.

Нафас маркази қўзғалувчанлиги пасайганда CO₂, нинг одатдаги концентрацияси нафас марказини кўзгата олмайди. Нафас тўхташи — апноэ содир бўлади, кейинчалик CO₂ йигилиши суст нафас ҳаракатларининг пайдо бўлишига олиб келади. Нафас ҳаракатлари кучаяди, уларнинг амплитудаси кетталашади. Ривожланадиган ўпка гипервентиляцияси организмдан CO₂ чиқиб кетишига олиб келади, нафас ҳаракатлари сусаяди яна апноэ содир бўлади. Чейн - Стокс даврли нафаси декомпенсиранган юрак порокларида, мия гипоксиясида, уремияда, «тоғ» касаллигида, қарияларда уйқу вақтида учрайди.

Биот типидаги нафас (16-расм, б) нафас ҳаракатларининг одатдаги амплитудасида пауза - апноэ - бўлиши билан тавсифланади. Биот нафаси мия яллиғланиш касалликларида (менингит, энцефалит), заҳарланишларда, иссиқ уришида кузатилади.

Терминал нафас ўлим олдида кузатилади. Терминал нафас турларидан бири Куссмаул нафаси ҳисобланади. Бу катта шовқинли нафас бўлиб кўпинча диабетик ва уремик комада учрайди. Терминал ёки агонал, ёки гаспинг нафас (анг. gasp — ҳаво тутмоқ, ушламоқ)- бир- икки, сийрак, тобора сусаядиган нафас бўлиб, вақтинча на-

нафас тұхташидан кейин (претерминал пауза) учрайди. Механизми: узунчоқ мия қаудал қысмі хужайраларининг мия ўрта қысмлари иши тұхташидан кейин күзгалиши.

Асфиксия (а- инкор, йўқ, sphixis — пульс) қон ва тұқымага О₂ кирмаслиги ва СО₂ чиқарылmasлиги ҳолати. Сабаблари: бўғилиш, сувга чўкиш, нафас йўлларига ёт жисм тушиши, бўғиз ва ўпка шишиши.

Асфиксия даврлари: I давр — инспиратор ҳансираш билан тавсифланади. Нафас тез ва чуқур. Симпатик нерв тизими тонуси устиворлик қиласы (тахикардия, артериал босимнинг кўтарилиши); II давр экспиратор ҳансираш билан кечади. Нафас сийраклашади. Парасимпатик асаб тизими тонуси устиворлик қиласы (брадикардия, артериал босим пасаяди); III даврга нафас тұхташи — апноэ хос (1—2 дақиқа давом қиласы), кейин бир неча сийрак талвасали нафаслар — гасплар- пайдо бўлади, сўнг нафас фалажланади ва ўлим содир бўлади.

Пневмоторакс — плевра бўшлиғига ҳаво кириши. Очик, ёпиқ, клапанли пневмоторакс бўлиши мумкин. Очик пневмотораксда плевра бўшлиғи ташқи муҳит билан туташган бўлади: нафас олганда унга ҳаво киради, чиқарганда ҳаво чиқади. Ёпиқ пневмоторакс плевра бўшлиғига ҳаво бир марта кириши билан тавсифланади. Масалан кўкрак қафаси травмаси, плевра бўшлиғига сунъий равишда ҳаво юборишида (даволаш пневмоторакси) шундай бўлиши мумкин. Энг хавфлиси клапанли пневмоторакс ҳисобланади. Пневмоторакснинг бу хилида кўкрак қафаси ёки ўпка тұқимаси шикастланади ва клапан ҳосил бўлади. Ҳаво кўкрак қафасига киради, аммо чиқа олмайди, унда йиғила бошлайди, натижада ҳаво кўкрак қафаси органларини қисади ва ҳаёт учун хавф туғдиди.

Боланинг она қорнидаги даври асфиксияси ва чақалоқлар асфиксияси. Asphyxia neonatorum — чақалоқлар асфиксияси — чақалоқларда нафас бузилиши натижасида келиб чиқадиган кислород етишмовчилиги. Сабабларига боғлиқ ҳолда: 1) она организмидә О₂ етишмовчилиги ёки СО₂ кўплиги (юрак-томир касаллуклари, юракнинг декомпенсациялашган пороклари, ўпканинг оғир касаллуклари, кўп миқдорда қон йўқотиш ва б.к.) натижасида келиб чиқадиган чақалоқлар асфиксияси; 2) йўлдош томирларida қон циркуляцияси бузилиши (чин тугун, қисиб ўраш, нормал жойлашган йўлдошнинг эзилиши ва кўчиши) натижасида ривожланадиган чақалоқлар асфиксияси; 3) ҳомила ривожланиши нуқсонлари туфайли: МАТ касаллуклари, оғир тугма юрак пороклари, турғуқда бош суюги ичи травмаси, чақалоқлар гемолитик касаллуги ва б.к. билан боғлиқ чақалоқлар асфиксияси; 4) нафас йўлларининг тўлиқ ва қисман бекилиши (шилимшиқ, меконий) дан содир бўладиган чақалоқлар асфиксияси фарқланади. Асфиксиянинг оғирлик даражаси Апгар

шкаласи билан ифодаланади. Нормал соғлом чақалоқ 9–10 балл (5 белгидан: тери ранги, мушак тонуси, нафас, юрак, рефлекслар, ҳар биттасига 2 баллдан) билан баҳоланади. 5–6 балл ҳәтий функцияларининг ўртача сусайиши деб қабул қилинади; функциялари кескин сусайган чақалоқларда 4 ва ундан кам баллар регистрация қилинади. Умумий балл «0» бўлиши клиник ўлимни кўрсатади.

Машғулотда бажариладиган амалий ишлар ва ўзлаштирилиши лозим бўлган амалий кўнкималар билая танишиш

1-иши. Бақада экспериментал даврли нафас чақириш.

Бақа орқа мияси шикастланиб ҳаракатсизлантирилади. Бир неча дақиқадан кейин спинал шок ўтиб кетиши ва нафас тикланиши билан бақа тахтачага қорнини юқорига қаратиб ётқизилади, пастки жағе терисига серфинка илдирилади ва у ёзадиган пишангча (рычажок) ипига уланади. Кимограф ишга туширилиб нафас ҳаракатлари қоғоз тасмасига ёзилади. Кейин ҳайвоннинг биқин териси остига 1,0–1,5 мл 10% ли натрий нордон азоти эритмаси юборилади. 5–10 дақиқа ўтгандан кейин кимограф яна ишга туширилади ва даврли нафас ёзib олинади.

2-иши. Каламушда экспериментал асфиксия.

Каламуш тахтачага боғланади. Сон мушагига 100 г оғирлигига 0,1 мл ҳисобида 10% ли гексенал эритмаси юборилади. Наркоз бошлангандан кейин каламуш бўйнида бўғиз очилади ва унинг тагига лигатура ўтказилади. Эпигастрал соҳа терисига Менделеевнинг ёпишқоқ қоришмаси ёрдамида илгак ўрнатилади, унга кимограф билан уланган ип боғланади. Даствабки нафас ёзилиб, бўғиз унга қўйилган лигатура ёрдамида аста-секинлик билан қисилади ва асфиксияга хос нафас ҳаракати бузилишлари (инспиратор ва экспиратор ҳансираш, апноэ, терминал нафас) регистрация қилинади.

Жиҳозлар: бақалар, каламушлар, бақа учун тахтача, каламуш учун столча, кимограф, ёзувчи пишантчалар, серфинкалар, 10% ли натрий нордон азоти эритмаси, 10% ли гексенал эритмаси, шприц, қайчилар, пинцетлар, Менделеевнинг ёпишқоқ қоришмаси, симдан тайёрланган илгак, иплар.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнкималарни ўзлаштириш

Куйидаги ишлар бажарилади:

1) бақада даврли нафасни экспериментда чақириш; **2)** каламушда экспериментал даврли нафас.

Амалий кўнилмалар:

- 1) ҳар хил ҳайвонларда (бақа, каламуш ва б.к.) нафасни санаш;
- 2) назоратдаги ҳайвонларда ҳар хил таъсиротларда кимографга нафасни ёзишни билиш.

Эксперимент баённомаси ва хулосаларни ёзиш

Талаба мустақил равишда бақада даврли нафас, каламушда асфиксия ривожланишини кузатиш асосида баённома тузади. Баённомада нафас етишмовчилиги ривожланиш белгиларининг бирин-кетинлиги қайд қилинади, патологик жараён ривожланишида компенсатор ва аслида патологик ўзгаришларга баҳо берилади, уларнинг ривожланиш механизми тўғрисида хулоса қилинади.

Вазиятли масалаларни ечиш

1-масала. Тажрибада итларни ташқи мұхит юқори ҳарорати ва кислород етишмовчилигига сақлаб уларда нафас бузилишлари чақирилган. Итларда экспериментнинг айрим босқичларида қисқа муддатли нафас тұхташ даврларидан кейин нафаснинг аста - секинлик билан чукурлашиши ва нафас ҳаракатларининг кучайиши билан кечадиган нотекис нафас ривожланган. Нафас чукурлиги ва сони маълум даражага етгандан кейин нафас ҳаракатлари аста - секин камая бошлаган ва нафас тұхтаган.

Экспериментда ташқи нафас бузилишининг қайси шакли олинган?

2-масала. Итларда ўпка тұқымасига 3 мл қайноқ стерил сув юбориши орқали ўпка ўткир яллигланиши чақирилган. Тажрибадаги ҳайвонларда альтерацияловчи агент юборилишининг 3-кунида ташқи нафас эффективлиги текширилган. Артериал қоннинг кислородга түйинишининг камайиши, қонда СО₂ миқдори ўзгармаганлиги аниқланган. Экспериментал итларда газлар алмашинувининг бузилиши гипоксемия билан намоён бўлиб, гиперкапния ривожланмаслиги ҳолатини қандай тушунтириш мумкин?

3-масала. Бемор А., 43 ёнда, ўтга чидамли ғишт прессловчиси бўлиб ишлайди, иш стажи 20 йил. Шикоятлари: жисмоний зўришида ҳансираш пайдо бўлиши, ишни бажара олмаслиги. Текширганда терининг оқимтирилиги эътиборни ўзига жалб қиласади. Кўкрак қафаси тўғри шаклда, икки томони ҳам нафасда фаол иштирок қиласади. Ўпка қирғоқларининг ҳаракати чекланган. Нафас қаттиқ, тарқалган, қуруқ хириллашлар эшитилади. Рентгенографияда ўпка расми катақчали пневмосклероз типида ўзгарган. Ташқи нафас эффективлиги ўртача камайган — артериал қоннинг кислородга түйиниши 74% ни ташкил қиласади.

1. Бу мисолда ташқи нафас тизими қайси звеноси функциясининг бузилиши нафас етишмовчилигига олиб келган?

2. Беморда ҳансирашнинг фақат жисмоний зўриқишида ривожланнишини қандай тушунтириш мумкин?

4-масала. Бемор К., 8 ёшда, сабабсиз пайдо бўладиган нафас қисилиши хуружларининг тезлашганига шикоят қиласиди. Хуруж вақтида нафас олиш қийинлашади, йўтал пайдо бўлади, шилимишиб тупик ажралади. Нафас чиқараёттанды шовуллаган хирилланшлар эшиллади. Анамнезида — 5 ёшидан бронхиал астма аниқланган.

1. Ҳансирашнинг қайси типи бу патологияга хос?

2. Бу мисолда нафас қисиш хуружи вақтида ўпка ветиляцияси бузилишининг қайси типи мавжуд?

5-масала. Бемор В., 56 ёшда, қандли диабет билан касалланганига 20 йил бўлган. Клиникага прекоматоз ҳолатида: бош оғриши, қувватсизлик, кўнгил айниши, ланжлик, кескин ҳансираш билан олиб келинган. Кўлланилган чора-тадбирларга қарамасдан bemornining ахволи оғирлашган. Диабетик кома ривожланган. Бемор хушини йўқотган. Пульс тезлашган, суст, артериал қон босими пасайган.

Беморнинг коматоз ҳолатида ҳансираш сақланадими?

6-масала. Бемор Б., 56 ёшда, неврологик бўлимга мия инсульт билан келиб тушган. Қабул қилинганда ахволи оғир бўлган. Чейн - Стокс типида даврли нафас кузатилади. Стационарда бўлишининг иккинчи кунида Чейн - Стокс даврли нафаси, Биот даврли нафасига алмашган.

1. Биот даврли нафаси ҳосил бўлишини яхши прогностик белги деб ҳисоблаш мумкинми?

2. Даврли нафас патогенезида қайси омил асосий аҳамиятга эга?

7-масала. Дифтерия билан касалланган болада бўғиз шишиши ривожланган.

1. Бу мисолда нафас етишмовчилигининг қайси тури ривожланади ва нима учун?

2. Болада нафаснинг қайси типи учрайди?

3. Пайдо бўлган диспноэ механизмини тушунтиришинг?

Интеграция амалга оширилиши лозим бўлган фанлар

1. Патанатомия.

2. Ички касалликлар.

3. Болалар касалликлари.

**М а в з у : ЖИГАР ПАТОФИЗИОЛОГИЯСИ.
ЖИГАР ФУНКЦИЯСИ ЕТИШМОВЧИЛИГИ. ЎТ ҲОСИЛ
Бўлиши ва ажралишининг бузилишлари**

Машгулот мақсади. Талаба қўйидагиларни билиши керак:

- 1) жигар касалликларида ривожланадиган асосий патофизиологик синдромлар патогенезини;
- 2) жигарда турли патологик жараёнларда модда алмашинуви бузилишини тушунтиришни;
- 3) жигарда турли патологик жараёнларда ўт пигментлари алмашинуви ўзгаришларини аниқлаш ва тушунтиришни;
- 4) экспериментда организмга ўтнинг умум токсик, юрак-томир ва асаб тизимига таъсири қилишини чақиришни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

**Кичик курслардаги фашлар бўйича заминий билимлар
даражасини текшириш**

1. Жигарнинг организмдаги роли.
2. Жигар бўлакчасининг тузилиши.
3. Жигарнинг антитоксик функцияси.
4. Жигарнинг углевод алмашинуvida иштироки.
5. Жигарнинг оқсил алмашинуvida иштироки.
6. Жигарнинг ёғ алмашинуvida иштироки.
7. Ўт пуфаги, унинг физиологияси.
8. Ўт чиқариш йўллари физиологияси.
9. Ўт таркиби.
10. Ўт пигментларининг ҳосил бўлиши ва айланиши. Бевосита ва билвосита билирубин.
11. Боланинг она қорнидаги даврида унинг жигар функциясининг хусусиятлари

Мустақил тайёрланиш учун кўрсатмалар

Асосий адабиётлар:

- Патологическая физиология /Под ред. чл.-корр. АМН СССР Н. Н. Зайко. -2- е изд., перераб. и доп. -Киев: Вища школа, 1985. с. 453-467.
- Патологическая физиология /Под ред. А. Д. Адо и Л. М. Ишимовой - 2- е изд., перераб. и доп. - М.: Медицина, 1980. с. 401-411.

Патологическая физиология /Под ред. акад. РАМН А. Д. Адо и проф. В. В. Новицкого. Томск, изд- во Томского ун-та, 1994, с. 377- 385.

Н. Х. Абдуллаев, Х. Ё. Каримов /Патофизиология. Т., Абу Али ибн Сино номидаги тиббиёт нашриёти, 1998, б. 425-429.

Қўшимча адабиётлар:

Бондарь З. А. Клиническая гепатология. - М.: Медицина, 1970.- с. 407.

Гольберг А. М. Очерки физиологии и патофизиологии гепатолиенальной системы. М.: Медицина, 1974.

Детские болезни /Под ред. чл. - корр. АМН СССР проф. Л. А. Исаевой. - М.: Медицина, 1987. с. 128-136.

Дунаевский О. А. Дифференциальная диагностика заболеваний печени. - 2-е изд. перераб. и доп. - Л.: Медицина, 1985, с. 263.

Козловская Л. В., Николаев А. Ю. Учебное пособие по клиническим лабораторным методам исследования. - 2-е изд. - М.: Медицина, 1984. с. 187-188.

Подымова С. Д. Болезни печени. Руководство для врачей. М.: Медицина, 1993. -с. 554.

Руководство к практическим занятиям по патологической физиологии /Под ред. чл. - корр. АМН СССР Н. Н. Зайко, проф. Л. Я. Даниловой, - Киев: Вища школа, 1987. с. 152-158.

Соринсон С. Н. Вирусные гепатиты. - Л.: Медицина, - Рига: РМИ. 1982. - с. 484.

Физиология человека: В 4-х томах. Т. 4. пер. с анг. /Под ред. Р. Шмидта и Г. Тевса. - М.: Мир. 1986. с. 127-129.

Экспериментальная патология печени: Алкоголь и печень (отв. ред. проф. И. Д. Мансурова) - Душанбе: Дониш, 1976. -с. 215

Асосий ўқув саволлари

1. Жигар касалликлари ва жигар функцияси етишмовчилигининг умумий этиологияси ва патогенези.
2. Жигарнинг заарсизлантириш функцияси етишмовчилигида модда алмашинуви бузилишлари.
3. Жигар функцияси етишмовчилигида гипотензия механизми.
4. Жигар комаси патогенези.
5. Портал гипертензия: этиологияси ва патогенези. Гепатолиенал синдром.
6. Сариқлик нима? Механик (жигар ости), паренхиматоз (жигар) ва гемолитик (жигар усти) сариқликлар патогенези.
7. Ўт тошларининг ҳосил бўлиши.
8. Чақалоқлар гемолитик сариқлиги.
9. Жигар функциясини экспериментал ўрганиш.

Аннотация

Жигар касалликлари этиологияси. 1. Экзоген омиилар: а) инфекция қўзғатувчилар ва уларнинг токсинлари (гепатит А, В вируслари,

безгак, сил касали ва б.к.); б) паразитлар (эхинококк ва б.к.); в) химёвий моддалар (фосфор, тўртхлорли углерод, наркотиклар, алкогол, доривор препаратлар); г) травмалар (урилишлар, узилишлар ва б.к.). 2. Эндоген омиллар: а) бузилган модда алмашинуви маҳсулотлари ва оксилининг ичакда чириши (индол, скатол ва б.к.); б) жигар ичи гемодинамикасининг жигар веналари окклузиясида (лат. *occlusio* — бекилиш) бузилиши; в) юрак-томир тизими касалликлари (юрак декомпенсациясида жигарда қон димланиши); г) бириктирувчи тўқума тизимли касалликлари; д) эндокрин тизим касалликлари; е) ўт-тош касалликлари, холециститлар; ж) овқат ҳазм қилиш органлари сурункали касалликлари; з) жигар бирламчи ва метастатик ўсмалари.

Жигар ва бошқа аъзо ва тизимлар касалликлари жигар функцияси етишмовчилигига олиб келиши мумкин. У патогенези бўйича икки турга бўлинади: бирламчи — бевосита жигар касалликларида (гепатитлар, циррозлар) ва иккиласми — қон айланиш аъзолари, овқат ҳазм қилиш тизимлари касалликларида, модда алмашинуви бузилишларида (амилоидоз, коллагенозлар), ўт ҳосил бўлиши ва ажралиши бузилишлари оқибатида ривожланади. Бундан ташқари кечишига қараб жигар функцияси етишмовчилиги ўткир ва сурункали бўлиши мумкин.

Жигар функцияси етишмовчилигининг морфологик асослари холестаз, гепатоцитларнинг дистрофик ва некробиотик ўзгаришлири, некроз ва мезенхимал реакциялардан иборат. Ўткир жигар функцияси етишмовчилигига жигарнинг ўткир массив некрози, сурункали турида — гепатоцитларнинг оғир диффуз дистрофик ўзгаришлиари ва паренхиманинг авж олувчи, жигар тўқимасининг бўм-бўш бўлиб қолишигача етувчи некрози кузатилади. Сурункали жигар функцияси етишмовчилигининг ўзига хос морфологик варианти — жигар ҳужайраларининг мезенхимал реакциясиз, ҳужайра органеллаларининг (эндоплазматик тўр, митохондриялар) диффуз шикастланиши билан кечадиган баллон дистрофияси ҳисобланади.

Жигар функцияси етишмовчилигининг икки босқичи фарқ қилинади: 1) биокимёвий ёки преморфологик босқич — қайтар ҳисобланади; 2) морфологик ёки қайтмайдиган босқич. Биокимёвий босқичда оксидланиш жараёнлари ва аввало оксидланиш ва фосфорланишнинг бир-бирига мувофиқлиги бузилиши кузатилади. Мальумки бу жараёнлар митохондрияларда кечади ва АТФ концентрациясига боғлиқ. Жигар функцияси етишмовчилигига гепатоцитларда АТФ ва НАД камаяди, электролитик мувозанат бузилади, ҳужайра мембранныи ўтказувчанлиги ошади. Митохондрияларга кальций киради, у оксидловчи фосфорланишни тормозлайди, натижада энергия сарф қилинишини талаб қиласидиган қатор жараёнлар — оқсил,

сийдикчил, гиппур кислота ва б.қ. лар синтези бузилади. Кўрсатилган ўзгаришларнинг авж олишида муҳим ролни лизосомалар деструкцияси ўйнайди. Оксидланувчи фосфорланишининг бузилиши билан боғлиқ лизосомалар мембранасининг дезинтеграцияланиши мембрананинг ёрилишига ва цитоплазмага гидролитик ферментларнинг — рибонуклеазалар, дезоксирибонуклеазалар, нордон фосфатазалар, катепсин ва б.қ.ларнинг чиқишига олиб келади. Бу хужайра асосий тузилмаларининг парчаланишига сабаб бўлади ва ўзгаришлар хужайра некрози билан тугайди.

Жигар функцияси етишмовчилигида углеводлар алмашинуви бузилишлари гликоген синтези ва унинг жигарда йиғилишининг камайиши, гликоген парчаланиши ва углеводларнинг ноуглевод моддалардан (оқсил ва ёғ парчаланиш маҳсулотлари) ҳосил бўлишининг бузилишлари, глюкозанинг катта қон айланиш доирасига тушишининг камайиши ва гепатоген гипогликемия (қонда қоннинг миқдори 0,45—0,40 г/л дан камайиши гипогликемик комага олиб келиши мумкин) ривожланишига, галактоза ва фруктозаларнинг глюкозага айланишининг бузилишига олиб келади. Патологик ўзгарган жигарда гликоген миқдорининг камайиши унинг заарсизлантирувчи функциясининг пасайишига олиб келади, чунки бу жараёнда гликоген глюкурон кислотага айланиши орқали иштирок қиласи.

Жигар функцияси етишмовчилигида ёғ алмашинуви бузилиши ёғ кислоталари, нейтрал ёёлар, фосфолипидлар, холестерин ва унинг эфирлари синтези ва парчаланишининг бузилишлари билан намоён бўлади. Фосфолипидлар ҳосил бўлиши камаяди, ёғ кислоталари оксидланишининг бузилиши ва эндоген ёғнинг жигарга кўп миқдорда кириши унинг ёғли инфильтрациясига (дистрофиясига) олиб келади. Бу ўзгаришлар натижасида кетон таначаларининг (ацетон, ацето-сирка, в- оксимой кислоталари) миқдори кўпаяди. Уларнинг тўпланиши кетоацидознинг ривожланишига олиб келади.

Жигар функцияси етишмовчилигида оқсил алмашинуви бузилиши сабаблари қуйидагилардан иборат: а) оқсил ва аминокислоталардан бошқа азот ушловчи моддаларнинг (холин, глютатион, таурин, этаноламин) синтезланишининг бузилиши; б) аминокислоталарнинг дезаминланиш, трансаминланиш ва декарбоксилланиш реакцияларида парчаланишининг ўзгариши; в) сийдикчил ҳосил бўлишининг бузилиши.

Оқсил синтези бузилиши жигар функцияси етишмовчилигининг биринчи белгиларидан ҳисобланади. Унинг натижасида қон плазмаси оқсилларининг миқдорий ва сифатий ўзгариши рўй беради. Дастрлаб жигар паренхимаси шикастланишида ноноормал сифатий ўзгарган глобулинлар — парапротеинлар ҳосил бўлади. Жигар функциясининг жиддийроқ бузилиши альбуминлар, α - ва β - глобулинлар миқдо-

рининг камайишига олиб келади (жигарда нормада қондаги альбуминларнинг ҳаммаси, глобулинларнинг 80% гача бўлган миқдори синтезланади), глобулинлар миқдори эса камаймайди (улар лимфатик тўқимада ва қўмида синтезланади). Жигар шикастланишида фибриноген ва қон ивиши бошқа компонентларининг синтези ҳам пасаяди ва уларнинг қонда миқдори камаяди. Буларнинг ҳаммасининг оқибати гипопротеинемия ва у билан боғлиқ гипоонкия, сув алмашинувининг бузилишлари ва геморрагик синдром ривожланишидир.

Аминокислоталар парчаланишининг бузилиши жигар ҳужайраларида АТФ ва пиридин нуклеотидлари камайиши натижасида келиб чиқади. Бунда аминокислоталар парчаланишининг асосий йўли — оксидланиш дезаминланишида — оралиқ босқичлари орқали α -кето-кислоталар ва сийдикчил ҳосил бўлиши ишдан чиқади. Жигар паренхимаси шикастланиши переаминланиш жараёнининг ҳам бузилишига олиб келади, натижада аминокислоталар ва у билан бирга оқсил синтези камаяди.

Юқорида кўрсатилган ўзгаришлар билан бир қаторда жигар паренхимаси шикастланиши ва АТФ камайишида қонда аммиак, азот аминининг кўпайиши, қон ва сийдикда сийдикчил ва сийдик кислотаси камайиши кузатилади. Организмда аммиак тўпланиши унинг заҳарланишига олиб келади, у айниқса МАТ томонидан кучли намоён бўлади.

Оқсил синтезининг камайиши ҳар хил ферментлар: катепсинлар, эстеразалар ва ҳ.к. фаоллигининг ўзгаришига ҳам олиб келади, чунки жигар оқсилларининг кўпчилик қисмини оқсили ферментлар ташкил қиласади.

Жигар ҳужайраларининг функционал етишмовчилиги витаминлар ва гормонлар алмашинуви бузилиши билан кечади. Жумладан, жигар паренхимаси шикастланиши ва ўт ажralишининг бузилиши А, Д, Е, К, С ва В груҳи витаминлар гиповитаминозига олиб келади, чунки улар жигарда деполанади, улардан айримлари эса (ёғда эрувчи витаминлар) ўт кислоталари иштирокида шимилади; жигарда ундан ташқари В груҳи витаминлари коферментларга айланади. Жигарнинг гормонларни (тироксин, антидиуретик гормон, буйрак усти бези стероидлари, андрогенлар ва эстерогенлар) парчалаш хусусияти камаяди, бу уларнинг қонда кўп миқдорда циркуляция қилишига ва организмда гормонал регуляциянинг бузилишига олиб келади.

Жигарда ферментатив жараёнларнинг бузилиши унинг зарарсизлантириш функциясининг пасайишига олиб келади. Нормада жигарда кўп токсик бирикмалар маътум кимёвий ўзгаришлардан кейин, жумладан метилланиш, оксидланиш, қайта тикланиш ва айниқса

глюкурон, сульфат кислоталари, гликокол ва цистеинлар билан жуфт бирикмалар ҳосил бўлиши натижасида заарсизроқ бўлиб қолади. Жигарда айрим моддаларнинг (хинин, морфин, барбитуратлар, гистамин, новокаин, дигиталис ва б.к.) парчаланишининг бузилиши натижасида уларнинг заарллиги заҳарланиш симптомлари пайдо бўлишигача ошиши мумкин. Жигар экскретор функциясининг ўт ажралишининг қийинлашишида бузилиши ҳам организмда заҳарли моддаларнинг тўпланишига олиб келади. Агарда жигар ферментлари фаоллиги дори-дармонларга нисбатан ошса, уларга сезирлик камаяди ва кўпинча препаратларга ўрганиб қолиш келиб чиқади.

Жигар функцияси етишмовчилигида адреналин, креатин, метилникотинамидларнинг метил гурухларидан (уларнинг донаторлари метионин, холин, бетаин ҳисобланади) ҳосил бўлиши кескин ўзгаради. Жигарнинг РЭС хужайраларининг шикастланиши кўп микроблар ва улар токсинларининг ва хилма – хил коллоид бирикмаларнинг ушлаб қолиниши, ҳазм бўлиши ва нейтрализацияланишининг бузилишига олиб келади.

Жигар функциясининг етишмовчилиги кўпинча артериал босимнинг пасайиши билан кечади ва у холинэстераза фаоллигининг камайиши, томирларнинг кенгайишига олиб келувчи ферритиннинг кўп ҳосил бўлиши, жигарда гипертензиноген синтезининг камайиши (рениннинг гипертензин ҳосил қилиши учун субстрати йўқ) билан боғлиқ бўлиши мумкин. Тери томирларининг кенгайиши телангиэктазиялар, тери ангиомалари ва қўл кафти эритемаларининг пайдо бўлишига олиб келади.

Жигар комаси – жигар функцияси етишмовчилигининг оғир кўриниши бўлиб, МАТ токсик шикастланиши ва чуқур асад - руҳий бузилишлар билан намоён бўлади. Жигар комасининг сабаби жигарнинг турли хил касалликлари, кўпинча вирусли гепатит, жигар ўткир дистрофияси, цирроз, жигарда қон айланишининг ўткир бузилишлари, портал гипертензия синдроми, сурункали механик сариқлик бўлиши мумкин.

Гепатоцитлар антитоксик функциясининг бузилишида ёки қопқа ва ковак веналари орасида коллатерал қон айланишининг (портал гипертензия) мавжудлигига қонда аммиак, фенол, токсик полипептидлар, ичакдан келадиган ва патологик ўзгарган жигарда заарсизлантирилмаган аминокислоталарнинг бактериал декарбоксиранниш маҳсулотлари тўпланади. Жигар комасининг асосий механизмига сув-электролит алмашинуви силжишлари (иккиласмичи гиперальдостеронизм натижасида гипокалиемия), қонда сут ва пироузум кислоталарининг йифилиши ва у билан боғлиқ ишқорий резервнинг камайиши, сийдикчил синтезининг бузилиши натижасида қонда

аммиак миқдорининг кўпайиши ва б.қ.лар киради. МАТ интоксикацияланиш симптомлари: апатия, уйқусираш, серзардалилик, мушаклар регидлиги, босинқираш, талваса, Куссмаул типидаги нафас, оғиздан жигар ҳиди келиши каби белгилар пайдо бўлади.

Портал гипертензия (ПГ) — портал тизимда қон айланиши қийинлашиши натижасида келиб чиқадиган ўзгаришлар комплексини ифодалаш учун кўлланилади. ПГ нинг асосий белгилари v. porta тизимида қон босимининг юқори бўлиши, спленомегалия, қизилўнгач, меъда ва қорин девори веналарининг варикоз кенгайиши, қон кетиши ва асцитдан иборат.

ПГ нинг сабаблари қуйидагилар бўлиши мумкин: 1) жигардан ташқари — буларга дарвоза ва талоқ веналарининг жигаргача бўлган қисми склерози, тромбози, ўсма билан қисилиши киради. Перикарднинг ёпишиши (спайка) ёки юрак ўнг қоринчаси етишмовчилигига ковак ва жигар веналарида босимнинг 10—30 см сув уст.га кўтарилиши ҳам дарвоза вена тизимида босимнинг ошишига яъни ПГ га олиб келади; 2) жигар билан боғлиқ сабаблар — жигар ширрозида, жигар ва дарвоза веналари тармоқларининг бириктирувчи тўқума билан қисилишида жигар ичидаги томир қаршилигининг ошиши оқибатида ривожланади.

ПГ патогенизида муҳим ўринни компенсатор коллатерал қон айланишининг мавжуд томирлар ва янги ҳосил бўладиган томирлар ҳисобига вужудга келиши эгаллайди. Коллатераллар дарвоза венаси тизимининг ковак венаси билан (портокавал анастомозлар), жигар артериялари билан (артерио — портал анастомозлар) ва синусоидларсиз янги ҳосил бўлган томирлар орқали жигар веналари билан (ички гепато — портал шунтланиш) боғлайди. Қорин деворида «мездуза боши» вена тўри шаклида ҳосил бўлади.

Анастомозлар қон айланишини бирмунча яхшилади, қорин ўзанида унинг димланишини сусайтиради ва ПГ ни пасайтиради. Аммо улар ПГ кечишини қийинлаштирувчи қўшимча патологик ўзгаришлар чақиради, масалан қизилўнгач пастки қисми ва меъданинг кардиал бўлими варикоз тутунларидан қон кетиши мумкин (чунки веналар бу ерда бевосита шиллиқ қават остида жойлашган ва ютинганда, овқат қабул қилганда енгил лат ейиши, ёрилиши мумкин). Бу ўзгаришлар шу билан ҳам хавфлики, у қон ивишининг камайишига олиб келувчи жигар функцияси етишмовчилиги билан бирга кечади.

ПГ да қорин бўшлиғи аъзоларида қон димланиши умумий гемодинамиканинг бузилишига олиб келади. Артериал босим, юрак зарб ва дақиқалик ҳажми, О₂ ўзлаштирилиши тахикардия ва гиповолемия фонида камаяди. Аммо сув — туз алмашинуви бузилиши ва асцит ривожланган сари циркульяциядаги қон ҳажми (ЦКХ) ошади ва умумий ҳолатнинг кескин ёмонлашишига қарамасдан, дақиқа-

лик ҳажмнинг, артериал босимнинг ва O_2 ўзлаштирилишининг ошиши билан кечади. Бундан ташқари қон димланиши қорин бўшлиғи аъзолари ҳолатида ўз аксини топади. Жумладан меъда ости безида қон димланиши унда дегенератив ва атрофик ўзгаришлар чақиради ва унинг функциясини сусайтиради. Меъда ва ичакда қон димланиши бу аъзоларнинг секретор ва сўрилиш хусусиятларининг бузилишига олиб келади. Шунинг учун ҳам ПГ билан оғриган беморларда озиқовқатлар ўзлаштириши ёмонлашади ва улар нисбатан тез вақт ичидаги озиб кетадилар.

ПГ кўпинча асцит билан бирга кечади. Асцитнинг ривожланишига қуйидаги омиллар имкон беради: 1) дарвоза венасида босимнинг кўтарилиши, унинг натижасида суюқлик қорин пардаси, чарви ва ичак майдада томирларидан қорин бўшлиғига чиқа бошлайди; 2) қорин пардаси сўриш хусусиятининг пасайиши; 3) циррозда кўп ҳосил бўладиган лимфа суюқлиги оқиб кетишининг қийинлашиши лимфатик капиллярлар ёрилишига ва лимфатик суюқликнинг қорин бўшлиғига қўйилишига олиб келиши мумкин; 4) жигар функцияси бузилиши билан боғлиқ гипопротеинемия гипоонкияга олиб келади, натижада капиллярлар орқали транссудация кучаяди; 5) альдостерон фаоллигининг ошиши натижасида тўқимада Na ушланиши (шикастланган жигарда альдостерон етарли даражада инактивланади, унинг концентрацияси қонда ошади; бундан ташқари гиперальдостеронизм қоннинг қайта тақсимланиши – унинг қорин томир ўзанида деполаниши натижасида рениннинг кўп ажралишига ва ЦКХ, шу жумладан буйракка қон олиб келувчи артериолалардан қон оқишининг камайишига ҳам боғлиқ); 6) АДГ секрецияси ошиши ва организмда H_2O ушланиб қолиши; 7) буйрак функциясининг бузилиши.

Гепатолиенал синдром – жигар ва талоқнинг ёнма – ён (параллел) шикастланиши бўлиб, талоқ гиперплазияси билан намоён бўлади. Гепатит, цирроз, Банти ва Гоше ва б.к. касалликларда учрайди. Талоқнинг катталашиши (спленомегалия) жигарда қон айланишининг бузилиши ёки иккита аъзонинг ҳам бир вақтда шикастланиши натижасида бириктирувчи тўқима элементларининг ўсиши билан боғлиқ бўлиши мумкин. Талоқ асосий қон резервуарларидан бири бўлганлиги туфайли ПГ да қон димланиши табиийки, юқори даражага етади ва бошқа аъзоларга қараганда илгарироқ ривожланади. Аммо жигар шикастланишида спленомегалияни фақат ПГ билан тушунтириб бўлмайди. Иккита аъзо ишининг қўшилган ҳолда бузилиши уларга хос кўргина умумий хусусиятлар билан ҳам тушунтирилади. Булардан бири жигар ва талоқнинг ретикулоэндотелиал тўқимага бой бўлиши яъни модда алмашинуви, иммунитет ва гемолиз каби бир хил жараёнларда иштирок қилиши. Иккинчи бир хусусияти, улардаги

кенг тарқалған қон ўзани ва қоннинг секин оқиши. Шундай қилиб, жигар ва талоқ катталашишининг бирга қўшилиши уларнинг турли сабаблар (инфекция – токсинлар) таъсирида касаллик жараёнiga бир вақтда жалб қилиниши билан тушунтирилиши мумкин.

Сариқлик (icterus) – жигар, ўт йўллари шикастланишида ривожланадиган ва тери қатлами ва шиллиқ қаватларнинг сариқ рангта бўялиши билан кечадиган симптомокомплекс ҳисобланади.

Агар қонда билирубин миқдори 0,05 г/л дан (34 мкмоль/л) кўп бўлса тери сариқ рангта бўялади. Сариқликнинг учта тури фарқ қилинади: 1) механик; 2) паренхиматоз; 3) гемолитик.

Механик (жигар усти) сариқлик. Бу сариқлик ўт йўлларининг тўлиқ ва қисман бекилиши натижасида ривожланади. Сариқлик чақиравчи сабаблар: жигар ва умумий ўт найчасининг тош, ўсма, паразитлар билан бекилиши, ўт йўлларининг кисталар билан қисилиши ва операциядан кейин ҳосил бўладиган чандиқ натижасида торайиши, ўт пуфаги иннервациясининг бузилиши натижасида дискинезияга учраши ва б. қ. лар бўлиши мумкин. Механик сариқликда қонда асосан бевосита (боғланган) билирубин миқдори кўпаяди, сийдикда уробилин бўлмайди, ахлат билан скеркобилиннинг ажралishi камайган ёки ўт йўллари қисман бекилишида бирмунча ошган бўлади. Қонда ўтнинг бошқа таркибий қисмлари, шу жумладан заҳарли хусусиятга эга бўлган ўт кислоталари (холемия) ҳам аниқланади. Бу билан тери қичиши, брадикардия, гипотония сингари симптомларнинг пайдо бўлиши тушунтирилади. Ўтнинг ичакка тушмаслиги натижасида унда ҳазм жараёни кескин бузилади, кўпинча овқатлардаги ёғнинг 70% гача бўлган миқдори ахлат билан ажралади. Жигар ости сариқлигига қон ивиши тезлигининг пасайиши ҳам хос ва у ичакда витамин К сўрилишининг бузилиши ва жигарнинг оқсил ҳосил қилувчи функциясининг ишдан чиқиши билан боғлиқ.

Жигар (паренхиматоз) сариқлиги. Инфекцион жараёнларда (вирусли гепатит, Васильев – Вейл касаллиги), фосфор, хлороформ, маргимуш, эфир ва б. қ. лар билан заҳарланганда ривожланади. Қон томондан ўзгаришлар: бевосита билирубиннинг бўлиши, бильвосита билирубиннинг кўпайиши, ўт кислоталарининг учраши. Сийдикда уробилиноген миқдорининг кўпайиши хос, бундан ташқари сийдикда ўт кислоталари аниқланади. Сийдикнинг қорамтири тусда бўлиши билирубинемия (бевосита билирубин) ва уробилинурияга (қонга ичакдан сўриладиган ва жигарга тушадиган уробилиногеннинг ўзлаштирилиши яъни билирубинга айланиши бузилган) боғлиқ.

Жигар сариқлигининг жигар – ҳужайрали, холестатик ва энзимопатик хиллари фарқ қилинади. Биринчи хилида жигар функциясининг комплекс бузилишига хос метаболизм жараёни ва билирубин транспорти ўзгаришлари кузатилади. Жигар – ҳужайрали сариқ-

лик асосида жигар хужайраси етишмовчилигига олиб келадиган гепатоцитлар функцияси ва структурасининг шикастланиши – цитолитик синдром ётади. Холестатик сариқлик ёки жигар ичи холестази мустақил ўзгариш ёки кўпинча цитолитик синдром асорати сифатида намоён бўлади. Ўт тўпланиши (холестаз) ҳам гепатоцитларда – ўт компонентлари метаболизми бузилган ҳолатларда ҳам ўт йўллари томонидан кузатилиши мумкин. Энзимопатик сариқлик наслий пигментли гепатозларда ривожланади, унда билирубин алмашинувининг жигар ичи у ёки бу фазаси бузилади, аммо жигарнинг билирубин алмашинуви билан боғлиқ бўлмаган функцияси унча ўзгармайди.

Паринхиматоз сариқликда юрак – томир тизими томонидан брадикардия, гипотония (адашган нервнинг ўт кислоталари билан қитиқланиши) кузатилади. ОИТ да (ошқозон-ичак трактида) ёғларнинг ҳазм бўлиши, ёғда эрувчи витаминалар сўрилишининг бузилиши, диспептик ҳолатлар учрайди, ахлат рангизланади (ахолик ахлат), жигарнинг функционал бузилишлари яққол кўринади.

Гемолитик сариқлик. Эритроцитларнинг юқори даражада гемолизи гуфайли ривожланади, кўп микдорда қонда циркуляция қилувчи билвосита билирубин ҳосил бўлади. Гемолитик сариқлик фенилгидразин, илон заҳари, маргимушли водород билан заҳарланганда, эритроцитларнинг турли токсинлар ва микроорганизмлар билан шикастланишида, гуруҳи мос келмайдиган қон қўйилганда ҳосил бўлади. Кучли гемолизда гемоглобин билирубинга шунча кўп микдорда айланадики, у жигар томонидан ўзлаштирила олмайди ва ўт билан ажралади. Гемолитик сариқлик қонда кўп микдорда билвосита билирубиннинг тўпланиши билан тавсифланади, бу билирубин сийдикка ўтмайди. Гемолитик сариқликда қонда ўт кислоталари ва холестерин йигилмайди. Ахлат тўқ сариқ рангда, сийдик унда кўп микдорда уробилиноген (стеркобилиноген) бўлиши туфайли қорамтири тусда бўлади.

Холемия – қонда ўт кислоталари тузларининг пайдо бўлиши – МАТ функцияси, қон таркиби, қон айланишининг бузилишига олиб келади. МАТ томонидан умумий кўзгалувчанлик кузатилади, кейин бу ҳолат унинг сусайиши ва периферик рецепторлар кўзгалувчалигининг пасайиши билан алмашади. Бундай беморлар кўпинча апатик ҳолатда бўлади, уларда оғриқ сезгиси пасаяди. Холемиянинг кўп учрайдиган симтомларидан бири тери қичиши ҳисобланади, у теридаги асаб охирларининг ўт кислоталари тузлари билан қитиқланиши натижасида пайдо бўлади.

Қонда ўт кислоталари тузларининг кўп микдорда тўпланиши томирлар кенгайиши ва брадикардия ҳосил бўлиши оқибатида артериал қон босимининг пасайиши билан кечади. Юрак уришининг сийраклашиши бир вақтда ҳам ўтнинг юрак мушаклари асаб аппара-

тига бевосита таъсири, ҳам адашган асаб марказининг томир девори рецепторлари қитиқланишида қўзғалиши ёки ўт кислота тузларининг адашган асаб марказига бевосита таъсир қилиши билан боғлиқ бўлиши мумкин.

Жигарда протромбин ва фибриногенларнинг кам ҳосил бўлиши билан боғлиқ қон ивишининг пасайиши ҳам холемияга хос. Шу сабабли бурундан, меъдадан ва ичакдан қон кетиши мумкин.

Чақалоқлар сариқлиги. Унинг икки хили фарқланади: физиологик ва патологик. Физиологик хилига гипербилирубинемия хос ва чақалоқ ҳаётининг биринчи кунларида тери ва шиллиқ қаватнинг сарғиш рангта бўялиши билан кечади. Ахлат ва сийдик ўзгаришсиз, сийдикда ўт пигментлари аниқланмайди. Боланинг аҳволи сариқликнинг бу хилида ўзгармайди ва ҳаётининг 10-кунига бориб сариқлик ўтиб кетади. Сариқликнинг патологик хили чақалоқлар гемолитик касаллигига учрайди.

Чақалоқларнинг гемолитик касаллиги (ЧГК) – бу касаллик асосида она ва ҳомила эритроцитлари антигенининг мос келмаслигига боғлиқ эритроцитлар гемолизи ётади. У чақалоқларда 0,25–0,7% ҳолларда аниқланади ва перинатал ўлим тизимида 2,6 дан 7,1% гача учрайди. Касаллик асосан она ва ҳомила қонини Rh – омил бўйича, камроқ ҳолларда антиген гуруҳлари ва бошқа антиген тизимлари бўйича мос келмаслиги натижасида келиб чиқади. Rh – омил юқори антиген фаолликка эга ва 85% одамлар эритроцитларида учрайди ва бу одамлар Rh - мусбат дейилади.

Касалликнинг изоиммун этиология назариясига биноан ҳомила Rh – омили йўлдош орқали Rh - манфий она қонига тушиб, Rh – антитана ҳосил бўлишини чақиради. Улар ўз навбатида йўлдош орқали ҳомила қонига киради, натижасида ҳомила ва чақалоқ эритроцитлари гемолизга учрайди. Агар гемолиз тезлиги жигарнинг коньюгациялаш имкониятидан юқори бўлса қон ўзанида билвосита билирубин йигифла бошлайди, тўқималарни бўяйди ва сариқлик ривожланади (билирубин 34 мкмоль/л, ёки 2 мг% дан юқори бўлганда). Қон ўзанида билвосита билирубин альбумин билан боғланади. Бу комплексдан унинг гематоэнцефалик тўсиқ (барьер) орқали диффузияланиши мумкин эмас, демак мия шикастланишининг олди олинади. Лекин билирубин миқдори 307 – 342 мкмоль/л га (18 –20 мг%) етганда гематоэнцефалик барьер билирубин учун ўтказувчан бўлиб қолади ва билвосита билирубин бош мияга етиб боради ва мияни, биринчи навбатда пўстлоғ ости ядроларини бўяйди ва шикастлайди – ядро сариқлиги (*icterus nuclearis*) пайдо бўлади. Билвосита билирубин тўқима заҳари бўлиб, оксидланиш жараёнларини тормозлайди, хужайраларда некрозгача бориб етадиган дегенератив ўзгаришлар чақиради.

ЧГК айрим синдромларнинг намоён бўлиш даражасига қараб унинг қуидаги шакллари фарқ қилинади: шиши (2%), сариқли (88%) ва анемик (10%).

Сариқли шакли — касалликнинг кўп учрайдиган ва одатда оғир кечадиган шакли ҳисобланади. Сариқлик бола туғилиши биланоқ ёки чақалоқ ҳаётининг биринчи, камдан — кам ҳолатларда, иккинчи кунида пайдо бўлади, сўнг интенсив равишда авж ола бошлайди, жигар ва талоқ қатталашади.

Билирубин билан заҳарланишнинг кучая бориши билан бирга бола аҳволи оғирлашади: улар бўшашади, кўп ухлайди, физиологик рефлекслар сусайди. 3—4- кунларга бориб билосита билирубин миқдори критик рақамга (307—342 мкмоль/л ёки 18—20 мг%) этиши мумкин ва ядро сариқлиги симптомлари (риgidлик энса мушакларининг қотиши оёқ ва юз мушаклари талвасаланиши, Грефе ва «ботаётган қуёш» симптомлари ва б.к.) пайдо бўлади.

Чақалоқ ҳаётининг биринчи ҳафтаси охирларида интенсив гемолиз фонида ҳосил бўлувчи холестаз туфайли ўтнинг ичакка чиқиши бузилади («ўт қуиқланиш синдроми») ва холестатик сариқлик белгилари пайдо бўлади, натижада тери яшилроқ тус олади, ахлат рангизланади, сийдик қорамтири рангга бўялади — пивони эслатади, қонда бевосита билирубин миқдори кўпаяди. Оғир ҳолатларда тери қатламишнинг сарғиши рангга бўялиши узоқ муддат — 5—6 ойлар ва ундан кўп давом этади.

ЧГК сариқлик шакли одатда гиперхром анемия билан кечади, унинг давом этиши касалликнинг оғирлиги ва даволаш усуllibарига боғлиқ бўлиб 2—3 ойгача чўзилиши мумкин.

Ўт тошлари. Ўт-тош касаллиги ўт йўлларининг энг кўп тарқалган касалликларидан бири бўлиб ҳисобланади. Ўт тошларининг асосий қисми (90% гача) холестериндан иборат, қолган 10% таркибида кўпинча нордон билирубинли кальций аниқланади. Пуфак ўти тўйинган эритма бўлиб, чўкинди ҳосил қилишга мойил. Нормада холестерин эритмада сузиб юрувчи мицел шаклида бўлади. Бундай ҳолатнинг сақланишида ўт кислота тузлари, лецитин ва холестерин орасидаги мувозанат катта аҳамиятга эга. Ўт — тош касаллигига чалинган одамларда пуфак ўти холестеринга ўта тўйинган ва у кристалл шаклида чўкиндига айланади. Ўтнинг турли компонентлари орасидаги нисбатнинг бузилиш сабаблари етарли даражада ўрганилмаган. Хенодезоксихол кислотанинг мунтазам равишда истеъмол қилиниши бу нисбатни яхши томонга ўзгартирарида ва холестеринли ўт тошлари ҳосил бўлишининг олдини олади. Хенодезоксихол кислотанинг узоқ муддат қабул қилиниши ҳатто ҳосил бўлган тошларнинг эриб кетишига ҳам олиб келиши мумкин. Тошларнинг нордон билирубинли кальцийдан ҳосил бўлиши, бу эримайдиган комплексдан

Эрувчан глюкуронидли билирубин ажралиб чиққанида кузатилади (масалан бактериал α – глюкуронидаза таъсирида).

Ўт тошлари: 1) радиал – шуъласимон – улар холестериндан иборат, холато – холестерин коэффицентининг (ўт кислоталари/холестерин) камайиши натижасида ҳосил бўлади ва ўт димланиши, унинг қуюқланиши, холестерин концентрацияси кўпайиши ва ўт кислоталар миқдорининг камайишида учрайди; 2) мураккаб холестерин – пигмент – тузлардан иборат тошлар – ўт пуфаги ва ўт йўллари яллиғланиши натижасида ҳосил бўлади; 3) пигментли тошлар – ўт димланиши билан боғлиқ гемолиз жараёнида ҳосил бўлади; 4) оҳакли тошлар – оқ, қаттиқ, ғадир-будир – яллиғланишда ҳужайраларга оҳак сингиши ва оқсил массасининг ўтириши натижасида келиб чиқади; 5) қора – яшил тусли пигментли – оҳакли тошлар – оқсил асосли ўт пигментларидан иборат бўлиши мумкин.

Жигар функциясини экспериментал ўрганиш усуllibари:

1) жигарнинг айрим қисмини олиб ташлаш – ҳатто унинг 75% нинг резекция қилиниши унинг функционал етишмовчилигини чақирмайди; 4–8 ҳафта ичида жигар ўзи массасини қолган қисми гиперплазияси ҳисобига тўла қайта тиклайди. Операциядан кейин дастлаб унда гликоген миқдори, глюкоза утилизацияси, айрим ферментлар активлиги камаяди ва нуклеин кислоталари ва оқсил синтези эса кескин кучаяди;

2) жигар артериясини боғлаш. Жигар артериясини боғлаш қўпинча унинг ишемияси ва инфекция натижасида ҳайвонларни ўлимга олиб келади; жигарнинг массив некрози ривожланади. Антибиотиклар юбориш некрознинг олдини олади. 10 кундан кейин коллатераллар кучли бўлиб қолиши туфайли, жигарда қон айланиши тўлиқ тикланиди, кислород билан таъминланиш етарли бўлганилиги сабабли анаэроб инфекция ривожланишига қаршилик юзага келади;

3) дарвоза венасини боғлаш – ҳайвонлар 1–2 соатдан кейин гемодинамиканинг чуқур бузилиши натижасида ўлади;

4) жигар венасини боғлаш – ҳайвонлар жигардан қон оқиб кетишининг қийинлашиши натижасида ўлади. Экспериментал циррозда веналарнинг қисман торайиши натижасида портал гипертензия ва асцит ривожланади;

5) Экк фистуласи: дарвоза венаси ва пастки ковак вена орасида анастомоз қўйилади ва унинг юқорисида дарвоза вена боғланади. Ичақдан келадиган заҳарли маҳсулотлар умумий қон айланишига тушиб, аутоинтоксикация чақиради;

6) Экк - Павлов фистуласи: худди Экк усулидагидек операция қилиниб анастомоз қўйилади, аммо дарвоза вена эмас, пастки ковак вена боғланади. Бунда пастки ковак вена тизимидағи ҳамма қон жигарга киради, натижада дарвоза вена тизимида қон димланади,

анастомозлар очилади, коллатерал қон айланиши кучаяди; жигар кўп миқдорда қон олганлиги туфайли унинг функциясида зўриқиш юзага келади, ҳамма қонни тозалай олмайди;

7) жигар экстирпацияси ёки унинг тўлиқ олиб ташланиши 2 босқичда ўтказилади. Биринчи босқич юқорида ёзилган (Экк- Павлов фистуласи). Иккинчи босқич: 4—5 ҳафтадан кейин, анастомозлар шаклланиши биланоқ дарвоза вена боғланади ва жигар тўлиқ олиб ташланади. 3 — 8 соат ўтгандан кейин гипогликемия симптомлари ривожланади, ахволни глюкоза юбориб (0,5 г/кг) вақтинча яхшилаш мумкин. 20 — 40 соатдан кейин аммиак билан заҳарланиш содир бўлади ва нафас маркази фалажланади;

8) Е. С. Лондон бўйича ангиостомия: сурункали тажрибада жигарга оқиб келадиган ва ундан чиқиб кетадиган қон олинади. Коннинг кимёвий таркибига асосланиб, жигарнинг ҳар хил модда алмашинувида иштирок қилиши аниқланади.

Машгулотда бажариладиган амалий ишлар ва ўзлаштирилиши лозим бўлган амалий кўнкималар билан танишиш

1-иши. Ўтнинг бақа организмига умумтоксик таъсири.

Олдин интакт бақанинг умумий ҳолати кузатилади. Кейин тери-си ости лимфатик бўшлиқقا 1—2 мл ўт юборилади ва бақа шиша қалпоқ остига ўтказилади ва 15—20 дақ. дан кейин унинг гангиг қолганлиги кузатилади. Бақа адинаник ҳолатда, орқасига ётқизилса қорнига ағдарилмайди, оғриқ чақирувчи таъсирга жавоб бермайди. Ўтнинг бақа организмига умумтоксик таъсири муҳокама қилинади.

2-иши. Ўтнинг бақа юрагига таъсири.

Орқа миясини шикастлаш орқали ҳаракатсизлантирилган бақа тахтачага қорни юқорига қаратиб ётқизилади. Юрак очилади, у пеприкарддан халос қилинади. 1 дақиқада юрак уриши саналади, сўнг бақа юрагига бир неча томчи суюлтирилмаган ўт томизилади. Юрак ритми ва қисқариш кучи ўзгариши кузатилади ва муҳокама қилинади.

3-иши. Ўтнинг томирлар ва қонга токсик таъсири.

Ҳаракатсизлантирилган бақа тахтачага фиксация қилинади ва қорин пардаси ташқарига чиқарилиб, тахтачадаги тешик устига тортилади. Микроскопнинг кичик катталаштиргичида қорин пардасида нормал қон айланиши (қон оқиши тезлиги ва томир тешиги кенглиги) ўрганилади. Кейин қорин пардасига 2—3 томчи ўт томизилади ва томир тешиги кенглигининг ўзгариши ва қон оқиши секинлашиши кузатилади.

4-иши. Ўтнинг асаб тизимига таъсири (Тюрк тажрибаси).

Декапитиация қилинган (боши олиб ташланган) бақа пастки жаги билан штативга осиб қўйилади. Унинг панжалари сульфат кислота

эритмасига (0,5; 1,0; 2,0; 3,0%) ботирилади ва ҳаракат реакцияси вақти белгиланади, кейин бақа сув билан ювилади ва унинг орқа лимфатик тўрвасига 2–3 мл ўт юборилади, 10–15 дақиқадан сўнг рефлекс тезлиги яна аниқланади. Назорат учун бир вақтда ҳаракатсизлантирилган аммо, ўт юборилмаган бақа ҳам қўлланилади, экспериментда иккита бақада олинган натижалар таққослаб кўрилади.

Жиҳозлар: бақалар, шприц, игналар, шиша қалпоқ, хўқиз ўти, тахтачалар, илгаклар, қайчилар, пинцет, кўз липеткалари, микроскоп, сульфат кислота эритмаси (0,5; 1,0; 2,0; 3,0%), стаканчалар, сув.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Куйидаги ишлар бажарилади:

- 1) бақа организмига ўтнинг умумтоксик таъсирини кузатиш;
- 2) бақа юрагига ўтнинг таъсирини кузатиш;
- 3) ўтнинг томирлар ва қонга токсик таъсири;
- 4) ўтнинг асаб тизимларига таъсири (Түрк тажрибаси).

Эксперимент баённомаси ва хулосаларни ёзиш

Талаба мустақил равишда эксперимент баённомасини тузади ва ўтнинг бақа организмига ва унинг юрак–томир, асаб тизимларига умумтоксик таъсири тўғрисида хулоса қилади.

Вазиятли масалаларни ечиш

1-масала. Бемор С., 24 ёшда, юқумли касалликлар шифохонасига терисининг сарғиши рангга бўялиши, унинг қичиши, қабзият, апатия, серуйкулик шикоятлари билан келиб тушган. Тана ҳарорати 36,2°. Юрак чегаралари норма атрофида, тонлари соф, пульс дақиқада 50 марта, АБ –100/70 мм сим.уст.га тенг. Жигар ва талоқ катталашган. Ахлат ахолик, сийдик қорамтири, кўпикли. Кон ва сийдикда билирубин ва ўт кислоталари аниқланган. Конда наҳорда қанд миқдори 2,7 ммоль/л. 1 мл адреналин (1:1000) инъекция қилингандан сўнг конда қанд миқдори етарли даражада кўтарилмаган. Галактоза юбориш синамасида сийдик билан бир кунда 3 г дан кўп галактоза ажралган. Конда сут кислота миқдори ошган. Ўтказилган текширишларга асосан қўйилган ташхис: инфекцияли гепатит.

1. Ўтказилган функционал синамалар, bemor шикоятлари ва олинган объектив маълумотлар нимадан далолат беради?

2. Жигар функцияси етишмовчилитида углевод алмашинуви бузилиши патогенези нимадан иборат?

2-масала. Бемор М., 32 ёшда, терисининг сариқлиги, иштаҳа йўқолганилиги, кўнгил айниши, кечалари кўриш хиралашганидан шикоят қиласди. Ўзини 10 кун давомида касал деб билади. Объектив манзара: тана ҳарорати $37,2^{\circ}$. Тери ва шиллиқ пардалар оч сариқ рангда. Юрак чегаралари норма атрофида. Тонлари соф, пульс дақиқада 60 марта, АБ – 100/60 мм сим.уст.га тенг. Тил кулранг гард билан қопланган. Корин бироз шишган, пайпаслагандаги оғриқ сезмайди. Жигар қовурға қирғоғи остидан 2 см чиққан. Ахлат деярли рангиз. Сийдик қорамтири, қўпикли. Лаборатория текширишларида қонда кетон та-началари борлиги, кўп микдорда бевосита билирубин ҳамда кам микдорда холестерин ва унинг эфирлари ва лецитен аниқланган. Сийдикда билирубин топилган, уробилин йўқ.

1. Қонда холестерин ва лецитен микдорининг камайиши ва кетон таначаларининг ҳосил бўлиши нимадан далолат беради?

2. Жигар функцияси етишмовчилитида ёғ-липоидлар алмашинуви қандай ўзгаради?

3-масала. 32 ёшли, Д. исмли bemорда ҳомиладорлик токсикози асосида жигар ўтқир дистрофияси ривожланган. Ҳуши хиралашгани, босинқираш, психомотор қўзғалувчанлик, тери қатлами сарғишлиги, ундаги петехиялар аниқланган, оғиздан шириналлик ҳиди келади. Тез-тез, айрим вақтда қон аралаш қусади. Юрак чегаралари норма атрофида, АБ- 100/70 мм сим. уст.га тенг, пульс 1 дақиқада 90 марта. Жигар ўлчами кичрайган, пайпаслагандаги оғриқ сезилади. Тана ҳарорати $36,0^{\circ}$. Қонда ниҳоятда кўп микдорда билирубин ва аминокислоталар аниқланган. Альбуминлар, α - ва β - глобулинлар, протромбин ва фибриноген микдори эса камайган.

Қон томонидан келтирилган биокимёвий ўзгаришлар нимадан далолат беради?

4-масала. Беморда қон ивиш вақти 17 дақ., протромбин микдори $-0,8$ мкмоль/л, фибриноген $-3,2$ мкмоль/л, умумий оқсил -48 г/л, альбуминлар -24 г/л та тенг. Қўрсатилган ўзгаришлар жигар ишикастланишининг қайси синдромига хос?

5-масала. Клиникага 32 ёшли, Р. исмли bemор, хушсиз ҳолатда, мушакларнинг талвасали қалтираши, Куссмаул типидаги нафас, тахикардия билан келиб туштан. Қонда аммиак микдори ошган, қон pH – 7,2. Анамнезидан маълум бўлишича bemор бундан икки ой муқаддам гепатит билан касалланган.

1. Беморнинг аҳволи нимадан дарак бериши мумкин?

2. Касаллик юзага чиқиши патогенези нимадан иборат?

6-масала. Бемор В., 37 ёшда, клиникага ўнг қовурға остида оғриқ, ланжлик, тери қичиши, тери қатламишининг сарғиш рангга

бўялиши, кўнгил айниши, қусиши шикоятлари билан келиб тушган. Газ чиқмаслиги, ахлат рангизланиши, қорамтири, кўпикли сийдик ажралишини айтган. Лаборатория текширувларида қуйидаги натижалар олинган.

1. Қон зардобида умумий билирубин миқдори 0,45 г/л.
2. Қон зардобида бевосита билирубин миқдори 0,04 г/л.
3. Сийдикда бевосита билирубин аниқланган, уробилин ва стеркобилин йўқ.

Беморда сариқлик турини аниқланг.

7-масала. Бемор Ф., 31 ёшда, шифохонага Боткин касали эҳтимоли билан келиб тушган. У шифохонага жойлаштирилишига қадар бир ой давомида умумий қувватсизлик, ҳансираш, юракнинг тез уриши, сарғишлик, ахлат ва сийдикнинг қора туслага бўялишини қайд қилган. Қон, сийдик ва ахлатнинг биокимёвий анализи айрим маълумотлари:

- 1) қон зардобида билирубин миқдори 0,039 г/л (Эрлих диазореактиви билан реакция билвосита);
- 2) сийдикда уробилин ва стеркобилин миқдори кўлайган, бевосита билирубин аниқданмайди;
- 3) ахлатда стеркобилиноген миқдори кўпайган.

Беморда сариқлик турини аниқланг.

8-масала. Бемор А., 19 ёшда, клиникага келиб тушишида кўнгил айниши, қусиши, иштаҳа пасайиши, ўнг қовурға остида оғриқ, тери қичиши, тана ҳароратининг 37,5° кўтарилиши, кўпикли сийдик, оч бўялган ахлатта шикоят қилган. Бундан 8 кун муқаддам касалланган. Кўрикдан ўтказишида: кўз пардаси ва тери сарғиш, АБ – 90/60 мм сим уст.га тент, пульс 1 дақ. 60 марта ритмик, жигар ва талоқ катталашган. Қон зардобида билирубин (билвосита) миқдори – 0,028 г/л, бевосита билирубин – 0,038 г/л. Сийдикда бевосита билирубин бор, уробилин миқдори кўпайган, стеркобилин аниқланмаган.

Бемордаги сариқлик сабабини аниқланг.

Интеграция амалга оширилиши лозим бўлган фанлар

1. Нормал физиология.
2. Биокимё.
3. Ички касалликлар.
4. Инфекцион касалликлар.

27 - МАШГУЛОТ

М а в з у : ОШҚОЗОН - ИЧАК ТРАКТИ ПАТОФИЗИОЛОГИЯСИ

Машгулот мақсади: Талаба қуидагиларни билиши керак:

- 1) оғиз бўшлиғи, ошқозон ва ичакда овқат ҳазм бўлиши бузилишларининг асосий сабаблари ва механизmlарини;
- 2) меъда секрецияси кўрсаткичларини аниқлаш асосида унинг секретор функцияси бузилишининг асосий шаклларини дифференциация қилишни;
- 3) экспериментал гастритли итларда меъда моторикаси кўрсаткичларини ўрганишни;
- 4) чақалоқлар ва ёш болаларда овқат ҳазм қилиш аъзоларининг ишлаш хусусиятларини;
- 5) Ю. Р. Замановнинг микрокимёвий услуби бўйича бемор меъда ширасида эркин хлорид кислота ва умумий кислоталикни аниқлашни;
- 6) гастрит билан оғриган беморларда Н. П. Пятницкий бўйича меъда шираси пепсинининг ҳазм қилиш кучини аниқлашни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

**Кичик курслардаги фанлар бўйича заминий билимлар
даражасини текшириш**

1. Очлик ва овқатга тўйишнинг физиологик асослари нимадан иборат?
2. Овқат ҳазм қилиш моҳияти ва овқат ҳазм қилиш жараёнининг классификацияси.
3. Овқат ҳазм қилиш жараёнининг регуляцияси принциплари.
4. Сўлак ажralиши ва унинг роли. Сўлакнинг таркиби ва хусусиятлари.
5. Меъдада овқат ҳазм қилиш.
6. Меъда секретор функцияси.
7. Меъда мотор функцияси
8. Ингичка ичакда овқат ҳазм қилиш.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо и Л. М. Ишимовой. – М., 1985. с. 431-444.

Патологическая физиология /Под ред. Н. Н. Зайко. — Киев, 1985. с. 431-453.

Патологическая физиология /Под ред. акад. РАМН А. Д. Адо и проф. В. В. Новицкого — Томск, изд-во Томского ун-та, 1994, с. 361-377.

Фролов В. А., Дроздова Г. А. и др: Патологическая физиология (с патогенезом заболеваний стран тропического пояса и болезней цивилизации). М.: изд-во ун-та Дружба народов, 1987, с. 268-286.

Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада-Х, 2002, с. 520-541.

Н. Х. Абдуллаев, Х. Ё. Каримов /Патофизиология. Т.: Абу Али ибн Сино номидаги тиббиёт нашриёти, 1998, б. 404-418.

Құтшимча адабиётлар

Аруин Л. И. *Helicobacter (Campylobacter) pylori* в этиологии и патогенезе гастрита и язвенной болезни. Архив патологии, 1990, № 10, с. 3-8.

Василенко В. Х., Гребенев А. Л., Шептулин А. А. Язвенная болезнь: (современные представления о патогенезе, диагностике, лечении) /АМН СССР.- М.: Медицина, 1987, с. 288.

Григорьев П. Я. Диагностика и лечение язвенной болезни желудка и двенадцатиперстной кишки. — М.: Медицина, 1986.-с.224.

Коротъко Г. Ф. Введение в физиологию желудочно - кишечного тракта. — Ташкент.: Медицина, 1987.- с. 221.

Кузин М. И., Данилов М. В., Благовидов Д.Ф. Хронический панкреатит. — М.: Медицина, 1985. — с. 368.

Легеза В. И. Медиаторно-гормональные механизмы диареи. Патологическая физиология и экспериментальная терапия, 1991, № 6, с. 59-61.

Руководство к практическим занятиям по патологической физиологии. /Под ред. чл. — корр. АМН СССР Н. Н. Зайко, проф. Л. Я. Даниловой — Киев : Вища школа. 1987. с. 145-152.

Скуя Н. А. Заболевания поджелудочной железы. — М.: Медицина. 1986- с. 240.

Титов Г. И. и соавт. Морфогенез панкреонекроза. Архив патологии, 1990, № 10, с. 30-36.

Физиология человека: В 4-х томах. Т. 4. Пер. с анг. /Под ред. Р. Шмидта и Г. Тевса. — М.: Мир, 1986, -с. 110-144.

Асосий үкүв саволлари

1. Овқат ҳазм қилиш аъзолари касалликларининг сабаблари; иштаха бузилишлари.

2. Оғиз бўшлиғида овқат ҳазм қилинишининг бузилишлари.

3. Сўлак безлари функциясининг бузилишлари.

4. Ютинишнинг бузилишлари.

5. Меъда секретор функциясининг бузилишлари.

6. Меъда ҳаракат функциясининг бузилишлари.

7. Меъда ва ўн икки бармоқ ичак яра касаллигининг патогенези.

- 8.Операция қилинган меъда патофизиологияси (постгастрорезекциян синдромлар).
- 9.Ичакда овқат ҳазм қилинишининг бузилиши.
- 10.Панкреатитлар.
- 11.Мембрана (девор олди) овқат ҳазм қилинишининг бузилиши.
- 12.Ичакнинг сўриш ва ажратиш функциясининг бузилиши.
- 13.Ичак ҳаракат функциясининг бузилиши.
- 14.Ичак тутимиши
- 15.Ичак аутоинтоксикацияси.

Аннотация

Овқат ҳазм қилиш тизими касалликлари аҳоли орасида кенг тарқалган. Уларнинг характеристи ва кам-кўп учраши географик ва ижтимоий шароит, илгаридан шаклланган ҳаёт тарзи, овқатланиш хусусиятлари, аҳолининг гигиеник тарбияси ва маданияти, соғлиқни сақлашнинг ривожланиш даражасига боғлиқ. Ошқозон - ичак тракти касалликларининг сабаблари ва ривожланиш механизmlари мураккаб ва кўп шаклли. Овқат ҳазм қилиш аъзолари касалликларининг этиологик омилларига қўйидагилар киради:

- 1) овқатланишдаги нуқсонлар, сифати ёмон ва қуруқ овқат, овқатни жуда иссиқ ёки жуда совук ҳолда истеъмол қилиш ва б.к.;
- 2) инфекциялар (тиф, паратифлар, дизентерия, холера, сальмонеллез);
- 3) сингувчи радиация ва заҳарловчи моддалар таъсири;
- 4) кўп чекиш ва кўп алкогол истеъмол қилиш;
- 5) асад бузилишига сабаб бўлувчи руҳий омиллар (травма, салбий эмоциялар, интоксикациялар ва эндокрин бузилишлар);
- 6) касб ва ижтимоий зарарлар (типография, кимёвий саноатда ва ҳ.к. ишлаш);
- 7) ўсмалар.

Одам ҳаётида юз берадиган энергетик ва пластик сарфланиш ҳамда организмга овқат қабул қилиш орасида мос келишлик очлик ва ташналиқ сезгиси орқали таъминланади ва у иштаҳа бузилишида ўзгариши мумкин.

Иштаҳанинг йўқолиши (анорексия, an – йўқлик, oгexis – иштаҳа) – овқатга оид марказ фаолиятининг бузилиши билан боғлиқ бўлиб, бош мия пўстлоғининг ортиқча қўзғалиши, айниқса кучли таъсиротлар, масалан, оғриқ чакирувчи омиллар таъсирида ривожланади. Руҳий касалликларда учрайдиган овқат ейишдан астойдил бош тортиш, озиб кетиш ва очликнинг бошқа симптомларига олиб келади. Анорексия, шунингдек ошқозон – ичак касалликларида (гастроэнтеритлар), ўткир ва сурункали инфекцияларда,avitaminоз-

ларда, организмнинг ортиқча қизишида, эндокрин касалликларда, хавфли ўсмаларда кузатилади. Экспериментда анорексияни гипоталамуснинг вентралатерал ядроларини қитиқлаш орқали чақириш мумкин.

Иштаҳанинг пасайши – гипорексия – бунга қаттиқ чарчаш, уйда ёки ишда асабийлашиш сабаб бўлиши мумкин. Болаларда эса уларнинг овқатланиш тартибининг бузилиши, шунингдек овқатланиш рационига янги овқат маҳсулотларини киритиш сабаб бўлиши мумкин. Ҳар қандай овқатни еявермаслик, танлаб овқатланиш (Шмидт Р., Тевс Г., 1986) кўпинча аёлларнинг ҳомиладорлик даврида ва касал одамларда кузатилади. Гипорексия асосан гастроэнтеритга ва кўпгина инфекцион касалликларга хос.

Иштаҳанинг кучайши – гиперрексия, ёки булимия (*būs* – ҳўқиз, *limos* – очлик, «ҳўқиз очлиги»), одатда ниҳоятда кўп овқат ейишга – полифагияга (*poiy* – кўп, *phagein* – ейиш, «ямламай ютмоқ») олиб келади. Қандли диабет, модда алмашинувининг бошқа айрим касалликларида, шунингдек МАТ нинг функционал ва органик жароҳатланишларида учрайди. Кўп овқат ейиш кўпинча алиментар сеимиришга сабаб бўлади.

Парарексия – иштаҳанинг айниши, ғайри табиий иштаҳа – овқат сифатида ейилмайдиган моддаларнинг истеъмол қилиниши. Бу ҳомиладорликда ва руҳий касалликларда, масалан истерияда кузатилади.

Оғиз бўшлиғида ҳазмнинг ўзгариши. Одатда оғиз бўшлиғида овқат тишлар ёрдамида чайналади, майдаланади ва сўлак билан аралашиб ҳазмга тайёр бўлади. Чайнов тишларининг шикастланиши ёки тушибиши, чайнов мушаклари функциясининг бузилиши, оғиз бўшлиғи шиллиқ қавати касалликлари (стоматитлар), чакка – пастки жағ бўғими, сўлак безлари шикастланиши натижасида бу жараён бузилади.

Тишларнинг жароҳатланиши ёки тушибини аввало кариес ва пародонтоз касалликлари оқибати бўлиши мумкин.

Кариес – патологик жараён бўлиб, тишнинг қаттиқ тўқимаси емирилиб ва унда бўшлиқ ҳосил бўлиши билан тавсифланади. Кариес ривожланиши механизмига микроб омилининг таъсири ва сўлак ажралишининг бузилиши, шунингдек «Са», фтор, фосфор ва А, В, С, Д витаминлари алмашинувининг бузилишлари сабаб бўлади.

Пародонтоз ёки альвеоляр пиорея – тиш илдизи атрофидаги тўқиманинг сурункали яллигланиши; тишнинг сукк уячалари тўқимасининг авж олувчи резорбцияси, милкнинг жароҳатланиши, тишларнинг қимирлаши билан намоён бўлади; патологик тиш – милк ўйиклари ҳосил бўлиб, улардан йиринг оқиши ва кўпинча альвеоляр абсцесс ривожланиши билан кузатилади. Пародонтознинг келиб чиқишига эмоционал зўриқиши ҳамда фавқулодда (стрессор) таъсирот-

лар сабаб бўлади. Шу нуқтаи назардан пародонтоз кўпинча «адаптация касалликлари» қаторига қўшилади (Сукманский О. И., 1985). Этиологик омиллар сифатида, шунингдек умумий жисмоний ва чайнов юкламасининг пасайиши, милк ўйиклари микрофлораси ва овқатланишнинг бузилишлари, айниқса, аскорбин кислота ва рутин (витамин Р) етишмовчилиги сабаб бўлиши мумкин.

Сўлак ажралишининг бузилишлари. Оғизда овқатлар сўлак билан аралашади. Сўлак йирик ва майда сўлак безларининг специфик маҳсулоти ҳисобланади. Қаттиқ овқатнинг сўлак билан аралашиши уни юмшатади ва овқат луқмасини ҳосил қиласди ва бу луқманинг ютилишини енгиллаштиради. Шунингдек сўлак ҳимоя функциясига ҳам эга, тишларни ва оғиз шиллиқ қаватини микроблардан ва уларни ҳаёт фаолиятида ҳосил бўладиган маҳсулотлардан, ҳамда овқат қолдиқларидан тозалайди. Одамдан нормада бир кунда 1,5 – 2 л сўлак ажралади. Сўлак ажралишининг бузилиши унинг кўп ҳосил бўлиши (гиперсаливация) ва камайиши (гипосаливация) билан намоён бўлади.

Гиперсаливация оғиз бўшлиғи шиллиқ қаватининг яллигланишида (стоматит ва гингивит), пульпитда, периодонтит, болаларда тиш чиқишида кузатилади. Сўлак ажралишининг кўпайиши узунчоқ миядаги сўлак ажралиш марказининг тўғридан-тўғри ёки рефлектор стимуляцияси ёки сўлак бези секретор асабнинг таъсиrlаниши натижасида келиб чиқиши мумкин. Шу тарзда стимуляция МАТ жароҳатланиши (бульбар фалажланиш), ошқозон-ичак тракти яллигланиш жараёнлари, қизилтўнгач касалликлари (эзофагосаливация рефлекси), кўнгил айниши ва қусиш, гельминтозлар, ҳомиладорлик токсикозлари, айрим вегетатив заҳарлар (пилокарпин, физостигмин) таъсирида ҳам юзага келиши мумкин.

Гиперсаливацияда бир кунда 5 – 14 л сўлак ажралиши мумкин. Агар сўлак тўлиқ ютилмаса, оғиздан ташқарига оқиб лаб атрофи териси мацерацияси ва яллигланишига хос ўзгаришларни чақиради. Сўлак нафас йўлларига ҳам тушиши мумкин, натижада сўлакка оғиз бўшлиғидан кўшиладиган микроблар таъсирида аспирацион зотилжам ривожланиши кузатилади.

Гиперсаливацияга ҳимоя реакцияси сифатида ҳам қараш мумкин, чунки айрим заҳарланишларда сўлак билан модда алмашинувининг токсик маҳсулотлари, заҳарлар ва ҳ. к. ажралади. Аммо узоқ муддат сўлак ажралиши меъда ва ичак функциясига, модда алмашинуви бузилишларига ва организмнинг озиб кетишига олиб келади.

Гипосаливация сўлак безлари тўқимасининг паротитлар, ўсмаларда емирилиши натижасида келиб чиқади. Сўлак ажралишига меҳаник тўсиқ сўлак безлари найчасида тош ҳосил бўлганда кузатилади. Сўлак секрециясининг марказий тормозланиши жуда кучли эмоциялар (кўрқиш, ҳаяжонланиш), оғриқ чақирувчи қитиқланиш,

парасимпатик иннервацияни тұхтатувчи моддалар таъсирида юзага келиши мүмкін. Сұлак секрециясининг камайиши инфекцион лихорадка жараёнида, қандлы диабет, калла сұяғы асоси травмасида, Щегрен синдромида (аутоиммун касаллик, унда сұлак ва күз ёши безлари шикастланади) (Сукманский О. И., 1985) кузатилади.

Сұлак етишмовчилігі оғиз қуришига сабаб бўлади ва бунда ксеростомия (хегос – қуриқ, stoma – оғиз, тешик) ривожланади, натижада овқатни чайнаш ва ютиш қийинлашади. Сұлак билан яхши ишлов берилмаган овқат оғиз бўшлиғи шиллиқ қаватини зарарлайди ва яллигланиш жараёnlарига, инфекциянинг сұлак безига киришига ва кариес ривожланишига шароит түғдиди.

Сұлак етишмовчилігіда тилда эпителийдан иборат гард ҳосил бўлади, бу эса оғиз бўшлиғидаги микрофлора учун яхши озуқа ҳисобланади. Одам оғзи ўзининг доимий микрофлорасига мослашган, унга нисбатан ҳимояланиш механизмлари пайдо бўлган бўлади. Оғиз бўшлиғи шиллиқ қаватининг бутунилиги бузилганда ундаги микрофлора яллигланиш жараёнини келтириб чиқаради, унинг ривожланишига лизоцитм етишмовчиліги ва унинг фаолигининг камайиши ҳам сабаб бўлади.

Ютишнинг бузилишлари. Ютиш мураккаб рефлектор акт бўлиб, овқат ва сувнинг оғиз бўшлиғидан меъдага тушишини таъминлайди. Унинг бузилиши (дисфагия) физиологик сабаблар, иннервациянинг издан чиқиши (уч шохли асаб, тил ости, адашган, тил-томоқ асаблари ва уларнинг марказлари функциясининг бузилиши), ютиш мушаклари спазми (қутуриш, қоқшол касаллуклари, истерия) билан боғлиқ бўлиши мүмкін. Дисфагия қаттиқ ва юмшоқ танглайнинг туғма ва орттирилган дефектлари, юмшоқ танглай ёйчаси ва бодомсимон без жароҳатланишида (ангина, абсцесс) ҳам кузатилади.

Қизилўнгач функциясининг бузилиши. Қизилўнгачдан унинг мушакларининг перисталтик қисқариши билан боғлиқ овқатнинг ўтиши, қизилўнгач мушаклари спазми ёки фалажланиши, ҳамда унинг төрайишида (куйиш касаллиги, қисилиши, дивертикула ҳосил бўлиши ва ҳ.к.) бузилади. Қизилўнгачнинг пастки сфинктери тонусининг пасайиши меъда ичидаги овқатнинг рефлюксига (reflux – тескари оқим, ҳаракат) олиб келади ва бу қизилўнгач шиллиқ қавати яллигланиши ва куйишига сабаб бўлади. Аксинча бу сфинктер тонуси ошса, у тўлиқ бўшаша олмайди – ахалазия (а- йўқ, chalasis – бўшашиб) юзага келади ва овқат қизилўнгачда йифилади. Бундай патология қизилўнгачнинг кардиал қисми интрамурал асаб боғламларининг туғма бўлмаслиги билан боғлиқ (Уварова Н. А., 1994). Бу асаб боғламлари қизилўнгач мушакларининг бўшашишини таъминлагани учун ҳам шикастланган жой силлиқ мушаклари спазм ҳолатида қолади.

Меъда секретор функциясининг бузилиши. Меъда шираси секрециясининг бузилиши унинг кучайиши, ошиши (гиперсекреция) ёки камайиши (гипосекреция) шаклида намоён бўлади. Гиперсекреция нафақат секрет миқдорининг кўпайиши, шу билан бирга унинг кислоталилигининг ошиши (*hyperacidity*) билан ҳам тавсифланади. Умумий кислоталик 70–90 л/ бирлик ва ундан юқори бўлиши, эркин HCl ҳам кўпайиши мумкин ва бу гиперхлоргидрия деб аталади.

Гиперсекреция яра касаллиги, сурункали гастрит (антрал гастрит), пилороспазм, пилоростеноз, совқотиш, алкоголь, иссиқ овқат ва айрим дорилар (салцилатлар, инсулин, бутадион, кортизон ва ҳ.к.) қабул қилишга хос. Гиперсекреция кислоталиликнинг кўпайиши ва меъда ширасининг парчалаш кучининг ошиши билан бирга кечса бунда меъда шиллиқ қавати енгил диффуз ўзгаришидан то эрозивланишигача шикастланиш кузатилиши мумкин (Сукманский О. И., 1985).

HCl гиперсекрециясида компенсатор механизmlар ишга тушади – бунда pH - 7,67, муцин ва корбонатларга бой шира секрецияси кўпаяди. Бу шира гел табиатли бўлиб шиллиқ қаватни қоплайди ва унинг шикастланишига йўл қўймайди. Агар гиперсекреция давомли бўлса, унда шиллиқ қават емирилиб, натижада гистамин ҳосил бўлади, у эса томир ўтказувчанигини оширади, транссудация кучяди ва кислоталик мухит суюлади. Агар гиперсекреция яна давом этаверса меъдадаги овқат эвакуацияси секинлашади, чунки меъда бўйни спазми вужудга келади. Овқат массаси меъдада туриб қолади, қусиш билан кечадиган антиперисталтика вужудга келади, ичакка кам химус тушади. Натижада овқат ҳазм қилиш етишмовчилиги ривожланади, шунингдек йўғон ичакка ҳам кам химус тушади ва натижада қабзият юзага келади.

Гипосекреция одатда меъдадаги овқатнинг кислоталилигининг камайиши (*hydroacidity*) билан бирга кечади. Меъда шираси секрецияси камайиши сурункали ва ўткир гастрит, меъда ўсмаси, сувсизланишларда кузатилади. Агар меъда ширасида эркин HCl бўлмаса (ахлоргидрия) анацид ҳолат, агар меъда безларининг пепсин ва хлоридлар ажратиш хусусияти йўқолган бўлса, ахилиядан дарак беради. Ахилия сурункали атрофик гастритнинг охирги даврлари, меъда раки ва хаяфли анемияларга хосdir.

Гипосекреция гипоацид ҳолат билан бирга қўшилиб меъда шираси парчаловчи кучининг камайишига олиб келади. HCl бактерицид таъсирининг камайиши натижасида бижгиш ва чириш жараёнлари ривожланиши мумкин. Натижада меъда ширасида органик кислоталар (аввало, сут кислота) миқдори ошади. Гипосекреция ва эркин хлорид кислота бўлмагандага (*anaciditas*) протеолитик ферментлар фоллашмайди, гастрин ишлаб чиқарилмайди, кардиал сфинктер етиш-

мовчилиги бошланади – зарда қайнashi, сассиқ кекириш кузатилади. Овқат луқмаси суст кислотали, айрим вақтда ҳатто нейтрал реакцияга эта бўлади, натижада эвакуация – овқат ҳайдалиши тезлашади, чунки меъда бўйни очилишига шароит туғилади. Етарли парчаланмаган овқат ўн икки бармоқ ичакни қитиқлайди, шимилиш жараёнлари бузилади. Йўғон ичакка тушадиган яхши парчаланмаган овқат массаси механо – ва хемореекторларни қўзгатади, ич кетиш чақиради ва у анацид ҳолатларга хос ҳисобланади.

Меъда моторикасининг бузилиши. Меъда моторикаси бузилишига перистальтиканинг ўзгаришлари (гипер – ва гипокинез), мушак тонауси ўзгаришлари (гипер - ва гипотония) ва меъдадан овқат массаси эвакуациясининг бузилишлари киради. Меъда ҳаракат функциясининг бузилишлари зарда қайнashi, кекириш, ҳиқичноқ тутиши, кўнгил айниши ва кусиш шаклида намоён бўлади.

Перистальтиканинг кучайиши (гиперкинез) одатда n. vagus толалари орқали меъда мушагига келадиган импульсларнинг кўпайиши ёки унинг қитиқланувчанигининг ошиши натижасида келиб чиқади. Перистальтик ҳаракат фаоллигининг меъдага тушадиган овқат миқдорига боғлиқлиги тасдиқланган. Перистальтика кучайишига дағал овқатлар, алкоголь, холинли моддалар, инсулин ва гистамин сабаб бўлади. Одатда гиперкинез меъда шираси кислоталилигининг кўпайиши билан бирга кечади. Бунда кислотали овқат массаси ўн икки бармоқ ичакка тушиб, меъда бўйнининг узоқ давр бекилишини ва меъдадаги овқат эвакуациясининг секинлашишини чақиради. Меъданинг айрим мушак гуруҳларининг спастик қисқариши гастрит ва меъда ярасида кузатилади ва меъдада оғриқнинг асосий манбаси ҳисобланади.

Перистальтиканинг сусайиши (гипокинез) кўпинча гастритларда учрайди. Ўн икки бармоқ ичак ишқорланиши мотилин ишлаб чиқарилишининг камайишига олиб келади, бу ўз навбатида меъда перистальтиканинг сусайишига сабаб бўлади. Бундан ташқари меъда ҳаракат фаоллигини ичакда ишлаб чиқариладиган энтерогастрон ва панкреозимин – холецистокинин моддалари ҳам тормозлайди.

Меъда мушаклари тонуси (перистола) унинг девори томонидан овқат массасини ўраб олиш вазифасини бажаради. Гипертоник ҳолатларга аъзоларнинг ҳамма қисми тонусининг тотал кучайиши, ҳамда меъда бўйни спазми (пилороспазм) ва унинг кардиал қисми спазми киради. Тотал гипертония кўпинча меъдадаги овқат кислоталилигининг ошиши билан кечади. У яра касаллиги ва ўтқир гастритнинг бошлангич даврларида, шунингдек рефлектор таъсиrottлар таъсирида (буйрак-тош ва ўт-тош касаллиги коликаси ва б.к.) кузатилади.

Пилороспазм – меъда моторикасининг оғир бузилиши бўлиб, яра касаллиги, гастритларнинг айрим турлари ва пилородуоденит ва бошқа

касалликларда учрайди. Айрим ҳолларда пилороспазмга меъда бўйни органик стенози қўшилади, натижада меъдадаги овқат эвакуацияси янада қўйинлашади.

Меъда гипотонияси (атонияси) спланхноптоз ва гастроптоз, овқатланишнинг сусайиши ва организм умумий тонусининг пасайиши, меъда инвервацияси бузилишида ва овқат каналлари шикастлашишига олиб келувчи инфекцион касалликларда (тиф, дизентерия ва ҳ.к.) учраши мумкин.

Зарда қайнashi (pyrosis) – қизилўнгачнинг пастки қисмида ачишиш сезгисини сезиш бўлиб, меъда ширасининг кардиал қисми очилганда, қизилўнгачга антиперистальтик тўлқун натижасида отилиши билан тавсифланади.

Кекириши (eructatio) – тўсатдан оғиз бўшлиғига меъда ёки қизилўнгачдан озгина овқат келиши. Нормал ҳолатда меъдада озгина газ (газ пуфаги) сақланади, у меъда моторикасини стимуллайди. Ҳавонинг кам микдори овқатланганда ютилади. Меъдада бижгиш ва чириш жараёнарида карбонад ангидрид, метан, водород сульфиди, аммиак ва б.к. газсимон моддалар ҳосил бўлади. Одатда меъдадан газлар унинг бўйни орқали ичакка ўтади. Меъдада газлар йиғилишида меъда ичи босими ошади. Бу ҳолатда меъда, диафрагма ва қорин девори мушаклари рефлектор қисқаришида, меъда кардиал қисмининг очилиши ва меъда бўйни спазми натижасида кекириш рўй беради, газларга меъдадаги овқатнинг оз микдордаги қисми ҳам қўшилади. Ҳаво билан кекириш кўпчилик соғлом одамларда овқат қабул қилгандан кейин қузатилади. Невротик субъектларда овқат қабул қилиш билан боғлиқ бўлмаган ҳаво ютилиши (аэрофагия) учрайди ва кекириш доимий тус олади.

Ҳиқичноқ тутиши (singultus) – тезлик билан ривожланадиган диафрагма спазми, меъда талвасали қисқариши билан биргаликда рўй беришида ва товуш тирқиши торайишида, тўсатдан кучли нафас олганда келиб чиқади. Ҳиқичноқ умуртқа билан кўкрак қафаси ораглиги касалликлари, қизилўнгач, плевра, қорин пардаси касалликлари, диафрагма ёки диафрагмал асаб тўғридан–тўғри қитиқланиши натижасида ҳосил бўлади. Ошқозон-ичак тракти ва қорин бўшлиғи бошқа аъзолари касалликларида ҳиқичноқ рефлектор механизмга эга: шикастланган тўқималардан патологик импульслар диафрагмал асаб марказини қўзғатади.

Кусиши (vomitus) – мураккаб рефлектор акт бўлиб, ошқозондаги овқатнинг қизилўнгач ва оғиз орқали ташқарига чиқариб ташлашга қаратилган. Кусиши актидан олдин сўлак ажralиши билан кечадиган кўнгил айниши (nausea) рўй беради, заифлик сезилади, одамнинг ранги оқариб, терлайди, брадикардия ва АБ камайиши қузатилади. Кусиши акти чуқур нафас олишдан бошланади, кейин бўғизга ки-

риш йўли тўсилади ва меъдадаги овқат диафрагма ва қорин девори мушакларининг кучли қисқариши туфайли қизилўнгач ва оғиз орқали ташқарига чиқариб ташланади. Қизилўнгач ва унинг сфинктерлари бу вақтда бўшашган ҳолатда бўлади. Кусиш охирида АБ тикланади, тахикардия кузатилади.

Кусиш, кусиш марказига (узунчоқ мияда IV қоринча тубида нафас ва йўталиш марказлари ёнида жойлашган) меъда асаб охирларининг кимёвий (сифатсиз овқатлар, заҳарли моддалар) ёки механик (меъданинг ортиқча тўлиши ва унинг мушак толаларининг ортиқча чўзилиши) қитиқланиши натижасида ҳосил бўлган импульсларнинг етиб келишидан содир бўлади. Шунингдек кусиш овқат каналининг бошқа қисмлари (томоқ орқа девори, ичакнинг илеоцекал соҳаси) ёки бошқа аъзолар — ичак пардаси, бачадон (ҳомиладорларнинг узлуксиз кусиши), жигар, буйракда пайдо бўлган импульслар ҳам чақириши мумкин. Кусиш, шунингдек марказий асаб тизими билан боғлиқ ҳолда ҳам (калла суюги ичи босими ошиши, уремия) келиб чиқиши мумкин.

Кусиш акти кўпинча ҳимоя аҳамиятига эга, меъданни унга тушган сифатсиз ва заҳарли моддалардан холи қилади. Шу билан бир қаторда, давомли узлуксиз кусиш сув, хлоридлар ва водород ионларининг йўқолишига, натижада сувсизланиш ва алгоридли кома ва алкалоz ривожланишига, сурункали ҳолатларда эса организмнинг ҳолдан тойишига олиб келади.

Меъда ва ўн икки бармоқ ичак яра **касаллиги**. Бу касаллик ошқозон- ичак трактининг кўп тарқалган касалликларидан бири ҳисобланади. Унинг этиологиясида меъда шираси секрецияси, уни шиллик қаватининг қон билан таъминланиши ва мускулатуроси тонусининг асаб ва гуморал регуляциясининг бузилишига олиб келувчи ҳар хил фавқулодда таъсиротлар муҳим рол йўнайди. Бу таъсиротлар қаторига руҳий эзилиш, эмоционал ва жисмоний зўриқиши, ҳар хил стрессли вазиятлар киради. Организм наслий - конституционал хусусиятлари (жумладан, парасимпатик нерв тизими тонуси устиворлиги) ҳамда меъдага маҳаллий нокулай таъсиротлар ва овқатланишдаги нуқсонлар (овқатни тартибсиз қабул қилиш, жуда иссиқ овқатлар, алкоголь, кўп аччиқ ва ширин таомлар истеъмол қилиш) ҳам катта аҳамиятга эга.

Меъда ва ўн икки бармоқ ичак яра касаллиги ривожланишида *Helico-bacter* (*compylobacter*) pylоги аҳамияти ҳам шубҳа туғдирмайди. *Helicobacter*, *helical*- спиралсимон (*in vivo*), *bacter* – таёқчасимон (*in vitro*) сўзларидан келиб чиқади. Адабиётдаги маълумотларга кўра бу микроорганизм ўзгармаган меъда антрап бўлими шиллик қаватида 0–20%, сурункали гастритда – 47%, фаол гастритда – 99%, дуаденал ярада – 76–100% ва меъда ярасида – 67–97% ҳол-

ларда аниқланган. Шунинг учун ҳам *Helicobacter pylori* A. И. Арун (1990) фикрича, яра касаллигининг этиологик омиллари қаторига қўшилиши керак. *Helicobacter pylori* деб ёзди у «яра олди ҳолатининг яра касаллигига айланишида» муҳим рол ўйнайди.

Меъда яра касаллиги патогенези масаласи ниҳоятда мураккаб. Яра дефектининг ҳосил бўлишида меъда шиллиқ қавати ёки ўн икки бармоқ ичак бошланғич қисмининг фаол меъда шираси билан емирилиши (пепсик омил) муҳим аҳамиятга эга. Яра, кўпинча шиллиқ қаватнинг «ишқорий зоналарида» яъни унинг ўзи бошқа кислота ишлаб чиқарувчи қисмларга нисбатан кислотали шира таъсирига камроқ мослашган жойларида локализацияланади. Бу шу билан боғлиқ-ки, HCl ишлаб чиқарувчи қоплама ҳужайралар сони меъданинг ҳар хил қисмларида ҳар хил, яра эса бу ҳужайралар кам жойларда, яъни кичик эгрилик ва меъда бўйнида кўп топилади. Бундан ташқари кичик эгрилик (овқат массаси асосан кичик эгрилик яъни меъда йўлчаси орқали ҳаракат қиласи) ва меъда бўйин қисми сифатсиз овқат билан унинг бошқа қисмларига нисбатан кўпроқ шикастланади. Эҳтимол, шира ажralишига таъсири қилиш орқали гистаминнинг ҳам ультероген таъсири қилишини тушунтириш мумкин. Маълумки гистамин энг кучли шира ажратувчи моддалардан бири ҳисобланади.

Яра дефектининг ривожланиши нафақат меъда шираси фаоллигининг ошиши, шунингдек шиллиқ қават қаршилигининг емирилиш таъсирига нисбатан пасайиши, ҳамда шилимшиқнинг ҳимоялаш таъсирининг камайиши билан ҳам боғлиқ бўлиши мумкин. Шиллиқ қаватнинг айрим қисмларининг қон билан таъминланишинг бузилиши кўпинча унинг шикастланишига олиб келади.

Яра касаллигининг кортико – висцерал назариясига асосан (Биков К. М., Курцин И. Т., 1949) касаллик ривожланишининг асосий механизми олий асаб фаолиятининг узоқ муддатли экстеро – ва интероцептив таъсиrotлар таъсирида бузилишидир. Бу ўз наъбатида автоном асаб тизими дезинтеграцияси, меъда шираси секрециясининг бузилиши, меъда мушаклари ва томирларининг давомли спазми ва шиллиқ қаватда дистрофик жараёнларнинг ривожланишига олиб келади. Меъда ва ичак яраланиш жараёни ривожланишида гипоталамус марказларининг шикастланиши билан боғлиқ трофик бузилишлар ҳам муҳим рол ўйнайди.

Яра касаллиги ривожланишида эндокрин бузилишларининг роли ҳам шубҳа туғдирмайди. Масалан даволаш мақсадида узоқ муддатда кортикостероидлар ёки кортикотропин юборилиши меъда ёки ўн икки бармоқ ичак яраси зўрайишига ёки янги яралар ҳосил бўлишига олиб келади. Бу гормонлар меъда шираси секрецияси ва кислоталилигини, ундан ташқари пепсин миқдорини оширади ва муҳим

ҳимоя аҳамиятига эга бўлган шилимшиқ миқдорини камайтиради. Шу билан бир қаторда кортикостероидлар оқсил синтези ва хужайралар регенирациясини пасайтиради. Стресс ҳолатида меъда ва ичакда яра ҳосил бўлиши, гормонларнинг юқорида кўрсатилган таъсири билан боғлиқ бўлиши мумкин (Г. Селье). Меъда яраси гастрин ишлаб чиқарувчи оролча аппарати «β – хужайра бўлмаган» хужайралар ўсмаси (Золлингер – Эллисон синдроми), шунингдек инсулиномалар, қалқонсимон без олд бези ва бошқа ички секреция безлари ўスマЛАРИДА РИВОЖЛАНИШИ МАЪЛУМ.

ИЧАКДА ОВҚАТ ҲАЗМ ҚИЛИШНИНГ БУЗИЛИШЛАРИ. Ичак секретор, шимилиш, инкретор ва экскретор функцияларни бажаради. Ичакда дистантли – масофали (бўшлиқда), мембрана орқали (девор олди) ҳазм жараёни амалга оширилади. Ингичка ичакнинг муҳим қисми ўн икки бармоқ ичак ҳисобланади, унга дуоденал безлар шираси, меъда ости бези шираси қўйилади.

Ичакда овқат ҳазм қилинишининг тубдан бузилишига панкреатик секреция ўзгаришлари сабаб бўлади, чунки меъда ости безида овқат ҳазм қилишда иштирок қиласиган энг асосий ферментлар ишлаб чиқарилади. Меъда ости безининг секретор асабига адашган асаб киради. Панкреатик шира йўқлигида ёғни кўп қисми парчаланмайди ва ахлат билан ажралади (стеаторея).

Панкреатит – меъда ости безининг яллигланиши – дегенератив ўзгариши бўлиб, кўпинча ўткир кечади ва панкреатик шок ривожланишига олиб келали, оғир ҳолларда ўлим юз беради. Касалликнинг ўткир ва сурункали шакллари фарқ қилинади. Этиологик омилларига кўп алкоголь истеъмол қилиш, кўп ва ёғлик овқатлар ейиш, меъда ости безининг хирургик операциялари, травма ва ҳ.к. механик жароҳатланишлар киради. Панкреатит патогенезида панкреатик шира секрециясининг кучайиши, секретнинг чиқиб кетишининг бузилиши, без найчасида босимнинг ошиши, микроциркуляциянинг бузилишлари муҳим аҳамиятга эга.

Касаллик патогенезида ҳал қилувчи омил ферментларнинг вақтидан илгари яъни ичакда эмас, безининг ўзида (найча ва паренхимада) фаолланиши ҳисобланади. Бу pancreas га ўтнинг отилиши – ўт рефлюкси билан боғлиқ бўлиши мумкин. Ўтдаги фосфолипазалар протеолитик ферментларни фаоллаштиради, лецитин билан бирекиб меъда ости бези тўқимасини шикастловчи фосфолецитин ҳосил қиласиди. Ўт ва ўн икки бармоқ ичак химусининг pancreas га тушушига дуоденитлар ҳам сабаб бўлиши мумкин. Дуоденитларда босим ошади ва ичак ичидаги нарсалар безга киради, натижада ўн икки бармоқ ичакдаги энтерокиназа pancreas ферментларини фаоллаштиради. Аммо меъда ости бези ферментлари фаоллашишининг кўп учрайдиган сабабларидан бири бездан шира чиқиб кетишининг бузилиши бўлиб

ҳисобланади. Натижада без ичиди босим кескин ошади, унинг тўқимаси шикастланади (аутолиз), трипсиногенни фаоллаштирувчи ва уни трипсинга айлантирувчи цитокиназалар ҳосил бўлади, трипсин эса без тўқимасини емиради – панкреонекроз ривожланади. Шу билан бир қаторда фаол липаза ажралади, натижада ёф тўқимаси не-крозга учрайди – стеатонекроз бошланади. Шундай қилиб, касаллик асосида ацинар ва ёф тўқимасининг аутолизи ётади.

Г. П. Титов ва ҳаммуал. (1990) икки хил панкреонекрозни ажратади: 1) геморрагик панкреонекроз – деструкция зонасининг геморрагик сингиши билан намоён бўлади; 2) ёли панкреонекроз – панкреатик липаза таъсирида ацинар ва ёф тўқимасининг коагуляцион (қуруқ) некрози билан тавсифланади.

Меъда ости бези киниларга, айниқса брадикининг бой, у эса шиш ва оғриқ ҷақиради. Бундан ташқари без қуёш чигали устида ётади, у ерда жуда кўп асад охирлари мавжуд, шунинг учун ўткир панкреатитда оғриқ жуда кучли тус олади. Панкреатитда кузатиладиган гистамин ва серотонинларнинг кўп миқдорда ажралиши ҳам без тўқимасининг шикастланишига олиб келади. Ферментлар қонга тушиб, қон ивиш XII – омилини (Хагеман омили) фаоллаштиради, натижада ДВС (диссеминирланган томир ичи қон ивиши синдроми) ривожланишига сабаб бўлади. Фаол липаза нафақат чарви, шунингдек бошқа жойлардаги ёф тўқимаси стеатонекрозини ҷақиради. Натижада чуқур интоксикация кузатилади, панкреатик шокка хос гипотензия ва коллаптоид ҳолат ривожланади. Жигар ва буйракка жуда катта функционал оғирлик тушади, кусиш симптоми бу ҳолатга хос бўлиб, аммо у касалга енгиллик бермайди. Лангерганс оролчалари ҳам некрозга учрайди ва юқоридаги ўзгаришларга қандли диабет қўшилади.

Сурункали панкреатитга аввало, овқат ҳазм қилиниши, айниқса ёф парчаланишининг бузилиши хос ва у стеаторея – парчаланмаган ёғнинг ахлат массасига ўтиши сифатида намоён бўлади (нормада ахлатда 10% гача ўзгармаган ёф бўлади, бу патологияда эса унинг миқдори 80% га этиши мумкин). Шимилмаган ёф овқат лукмасини ўраб олади ва унга бошқа ферментларнинг (протеолитик ва б.к.) таъсир қилишига йўл қўймайди, натижада оқсил ва углеводларнинг шимилиши ҳам бузилади – овқат ҳазм қилиш этишмовчилиги ривожланади, касал озиб кетади. Бундан ташқари ацетилхолин ҳосил бўлиши бузилади, унинг этишмовчилиги динамик тутилишга сабаб бўлувчи ичак парези ва параличига олиб келади.

Мембронада овқат ҳазм қилинишининг бузилиши. Мембронада овқат ҳазм бўлиши чизиқли жиякда жойлашган ферментлар томонидан амалга оширилади. Чизиқли жияк ичак сўргичлари устунча шаклидаги хужайраларида жойлашган микросўргичлардан ташкил топ-

ган. Мембранада овқат ҳазм қилинишининг бузилишини қўйидаги омиллар: сўргичлар тузилишининг ва устунча ҳужайралар юзаси ультратузилишининг, ичак юзаси фермент қатлами ва мембрана ҳужайралари сорбцион хусусиятининг ва перисталтиканинг бузилишлари чақиради. Бу омиллар таъсирида субстратларнинг ичак бўшлиғидан унинг юзасига кўчиши бузилади. Мембранада овқат ҳазмининг бузилиши холера, меъда резекцияси ва б.қ.ларда кузатилади.

Ичакнинг шимилиши, ажратилиши ва ҳаракат функциясининг бузилиши. Мономерлар ҳолатига келтирилган овқат моддаларининг сўрилиши, асосан ингичка ичакнинг юқори қисмида амалга оширилади. Овқат моддаларининг сўрилиши учта механизмга асосланган бўлиб уларга: 1) концентрациялар орасидаги фарқ туфайли сўрилиш; 2) ташувчи ферментлар ёрдамида сўрилиш; 3) концентрация градиентига қарама-қарши равишда сўрилишлар киради. Шимилиш учун энг муҳими — моддалар охирги маҳсулотларга қадар парчаланган бўлиши керак. Бунинг учун бўшиликда ва девор олди овқат ҳазми нормал равишида кечиши зарур. Девор олди ҳазми сўргич ва микросўргичлар тамонидан таъминланади. Ҳар бир эпителиоцитда 2000—4000 гача микросўргич жойлашган, улар ўртасидан микроканалчалар ўтади. Микросўргичлар баландлиги 1,1 мкм, зни — 0,08, уларнинг орасидаги бўшлиқ 10—20 нм га тенг, бу оралиғдан микроблар ўтмайди, микросўргичлар гликокаликс билан қопланган, шунинг учун мембранада ҳазм бўлиш жараёни стерил шароитда кечади.

Ичак орқали гемоглобин ва холестерин алмашинуви охирги маҳсулотлари, метал тузлари, сут кислота, пуринлар, айрим гормонлар, феноллар ва салицилатлар, сульфаниламидлар, бўёқлар ажралади.

Ингичка ичакда овқат маҳсулотлари шимилиши меъда ва ичак бўшлиғида овқат ҳазм қилиш сусайишида, қон айланиши билан боғлиқ ичак ҳаракат ва шимилиш функциясининг бузилишларида кузатилади.

Ичакда шимилишнинг бузилишига *мальабсорбция синдроми* дейилади (франц. mal — касаллик + абсорбция) — у ичак шиљлиқ қавати орқали битта ёки бир неча овқат маҳсулотлари шимилишининг бузилиши билан намоён бўлади. Унга сабаб овқатни парчаловчи ва овқат ҳазм қилиш охирги маҳсулотлари ташувчи ферментлари фаоллигининг етишмовчилиғидир; бундан ташқари шимилишнинг бузилиши сўргич ва микросўргичларнинг склеродермия, амилоидоз, целиакияларда атрофияга учрашида ва ичак резекцияси ва б.қ. билан ҳам боғлиқ бўлиши мумкин. Мальабсорбцияга лактаза ферменти етишмовчилиги билан боғлиқ сут қанди шимилишининг бузилиши ва триптофан аминокислота ташувчи фермент етишмовчилиги натижасида ривожланадиган Каршаф касаллиги мисол бўлиши мумкин.

Ичак ҳаракат функциясининг бузилиши перисталтиканинг ва локал ҳаракатнинг кучайиши ва сусайиши шаклида учрайди. Перис-

талтиканинг кучайиши одатда ичақда овқат массасининг бир жойдан иккинчи жойга кўчишининг кучайиши, овқатнинг ҳазм бўлиши ва шимилишининг ёмонлашиши ва ич кетишнинг ривожланиши (diarrhoea) билан намоён бўлади. Овқат интоксикацияси ёки ҳазм бўлмаган овқатнинг кўп бўлишида ва диареяда организмнинг токсик моддалардан тозаланиши ҳимоя вазифасини бажаради. Аммо узоқ муддатли диарея, айниқса болаларда организмнинг сувсизланишига ва электролитлар йўқолишишига (эксыкоз) олиб келади ва унда гиповолемия, циркулятор гипоксия, хужайра ичи калий ва магний йўқолиши ривожланади. Тезлик билан ички аъзолар дистрофияси шаклланади, ҳётга хавф туғдирувчи жигар, буйрак ва буйрак усти бези этишмовчилиги, оғир ҳолларда кардиоваскуляр коллапс ривожланади.

Диарея одам ҳётига хавф соладиган касалликлар орасида иккинчи ўринда (шамоллашдан кейин) туради. Икки хил: гиперосмолляр ва секретор диарея фарқ қилинади. Секретор диарея патогенезида кўп хил омиллар аҳамиятга эга (В. И. Легеза, 1991).

Биоген аминларнинг роли. Серотонин ва гистамин гиперсекрецияси диареяга сабаб бўлади. Серотонин гиперсекрецияси карциноид синдромда кузатилади. У ингичка ичак қисқариш фаоллигини стимуллайди, шимилишни пасайтиради ва ичак ичига сув ва электролитлар секрециясини кучайтиради. Худди шундай ўзгаришларни гистамин ҳам чақиради.

Регулятор пептидларнинг роли. Мотилин, ВИП (вазоактив интестинал пептид), гастрин, Р- субстанцияси, учкальцитонин ошқозон ичак тракти моторикасининг эвакуатор функциясини стимуллайди, перисталтиканни кучайтиради, ичак секрециясини стимуллайди, сув ва тузлар абсорбциясини пасайтиради, ичак транзитини кучайтиради. ВИП ва мотилин таъсир қилиш механизмида, улар томонидан ичак эпителийсида жойлашган аденилатцилаза ферментининг стимуляцияси асосий рол ўйнайди.

Циклик нуклеотидларнинг роли. ҳозирги замон тушунчасига кўра аденилатцилазага яъни эпителиоцитлар базолатерал мембранасида жойлашган фермент тизимига ичақда кечадиган сув – электролит трансэпителиал жараёни регуляциясида ҳал қилувчи рол берилмоқда. Тахмин қилинишича кўпгина секретор агентлар (холероген ва б.к. бактериал токсинглар, биоген аминлар, ўт кислоталари ва ҳ.к.) АЦЦАМФ тизими орқали таъсир кўрсатади. Диарея синдроми шаклланиши патогенетик механизми кўпгина ичак инфекцияларида (холера, сальмонеллез, дизентерия, сурункали энтеритлар) цАМФ синтезининг стимуляцияси орқали амалга оширилади.

АЦ индуцирланиши туфайли цАМФ нинг энтероцитларда кўлайиши, уларнинг апикал мембранасининг хлоридлар, бикарбонатлар, сув, Na ва K учун ўтказувчалигининг ошишига ва кейинчалик бу модда-

ларнинг эпителиоцитлардан ичак бўшлиғига трансмембран қўчиши фаоллашишига олиб келади, натижада ичакдаги нарсалар ҳажми кўпаяди ва бу ўз навбатида диарея синдроми ривожланишига олиб келади.

Гиперосмоляр диария ичакда шимилиш жараённинг бузилиши – мальабсорбция натижасида келиб чиқади. Лактаза ферменти етишмовчилиги билан боғлиқ сутдаги қанд (чақалоқ ва қарияларда учрайди) шимилишининг бузилишида бу қанд ингичка ичакда ўзлаштирилмайди ва парчаланмаган ҳолда йўғон ичакка етиб боради ва унда микроблар таъсирида бижкийди, сут ва сирка кислоталари ҳосил бўлади. Натижада ичак осмолярлиги ошади, ичакка сув жалб қилинади, унинг ичидаги нарсалар ҳажми кўпаяди, рецепторлар қитиқланади, ичак перисталтикаси кучаяди, тўхтовсиз ич кетиш содир бўлади.

Таркибида етарли клетчатка бўлмаган кам овқат еганда, адашган асаб маркази кўзғалишида ичак перисталтикаси сусаяди, қабзият (obstipatio) ривожланади. Узоқ муддатли қабзиятда ахлат ичакда тўплашиб, чиритувчи микрофлора билан боғлиқ интоксикация бошланади. Бижғиши жараёнларининг кучайиши ичакда газлар (водород сульфиди, метан, CO₂ ва б.к.) йиғилишига ва метеоризм ривожланишига олиб келади.

Ичак тутилиши – ичакнинг буралиб қолинги (ileus) – ичакдаги овқат эвакуациясининг барча овқат ҳазм қилиш жараёнлари сусайиши билан бирга тўхташи. Ичак тутилишининг уч тури фарқ қилинади: 1) механик ёки обтурацион; 2) динамик ёки функционал; 3) тромбоэмболик.

Ичак тутилиши ўткир хирургик касалликларнинг 3,5 – 9,4% ни ташкил қилади (Мясников А.А.). Ичак тутилиши патогенезининг асосий звоноси қуйидагилар: 1) ичак тутилган жойда яллиғланиш ва некроз; 2) тутилган жойда ичакнинг ҳаддан ташқари чўзилиши; 3) механорецепторлардан МАТ оғриқ импульсларининг йўналиши (шок ривожланиши мумкин); 4) ичак атоинтоксикацияси; 5) узлуксиз қусиши натижасида организмнинг сувсизланиши.

Ичак атоинтоксикациясининг сабаблари: 1) ичак перистальтикасининг сусайиши; 2) секрециясининг пасайиши; 3) ахлат массасининг тўпланиши; 4) ичак тутилиши. Кўрсатилган ҳолатларда ичакда чириш ва бижғиши жараёнлари кучаяди, токсик моддалар (индол, фенол, гистамин ва ҳ.к.) ҳосил бўлади, улар организмда заарсизланишга улгура олмайди ва рефлектор ёки гуморал йўл билан МАТ ва бошқа аъзоларга таъсири қилади. Ичак атоинтоксикациясига хос белгиларга arterиал қон босимининг пасайиши, юрак уришининг сусайиши, бош мия пўстлоги функциясининг тормозланиши киради, коматоз ҳолат ривожланиши мумкин.

Операция қилинган меъда патофизиологияси. Меъда операция қилинганда 10–15% ҳолатларда хилма–хил асоратлар ривожланади:

1) анастомоз қўйилган жойда эвакуациянинг бузилиши, шу жой шишиши натижасида овқат эвакуацияси секинлашади, антиперистальтик қусиш вужудга келади;

2) демпинг – синдром (*dumping* – англ. иргитиш) барча касалларда эмас, айримларида ривожланади. Айниқса таркибида углевод кўп бўлган овқат қабул қилингандан 15–20 дақиқа кейин бошланади, мадорсизлик, кўнгил айниш сезгиси, бош айланиши, бош оғриши билан намоён бўлади, ичакда оғриқ пайдо бўлади, кейинчалик буларга ич кетиш қўшилади. Рентгенологик текширишларда меъданинг жуда тез бўшаб қолиши, овқатнинг ичакка тез ўтиши, ингичка ва йўғон ичак харакат функциясининг тезлашиши аниқланади, оч ичак тез овқатга тўлади, механо ва хеморецепторлар қўзгалади. Умумий рефлектор реакциялар ривожланади: қон босими пасаяди, қонда глюкоза миқдори ўзгаради – олдин у кўпаяди, кейин кескин гипогликемия ва у билан боғлиқ гипогликемик синдром юзага келади. Бу бирданига кўп глюкоза шимилиши билан изоҳланади, натижада инсуляр аппарат фаоллашади, глюкоза гликогенга айланади ва тезлик билан гипогликемия, кескин мадорсизлик, қўл қалтираши (тремор) ва бош айланиши ривожланади. Бу синдром 20–30 дақиқа давом этади, айрим вақтларда овқат қабул қилиш биланоқ бошланади ва I соатгача чўзилиши мумкин. Очлик, авитаминоз бемор ва унинг руҳий ҳолатининг астенизацияланишига олиб келади. Витаминга бой овқатларни қабул қилиш, парҳез, углеводларни чекланиши муҳим аҳамиятга эга;

3) ўтиш синдроми (дуоденобилиар ёки олиб келувчи сиртма, ҳалқа синдроми), Бильрот – II усулида меъда резекция қилингандан кузатилади, қоринда кучли оғриқ ва ичак шишиши билан кечади, бунга ўт билан қусии қўшилади (ўт массасида 500 мл гача ўт бўлади). Овқат ҳазм қилишнинг оғир етишмовчилиги ривожланади, аввало ёғлар ҳазм бўлиши бузилади, ёғда зрувчи витаминлар ўзлаштирилмайди. Буларнинг ҳаммаси қайта операция қилишга асос бўлади;

4) витамин В₁₂-танқислиги анемиясининг ривожланиши. Маълумки меъдада гастромукопротеин ишлаб чиқарилади. Меъданинг тотал ёки субтотал резекциясида вит. В₁₂, ишлаб чиқарилиши учун зарур гастромукопротеин ҳосил бўлиши бузилади ва резекциядан бир неча йил кейин вит. В₁₂ танқислиги анемияси ривожланади (анемиянинг дарҳол ривожланмаслиги, унинг жигарда маълум захираси борлиги билан боғлиқ).

Машгулотда бажариладиган амалий ишлар ва ўзлаштирилиши лозим бўлган амалий кўнникмалар билан танишиш

1-иши. Меъда ширасида эркин хлорид кислотаси ва умумий кислоталикни Ю. Р. Замоновнинг микрокимёвий услуги билан аниқлаш.

Кичкина, ҳажми 15–20 мл стаканга пипетка билан 1 мл текшириладиган меъда шираси олинади ва у тенг миқдорда дистилланган сув билан суюлтирилади, сўнг унга бир томчи аралаш индикатор кўшилиб, микробюреткадаги NaOH децинормал эритма билан титрланади, титрлаш тўқ – яшил ранг, умумий кислоталикни аниқлашда эса бинафша ранг ҳосил бўлгунча давом эттирилади. Эркин хлорид кислота ва умумий кислоталик 100 мл меъда ширасини титрлаш учун кетган ишқорли натрий милилитрлари миқдори билан ифодаланади. Текширишга 1 мл меъда шираси олинганилиги туфайли, титрлаш учун сарф бўлган NaOH миқдори 100 га кўпайтирилади. Кислоталик фоизларда аниқланади: 1 мл ишқорли натрий 0,00365 мл мутлақ хлорид кислотага мос келади. 100 мл ширани титрлашга 40 мл ишқорли натрий кетди деб тахмин қилинса:

$$\frac{1 \text{ мл} - 0,00365}{40 \text{ мл} - X} \times \frac{0,00365 \times 40}{1} = 0,146 \%$$

яъни, меъда шираси кислоталиги - 0,146% ни ташкил қиласди.

2-иши. Пепсиннинг ҳазм қилиш кучини Н.П. Пятницкий бўйича аниқлаш.

Меъда шираси пепсинининг ҳазм қилиш кучи унинг сут ивitiш хусусияти билан аниқланади. Пробиркага 0,1 мл меъда шираси кўйилади, унга тезлик билан 5 мл сут – ацетат аралашмаси (сигир сути ва ацетат буферининг бир ҳажмдаги аралашмаси) солинади, вақт секундомерда белгиланади. Пробирка деворида казеиннинг майдагачалари ҳосил бўлиш вақти аниқланади. Пепсиннинг куч бирлиги сифатида 60 с. давомида унинг 5 мл сут – ацетат аралашмасини ивitiш учун кетган миқдори қабул қилинади.

Ҳисоблаш: пепсиннинг ҳазм қилиш кучи тенг,

60 × 10
сониядаги вақт тажрибада олинган

3-иши. Экспериментал гастритли итларда меъда моторикаси кўрсаткичларини ўрганиш.

Итларда экспериментал йўл билан чақирилган гастритлар нос ва гастроспецифик сенсибилизацияда ёзилган гастрограммаларда меъда моторикасининг қуйидаги кўрсаткичлари ўрганилади: тонус, меъда қисқариш амплитудаси, I, II, III тартибли тўлқинлар.

Жиҳозлар: гастрит билан касалланган беморнинг меъда шираси, 15–20 мл ли стаканча, 1 мл пипетка, дистилланган сув, аралаштирилган индикатор (10 мг метилин кўки + 10 мг парадиметиламидо-

азобензол + 100 мг фенолфталеин ва 10 мл 96° спирт), NaOH нинг десцинормал эритмаси, микробюретка, пробирка, 0,1 мл микропипетка, 5 мл пипетка, pH - 4,95 сут – ацетат аралашмаси (тeng ҳажмили сигир сути ва ацетат буфери аралашмаси), экспериментал гастритли итлар гастрограммаси, миллиметри қофоз.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўникмаларни ўзлаштириш

Куйидаги ишлар бажарилади:

- 1) Ю. Р. Замонов микрокимёвий усулида меъда ширасида эркин хлорид кислота ва умумий кислоталикни аниқлаш;
- 2) Н. П. Пятницкий бўйича пепсиннинг ҳазм қилиш кучини аниқлаш;
- 3) экспериментал гастритли итларда меъда моторикаси кўрсаткичларини ўрганиш.

Талаба: меъда шираси кислоталиги, пепсиннинг ҳазм қилиш кучи, шунингдек меъда моторикаси кўрсаткичларини аниқлашни ва олинган натижаларни уларнинг беморда учрайдиган гастритлар ва яра касаллиги нўқтаи назаридан таҳлил қилишни билиши керак.

Экспериментлар баённомаси ва хуносаларни ёзиш

Вазиятли масалаларни ечиш

1-масала. Бемор Ш., иштаҳанинг пасайиши, «сассиқ» кекириш, кукрак ости соҳасида оғирлик сезгиси, ич кетишидан шикоят қиласди.

1. Бу симптомларнинг ҳосил бўлиш механизми нимадан иборат?

2. Меъданинг қайси функциялари бузилган?

2-масала. Бемор К., меъдада оғриқ, кўнгил айниши, «нордон» кекириш, қабзиятга мойиллиқдан шикоят қиласди. Тахминий рақамларни айтинг:

- 1) меъда шираси умумий кислоталиги;
- 2) меъда шираси эркин кислоталиги.

3-масала. Меъда шираси лабораторияда текширилишида: умумий кислоталик 80 бирлик, эркин кислоталик – 60 бирлик атрофидалиги аниқланган.

Меъда шираси кислоталилитининг бу рақамларида меъданинг резервуар, мотор, шимилиш ва ажратиш функциялари қандай ўзгаради?

4-масала. Бемор С., қорни шишганлигидан, ориқлаганидан шикоят қиласди. Ахлат микроскопик текширилганда, унда кўп миқдор-

да нейтрал ёғ томчилари ва мушак толалари топилган; дуоденал шира ферментлари кескин камайган; сийикда диастаза қўпайган.

Бунда ошқозон –ичак трактининг қайси касаллиги тўғрисида ўйлаш мумкин?

5-масала. Экспериментал меъда яраси бўлган каламушда меъда шираси титрланганда: меъда шираси ҳамма порциясини титрлашта ишқорли натрийнинг 0,9 мл 0,1 нормал эритмаси сарф бўлган, диметиламидоазобензол индикатори билан эса шу эритманинг 0,4 мл кеттани аниқланди.

1. Меъда шираси умумий кислоталигини ҳисобланг.
2. Меъда ширасининг эркин кислоталигини ҳисобланг.

Интеграция амалга оширилиши лозим бўлган фанлар

1. Нормал физиология.
2. Биокимё.
3. Терапия.
4. Жарроҳлик.

28 - МАШФУЛОТ

М а в з у : БЎЙРАК ПАТОФИЗИОЛОГИЯСИ

Мавзунинг мақсади: Талаба қуйидагиларни билиши керак:

1) буйракнинг фильтровчи, реабсорбцияловчи ва секрецияловчи функциялари бузилишларининг сабаб ва механизmlарини, ҳамда буйрак шикастланишида келиб чиқадиган асосий синдромлар патогенезини;

2) сийик таркибининг миқдор ва сифат ўзгаришларини буйракнинг асосий патологик жараёнлари ва унинг оқибатида келиб чиқадиган гомеостаз бузилишлари патогенезини тушунириш нуқтаси назардан қўлланишни;

3) экспериментда бақада сулема (симоб хлориди) ёрдамида нефронекроз чақириш ва унда диурез ўзгариши механизмини тушунтиришни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Буйракнинг асосий функциялари. Гомеостаз сақланишида унинг роли.

2. Сийдик ҳосил бўлиш механизми.
3. Буйрак клиренси тўғрисида тушунча.

Мустақил тайёрланиш учун курсатмалар

Асосий адабиётлар:

Патологическая физиология /Под ред. А. Д. Адо, Л. М. Ишимовой. – 2-е изд., перераб. и доп. М.: Медицина, 1980. с. 412-427.

Патологическая физиология /Под ред. чл.-корр. АМН СССР Н. Н. Зайко. - 2-е изд., перераб. и доп. – Киев: Вища школа, 1985. с. 467-488.

Патологическая физиология /Под ред. акад. РАМН А. Д. Адо и проф. В. В. Новицкого, -Томск, изд-во Томского ун-та, 1994. с. 385-401.

Патологическая физиология /Под ред. А. Д. Адо, М. А. Адо, В. И. Пыцкова б.к. Москва. Триада-Х, 2002. с. 553-579.

Н. Х. Абдуллаев X. Е. Каримов /Патофизиология. Т., Абу Алиибин Синономидаги тиббиёт нашриёти, 1998, б. 443-464.

Кўшимча адабиётлар:

Абдуллаев Р. А. Избранные главы клиники внутренних болезней. – Т.: Медицина, 1985. – с. 369-396.

Камалов Н. М. Внутренние болезни. – Т.: Медицина, 1988. с. 202-232.

Козловская Л. В., Николаев А. Ю. Учебное пособие по клиническим лабораторным методам исследования. /Под. ред. акад. АМН СССР Е. М. Тареева. – М.: Медицина, 1985. с. 166-207.

Мухин Н. А., Тареева И. Е. Диагностика и лечение болезней почек. – М.: Медицина, 1985. с. 240.

Мясников А. Л. Внутренние болезни. – 2-е изд. – Т.: Медицина. 1981. с. 336-417.

Популярная медицинская энциклопедия. – М.: Советская энциклопедия, 1987, с. 380-383, 463-464.

Руководство к практическим занятиям по патологической физиологии /Под ред. чл. корр. АМН СССР Н. Н. Зайко, проф. Л. Я. Даниловой. – Киев: Вища школа, 1987, с. 158-164.

Справочник по нефрологии /Под ред. проф. И. Е. Тареевой проф. Н. А. Мухина. – М.: Медицина, 1986-432 с.

Тареев Е. М. Нефриты. – М.: Медицина, 1972.

Физиология человека: В 4-х томах, т. 4. Пер. анг. /Под ред. Р. Шмилта и Г. Тевса. М.: Мир, 1986. с. 143-197.

Асосий ўқув саволлари

1. Буйрак касалликлари этиологияси ва патогенези:

- диффузни гломерулонефрит;
- пиелонефрит;

- нефротик синдром, нефроз;
- буйрак-тош (сийдик-тош) касаллиги.

2. Колтокча фильтрацияси, каналчалар реабсорбцияси бузилишларининг асосий кўринишлари: полиурия, олигурия, анурия, гипоизостенурия ва б.к.

3. Сийдикнинг патологик таркибий қисмлари.

4. Буйрак функциясининг етишмовчилиги: турлари, келиб чиқиши ва ривожланиш механизмлари. Уремия тўғрисида тушунча.

Аннотация

Буйрак касалликларини чақирувчи этиологик омиллар буйрак ва буйракдан ташқари хилларга бўлинади.

1. *Буйракдан ташқари омиллар*: а) асаб регуляциясининг бузилиши. Кулранг дўнгликка укол қилиш сийдик ажралишини кучайтиради. Оғриқ, кўрқиш, совқотиши, рефлектор тарзда диурезнинг камайишига олиб келади; б) эндокрин регуляциясининг бузилиши. Гипофиз орқа қисми антидиуретик гормони буйрак каналчаларидан суюқлик реабсорбциясини кўпайтиради. Бу гормон ишлаб чиқарилиши камайса қандсиз диабет – *diabetes insipidus* – ривожланади, унга диурез кучайиши хос; в) умумий ва буйракда қон айланишнинг бузилиши. Қон босими диурезга таъсир кўрсатади. Масалан артериал босим 40–50 мм сим. уст. қадар бўлган шокда сийдик ҳосил бўлиши тўхтайди. Буйрак томирлари тромбози, эмболияси ишемия ва сийдик ажралиши камайишини чақиради; г) сийдик чиқишини бузилиши (тош ҳосил бўлиши, сийдик найчаси қисилиши ва ҳ.к.); д) буйракнинг оғир кечадиган инфекция ва интоксикацияларида (сепсис, холера, оғир металлар тузлари билан заҳарланиш) шикастланиши.

2. *Буйрак билан бўғиқ омиллар*: а) буйрак коптокчаларининг яллиғланиш жараёнлари – ўткир ва сурункали диффуз тусли иммун-комплекс генезли гломерулонефритлар; б) буйракнинг носспецифик (пиелонефрит) ва специфик (сил касаллиги ва захм) табиатли инфекцион яллиғланиш жараёнлари; в) каналчаларнинг дистрофик ўзгаришлари – нефротик синдром, нефрозлар; г) нефросклероз. Унинг иккита сабаби бор: сурункали гломерулонефрит – иккиласмичи бужмайган буйрак; гипертония касаллиги – бирламчи бужмайган буйрак; д) буйрак туғма аномалиялари (гипоплазия, поликистоз); е) каналчалар фермент тизимининг наслий нуқсонлари (Фанкони синдроми ва б.к.).

Диффуз гломерулонефрит (ДГ) – буйрак касалликларининг энг кўп учрайдиган хилларидан бири – асосан коптокча томирларининг шикастланиши билан кечадиган аллергик аутоиммун яллиғланиш

касаллиги ҳисобланади. Унинг асосий клиник типлари ўткир, сурункали ва жуда тез прогрессирланувчи гломерулонефритлардир.

ДГ этиологиясида инфекция, токсик моддалар, иммун механизмларнинг ишга тушишига олиб келадиган айрим экзоген аллергенлар асосий рол ўйнайди. Маълум бўлган этиологик омиилларнинг ролини ўткир ДГ 80—90% касалларда ва сурункали ва тез прогрессирланувчи хиллари 5—10% касалларда аниқлаш мумкин. Қолган касалларда ДГ сабаби аниқланмасдан қолади. ДГ ривожланишида А гемолитик стрептококк (4,12 типлари) аҳамиятта эга ва у специфик «нефритоген» штамм деб ҳисобланади.

Кўп ҳолларда ДГ бевосита иммун механизмлар иштирокида ривожланади. Стрептококкдан кейинги ўткир ДГ бу — ангина ёки фарингитдан 10—12 кун сўнг антитаналар ҳосил бўлиши билан боғлиқ, кўпинча шиддатли кечувчи аллергик нефритнинг ривожланишидир. Сурункали ДГ эса — кўпинча антиген ва антитаналар ушловчи иммун комплексларнинг аста-секинлик билан ҳосил бўлиши ва уларнинг коптоқчалар юзасига ўтириши ва етарли даражада элиминация қилинмаслиги билан боғлиқ. Тез авж олувчи ДГ ва айрим сурункали ДГ да касаллик коптоқчалар базал мембрanasига қарши антитаналар ҳосил бўлишидан иборат. Иммун комплекслар ҳосил бўлиши механизмини қуйидагича тасаввур қилиш мумкин: стрептококк токсинлари буйрак тўқимасига (коптоқчалар базал мембрanaси эҳтимолдан холи эмас) таъсир кўрсатади, натижада ўзгарган оқсил ҳосил бўлади ва у антиген сифатида хизмат қиласди, унга нисбатан буйракка қарши таъсир қиласидиган антитаналар ишлаб чиқарилади. Ҳосил бўлган антитаналар (IgG, IgM) қонда антигенлар билан ўзаро таъсирга киришади, кейинчалик иммун комплекслар шаклида (антиген — антитана — комплемент) коптоқчаларга боради ва уларнинг базал мембрanasига ўтиради ва иммун яллигланиш ривожланишини чакиради. Шундай қилиб, диффуз гломерулонефритлар иммункомплекс генезли касаллик деб ҳисобланади.

ДГ патогенезида организмнинг совқотиши муҳим рол ўйнайди. Маълумки у кўпинча совуқ об-ҳавода (куз ва қиш) ва айниқса совуқ нам иқлимда тез ривожланади. Шамоллаш буйракнинг қон билан таъминланиши ва трофиkasининг рефлектор бузилиши орқали организм реактивлиги ва иммунологик реакциялар кечишини ўзgartiriши мумкин. Шунинг учун ҳам у илгари сенсибилизацияланган организмда ҳал қилувчи омил ролини ўйнаши мумкин. Гломерулонефритнинг инфекцион этиологиясидан ташқари унинг зардоб ва вакцин табиятли бўлиши ҳам назарда тутилади.

Клиник нуқтаи назаридан ДГ протеинурия, гематурия, шиш, артериал гипертензия, буйрак функциясининг бузилиши билан на-моён бўлади.

Пиелонефрит (pyelos – буйрак жоми + нефрит) – буйракнинг носспецифик инфекцион яллигланиш касаллиги бўлиб, унда буйрак паренхимаси, асосан интерстициал тўқима, жом ва косачалар шикастланади. Пиелонефрит бир ва икки томонлама, бирламчи ва иккиламчи, ўткир ва сурункали ёки рецидивланувчи бўлиши мумкин.

Пиелонефрит ривожланишида уродинамиканинг бузилиши ва сийдик стази катта аҳамиятта эга, уларга эса эркакларда кўпинча сийдик чиқарувчи тизимда тош бўлиши ва простата безининг касалликлари, аёлларда – ҳомиладорлик, таранг белбог тақиб юриш, фибромиома, тухумдан кистаси ва ҳ.к. сабаб бўлиши мумкин. Касаллик чақириувчи инфекцион агент кўпинча ичак таёқчаси, ҳамда энтерококк, протей (грамманий флора) хисобланади. Буйракка микроблар гематоген, лимфоген йўллар билан ва сийдик ажратувчи найча девори ва унинг коваги орқали, агар сийдик пуфаги – сийдик ажратувчи найча рефлюкси бўлганда (сийдикнинг тескари оқими) тушиши мумкин.

Ўткир пиелонефрит – буйракнинг жуда кўп учрайдиган касаллиги. У сурункали шаклга ўтиши ва иккиламчи бужмайган буйрак, 50–60% ҳолатларда иккиламчи артериал гипертензия ва сурункали буйрак етишмовчилиги (СБЕ) ривожланишига олиб келиши мумкин.

Бирламчи сурункали пиелонефрит буйрак ва сийдик йўллари касалликларисиз ҳам ривожланади. Унинг ҳосил бўлишига касалнинг узоқ муддат тўшакда ётиши, ҳомиладорлик, диабет, подагра касалликлари, аналгетик препаратлар ва кортикоидларнинг узоқ муддатли қабул қилиниши, сурункали инфекциянинг фаол ўчоқларининг бўлиши сабаб бўлади. Иккиламчи сурункали пиелонефрит эса буйрак ва сийдик йўлларининг қандайдир касалликлари негизида ривожланади ва кўпинча нефролитиаз ва узоқ муддатли цистит, пиелит ёки буйрак аномал ривожланиши билан биргаликда қўшилган ҳолатда юзага келади.

Касаллик оғир инфекцион жараён сифатида кучли интоксикация, иситма, буйрак функциясининг бузилиши симптомлари (сийдик ажралиши бузилишлари, оғриқ синдроми) билан кечади. Унга олигурия, гиперстенурия, протеинурия, цилиндруриния, гематурия, пиурия, бактериуриялар хос. Буйрак тўқимаси жиддий шикастланишида гломерулонефритга хос симптомлар ривожланади.

Нефротик синдром. Буйракнинг кўпгина икки томонлама касалликлари ўзига хос нефротик ёки липоид - нефротик синдром деб номланувчи синдром ривожланиши билан кечади ва унга кучли протеинурия ва оқсил – липид ва сув – электролит алмашинуви бузилишлари симптомлари йиғиндиси хос. Унинг патогенези асосида буйракнинг турли касалликлари, асосан коптокча базал мембранаси

ва капиллярлар эпителиал қатлами ўтказувчанигинг бузилиши билан боғлиқ, гломеруляр фильтрни бузилиши ётади. Пиелонефритга ва тугунчали периартериитта нефротик синдром хос бўлмай, уларда жуда камдан-кам учрайди. Липоид нефроздаги нефротик синдром бирламчи деб аталади. Иккиламчи нефротик синдром буйракнинг хилма-хил икки томонлама касалликларида ривожланиши мумкин.

Нефротик синдром белгиларига қўйидагилар киради: колтокча юқори протеинурияси ($>3,5$ г/кун), шиш (кўпинча анасарка даражасига етадиган кучли шиш), гипопротеинемия (қонда умумий оқсил < 60 г/л), гипоальбуминемия (қонда альбумин < 30 г/л) гиперхолестеринемия (қонда холестерин $> 7,8$ ммоль/л), гиперлипопротидемия, гипертриглицеридемия. Кўпинча цилиндрурия аниқланади, бунда сийдикнинг нисбий зичлиги юқори бўлади. Гипопротеинемия ва гипоальбуминемия асосан қон оқсилларининг сийдик билан йўқотилиши натижасида ҳосил бўлади. Нефротик шиш патогенези қон зардоби онкотик босимининг пасайиши (гипоальбуминемия ҳисобига) ва организмда натрий ушланишига олиб келувчи иккиламчи гиперальдостеронизм ва антидиуретик гормон гиперсекрецияси билан боғлиқ.

Шиш синдромининг оғир-енгиллигини ифодаловчи гипоальбуминемиянинг намоён бўлиш даражаси кўпинча нафақат альбуминнинг сийдик билан йўқотилишига, шу билан бирга унинг жигарда рўй берувчи экстрапренал катаболизми ва синтези бузилиши даражасига ҳам боғлиқ. Узоқ муддатли очлик, ингичка ичакда моддалар шимилишининг чукӯр бузилишлари, жиддий жигар – ҳужайра етишмовчилиги псевдонефротик синдром яна массив протеинуриясиз шишлар ва гипоальбуминемия ривожланиши билан намоён бўлиши мумкин (Тареева И. Е., Мухин Н. А., 1986).

«Нефроз» атамаси 1905 й. таклиф қилинган ва 1913 й. патологоанатомлар анжуманида буйрак каналчаларидаги дегенератив ўзгаришларни ифодалаш ва уни гломерулонефритда учрайдиган буйрак колтокчаларидаги ялиғланиш ўзгаришларидан ажратиш учун қабул қилинган. Нефроз каналчаларда кечадиган патологоанатомик ўзгаришларнинг устуворлигини ифодалайдиган буйрак шикастланишининг умумий номи бўлиб, асосан нефротик синдром билан намоён бўлади. Шу нуқтаи назардан ҳозирги вақтда «нефроз» атамаси клиник амалиётда «нефротик синдром» атамаси билан алмаштирилган.

Буйрак (сийдик) тош каслииги (нефро (-уро) литиаз) – буйракнинг кўп учрайдиган касалликларидан бириди. Тошлар кўпинча ўнг буйракда жойлашади; 15 – 20% касалларда иккита буйракда ҳам тош аниқланади. 65 – 70% ҳолларда таркибида «Са» ушлайдиган (шовул, фосфор, камдан-кам кўмир кислотанинг кальцийли тузлари), 5 – 15% ҳолларда магний, амоний ва кальций фосфатидан

иборат струвитлар деб номланувчи аралаш тошлар учрайди. Барча тошларнинг 5—15% ни урат тошлари ташкил қиласди. Тахминан 50% ҳолларда цистинли, оқсилли, холестеринли тошлар учрайди. Буйрак коса -жом тизимини нусха сифатида эгаллайдиган тошлар маржонсимон тошлар дейилади. Тошларнинг буйрак ва сийдик йўлларида жойлашиш даражаси кўйидагича: 40—50% ҳолатларда тошлар жомларда, 28—30% да сийдик найчасида, 8—15% да косачаларда, 8—12% сийдик пуфагида ва фақат 1% ҳолатда уретрада аниқланади.

Тошларнинг ҳар бир хилининг ҳосил бўлиши маълум сабаблар билан боғлиқ, аммо тош ҳосил бўлишига таъсир қилувчи умумий омиллар ҳам бор: 1) кам суюқлик ичилиши ва кам сийдик ажралиши; 2) сийдик таркибида кўп тузлар бўлиши натижасида уларнинг кўп ажралиши (у ёки бу модда алмашинуви бузилишлари ёки кам диурез натижасида); 3) сийдик йўллари инфекцияси; 4) алиментар омил. Баъзи ҳолатларда маълум даражада сийдикда кристалланиш ингибиторлари бўлмаслигининг аҳамияти ҳам эҳтимолдан холи эмас. Нордон реакцияли сийдикда оксалатли, уратли ва цистинли тошлар, ишқорий реакцияли сийдикда кальций фосфат, кальций карбонат ва струвитлардан (трипельфосфатлар) иборат тошлар ҳосил бўлади. Касалликка хос патогномоник белги — конкретментлар ажралиши. Оғриқ хуружидан кейин доимо гематурия (кўпинча макро-гематурия) кузатилади. У тош билан шикастланиш ёки жом ичи босимининг кучли ошиши натижасида форникал тўр веналари ёрилиши билан боғлиқ бўлиши мумкин. 60—70% ҳолларда нефролитиазда лейкоцитурия кузатилади, яллигланиш жараёни касаллик кечиши ва прогнозини оғирлаштиради. Диурез ўзгариши конкретмент жойлашиш жойига боғлиқ бўлади: тош қанча сийдик найчаси пастки қисмida жойлашса, у шунча кучли намоён бўлади. Сийдик қисташи тош сийдик найчасининг интрамурал қисмida жойлашганда жиддий тезлашади. Нефролитиаз асоратлари: ўтқир ва сурункали пиелонефрит, гидронефроз, ЎБЕ (сийдик найчаси окклузиясида), сурункали пиелонефритнинг терминал босқичи билан боғлиқ СБЕ.

Контокча фильтрацияси, каналча реабсорбциясининг бузилиши. Сийдик ҳажмининг кўпайиши — *полиурия* — ренал ва экстрапенал бўлиши мумкин. Экстрапенал полиурия турларидан бири *urgina spastica* ҳисобланади, у мигрен, гипертоник криз, пароксизмал тахикардия ва ўтқир вегетатив криздан кейин ривожланади (Ратнер М.Я., Томилина Н. А., 1989). Шунингдек экстрапенал полиурия қатор эндокрин касалликлар: гиперпаратиреоз, гипертиреоз, Кушинг, Конн синдроми, қандли диабет ва ҳ.к. ларда ҳам учрайди. Ренал табиатли полиурия буйрак етишмоячилигида кузатилади, айниқса у каналчалар аппаратининг ферментли заҳарлар билан шикастланишида (каналчалар реабсорбциясининг деярли 1% га камайиши сийдик ажра-

лишини икки баравар кўпайтиради), гипоксия, шунингдек антидиуретик гормон етишмовчилигига кучли намоён бўлади. Полиурияда бир кунда 10—15 л сийдик ажралади. Физиологик ҳолатларда полиурия кўп суюқлик қабул қилганда, диурезни кучайтирувчи овқат моддалари (тарвуз, ош қавоқ ва ҳ.к.) истеъмол қилганда кузатилади.

Кунлик диурезнинг камайиши – **олигурия** – етарли миқдорда суюқлик қабул қилинмаганда, тана ҳарорати кўтарилиганда (бунда организмдан тери орқали кўп миқдорда суюқлик чиқиб кетади), қусиш, ич кетиш, токсикозлар, ўтқир гломерулонефритларда ва ҳ.к. учрайди. Буйрак паренхимаси жиддий шикастланган ҳолатларда (ўтқир диффуз гломерулонефритлар), сийдик тош касаллиги (сийдик най-часи тиқилиши), қўроғошин, симоб, маргимуш билан заҳарланганда ҳам учрайди.

Кучли ҳаяжонланиш, оғриқ, қўрқиши, шокда сийдик ажралиши-нинг бутунлай тўхташи – **анурия** – ривожланishi мумкин. Бир неча хил анурия фарқ қилинади: 1) ренал – буйракнинг ўзи шикастла-ниши билан боғлиқ – симоб хлориди, қўроғошин билан заҳарлан-ганда, коптоқча ва каналча аппарати касалликларида учрайди; 2) преренал – артериал қон босимининг a. renalis да камайиши нати-жасида ривожланади; 3) субренал – сийдик найчаси тиқилган ёки қисилганда учрайди; 4) рефлектор, масалан оғриқ билан боғлиқ – травма, лат ейиш, операцияда кузатилади; 5) аренал – битта буйрак олиб ташланганда ривожланади.

Айрим патологик ҳолатларда (юрак декомпенсациясининг бош-ланғич шакллари, цистопиелитлар ва ҳ.к.) сийдик асосан кечаси кўп ажралади (нормада кундузги ва тунги диурез нисбати 4:1, 3:1 ташкил қиласи). Бу ҳолат **никтурция** дейилади. Диурез бузилишига **полакиурия** – кам лекин тез-тез сийиш ҳам киради, у сийдик йўллари, сийдик пуфаги чўзилиши, спазми ёки яллиғланишида учрайди. Пол-лакиурия пиелонефрит, сийдик тош касаллиги, простата бези, сий-дик пуфаги, сийдик ажратиш йўллари касалликларининг типик симптоми. Сийдик қисташи кўпинча оғриқли сийдик ажралиши би-лан намоён бўлади.

Гипостенурия – паст солиштирма оғирликли – 1012—1014— сий-дик ажралиши (нормада сийдикнинг нисбий зичлиги эрталабки пор-цияда 1018 ва ундан юқори); буйракнинг сийдикни концентрация-лаш (куйуклаштириш) қобилияти йўқлигини билдиради, каналча-ларнинг жиддий жароҳатланишидан далолат беради.

Изостенурия – сийдикнинг солиштирма оғирлиги унинг ҳамма порцияларида бир хил ва ажраладиган сийдик миқдорига қисман боғлиқ. Нормада сийдикнинг нисбий зичлиги кун давомида 1004—1006 дан 1026—1032 гача ўзгариб туради. Изостенурияда сийдикнинг нисбий зичлиги 1010—1012 ни ташкил қиласи ва сийдикнинг осмо-

тик концентрланишининг бутунлай тўхташидан далолат беради. Кўпинча изогипостенурия кузатилади. Ренал табиатли изогипостенурия нефрон дистал сегментининг (каналчалар ва интерстиция) шикастлашиши билан боғлиқ ва тубуляр етишмовчилигининг кўринишларидан бири ҳисобланади. У тубуло - интерстициал компонентли сурункции гломерулонефритлар, пиелонефритлар, буйрак поликистози, подагра, нефрокальциноз, гипокалиемик ва туфма тубулопатияларда кузатилади.

Сийдикнинг патологик таркибий қисмлари. *Протеинурия* (альбуминурия) – сийдик билан оқсилнинг ажралиши. Протеинурия физиологик ва патологик бўлиши мумкин: а) физиологик. Мушак зўри-қиши, совук сувга чўмилиш, ҳомиладорликда кузатилади. Протеинуриянинг бу хилига узоқ тикка туриш билан боғлиқ қоннинг v. renalis дан v. cava inferior га оқиб ўтишининг бузилиши натижасида ривожланадиган ортостатик протеинурия ҳам киради; б) патологик протеинурия. У буйрак билан боғлиқ ва буйрак билан боғлиқ бўлмаган бўлиши мумкин. Буйрак билан боғлиқ бўлмаган протеинурия сийдик ажратиш йўллари касалликларида, юракнинг декомпенсацияланган порокларида, буйрак томирлари қисилишида, умуртқа поғонаси қийшайиши (лордоз) ва иситмада кузатилади. Буйрак билан боғлиқ протеинурия буйрак касалликлари: гломерулонефритлар, пиелонефритлар ва б.к. ларда учрайди. Протеинурия айниқса нефротик синдромда юқори бўлиши мумкин (баъзан 50% гача). Альбуминуриянинг иккита назарияси мавжуд: биринчиси – унинг каналчалар эпителиясининг ўлиши билан, иккинчиси – коптокчалар ўтказувчанигининг ошиши билан тушунтирилади.

Цилиндрурания. Цилиндрлар – бу нордон сийдикда каналчалар ичидаги ивиб қолган оқсил. Цилиндрларнинг бир неча тури фарқ қилинади: а) гиалинли – томоген шишага ўхаш тузилма. Протеинуриядаги ҳосил бўлади ва буйрак каналчалари ёригининг оқсил нусхаси ҳисобланади; б) эпителийли – буйрак каналчалари эпителийсидан иборат. Уларнинг ҳосил бўлиши буйрак каналчалари эпителийси дистрофиясидан дарак беради. Бу цилиндрларнинг хилларига донадор цилиндрлар киради, улар парчаланган эпителий ҳужайраларидан ташкил топади; в) мумсимон – жуда йирик бўлиб, кенгайган каналчаларда ивиган оқсилдан ҳосил бўлади, амилоидозда учрайди; г) ёғдан иборат цилиндрлар – ёғ дистрофиясида учрайди.

Гематурия – сийдик билан қон ажралиши. Кузатилади: а) буйрак шикастланишларида, айниқса ўткир гломерулонефритларда ва коптокчалар яъни капиллярлар шикастланишидан далолат беради; б) буйрак жоми, сийдик найдаси ва сийдик пупаги яллиғланиши ёки яраланиш жараёнларида. Эритроцитурия интенсивлигига макрогематурия (сийдик ранги гўшт ювиндисини эслатади) ва микрогематурия (сийдик ранги гўшт ювиндисини эслатади) – макро- ва микрогематурия.

матурниини (сийдикнинг ранги ўзгармаган, сийдик чўкиндиси микрорскопиясида унда эритроцитлар аниқланади) учратиш мумкин. Клиник хусусиятлари бўйича рецидивланувчи ва турғун, изолирланган ва протеинурия билан кўшилган, оғрикли ва оғриқсиз хиллари фарқ қилинади. Локализацияланиши бўйича буйрак гематурияси (бир ёки икки томонлама) ва сийдик йўллари (постренал) гематуриясини ажратиш мумкин.

60% дан кўпроқ ҳолларда гематурия урологик касалликлар: сийдик тош касаллиги, сийдик тизими ўсмалари, инфекциялар, буйрак инфаркти, буйрак томирлари тромбози ёки ривожланиш аномалияси, нефроптоз ва б. қ.нинг симптоми ҳисобланади. У гломерулонефрит ва СБЕ ларининг ilk белгиси бўлиши мумкин. Буйрак ва сийдик йўллари шикастланиши билан боғлиқ бўлмаган гематурия туғма ва орттирилган коагулопатияларнинг (тромбоцитопениялар, жигарнинг оғир шикастланиши, антикоагулянтлар ортиқча дозаланиши) асорати сифатида намоён бўлиши мумкин. Кисқа муддатли макрогематурия амалиёт нуқтаи назаридан соглом одамларда (шу жумладан спортчиларда) узоқ оғир жисмоний зўриқишидан кейин учрайди. Сийдикда эритроцитлар гематуриядаги бузилмаган (пигментлар сақланган) ва ўзгарган (ишқорланган, эриган) ҳолда бўлиши мумкин. Қабул қилинишича ўзгарган эритроцитлар буйрак шикастланишидан, бузилмагани сийдик йўллари касалликларидан дарак бериши мумкин.

Гемоглобинурия – гемоглабиннинг сийдик билан чиқиши, гемолиз натижасида ҳосил бўлади. У: а) мос келмайдиган қон куйилишида; б) маргимуш, анилин билан заҳарланганда; в) инфекцияларда (масалан, безгак); г) куйиш, совқотишида учрайди. Айрим ҳолатларда хуружли тус олиши мумкин бўлган пароксизмал гемоглобинурия (жиддий совқотишида) учрайди. Патогенези: атоиммун омил эритроцитларга қарши атоантитаналар ҳосил бўлишига олиб кела-ди, натижала гемолиз ривожланади.

Лейкоцитурия – сийдикда лейкоцитлар сонининг кўпайиши (кўриш майдонида 10 дан кўп ёки 1 мл да 4000 дан кўп) – буйрак ва сийдик йўллари яллиғланиш жараёнида учрайди.

Пиурия – сийдик билан ниҳоятда кўп миқдорда лейкоцитларнинг йиринг шаклида ажралиши, сийдик қизитилганда ёки унга сирка кислотанинг 10%ли эритмаси томизилганда йўқолмайдиган лойқаланиш (унда чўкма, пағачаларнинг бўлиши) аниқланади. Буйрак ва сийдик йўллари билан боғлиқ лейкоцитурия фарқ қилинади. Лейкоцитурия нафақат сийдик тизими бактерияли яллиғланиш жараёнида (инфекцияли лейкоцитурия), шу билан бирга буйрак тўқимаси асептик атоиммун яллиғланишида (асептик лейкоцитурия деб аталувчи) ҳам учрайди. Пиелонефритда сийдикда лейкоцит-

лар таркибидаги нейтрофиллар; гломерулонефритлар, интерстициал нефритлар, амилоидоз, буйрак трансплантантининг сурункали битиб кетмаслигига лимфоцитлар устуворлик қиласы.

Буйрак етишмовчилеги – буйракнинг қонни модда алмашинув маҳсулотларидан тозалай олмаслиги ва қон плазмаси таркиби доимийлигини сақтай олмаслигидир. Буйрак етишмовчилеги (БЕ) ҳолати ишләётган коптоказалар сони нормага нисбатан 30% дан кам бўлса ёки фильтрлаш тезлиги 50 мл/дақ. дан кам бўлса ривожланади. БЕ нинг асосий кўрсаткичлари буйрак клиренсининг камайиши, олигурия ва анурия, азотемия, қон электролитлар таркибининг (K, Na, Ca, P, Mg) ўзгаришлари, сийдик зичлигининг камайишидан (ти-постенурия) иборат.

Ўткир ва сурункали БЕ фарқ қилинади. Ўткир буйрак етишмовчилеги (ЎБЕ) буйракни бирданига азот ажратиш функциясининг, сув – электролит баланси ва кислота-асос ҳолатининг бузилиши билан намоён бўлади ва фазали кечиши, кўпинча тўғри даволангандага тўлиқ қайтиши билан характерланади.

ЎБЕ нинг ilk асосий клиник кўриниши – анурия (диурез 200 мл/кун. дан кам) ҳисобланади. Бундан ташқари ЎБЕ га қонда креатинин ва сийдикчил азоти кўпайиши билан кечадиган азотемия, ҳаёт учун хавфли гиперкалиемия (плазмада «К» 6 ммол/л дан кўп), декомпенсацияланган метаболик ацидоз ва бемор тана оғирлигининг ошиши билан намоён бўладиган гипергидратация (хужайра ташқарисида ва умумий), ўтика шишиши, анасаркалар хос.

Этиологик омилларига қараб ЎБЕ нинг 3 шакли фарқ қилинади.

1. Преренал ЎБЕ буйракнинг ноадекват қон билан таъминланиши – ўткир гипоперфузия (буйрак томирлари тромбози ва эмболияси), гиповолемия (қон кетиш, жуда кучли диарея, қусиш, оғир куйиш) ёки юракдан қон ҳайдалишининг етишмовчилеги (кардиоген шок, юрак етишмовчилеги) натижасида ривожланади. Преренал ЎБЕ ренал ЎБЕ нинг ilk қайтар босқичи ҳисобланади.

2. Ренал ЎБЕ буйрак паренхимаси шикастланишида пайдо бўлади, бу куйидагиларга олиб келади: 1) икки томонлама кортикал некроз ва унинг патогенези асосида буйрак гемодинамикасининг бузилиши ётади. Оғир шок, коллапсда гиповолемия буйрак вазоконстрикцияси ва унинг магиз ҳамда мия моддаларида қон оқишининг қайта тақсимланиши ва артериовеноз анастомозлар орқали магиз қисмида қон оқиши шунтланишига (боғламлар ҳосил бўлиши) олиб келади. Буйрак магиз қисми қон билан таъминланишининг жиддий камайиши кучли кортикал некрозга сабаб бўлади; 2) буйракнинг эгри-буғри каналчаларига гемолиз, рабдомиолиз маҳсулотлари, кристаллар (уратлар, оксалатлар, сульфаниламидлар), оғир метал бирикмалари ва органик заҳарлар токсик таъсири билан боғлиқ ўткир

каналчалар некрози; 3) буйрак тўқимасининг ўткир яллиғланиши (апостематозли нефрит, ўткир интерстициал нефрит, геморрагик иситмалар, лелтоспироз, ўткир гломерулонефрит, гемолитик уремик синдром, некротизирловчи артериит); 4) буйрак тўқимаси инфильтрацияси (ўсма ва лейкоз ҳужайралари билан).

3. Постренал ЎБЕ сийдик йўллари обструкцияси (конкремент, қон лахтаси билан) ёки уларнинг ташқаридан қисилиши (ўсма, ретроперитонеал фиброз) натижасида пайдо бўлади.

ЎБЕ патогенези тўлиқ аниқланган эмас, бу борада бир неча назариялар илгари сурилган: токсик, аллергик, гипоксия ва ангиоспастик назариялар (Мухин Н. А., Тареева И. Е., 1985). Сўнгги назария тарафдорлари патологик ўзгаришларни, этиологик омилларни буйрак артериясига бевосита ёки рефлектор таъсир қилиши натижасида ривожланадиган ишемия билан тушунтиришади.

ЎБЕ нинг 4 та даврини тафовут қилиш мумкин: 1) бошланғич давр – олигурия, белда оғриқ пайдо бўлиши, баъзан гемолиз натижасида сийдикда қон бўлиши кузатилади; умумий заҳарланиш ҳодисаси ва шок манзараси (1 – 2 кун давом қиласи) хос; 2) иккинчи (олигоанурик) давр – жиддий олиго ёки анурия, аъзо ва тизимларни, аввало МАТ шикастланиш белгилари аниқланади; 3) диуретик (ёки полиуретик) давр – диурез тикланади ва бу касалликнинг 6 – 14 кунларига тўғри келади. Бу даврда гипокалиемия хавфли бўлиб, у буйракнинг концентрациялаш хусусиятининг етишмовчилиги билан намоён бўлади (2 ҳафтагача давом этади); 4) соғайиш даври – одатда I йилгача давом этади ва аъзо тизимлар функциясининг, жумладан эритропоэз, кислота-асос мувозанати, сув-электролит баланси тикланиши, буйракнинг тошқол (шлак) ажратувчи функциясининг компенсацияси, артериал босим ва б.қ. нормалланиши билан характерланади. ЎБЕ прогностик нуқтаи назаридан хавфли, аммо адекват даволаш чораларини қўлланилганда бутунлай қайтар жараён.

Сурункали буйрак етишмовчилиги (СБЕ) – буйрак коптокча ва каналчалари функциясининг аста-секинлик билан ва доимий тусдаги шундай ёмонлашишики, унда буйрак гомеостазни сақлай олмайди. Ҳал қилувчи ўзгаришлар сурункали уремия синдроми, артериал гипертензия, сув-электролит ва кислота-асос ҳолатининг чуқур бузилишлари ҳисобланади. СБЕ ҳам буйрак, ҳам буйракдан ташқари жараёнларда: сурункали гломеруло ва пиелонефрит, радиация билан боғлиқ нефрит, сийдик-тош касаллиги, гидронефроз, ўсмалар, буйрак артерияси стенози, гипертония касаллиги, коллагенозлар, геморрагик васкулитлар, қандли диабет, амилоидоз, поликистоз ва б.қ. да ривожланади.

СБЕ патогенези нефронларнинг ўлишига олиб келувчи буйрак тўқимаси ва томирларининг ривожланувчи склерози ва фиброплас-

тик трансформацияланиши билан боғлиқ. Е. М. Тареев (1972) СБЕ ни 2 та босқичга ажратади: 1) консерватив, коптотка фильтрацияси 40 мл/дақ. гача камаяди, консерватив даволаш имконияти ҳали бор; 2) терминал, коптотка фильтрацияси 15 мл/дақ. гача камаяди, давони алмаштириш ёки буйракни кўчириб ўтказиш таклиф қилинади.

СБЕ охирги босқичи (терминал уремия) МАТ интоксикацияланиш симптомлари (уремик энцефалопатия, кома), анемия, гипертония, ацидоз, гиперкалиемия, минерал ва карбонсувлар алмашинуви бузилишлари билан намоён бўлади. СБЕ илк босқичининг клиник кўриниши унча билинмаслиги ёки умуман ҳеч қандай ўзгаришсиз ўтиши мумкин. ЎБЕ дан фарқли равиша, уремия СБЕ нинг илк симптомларидан ҳисобланмайди ва у касалликка фақат терминал уремия босқичида қўшилади, бунинг устига барча беморларда учрамайди. Протеинурия, худди шундай сийдик чўкиндисидаги ўзгаришлар ҳам минимал бўлиши мумкин. СБЕ нинг муҳим илк белгиларидан бири, узоқ вақт давомида ягона ўзгариш сифатида намоён бўладиган, никтурия ва гипостенурия билан қўшилган ҳолатда учрайдиган полиурия ҳисобланади (одатда ўртача – 2,0 – 2,5 л кўп бўлмаган). Бундай полиурия «мажбурий» дейилади, чунки у жиддий камайган каналча реабсорбцияси натижасида ҳосил бўлади.

Буйрак тўқимасининг жиддий шикастланишида касалланган буйраклар модда алмашинувининг зарарли маҳсулотларини тўлиқ ажратса олмайди, натижада улар қонда тўпланиб яъни уремия ривожланади (сийдикли қон) – ourop - сийдик, haima – қон. Уремия буйрак функциясининг оғир бузилиши билан боғлиқ бўлган организмнинг ўз-ўзини заҳарлаши. Ўткир уремия ЎБЕ нинг олигурия даврида учрайди, сурункалиси – буйракнинг сурункали касалликларининг оқибати ҳисобланади. Қонда креатинин, сийдикчил, индикан, аммиак ва азот алмашинуви маҳсулотлари концентрацияси жиддий кўпаяди (азотемия), электролитлар миқдори ўзгаради, кислота-асос мувозанати ҳам бузилади, организмда сув сакланади. Ҳаётий муҳим аъзоларнинг функцияси бузилади, жумладан МАТ томонидан қаттиқ бош оғрифи, апатия, уйқучанлик, талваса тутиши; юрак томир тизимида юрак аритмияси, бош мия томирлари спазми; ошқозон ичак трактида кўнгил айниш, қусиши, ич кетиш, азот шлакларининг ажратилиши билан боғлиқ яллигланиш жараёнлари ва яралар каби ўзгаришлар кузатилади.

Кўмикнинг токсик тормозланиши натижасида анемия ва умумий ҳолдан тойиш ривожланади. Кўз туби томирлари спазми туфайли (ангиоспастик нейроретинит) кўриш хусусияти сусяди ва кейинчалик бемор кўр бўлиб қолиши мумкин. Бош оғрифи доимий тус олади, айрим вақтларда талваса тутади ва у одатда мушаклар тортилиши

билин намоён бўлади. Бу ўзгаришларнинг кучайиши натижасида бемор коматоз ҳолатга тушади (уремик кома), агар тегишли даволаш чоралари қўлланилмаса у бу ҳолатдан чиқмасдан ўлиши мумкин. Бундай уремия чин ёки азотемик уремия дейилади.

Нафас олишдан, кусищдан ва ахлатдан сийдик ҳиди келади. Уремияга кўз қорашибининг торайиши хос. Нафас марказининг қондаги кислоталар билан қитиқланиши натижасида нафас бузилади: нафас олиш чукурлашади ва чўзилади, нафас чиқариш эса қисқа бўлади (Куссмаул шовқинли нафаси). Баъзан нафас бузилиши нафас маркази ишининг жиддий пасайиши билан боғлиқ бўлиши мумкин (Чейн – Стокс нафаси), ўлиш олдидан айрим ҳолатларда азотемик перикардит ривожланади ва унда эшитиладиган шовқин «дафнлаги жиринглаш» деб ном олган, пешона ва бурун қанотларида «сийдикчилли тер» кўриниб туради. Айрим беморларда кома ҳолатида оёқнинг икки қоринчали мушаклари ва юз мушаклари талвасаланиши кузатилади, камдан кам ҳолатларда эса катта талвасаланиш тутқаноқлари кузатилади.

Машғулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш

1-иши. Ўткир буйрак етишмовчилиги бор бақада сув билан зўриқиша диурезни аниқлаш.

Ўткир буйрак етишмовчилиги бақада унинг лимфатик халтасига симоб хлориди (0,5% ли эритмани 0,1 мл) юбориб чақирилади. Бир хил оғирликдаги иккита бақа олинади. Диурезни ўрганиш учун бақанинг юқори қисми нам дока билан бекитилган воронкага жойлаштирилади, сийдик белгили центрифуга пробиркаларга йигилади. Назоратдаги бақанинг лимфатик халтасига 3,0 мл дистилланган сув, тажрибадига – 2,9 мл дистилланган сув + 0,1 мл 0,5% ли симоб хлориди эритмаси юборилади. Диурез I соат давомида ҳисобга олинади. Олинган натижалар таҳдил қилинади ва тажрибага баённома тузилади.

2-иши. Экспериментал (сулемали – симоб хлориди) некротик нефроз чақирилган сичқонларда сув билан зўриқиша диурезни аниқлаш.

Сичқонларда некротик нефроз уларнинг 1 кг оғирлигига нисбатан 10 мг симоб хлориди юборгандан 1 кун кейин ривожланади. Тажрибадаги сичқонларга тажрибадан I қун олдин орқа териси остига кеरакли миқдорда симоб хлоридининг 0,1% ли эритмаси юборилади.

Тажрибани ўтказиш тартиби. Иккита оқ сичқон (тажриба ва назоратдаги) алоҳида шиша воронкаларга жойлаштирилади. Воронкалар штативдаги белгили центрифуга пробиркаларига ўрнатилади. 15 дақ. ичидаги тажриба ва назоратдаги сичқонларда диурез миқдори аниқланади. Иккала сичқон териси остига ҳам 2 мл дистилланган

сув юборилади, сув билан зўриқишдан кейин 1 соат давомида ҳар 15 дақ. сийдик йигилади. Натижалар жадвалга ёзилади (8-жадвал). Сийдикдаги оқсил сифати аниқланади. Бунинг учун 0,5 мл фильтирланган сийдикга томчилаб сульфосалицил кислота эритмаси қўшилади. Сийдикда оқсил бўлса эритма лойқаланади.

Ўткир буйрак етишмовчилигига диурезнинг ўзгариши

8-жадвал .

Ҳайвонлар	Диурез, мл					Жами	
	тажри- багача	сув билан зўриқишдан кейин					
		15	30	45	60 дақ.		
Назоратдаги Тажрибадаги							

Жиҳозлар: бақалар, сичқонлар, шприц, игналар, 0,1%, 5% симоб хлориди эритмаси, шиша воронкалар, дока, белгили центрифуга пробиркалари, дистилланган сув, пробиркалар учун штативлар, сульфосалицил кислота эритмаси.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнкимларни ўзлаштириш

Кўйидаги ишлар бажарилади:

1) бақада ўткир буйрак етишмовчилигига сув билан зўриқишда диурезни аниқлаш;

2) экспериментал некротик нефрозли сичқонда сув билан зўриқишда диурезни ўрганиш.

Талаба: 1) ўткир буйрак етишмовчилиги ва симоб хлоридли некротик нефроз чақириш усусларини; 2) мустақил равишда сийдикда оқсилни сифатий аниқлашни; 3) олинган натижаларни таҳлил қилишни билиши керак.

Эксперимент баённомаси ва хулосаларни ёзиш.

Вазиятли масалаларни ечиш

I-масала. қўёнга 5 кун давомида ҳар куни симоб хлориднинг 1% ли эритмасини 0,8 мл юборганданда кучли олигурия, протеинурия,

иipopротеинемия ривожланган. Коптокча фильтрацияси бунда норманинг 90% ни ташкил қилган. Коптокча фильтрацияси бирмунча камайганда жиддий олигурия ривожланишини қандай изоҳлаш мумкин?

2-масала. Экспериментдаги ҳайвон венасига концентрацияланган коллоидал эритма юборилгандан кейин анурия кузатилган. Анурия механизми нимадан иборат?

3-масала. Қуён венасига гетерологик (ўрдак) буйракка қарши зардоби юборилган. Бунинг натижасида ривожланган буйрак шикастланиши гипертензия, шиш, протеинурия, макрогематурия билан кечган. Морфологик текширишларда жиддий гломерулонефрит манзаси аниқланган.

1. Кўрсатилган нусха қайси механизимли гломерулонефритнинг ривожланишидан далолат беради?

2. Келтирилган симптомлар қайси буйрак синдромига хос?

4-масала. Маълумки инулин клиренси 120 мл/дақ., сийдикчил – 72 мл/дақ., эндоген креатининники эса – 144 мл/дақ.га тенг. Бу моддалардан қайсилари каналчаларда реабсорбцияланади, қайсилари секрецияланади?

5-масала. Бемор А., 27 ёшда, шифохонага меъдадан жиддий қон кетиши билан оғир аҳволда олиб келинган. АБ – 80/60 мм сим. уст., у бир кунда 160 – 180 мл сийдик ажратган. Қонда қолдик азот – 62 ммоль/л, сийдикчил – 36 ммоль/л, плазма креатинини – 260 мкмоль/л.

1. Беморда буйрак етишмовчилигининг қайси тури ва қайси босқичи мавжуд?

2. Беморда диурез камайишини қандай изоҳлаш мумкин?

Интеграция амалга оширилиши лозим бўлган фанлар

1. Нормал физиология.
2. Урология курси.
3. Патологик анатомия.

29 - МАШГУЛОТ

ЭНДОКРИН ТИЗИМ ПАТОФИЗИОЛОГИЯСИ.

I. Мавзу: ГИПОФИЗ ВА БУЙРАК УСТИ БЕЗИ ФУНКЦИЯСИННИГ БУЗИЛИШЛАРИ

Машгулот мақсади. Талаба қўйидагиларни билиши керак:

1) гипофиз ва буйрак усти бези гормонлари гипо- ва гиперсекрециясининг намоён бўлишининг асосий сабаблари ва бузилиш механизmlарини;

2) экспериментдаги каламушга экзоген кортикотропин (АКТГ) юборгандада қонида бўладиган ўзгаришларнинг нусхасини яратиш ва уларнинг механизмини тушунтиришни;

3) экспериментдаги каламушда буйрак усти бези етишмовчилигига организм резистентлиги бузилишининг нусхасини яратиш ва унини механизмларини тушунтиришни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фанлар бўйича заминий билимлар даражасини текшириш

1. Эндокрин безлар регуляцияси тўғрисида ҳозирги замон тушунчалари. Гипофиз ва буйрак усти бези регуляциясида гипоталамуснинг роли. Нейросекреция ва гипоталамус «либеринлари» ва «статинлари» тўғрисида тушунча.

2. Гипофизнинг функционал морфологияси. Адено ва нейрогипофиз гормонлари ва уларнинг таъсир қилиш механизми.

3. Буйрак усти безининг функционал морфологияси. Безнинг пўстлоқ ва магиз маддаси гормонлари, уларнинг таъсир қилиш механизми.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. чл. корр. АМН СССР Н. Н. Зайко, Киев, Вища школа, 1985, с. 488 – 501, 507 – 510.

Патологическая физиология /Под ред. акад. РАМН А. Д. Адо и проф. В. В. Новицкого. Томск. Изд-во Томского ун-та, 1994, с. 402- 412.

Н. Х Абдулаев, Х. Е. Каримов. /Патофизиология. Тошкент, Абу Али ибн Сино номидаги тиббиёт нашр., 1998, б. 465-486.

Патологическая физиология /Под ред. А. Д. Адо, М. А. Адо, В. И. Пышков и др. Москва, Триада –Х, 2002. с.384-401.

Потемкин В. В. Эндокринология. – М.: Медицина, 1978, с. 406.

Потемкин В. В. Эндокринология. Изд. 2-е, перераб. и доп., - М.: Медицина, 1986, с. 429.

Кўшимча адабиётлар:

Акмаев И. Г. Структурные основы механизмов гипоталамической регуляции эндокринных функций. М.: «Наука», 1979. с. 299.

Алешин Б. В. Гистофизиология гипоталамо-гипофизарной области. – М., 1971, с. 440.

Алексеев Ю. П. Соматостатин: его физиологическое значение и применение в клинике внутренних болезней. _Проблемы эндокринологии, 1977, № 6, с. 93-106.

Ашмарин И. П., Обухова М. Ф. Регуляторные пептиды. БМЭ. Под ред. Б. В. Петровского, 3- изд. – М., 1988, Т. 29, с. 312-316.

Васильева И. А. Соматомедин, биологическая характеристика и некоторые клинические данные о содержании его у людей в норме и патологии. Проблемы эндокринологии, 1977, № 5, с. 104- 110.

Васильева И. А. Гормональная регуляция уровня соматомединовой активности крови в организме. /Проблемы эндокринологии, 1981, № 1, с. 81-84.

Войткевич А. А. Роль гипоталамической нейросекреции в регуляции эндокринных желез. Вестник АМН СССР, 1969, № 7, с. 69-83.

Горизонтов П. Д., Протасова Т. Н. Роль АКТГ и кортикостероидов в патологии. – М., 1968, с. 335.

Завадовский М. М. Противоречивые взаимодействия между органами в теле развивающегося животного. – М. – Л., 1941.

Науменко Е. В. Центральная регуляция гипофизарно-надпочечникового комплекса. – Л., «Наука», 1971, с. 161.

Поленов А. Л. Гипоталамическая нейросекреция. – Л., «Наука», 1968, с. 159.

Руководство по клинической эндокринологии /Под ред. акад. АМН СССР В. Г. Баранова. Л: Медицина, 1997, с. 662.

Руководство к практическим занятиям по патофизиологии /Под ред. чл. – корр. АМН СССР Н. Н. Зайко, проф. Л. Я. Даниловой. – Киев, Вища школа, 1987, с. 165-169.

Руководство к практическим занятиям по патофизиологии /Под ред. проф. Н. Н. Лосева. – М., Медицина, 1985, с. 160.

Синицына А. Л., Лашас Л. Б., Зарубина Н. А., Евалтайтс Д., Алешина Л. В. Препарат соматотропина человека. Физиологическая характеристика и биологическая активность. Проблемы эндокринологии, 1977, № 6, с. 73-75.

Угрюмов М. В. Нейроэндокринная регуляция в онтогенезе (структурно-функциональные основы). – М., «Наука», 1989. с. 246.

Хамидов Д. Х., Войткевич А. А., Зуфаров К. А., Овчинникова Г. А. Надпочечниковая железа (экспериментально-морфологическое исследование). Из-во «Фан», Ташкент, 1966, с. 360.

Хусинов А. А. Гормоны коры надпочечников и эволюция экспериментальной туберкулезной каверны легкого. Дисс. на соиск. ученой степени доктора мед. наук. - М., 1972, с. 489.

Юдаев Н. А. Пути биосинтеза кортикостероидов. Современные вопросы эндокринологии, 1969, в. 3, с. 7-20.

Юдаев Н. А. Биохимия стероидных гормонов коры надпочечников. – М., 1956, с. 135.

Асосий ўкув саволлари

1. Эндокрин безлар функцияси бузилишининг марказий ва периферик нейроэндокрин регуляция даражасида умумий этиологик омиллар.

2. Адено- ва нейрогипофиз гормонлари гиперсекрецияси ва етишмовчилигига хос бузилишлар: гипофизар гигантазм, акромегалия,

Иценко – Күшинг синдроми, гипофизар нанизм, адипозо – генитал дистрофия, гипофизар қаҳекция, қандсиз диабет патогенези.

3. Буйрак усти бези гормонлари гиперсекрецияси ва етишмовчилиги бузилишлари: Конн ва Күшинг синдромлари, адреногенитал синдром, Аддисон касаллиги ва уларнинг патогенези.

Аннотация

Эндокрин бузилишларнинг этиологик омиллари ҳар хил бўлиши мумкин. Улар регуляциянинг турли даражадаги ўзгаришини чакиради. Нейро-эндокрин регуляциянинг бузилишлари гипоталамус шикастланганда кузатилади. Гипоталамус ўз навбатида МАТ таъсири остида бўлади. Руҳий травма, стресс эркакларда жинсий функцияни пасайишига ва аёлларда ҳайз циклининг бузилишига олиб келади. Гипоталамусда RF (рилизинг омиллар) ҳосил бўлади. Улар аденогипофиз гормонларининг яъни троп гормонларнинг стимулловчи (либеринлар) ва ингибиторловчи (статинлар) ларга бўлинади. Гипоталамик регуляция бузилишига инфекция, яллигланиш жараёнлари, томир ва травматик шикастланишлар сабаб бўлиши мумкин. Гипоталамик регуляциянинг бузилиши у ёки бу рилизинг омилини бузилиши, гипофиз ўсмаси ва б.к. лар билан боғлиқ бўлади. Парагипофизар регуляциянинг бузилиши ҳам айрим эндокрин безлар функциясининг ўзгаришига олиб келади. Буйрак усти бези магнит қисми фаолияти, маълумки, симпатик асаб тизими (САТ) томонидан регуляция қилинади. Шунинг учун ҳам САТ функциясида ги у ёки бу силжишлар катехоламинлар ва қалқонсимон без олд бези гормонлари секрецияси ўзгаришида ўз аксини топади.

Эндокрин бузилишларнинг асосий сабаби безнинг ўзидағи патология жараёнлардан иборат бўлиши мумкин. Безда инфекциялар (сил касаллиги, захм, менингококкли инфекция) ўсма жараёнлари, аутоаллергик шикастланишлар (Хасимото тиреоидити) айрим эндокрин бузилишлар сабаби сифатида хизмат қиласди. Буйрак усти безининг сил касаллигига шикастланиши, унга қон қўйилиши, масалан менингококк инфекциясидан кейин, без функциясининг етишмовчилигига олиб келади.

Эндокрин бузилишларга гормонлар биосинтезидаги генетик дефектлар ҳам сабаб бўлиши мумин. Масалан буйрак усти бези кортизол (гидрокортизон) гормонининг ҳосил бўлишида иштирок қилувчи ферментлар тизими (21- гидроксилаза ёки 11 – β – гидроксилаза) нинг генетик дефектида бу гормон ҳосил бўлмайди. Натижада гипоталамус кортиколиберини секрецияси тормозланиши олиб ташланади ва гипофиз кортикотроп гормони секрецияси кучаяди. Кортизол ҳосил бўлмаслиги туфайли стероидогенез андроген эффектга эга

бошқа гормонлар секрециясига күчади. Натижада андроген функциясини регуляция қилувчи тескари алоқа тормозланади ва жинсий безлар атрофияга учрайди. Бу қизларда вирилизм (маскулинизация), ўғил болаларда вақтидан илгари жинсий ривожланиш белгиларининг пайдо бўлиши билан намоён бўлади.

Эндокрин патология сабаби периферик (бездан ташқари) гормонлар фаолиги механизмларининг бузилиши, жумладан гормонларнинг оқсил билан боғланиши, циркуляция қилиб юрувчи гормон, айниқса гормон рецепторлари блокаласидан иборат бўлиши мумкин. Шундай қилиб, эндокрин патологияларнинг этиологик омиллари гипоталамик, гипофизар, парагипофизар регуляциянинг бузилишлари, ҳамда безнинг ўзида гормонлар синтези силжиши билан кечувчи ферментларнинг генетик дефектлари ва гормонлар фаолигининг бездан ташқари механизмларининг ишдан чиққан бўлиши мумкин.

Аденогипофиз патофизиологияси. Соматотропин (ўсиш гормони) гиперсекрециясида гипофизар гигантизм ва акромегалия ривожланади. Акромегалия ва гипофизар гигантизм бир хил патологиянинг варианtlари ҳисобланади.

Акромегалия (юн. akron – охириги, энг четки, megas (– катта) – касаллик бўлиб, у скелетнинг нопропорционал ўсиши, юмшоқ тўқималар ва ички азолар катталашиши билан характерланади. Кўпинча 20 – 40 ёшларда ривожланади.

Гигантизм – касаллик, унга скелет, бошқа аъзо ва тўқималарнинг ўсиш гормони кўп ишлаб чиқарилиши натижасида, ёшга мос келмайдиган пропорционал ўсиш (эркаклар бўйи 200 см, аёллар – 190 см дан юқори) хос.

Этиологияси. Касалликларнинг сабаби номаълум. Уларнинг ривожланишига калла суюги травмаси (контузия, бошнинг лат ейиши ва ҳ.к.), ҳомиладорлик, ўткир ва сурункали инфекциялар (трипп, тошмали ва ич терлама, қизамиқ, захм), руҳий травма, гипоталамик соҳада яллиғланиш жараёни, кулранг дўмбокча жароҳатланиши, генетик омиллар шароит тутғидари.

Патогенези. Соматотрапин гормони кўп ишлаб чиқарилиши ўсиш зонаси очиқ ҳолатда гигантизм, мушак тўқималари, ички аъзолар ўлчамининг катталашишига (спланхномегалия), эпифизар зона бекилгандан сўнг эса, юмшоқ тўқималар катталашиши билан биргаликда, оёқ-кўллар, калла суюги диспропорционал катталашишига ва қалинлашишига (акромегалия) олиб келади.

Иценко – Күшинг касаллиги – мия пўстлоғи ости ва устун тузилмалари (гипоталамус, таламус, ретикуляр формация) шикастланиши ва кейинчалик унга гипофиз ва буйрак усти безларининг қўшилиши билан боғлиқ касаллик, кўпинча аёлларда 20 – 40 ёшларда ривожланади. Бу касаллик 1924 й. рус невропатологи Н. М. Иценко

томонидан ўрта мия шикастланишида ва 1932 й. америкалик нейрохирург Кушинг томонидан худди шундай симптомокомплекс гипофиз олд қисми базофил аденомасида ёзилган.

Этиологияси. Касаллик сабаби тұла аниқланмаган. Уни калла – мия травмаси ёки руҳий травма, инфекцион касалликлар, айниңа нейроинфекциялар (энцефалит, менингит, арахноэнцефалит), интоксикациялар, гипофиз ўсмаси, ҳомиладорлик, туғруқ, клиакс даврида гормонал қайта қурилишлар ва б.к. билан боғлашади.

Патогенези. Касаллик патогенези гипоталамо – гипофизар – бүйрак усти бези тизими регуляцияси механизмларининг бузилиши билан боғлиқ (Потемкин В. В., 1986). Бу бузилишлар МАТ нинг серотонин ва дофамин рецепторлари томонидан рўй беради. Серотонин CRF – кортикотропин – кортизол тизими фаолигини оширади, дофамин эса уни тормозлайди. Бу касалликда дофамин медиаторларининг тормозловчи таъсири ва унга рецепторларнинг сезгирилиги камаяди. Натижада CRF (кортикотропин рилизинг омил) секрецияси медиатор назорати бузилади, кортикотропин ҳосил бўлиши кучяди ва бу ўзгаришлар касалликнинг асосий патогенетик омили ҳисобланади. Кортикотропин гормони гиперсекрецияси ўз навбатида бўйрак усти бези копточка ва тўр зонаси функциясини кучайтиради. Глюкокортикоид гормонлари ҳосил бўлишининг ошиши артериал гипертензия, остеопороз, йирик тери чўзилиши тасмалари (стрийлар) ҳосил бўлишига, семириш, инфекцияларга нисбатан резистентликнинг камайишига, то қандли диабет (стероид диабет) ривожланишигача етиб борувчи карбонсувлар алмашинувининг бузилишига, андроген гормонлари секрецияси бузилиши эса – тухумдон функцияси бузилишига, акне (ёғ ажратувчи безларнинг яллигланиши натижасида терига ҳуснбузарлар тошиши) ва гипертрихозга (сертуклик) олиб келади.

Аденогипофиз функцияси етишмовчилиги гипофизар нанизм, адипозогенитал дистрофия ва Симмондс – Шиен синдроми (гипоталамо – гипофизар кахексия, туғруқдан кейинги гипопитуитаризм) билан намоён бўлади.

Гипофизар нанизм (юн. nanos - пакана) – кичик бўйлилик (эркакларда 130 см, ва аёлларда 120 см дан кам) билан тавсифланади. Бу генетик касаллик бўлиб, биринчидан у самотропин гормонининг мутлақ ёки қисман тақчиллиги оқибатида пайдо бўлади, натижада аъзо ва тўқималарнинг ўсиши кечикади. Ўсишнинг кечикиши одатда 2 –3 ёшдан кейин кузатилади. Лекин, гипофизар нанизм организмда ўсиш гормони етарли бўлганда ҳам ривожланиши мумкин, агар унга нисбатан периферик тўқималарнинг сезгирилиги йўқолса ёки соматомедин етарли даражада ёки бутунлай ишлаб чиқарилмаса. Соматомедин соматотропин гормонининг ўстирувчи фаолигини тъль

минлашда зарур восита ҳисобланади (Панков Ю. А., Булатов А. А., 1984), унинг таъсирида тоғай тўқимасига сульфатларнинг кириши кучаяди (Потемкин В. В., 1986).

Адипозогенитал дистрофия (юн. adiposis – ёғли ва genitalis – жинсий) – Пехкранц – Бабинский – Фрелих касаллиги – нейроэндокрин тизм касаллиги бўлиб, тез семириш, ташқи ва ички жинсий аъзолар етарли ривожланмаслиги ва жинсий функциянинг пасайиши билан характерланади. Кўпинча 6 – 7, айниқса 10 – 13 ёшдаги ўғил болаларда ривожланади.

Этиологияси. Касаллик ҳомиланинг она қорнида инфекциясида (токсоплазмоз), туғруқ травмасида, ўтқир (қизилча, терламалар, вирусли инфекциялар) ва сурункали (сил касаллиги, захм) инфекцияларда ва эрта ёшли болада миянинг шикастланишидан ривожланishi мумкин. Шунингдек касалликка ўсмалар, мия III қоринчаси истисқоси, тромбозлар, эмболиялар, қон қўйилишлар сабаб бўлиши мумкин.

Патогенези. Адипозогенитал дистрофияда семириш овқатга тўйиш сезгиси марказий регуляциясининг бузилиши ёки гипоталамус паравентрикуляр ва вентромедиал ядролари таъсиrlаниши натижасида ривожланади. Бу беморларда иштаҳа жуда ошади, натижада семириш авж олади. Гипоталамус функциясининг бузилиши гипофиз гона-дотроп функциясининг пасайишига олиб келади, ва бунинг натижасида жинсий тизим етарли ривожланмайди (гипогонадизм).

Симмондс - Шиен синдроми – бу касаллик adenогипофиз ва оралиқ мияда тарқалган деструктив ўзгаришлар ривожланishi ёки барча гипофизар гормонлар секрециясининг тўхташи натижасида юзага келади. Кўпинча 30 – 40 ёшли аёлларда кузатилади. Касаллик гипоталамо – гипофизар соҳанинг ўсма ёки инфекцион жараён билан шикастланиши, adenогипофизга қон қўйилишига олиб келувчи калла суюги травмаси натижасида ривожланади. Шунингдек касалликнинг сабаби гипофиз артерияларининг туғруқ вақтида кўп қон ўйқотилиши билан боғлиқ узоқ муддатли спазми, аборт, септик эмболия, айрим ҳолатларда меъда ва бошқа жойлардан кучли қон кетишлар натижасида ҳосил бўладиган некрози бўлиши мумкин.

Патогенези. Гипоталамус ва adenогипофизнинг тарқалган деструктив ўзгаришлари барча троп гормонлар секрециясининг тўхташига олиб келади, натижада периферик эндокрин безлар, айниқса қалқонсимон без, буйрак усти безлари ва жинсий безлар функцияси пасаяди. Шунинг учун ҳам бу касалликка гипотиреоз, гипокортицизм ва гипогонадизмлар хос. Бу ўзгаришлар ҳамма безлар функциясининг бирданига тўхташи ёки фақат у ёки бу без функциясининг тўхташи билан намоён бўлиши мумкин. Ўстирувчи гормон функциясининг пасайиши аъзо ва тўқималарда атрофик жараёнларнинг

ривожланишига олиб келади. Беморнинг озиб-тўзиб кетиши (кахексия) овқатдан жирканишгача етиб борувчи иштаҳа йўқолиши билан боғлиқ бўлади.

Нейрогипофиз патофизиологияси. Қандсиз диабет (*diabetes insipidus*) – антидиуретик гормон (АДГ, вазопрессин) мутлақ тақчиллиги натижасида ривожланади. Касалликка нейротроп вирусли инфекциялар (грипп ва б.к.) ёки бошқа ўткир ва сурункали инфекцион касалликлар (қизилча, кўйкўтал, терламалар, сил, захм), шунингдек калла суюги – мия травмалари, гипофиз ва гипоталамуснинг бирламчи ёки метастатик ўсмалари сабаб бўлиши мумкин. Айрим ҳолатларда қандсиз диабет гипоталамо – гипофизар генезли эндокрин касалликларда (адипозо-генитал дистрофия, акромегалия, Иценко – Күшинг касаллиги ва б.к.) ҳам ривожланади, баъзан қандсиз диабет наслий тусга эга бўлиши мумкин.

Патогенези. Гипоталамус супраоптик ва паравентрикуляр ядроларининг ва гипоталамо – гипофизар трактнинг (унинг асаб толалари орқали нейросекрет гипофиз орқа бўлагига қўйилади) шикастланиши АДГ мутлақ тақчиллигига олиб келади. Натижада буйракнинг эгри-бугри каналчаларининг дистал қисмида сув реабсорбцияси камаяди ва бу диурез ошишига (полиурия) олиб келади. Маълумки АДГ (вазопрессин) таъсирида буйрак каналча эпителийсида гиалуронидаза ферменти фаоллиги ошади ва у эпителий ораси ва базал мембраннынг цементловчи моддасининг қайтар деполимеризациясини чақиради, натижада уларнинг ўтказувчанлиги ошади ва суюқлик реабсорбцияси таъминланади. АДГ нинг мутлақ етишмовчилиги ёки АДГ га нисбатан каналчалар рецептор аппаратининг туфма патологиясида эса бу механизм бузилади ва у полиурия ва организмнинг сувсизланишига олиб келади. Организмнинг сувсизланиши гипоталамусдаги «ташнали марказини» таъсиirlайди, натижада ташналик (полидипсия) туйфуси ҳосил бўлади.

Нейрогипофизда иккинчи гормон – окситоцин ҳам бўлади, у паравент-рикуляр нейронлар рибосомасида, оз миқдорда гипоталамус супраоптик ядросида синтезланади (Панков Ю.А., 1981). Окситоцин бачадон, сут бези, ўт пуфаги, ўт йўллари ва ичак силлиқ мушаклари қисқаришини чақиради. Ҳомиладор аёллар қонида окситоцини инактивлайдиган окситоциназа (КФ 3.4 11.3) ферменти бўлади. Туғруқдан 10 – 14 кундан кейин аёл қонидан окситоциназа йўқолади. Окситоцин секрециясининг бузилиши туғруқнинг патологик кечиши ва лактация даврида сут бези фаолиятининг бузилишига олиб келади. Бачадон атонияси, дискинезиялар, ичак перистальтикаси сусайиши ҳам бу гормоннинг етишмовчилиги билан боғлиқлиги эҳтимолдан ҳоли эмас.

Буйрак усти бези патофизиологияси. Без коптокча зонаси гормони – альдостерон гиперсекрецияси бирламчи ва иккиласи бўлиши

мумкин. Бирламчи альдостеронизм Конн синдроми дейилади. Касалликни биринчи марта 1955 й. Конн тасвирилаган. Касалликнинг сабаби 85% ҳолатларда буйрак усти бези гормонал – фаол ўсмалари – альдостеромалар, камроқ ҳолатларда (9%) без коптокча зонасининг икки томонлама гиперплазиясидан иборат.

Патогенези. Альдостероннинг кўп ишлаб чиқарилиши натижасида организмда Na ва сув сақланади. Ҳужайраларда, жумладан томир деворида Na концентрациясининг ошиши улар сезгирилигини симпатик медиаторларга нисбатан кучайтиради, натижада артериал гипертензия ривожланади. Калий ионлари ва хлоридларнинг кўп йўқотилиши миастениялар, парезлар ва скелет мушаклари талвасаланиш хуружлари, миокард қисқарувчанлиги функцияси бузилишларига сабаб бўлади. Нефрон каналчалари дистрофик ўзгаришларга учрайди ва вазопрессинга (АДГ) реакция бериш имкониятини йўқотади. Шу тарзда полиурия содир бўлади ва бу билан бирламчи альдостеронизмда шиш бўлмаслигини тушунтириш мумкин. Сийдик билан калийнинг юқори даражада экскреция қилиниши гипокалиемик алкалоз ва гипокалиемик каналча нефропатиясига олиб келади.

Буйрак артерияларининг торайиши ёки буйракда қон оқимининг камайишига олиб келувчи қатор патологик ҳолатлар (гипертония касаллиги, буйрак гипертензияси, қон айланиши етишмовчилиги, жигар циррози билан боғлиқ асцит, нефротик синдром ва б.к.) кўпинча иккиласми альдостеронизм билан кечади, унда нормал буйрак усти безида альдостерон секрецияси кучаяди. Альдостерон буйрак билан чамбарчас боғлиқ: унинг ишлаб чиқарилиши буйракда қон оқими назоратида бўлади, буйрак функцияси эса (Na ионлари реабсорбцияси) ўз навбатида альдостерон миқдорига боғлиқ бўлади. Бундан келиб чиқсан ҳолда иккиласми альдостеронизмни қуидаги кетма-кетликда тасаввур қилиш мумкин: ишемия – ренин – ангиотензин II – альдостерон – нефрон каналчаларининг буралган қисми (Резников А. Г., 1985).

Буйрак усти бези тутамли зонаси гормонлари гиперсекрецияси, бу зонада гормонал фаол ўсмалар – глюкостеромалар ривожланганда кузатилади. Бу синдромни биринчи марта 1942 й. Күшинг аниқлаган. Унинг патогенези Иценко – Күшинг касаллиги патогенезига ўхшаш ва глюкокортикоидлар кўп ишлаб чиқарилишига боғлиқ, аммо касалликнинг кечиши тезроқ, унда юқори даражада вирилизм (гирсутизм, гипертрихоз ва ҳ.к.) кузатилади. Касаллик кўпинча 18 – 42 ёшлага аёлларда ривожланади.

Буйрак усти безининг тўрсимон зонаси ўсмалари (андростеромалар) андроген ва эстероген хусусиятли гормонлар гиперсекрецияси билан кечади ва адреногенитал синдромлар ривожланишига олиб келади. Асосан иккита адреногенитал синдром фарқ қилинади: 1)

гетеросексуал, бир хил жинсда иккинчи хил жинс гормонлари кўп ҳосил бўлади ва 2) изосексуал — шу жинсга мансуб гормонлар ўз вақтидан илгари ёки кўп ишлаб чиқарилади (Резников А. Г., 1985). Кўпинча аёлларда гетеросексуал адреногенитал синдром учрайди, унда ўсма кўп миқдорда андростендиол ва адреностерон гормонларини ишлаб чиқаради.

Бу гормонлар ўзининг биологик таъсири бўйича эркаклар жинсий гормонларига яқин туради. Ҳосил бўлган гормонлар тескари алоқа механизми бўйича гонадотрол гормонлар ишлаб чиқарилишини тормозлайди. Аёлларда андрогенлар таъсирида иккиласмачи жинсий белгилар, жумладан эркаклар каби жунлар ўсиши (вирилизм) кузатилади. Бу гормонларнинг оқсил алмашинувига анаболик эффекти туфайли уларда мушаклар кучли ривожланади ва аёл эркак кўринишида гавдаланади (маскулинизация). Шунга муносиб равишда беморнинг руҳи ҳам ўзгаради.

Буйрак усти бези магиз қатлами ўсмаси — феохромоцитома катехоламинлар (адреналин, норадреналин, дофамин) кўп секреция ажратилишига олиб келади. Адреналин ва норадреналинларнинг миқдор ва нисбатига қараб касаллик ҳар хил ўзгаришлар билан намоён бўлиши мумкин. Адреналин миқдори устуворлигида скелет мушаклари томирларининг кенгайиши ва томирларда периферик қаршиликнинг тушиши натижасида коллапс ривожланади (Потемкин В. В., 1986). Бундан ташқари қўзғалувчанлик, титраш, кўз қорашибигининг кенгайиши, таҷикардия, гипергликемия, глюкозуря кузатилади. Норадреналин устуворлигида эса терлаш, брадикардия, ҳам систолик, ҳам диастолик артериал қон босимининг, асосий алмашинувнинг ошиши ва ҳ.к. каби ўзгаришлар кузатилади. Феохромоцитомадаги гипертония патогенезида катехоламинлар миқдорининг ортиқча бўлиши асосий рол ўйнайди. Бу гормонларнинг ортиқча бўлиши билан юрак тож артериялари атеросклерозининг ривожланиши ҳам боғлиқ. Натижада нисбий коронар етишмовчилиги ва миокард гипоксияси ривожланади, миокардда сут кислота йигилади ва гликоген миқдори камаяди. Ҳужайра ичидаги Na концентрацияси кўпайди, калий эса камаяди. Натижада юрак мушагида ҳатто коронар томирларда ўзгаришсиз ҳам некроз пайдо бўлиши мумкин.

Буйрак усти бези гормонлари етишмовчилиги. *Аддисон касаллиги* (гипокортицизм, бронза касаллиги) — бу оғир сурункали кечувчи касаллик бўлиб, иккита буйрак усти бези функциясининг ҳам безларнинг икки томонлама шикастланиши билан боғлиқ қисман ёки тўлиқ ишдан чиқиши натижасида содир бўлади. Касаллик биринчи марта 1855 й. англиялик шифокор Томас Аддисон томонидан таърифланган. Буйрак усти бези шикастланишининг кўп учрайдиган сабабларидан уларнинг аутоиммун (идиопатик аддисон касаллиги)

яа гематоген диссеминацияланган силда шикастланиши ҳисобланади. Бундан ташқари Аддисон касаллиги сабабларига буйрак усти безига қон қуилиши, томирларнинг тромбози, икки томонлама ўсмалар, амилоидоз ва безларнинг йирингли яллиғланишлари киради.

Патогенези. Аддисон касаллигига глукокортикоидлар (кортизол, кортикостерон) тақчиллиги адинамия, юрак-томир ва ошқозон-ичак бузилишлари, нокулай омилларга нисбатан (инфекциялар, интоксикациялар ва ҳ.к.) организм қаршилигининг пасайиши, қонда қанд миқдорининг камайиши, нейтропения, эозинофилия, лимфоцитоз ва ҳ.к. га олиб келади. Минералкортикоидлар (альдостерон) ишлаб чиқарилиши етишмовчилиги натижасида сув-туз алмашинуви бузилиши (гипонатриемия, гипохлоремия, гиперкалиемия) ривожланади, бу эса уз навбатида дегидратация ва гипотонияга олиб келади. Жинсий гормонлар (андрогенлар ва эстрогенлар) ҳосил бўлиши етишмовчилиги эркакларда импотенция, аёлларда ҳайз циклининг бузилишига сабаб бўлади. Касалликка хос пигментация тери ғуддача катлами ва шиллиқ қаватларда меламин пигментининг чўкиши натижасида пайдо бўлади ва бу унинг кўп ҳосил бўлиши билан боғлиқ.

Буйрак усти безининг ўткир етишмовчилиги (Уотерхауз – Фридериксен синдроми) – буйрак усти бези функциясининг бирданига тўхташи натижасида пайдо бўлади ва тезлик билан ривожланадиган сув-электролит алмашинувининг оғир бузилишлари, қон айланининг ўткир етишмовчилиги, неврологик ва диспептик бузилишлар билан характерланади.

Этиологияси: буйрак усти безига қон қуилишидан (туғруқ травмаси, инфекциялар – бўғма, қизамиқ, қизилча, менингококкли, стафилакоккли сепсис) иборат. Кўпинча инфекциялар ва травма таъсирида касаллик яшин тезлигига ривожланади. Унинг 4 шакли фарқ қилинади: ошқозон-ичак (қоринда қаттиқ оғриқ, узлуксиз қусиш, вабосимон ҳолат); юрак-томир (цианоз, совуқ тер, тахикардия); менинго-энцефалитик (тўсатдан коматоз ҳолат) ва аралаш.

Умумий адаптация синдроми. Канадалик патофизиолог Ганс Селье умумий адаптацион синдром ёки стресс тўғрисида ўз назарияси ни яратди. «Stress» атамаси «кескинлик», «жиддийлик» маъносини англатади. Шу боис шикастловчи омилларни (масалан инфекция кўзғатувчилар, травматик агентлар, нурланиш, руҳий травма) Селье стрессорлар деб атади. Улар организмни стресс ҳолатига олиб келади. Сельенинг кузатишича турли табиатли омиллар таъсири умумий (бир хил, стереотип) жавоб реакциясини чақириши мумкин. Сельени фанга кўшган катта ҳиссаси шундан иборатки, у шикастловчи омилларнинг таъсир қилиш механизмини атрофлича очиб берди. Селье умумий адаптацион синдром ривожланишида гипофиз – буйрак усти

бези тизими (гипофиз кортикотропини, буйрак усти бези глюко-кортикоидлари) ролини мукаммал равишда ўрганди.

Умумий адаптацион синдромни 3 – даврга ажратиш мумкин. Биринчи хавф-хатар (тревога) реакцияси даври – тимус, лимфатик түгунлар, талоқ кичрайиши билан характерланади. Бу даврнинг иккита фазаси бор: а) шок – юрак – томир ва нафас маркази функцияси жиддий бузилади, церкуляциядаги қон миқдори камаяди, гиподинамия ривожланади; б) контршок – организм шок ҳолатидан чиқади, кортикотропин секрецияси ошади, буйрак усти бези фаоллашади, гипертрофиялашади, қонга кўп миқдорда глюкокортикоидлар ажralиб чиқади.

Иккинчи давр – резистентлик даври. Буйрак усти бези гипертрофияси ва кортикостероидлар турғун гиперсекрецияси билан кечади. Циркуляциядаги қон миқдори кўпаяди, артериал қон босими ошади, глюконеогенез кучаяди, шикастловчи омилларга организм чидамлилиги (ёки резистентлиги) ошади.

Учинчи давр – буйрак усти безининг ҳолдан тойиши. Агар патоген омил жуда кучли бўлса ва узоқ муддат таъсир қиласа организм заифлашади, буйрак усти бези етарли даражада ҳимояловчи, адаптив гормонлар ишлаб чиқара олмайди ва бу ўлимга олиб келиши мумкин. Буйрак усти бези гўё зўриқади. Стресс морфологик ўзгаришлар учлиги билан намоён бўлади: 1) буйрак усти бези гипертрофияси, 2) тимус ва лимфатик аппарат ўлчамининг кичрайиши, 3) ошқозон-ичак трактида гуморал яралар пайдо бўлиши.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан танишиш.

1-иши. Каламуш қонида электр токи таъсирида эозинофиллар миқдорининг ўзгариши.

Каламуш тахтачага орқаси юқорига қаратилиб фиксация қилинади. Думининг уни кесилади ва аралаштиргичга 0,5 белгигача қон олинади ва 11 - гача Дунгерн суюклиги олинади. Аралаштиргич 3 дақ. силкитилади. З та биринчи томчи пахтага олинади, кейингиси билан Горяев камераси тўлдирилади. Микроскопнинг кичик катталаштиргичида, окуляр 15 да 60 катта квадратда эозинофиллар саналади. Олинган рақамлар 100 га кўпайтирилади ва шу тарзда эозинофиллар сони 1 mm^3 қонда аниқланади. Каламушнинг орқа оёқлари орқали 5 с давомида, 1 дақ. танаффус билан, жами уч марта электр токи ўтказилади. Ток таъсиридан 1 соат кейин каламуш думидан яна қон олинади ва эозинофиллар саналади. Натижка таққосланади, шикастланишга гипофиз олд бўлаги берган реакция баҳоланади. Экзоген АКТГ юборгандаги шунга ўхшаш реакция (Торн синамаси) механизми тушунтирилади.

2-иши. Экспериментда ўтқир буйрак усти бези етишмовчилигига жисмоний зўриқишига нисбатан оқ каламуш резистентлиги ўзгаришини ўрганиш.

Текширишлар назоратдаги соҳта операция қилинган ва буйрак усти бези илгари олиб ташланган тажрибадаги иккита каламушда ўтказилади. Ҳайвонлар бир вақтда 35—37° С ҳароратли сув солинган идишга жойлаштирилади. Уларнинг то чўкишгача бўлган сувда сузиш вақти ва ҳаракат фаоллиги рўйхатга олинади. Кейин улар сув тагидан чиқариб сочиқ билан қуритилади. Ҳайвонлар хатти-ҳаракати, сузишгача ва сузишдан кейинги нафас олиш сонидаги ўзгаришлар фарқи аниқланади, аниқ бир хуносага келинади.

Жиҳозлар: каламушлар, ҳайвонларни фиксациялаш учун тахтакалар, электродлар, лейкоцитларни санаш учун аралаштиргич, Дунгерн суюқлиги, Горяев камераси, силлиқланган қопловчи шишача, пахта, адреналэктомия қилиш учун стерилланган материал ва ашёлар, ҳарорати 35—37° С сув солинган идиш, сочиқ.

АУДИТОРИЯ ИШИ

Мавзууни оғзаки муҳокама қилиши. Амалий ишларни мустақил бажариш ва амалий кўникмаларни ўзлаштириши.

Куйидаги ишлар бажарилади:

1) каламуш қонида электр токи таъсирида эозинофиллар сонининг ўзгариши;

2) экспериментда ўтқир буйрак етишмовчилигига жисмоний зўриқишида оқ каламуш реактивлигининг ўзгаришини ўрганиш.

Талаба электр токи таъсирида стресс реакциясини яратишни ва унинг механизмларини аниқлашни билиши керак: электр токи кучли таъсири қилувчи ва таъсировчى бўлиб гипоталамус — гипофиз — буйрак усти бези реакциясининг ишга тушишини таъминлайди. Гипоталамусда рилизинг — омил — кортиколиберин ишлаб чиқарилади ва ўз навбатида гипофиз тегишли троп гормони — кортикотропин ишлаб чиқарышни кучайтиради. Кортикотропин резистентлик гормони — глюкокортикоидларнинг ҳосил бўлишини кўпайтиради, бу гормонларнинг организмда кўп ҳосил бўлишининг кўринишларидан бири — эозинофиллар сонининг камайиши бўлиб, бу эса уларнинг сони қонда ҳисоблаганда аниқланади.

Бундан ташқари талаба адреналэктомия қилинган каламушларда жисмоний зўриқишида ўтқир буйрак етишмовчилиги негизида организм адаптив имкониятларини ўзгаришини ўрганади.

Эксперимент баённомаси ва хулосаларни ёзиш.

Талаба мустақил равишида баённома тузади ва қузатишларга асосланган ҳолда электр токи таъсиридан кейин эозинофиллар сонининг ўзгариши тўғрисида хулосалар қиласи, шунингдек адреналектомиядан кейин организм реактивлиги ўзгариши тўғрисида фикр юритади. Олинган маълумотларни гипофиз кортикотропини ва буйрак усти бези «адаптив гормонлари» секрецияси ўзгариши нуқтаи назаридан интерпретация қиласи.

Вазиятли масалаларни ечиш.

1-масала. 32 ёшли беморда туғруқ вақтида кўп миқдорида ўткир қон йўқотилиши қузатилган (гемотрансфузия 2 соатдан кейин ўтказилган). Кейинчалик қуйидаги ўзгаришлар содир бўлган: а) кескин озиб кетиши; б) сут безлари инволюцияси; в) терида дистрофик ўзгаришлар, соч тўклиши; г) ички аъзолар гипотрофияси; д) тана ҳароратининг 35°C гача пасайиши; е) АБ 99/58 мм сим.уст.гача камайиши ; ж) қонда глюкоза 3,77 ммоль/л (68мг%).

1. Кўрсатилган ўзгаришлар қайси гипофизар патологияга хос?
2. Уларнинг асосий механизмлари нималардан иборат?

2-масала. А., исмли беморда гипофизнинг катталашиши ва буйрак усти бези гиперплазияси аниқланган. Кўшимча текширишларда қатор ўзгаришлар топилнган: а) АБ – 100/95 мм сим. уст; б) қонда глюкоза миқдори 18,9 ммоль/л (340 мг%); в) глюкозурия; г) «ойсимон» бет; д) сон терисида қип - қизил чандиқлар, гирсутизм.

1. Кўрсатилган патология қайси касалликда қузатилади?

3-масала. А. исмли бемор ланжлик, тез ақлий ва жисмоний чарчашиб, диспептик бузилишлардан шикоят қиласи. Текширишлардан аниқланишича: а) ижобий туберкулин синамалари; б) қондаги қанд миқдори 3,33 ммоль/л (60 мг%); в) АБ – 100/60 мм сим. уст.; г) юрак дақиқа җажми 3,5 л/дақ.; д) гипонатриемия; е) полиурия; ж) меланодермия.

1. Бу касаллик қандай номланади?

2. Касаллик пайдо бўлишининг асосий механизмларини айтинг.

4-масала. А., исмли беморда буйрак усти бези ўсмаси аниқланган. У тез жисмоний чарчашибдан, ўткинчи болдири ва билак мушаклари тортишишидан шикоят қиласи. Кўшимча текширишлардан аниқланишича: а) АБ – 205/160 мм сим.уст.; б) гипернатриемия; в) гипокалиемия; г) қонда альдостерон миқдори кўплиги; д) полиурия.

1. Бу касаллик қандай номланади?

2. Ривожланиш механизмини тушунтиринг.

Интеграция амалга оширилиши лозим бўлган фанлар

1. Эндокринология курси.
2. Ички касалликлар ва болалар касалликлари пропедевкаси.

30 - МАШГУЛОТ

ЭНДОКРИН ТИЗИМ ПАТОФИЗИОЛОГИЯСИ.

**II М а в з у : ҚАЛҚОНСИМОН БЕЗ, ПАРАТИРЕОИД БЕЗЛАР
ВА ЖИНСИЙ БЕЗЛАР ФУНКЦИЯСИ БУЗИЛИШЛАРИ.
APUD – ТИЗИМ ТЎҒРИСИДА ТУШУНЧА**

Машгулот мақсади. Талаба қўйидагиларни билиши керак:

- 1) қалқонсимон без, паратиреоид безлар ва жинсий безлар гормонлари гипер – гипосекрецияси сабаблари, бузилиш механизмлари ва намоён бўлиш асосий белгиларини;
- 2) APUD тизими тўғрисида тушунчани;
- 3) экспериментда каламушда гипер ва гипотиреоз нусхасини яратишни;
- 4) экспериментал гипер ва гипотиреозли каламушда юқори ҳарорат таъсирига нисбатан организм резистентлигини ўрганишни;

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

**Кичик курслардаги фанлар бўйича заминий билимлар
даражасини текшириш**

1. Қалқонсимон безнинг функционал морфологияси. Тиреоид гормонларнинг таъсири қилиш механизми.
2. Паратиреоид безларнинг функционал морфологияси. Паратиреон ва кальцитонин таъсири қилиш механизми.
3. Жинсий безларнинг функционал морфологияси. Андрогенлар ва эстровергенларнинг таъсири қилиш механизми.
4. APUD - тизим тўғрисида тушунча.

Мустақил тайёрланиш учун кўрсатмалар.

Асосий адабиётлар

Патологическая физиология /Под ред. чл. корр. АМН СССР Н. Н. Зайко – Киев, «Вища школа», 1985, с. 501-506.

Патологическая физиология /Под ред. акад. РАМН А. Д. Адо и В. В. Новицкого. – Томск, изд-во Томского ун-та, 1994, с. 402-412.

Абдуллаев Н. Х., Каримов Х. Ё. /Патофизиология . Тошкент, Абу Али ибн Сино номидаги тибиёт нашриёти, 1998, б. 465-486.

Патологическая физиология /Под ред. А. Д. Адо, М. А. Адо, В. И. Пыцкого и др. Москва, Триада – Х, 2002, с. 384-401.

Потемкин В. В. Эндокринология. Изд. 2-е, перераб. и доп. М.: Медицина, 1986, с. 429.

Қўшимча адабиётлар:

Алешин В. В. Проблема нейроэндокринных клеток и гипотезы «диффузной эндокринной системы». Успехи современной биологии, 1984, т. 98, в. 1 (14), с. 116-133.

Бабичев В. Н. Нейроэндокринология пола. М.: «Наука», , 1981, с. 226.

Руководство по клинической эндокринологии /Под ред. В. Г. Баранова, -Л., Медицина, 1977.

Руководство к практическим занятиям по патофизиологии /Под ред. проф. Н. И. Лосева. – М.: Медицина, 1985, с. 163-164.

Старкова Н. Г. Фармакотерапия в эндокринологии. М., Медицина, 1989.

Тиреоидные гормоны /Под ред. Я. Х. Туракулова, Ташкент, 1972.

Туракулов Я. Х. Биохимия и патохимия щитовидной железы. Ташкент, 1963.

Туракулов Я. Х. Тироксин, трийодтиронин. БМЭ, т. 25, 1985, с. 87-89, 264-262.

Яглов В. В., Ломоносова Г. А. Диффузная эндокринная система. Итоги и перспективы исследования. Успехи современной биологии, 1985, т. 99, в. 2, 264-276.

Асосий ўкув саволлари

1. Қалқонсимон без гормонлари гиперсекрецияси ва етишмовчилиги бузилишлари (диффуз токсик буқоқ, микседема, эндемик ва спорадик буқоқ) этиологик омиллари ва патогенези.

2. Паратиреоид без гормонлари гиперсекрецияси ва етишмовчилиги бузилишларининг (гиперпаратиреоид остеодистрофия ва тетания) этиологик омиллари ва патогенези.

3. Жинсий безлар гормонлари гиперсекрецияси ва етишмовчилиги бузилишларининг (вақтидан илгари жинсий ривож ва евнуходизм) этиологик омиллари ва патогенези.

Аннотация

Диффуз токсик буқоқ. 1840 йилда Мерзебургли кўз шифокори Базедов диффуз токсик буқоқнинг клиник манзарасида касалликнинг уч белгисини (учлик): буқоқ, кўзниң чакчайиши ва тахикардия кузатилишини аниқлаган. Касаллик асосида безнинг диффуз катталашишидан (буқоқ) ташқари унинг гиперфункцияси ҳам ётади.

Этиологияси. Касалликнинг сабаби тўлиқ аниқланмаган. Касалликка мойиллик ирсий омиллар ҳисобланади, касаллик бутун бир авлодда ривожланиши мумкин. Тахмин қилинишича, касаллик ривожланишида қалқонсимон без фаолиятининг илгари ўтказилган генетик, атоиммун ва яллиғланиш генезли компенсацияланган бузилишлари аҳамиятга эга. Касалликни юзага чиқарувчи (провоцирловчи) омилларга руҳий травма, респиратор инфекциялар, сурункали тонзиллитнинг зўрайиши, күёшда ортиқча қизиш ва ҳ.к. киради. Касаллик анамнезида 80% касалларда руҳий травма, 10% — инфекцион касалликлар аниқланади (Шерешевский Н. А.). Грипп ва ангина 36—40% ҳолатларда касалликни юзага чиқарувчи омил сифатида хизмат қиласди. В. Г. Баранов (1966) нинг таъкидлашича диффуз токсик буқоқ ривожланишига илгари ўтказилган неврознинг маҳсус шакли — нейроциркулятор дистония сабаб бўлади ва бу ҳолат муаллиф томонидан касалликнинг бошланиш даври деб ҳисобланади.

Патогенези. Ҳозирги вақтда диффуз токсик буқоқ генетик атоиммун касаллик деб қаралмоқда (Потемкин В. В., 1986). Тахмин қилинишича касаллик Т-супрессорлар туғма нуқсони ёки тақчиллиги натижасида пайдо бўлади. Нормал шароитда Т-супрессорларнинг Т-лимфоцитларни «форбид» ёки «маън қилинган» клонларининг наомён бўлишига йўл қўймайди, улар тақчиллиги ёки нуқсонида эса бу ҳужайралар яшайди ва пролиферацияга учрайди. Т-лимфоцитларнинг «маън қилинган» клонлари қалқонсимон без органспецифик антигенлари билан ўзаро таъсирга киришади. Иммунологик жараёнга антитаналар ҳосил бўлиши учун маъсул бўлган В-лимфоцитлар жалб қилинади. Т-ёрдамчи лимфоцитларнинг (Т-хелперлар) бевосита иштирокида В-лимфоцитлар ва плазматик ҳужайралар тиреоидстимулловчи иммуноглобинлар синтезлайди, улар G иммуноглобулинлар синфига киради. Тиреоидстимулловчи иммуноглобулинлар без фолликуласи эпителийси рецепторлари билан ўзаро таъсирга киришади ва бу гипофизнинг тиреотроп гормонидек (ТТГ) таъсир кўрсатади, натижада қалқонсимон без функцияси кучаяди. Касаллик патогенезида тўқима дейодазаси ҳам маълум рол ўйнайди. Бу фермент фаоллигини ошиши тиреоид гормонларнинг тўқимага таъсир қилишининг кучайишига ёрдам беради. Худди шундай периферик тўқималар жигар, буйрак мушакларда тиреоид гормонлари метаболизмининг бузилиши ҳам аҳамиятга эга. Бу учйодтиросирка кислота сингари фаол метаболитлар ҳосил бўлиши ва тез етарли даражада парчаланмаслигига олиб келади.

Тиреоид гормонларининг кўп ишлаб чиқарилиши ёки уларга периферик тўқималари сезгирилгининг ошиши оқсил катаболизми фоллашишига олиб келади ва бу манфий азот баланси билан кечади. Касалликнинг кучли манзарасида сийдик билан кўп миқдорда азот

ажралади ва у билан бир қаторда фосфор, калий, аммиак ва сийдик кислота экскрецияси ошади. Қонда қолдиқ азот ва аминокислота азоти күпаяди, қоннинг протеолитик фаоллиги ошади, креатинурия пайдо бўлади, карбонсувлар алмашинуви бузилади. Тиреоид гормонлар кўплиги таъсирида карбонсувларнинг ёўларга ўтиши тормозланади, ҳамда ёғ тўқимасидаги симпатик асаб охирларининг адреналин таъсирига сезигрлиги кучаяди. Бу ҳолат жигарда гликоген миқдорининг камайиши билан бирга ёғни унинг депосидан жалб қилинишига ва касалнинг озиб кетишига олиб келади. Тиреоид гормонларининг ортиқча бўлиши сув-туз баланси бузилишига ҳам олиб келади: сув, NaCl, кальций, фосфор ва кам миқдорда калий ажралади, қон зардобида боғланган магний кўпаяди. Худди шунингдек тиреоид гормонлари ҳамда уларнинг метаболизми маҳсулотлари (учйодтиросирка кислота) кўп бўлиши оксидланувчи фосфорланишини ўзгартираади. Бу ўзгариш хужайрада АТФ шаклида энергия тўпланишининг бузилиши билан намоён бўлади. Оксидланувчи фосфорланишининг бузилиши мушак заифлашиши ва субфебрилитет сабаблардан бири ҳисобланади. Бу касалликда субфебрилитет пайдо бўлишида марказий механизмлар (гипоталамик марказларнинг кўзғалиши) ҳам аҳамиятга эга. Тиреоид гормонларнинг кўп миқдори таъсирида юрак тўқималарида мономинооксидаза фаоллигининг пасайиши уларнинг катехоламиналрга сезигрлигини оширади, бу тахикардия, юрак мушакларининг дегенератив шикастланишларига ва ҳ.к. олиб келади.

Касалликка хос асосий симптомлар – қалқонсимон безнинг катталашиши, тахикардия, офтальмопатия (экзоофтальм), кучли руҳий қўзғалувчанлик, тана ва оёқ мушакларининг жимиirlаб туриши, иштаҳа яхши бўлишига қарамай озиб кетиш, умумий заифлик, терлаш, субфебрил тана ҳарорати, асосий алмашинувнинг касаллик оғир шаклларида 100% гача ошишидир.

Гипотиреоз (микседема) – организмнинг қалқонсимон без тиреоид гормонлари кам секрецияси ёки умуман ишлаб чиқарилмаслиги натижасида ривожланадиган касаллик. Микседема атамаси (*туха – шилимшиқ, oedema – шииш*) 1878 й. Орд томонидан киритилган, у иккита мурдани ёрганда тери ва тери ости клетчаткаси шилимшиқ шишини аниқлаган ва уни қалқонсимон без гипофункцияси ёки атрофияси билан боғлаган.

Этиологияси. Келиб чиқиш механизмига қараб бирламчи, иккиласмчи ва учламчи гипотиреоз фарқ қилинади. Бирламчи (тиреоген) гипотиреозда патологик жараён локализацияланиш жойи қалқонсимон без, иккиласмчиди – гипофиз, учламчиди – гипоталамус ҳисобланади. Мутлақ кўпчилик касалларда (95%) бирламчи гипотиреоз ва фақат 5% касаллarda иккиласмчи ва учламчи гипотиреоз кутилиди (Потемкин В. В., 1986).

Бирламчи гипотиреоз тиреоид гормонлар биосинтези наслий нүқсони (қалқонсимон безда йод йигилиши нүқсони, монойодтироzin ва дийодтиrozинларнинг учйодтирозин ва тироксинга айланishiда дефект) натижасида ривожланади. Бундай нүқсонлар аутосомал рецессив ген билан боғлиқдир. Бирламчи гипотиреоз сабаблари, шунингдек қалқонсимон без ривожланиши эмбрионал нүқсонлари билан боғлиқ, унинг гипоплазия ва аплазияси, инфекцияли яллифланиш ва атоиммун жараёнлар (тиреоидит, струмит) натижасида қалқонсимон без дегенератив ўзгаришлари ва субтотал ёки тотал тиреоидэктомиялар бўлиши мумкин. Бундан ташқари гипотиреоз радиофаол йод билан даволангандан кейин, организмга йод етарли тушмаслиги (эндемик бўқоқ), метастатик рак, сурункали инфекциялар (сил, захм ва ҳ.к.) натижасида ҳам ривожланиши мумкин.

Патогенези. Бирламчи гипотиреоз механизми қалқонсимон без тўқимаси ҳажмини кичрайниши, гормонлар синтезининг тормозланиши билан боғлиқ. Иккиласми гипотиреозда ТТГ (тиреотроп гормон) секрецияси пасаяди, учламчиди – тиротропин – рилизинг – гормон (тиролиберин) секрецияси бузилиши билан бир қаторда қалқонсимон бездан гормонларнинг қонга тушиши ҳам камаяди. Субтотал тиреоидэктомия ёки радиофаол йод билан даволагандан бир неча йил кейин ривожланадиган гипотиреоз кеч шаклларининг патогенези ҳозирги вақтда атоаггрессия натижаси деб талқин қилинмоқда. Атоиммун жараёнлар туфайли қалқонсимон без стромасида лимфоплазмоцитар инфильтратлар ҳосил бўлади, тиреоид паренхимада деструктив жараёнлар ривожланади. Бу ўзгаришлар пировардида қалқонсимон без функционал фаоллигининг камайишга олиб келади.

Қалқонсимон без гормонларининг тақчиллиги модда алмашинувининг ҳамма турларининг: оқсил (оқсил синтези ва парчаланишининг пасайиши), карбонсувлари (углеводларга толерантликнинг ошиши, гипогликемияга мойиллик), липидлар (қонда α, β – липопротеидлар, айниқса холестерин кўпайиши), сув-туз (тўқимада сув ва натрий хлориди сақланиши) бузилишига олиб келади. Гипотиреозда тахмин қилинишича, тўқима шиши (генерализацияланган лимфедема) лимфостаз натижасида ривожланади. Лимфатик томирларнинг қисқарувчанлик хусусиятининг пасайиши натижасида қон зардоби альбумини томирдан ташқарида тўпланади. Лимфа оқимининг айниқса терода секинлашиши натижасида лимфатик бўшлиқларда экссудат ҳосил бўлади (Потемкин В. В., 1986). Оксидланиш жараёнларининг жиддий пасайиши ва оқсил синтезининг камайиши боланинг ўсишдан орқада қолишига сабаб бўлади (микседематоз нанизм). Микседеманинг асосий кўринишлари: ланжлик, хотиранинг кескин ёмонлашуви; юз, елка, болдирида айниқса аниқ ифодаланган шилимшиқ шиш, брадикардия, асосий алмашинув ва интеллектнинг пасайиши ва б.к.

Эндемик ва спорадик буқоқ. Эндемик буқоқнинг асосий белгиси қалқонсимон безнинг ривожланиб борувчи катталашишидир. Ташки мұхитда йод тақчиллиги бүлган географик минтақаларда ақолининг катта қисмини шикасттайты. Спорадик буқоқ - буқоқ эндемиясидан ташқари минтақада яшовчи одамларда учрайдиган касаллик, қалқонсимон безнинг катталашиши билан кечади, ноқулай эндоген, асосан генетик тарзли омиллар таъсирида ривожланади.

Ер юзида таҳминан 200 млн. эндемик буқоқ билан касалланғанлар бор. Эндемик буқоқнинг катта ўюқлари АҚШ, Миср, Бразилия, Швейцария, Хиндистон, Хитой, Фарбий Украина, Белорусия, Урал, Кавказ, Ўзбекистон, Қирғизистон, Тоҷикистон ва б.к. учрайди.

Этиология ва патогенези. Эндемик буқоқнинг асосий сабаби – йод етишмочилигидир, у йодни ер ва сувда, кейинчалик овқат маҳсулотларида кам бўлиши натижасида юзага келади. Буқоқ эндемияси жойларида бир кунда организмга кирадиган йод миқдори 200-220 мкг ўрнига ҳаммаси бўлиб 20-80 мкг ташкил қиласи. Эндемик буқоқнинг ривожланишига ноқулай ижтимоий-маишӣ шароитлар, норационал овқатланиши (таркибида кальций, фтор, тиомочевина ва тиоуратлар ҳосилалари кўп бўлган ва кам витамишли овқатлар) сабаб бўлади. Спорадик буқоқ сабаби аниқланмаган, унинг ривожланишини генетик омиллар таъсири билан (фермент тизими нуқсони, тиреоид гормонларнинг периферияда ўзлаштирилишининг бузилиши ва б.к.) боғлашмоқда. Шунингдек спорадик буқоқнинг ривожланишига струмоген – тиоцианатларга бой (карам, турп, ловия ва б.к.) овқат кўп истеъмол қилиш ёрдам беради, чунки улар йоднинг қалқонсимон безга киритилишини ва тиреоид гормонлар биосинтезини пасайтиради.

Тиреоид гормонлар танқислиги ҳам эндемик, ҳам спорадик буқоқда гипофиз тиротроп гормони секрециясини кучайтиради, натижада қалқонсимон без тўқимаси гиперплазияяга учрайди ва без катталашиши даражасига қараб: (0, I, II, III, IV, V даражали), шаклига қараб (диффузли, тугунчали, аралаш), функциясининг ўзгаришига қараб (зутиреоидли – яхши функцияли, гипотиреоидли ва кретинизм белгилари билан) хилларга бўлинади. Кучли тиреотоксикоз ҳодисаси билан кечадиган тугунили буқоқ алоҳида шаклга – қалқонсимон без токсик аденомасига ажратилади.

Бирламчи гиперпаратиреоз (Реклинхаузен касаллиги, генерализацияланган фиброз – кистозли остеодистрофия) – ортиқча паратиреомон ишлаб чиқарилиши билан боғлиқ касаллик, биринчи нафбатда суяқ ва буйракларда патологик ўзгаришлар билан характерланади. Биринчи марта 1891 й Фредрих Реклинхаузен томонидан аниқланган.

Этиология ва патогенези. Касаллик сабаби қалқонсимон без олд безлари ягона ва камдан - кам ҳолларда кўп сонли аденомаси ёки безнинг гипер-плазияси ҳисобланади. Паратормон ортиқча ишлаб чиқарилиши суюкларда остеокластлар фаоллигининг ошишига ва улар томонидан лимон кислота ажралишига олиб келади (Потемкин В. В., 1986). Натижада юзага келадиган маҳаллий ацидоз фосфат ва кальцийни суюқдан қонга ўтишига сабаб бўлади. Суюк тўқимасида кальций ва фосфатларнинг (фосфор – кальций бирикмалари) камайиши унинг кистозли қайта қурилиши, суюк тўқимасининг фиброз тўқимаси билан алмашишига, суюкнинг юмаши (остеопороз), қийшайиши ва синувчан бўлишига олиб келади. Паратормон буйракка ҳам бевосита таъсир кўрсатиб, каналчаларда фосфор реабсорбцияси ни пасайтиради, унинг сийдик билан кўп ажралишига ва қондаги миқдорининг камайишига олиб келади. Бу ўз навбатида фосфорнинг норганик бирикмаларининг суюқдан қонга компенсацияланган чиқишига сабаб бўлади. Паратормоннинг ортиқча миқдори кальцийни буйрак орқали чиқишини камайтириб гиперкальциемия ривожланишига олиб келади. Натижада асад – мушак қўзғалувчанлиги пасаяди ва мушак гиптонияси ривожланишига имконият яратилади. Гиперкальциемия ва у билан боғлиқ гиперкальциурия буйрак каналчаларига антидиуретик гормон таъсирини камайтиради ва натижада полиурия кейинчалик эса полидипсия ривожланади. Ички аъзоларда минерал алмашинуви бузилиши нефрокальциноз, нефрокалькулез, меъда ва ичақда яра ҳосил бўлишлари билан кечади (Преображенский А. П., 1977). Касалликнинг намоён бўлиш белгилари: кескин ҳолсизлик, полидипсия, полиурия, ориқлаш, суюкларда оғриқ, қўринишдан соғлом тишларнинг қимирилаши ва тўқилиши, остео-пороз – биринчи навбатда умуртқа поғонаси бўғинларида, суюклар қийшайиши ва синиши, сохта бўғимлар ҳосил бўлиши, ошқозон-ичак тракти функциясининг бузилишлари ва ҳ.к. дан иборат.

Гипопаратиреоз – паратормон етарли ҳосил бўлмаслиги ва натижада тоник талвасалар хуружи (тетания) ривожланиши билан кечадиган касаллик. Биринчи марта тетания 1830 й Штейнгейм томонидан таърифланган, 1906 й Эрдгейм тетанияни қалқонсимон без олд безининг олиб ташланиши билан боғлиқлигини аниқлади.

Этиология ва патогенези. Касаллик қалқонсимон без олд безларининг қалқонсимон без резекциясида олиб ташланиши, паратиреоаденомалар (агар бошқа қалқонсимон без олд безлари атрофияга учраган бўлса) олиб ташланиши билан боғлиқ бўлиши мумкин. Худди шундай гипопаратиреоз сабаблари қалқонсимон без олд безларида яллигланиш жараёнлари, травма натижасида қон куйилишлар, уларнинг туғма норасолиги ёки атоиммун шикастланишлари ҳам бўлиши мумкин. Гипопаратиреоз сил, қизамиқ, грипп, қалқонси-

мон без олд безлари амилоидози, метастатик ўсмаларида шикастла-ниши, токсик буқоқни радиофаол йод билан даволаш натижасида ҳам ривожланиши мумкин. Қалқонсимон без олд бези яширин етиш-мовчилигига тетания инфекциялар, интоксикациялар, ҳомиладорлик, лактация ва ҳ.к. натижасида намоён бўлиши мумкин.

Паратгормон тақчиллиги қондан сүяк тўқимасига кальцийнинг кам ўтишига ва буйрак каналчаларининг проксимал қисмида фосфор реабсорбциясининг ошишига ва оқибатда гипокальциемия ва гиперфосфатемияларнинг ривожланишига олиб келади. Гипокальциемия натижасида натрий ва калий ионлари, ҳамда кальций ва магний орасида мувозанат бузилади, бу ўз навбатида асаб-мушак қўзғалувчанлигининг кескин кучайишига ва тетания хуружлари ривожланишига (тоник талвасалар) сабаб бўлади. Кўпинча тетания хуружидан олдин сёёклар совуши, увушиб қолиши, санчиши, парастезијалар кузатилади. Бу хабарчи белгилардан кейин оғрикли, аввало қўллар мушакларида (асосан букувчи мушаклар) тоник талвасалар ривожланади.

Гипергонадизм – жинсий безлар гормонларининг ортиқча ишлаб чиқарилиши билан боғлиқ синдром бўлиб, вақтидан илгари жинсий ривожланиш билан тавсифланади. Сабаблари эпифиз (*macrogenitosomia praecox*) ёки буйрак усти бези ва жинсий безлар ўсмалари бўлиши мумкин. Гипергонадизм белгилари қизларда 8 ёшдан, ўғил болаларда эса 10 ёшдан илгарироқ пайдо бўлади (Касаткина Е. П., 1977). Макрогенитосомия кўпинча ўғил болаларда учрайди. Унинг ривожланишини эпифиз антигипоталамик омили ишлаб чиқарилишининг тўхташи билан боғлашмоқда, натижада гипофиз гонадотроп гормонлари ишлаб чиқарилиши ошади (Потемкин В. В., 1986). Гормонларнинг, жумладан лютенизирловчи гормонларнинг юқори секрецияси ўғил болаларда ўз навбатида тухум интерстициал хужайралари (Лейдиг хужайралари) томонидан тестестерон гормони ишлаб чиқарилишини стимуллайди. Ўғил болаларда *macrogenitosomia praecox* да вақтидан илгари жинсий ва жисмо-ний ривожланиш аниқланади, улар қалта қўл-оёқ (вақтидан илгари эпифизар ўсиш зонасининг бекилиши) ва мушаклари ривожланган (жинсий гормонларнинг анаболик эфекти) «кичик геркулесларга – пахловонларга» айланадилар. Ташки жинсий қисмлар гипертрофиялашган (худди шундай можж ҳам ва мазкур патологияни адреногенитал синдромдан фарқлашга имкон беради). Уруғ каналчаларида етилган сперматозоидлар топилади, овоз йўғон, қов супачаси, қўлтиқ остида туклар ҳосил бўлиши кузатилади. Қиз болаларда ҳайз жуда илгари бошланади, сут безлари катталашади, қов супачасида туклар ҳосил бўлади, тос суяги ва сонда ёғ тўпланади. Жинсий безлар гормонал фаол ўсмаси билан боғлиқ вақтидан илгари жинсий етилишда иккиласмичи жинсий бел-

гилар ривожланади, аммо ўғил болаларда сперматогенез ва қизларда мунтазам ҳайз цикли кузатилмайди (Касаткина Е. П., 1977).

Гипогонадизм. Жинсий безлар гипосекрециясида евнухоидизм ривожланади. *Евнухоидизм* (юн. *eunuchos* – бичилган + *ejdos* – күриниши) – жинсий безлар гипофункцияси билан боғлиқ жинсий белгиларнинг етарли ривожланмаслиги, гавда тузилиши диспропорционаллиги (нисбатан калта гавда, узун оёқ – қўллар), кўпинча семириш билан намоён бўладиган клиник синдром (Шерешевский Н.А., 1977).

Этиологияси. Касаллик сабаби пубертант давргача бўлган жинсий безлар туғма ёки орттирилган етишмовчилиги (травма, хирургик кастрация, яллигланиш жараёнлари, ўсмалар ва ҳ.к.) дир.

Патогенези. Евнухоидизм организмда жинсий аъзолар ривожланшини регуляция қиласидаган ва иккиласмчи жинсий белгилар шаклланиши ҳамда кўп аъзо ва тизимлар нормал функциясини таъминлайдиган жинсий гормонлар дефицити билан аниқланади. Гормонлар синтези ва секрецияси сусайиши мояқ ва тухумдон гормон ишлаб чиқарувчи элементларининг бирламчи патологияси ва шунингдек гипоталамо - гипофизар тизим гонадотроп функциясининг бузилиши билан боғлиқ бўлиши мумкин. Пубертант давргача жинсий безлар етишмовчилиги уларнинг герминатив функциясининг бузилиши, жинсий аъзолар ва иккиласмчи жинсий белгилар етарли ривожланмаслиги, модда алмашинуви ва скелет пропорцияси бузилишларига (эпифизар ўсиш зонаси кечикиб бекилиши ва натижада сукж ўсиш даврининг чўзилиши ҳисобига) олиб келади.

Симптомлари: 1) иккиласмчи жинсий белгилар ниҳоятда суст ривожланган; 2) ўсиш диспропорцияси аниқланади – оёқ-қўллар узун, гавда нисбатан калта; 3) семириш – ёғ, кўкракда сут безлари атрофика, қориннинг пастки қисмида, тос соҳасида ва қов супачасида тўпланади.

Машгулотда бажариладиган амалий ишлар ва ўзлаштирилиши лозим бўлган амалий кўникмалар билан таништириш

I-иш. Каламушда экспериментал гипер – ва гипотиреознинг умумий кўринишини ўрганиш.

Бир хил оғирликка эга бўлган учта каламуш кўрсатилади: назоратдаги, экспериментал гипер – ва гипотиреозли. Уларнинг ҳаракат фаоллиги, ректал температураси, бир дақиқадаги нафас сони регистрация қилинади ва солиштириб кўрилади.

Каламушда гипертиреоз нусхасини яратиш усули. 5 кун давомида овқатга 1 г/кг ҳисобида тиреоидин қўшилади.

Каламушда гипотиреоз нусхасини яратиш усули. Овқатга бир марта 0,3/кг (2,1 ммоль/кг) ҳисобида метилтиуроцил қўшилади.

Куйидаги саволларга жавоб берган ҳолда якун ясалиб, хулоса қилинади.

1. Тажрибадаги каламушларда назоратдагиларга қараганда уларнинг ҳаракат фаоллиги, тана ҳарорати (ректал) ва нафас олишида қанақа хусусиятлар аниқланди?

2. Кўрсатилган ўзгаришлар механизми нимадан иборат?

2-иши. Экспериментал гипер - ва гипотиреозли каламушларнинг юқори ҳарорат таъсирига резистентлигини ўрганиш.

Биринчи тажрибала қўлланилган учта каламуш бир вақтда шиша эшикли ҳарорати 50°C термостатга ўтқазилади. 5 ва 20 дақ. кейин яна ҳаракат фаоллиги, тана температураси (ректал), нафас олиш сони ва характеристи, кўриниб турган шиллик қават ва тери ранги регистрация қилинади.

Куйидаги саволларга жавоб бериб якун ясалади ва хулоса қилинади.

1. Гипо – ва гипотиреозли каламушлар реактивлигига назоратдагиларга нисбатан қанақа фарқ аниқланди?

2. Кўрсатилган ўзгаришлар механизми нимадан иборат?

Жиҳозлар: Каламушлар, тиреоидин, метилтиуороцил, термостат, корнцанг, термометр, пахта, бинт.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнгикмаларни ўзлаштириш.

Куйидаги ишлар бажарилади:

1) каламушда экспериментал гипер – ва гипотиреознинг умумий кўринишларини ўрганиш;

2) экспериментал гипер – ва гипотиреозли каламушнинг юқори ҳароратга нисбатан резистентлигини ўрганиш.

Талаба: 1) каламушда экспериментал гипер – ва гипотиреоз чакириш усуllibарини; 2) қалқонсимон без, қалқонсимон без олд бези ва жинсий безлар гормонлари гипер – ва гипосекрецияси намоён бўлиш асосий белгиларини; 3) қалқонсимон без гормонлари гиперсекрецияси ва стишмовчилигига каламуш организмининг юқори ҳароратта чидамлилиги ўзгаришини билиши керак.

Эксперимент баённомаси ва хулосаларни ёзиш

Талаба мустақил равишда баённома тузади ва қалқонсимон без гипер – ва гипосекрециясида организмда ривожланадиган бузилишлар, ҳамда бу без гормонларининг ортиқча ишлаб чиқарилиши ва

етишмовчилигига ташқи мұхиттің ўзгарувчан ҳароратига нисбатан организм резистентлігі механизми түрлесінде күлгін болады.

Вазияттын масалаларни ечиш

1-масала. Ш. исмли бемор, 47 ёшда, уйқусизлик, тез аччылауда, иситма сезгиси, терлаш, тез қарчаудан шикоят қилади. Тана ҳарорати кечалари $37,3^{\circ}\text{C}$ гача күтәріледі. Объектив: бемор жуда ҳаракатчан, тез ва күп гапиради, күз оралиғи катта очик, күз кескін чақтайған, очиб-юмулиши сийрак, қараши құрқынчли, тери нам ва юпқа, юз қызығыш рангда, бемор ориқлаган. Бүйіндегі қалқонсимон без диффуз катталашған, күл бармоқлари қалтирайди, тоғай рефлекслари кучайған. АБ – $130/50\text{ mm сим.уст.га}$ тенг, пульс дақ. 98 марта. Кон томонидан нисбий лимфоцитозлы (лимфоциттар 48%) лейкопения (лейкоциттар 1 mm^3 қонда 3800) топилған. Тез-тез суюқ ахлат ажралади, асосий алмашинув 60% га ошыған.

1. Касаллук тури түрлесінде сизнинг фикрингиз?

2. Қалқонсимон без гормонлари оқсил, ёғ—липоид, карбонсувлар, энергетик алмашинувга қандай таъсир күрсатади?

2-масала. С. исмли бемор, 32 ёшда, клиникага умумий заиғдам, ишлашны хоҳламаслик, серуїкулик, хотира пасайиши, тез-тез бош оғриши, қабзиятта шикоят билан келиб түшганды. Доимо совқотади, иштаға ёмоналашишига қарамасдан семирған. Бир йил мұқаддам унда ўсма туфайли қалқонсимон без субтотал резекция қилинген. Объектив: бемор семирған, тери қуруқ, шишиганды, пүст ташлайды. Бошида соч сийрак, синувчан, юз бир оз шишиганды, күз оралиғи тор, қараши маъносиз, ҳаракат суст, чекланған. Нафас дақиқада 12 марта, пульс 64 марта, паст түлиқликтегі. Конда холестерин миқдори жуда юқори, тана ҳарорати кечалари $35,8^{\circ}\text{C}$ дан ошмайды, асосий алмашинув 30% га камайған.

1. Касаллук түрлесінде сизнинг фикрингиз?

2. Беморда гипотермияни қандай түшүнтириш мүмкін?

3-масала. К., исмли бемор, 25 ёшда, оёқ ва юз мушакларыда вақти – вақти билан ҳосил бўлувчи талвасаланиш хуружи, юқори сержаҳдлик, оёқ ва күл бармоқларининг увушиб қолиши, түш сутти орқасида ва кўкрак остида оғриқ, нафас олишнинг қийинлашиши, қабзиятта шикоят қилади. Касаллук тиреотоксикоз туфайли қалқонсимон без бир қисмининг олиб ташланишидан кейин ривожланған. Бемор ранги оқарған, тери совуқ, нам, соч сийрак, тез синади, тирноклар синувчан, оғизда күп кариоз ўзгарған тишлилар бор. Ички аъзолар томонидан нормага нисбатан ўзгариш топилмаган. Неврологик текширишларда нерв ва мушак тизимининг юқори қўзгалувчанлиги аниқланған. Ҳаракат асабларининг электрокүзгалувчанлигига жуда

юқори. Қонда «Са» миқдори 7 мг% гача камайған, «Р» ва «К» миқдори ошган. Қон ишқорий резерви күпайған.

1. Беморда қайси эндокрин безлар функцияси бузилған?
2. Талвасалар ривожланиш механизми нимадан иборат?
3. Паратгормон «Са» ва «Р» алмашинувига қандай таъсир күрсатади?

Интеграция амалга оширилиши лозим бўлган фанлар

1. Эндокринология курси.
2. Болалар касалликлари ва ички касалликлар пропедевтикаси.

31 - МАШГУЛОТ

I Мавзу : АСАБ ТИЗИМИ ПАТОФИЗИОЛОГИСИ

Машгулот мақсади. Талаба қуйидагиларни билиши керак:

- 1) асаб тизими функцияси бузилишлари умумий этиология ва патогенезини;
- 2) асаб тизимида тизимли патологик феноменлар тавсифини;
- 3) экспериментда сичқонларда рефлектор ёйнинг афферент ва эфферент қисмлари шикастланишида рефлекс ўзаришини ўрганишни.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардати фанлар бўйича заминий билимлар даражасини текшириш

1. Нейрон нима? Нейронлар типи.
2. Рефлекс нима? Шартли ва шартсиз рефлекслар.
3. Рефлектор ёй тўғрисида тушунча. Асаб тизими функцияланишининг рефлектор принциплари.
4. Асаб тизими қайси бўлимлардан тузилған?
5. Оқ ва кулранг моддалар тўғрисида тушунча беринг?
6. «Асаб маркази» тушунчаси.

Мустақил тайёрланиш учун кўрсатмалар

Асосий адабиётлар:

Патологическая физиология /Под ред. А. Д. Адо в Л. М. Ишимовой. – 2-е изд., перераб. и доп. – М.: Медицина, 1980. с. 467-502.

Патологическая физиология /Под ред. чл.-корр. АМН СССР Н. Н. Зайко, - 2-е изд., перераб. и доп. – Киев: Вища школа, 1985. с. 516-537, 541-549.

Патологическая физиология /Под ред. акад. РАМН А. Д. Адо и проф. В. В. Новицкого. Томск, изд-во Томского ун-та, 1994, с. 414-447.

Абдуллаев Н. X., Каримов X. Ё. /Патофизиология, Тошкент, Абу Али ибн Сино номидаги тиббиёт нашириёти, 1998, б. 487-515.

Патологическая физиология / Под ред. А.Д. Адо, М.А. Адо, В.И. Пыцкого и др. М.: Триада – Х , 2002, с. 321 –365

Кўшимча адабиётлар

Анохин П. К. Биология и нейрофизиология условного рефлекса. М., 1968, с. 514.

Кассиль Г. Н. Наука о боли. – М.: Наука, 1975, с. 339.

Крыжановский Г. Н. Общая патология нервной системы, - М.: Медицина, 1980, с. 324.

Крыжановский Г. Н. Патология нервной регуляции функций. М., 1987, с. 5-42.

Крыжановский Г. Н. Общая патофизиология нервной системы. Раздел I. Общая этиология и патогенез нервных расстройств. /Патологическая физиология и экспериментальная терапия. 1988, № 3, с. 70-80.

Крыжановский Г. Н. Общая патофизиология нервной системы, Раздел II. Типовые патологические процессы в деятельности нервной системы. Там же, 1989, № 2 , с. 63-71.

Крыжановский Г. Н. Общая патофизиология нервной системы. Раздел III. Патология нейрона. Там же, 1989, № 5, с. 75-84.

Крыжановский Г. Н. Общая патофизиология нервной системы. Раздел IIII. Патология нейрона (продолжение). Там же, 1990, № 4, с. 48-54.

Крыжановский Г. Н. Общая патофизиология нервной системы. Раздел IV . Генераторы патологически усиленного возбуждения (ГПУВ). Там же, 1991, № 2, с. 49-57.

Крыжановский Г. Н. Общая патофизиология нервной системы. Раздел V. Патологическая доминанта. Там же, 1991, № 3, с. 50-55.

Крыжановский Г. Н. Общая патофизиология нервной системы. Раздел VI. Нарушение доминантных отношений. Там же, 1991, №4 с. 50-54.

Крыжановский Г. Н. Общая патофизиология нервной системы. Раздел VII Патологическая система. Там же, 1991, № 5, с. 48- 55.

Крыжановский Г. Н. Системные механизмы нервных расстройств. Там же, 1992, № 4, с. 106 – 112.

Руководство к практическим занятиям по патологической физиологии / Под ред. чл.-корр. АМН СССР Н. Н. Зайко, проф. Л. Я. Даниловой – Киев: Виша школа, 1987, с. 169 – 173.

Физиология человека: В 4-х томах. Т. 1-2. Пер. с анг./ Под ред. Р. Шмидта и Г. Тевса, - М.: Мир, 1985.

Шток В. Н. Головная боль – М.: Медицина, 1987, с. 304.

Асосий ўкув саволлари

1. Асаб тизими функцияси бузилишининг этиологияси.
2. Асаб бузилишлари умумий патогенези: бирламчи ва иккиламчи бузилишлар, асаб тизимида ҳимояланиш, тикланиш ва компенсатор

жараёнлар. Патологик жараёнлар оқибатлари, из қолдириш реакциялари

3. Патологик кучайган қўзғалувчанлик генераторлари (ПКҚГ). Патологик тизим (ПТ), доминант муносабатлар ва патологик детерминантларнинг (ПД) бузилишлари ва уларнинг аҳамияти.

4. Нейрон патофизиологияси.

5. Оғриқ патофизиологияси.

Аннотация

Асаб тизими функцияси бузилишининг этиологик омиллари ҳам экзоген, ҳам эндоген табиатли бўлиши мумкин. Уларни бирламчи ва иккиласмичиларга бўлиш мумкин. Бирламчи экзогенларга: 1) биологик инфекция қўзғатувчилари ва уларнинг токсинлари (қутуриш, полиомиелит, қоқшол ва б.к.) киради. Улар бевосита асаб ҳужайралари ичига кириб дистрофик, дегенератив ўзгаришлар ва некроз чақиради; 2) кимёвий – ноорганик (симоб, қўрошин, марганец препаратлари) ва органик (алкоголь, метил спирти, бензол) моддалар, наркотиклар, илон заҳари, алкалоидлар ва б.к. таъсири натижасида заҳарланишлар; 3) физик – экологик омиллар деб номланувчи: ҳарорат, ҳаво намлиги, барометрик босим ва ундаги фарқ, ер рельефи (ландшафт), күёшнинг фаоллик даврлари, магнит оқими даражаси ва б.к. таъсири; 4) травмалар: туғруқ даврида, ишлаб чиқариш ва ҳаётда (лат ейишлар, мия чайқалишлари, периферик асаб қисилиши, кесилиши) – улар асаб марказлари, йўллари, аъзо ва тўқимадаги асаб тузилмалари ишини бузади; 5) психоген омиллар (масалан ятроген касаллик – шифокорнинг қўпол сўзи натижасида); 6) В гуруҳи гипо – ва авитаминоназлари (B_1 , B_6 , B_{12} ва б.к.); 7) ижтимоий омиллар – касб, яшаш шароити, урушлар, табиий оғатлар.

Бирламчи эндоген омиллар: 1) қон айланиши бузилишлари – томирлар спазми, тромбоз, эмболия ва склерози – қайтмас ўзгаришларга олиб келиши мумкин, чунки асаб ҳужайралари гипоксияга ўта сезгир; 2) гипогликемия; 3) ирсий аномалиялар (Даун касаллиги, микроцефалия, фенилкетонурия ва б.к.); 4) ўсмалар; 5) асаб касалларлари ривожланишига мойиллик (эпилепсия, шизофрения ва б.к.).

Иккиласмчи патоген омилларга бирламчилар таъсиридан кейин асаб тизимида ҳосил бўладиган омилларни мисол қилиб олиш мумкин. Буларга нейронлар ўзгаришлари, медиаторлар секрецияси, нейрон геномаси, нейронлараро ва тизимли муносабатларнинг бузилишлари киради. Универсал патогенетик аҳамиятга эга бўлган патологик кучайган қўзғалувчанлик генератори (ПКҚГ), патологик детерминанта (ПД) ва патологик тизим (ПТ) ҳосил бўлиши. Шунингдек

патологик жараёнларнинг кеч босқичларида нейронларда уларнинг турғун гиперфаоллиги натижасида ҳосил бўлувчи «патотрофогенлар» ҳамда асаб тўқимаси элементларига нисбатан антитаналар ишлаб чиқариш ҳам муҳим рол ўйнайди (Крыжановский Г. Н., 1988).

Асаб бузилишларининг умумий патогенези. Асаб тизимида айнан патологик ўзгаришлар икки хил ҳодиса билан намоён бўлади. Улардан бири – морфологик тузилмалар ва функционал алоқаларнинг шикастланиши ва емирилиши. Бу ҳодисани И. П. Павлов «синиш» деб ифодалади. Ундан ҳар хил патологик жараён бошланади – шикастланишсиз у пайдо бўлмайди. Аммо бирламчи патоген омил таъсирида ривожланадиган шикастланиш ўз-ўзича патологик жараённинг ривожланишини акс эттира олмайди: у бу ривожланишнинг сабаби ва шароити бўлиб ҳисбланади.

Бошқа ҳодиса МАТ да шикастланган ва шикастланмаган тузилмаларнинг янги патодинамик уюшма – патологик тизимга (ПТ) бирикишидан иборат (Крыжановский Г. Н., 1991). ПТ нинг муҳим ҳусусияти шундан иборатки унинг фаолияти физиологик тизимлардан фарқли равища адаптив эмас, балки дезадаптив ёки организм учун тўғридан-тўғри патоген аҳамиятга эгадир. У асаб тизими ёки унинг эфектор звеноси ҳисбланган нишон – аъзолар фаолиятининг бузилишини чақиради. ПТ ҳосил бўлиши патологик жараённинг эндогенизацияланиши демакдир, унинг ривожланиши ПТ ривожланиши туфайли юзага келади.

ПТ ҳосил бўлиши сабаб-оқибат муносабатларининг алмашиб туришини ифодалайди. ПТ – бу патологияда янги сифат мисолидир. Унинг шакилланиши ва фаолияти маълум қонуниятлар асосида амалга оширилади. Патоген омиллар ва патологик тизим фаолияти бевосита таъсири натижасида юзага келадиган «синиш» нинг умумий натижаси асаб тизими интегратив фаолиятининг издан чиқиши ҳисбланаади. Бу ҳодисалар патологик жараённинг терминал босқичларида, унинг прогрессивланувчи ривожланишида айниқса яққол кўринади.

Ҳар бир патоген омилнинг таъсири тарқалган занжирсизмон хилма-хил тузилмаларни қамраб олган реакцияни чақиради. Агар бир эмас, бир неча патологик омил таъсир қиласа комбинирланган эфект юзага келади. Бир-бирига қўшилган ҳолда таъсир қилувчи патологик омиллар нафақат экзо – ва эндоген балки, наслий ҳам бўлиши мумкин. Бу ҳолатларда маълум патологик жараёнларнинг ривожланиши, айрим ПТ шакилланиши ва айрим нейропатологик синдромларнинг ривожланишига наслий мойиллик мавжуд бўлган бўлади.

Патологик жараён ривожланиши босқичларда кечади. Ҳар бир босқич унга хос механизмлар асосида амалга оширилади ва илгариги босқичларда ҳосил бўладиган янги омиллар билан боғлиқ бўлади.

Патологик жараённинг эндогенизацияланиш босқичи муҳим ҳисобланади, унда экзоген патологик омиллар чакирган бирламчи шикастланишлар босқичидан кейин иккиламчи патологик омилларнинг юзага келиши рўй беради. Энди патологик жараён ривожланишининг бевосита сабаби бирламчи шикастлончи таъсир эмас, балки шикастланган асаб тизимининг ўзига хос иккиламчи эндоген механизмлари бўлиб қолади. Аммо бирламчи этиологик сабаблар ўз аҳамиятини йўқотмайди: улар таъсирининг давом қилиши янги шикастланишлар чакиради, аввалги ҳосил бўлганларни кучайтиради ёки янги иккиламчи эндоген патоген механизмларнинг ҳосил бўлишига олиб келади.

Босқичлар орасида сифатий фарқлардан ташқари миқдорий фарқлар ҳам бўлади. Уларга бирламчи ҳосил бўлувчи ПКҚГ ва унинг қувватининг ошиши, шу тизим атрофида иккиламчи ПКҚГ шаклланиши киради, чунки нейропатологик синдром ҳудди шундай клиник белгилар билан намоён бўлади. Шундай қилиб, оғриқ синдроми олдин периферик табиатли бўлиши, яъни перифериядан патологик кучайган импульсация (неврома, асабнинг қисилиши ва б.к.) натижасида келиб чиқиши мумкин. Лекин кейинчалик ноцицептив тизимлар марказий бўлимларида — орқа мия, таламусда — иккиламчи ПКҚГ ҳосил бўлиши мумкин; бунда оғриқ проекцияси аввалги ҳолида сақланиши мумкин.

Асаб тизими ҳимоя механизмларининг бузилиши. Асаб тизими ҳимоя механизмлари специфик ва носпецифик турларга бўлинади. Специфилари асаб тизимининг ўзига хос бўлиб унинг фаолият кўрсатиши хусусиятлари билан боғлиқ. Носпецифилари организм умумий гомеостазининг ҳар хил турларининг ва бошқа аъзолар билан бир қаторда асаб тизимининг ҳимоясини ҳам таъминлайди. Физиологик ҳимоя механизмлари — Павлов уларни «ҳимоянинг физиологик меъёри» деб атаган, организмнинг ташқи муҳит билан мувозанатда бўлиш механизмларини ҳам ўз ичига олади. Кенгроқ маҳсус маънода «мувофиқлаштирувчи механизмлар» антитизимлар (АТ) сифатида тасвирланади. АТ — мавжуд физиологик тизимларнинг ёки ПТ га айланганларнинг специфик функционал антиподлари мухолифларидир (Крыжановский Г. Н., 1994).

Антитизимлар антагонистик регуляция функцияси принципининг яққол ва аниқ амалга ошириш механизмлари бўлиб ҳисобланади. Ҳар бир физиологик тизим ўзининг маҳсус антитизимига эга ва у билан бир бутун бирликни ташкил қиласи. МАТ да антитизим фаолиятининг оддий кўриниши — бу антагонист — мушаклар билан асаб марказлари орасидаги ўзаро муносабат ва бу марказларнинг ҳар бирининг бир -бири билан боғлиқ ҳолда иккинчиси фаоллашганда тормозланишидир. Нейронлар фаоллиги синхронизацияси (бир-бир-

ларига мосланиш) тиэзимиға шу нейронлар дисинхронизация тиэзими қарама-қарши туради. Иккала тиэзим ҳам бир-бирига мувофиқ келади ва керакли миқдордаги нейронларни реакцияга киришини ёки уларнинг гурӯҳи фаолиятининг тұхташини таъминлаб, биргаликда ишлайди.

АТ фаоллашганда тегишли синдромни купирловчи (йүқ қылувчи) модда ажралади. Жұмладан антиноцицептив тиэзим фаоллашганда ликворга орқа мия суюқлиги аналгезия чақиравучи β – эндорфинлар ва энкефалинлар ажралади, антиэпилептик тиэзим тузилмалари (масалан, мияча ядроси) фаоллашганда бош мия пүстлоғида эпилептик фаолликни пасайтирадиган модда (ёки моддалар) ажралади. Худди шундай пасайтирувчи эффектни эпилепсияда ремиссия вақтида олинган ликвор ёки ҳайвонларда эпилептик хуруждан кейин олинган ликвор ҳам күрсатади. Бөш мия тузилмалари шикастланишида унинг түқимасида, ликворда, гипофизда компенсатор механизмларнинг ривожланиши ва функцияни тикланиши, ҳамда пластик жараёнларнинг фаоллашишига олиб келувчи моддалар ҳосил бўлади. АТ ҳосил бўлган ПТ ёки асаб тиэзими шикастланишини чақиравучи патоген омиллар таъсирида фаоллашади. Шундай қилиб, патоген агент таъсири қилишдан бошлаб АТ туфайли ПТ ҳосил бўлишининг олди олиниши мумкин, ПТ шаклана бошлаганды эса унинг кейинги ривожланиши чекланиши ёки тұхташи мумкин.

АТ фаолияти етишмовчилиги патологик жараён ривожланиши учун шароит ҳисобланади. Бундай етишмовчилек ёки генетик табиатли бўлиши, ёки асаб тиэзими шикастланиши натижасида ҳосил бўлиши мумкин. Патологик тиэзим генетик етишмовчилиги тегишли патологик жараёнларга нисбатан наслий мойиллик ҳосил бўлишига олиб келади. Натижада нормада асаб тиэзими бузилишини чақирмайдиган омиллар патоген хусусиятга эга бўлиб қолади. Антиноцицептив тиэзимнинг наслий ёки орттирилган етишмовчилиги юқори оғриқ сезгисига ва гиперальгезиянинг пайдо бўлишига олиб келади; анти-эпилептик тиэзим етишмовчилиги, нормал ҳолатда учрайдиган одатий таъсировчилар (масалан ёргулик липиллаши, товуш таъсиrlанишлари) таъсирида ривожланадиган талвасаларга мойилликка олиб келади. АТ бирламчи орттирилган етишмовчилиги унинг патоген агентлар томонидан бевосита шикастланишида (масалан тормозланиш назорати механизмларининг бузилиши) келиб чиқади. АТ иккиласи – етишмовчилиги ПТ таъсири билан боғлиқ бўлиб, физиологик тиэзимларни, айниқса патологик жараён ривожланишининг давом этиши билан боғлиқ бўлган антагонистларини ва ПТнинг ўзини пасайтиради ва издан чиқаради.

МАТ ҳар хил тузилмаларининг нормал ва ўзгарған фаолияти ва реактивлигининг, шу жумладан антитиэзимларнинг ҳам регуляция

қилинишида пептидлар (опиоидсимон пептидлар – β – эндорфин, лей- ва метэнкефалинлар, соматостатин, холецистокинин, дельта – уйқу пептиди ва б.к.) муҳим рол ўйнайди. Маълум шароитларда улар ПТ ва тегишли нейропатологик синдромларни йўқ қиласди. Айрим пептидлар ўз таркибида ҳар хил таъсир қилувчи моддалар ушлайди. Масалан Р субстанцияси иккита фрагментдан иборат (РІ-4 ва Р5-II), улар эмоция стрессига, оғриқ ва б.к. реакцияларга қарама-қарши таъсир кўрсатади. Шундай қилиб, Р субстанцияси тузилишининг ўзида антагонистик регуляция, АТ патологик реакцияга қарши чиқиш ва унинг фаоллигини пасайтириш имкониятларини амалга ошириш принциплари жойлашган.

Асаб тизимида бошланган патологик жараён патоген таъсирот давом қилаётган, айниқса санация мустаҳкамлаш механизmlари, шу жумладан антитизимлар фаолиятининг бузилиши шароитида янада ривожланиш имкониятига эга бўлади. Бунинг натижасида нейронлар гиперфаоллиги ёки деструкцияси ва ўлими содир бўлади, у тегишли функцияларнинг патологик кучайишида ёки қайтмайдиган даражада бузилишида ўз аксини топади. Агар жараён МАТ нинг ҳаётий муҳим бўлимларини эгалласа организмнинг ўлими содир бўлади. Аксинча, санация механизмларининг ривожланиши ва фаоллашишида патологик жараёнлар йўқолади, бузилган функциялар тикланади, олдин клиник, кейин тўлиқроқ даражада соғайиш юзага келади.

Агар санация механизmlари фақат патологик жараённинг чекланиши ва унинг ривожланишини, шу жумладан патологик тизимни ҳам йўқотиш учун етарли бўлса, аммо уни тўлиқ пасайтириш ва йўқотишга қодир бўлмаса, унда патологик жараён ривожланиши тўхтайди, аммо соғайиш вужудга келмайди. Бу шароитда патологик жараён сурункали тус олади (хронизация), унга давом этаётган патоген таъсирот, ПТ сақланишига ёрдам берувчи янги шикастланишлар, санация механизmlари, жумладан антитизим фаолияти бузилишлари олиб келади. Патологик жараённинг сурункали шаклларидан бири турғун патологик ҳолат (ТПХ) ҳисобланади, у хилма-хил жараёнлар биримаси бўлиб, бирламчи ва иккиламчи шикастланишлар, резистент ПТ ҳосил бўлиши, унинг физиологик тизимларга ингибирловчи ва издан чиқарувчи таъсири, бу тизимлар фаолиятининг ўзгариши, шунингдек ПТ чеклантирувчи санациялаш ва компенсатор механизmlарни ўз ичига олади.

Асаб тизими патологиясида из қолиши реакциялари. Патологик жараён клиник белгиларининг йўқолиши ҳали унинг тўлиқ тугаганини кўрсатмайди. Соғайишнинг илк – «клиник соғайиш» деб номланувчи босқичида симптомларнинг йўқолиши нафакат патологик ўзгаришларнинг, шу жумладан ПТ талайгина ликвидацияси туфайли,

шикастланган тузилмалар функцияси компенсацияланиши дефекттинг пластик ва функционал ўрнининг тўлдирилиши орқали ҳам амалга оширилади. Унинг кеч босқичларида яширин тизимли – функционал ўзгаришлар илгариги патологик жараёнини жумладан, ПТ ва унинг патологик детерминантлари изи сифатида сақланади. Янги антитизим фаоллиги ва мия интегратив назоратини бузувчи ва яширин ўзгаришларни бевосита фаоллаштирувчи патоген таъсиrotлар синдром белгиларининг у ёки бу даражада қайта тикланишини чақириши мумкин.

Патологияда из қолдириш реакциялари А. Д. Сперанский томонидан умумпатологик қонуният сифатида аниқланган. У «иккинчи зарба» деган тушунча киритган, бу тушунча иккиласмчи патоген таъсиrot ва у билан боғлиқ сўнганд, Клиник йўқолиб кетган патологик жараённинг тикланишини ўз ичига олади. Асаб бузилишларини қайта чақириш феномени ҳайвоnlарда ўтказилган кузатишларда сув босиши вақтида улар кабинасининг сувга чўкиш пайтида ривожланган неврозларда қайд қилинган. Невроз белгилари йўқолгандан кейин, юқори қўзғалувчанлик сақланишида улар кабинасига сув киритилиши олий асаб фаолиятининг (ОАФ) бузилишини ва невроз қайталанишини чақирган. Кейинги талқиқотларда, шунингдек асаб – дистрофик ўзгаришларини улар йўқолгандан кейин, талvasаларни қоқшол клиник тугатилгандан кейин, ҳар хил тўқима ва метаболик ўзгаришларни «иккинчи зарба» дан кейин қайта чақириш мумкинлиги кўрсатилган. Из қолдириш реакцияси негизида патологик жараёнларнинг қайта ҳосил бўлиши ўзига хос хусусиятларга эга (Крыжановский Г. Н., 1992). Патологик жараён қанча кам даражада тугатилган ва клиник соғайишдан кейин қанча кам вақт ўтган бўлса, у шунча катта тўлиқлиқда тикланади ва уни қайта чақириш хусусиятига эга бўлган иккиласмчи патологик таъсиrotлар кучи шунча кам бўлади; ва аксинча, клиник соғайишдан кейин қанча кўп вақт ўтган бўлса, илгариги патологик жараён белгиларини чақириш шунча қийин бўлади. Иккиласмчи патологик таъсиrotларнинг сифатий тавсифи ҳам аҳамиятга эга: патологик жараён енгил ва тўлиқ даражада айнан шу патоген таъсиrot билан чақирилади (агар специфик – антитизим ва иммун ҳимояланиш механизмлари ривожланган бўлмаса). Аммо бошقا табиатли патоген агентлар таъсир қилганда тўлиқ равища илгариги патологик жараённи чақириш мумкин бўлмайди, унинг айрим негизида бирламчи ва иккиласмчи патоген таъсир учун умумий ва яқин бўлган айрим белгиларини чақириш мумкин холос. Носпецифик иккиласмчи таъсирда касалликни қайта чақириб бўлмайди, фақатгина унинг айрим жудда оддий симптомларини чақириш мумкин. Масалан қоқшолни касаллик сифатида қайта чақириб бўлмайди, фақатгина унинг талваса синдроми компонентларини чақириш мумкин.

Шундай қилиб, иккиламчи патоген агент из қолдириш ўзгаришлиари негизида ҳосил бўлган патологик эффект клиник манзараси янги ва эски патологик жараёнлар белгиларидан ташкил топади. Бу ҳолат патологик жараён хусусиятларини тушунишда катта аҳамиятга эга, чунки ҳар бир жараён илгариги ўзгаришларнинг яширин фонидада пайдо бўлади.

Патологик кучайган қўзғалувчанлик генераторлари (ПКҚГ). Битта гиперфаол нейрон МАТ фаолиятининг бузилишини чақира олмайди. Бундай эффект етарли даражада кучли, МАТ бошқа қисмларининг регуляция ва тормозланиш назорати механизмини енгиш қобилиятига эга бўлган ва уларнинг патологик реакциясини чақиравучи кучли импульслар оқими таъсирида ҳосил бўлади. Бундай кучли импульслар оқими гиперфаол нейронлар агрегати томонидан ҳосил қилинади ва у патологик кучайган қўзғалувчанлик генератори (ПКҚГ) сифатида ифодаланади (Крыжановский Г. Н. 1991).

ПКҚГ томонидан ҳосил қилинувчи импульслар интенсивлиги ва оқим характеристи унга етиб келадиган сигналга мувофиқ бўлмайди ва ПКҚГ тузилиши ва функцияси шаклланиш хусусиятлари билан аниқланади. ПКҚГ нейронлари бир-бирини фаоллаштириши туфайли ПКҚГ, айниқса ўзининг ривожланиш чўққисила, автоном ишлаш ва ташки доимий стимуляцияга боғлиқ бўлмаган ҳолда ўз фаоллигини сақлаш қобилиятига эга. ПКҚГ асаб тизими бузилишларида юзага келиб, патологик жараёнлар ва асаб бузилишларининг янги, эндоген механизми бўлиб қолади. ПКҚГ у ёки бу шаклда амалий томондан МАТ ҳамма қисмларида юзага келиши мумкин. ПКҚГ шаклланиши МАТ нейронлараро муносабатлар даражасида ривожлана-диган нусхали патологик жараёндир. ПКҚГ нинг классик мисоли сифатида бош мия қобигидаги эпилептик ўчоқ хизмат қилиши мумкин, уни экспериментда ҳайвон мия пўстлоғига (одатда сенсомотор соҳага) ҳар хил конвульсантлар (талваса чақиравучи), масалан пенициллин аппликация қилиш йўли билан чақириш мумкин.

Патологик жараёнларнинг эндоген механизми сифатида ПКҚГ нинг асосий патогенетик аҳамияти шундан иборатки, у МАТ нинг қайси қисмида ҳосил бўлган бўлса, ўша қисмини гиперфаоллайди, натижада бу қисм патологик детерминанта аҳамиятига эга бўлиб қолади. Патологик детерминанта МАТ фаолиятининг нейропатологик синдромлар кўринишидаги тегишили бузилишлари негизида ётувчи патологик тизимни шакллантириши туфайли, ПКҚГ ҳосил бўлиши бу бузилишларнинг нейронлараро муносабат даражасида амалга оширувчи инициал механизми бўлиб ҳисобланади.

МАТ ҳаракат ва эмоционал реакциялар, олий асаб фаолияти, ҳулқ ва феъл-авторга алоқадор қисмларида ПКҚГ ҳосил бўлиши, тегишили нейропатологик синдромлар ривожланишини чақиради. Экс-

периментда оғриқ сезгиси тизимида ПКҚГ чақирилиши ҳар хил оғриқ синдромларининг ҳосил бўлишига олиб келади: орқа мия билан боғлиқ оғриқ синдроми (орқа мия дорсал шохларида ПКҚГ), тригеминал невралгия (уч шохли нерв каудал ядросида ПКҚГ), таламик оғриқ синдроми (таламус ядросида ПКҚГ), фантом оғриқ нусхаси (орқа мия дорсал шохларида оёқ олиб ташланган ёки сезги-си йўқолган томонида ПКҚГ).

ПКҚГ нинг кўрсатилган синдромлар пайдо бўлиши ва патогенезида муҳим аҳамияти тўғрисида уни қандайдир эндоген сабаб туфайли спонтан (ўз-ўзидан) тўхташининг ёки фаоллигининг фармакологик воситалар ёрдамида (масалан тегишли антиконвульсантлар) пасайтирилиши нейропатологик синдромлар клиник белгиларининг йўқолишига ёки сусайишига олиб келади. Худди шундай натижага ПКҚГ ривожланишининг бошланғич давларида шу соҳанинг жарроҳлик йўли билан йўқотилиши (коагуляция орқали) ёрдамида ҳам эришилади.

ПКҚГ нинг вегетатив асаб тизими (ВАТ) маълум қисмларида пайдо бўлиши тегишли вегетатив бузилишларнинг ривожланишига олиб келади. Жумладан, унинг лимбик тизим тузилмаларида ва гипоталамус орқа қисмida ҳосил қилиниши кўз ичидаги босим, юрак ритми, томир дистонияси ва б.к. га олиб келади. ВАТ да ПКҚГ пайдо бўлиши ички аъзолар (ўт пуфаги, ошқозон-ичак тракти, бачадон найчалари, бачадон, бронхлар ва б.к.) регуляциясининг айрим бузилишлари, овқат ҳазм қилиш тизими секрецияси бузилишлари, меъда ва ўн икки бармоқ ичак яраларининг айрим шаклларининг ҳосил бўлиши, бронхиал астма ва б.к. билан ҳам боғлиқ, Гипоталамус, мия нейроэндокрин тизими ва ВАТ эндокрин безлар фаолиятига алоқадор қисмларида ПКҚГ ҳосил қилиниши эндокрин бузилишларга сабаб бўлади.

Шундай қилиб, асаб тизими фаолияти ва асаб регуляциясининг турли томонларига алоқадор бўлган кўпгина асаб бузилишлари генераторли табиатга эга бўлади. Агарда ПКҚГ МАТнинг нормада бошқа тузилмалар фаолиятини тормозловчи қисмларида ёки унинг тормозловчи тузилмаларини фаоллаштирувчи қисмларида пайдо бўлса, ҳатто тушиб қолиш синдромлари ҳам бўлиши мумкин. Талласалар, оғриқлар, эмоционал эфектлар ва бошқа симптомлар хуружи бирданига ёки суст ривожланиши, аста-секинлик билан ёки тез кучайиши, шиддатли, пароксизмал, тоник ёки клоник кўринишда бўлиши, узлуксиз ёки вақти—вақти билан, тез—тез ва сийрак, кучли ёки суст, қисқа мулдатли ёки давомли бўлиши мумкин. ПКҚГ нинг бу ва бошқа хусусиятлари унинг фаоллик табиати билан боғлиқ.

ПКҚГ экзо - ва эндоген омиллар таъсирида ҳосил бўлиши яъни полиэтиологик табиатли бўлиши мумкин, ёки нейронлар бирламчи

гипер-фаоллиги ёки уларнинг тормозланишининг бирламчи бузилишидан бошланиши мумкин. Нейронларнинг бирламчи гиперфаоллигидаги тормозланиш механизмлари сақланади, аммо функционал нуқтаи назардан етарли бўлмайди. Бу ҳолатда тормозланишнинг иккиласи мисоли нисбий етишмовчилиги бўлади ва у ПКҚГ ривожланган сайн ошиб боради. Бирламчи етишмовчилигига нейронлар қўзғалиши ва гиперфаоллиги содир бўлади.

Патологик детерминанта (ПД). МАТ тузилмаси бўлиб у патологик тизимни шакллантиради ва унинг фаолияти характеристини аниқлайди (Крыжановский Г. Н., 1994). Ўзгарган асаб марказлари патологик детерминанта ролини ўйнаши мумкин. Патологик детерминанта пайдо бўлиши ва унинг фаолияти МАТ да тизимли миқёсда амалга ошириладиган типик патологик жараёнлар жумласига киради. Патологик тизим ривожланишида патологик детерминантанинг роли сифатида орқа мияга боғлиқ миоклониялардаги орқа миядаги ўзгаришлар мисол бўлиши мумкин. ПКҚГ ҳосил қилиниши бу қисмнинг гиперфаол бўлиб қолиши ва патологик доминанта аҳамиятига эга бўлишига олиб келади. У орқа мия ҳамма томонларига тарқалади, супраспинал даражага етади ва ҳар хил мотонейронларни фоллаштиради. Антогонист мушаклар нейронлари орасида реципрок муносабатлар йўқолади ва ҳамма нейронлар ягона функционал пулга (пул – жамланма, йиғинди маъносида) – ўзида патологик тизимнинг марказий эфферент қисмини, периферик эфферент звеноси бўлиб ҳисобланган тегишли калла, бўйин, гавда, оёқлар ва б.қ.ларни ўзида акс эттирувчи жамланмага айланади. Унинг фаолияти генерализацияланган талвасалар шаклида намоён бўлади. Бош мия пўстлоғида патологик детерминанта эффекти мисоли сифатида, унда эпилептик фаоллик ўчоқлари комплексининг ҳосил бўлишини кўрсатиш мумкин. Агарда мия пўстлоғи ҳар хил зоналарида нисбий суст эпилептик фаоллик ўчоқлари ҳосил қилинса, сўнгра яна битта зонада янги кучлироқ ўчоқ ҳосил қилинса, бу кейингиси қўзғалувчанликнинг катта интенсивлиги туфайли детерминанта аҳамиятига эга бўлиб қолади: унинг таъсирида бошқа ўчоқлардаги фаоллик детерминанта ўчоғидаги эпилептик фаолликка ўхшаб қолади. Пировардида бир тусдаги эпилептик фаолликка эга бўлган кўп ўчоқли комплекс ҳосил бўлади (Крыжановский Г. Н., 1994).

Патологик детерминанта нейропатологик синдромлар асосида ётувчи патологик тизим ҳосил бўлишини индуцирлади, унинг ривожланиши патологик жараённи чуқурлаштиради. Патологик детерминантанинг ўзи патологик жараён ривожланишининг янги эндоген омили ҳисобланади. Деярли ҳамма асаб бузилишлари патологик детерминанта фаолияти билан боғлиқ, у универсал патогенетик механизм аҳамиятини касб этади. Патологик детерминанта айрим ҳоллар-

да функциянинг тушиб қолиши шаклида ҳам ифодаланиши мумкин, агар у МАТ нинг тормозланиш таъсирини амалга оширувчи тузилмаларини фаоллаштиргиса. Бу ҳолда у функционал дефект сифатида намоён бўлади. Патологик детерминанта патологик тизимнинг сақланишини, унинг фаолигини таъминлайди. Унинг бу хусусияти жараённинг дастлабки босқичларида кўринади. Шундай қилиб, патологик детерминанта патологик тизимнинг давом этиш даврини аниқлайди, у патологик тизимнинг ҳақиқий бошқарув звеноси ҳисобланади, фақатгина унинг таъсири тизимни патологик қиласди. Организм тушиб қолган вазият ноадекват бўлиб қолади, яъни таъсир қилаётган қитиқловчиларга ва организм талабларига мувофиқ келмайди. Патологик детерминанта ўз-ўзича нейропатологик синдромларнинг ўзига хослигини аниқламайди, у патологик тизим хусусиятларини, жумладан синдром намоён бўлиши, кечиши, талвасалар характеристи ва б.к. ни аниқлайди.

Патологик тизим (ПТ) юқорида кўрсатилгандек, МАТ нинг шикастланган ва шикастланмаган тузилмаларидан ҳосил бўлувчи янги патодинамик тузilmани акс эттиради, унинг фаолияти организм учун дизадаптив ёки бевосита патоген аҳамиятта эга (Крыжановский Г. Н., 1991, 1994). ПТ фаолиятининг яққол кўриниши патологик қичишиш рефлекси ҳисобланади. У қичишиш рефлекси аппарата ПКҚГ шакланиши натижасида ҳосил бўлади. Пировардида бу аппарат патологик детерминанта бўлиб қолади ва патологик қичишиш ПТ нинг патологик қичишиши рефлексини шакллантиради. ПТ фаолиятининг бошқа бир мисоли – ноадекват, патологик кучайган овқат излаб топиш ҳаракатидир. Эксперимент латерал гипоталамусда ПКҚГ ҳосил қилиш орқали чақирилади. Келтирилган мисолларда ҳаракатнинг ва хулқ-атворнинг мажбурий шакллари келтирилган: ҳайвонлар уларга келтириладиган заرارга қарамасдан бу ҳаракатни тўхтата олмайди. Булар ҳам турли неврологик ва руҳий бузилишларда кузатилади.

ПТ ҳосил бўлишида бошқа патогенетик омиллар ва механизмлар билан бир қаторда МАТ да ҳосил бўлувчи эндоген моддалар таъсири аҳамиятими алоҳида кўрсатиб ўтиш лозим. Масалан соғлом мия тўки масида унинг эпилептизациясида ҳамда реципиент – ҳайвонларда эпилептоген агентлар таъсирида чақирилган эпилептик фаолликда бу ўзгаришларни енгиллаштирувчи моддалар топилади. Бундай про-эпилептогенлар ролини маълум шароитда айрим пептиллар ҳам ўйнаши мумкин.

Доминанта муносабатларининг бузилишлари. А. А. Ухтомскийнинг аниқлаши буйича доминанта асаб фаолиятининг ишлаш принципидир (қонун - қоидаси). Доминанта моҳияти шундан иборатки, функционал фаол тузилмалар бошқа тузилмаларнинг бирга қўшилган тормозланиши шароитида ўз фаолиятини ривожлантиради (Крыжанов-

ский Г. Н., 1991). Шунинг учун ҳам фаол тузилмалар устиворлик, доминант аҳамиятга эга бўлади. МАТ тузилмаларининг қўшилган ҳолатда тормозланиши икки йўл билан амалга оширилади: 1) бошқа тизимлар антагонистик тузилмаларига бевосита ингибирловчи таъсир қилиш (регионар тормозланиш реципрок ва бошқа механизмлари) ва 2) МАТ умумий интегратив назорати орқали бу механизм шу вақтда ҳамма таъсир қилувчи қитиқлантирувчиларнинг синтези ва организм талаблари асосида ёки бу реакцияларнинг устунлигини аниқлайди ва унинг динамиклигини таъминлайди. Доминант муносабатлар хусусиятлари ва биологик аҳамиятини бу муносабатларда мумкин бўлган иккита асосий патология шакллари аниқлайди: ёки уларнинг етишмовчилиги ёки аксинча, уларнинг ортиқча кучайishi.

Нейрон патофизиологияси. Кўзғалувчанлик ўтказилишининг бузилиши. Кўзғалувчанликнинг толалар орқали тарқалиши қўйидаги жараёнлар кетма-кетинлигининг бир-бирига қўшилиши орқали таъминланади: мембрана деполяризацияси → толага Na^+ кириши → мембрана ўрта қисми деполяризацияси → шу қисмга Na^+ кириши ва ҳ.к. Na^+ кириши етарли бўлмаслигига ҳаракат потенциали (ХП) генерацияси (туғилиши) бузилади ва импульс ўтказилиш тўхтайди. Бундай эффект Na^+ — каналларининг маҳаллий аnestетиклар (новокайн, лидокаин ва ҳ.к.) ва бошқа қатор кимёвий агентлар билан блокадасида учрайди. Na^+ — каналлари специфик блокатори тетродотоксин — япон балиги — фуганинг ички аъзоларида ишлаб чиқариладиган заҳар ҳисобланади. Худди шундай кўзғалувчанлик ўтказилишининг блокланишини Na^+ — каналлари бекилиши билан боғлик мембрана реполяризациясига олиб келувчи моддалар (масалан инсектицилар — ДДТ, вератрилин, аконитин, батрахотоксин ва б.к.) ҳам чақиради.

Na^+ , K^+ - насоси (унинг ролини мембрانага тиркалган Na^+ , K^+ - АТФаза бажаради) фаолияти АТФ парчаланиши натижасида ҳосил бўлган энергия билан таъминланади. Энергия дефекити Na^+ , K^+ — насоси ишининг бузилишига олиб келади, натижада мембрана ХП генерациялаш ва кўзғалувчанлик ўтказиш хусусиятига эга бўлмай қолади. Бундай эффектни оксидланиш — фосфорланишни бир биридан ажратувчилар (масалан, динитрофенол) ва бошқа метаболик заҳарлар ҳамда ишемия, асаб айрим қисмининг узоқ совқотиши, юрак гликозидларининг ортиқча дозада берилиши чақириши мумкин. Аксонлардан кўзғалишнинг ўтказилиши бузилиши периферик асаб патологиясининг турли кўринишларида ва МАТ асаб толаларининг яллигланиш жараёнлари, чандикланиш ўзгаришлари, асаб толалари қисилиши, кўйишда толалар демиелинизацияси (аллергик жараёнлар, паришонхотирлик скелерози) ва ҳ.к да кузатилади.

Аксонал транспортнинг бузилишлари. Аксонал транспорт нейро-филаментлар ва микронайчалар ва контрактил актин - ва миозин-симон оқсилларнинг (уларнинг қисқариши муҳитда Ca^{2+} миқдорига ва АТФ парчаланиш энергиясига боғлиқ) иштирокида амалга оширилади. Микронайчалар ва нейрофиламентларни шикастловчи моддалар (колхицин, винбластин ва д.к.), АТФ нинг етарли бўлмаслиги, энергия дефицитини чақирувчи метаболик заҳарлар (динитрофенол, цианидлар) аксооқимни бузади. Аксонал транспорт бузилишлари аксон дегенерациясини чақирувчи витамин B_6 ва B_1 (бери-бери касаллиги) етишмовчилигига, ишлаб чиқаришдаги заҳарлар, (масалан акриламид, гексахлорофон), оғир металлар тузлари (масалан қўргошин), фармакологик препаратлар (масалан дисульфирамом), алкогол таъсирида ҳамда қандли диабет касаллиги ва асаб қисилишларида учрайди. Аксооқим шикастланишлари асаб толалари регенерацияси ва тикланишининг бузилиши орқали ҳар-хил нейропатия ва невритларни чукурлаشتариади. Аксонал транспорт постсинаптик нейронлар ёки перифериядаги иннервацияланадиган тўқималар томонидан ишлаб чиқариладиган трофик моддалар етишмовчилигига ҳам бузилади. Бу моддалар транссинаптик йўл билан аксонларга тушади, сўнг ретроград аксооқим орқали пресинаптик нейрон танасига етиб боради ва нейронда оқсил синтезини стимуллайди. Шу билан бирга аксонал транспорт бузилишининг ўзи нейроннинг ва иннервацияланувчи тўқиманинг дистрофик ўзгаришларида муҳим рол ўйнайди, чунки бу шароитда трофогенларнинг постсинаптик нейрон ва иннервацияланувчи тўқимага антероград тушиши бузилади. Аксон кесилишида унинг периферик қисмининг уоллеров дегенерацияси (парчаланиши) ва марказий қисмининг ретроград дегенерацияси ривожланади. Бу жараёнлар аксоннинг икки қисми трофикасининг бузилиши билан боғлиқ. Аксонал транспорт ёрдамида асаб тўқимасига антитаналар ва нейромедиаторлар тарқалади: бундай тарқалиш нейрондан – нейронга нейронал трофик тўр орқали бориши мумкин, бу патологик жараёнга ҳаттоқи узоқда жойлашган нейронларнинг ва МАТ бошқа қисмларининг жалб қилинишига олиб келади.

Дендритлар патологияси. Дендритлар ва тиканчалар нейроннинг энг нозик тузилмаси бўлиб, улар турли патоген таъсиrotларда шикастланади ва йўқолади. Организм қариганда тиканчалар редуцирланади, олдин у дентрит – тиканча аппаратининг энг лабил қисми ҳисобланадиган дендритлар охирида, сўнг унинг проксималроқ қисмida рўй беради; шундай кетма-кетликда дендритлар ҳам редуцирланади. Бу жараёнлар қарилек билан боғлиқ трофиканинг бузилишлари натижасида келиб чиқади, бу мия фаолиятининг пасайиши билан боғлиқ. Мия айрим дегенератив ва атрофик касалликларда

(қарилек туфайли ақлнинг пасайиши Альцгеймер касаллиги) ти-канчалар ва дендритлар тармоқлари аниқланмайди. Дендриттиканчали аппарат гипоксия, ишемия, интоксикациялар, травмалар, элек-трошок, мия чайқалиши, стрессор ва невротизирлантирувчи таъси-ротларда бузилади. Шунингдек ҳар хил патоген агентлар таъсирида йўқолиб кетадиган микронайчалар бузилишлари ҳам дендритлар па-тологияси билан боғлиқ. Микронайчалари йўқолиб кетган дендритлар дистрофик ўзгаришларга учрайди ва унга тегиб турган фрагмент-ларни қамраб олиб, юқори даражада эндоцитоз намоён қиласи. Бун-дай эндоцитоз моҳияти буйича фагоцитоз бўлиб, тормозланишнинг сусайиш жараёни шаклида рўй беради. Бошқа тузилмаларнинг қам-раб олиниши туфайли, шикастланган дендритнинг трофик таңқис-лиги қопланиши мумкин. Шу билан бир қаторда нейронлар ва дендритлар дегенерацияланган тузилмаларининг (шикастланган қисмла-рининг) эндоцитозида (фагоцитозида) бу тузилмаларда сақланади-ган патотрофогенлар ўз таъсирини намоён қилиши мумкин; эҳти-мол бу жараён билан «қора тип» ли дендритлар дегенерацияси боғ-лиқ бўлиши мумкин, бунда дендритларда кўп миқдорда фагоцитоз-ланган материал тўпланади.

Нейронларнинг транснейронал дегенерацияси уларга дендритлар орқали эндоцитоз йўли билан патотрофогенларининг ўзгарган ней-ронлар аксонларидан (антероград) ва ўзгарган дендритларидан ак-сонларига (ретроград) тушиши билан боғлиқ. Дендритлар орқали эндоцитоз йўли билан нейронларга, шунингдек асаб тўқимасига антитаналар ва нейромедиаторлар ҳам киради. Дендритлар ўзгариш-лари нейрон эпилептик фаоллиги ривожланишида муҳим аҳамиятга эга. Нейрон фаолияти гиперфаоллиги ва бошқа ўзгаришларга олиб келувчи мембраннынадаги ҳодисалар занжири дендрит мембраннынадан бошланади .

Нейрон мембранныи патологияси. Турли патоген агентлар – ме-таллар, токсинлар, антинейронал антитаналар, кимёвий ва физик омиллар, ишемия ва ҳ.к. таъсирида нейрон мембраннынинг ҳар хил кўринишили альтерациялари пайдо бўлади. Ҳужайра (цитоплазма) ва ҳужайра ичи мембраннынинг шикастланиши нейроннинг чуқур па-тологиясига олиб келиши мумкин. Бунда рўй берувчи кўпгина ўзга-ришлар типик ҳужайра ичи патологик жараёнларнинг бир типли стандарт характеристига эга бўлади. Бу жараёнлар қаторига нейрон мем-бранныи липидларининг кучли пероксидланиши (ЛПО) киради. ЛПО да ниҳоятда кўп миқдорда ҳосил бўлувчи пероксидлар ва эркин радикалли оксидланиш маҳсулотлари ҳужайра тузилмалари, оқсил, нуклеин кислоталари ва ҳужайра мембранныи токсик таъсир кўрса-тади. Мембранныи алоҳида-алоҳида бўлиб қолади, уларнинг ўтка-зувчанилиги ошади, липид қатламида нуқсонлар ҳосил бўлади. Бу

жараёнлар ортиб борувчи фосфолипазли гидролизланиши натижасида кучаяди, оқибатда нейрон мемранаси фосфолипидларидан кўп миқдорда эркин ёғ кислоталари (ЭЁК) ҳосил бўлади. ЭЁК ички мембрана фосфолипидларидан фосфолипаза А₂ ҳамда ташқи мембранада диацильглицериндан диацильглицеринлипаза таъсирида ҳосил бўлиши мумкин. ЭЁК ҳужайрада тўпланиши нейрон ташқи ва ички мембранаси, жумладан митохондрия мембранасининг янада шикастланишига олиб келади, улар фаолиятининг бузилиши энергия танқислигининг ҳосил бўлишига сабаб бўлади. Нейрон ва митохондрий мембранаси липидлари пероксидланишининг парчаланиш маҳсулотлари ҳужайра ядрасигача етиб бориши ва геномани шикастлаши мумкин: бу механизм РНК ва оқсил синтези бузилишида ҳам иштирок қиласи ва тузилиш танқислигига олиб келади. Мембрана ўтказувчанлигининг ошиши натижасида нейрондан ҳар хил моддалар, шу жумладан антигенлар чиқиб кетади ва бу атоиммун жараённинг ривожланишига, нейрон шикастланишининг чуқурлашишига сабаб бўлади. Асаб тўқимасига нисбатан ҳосил бўлган антитаналар ва шунингдек нейромедиаторлар гематоэнцефалик тўсиқ айrim қисмлари орқали мияга киради ва нафақат шу соҳа нейронларига таъсири қиласи, шу билан бир қаторда оксанал транспорт орқали транссинаптик йўл билан нейрондан-нейронга тарқалади ва нейронлар шикастланиш зonasини кенгайтиради.

Мембраналар баръер хусусиятларининг бузилиши ионлар оқими-нинг: Ca²⁺ ва Na⁺ нейронга киришини ва K⁺ нейрондан чиқишини кескин кучайтиради; бу Na⁺, K⁺ ва Ca²⁺ насослари етишмовчилиги (уларнинг энегияга боғлиқ фаолияти, шунингдек ЛПО кучайиши таъсирида ҳам ўзгаради) билан қўшилган ҳолда мембрана реполяризациясининг бузилишига олиб келади. Натижада нейронлар гиперфаоллиги ва ПКҚГ фаолияти ушлаб турилиши мумкин. Нейрон мембранаси ЛПО аденилатцилазани фаоллаштириши мумкин, у кучайтирувчи ҳужайра ичи метаболик жараёнлари занжирини индуцирлади, натижада нейрон фаоллашади. Ca²⁺ нинг чиқиши нафақат нейронни гиперфаоллаштиради, шу билан бир қаторда унинг ҳужайрада ҳаддан ташқари кўп бўлиши, метаболизм патологик ўзгаришларига ва ҳужайра ичи шикастланишларига олиб келади. Ҳамма кўрсатилган жараёнлар комплекси, агар улар пасайтирилмаса ва компенсацияланмаса, нейрон ўлишига сабаб бўлади. ЛПО кучайиши бирламчи ва иккиламчи бўлиши мумкин. Бирламчи бевосита прооксидантли таъсири қилувчи моддалар (ҳар хил заҳарлар, пероксидлар, Fe²⁺, адреналин ва б.к.) таъсири билан боғлиқ. Иккиламчилари бошқа шикастланишлар натижасида юзага келадиган патологик жараёнларда, ҳамда нейрон гиперфаоллигида ривожланади. Кучайган ЛПО иккиламчи ҳосил бўлиб, носпектив патогенетик звено аҳамиятига

эга, аммо патологик жараённи потенциялаштириб ёки янгисини чақириб жуда мұхим ажамият касб этади. Амалий жиҳатдан асаб тизимида қандай патологик жараён бўлмасин, унда албатта кучайган ЛПО ҳосил булади. Бундай ўзгаришлар эпилепсия, эндоген психозлар (масалан, шизофрения, маниакал – депрессив синдром), неврозлар, ҳар хил стресслар ва шикастланишлар, ишемия, сурункали гипоксия, нейроннинг функционал зўриқиши ва б.қ.да кузатилади.

Хужайра ичи сигнализация жараёнлари ўзгаришларида нейрон фаолиятининг бузилишлари. Рецепторлар сигнали (нейромедиатор, гормон ва б.қ.) қабул қилингандан кейин нейронда унинг фаоллиги ва тегишли трофик – пластик ўзгаришларни таъминловчи метаболик жараёнлар занжири вужудга келади. Бу жараёнларда кучайтирувчи ёки бошлаб берувчи ферментлар ва улар таъсирида ҳосил бўлувчи моддалар – воситачилар, иккиласми месседжерлар ниҳоятда мұхим рол ўйнайди. Бу жараёнларнинг иккита типи энг кўп ўрганилган: уларнинг биринчисида ишга туширувчи кучайтирувчи фермент шаклида аденилатцилаза (АЦаза), у билан боғлиқ иккиласми мессенджер сифатида циклик аденоzinмонофосфат (цАМФ) рол ўйнайди, иккинчисида эса ишга тушурувчи фермент фосфолипаза С, иккиласми мессенджер – инозитучфосфат (ИУФ) ва диацилглицеринлардан иборатdir.

Нейрон функцияси гиперфаоллиги ёки фаоллигининг сусайиши билан намоён бўлувчи кўлгина патологиялар метаболик тизимлар тегишли звенолари тизмасининг бузилиши билан боғлиқ. Кўййутал таёқчаси токсини нейротроп хусусиятга эга, С – оқсил фаоллигини пасайтиради, шунинг учун ҳам унинг таъсирида тегишли моддаларнинг АЦазага ингибиrlовчи таъсири йўқолади. Литий ионлари инозит –1 – монофосфатаза фаоллигини пасайтиради, натижада эркин инозит ҳосил бўлиши ва фосфоинозитлар ресинтези бузилади, фосфоинозит билан боғлиқ жараёнлар сусайди.

Кўлгина талвасага қарши моддалар таъсирида (дифенингидантонин, карбамазепин, бензодиазепинлар) нейрон оқсиллари фосфорланиши ингибиrlанади, бу патологик кучайган нейрон функциясининг сусайиши механизmlаридан бири ҳисобланади. Айrim психотроп моддалар (фенотиазинлар, масалан трифтазин), антидепрессантлар, маҳаллий анестетиклар, кальмодулин билан бирикиб оқсиллар фосфорланишини бузади ва нейрон фаоллигининг сусайишини чакиради. Амалий жиҳатдан иккиласми мессенджерларнинг ҳамма эффекти ўёки бу тарзда Ca^{2+} иштироки билан боғлиқ, улар универсал иккиласми мессенджерлар ролини ўйнайди, аммо унинг гомеостазининг бузилиши ва цитозолда юқори миқдорда йиғилиши нейрон патологиясига олиб келади. Юқорида келтирилган мембрана ва ҳужайра ичи жараёнларининг тизмаси эндоген кучайтирувчи тизим-

ни ташкил қиласы, у нейрондан чиқаётган сигналлар эффектининг кескин ошишини таъминлаши мумкин.

Нейрон гиперфаоллиги. Мембрана деполяризациясида нафақат нейронга кирудынчы Na^+ ва Ca^{2+} — оқими, шунингдек нейрондан чиқадын K^+ — оқими ҳосил бўлади. K^+ чиқиши туфайли мембрана реполяризацияси, кейин унинг гиперполяризацияси вужудга келади, натижада деполяризация билан боғлиқ бўлган Ca^{2+} кириши тўхтайди. Ҳужайра ичи Ca^{2+} концентрацияси маълум даражага етгандан сўнг K^+ - каналларини фаоллаштиради (Ca – га боғлиқ, K – каналларининг фаоллашиши), бу туфайли мембрана гиперполяризацияси юзага келади. Бу манфий тескари боғлиқлик нейронга Ca^{2+} киришини регуляция қиласы. Илон тўқимасидан ажратилган 4- амидопирин, пептид табиатли токсиклар (семиз ҳужайраларни дегрануляцияловчилар ва ДТКП – пептиди, дегидротоксин), потенциал боғлиқ бўлган K – каналлари ва реполяризацияловчиларни Ca^{2+} – оқимининг нейронини блоклайди, бу мембрана деполяризацияланиши ва унга Ca^{2+} киришига олиб келади, шунинг учун ҳам қўрсатилган моддалар конвульсантлар сингари таъсири қиласы. Шундай механизм коразолдек конвульсантнинг эпилептоген таъсирининг бир қисми бўлиб ҳисобланади. Қўрсатилган K – оқим блокаторларининг проконвульсант эфектлари Ca – каналлари блокаторлари (1,4 дигидропиридин ва б.к.) билан бартараф қилинади, бу келтирилган эфектлар Ca^{2+} нинг нейронга кириши билан боғлиқлигидан далолат беради.

Нейронлар гиперфаоллиги ҳосил бўлишида эндоген кучайтирувчи тизимлар муҳим рол касб этади. Бу тизимда энг муҳим жараёнлар назорати механизмларининг бузилиши унинг дезрегуляциясида олиб келади ва нейроннинг гиперфаоллиги кўринишида намоён бўлиши мумкин. Экзоген ва эндоген омиллар таъсирида нейрон гиперфаоллиги юзага келишида, нейроннинг мойиллиги муҳим аҳамиятга эга. У бирламчи генетик боғланган бўлиши ёки ҳар хил омиллар таъсирида яширин пластик ўзгаришлар йигилишида иккиласи пайдо бўлиши мумкин.

Деафферентация. Нейронга кирудынчы импульслар (қайси манбадан келиб чиқмасин) унинг учун афферент импульсация ҳисобланади. Бу афферентациянинг тўхташи нейрон деафферентацияси дейилади. У келувчи импульсларнинг тўхтаб қолиши (асаб йўлларининг узилиши, пресинаптик охирларда нейромедиаторлар ажралишининг бузилиши) ёки постсинаптик нейронда қабул қилувчи рецепторлар блокадаси (токсиклар, фармакологик воситалар ва ҳ.к. таъсирида) натижасида ривожланади.

Нейрон деафферентацияси моҳияти бўйича денервация синдроми демакдир. Аммо нейроннинг тўлиқ денервацияси бўлиши мумкин эмас, чунки МАТ нейронлари жуда кўп миқдорда афферент ки-

ришларга эга. Бунга қарамасдан ҳатто қисман деафферентацияда ҳам нейронни ёки унинг айрим қисмларининг юқори қўзғалувчанлиги ва тормозловчи механизмларнинг бузилишлари вужудга келади. Тормозловчи механизмларнинг бузилиши нейрон мембранаси ва тормозловчи рецепторлар реактивлигининг ўзгаришлари, ҳужайра ичи жараёнларининг бузилишлари, нейрон тормозловчи назорат аппарати стимулланишининг сусайиши, шунингдек асаб боғламларининг травматик ёки жарроҳлик шикастланиши, шу жумладан тормозлаш йўлларининг ҳам узилишларида ривожланади. Нейронлар гурухининг деафферентацияси ПКҚГ ҳосил бўлиш механизмларидан бири ҳисобланади. Деафферентирланган оёқ ҳаракати катта-катта қадамли, ёмон координацияланадиган бўлиб қолади. Орқа мия орқа илдизларининг кенг кўламда кесилиши бошқа бир феноменнинг ривожланишига ҳам олиб келади: Диафферентация қилинган томон охирлари бошқа томон ҳаракат қиласанда нафас, ютиниш ва б.қ.лар билан бирга ҳаракат қила бошлайди. Бу ҳодиса Орбели – Кунстман феноменини (таърифлаган тадқиқотчилар номи) деб аталади ва у деафферентацияланган орқа мия нейронлари қўзғалишининг ошиши ва тормозланишининг сусайиши билан боғлиқ.

Оғриқ патофизиологияси. *Оғриқ* – одамнинг ўзига хос руҳий – физи-ологик хусусияти бўлиб, у организмда органик ёки функционал бузилишлар чақирувчи жуда кучли шикастловчи қитиқловчилар таъсири натижасида келиб чиқади; организмни зарарли омиллар таъсиридан ҳимоялаш учун турли функционал тизимларни жалб қилувчи интегратив функцияси бўлиб ҳисобланади. Оғриқ кўп касалликларнинг белгисидир. Бу субъектив, оғир сезги бўлиб, эмоционал бузилишлар (ваҳима, кўрқиш, кайфиятнинг йўқолиши), шунингдек айрим белгилар: терининг оқариши, кўз қорачиғи кенгайиши, АБ кўтарилиши билан кечади. Оғриқ сезгиларда берилган шикастланишдан иборат деган тушунча мавжуд. Бу унинг хусусиятларидан биридир.

Икки хил оғриқ фарқ қилинади: *физиологик* ва *патологик*. Оғриқнинг шикастланмаган асаб тизимида ҳосил бўлиши биринчи хилига хос, у қисқа муддатли, қитиқловчининг таъсири тўхташи билан шу вақтнинг ўзида ўтиб кетади; ҳимоя аҳамиятга эга. Мисоллар: 1) агар одам қўлига оғриқ чақирувчи омил таъсир қиласа, у қўлини тортиб олади; 2) кўп қон кетганда томирлар спазми ва қон ивишининг ошиши оғриқ пайдо бўлишига олиб келади. Патологик оғриқ – узок муддатли бўлиб, ё камайиши, ё кучайиши мумкин, шикастланган асаб тизимида ҳосил бўлади. У организмнинг заифлашишига, асаб тизимининг ҳолдан тойиши – астенияга яъни ниҳоятда тез ҳам жисмоний, ҳам руҳий чарчашликка олиб келади.

Патологик оғриқ периферик ва марказий бўлиши мумкин. Марказий табиатли оғриқ ноцицептив нейронларининг орқа мия ва супра-

спинал қисмидә гиперфаоллашиши билан боғлиқ. Бундай нейронлар ПКҚГ ни ифодаловчи агрегатлар ҳосил қиласы. Огриқ генераторлы механизм назариясига биноан (Крыжановский Г. Н., 1994) ПКҚГ патологик огриқнинг асосий ва универсал патогенетик механизми ҳисобланади. У ноцицептив тизимнинг ҳар хил қисмларида ҳосил бўлиши мумкин ва турли огриқ синдромларининг ҳосил бўлишига олиб келади. ПКҚГ орқа мия орқа шохларида ҳосил бўлса, орқа мияга боғлиқ огриқ синдроми келиб чиқади, уч шохли асабда ҳосил бўлса — тригеминал невралгия, таламус ядроларида ҳосил бўлса — таламус огриқ ривожланади.

Огриқ локализациясига қараб висцерал (ички аъзолар патологияси билан боғлиқ) ва соматик бўлиши мумкин. Соматик огриқ тери, мушаклар, боғламлар, бўғимлар шикастланиши билан боғлиқ ва одатда аниқ локализацияга эга, қисқа муддат давом этади ва тез ўтиб кетади. Соматик огриқлар сабаби травмалар (лат ейиш, кесилишлар), куйишлар, яллигланиш жараёнлари ва б.к. бўлиши мумкин. Висцерал огриқ аниқ локализацияга эга бўлмайди, узоқ муддат давом этади ва енгил иррадиацияланади. Иррадиацияланувчи огриқлар шу билан характерлики, улар асаб шохчаларидан бири таъсирлантирилганда ўша асаб бошқа шохчаси иннервация зонасида ҳосил бўлади. Масалан стенокардияда юракдаги огриқ чап елка ва чап қўлга иррадиацияланади. Висцерал огриқнинг кўп учрайдиган сабаби ички аъзолар (меъда, ичак, бачадон, томир деворлари) силлиқ мушакларининг спазми ҳисобланади. Жумладан, меъда ва ўн иккى бармоқ ичак яраси билан касалланган беморларда кечаси ва наҳорда учрайдиган очлик огриғи, бу аъзолар силлиқ мушакларининг спастик қисқарши билан боғлиқ.

Огриқ чидаб бўлмайдиган, қийнайдиган, масалан уч шохли асаб, қўймич асаби невралгиясида (периферик асаб устуни шикастланиши) бўлиши мумкин. Айрим вақтда асаб устуни травмасида каузалгия — ачитувчи, товуш, ёруғ, тактил қитиқланишда кучайувчи огриқ пайдо бўлади. Тери ва айрим аъзолар шиллиқ қаватлари шикастланишларида икки хил огриқ ҳосил бўлиши мумкин: биринчиси — эпикритик (пўстлоғга боғлиқ), аниқ локализацияланган ва тез пасаядиган огриқ; бир мунча вақт ўтгандан кейин иккинчи хил — диффузланган, ачитувчи (таламик), протопатик деб номланувчи огриқ ҳосил бўлади, у кўп давом этмайди.

Огриқ маҳсус ноцицепторлар томонидан (лат. posere — зарар келтириш, шикастлаш, сереге — қабул қилиш) қабул қилинади. Уларга миelinизирланмаган диаметри микрондан кам толалар (С тола) киради, улар орқали огриқ импульслари $0,5 - 5$ м/с тезликда тарқалади. Миelinизирланган диаметри ингичка (А — делъта) ҳамда йўғон (А — алъфа) толалар улар орқали импульслар $5 - 15$ м/с тезликда

тарқалади. Оғриқ импульслари учнейронли йүл билан ҳаракат қылади, охирги 3-нейрон таламусда тугайди, у ердан импульслар мия пүстлогига етиб боради. Охирги вақтларда МАТ да шундай зоналар топилдики, уларнинг электрик таъсириланиши анальгизия чақиради — бу зоналар антиноцицептив зона ёки тизим деб ном олган. Эҳтимол, патологик оғриқдарнинг ҳосил бўлиши МАТ антиноцицептив зоналарининг шикастланиши билан ҳам боғлиқдир.

Оғриқнинг биологик моҳияти шундан иборатки, у мавжуд хавфдан, шикастловчи омил борлигидан дарак беради. Унинг ҳимояловчи роли (масалан одам кўлини иссиқ предметга текканда тортиб олади) ана шундан иборатдир. Иккинчи томондан, оғриқ — бу патологик жараён компоненти, шунинг учун у зарарли таъсир кўрсатади — уйқу, иштаҳа, умумий ҳолат бузилади.

Оғриқ патогенезида гуморал омиллар — биологик фаол моддалар: гистамин, брадикинин, каллидин, ҳамда модда алмашинуви кислотали маҳсулотлари (пироузум, сут, а — кетоглутар кислоталири), K^+ , H^+ ва б.қ.лар муҳим аҳамиятга эга. Улар асаб йўллари ҳамда МАТ қисмларига тўғридан-тўғри таъсир кўрсатиши мумкин. Оғриқ сигналарининг бир асаб хужайрасидан иккинчисига берилишида айрим БФМ (биологик фаол моддалар) — нейропептилларнинг роли ҳам тасдиқланган. Бу оғриқ сигналлари ўтказилишининг тўхтатилиши организмда эндоопиатларнинг (эндорфинлар ва энкефалинлар) ҳосил бўлиши билан боғлиқ.

Машгулотда бажариладиган амалий ишлар ва ўзлаштирилиши лозим бўлган кўникмалар билан танишиши

1-иши. Рефлектор ёй афферент ва эфферент қисмларининг шикастланиши.

Учта бақада кўз скальпели билан биринчи кўкрак умуртқа бўғинида орқа мия қирқиласди. Бақалар ўлчанади, клемм ёрдамида штавтага ўрнатиласди ва уларнинг орқа оёқ бармоқлари сульфат кислотага ботирилиб, рефлекс вақти аниқланади. Биринчи бақа териси остига 10 г оғирликка 0,1 мл ҳисобида 1% ли фенол эритмаси юбориласди. Иккинчисининг орқа лимфатик халтасига 10 г оғирликка 0,3 мл ҳисобида стрихнин юбориласди. Учинчиси назорат сифатида қолади. 10 дақиқа ўтгандан кейин учта бақада ҳам рефлекс вақти яна аниқланади. Рефлектор ёй эфферент бўлими қўзғалувчанилиги юқори бўлган бақада мушак рефлектор қисқариш тусига эътибор бериш лозим: орқа мия олд шохлари хужайраларида фенол таъсирида спонтан, атетозсимон мушак қисқаришлари кузатиласди. Рефлектор ёйи афферент қисмининг стрихнин таъсирида қўзғалишида рефлектор тетаник қисқариш кузатиласди. Олинган маълумотлар келтирилган графикка тушириласди.

Жиҳозлар: бақалар, тарози, корнцанг, шприц, инъекция қилиш ва орқа мияни шикастлаш учун игналар, штатив, сульфат кислота, 1% ли фенол эритмаси, 0,05% ли стрихнин эритмаси, пахта.

Тюрк бўйича рефлекс
вақти (сонияларда)



Олинган натижалар жамланади ва холосалар қилинали.

АУДИТОРИЯ ИШИ

Мавзуни оғзаки муҳокама қилиш. Амалий ишларни мустақил бажариш ва амалий кўнижмаларни ўзлаштириш

Декапитацияланган бақаларда рефлектор ёй афферент ва эфферент қисмларини экспериментал шикастлаш бўйича ишлар бажарилади.

Талаба: 1) назоратдаги бақала Тюрк бўйича рефлекс чақириш ва унинг вақтини аниқлашни; 2) рефлектор ёй афферент қисмини стрихнин ва эфферент қисмини фенол билан шикастлаш механизми ва хусусиятини ўрганишни билиши керак.

Эксперимент баённомаси ва холосаларни ёзиш

Талаба мустақил равишда баённома тузади, унда орқа мия олдинги шохлари хужайраларининг фенол билан шикастланишида спонтан атетозсимон мушак қисқаришининг чақирилишини кўрсатади. Рефлектор ёй афферент қисмининг (сезги нейронлари) стрихнин билан шикастланишида тетаник қисқариш чақирилишини ёзади.

Вазиятли масалаларни очиш

1-масала. 28 ёшли, В. исмли бемор ҳар қандай одатдаги таъсирланишга локализацияси ноаниқ оғриқ, унинг ёйилиб кетишига мо-

ЙИЛЛИК ШИКОЯТИ БИЛАН МУРОЖААТ ҚИЛГАН. БУНДАЙ СЕЗГИ ТАЪСИРЛАНИШ ТҮХТАГАНДАН КЕЙИН ҲАМ БИР ОЗ ВАҚТ ДАВОМ ҚИЛАДИ.

1. Беморда қандай ўзгариш бор?
2. У нима билан боғлиқ бўлиши мумкин?
3. Бу патология нима билан тавсифланади?

2-масала. Бемор шифохона травматология бўлимига умуртқа по-гонаси травмаси билан келиб тушибди. Объектив текширишда: шикастланган жойдан пастда ўнг томонда чуқур сезувчанликнинг бўлмаслиги, оғриқ ва ҳарорат сезгисининг сегментар тушиб қолиши, марказий шолликнинг ҳамма белгилари аниқланади. Чап томонда оғриқ ва ҳарорат сезувчанлиги ўтказувчанлик типи бўйича бузилган.

1. Беморда қайси синдром мавжуд?
2. Унинг юзага келиши нима билан боғлиқ?

3-масала. Каламушларда орқа мия орқа пояларининг бел қисми кесилиши орқа оёқлар деафферентациясини чақирган.

1. Оёқ мушакларининг тонуси ўзгарадими?
2. Мушакларнинг хусусий рефлекслари ва оёқларнинг ихтиёрий ҳаракатлари бузиладими?

4-масала. Ҳайвонга қоқшол токсинининг ўлдирувчи дозаси юборилган.

1. Бунда қайси ҳаракат бузилишлари кузатилади?

Интеграция амалга оширилиши лозим бўлган фанлар

1. Нормал физиология.
2. Асаб касалликлари.

32 - МАШГУЛОТ

II Мавзу : АСАБ ТИЗИМИ ПАТОФИЗИОЛОГИЯСИ

Машгулот мақсади: Талаба қўйидагиларни билиши керак:

- 1) асаб тизими (АТ) ҳаракат ва сенсор функцияларининг бузилиш турлари ва механизmlарини;
- 2) вегетатив асаб тизими (ВАТ) бузилиши турлари ва механизmlарни. Вегетатив дистониялар тушунчаси тавсифини;
- 3) лимбик тизим патофизиологиясининг тавсифи, унинг организм реактивлиги ва эмоционал реакциялардаги ролини;
- 4) ретикуляр формация (РФ) шикастланиши оқибатларини;
- 5) олий асаб фаолиятининг бузилишлари, неврозлар (умумий тушунча, тавсифи, ривожланиш механизми), экспериментал неврозлар. Неврозлар ривожланишда ҳар хил омилларнинг ролини;

б) экспериментда сичқонларда камфорали эпилепсия ривожланиши МАТ нинг дастраси функционал ҳолатига боғлиқдигини ўрганиши.

АУДИТОРИЯДАН ТАШҚАРИ МУСТАҚИЛ ТАЙЁРЛАНИШ

Кичик курслардаги фактлар бўйича заминий билимлар даражасини текшириш

1. Лимбик тизим ўз ичига қайси анатомик тузилмаларни олади. Унинг функцияси нимадан иборат?
2. Ҳид сезувчи мия анатомик тузилмалари ва функциялари.
3. Вегетатив асаб тизимининг функционал роли, унинг қисмлари, томир тонусига таъсири.
4. Ретикуляр формация (РФ) таркибига кирувчи тузилмалар, унинг роли.
5. Олий асаб фаолияти типлари.

Мустақил тайёрланиш учун кўрсатмалар

Асосий адабиётлар:

- Патологическая физиология /Под ред. А. Д. Адо и Л. М. Ишимовой. – 2-е изд., перераб. и доп. – М.: Медицина, 1980. –с. 467-502.
- Патологическая физиология /Под ред. чл. - корр. АМН СССР Н. Н. Зайко. –2-е изд., перераб. и доп. – Киев: Вища школа, 1985, с. 516-549.
- Патологическая физиология /Под ред. акад. РАМН А. Д. Адо и проф. В. В. Новицкого. Томск, изд-во Томск ун-та, 1994, с. 447-460.
- Н. Ҳ. Абдуллаев, Ҳ. Ё. Каримов /Патофизиология. Тошкент, Абу Али ибн Сино номидаги тиббиёт нашриёти, 1998, б. 487-518.
- Патологическая физиология /Под ред. А. Д. Адо, М. А. Адо, В. И. Пыцкого и др. М.: Триада-Х, 2002, с. 321-348.

Кўшимча адабиётлар:

- Бадалян Л. О. Детская неврология. – 3 - е изд., М.: Медицина, 1984, с. 574.
- Богомолова Е. М. Лимбическая система. БМЭ. 1980, Т. 13, с. 109 – 116.
- Карвасарский Б. Д. Неврозы. Руководство для врачей. Изд. 2-е перераб. и доп. М.: Медицина, 1990, с. 576.
- Ромаданов А. Н., Мосийчук Н.М., Холопченко Э. И. Атлас топической диагностики заболеваний нервной системы. – Киев, 1979, с. 216.
- Руководство к практическим занятиям по патофизиологии /Под ред. чл. - корр.
- АМН СССР Н. Н. Зайко проф. Л. Я. Даниловой. – Киев: Вища школа, 1987, с. 169 – 177.
- Свядош А. М. Неврозы – 3 –е изд., перераб и доп. – М.: Медицина, 1982. – с. 368.

Судаков К. В. Биологические мотивации. М., 1971.

Судаков К. В. Системные механизмы мотивации. М., 1972.

Судаков К. В. Системные механизмы эмоционального стресса. М., 1981.

Физиология человека: В 4-х томах. Т. 1, 2., пер. с анг. /Под ред. Р. Шмидта и Г. Тевса. — М.: Мир, 1985.

Асосий үқув саволлари

1. Асаб тизими ҳаракат ва сенсор функцияларининг бузилишлари (фалажлар, парезлар, сезувчанликнинг бузилишлари).
2. Вегетатив асаб тизими патологияси. Вегетатив дистониялар тұғрисида түшүнчә.
3. Лимбик тизим тұғрисида түшүнчә, унинг организм реактивилги ва эмоционал реакциялардаги роли. РФ шикастланиши оқибатлари.
4. Олий асаб фаолияти патологияси. Неврозлар. Уларни экспериментда ўрганиш.

Аннотация

Ҳаракат функциясининг бузилиши гипо-, гиперкинетик ҳолаттар, атаксия ва ҳ.к. шаклида намоён бўлиши мумкин. Гипокинетик ҳолатларга парезлар (қисман фалажланиш) ва параличлар (фалажланыш) киради.

Парез (юн. paresis) — ҳаракат, секреция ёки бошқа функцияларнинг чекланиши. *Параличлар* (юн. paralisis) ҳаракат ёки бошқа функциянинг тўлиқ тўхташидир. Локализацияланишига қараб параличлар периферик ва марказий бўлиши мумкин.

Периферик параличлар ихтиёрий ва рефлектор ҳаракатнинг сезувчанлик, мушаклар тонуси, тогай рефлексларининг йўқолиши билан ифодаланади. Уларнинг оқибати мушаклар тўлиқ атрофияси яъни оёқ — қўлларнинг кичрайишидан иборат. Марказий параличлар ихтиёрий ҳаракатнинг йўқолиши, мушак тонусларининг ошиши (мия пўстлогининг орқа мия мотонейронларига тормозлаш таъсирининг бўлмаслиги), тогай рефлексларининг (Бабинский, Россолимо, Гордон ва б.к.) кучайиши билан кечади, аммо импульсларнинг нормал ўтказилиши ва мушак грофикаси сақланади.

Битта қўл ёки оёқнинг фалажланиши *моноплегия*, парези — *монопарез* дейилади. Иккита қўл-оёқ фалажланиши *диплегия* номи билан юритилади. У ўз навбатида *параплегия* — иккита қўл ёки иккита оёқ ҳаракатсизланиши ва *гемиплегияларга* — бир томонда қўл ва оёқнинг (яъни танани бир томонининг) ҳаракатсизланишига бўлинади. Барча қўл ва оёқларнинг фалажланиши *тетраплегия* ёки *квадриплегия* дейилади. Шу билан бир қаторда учпЛЕГИЯ ва учпарезлар ҳам учрайди.

Гиперкинезлар – файри ихтиёрий ортиқча зўраки ўзгача шакл ва конфигурацияга эга бўлган ҳаракат бўлиб, мушак тонусининг ўзгариши билан кечади, мияча билан биргаликда мушак тонусини идора қилувчи экстрапирамид мотор тизимининг шикастланиши натижасида ривожланади. Гиперкинезларга: 1) қалтираш (тремор) – антагонист мушаклар тонусининг навбатма-навбат ўзгариши оқибатида юзага келадиган скелет мушакларининг суст файри ихтиёрий қисқариши; айрим касалликларда (Паркинсон, эпидемик энцефалит) ихтиёрий ҳаракат вақтида тремор тўхтайди, бошқаларида (паришонхотирлик, склероз) аксинча, кучаяди; 2) талvasалар – мушаклар тонусининг ўзгариши билан кечадиган кескин файри ихтиёрий қисқаришлари киради: Талvasаларнинг а) клоник, б) тоник турлари фарқ қилинади.

Клоник талvasалар айрим мушак гуруҳлари қисқариши ва ростланишининг бир-бири билан тез алмashiшидан иборат. Асосан катта ярим шарлар пўстлоғи ҳаракат зоналарининг эпилепсия, хорея, пирамид тизим шикастланишларида қитиқланиши натижасида кузатилади. Нутқ мушакларининг клоник талvasалари дудуқлик, юз мушаклари гуруҳлариники эса тик (пир-пир учиш) дейилади. Тоник талvasалар қисқарган мушакларнинг узоқ давом этадиган тарангланиши билан тавсифланади, мия устуни ва базал ядроларнинг ўчғоли шикастланишида, тетания, қоқшол, эпилепсия, истерияларда учрайди. Клоник талvasалар тоник талvasалар билан биргаликда ола-була тана шикастланишида ривожланадиган эпилепсия, атетозларда учрайди ва кўл-оёқ бармоқларининг тумтароқ ҳаракати кўринишида намоён бўлади. Бир вақтда қисқараётган мушаклар тонуси кескин ошади. Атетоз ихтиёrsиз ҳаракат – ҳаяжонланишда кучаяди. Гиперкинезларнинг айрим турларини стриар тизим маълум тузилмалари нинг шикастланиши билан боғлашади. Ола-була тананинг (*corgus striatum*) орал қисми шикастланишида юз ёки бўйин, гавда ва қўлнинг ўрта қисми, оёқнинг каудал қисми мушакларида мажбурий ҳаракат юзага келади.

Атетоз – кўл-оёқ дистал қисмida (панжалар ва товоонларда) суст,чувалчангсимон, тумтароқ ҳаракат пайдо бўлиши билан ифодаланади. Юз мушакларида лабнинг бўртиб чиқиши, оғизнинг қийшайиши, башаранинг бужмайиши, тилнинг шикрллаши кузатилиши мумкин. Унинг хос белгилари – панжа ва бармоқларда ўзига хос ҳолат берувчи ўткинчи контрактуранинг ҳосил бўлишидир.

Гемибаллизм – кўл-оёқнинг йирик, талпиниб, «салчиб», «куш қаноти» силкиниши кўринишида ҳаракати, катта куч билан амалга оширилади, уларни тўхтатиш қийин бўлади. Гемибаллизм ривожланишини кўриш тугини остида жойлашган люисов танаси шикастланиши билан боғлашади.

Хорея (юн. chorea, choreia – ракс) – бу ҳолат хореик гиперкинез ва кузатиладиган касалликнинг умумий номи. Хореик гиперкинезлар юз, гавда ва оёқ—кўллар ҳар хил мушак гуруҳларининг қисқаришидан иборат. Гиперкинез норитмик, координацияланмаган ҳаракат бўлиб, дистал ва проксимал қисмлар мушаклари катта гуруҳларига тарқалади, ихтиёрий ҳаракатни эслатади, чунки жараёнга синергик мушаклар ҳам жалб қилинади. Унда қошлар, лаб тиришиши, тилнинг осилиб туриши, оёқ-кўлнинг тартибсиз, шиддатли ҳаракати кузатилади. Гиперкинез тананинг ярмини эгаллаши мумкин, бу гемихорея дейилади. Хореик гиперкинез неостриатум шикастланишида рўй беради ва пўстлоқ ости дегенерациялари, мия ревматик шикастланиши, Гентингтон наслий хореясида учрайди. Айрим ҳолларда хореик гиперкинезлар атетоз билан кўшилган ҳолда бўлиши мумкин ва хореоатетоз дейилади. У беморларда доимо ёки хуружлар сифатида – пароксизмал хореоатетоз – шаклида кузатилиши мумкин.

Атаксия (юн. ataxia тартибсизлик, координациянинг йўқлиги) – координациянинг бўлмаслиги билан намоён бўладиган ҳаракат бузилиши: бунда чайқалиб юриш, одам оёғи ёки ҳайвон панжаларининг тўғри чизиқ билан силжимаслиги кузатилади. Статиканинг мувозанат бузилиши орқа мия орқа пояларини ва унинг чукур сезувчанлик ўтадиган қисмларининг (орқа мия билан боғлиқ, сенситив атаксия), ҳамда вестибуляр аппарат ва мияча чувалчангисимон қисмининг шикастланишларида ривожланади. Спинал (орқа мия билан боғлиқ) атаксияда тана ҳолатининг кўз томонидан назорати катта компенсацияловчи рол ўйнайди: бемор кўзини бекиттан замон чайқала бошлайди ва йиқилиши мумкин. Вестибуляр атаксияда мувозанатнинг бузилиши бош айланиши, кўнгил айниши, кусиш билан кечади.

Мияча шикастланишида (айниқса чувалчангисимон қисмининг)⁴ статиканинг чукур бузилишлари рўй беради. Унинг оғирроқ ҳолатларида bemor ўтира олмайди ёки ораси кенг очилган оёқларда ҳам тура олмайди, олдинга ёки орқага оғади. Мияча ярим шарлари шикастланишида bemor кўпинча шикастланган ўчоғ томонга энгашади. Спинал атаксиядан фарқли равишда мияча атаксиясида кўз томонидан назорат ёрдам бермайди, унда мувозанат кўз очиқ бўлганда ҳам ёпиқ бўлганда ҳам бузилади. Статика бузилишлари шунингдек катта ярим шарлар пўстлоғи шикастланишида (пешона, чакка, энса), унинг мияча билан алоқасининг бузилиши натижасида ҳам учрайди. Бунда мияча шикастланиши билан чақирилган атаксиядан фарқли равишда bemor мувозанатни йўқотиб, шикастланган ўчоқнинг қарама-қарши томонига йиқилади.

Мияча гавданинг туриши ва ҳаракатида биринчи даражали рол ўйнайди. Унинг фаолияти бузилганда, аввало ҳаракат координация-

си ва мушаклар тонуси бузилиши билан боғлиқ ўзгаришлар келиб чиқади. Мияча шикастланишига қуйидаги симптомлар хос: 1) атаксия – локомотор ҳаракат координациясининг бузилиши; 2) астазия – тана ва калла нормал ҳолатини ушлаб турға олмаслик (гавда ва күл-оёқларнинг доимо қалтираши ва чайқалиши билан намоён булади); 3) астения – тез چарчашлик, организм узоқ иш билан боғлиқ ҳаракат бажаришга қобилиятсиз; 4) дисметрия – ҳаракат кучи, тезлиги ва йўналиши орасидаги боғлиқликнинг бузилиши; 5) атония ёки гипотония – мушак тонусининг кескин заифлашиши ва пасайиши, кўпинча тез چарчаш ва бўшалиш билан кечади. Асосан мияча ярим шарлари шикастланишлари билан боғлиқ; мияча чувалчангисимон қисмининг изолирланган шикастланиши (олдинги бўллаги) тонуснинг ошиши билан кечади; 6) асинергия – ҳаракат бажарувчи турли мушакларга асаб импулсларини етарли даражада юбора олмаслик. Ҳаракат қовушмай амалга оширилади, оёқлар чалкашиб кетади, уларнинг равонлиги йўқолади. Бунда ҳаракат дастурининг айрим компонентлари ҳар хил вақтда, тўғрироғи кетма – кетлиқда (ҳаракатнинг тарқалиши), ортиқча ёки етарли бўлмаган ҳажмда бажарилади, кейин уларнинг ҳаддан ташқари компенсацияси (дисметрия) бошланади. Бундай беморларда ишончсиз қадам ташлаш кенг очилган оёқлар ва ортиқча ҳаракат билан амалга оширилади, bemor гўё у томондан бу томонга «ирғитилади» (церебляр атаксия). Ҳаракатнинг тез кетма-кетлиқда бажарилиши ҳам мумкин бўлмай қолади (адиадо-хокинез, ёки дисдиадохокинез); 7) тинчлик ҳолатида бўлмайдиган, аммо ҳаракат пайтида ҳосил бўладиган трепор (интенцион трепор). Аниқ мўлжалга йўналтирилган ҳаракатда у шундай катта-катта қадам ташлашга айланиши мумкинки, бунда мақсадга эришилмайди. Бу ҳаракат коррекциясининг бажарилиши давомидаги бузилиши билан боғлиқ бўлиб, айниқса мияча ядроларининг шикастланишида кўзга ташланади; 8) нистагм; 9) бош айланиши; 10) нутқдаги нуқсонлар.

Мияча шикастланишининг типик намоён бўлиш белгилари Шарко училигидан иборат: нистагм, интенцион трепор ва дона-дона қилиб гапириладиган нутқ. У ёки бу симптомларнинг бўлиши ва ифодаланиши асосан жароҳатланган соҳа (масалан жараёнга пўстлог, ядролар ёки мияча афферент ва эфферент йўллари жалб қилиниши) ва унинг шикастланиш даражасига боғлиқ.

Сенсор бузилишилар – бу сезувчанликнинг бузилиши. Сезувчанлик бузилиши турларига оғрик, ҳарорат, тактил ва чукур (мушак - бўғим) сезги ўзгаришлари киради. Сезувчанлик бузилишлари: 1) анестезия – сезгининг йўқолиши; 2) гипестезия – сезувчанликнинг пасайиши; 3) парестезия – ғалати сезги (ачишиш, увушиб қолиш, баданинг жимирилаши); 4) гиперстезия – сезувчанликнинг ошиши ва б.қ.лар киради.

Этиологияси: травмалар, сезги асаблари ва марказларини чандың, шиш билан қисилиши; инфекциялар, интоксикациялар, яллиғла-ниш жараёнлари (невритлар, полиневритлар). Механизмлари: пери-ферик асаб охирлари рецепторларининг шикастланиши, орқа мия орқа илдизчалари ва шохлари, унинг орқа ва ёнбош устунлари, катта ярим шар пўстлоғи ва пўстлоғи ости соҳалари сезги марказлари-нинг жароҳатланишидан иборат.

Сезги турларининг бирданига ҳаммаси ёки унинг фақат айрим хиллари бузилиши мумкин. Сезгининг айрим турларининг йўқоли-ши бошқаларининг сақланиши билан кечадиган патологик ҳолат бўли-ниш ҳалати ёки *сезувчанлик диссоциацияси* дейилади.

Периферик асаб устунининг шикастланиши, шу асаб иннервация қиласидиган жойда сезувчанликнинг ҳамма турларининг бузилишини чакиради. Кўп периферик асаб устунларининг шикастланишида (по-линеврит) сезувчанликнинг бузилиши қўл-оёқларни жуда ҳам дис-тал жойлашган қисмларида «қўлқоп» ва «пайпоқ» шаклида намоён бўлади. Орқа мия орқа илдизчаларининг шикастланишида анестезия танада айланма (белбоғ), қўл-оёқларда узун-узун тасма шаклида кўри-нади. Орқа илдизчалар шикастланишида сезувчанликнинг йўқолиши аниқ чегарага эга бўлмайди, чунки ёнида жойлашган соғ илдизчалар томонидан шикастланган жой иннервацияси таъминланади. Орқа мия орқа шохларининг жароҳатланиши сирингомиелияда (кулранг модда ҳужайраларининг емирилиши, унда ковак ҳосил бўлиши) кузатилади. Бунда оғриқ ва ҳарорат сезувчанлиги бузилади, лекин тактил ва мушак – бугимлар ўтказувчанлиги сақланади. Орқа устун-лар шикастланиши орқа мия сухоткаси (захм туфайли орқа миянинг касалланиши) ёки фуникуляр миелозда учрайди ва чуқур ҳамда тактил сезувчанликнинг йўқолиши, ҳарорат ва оғриқ сезувчанлигининг сақ-ланиши билан кузатилади. Шунинг учун ҳам бундай беморларда чай-қалиб юриш кузатилади.

Орқа мия травмасида Броун – Секар синдроми – орқа мия яр-мисининг кесилиш синдроми кузатилади. Бунда кесилгандан пастки қисмда тактил ва чуқур сезувчанлик шу кесилган томонда, ҳарорат ва оғриқ сезувчанлиги қарама-қарши томонда йўқолади, чунки оғриқ ва ҳарорат сезувчанлиги йўллари сегментма-сегмент кесишиб ўтади, чуқур ва тактил сезувчанлик йўллари эса кесишмайди. Жароҳатлан-ган томонда ҳаракат тўхтайди. Кўриш тутуни соҳаси патологик жара-ёнлари ва сезувчанлик йўлининг учинчи нейрони шикастланиши тана қарама-қарши томонида сезувчанликнинг ҳамма турларининг бузилишига ва гипер – парестезияларга олиб келади. Агар импульс-лар бош мия пўстлоғигача етиб бормаса, ҳайвон ёки одам қитиқла-ниш жойини аниқлашга қодир бўлмайди. Масалан мушук, агар уни думи чимчилаб олинса, оғриқ сезади, миёвлайди ва чийиллайди, лекин соғлом ҳайвондек думи томонга қайрилиб қарамайди.

Вегетатив асаб тизими патологияси (ВАТ). ВАТ организмни ўстириш: озиқланыш, ўсиш, күпайиш, ҳамда нафас, юрак-томир тизими, овқат ҳазм қилиш аъзолари тизими функцияларини регуляция қиласди. ВАТ нинг икки хил патологияси: симпатик асаб тизими (САТ) ва парасимпатик асаб тизими (ПАТ) қисмларининг бузилишлари яъни симптоадренал ва вагоинсуляр бузилишлари фарқданади.

САТ қўзғалиши тахикардия, АБ кўтарилиши, кўз қорачиги кенгайиши, овқат ҳазм қилиш шираларидаги ферментларнинг кўпайиши, қалтираш, вақтинча анурия, кейинчалик полиурия ва б.к. эфектларга олиб келади. САТ модда алмашинувига диссимилияловчи эфект кўрсатади: у тезлашади, гликоген парчаланиши кучаяди, натижада гипергликемия содир бўлади. Бу меъда ости бези инсуляр аппарати зўриқишига ва транзитор қандли диабетга олиб келади. Гликогеннинг кучли парчаланиши ўз навбатида энергия билан тъминлашга қаратилган оқсил ва ёғлар парчаланишига олиб келади. САТ морфологик субстрати ҳисобланувчи узун постгангионар толалар САТ эфектининг кўп аъзоларга тарқалишини «ҳаммага, ҳаммага, ҳаммага» схемаси бўйича тъминлайди.

ПАТ қўзғалиши брадикардия, АБ пасайиши, кўз қорачигининг торайиши, терлаш, ичак мушакларининг спастик қисқаришига олиб келади. ПАТ морфологик хусусияти (постгангионар толалар калта бўлиши) унинг қўзғалиш эфектини чеклайди, масалан бронхиал астмада бронхлар силлиқ мушакларининг фақат маълум гурухлари спазми рўй беради.

ВАТ бузилиши механизmlарига: 1) МАТ жароҳатланиши; 2) ВАТ марказлари, жумладан гипоталамус марказларининг шикастланишилари; 3) периферик вегетатив асаблар ва ганглийлар шикастланишилари киради.

МАТ шикастланиши нафас, юрак-томир тизими, ошқозон-ичак тракти бузилишларига олиб келади. Масалан, гипертония касаллиги ва ошқозон яра касаллиги патогенезида кортико – висцерал алоқаларнинг бузилиши аҳамиятта эга. ВАТ марказларининг шикастланиши (симпатик қисми – орқа мия кўкрак ва бел сегментлари, парасимпатик қисми – мия устуни ва орқа мия думғазা қисми) симпатикус ва парасимпатикус эфектларига олиб келади. Гипоталамус шикастланиши (унда 32 жуфт ядро мавжуд) вегетатив функцияларнинг бузилиши билан тавсифланади. Гипоталамуснинг орқа қисмida САТ, олдинги қисмida – ПАТ марказлари жойлашган. Уларнинг қўзғалиш эфектлари қарама-қаршиидир. Гипоталамуснинг шикастланиши ҳар хил бузилишларга: иштача ўзгаришига – булимия, сийдик ажralиши ўзгаришига – полиурия (масалан қандсиз диабет ва ҳ.к.) олиб келади. САТ ёки ПАТ устиворлиги билан кечадиган динцефал синдром – вегетоневроз юзага келиши мумкин.

Вегетатив асаб ва ганглийлар шикастланиши икки хил бўлиши мумкин: 1) қитиқланиш – таъсирнинг кучайиши ва 2) шикастланиш – таъсирнинг сусайиши, ВАТ айрим қисмлари функцияси бўлмаслиги мумкин. Жумладан, десимпатизация силлиқ мушакли аъзолар тонусининг пасайишига, томирлар кенгайишига, қон босимининг пасайишига, юрак фаолиятининг сусайишига ва секинлашишига, кўз қорачигининг торайишига, қулоқ томирларининг кенгайишига, мъеда ва ичак ҳаракат функциясининг фаоллашишига, сфинктерлар спазмига, тана ҳароратининг пасайишига, гипогликемияга олиб келади. Экспериментда десимпатизацияни жарроҳлик йўли билан ёки иммунологик усулда амалга ошириш мумкин. Сичқонлар сўлагида оқсил табиатли модда – САТ ўстирувчи стимулятор топилган. Ундан тайёрланган антизардоб эндигина туғилган сичқонларга юборилса, уларнинг симпатик ганглийлари ўлади. Одам ва ҳайвонларда десимпатизация уларнинг ҳимоя кучларини, зарарли омилларга нисбатан қаршилигини кескин камайтиради, бу вазиятда кучсиз стресс организмни ўлимга олиб келиши мумкин.

ПАТ қўзғалиши ваготония билан намоён бўлади, бу ФОБ билан холинэстераза блокланганда учрайди. ПАТ қўзғалиши намоён бўлиш шакллари ҳар хил: 1) конституционал патология – ваготония; 2) тимиқо-лимфатик ҳолат – бунда тимус, лимфатик тутунлар катталашади, буйрак усти бези гипоплазияси кузатилади. Стресс билан боғлиқ қўзғалувчанлик юрак тўхташига олиб келиши мумкин. ПАТ ҳолдан тойиши (функцияning тўхташи, п. vagus кесилиши) бўғиз мушаклари фалажланишига, зотилжамга олиб келиши мумкин. Вагус бўғизни бекитувчи мушаклар регуляциясига алоқадор. Шунинг учун ҳам унинг функцияси тўхташида сўлак ва овқатлар нафас йўлларига тушиши ва аспирацион зотилжам ривожланиши мумкин (Хусинов О. А., 1972). Вагус кесилганда ўпка томирлари иннервации ҳам бузилади, бу ўпка шиши ва зотилжам ривожланишига («вагусли» зотилжам) олиб келади.

САТ ва ПАТ тонусининг бузилиши – вегетатив дистония – томирлар тонусининг бузилиши билан кечади ва у ё парасимпатик, ё симпатик импульсациянинг устиворлиги билан боғлиқ. Бунда АБ тез ўзгариб туришга мойил бўлади. Дистония гиптоник ёки гипертоник типда кечиши мумкин. Дистония ошқозон-ичак тракти томонидан ҳам юзага келади, ё спастик қабзият, ё ич кетиш шаклида учрайди.

Лимбик тизим. Лимбик тизим («лимбик тизим» атамаси тиббиётга Мак-Лейн томонидан 1952 й. киритилган) ёки висцерал мия деб, бош мия медиал томонида жойлашган асаб тузилмаларига айтилади. Бу тизимга гиплокомпал пуштага ўтиб борадиган белбоғ пуштаси, айнан гиплокамп, тишли фасция, гумбаз ва бодомсимон ядроларни

киритиши (Богомолова Е. М., 1980). Лимбик тизим, шу жумладан гипоталамус организмда гомеостазни сақлашда күп томондан жа-вобгар ҳисобланади. Бунга ички аъзолар ва эндокрин безлар секрециясини регуляция қилиш орқали эришилади. Ички аъзолардан афферент йўллар лимбик тизим, гипоталамус тузилмалига етиб боради. Шу билан бирга гипоталамус «висцерал» мия тизимида мотор зона ролини бажаради, чунки у биринчидан вегетатив асаб тизими рефлексларига уларни енгиллаштирувчи ёки тормозловчи таъсир кўрсатади ва иккинчидан гипофизар гормонлар секрециясини регуляция қиласди.

Лимбик тизим организм реакцияларида катта рол ўйнайди, унинг ҳар хил шикастловчи омилларга нисбатан ҳимоя реакцияларида иштирок қиласди. Бодомча безининг медиал қисми, латерал гипоталамус тиниқ пардевор (*septum pellucidum*) билан биргаликда мия тизимини ёки унинг қисмини ташкил қилиши, уларнинг стимуляция қилиниши ҳимоя функциясини кучайтиради ва олий асаб фаолияти (ОАФ) патологияси ривожланишига қаршилик кўрсатиши олимлар томонидан тасдиқланган (Крыжановский Г. Н., 1994). Лимбик тизим ва гипоталамус ҳайвонлар ва одамнинг эмоционал ҳатти-ҳаракати шаклланишида бевосита иштирок қиласди (Судаков К. В., 1981). Кўрсатилган тузилмаларни қитиқлаш ва шикастлаш бўйича ўтказилган тажрибалар асосли равишда бундан далолат беради.

Эмоционал реакциялар кечишининг жиддий бузилишлари бодомсимон тана шикастланишида рўй беради; бу бузилишлар шу қадар харкатерлики, бу «бодомсимон синдром» номи билан маълум. Очликнинг кучайиши, сексуал фаолликнинг ошиши, қўрқиш реакциясининг йўқолиши – ёвойи ва агрессив маймуналарнинг мулојим бўлиб қолиши кабилар билан намоён бўлади (Крыжановский Г. Н., 1994). Эмоционал реакциялар тусининг ўзариши гиппокамп шикастланишида ҳам кузатилади: хавфли вазиятда эмоция интенсивлиги камаяди ва у қўрқиш ғеакциясини сусайиши билан изоҳланади, шу билан бир қаторда южобий қитиқланишларга нисбатан эмоционал реакциялар кучаяди. Белбоғ пуштасининг олиб ташланиши натижасида агрессивлик камаяди, ҳайвонлар мулојим бўлиб қолади.

Бодомсимон ядронинг бевосита шикастланиши иштача кучайиши ва семиришга олиб келади. Урғочи каламушларда белбоғ пуштасининг шикастланишидан кейин гиперсексуалик ривожланади. Ҳайвонлар янги туғилган болаларини парвариш қилмай қўяди, улар учун хавф туғилганда уларни кутқаришга шошилмайди. Овқатланиши ва жинсий ҳатти-ҳаракатнинг чукур бузилишлари бодомсимон без шикастланишида маймуналарда ҳам учрайди. Қаттиқ ғазабланиш реакцияси ҳайвонларда гипоталамус ва бодомсимон ядро электрик қитиқланиши ёки лимбик тизим айрим тузилмалари, масалан бел-

боғ пуштаси ва ноксимон соҳа олиб ташланишида кузатилиши мумкин. Шунингдек, гипоталимуснинг бевосита олдида жойлашган толалар тутами жуда қаттиқ ғазабланиш реакциясини йўқотишида иштирок қиласи. Бу йўлларнинг тўғридан-тўғри гипоталамус олдида кесишиши жуда кучли ғазабланиш хуружларини содир қиласи.

Ретикуляр формациянинг (РФ) ҳар хил шикастланишлари травматалар (қон қуйилиши), ўсмалар, инфекциялар (грипп, энцефалитлар, ревматизм ва б.к.), интоксикациялар ва бошқа зарарли таъсиrottлар натижасида ривожланади, улар ганглиоз ҳужайралар перицеллюляр аппаратини, цитоплазма (Нисссля моддаси) ва ядро шикастланишини чакиради. Шикастланиш жойига қараб асаб тизими бузилишининг турли манзараси пайдо бўлади ва асаб фаолиятининг кўпчилик шаклларини эталандайди. Ретикуляр формация ҳар хил қисмлари шикастланишининг хилма-хил намоён бўлиши, унинг МАТ юқори (бош мия пўстлоги, таламус, гипоталамус, мияча) ва паст қисмидаги жойлашган бўлимлари билан кўп сонли алоқаларига боғлиқ.

Орқа мия РФ сининг шикастланиши шикастланган сегментлар асаблари иннервация қиласидан тери, мушак, суяклар ва бошқа тўки-малarda трофик бузилишларнинг ривожланиши билан намоён бўлади. Бу ўзгаришлар тана шикастланган қисмининг, масалан қўл бармоқларининг ўз-ўзидан содир бўладиган гангренаси билан ифодаланади. Спонтан гангренага дистрофияга учраган тўқималарда қон айланишининг олдиндан, шу жойнинг оқариб қизариши билан навбатлашиши шаклида утрайдиган бузилишлари хосдир. Дистрофик жараёнлар орқа мия РФ (унинг ёнбош шохи, кулранг модданинг тўрсимон ўсимтаси) ва у билан боғлиқ вегетатив симпатик асаб тизими қисмларининг шикастланиши натижасида ривожланади. Орқа миянинг юқори кўкрак сегментлари РФ шикастланиши миокард инфарктига олиб келган ҳоллари учраши маълум.

Узунчоқ мия РФ шикастланиши организм функцияси регуляциясида оид муҳим марказлар (нафас ҳаракати, қон босими ва б.к.) фаолияти координацияси ва интеграциясини бузади. Нафас марказининг шикастланиши унинг локализациясида қараб нафас олиш, чиқариш ва нафас ҳаракати координациясининг бузилишини чакиради. Ҳамда қон босими ва қон таркибининг (эритроцитлар, лейкоцитлар миқдори, ЭЧТ ва б.к.) ўзгариб туриши кузатилади. Бу кўрсаткичлар ўзгариб туришида айниқса қон босимида асимметрия бўлиши мумкин. Пай рефлекслари кучайди.

Узунчоқ миянинг механик травма натижасида шикастланиши: мия IV қоринчаси бўшлигига қон қўйилиши ёки ўсма натижада узунчоқ мия (*bulbus*) моддасининг қисилиши бульбар шол синдромини чакиради. Унинг энг муҳим белгилари п. vagus ҳаракат ядрори функциясининг йўқолиши: юмишоқ танглай мушакларининг фалаж-

ланиши, ютишнинг бузилиши, овоз пайларининг фалажланиши на-тижасида овознинг йўқолиши (афония) билан кечади. Кейин бунга тил ости асаб ҳужайралари шикастланиши қўшилади ва у тил мушаклари фалажланишини чақиради. Шикастланишнинг узунчоқ ми-ядаги нафас марказига тарқалиши нафас тўхташига ва ўлимга олиб келади.

Оралиқ мия РФ шикастланиши, бу қисмнинг бош мия пўстлоғи ҳужайраларига тонизирловчи таъсирининг ўзгариши билан тавсифланади, худди шундай унинг гипоталамус ва гипофизга таъсири ҳам бузилади. РФ оралиқ мияда кўп сонли афферент импульсларини бириктиради ва кўриш дўнглиги ва мия устунининг бошқа ядрола-рига «фильтрлайти» туфайли, миянинг бу қисми шикастланиши ве-гетатив функцияларнинг (юракни тез уриши, совуқ тер босиш, за-ифлик, мушаклар тонусининг камайиши ёки ошиши ва б.к.) «ди-энцефал синдром» деб номланувчи кўп сонли хуружи билан кузати-лади. У кўпинча анализаторлар (ҳид сезиши, эшитиш) фаолиятининг бузилиши, ҳар-хил сезги турларининг ишдан чиқиши, айрим вақт-да хуш йўқолиши билан намоён бўлади.

Оралиқ мия РФ шикастланиши худди шундай олий асаб фаолияти жараёнлари, ички, дифференцировчи тормозланиш ва шартли рефлекслар туташувининг сусайишига ҳам олиб келади. Беморлар чарчаш, гаплашганда ҳолсизлик, хотира сусайиши ва б.к. ларга ши-коят қиласидилар.

Олий асаб фаолиятининг бузилиши. Неврозлар. Сўнгги йилларда бутун дунёда асаб-руҳий касалликларининг ўсиб бориши кузатилмоқда. Неврозлар неврологик касалликлар ичida биринчи ўринни эгаллади: Москвада неврозлар 32,8%, Санкт – Петербургда – 37,95% ҳолатларда аниқланган. И. П. Павлов неврозларни куйидагича таъ-рифлайди. Невроз – бу олий асаб фаолиятининг бузилиши бўлиб, қитиқланиш ёки тормозланиш жараёнларининг ёки улар ҳаракат-чанлигининг зўриқиши натижасида келиб чиқади.

Экспериментал неврозлар. Фан тарихида биринчи марта экспе-риментал неврозлар И. П. Павлов лабораториясида олинган. Экспери-ментал невроз ҳафталар, ойлар ва ҳатто йиллар давом этиши мум-кин. И. П. Павлов кўп сонли экспериментал материаллар асосида неврознинг механизми: 1) қўзғалувчанлик жараёнининг зўриқиши; 2) тормозланиш жараёнининг зўриқиши; 3) уларнинг ҳаракатчан-лигининг зўриқиши билан боғлиқ деган холосага келади. Неврозларни чақириш учун усулий ёндашишлар кўп бўлган, буларга: 1) но-зик дифференцировка (масалан, доира ва эллипс шакли); 2) одат-дан ташқари қитиқловчилар: шақилдоқ, чараклаш, пороҳ, қўнғи-роқ, мўйнадан бўлган шубани тескари кийган ёки маскадаги одам-нинг пайдо бўлиши, ит турган платформанинг тебраниши кабилар

киради. Келтирилғанлар натижасыда ҳайвон бош мияси пўстлоғида қарама-қарши асаб жараёнларининг тўқнашиши – бир-бирига урилиши содир бўлади. Итларда экспериментал неврознинг пайдо бўлиши ҳамма шартли ва шартсиз рефлексларнинг тормозланиши билан намоён бўлган, ҳайвонлар ўтирган камерасида овқат ейишдан бош тортган, уларда ҳаракат безовталиги учраган, трофик яралар, эпилептиформ талвасалар ривожланган. Невроз ҳолати, шунингдек ҳосил бўлган шартли рефлекснинг тўқнашиши билан ҳам чақирилган. Масалан метроном тақиљлани оғизга ширин эритманинг қуйилиши билан кўшилган ҳолда олиб борилган. Рефлекс мустаҳкамлангандан кейин ширин эритма сув билан алмаштирилган ва бу бирдан бошқа марказнинг қитиқланишига олиб келган. Натижада олий асаб фаолиятининг бузилиши (безовталаниш, аянчли увлаш, қусиш) содир бўлган. Тўқнашиши, шунингдек шартсиз овқат маҳсулотларини (гўшт – қаттиқ нон талқони) алмаштириш орқали, шартсиз овқат маҳсулотларини камайтириш, овқат ейяётган вақтда электр токи билан таъсир қилиш, шартли қитиқловчини алмаштириш (чарақлашни шақилдоқ билан), қитиқловчи таъсирот стереотипини ўзгартириш орқали ҳам чақириш мумкин.

Тормозланиш жараёнининг зўриқиши қўзгалувчанлик томонга бузилиш билан ифодаланади. Тормозланиш жараёнининг зўриқиши учун қитиқловчи таъсир вақтини 20 сониядан б дақиқага қадар чўзишган. Қўзгалувчанлик жараёнининг зўриқиши тормозланиш томонга бузилиш чақиради. Қўзгалувчанлик жараёни зўриқишининг шартли қитиқловчиси сифатида кучли шовқин кўлланилган. Ҳаракатчанликнинг зўриқиши патологик лабиллик ёки патологик инертлик чақиради. Ҳаракатчанликнинг зўриқиши учун орада вақт қолдирмасдан ижобий ва тормозловчи шартли рефлекслар наяватлаштирилган. Кўпинча экспериментал неврозлар кучли баравар бўлмаган ва кучсиз асаб тизими типига эга бўлган итларда ҳосил бўлган.

Неврозлар табиатига икки хил қарашиб мавжуд (Карвасарский Б.Д., 1990): 1) неврозларга фақат органик ўзгаришлар бўлмаган қасалликларни киритилиши (уларнинг негатив тавсифи); 2) неврозлар клиник манзарасининг фақат битта шахсга мансуб руҳий механизmlар асосида тасвирланиши; ҳар қандай соматик изланишлар ва шу йўл билан олинган ахборот қасаллик клиникаси, генези ва терапиясини тушуниш учун принципиал аҳамиятга эга бўлиб ҳисобланмайди (ижобий тавсиф). Охириги ўн йилларда хориж психоневрологиясида неврозлар табиатига айrim специфик нуқтаи назар бихевиоризм, экзистенционализм, гуманистик психология билан боғлиқдир.

Бихевиоризм концепцияси неврозни мустақил нозоологик бирлик сифатида мавжудлигини инкор қиласиди. Амалда фақат нотўғри таълим бериш жараёни натижаси шаклида айrim неврологик симп-

томлар мавжуд (Эйзенк, Рахман, 1965; Вольп, 1969). Шахснинг функция қилишида онгли ижтимоий омиллар роли инкор қилинади. Экзистенциалистлар неврозлар касаллик эмас, уларнинг ўзига хос нейрофизиологик механизмлари бор, деб ҳисоблайдилар. Невроз фақат беморнинг ўзига бегона бўлиб яшashi «алоҳида шакли» ни ифодайди (Май, 1969 ва б.к.).

Рогерс (гуманистик психология) неврозни ҳар бир одамга имманент хос бўлган ўз актуализация талабини қондирмаслик натижасида келиб чиқадиган касаллик деб қарайди, «Антисихиатрия»: невроз бу касаллик эмас, нонормал жамиятдаги нормал ҳулқидир (Строчка, 1973). Фрейдизм ва у билан генетик боғланган концепция учун неврозларнинг қўйидагича талқини хос. Бу невроз ва унинг психогенези тўғрисида онгиз соҳага суриб қўйилган биологик, аввало сексуал ва агрессив интилишларнинг материализацияси деб тасавур қилиш, шу билан бир қаторда мавжуд вазият ва ижтимоий муҳим шахс таснифини инкор қилиш демакдир.

Невроздаги асосий невротик синдромлар: 1) астеник синдром (асабий заифлашиш); 2) обсессив синдром (мияга ўрнашиб қолган фикр); 3) фобик синдром (қўрқишилик); 4) ипохондрик синдром (ўз соғлиги учун қўрқиш, ўзида хилма-хил касалликлар бор деб айтишга мойиллик); 5) невротик депрессия синдроми (суицидликка уринишгача бориб етувчи хуноблик). Неврологик синдромларга қўйидаги соматик бузилишлар хос: юрак фаолиятининг бузилиши (аритмиялар); нафас бузилишлари (ларингоспазм, невротик ҳиқичоқ); меъда – ичак бузилишлари, масалан, невротик анорексия синдроми; сексуал бузилишлар; ҳаракат бузилишлари; талваса хуружлари; парезлар, фалажланишлар, гиперкинезлар, соқовлик; сезги ва уйку бузилишлари; бош оғриклари.

Клиник намоён бўлиши бўйича одамда неврознинг (адабиёт маълумотларига биноан): 1) невростения; 2) истерия (истерик невроз); 3) мияга ўрнашиб қолган ҳолат неврози (психастения) турлари ажратилади. Невростениянинг асосий патогенетик механизми: қўзғалувчанлик ёки тормозланиш жараёнларининг бузилиши. Кўринарли (демонстратив) белгилари: сержаҳллик ёки апатия, уйқусизлик ёки серуйкулик, тез ҳолдан тойишлик. И. П. Павлов бўйича истериянинг асосий патогенетик механизми – мия пўстлоғ остиининг пўстлоғдан, I сигнал тизимининг II дан патологик устуворлиги. Истериянинг кўринарли белгилари: 1) эмотивлик, 2) талвасаланиш тутқаноғи, 3) фалажланиш, 4) анальгезиялар. Павлов бўйича психастениянинг асосий патогенетик механизми: катта ярим шарлар пўстлогининг пўстлоғ остидан ва II сигнал тизимининг I дан патологик устуворлиги. Кўринарли белгилари: 1) мияга ўрнашиб қолган фикр ва ҳаратклар, 2) фобиялар, самарасиз билимдонолик қидмоқ.

Неврозларнинг биологик ва ижтимоий аспектлари. Биологик табиатли этиологик омиллар: ирсият ва конституция, ҳомиладорлик ва тугруқлар, жинс ва ёш (кўпинча аёлларда, эркакларда ёшликда, аёлларда 30 ёшдан кейин), эндокрин бузилишлар, илгари ўтказилган касалликлар (инфекциялар ва интоксикациялар). Руҳий табиатли этиологик омиллар: шахс хусусияти, ятрогения, психоэмоционал стресс, информацион зўриқиши, яқин одамини йўқотиш ва бошқа руҳий травмалар. Ижтимоий табиатли этиологик омиллар: ота-она, оиласи, сексуал тарбия хусусиятлари ва оиласидан ахвол, маълумоти, касб ва меҳнат фаолияти.

Неврозларнинг нейрофизиологик механизмлари. Неврозлар тўғрисидаги маълумотлар асосида Павловнинг олий асаб фаолияти типлари, I ва II сигнал тизими тўғрисидаги таълимоти ётади. Неврозларни асосан меланхолик ва холериклар таъминлайди. Ҳозирги вақтда неврозлар нафақат миянинг функционал патологияси деб қаралмоқда, аниқланишича бу касаллик маътум бир структур асосга ҳам эга. Итларда экспериментал невроуда электрон микроскопия усули ёрдамида неокортекс нейронал ва глиал элементларида, ҳамда унинг ўтказунчи аппаратида структур ўзгаришлар, биокимёвий изланишларда эса нейромедиатор тизимда қатор қайтар ва қайтмас ўзгаришлар аникланган (Крыжановский Г. Н., 1994).

Машгулотда бажариладиган амалий ишлар ва ўзлаштирилиши лозим бўлган амалий кўниммалар билан танишиш

I-иши. Оқ сичқонларда камфора ёрдамида чақирилган экспериментал эпилепсия ривожланишини МАТ дастлабки функционал ҳолатига боғлиқлигини аниклаш.

Тажриба учта сичқонда ўтказилади. Битта сичқонга олдин тери остига 1кг оғирликка 1мл ҳисобида 0,5% ли фенамин эритмаси юборилади. 10 дақ. дан кейин 3 та сичқонга ҳам бир вақтда тери остига камфора ёғининг 20% ли эритмасини 0,3 мл инъекция қилинади. Сичқонларнинг биттаси шу пайтнинг ўзида эфир билан ҳўлланган пахта қўйилган шиша (қалпок) остига жойлаштирилади. Ҳайвонларнинг ҳатти-ҳаракати кузатилади, талваса ҳосил бўлиш вақти, характеристери ва уларнинг ўлиш вақти аникланади.

Эфир наркози остида ва фенаминли қўзгалувчанликдаги ҳайвонларда камфорали эпилепсиянинг назоратдаги сичқонга қараганда ўзгача кечиши кузатилади. Натижалар баённомага ёзилади, тажриба хулосалари таҳлил қилинади.

Жиҳозлар: оқ сичқонлар, корнцанглар, 0,5% ли фенамин эритмаси, 20% ли камфора ёғи эритмаси, эфир, шиша қалпок, шприцлар, игналар, пахта, спирт, сичқонларни фиксация қилиш учун тахтача.

АУДИТОРИЯ ИШИ

Мавзуни оғзаки муҳоммада қилиш. Амалий ишларни мустақил бажариш ва амалий күннекмаларни ўзлаштириш

Сичқонларда камфора билан чақирилган эпилепсия бўйича иш бажарилади, назоратдаги ва тажрибадаги ҳайвонларда талваса хуружи характери ўрганилади.

Талаба: 1) оқ сичқонларда камфора ёғи эритмасини тери остига юбориш орқали талваса реакциясини чақиришни; 2) чақирилган камфорали талваса механизмини ўрганишни; 3) фенамин юбориш ва эфир наркози шароитида юзага келган талваса реакциясининг сифат жиҳатдан фарқини тўғри изоҳлашни билиши керак.

Эксперимент баённомаси ва хулосаларни ёзиш

Талаба мустақил равища баённома тузади, унда у талваса хуружи марказий асаб тизимининг камфора шимилишига нисбатан қўзгалиши натижаси эканлигини кўрсатади. Юборилган доза (0,3 мл) талваса эффицигига эга бўлиб, тез суратда ҳосил бўлади ва айрим мушак ва мушак гуруҳларининг бирин-кетин тез қисқариши билан тавсифланади. МАТ га стимулловчи таъсир қилувчи ва асаб тизими симпатик қисмига фаол таъсир қилувчи фенаминнинг қўзгатувчи таъсири асосида талвасалар хуружи бирин-кетин такрорланади ва ҳайвоннинг ўлимига олиб келади. Аксинча, эфир наркози дозаси талвасалар орасидаги даврни чўзади ва тегишли равища ҳайвон ҳёти муддатини узайтиради.

Вазиятли масалаларни ечим

1-масала. Клиникага Р., исмли бемор умумий заифлик, терлаш, бошда оғириқ сезгиси, ичак перистальтикасининг дефекацияга чақириклар билан кучайиши, кўпинча асосан нафас олиш ҳисобига нафас қисилиши, ўлим содир бўлишидан кўркиш шикоятлари билан келиб тушган. Объектив: терида қизариш, пульс дақ. 48 марта, АБ – 90/60 мм сим. уст.га тенг.

1. Қайси касаллик тўғрисида ўйлаш мумкин?
2. Вегетатив пароксизмлар қандай хусусиятта эга?

2-масала. Клиникага Н. исмли, 42 ёшли, бемор бадан увушиши, қалтираш шикоятлари билан келиб тушган. Объектив: тери қатлами оқарган, тери ва шиллиқ қаватлар қуруқ, кўз қорачиги кенгайган, пульс дақ. 120, АБ 180/90 мм сим. уст.га тенг. Лаборатория изланишлари – қонда қанди микдори кўпайган – 180 мг%.

1. Касалликнинг кўрсатилган белгиларини қандай тушунтириш мумкин?

2. Касалликнинг хусусияти.

3-масала. Поликлиникага бемор қўрқиш сезгиси, нафас олишнинг қийинлашиши хавфи, ухлаш қийинлиги ва қисқа уйқу шикоятлари билан мурожаат қилган.

1. Қайси касаллик тўғрисида ўлаш мумкин?

2. Кўрсатилган симптоматика нима билан боғлиқ?

3. Касалликнинг характеристири нимадан иборат?

4-масала. 24 ёшли бемор юракнинг тез уриши, унинг нотекис ишилаш сезгиси, юрак соҳасида доимий санчиқли оғриш, умумий заифлик, серзардалик, эмоционал лабильлик, вақти-вақти билан қўрқиш сезгиси, кайфиятнинг пасайиши шикоятлари билан мурожаат қилган. Объектив: пульс дақ. 72 – 88, ритмик, юрак чегаралари норма атрофида, тонлари тиниқ, шовқин эшигилмайди. АБ – 110/70 сим.уст.га тенг, ЭКГ да ўзгариш йўқ.

1. Қайси касаллик тўғрисида гап кетиши мумкин?

2. Касалликнинг эҳтимолий сабаблари нимадан иборат?

5-масала. Ёш қизда оғир халта кўтарганда тўсатдан қонли қусиши рўй берган. Шу вақтдан бошлаб ҳар куни уйғониши билан қусиши такрорланган. Бемор оза бошлаган, кучли бош оғриги пайдо бўлган.

1. Қайси касаллик тўғрисида ўлаш мумкин?

2. Касалликнинг эҳтимолий сабаблари нимадан иборат?

6-масала. Бемор В., 32 ёшда, муҳандис, илгари нейроциркулятор бузилишлар қолдирган мия травмасини кечирган, тўсатдан қаттиқ касалланган. Кечкурун 700 мл ароқ ичган. Саҳарда кучли қўрқиш сезгиси билан уйғонган, эти увшган, қалтираган, кучли терлаган, юраги тез урган, юрак соҳасида эзилиш сезгисини ҳис қилган, гаранг бўлгандек боши оғирлашган, ўзига жой топаолмаган. Вегетатив ҳодисалар тахминан 2 соатдан кейин бартараф бўлган, аммо қўрқиш сезгиси сақланган.

1. Касаллик тўғрисида сизнинг фикрингиз?

Интеграция амалга оширилиши лозим бўлган файлар

1. Нормал физиология.

2. Асаб касалликлари.

3. Ички ва болалар касалликлари пропедевтикаси.

1 - илов а

**ЗАМИНИЙ БИЛИМ ДАРАЖАСИ
САВОЛЛАРИГА ЖАВОБЛАР**

19 - Машгулот

1. Периферик қонда СИ тизими бўйича эритроцитлар миқдори: эркакларда – $4,0 - 5,0 \cdot 10^{12}/\text{л}$; аёлларда – $3,9 - 4,7 \cdot 10^{12}/\text{л}$; чақалоқларда – $6,0 \cdot 10^{12}/\text{л}$; бир ёшгача болаларда – $4,0 - 4,5 \cdot 10^{12}/\text{л}$; 1 ёшдан 5 ёшгача бўлган болаларда – $4,8 - 4,9 \cdot 10^{12}/\text{л}$; 5 ёшдан 8 ёшгача – $4,9 - 5,1 \cdot 10^{12}/\text{л}$; 8 ёшдан 15 ёшгача – $4,8 - 5,1 \cdot 10^{12}/\text{л}$.

2. Гемоглобин миқдори: эркакларда – $130 - 162 \text{ г/л}$; аёлларда $120 - 140 \text{ г/л}$; чақалоқларда – $17 - 246 \text{ г/л}$; 1 ёшдаги болаларда – $110 - 119 \text{ г/л}$, 2 ёшдан 5 ёшгача – $126 - 146 \text{ г/л}$, 5 ёшдан 8 ёшгача – $129 - 153 \text{ г/л}$, 8 ёшдан 15 ёшгача – $136 - 156 \text{ г/л}$.

3. Эритроцитларнинг ўртacha диаметри $7,2 - 8 \text{ мкм}$. Шакли икки тарафи ботиқ диск. Ранг кўрсаткичи (ҳар бир эритроцитни гемоглобинга тўйиниши – $0,85 - 1,05$).

4. Эритропоэз – қон яратувчи аъзоларда эритроцитлар ҳосил бўлиш жараёни. Эритропоэтинлар – эритропоэзни стимулловчи гормонал омиллар, буйрак тўқимасида ҳосил бўлади.

5. Эритропоэз типлари; 1) мегалобластик ва 2) нормабластик. Мегалобластлиси эмбриогенезнинг 3 – 4 чи ойларида эритробластлиси эмбрионал тараққиётнинг 4 – 5 ойларидан бошланади ва одам ҳаётининг охиригача давом этади.

6. И. Л. Чертков ва А. И. Воробьев бўйича нормал эритропоэз схемаси: қўумик эритропоэтин – сезги ҳужайралари → эритробласт → пронормобласт → нормобласт → базофилли нормобласт → полихроматофилли нормобласт → оксифилли нормобласт → ретикулонцит → эритроцит.

7. Нормал эритропоэз учун зарур бўлган моддалар: эритропоэтинлар, витамин B_{12} , фолат кислота, оқсил, тэмир, микроэлементлар: кобальт, мис, марганец ва б.к.

8. Чақалоқлар эритроцитларида HbF миқдори устиворлик қиласи (70 – 90%), ҳаётининг биринчи йили охирида ва катта одамларда эритроцитлар 96 – 98% Hb A1 , 2 – 3% Hb A2 ва 1 – 2% HbF сақлайди.

9. Эритроцитларнинг асосий функцияси – O_2 ва CO_2 газларини ташибдан иборат. Гемоглобин кимёвий бирикмаларининг нормал шакллари: оксигемоглобин (кислород билан бирикмаси) ва карбгемоглобин (карбонат ангириди билан бирикмаси). Гемоглобиннинг патологик шакллари: карбоксигемоглобин, (ис гази CO билан заҳарланганда ҳосил бўлади), меттемоглобин (нитритлар ва бошқа заҳарли бирикмалар билан заҳарланганда ҳосил бўлади).

10. Эритроцитларнинг чақалоқлар ва бир ёшгача бўлган болаларда – яшаш вақти 12 кун. Бир ёшдан катта болаларда ва катта одамларда 90 – 120 кун. Эритроцитлар ретикуло – эндотелиал тизим аъзолари, асосан талоқ ҳамда қўмик, лимфа тутунлар, жигарда парчаланади.

20 - Машғулот

1. Лейкоцитлар ёки оқ (рангсиз) қон танаачалари (қоннинг шакли элеменлари) – ядроли ҳужайралар Нб ушламайди, организма ҳимоя функциясини бажаради ва у қўйидагилардан иборат:

- 1) фагоцитоз жараёнида иштирок этиш;
- 2) антитана ишлаб чиқариш ва иммун реакцияларда иштирок этиш;
- 3) бактерицид моддалар ва ферментлар ҳосил қилиш;
- 4) эндоген пироген ишлаб чиқариш;
- 5) дезинтоксикация жараёнида иштирок қилиш;
- 6) гепарин, гистамин ишлаб чиқариш, гистамин метаболизмида иштирок қилиш.

2. Икки груп лейкоцитлар фарқ қилинади: 1) *донадор* (гранулоцитлар) ва 2) *донадор бўлмаган* (агранулоцитлар). Биринчисига базофиллар, эозинофиллар, нейтрофиллар (таёқча ва сегмент ядролилар), иккинчисига – лимфоцитлар ва моноцитлар киради.

СИ тизими буйича периферик қонда нормада лейкоцитлар миқдори қўйидагича бўлади:

- катта одамларда – $4,0–9,0 \cdot 10^9/l$;
болаларда: чақалоқларда $10,0–30,0 \cdot 10^9/l$;
1 ёшдагиларда $9,0–10,0 \cdot 10^9/l$;
8 ёшгача бўлганларда $10,0–11,0 \cdot 10^9/l$;
14–15 ёшдагиларда $7,0–8,0 \cdot 10^9/l$.

Лейкопаэз – қон ишлаб чиқариш органдарида лейкоцитлар ҳосил бўлиш жараёни. Одамда бир кунда 1 кг ҳажмига 1 млрд. гача нейтрофил гранулоцитлар (*НГ*) ҳосил бўлади. Фақат унинг 10% қонда циркуляция қиласи, шундан 70% томир эндотелийсига ёпишган бўлади.

Қон зардобида устун ҳужайраларни стимулловчи деб номланган омил (*УХСО*) аниқланган, у α – глобулинларга киради ва ҳужайра экиб ўстирилишида устун ҳосил қилувчи ҳужайралар стимуллани-

ши ва кейинчалик гранулоцитларнинг дифференцияланиши учун зарур. β – лимфоцитлар ва сенсибилизирланган Т – лимфоцитлар томонидан УҲСО ишлаб чиқарилиши регулятори *макрофаглар* ва *моноцитлар* деб ҳисобланмоқда, аммо уларнинг ўзлари ҳам эҳтимол унинг манбаи бўлиши мумкин.

Қонда гранулоцитлар сонини назорат қилиш механизмлари хилма-хил. Қон плазмасида ўткир бактериал инфекция вақтида «гранулоцитларни чиқариб ташловчи омил», яъни гранулоцитларни кўмик депосидан циркуляция ўзанига мобилизация қилинишида қатнашувчи омил аниқланган. Бактериал маҳсулотлардан ташқари гормонлар (АКТГ, гидрокортизон, этиохоланолон), пирогенал, айрим вакциналар, УБН, рак ўсмаси метаболитлари ҳам худди шундай эфектга эга.

Гранулоцитопоэзниң ингибиторловчи механизмига кейлонлар – нейтрофиллардан ажратилган регуляторловчи субстанциялар кирали, улар тўқималарда гранулоцитлар пролиферациясини жиҳдий пасайтириш хусусиятига эга.

4. Лейкопоэз босқичлари.

Гранулопоэз этаплари: 1) устун ҳужайра; 2) миелопоэзниң ўтмишдош ҳужайраси; 3) ҳужайра экиб ўстиришда колонна (устун) ҳосил қилувчи ҳужайра; 4) миелобласт; 5) промиелоцит – п (базофилли – б, нейтрофилли – н, эозинофилли -э); 6) миелоцит – м (б., н., -э.); 7) метамиелоцит – м/м (б., н., э.); 8) таёқча ядролилар – п/я (ёшлилар); 9) сегментядролилар – с/я (етилгандар) – базофиллар, нейтрофиллар, эозинофиллар.

Лимфопоэз этаплари: 1) устун ҳужайра; 2) лимфопоэзниң ўтмишдош ҳужайраси (В – ва Т – лимфоцитлар). В – лимфоцитлар ўтмишдош ҳужайраларидан плазмобласт, проплазмоцит, плазмоцит (ёки В – лимфоцит) ҳосил бўлади. Т – лимфоцит ўтмишдош ҳужайраларидан лимфобласт, пролимфоцит, Т – лимфоцит ҳосил бўлади.

Монопоэз этаплари: ҳужайра экиб ўстиришда устун ҳосил қилувчи ҳужайралардан: 1) монобласт; 2) промоноцит; 3) моноцит ҳосил бўлади.

5. Қонда айрим лейкоцитлар миқдорининг фоиздаги ифодаси лейкоциттар формула дейилади.

Лейкоцитлар баз. эоз. м м/м нейтрофиллар лимф. моноцит.(%)
миқдори т/я с/я
 $4,0 - 9,0 \cdot 10^9 / л$ 0—1 0—5 0 0 1—6 49—72 19—37 3—11

6. Нейтрофиллар ва лимфоцитлар сони туғилиш пайтида катта одамлардаги нормага тўғри келади (65–66% ва 16–34%). Туғилгандан сўнг дарҳол нейтрофиллар сони камайишга бошлайди, лимфо-

цитлар сони эса кўпаяди ва ҳаётининг 5—6 кунига келиб «биринчи кесишма» содир бўлади яъни уларнинг сони тенглашади. 10—ойга бориб лимфоцитлар сони максимал (50—60%) миқдорга етади, нейтрофиллар сони эса — минимал (20—25%) даражагача камаяди. Кейин нейтрофиллар сони янада ошишга, лимфоцитлар камайишга бошлайди ва 5—6 ёшга бориб «иккинчи кесишма» рўй беради. 14—15 ёшда нейтрофиллар ва лимфоцитлар сони катта одамдаги нормага тенглашади.

7. Лейкоцитлар миқдорининг мутлоқ ракамлардаги графикили кўриниши Машковский профили (кесими) дейилади. Нормада у учи ўткир шаклда бўлади. Патологияда лейкоцитлар айrim турларининг кўпайиши (камайиши) натижасида эгри чизиқ шакли ўзгаради ва у диагностик аҳамиятга эга бўлиши мумкин.

21 - Mashғулот

1. Қон тиниқ бўлмаган қизил суюқлик бўлиб, оқимтири – сариқ плазмадан (фибрини олинган плазма, зардоб дейилади) ва унда осилиб турган ҳужайралар – қизил қон танаchalари (эритроцитлар), оқ қон танаchalари (лейкоцитлар) ва қон пластинкаларидан (тромбоцитлар) иборат.

Гематокрит кўрсаткич (гематокрит) – шаклли элементлар ва плазма ҳажми орасидаги нисбат. Нормада у 36 –40 ҳажм % ёки 0,36 – 0,48 г/л тенг.

2. Қон миқдори ёки ҳажми ҳар бир индивидуум учун доимий бўлган ўлчам. Ўртacha қоннинг умумий миқдори тана оғирлигининг 6—9% ни ташкил қиласи (тахминан бир килограмм оғирликка 80 – 85 мл), ва катта одамда 4—6 л. тўғри келади. Циркуляция қиласиган қон ҳажми ўртacha 3—4 л.ни ташкил қиласи, қоннинг қолган қисми депода сақланади.

3. Нормада қон плазмасининг осмотик босими 7,3 атм. (5600 мм сим. уст. ёки 745 кПа) ни ташкил қиласи. Осмотик босими қоннига тенг бўлган эритмалар изотоник, юқори осмотик босимга эга бўлган эритмалар гипертоник, паст осмотик босимга эга бўлган эритмалар – гипотоник эритмалар дейилади. Умумий осмотик босимнинг 96% но-органик эритмалар, асосан NaCl зиммасига тўғри келади.

Оқсиллар ҳосил қиласиган коллоид – осмотик ёки онкотик босим сувнинг плазма ва ҳужайралараро суюқлик орасида тақсимлашиш регуляциясида муҳим рол ўйнайди. Плазма ва ҳужайралараро суюқлик орасида оқсиллар концентрацияси градиенти ҳосил бўлади, у коллоид – осмотик босимнинг фарқига боғлиқ бўлиб, 22 мм. сим. уст. (3 кПа) ни ташкил қиласи.

4. Эритроцитларнинг солиширма оғирлиги (1,096) плазма солиширма оғирлигига (1,027) нисбатан юқори, шунинг учун ҳам

ишиш имконияти йўқотилган қон эритроцитлари аста-секин проприерка тагига чўка бошлади. Эритроцитларнинг чўкиш тезлиги (ЭЧТ) нормада жинсга, ёшга боғлиқ. Чақалоқларда ЭЧТ гематокрит юқори, қонда оқсили кам бўлганлиги туфайли камдан-кам ҳолларда 2 мм/с дан катта бўлади. Болаларда ЭЧТ 1—8 мм/с ташкил қиласди. Катта ёшдаги одамларда бу кўрсаткич – 11—30 мм/с атрофида. Эркакларда – 4—10 мм/с, аёлларда – 7—15 мм/с. Аёлларда ЭЧТ ҳомиладорлик даврида ошади ва туғруқдан кейин 3 ҳафтагача юқори даражада сақланади.

ЭЧТ аниқлашнинг макро – ва микро усуслари мавжуд. Панченков микроусули кенг қўлланилади. Бунинг учун бармоқдан қон олиниади, антикоагулянт билан аралаштирилади, одатда бу Na оксалати ёки цитрати (1 қисм суюлтирувчи суюқлик ва 4 қисм қон), градуирланган шиша найчага (пипетка) тортилади ва 1 соатга тикка ҳолатда Панченко штативига ўрнатилади. ЭЧТ аниқланганда эритроцитлар устунчаси юқори қисмининг неча мм плазма эгаллаши белгилаб олиниади.

5. Қоннинг суюқ ҳолати унинг ивиш, ивишга қарши ва фибринолитик тизимлари орасидаги мувозанат орқали таъминланади.

6. Халқаро номенклатурага биноан қон ивишида иштирок қилувчи омиллар рим рақамлари билан (тромбоцитар омиллар араб рақамлари) белгиланади. I – фибриноген, II – протромбин, III – тўқима тромбопластини, тўқима омили, IV – Ca^{++} , V – проакцептерин, VI – глобулин, VI – акцептерин, VII – проконвертин, стабил омил, VIII – антигемофил глобулин (АГГ), IX – Кристмас омили, X – антигемофил омили, тромбопластиннинг плазмадаги компоненти (РТС – омил), XI – Стюарт – Прауэр омили, протромбиназа, XII – Розентал омили, тромбопластиннинг плазмадаги ўтмишдоши (РТА – омил), XIII – Хагеман омили, контактли омил, XIV – фибринстабилизировчи омил, фибриназа, плазмадаги трансглутаминаза.

7. Ҳозирги замон тушунчасига биноан қон ивиш жараёни шартли равишда 3 фазага бўлинади.

I фаза – фаол тромбопластин шаклланиши. Плазма (қондаги) ва тўқима тромбопластини фарқ қилинади. Биринчиси ички (секинлашган) қон ивиш тизимида иштирок қиласди, қон ивиши 5—8 дақ. давом этади. Тўқима тромбопластини ташки (тезлашган) қон ивиш тизимида иштирок қиласди, қон ивиш жараёни 30—40 с. давом этади.

II фаза – протромбиндан фаол тромбопластин ва Ca^{++} таъсирида тромбин ҳосил бўлиши. Унинг давом этиш вақти 2—5 с. ташкил қиласди.

III фаза – фибриногендан тромбин таъсирида фибрин ҳосил бўлиши – 3—5 с. давом этади.

8. Эритроцитлар гипертоник туз эритмасида буришади, гипотоник эритмада – шишади. Жиддий шишиш натижасида гемолиз содир бўлади.

9. Гемолиз (*haemo* – қон; *lysis* – парчаланиш, емирилиш) – эритроцитларнинг улардаги Нb нинг эритроцит ташқарисидаги муҳитта чиқиши билан кечадиган парчаланиши.

10. Эритроцитларнинг осмотик турғуналиги – уларнинг гипотоник эритмага нисбатан чидамлигиги.

Минимал осмотик резистентлик NaCl нинг шундай гипотоник эритмасида аниқланади, бу эритмада фақат чидамли эритроцитлар гемолизланади (нормада NaCl 0,44–0,46% ли эритмаси). Максимал осмотик резистентлик NaCl нинг ҳамма эритроцитлар тўлиқ гемолизга учрайдиган (нормада NaCl 0,32–0,28% эритмаси) эритмасига мос келади. Эритроцитларнинг осмотик резистентлиги уларнинг этилиш даражаси, шакли ва плазма таркибининг ўзгаришига боғлиқ.

11. Агар сувнинг ёпишқоқлиги 1 га тенг деб олинса, қоннинг ўртача нисбий ёпишқоқлиги катта одамларда 4,5 (3,5–5,4) ташкил қилади. Қоннинг ёпишқоқлиги гематокрит юқори бўлиши ва оқсил миқдорига боғлиқ, у вязкозиметр билан аниқланади.

12. Қонда оқсил миқдори 65–86 г/л ни ташкил қилади. Плазма ҳамма оқсилларининг 60% альбумин зиммасига тўғри келади, унинг миқдори 4,5–5% га тенг, молекуляр оғирлиги – 69000. Бу оқсил плазма онкотик босимининг 80% ни аниқлайди. Оқсилларнинг 2–2,5% глобулинга тўғри келади, электрофоретик фаоллигининг камайиб боришига қараб улар α_1 , α_2 , β – ва γ – глобулинларга бўлинади. β ва γ глобулин фракциялари орасида алоҳида тор тасма шаклида фибриноген аниқланади (0,2–0,4%), у фибриннинг эрувчан ўтмишдошидир.

13. Нормада 1 мкл қонда 180.000–320.000 тромбоцит бўлади (СИ бирлиги бўйича 180–320 · 10⁹/л).

14. Тромбинли вақт – кўриқдан ўтказилаётган шахснинг тромбиннинг стандартли дозаси таъсирида цитратли қон плазмасининг ивиш вақти бўлиб, нормада 14–16 с. тенг.

Протромбинли вақт – стандартланган фаолли тўқима тромболастини қўшилганда рекалцинацияланган цитратли плазманинг ивиш вақти нормада 12–15 с. ташкил қилади. Тромболастинлар айrim сериялари фаоллигига ўзгариш бўлиши туфайли протромбин индексини қўйидаги формула бўйича ҳисоблашади.

A · 100, A – донор қони плазмасининг протромбини вақти;
Б – текширилувчи шахс протромбини вақти.

Нормада бу күрсаткыч 80 – 100% тенг.

Фаоллашган қисман тромбопластин вақти – стандарт шароитда тромбоцитлари кам қон плазмасининг рекалцификацияланыш вақти, у XII омил фаоллаштирувчиси каолин ва 3 – тромбоцитар омил – кефалин юбориши орқали амалга оширилади, текшириш натижаларида тромбоцитлар таъсирини йўқ қилиш кўзда тутилади. Нормада 30 – 40 с.ни ташкил қиласди.

22 - Машгулот

1. Юрак мушаги кўндаланг-тарғил мушак ҳужайраларидан ҳосил бўлган. Бу типик қисқарувчан ҳужайралар (кардиомиоцитлар) ва ўтказувчан тизимни ташкил қилувчи юрак атипик миоцитларидир. Қисқарувчанлик функциясини бажарувчи юрак миоцитлари тўғри бурчакли шаклда бўлиб, 1–2 ясси ядро, миофибриллар (шу жумладан юпқа ва йўғон аниқ параллел жойлашган протофибриллар) ва кўп микдорда митохондриялар ушлайди. Кардиомиоцит саркоплазмасида рибосомалар мавжуд. Қисқарувчан элементлар – миофибриллар саркоплазманинг периферик қисмини эгаллади. Кардиомиоцитларнинг узлуксиз ишлаш қобилияти оксидланиш-қайталаниш жараённида иштирок қилувчи ферментлар (АТФ-аза, дегидрогеназа, ишқорий фосфатаза) ташувчи ва ҳужайрани энергия билан таъминловчи митохондриялар билан боғлиқ. Миоцитлар орасида уларни мушак толаларга бирлаштирувчи дисклар (гардишлар) жойлашган. Юрак атипик мушак тўқимаси миофибриллари кам, саркоплазмага бой бўлган ҳужайралардан ташкил топган. Бу тўқима юрак ўтказувчан тизимини ташкил қиласди. У яхши иннервация қилинган, бу ерда миоцитлар йирик, рибосомалар кам, ядролар юмолоқ.

2. Юрак мушагида электр потенциалларининг ҳосил бўлиши K^+ , Na^+ , Ca^{++} , Cl^- ва б.к. ионларнинг кардиомиоцит мембранаси орқали ҳаракат қилишига боғлиқ. Бунда асосий ролни натрий ва калий катионлари ўйнайди. Ҳужайра ичидаги калий унинг ташқарисига қараганда анча кўп, ҳужайра ичидаги натрий концентрацияси эса, ҳужайра ташқарисига қараганда 20 марта кам. Тинч ҳолатда миокард ҳужайралари ташкил юзаси натрий катионлари микдори устиворлиги туфайли мусбат зарядланган, ҳужайра мембранаси ички юзаси, ҳужайралар ичидаги анионлар (Cl^- , HCO_3^- ва б.к.) устиворлиги натижасида манфий зарядга эга. Бундай ҳолат ионлар насосларининг иши туфайли сақланади. Тинч ҳолатда ҳужайра кутбланган, натижада тинч ҳолат потенциали ҳосил бўлади, у ҳамма вақт манфий – 90 mV га тенг.

Ҳужайра қўзғалишида трансмембрана ҳаракат потенциали ҳосил бўлади, чунки ҳужайра мембранаси ўтказувчанилиги ионлар учун ўзгари. Натрий ионлари ҳужайра ичига интилади ва ички юза мусбат,

ташқи юза эса манфий ҳолатга тушади яъни мембрана деполяризацияси кузатилади. Ҳаракат потенциали жиддий ошади, +20, +30 mV га тенг бўлиб қолади. Сўнг Ca^{++} хужайра ичига киради ва натрий ионлари мусбат зарядини қисман нейтраллайди: трансмембрана потенциали пасаяди (бу дастлабки тез реполяризация). Кейин хужайра ичига Ca^{++} ва Na^+ секин кирувчи токи, ҳужайрадан K^+ чиқиши содир бўлади. Аста-секинлик билан реполяризация (плато) содир бўлади. Сўнг тез реполяризациянинг охирги фазаси юзага келади, мембрана ўтказувчанлиги K^+ ионлари учун ошади. Ташқи юза яна мусбат, ички эса манфий зарядланган бўлиб қолади. Кутбланиш яна қайта тикланади ва тинчлик потенциали – 90 mV ҳосил бўлади.

3. Юрак ҳамма бўлимлари мушаклари ва унга нисбатан тана мушакларининг баб-баробар пропорционал катталашиши физиологик яъни ишчи гипертрофияси дейилади. У организмнинг O_2 юқори талабига нисбатан мослашиш реакцияси сифатида юзага келади ва жисмоний иш, спорт билан шуғулланувчи одамларда, балет билан шуғулланувчи артистларда, айрим ҳолларда ҳомиладорларда учрайди. Уларда юрак оғирлиги 500 г етиши мумкин (машқ билан шуғулланмайдиган одамларда у 300 г тенг). Гипертрофияда юрак доимо зўриқиш билан ишлайди, дастлаб текис равишда миокардиал толалар узунлиги ва қалинлиги катталашади, аммо уларнинг сони ўзгармай қолади. Юрак бўшликлари ҳажми катталашади, натижада илгариги босим ҳосил қилиниши учун юрак деворлари кучлироқ ишланиши талаб қилинади. Аммо миокард гипертрофиясида мушак ҳажми ошганлиги туфайли, юрак девори кўндаланг кесими майдони бирлигига тўғри келадиган куч деярли ўзгармасдан қолади. Спортчи юраги кўп ҳажмда қон сифдиради, аммо унга етарли даражада босим ҳосил қилиш учун қўшимча куч билан ишлашга тўғри келади. Бу билан гипертрофия юракнинг ўтқир кенгайишидан фарқ қиласди. Спортчи машқ қилинши тўхтатишидан бир неча ҳафта кейин юрак гипертрофияси йўқолиб кетади. Агар гипертрофияланган юракнинг оғирлиги кескин даражага (500 г атрофида) етса, унда нафақат толалар ўлчами катталаша бошлайди, шу билан бирга унинг сони ҳам ортади. Бу ҳолат гиперплазия дейилади.

4. Одамда аорта асосидан чиқалиган иккита коронар артериялар мавжуд. Ўнг коронар артерия ўнг қоринчанинг кўп қисмини, пардевор айрим бўлимлари ва чап қоринча орқа деворини қон билан таъминлайди. Юракнинг бошқа қисмлари чап коронар артерияси орқали қон билан таъминланади, бу артерия орқали юрак томирларига йўналаётган қоннинг 75 – 80% гача бўлган қисми оқиб келади. Систола вақтида қон оқими камаяди, томирлар қисқараётган мушаклар томонидан қисилади, систола тугаши билан қон билан таъминланиш ошади яъни қон оқими асосан диастола вақтида рўй беради. Қон

оқиб кетиши ўнг бўлмачага очиладиган веноз синуси орқали амалга оширилади; бу ерга юракни озиқлантирувчи қоннинг 2/3 қисми чиқарилади, қолган қисми олдинги юрак веналари ва тебезий веналари орқали оқиб чиқиб кетади.

Одамда юрак томирлари орқали бир дақ.да 200 – 250 мл қон оқиб ўтади, бу дақиқа ҳажмининг 4–6% ни ташкил қилади. Мушакнинг жадал ишлаши вақтида коронар қон оқими 4 баровар ошади ва 3–4 л/дақ. га етади, юракнинг кислород истеъмол қилиши ҳам тахминан шунчага ошади. Бунда миокардда метаболитлар (аденоzin, сут кислота, калий ва б.к.) тўпланади, улар коронар артерияларни кенгайтиради ва улар орқали қон оқимини оширади.

Ҳатто тинч ҳолатда ҳам юрак бошқа аъзоларга нисбатан қондан кўпроқ О₂ тортиб олади. Юрак томондан О₂ экстракция қилиниши 0,14 мл/мл атрофика бўлиши мумкин, шу билан бирга О₂ нинг артериал қондаги миқдори 0,12 мл/мл дан иборат. Шу муносабат билан юракка юқори зўриқиши тўғри келганда, унинг О₂ га нисбатан талаби ошади, лекин О₂ экстракциясининг катталашиши ҳисобига қопланмайди. Юракнинг О₂ га нисбатан юқори талаби асосан коронар қон оқими ошиши ҳисобига қондирилади. Бу ҳолат коронар томирнинг кенгайиши яъни унинг гидродинамик қаршилигининг камайиши билан боғлиқ. О₂ этишмовчилиги коронар томирларининг кенгайиши учун кучли стимул сифатида хизмат қилади.

5. Юракнинг зарб ҳажми (ЮЗХ) – бу чап қоринчадан аортага ёки ўнг қоринчадан a. pulmonalis га бир систола вақтида отиладиган қон миқдори. Нормада 60–80 мл га teng. Спортчиларда катта зўриқиша систолик ҳажм 200 мл этиши мумкин.

Юракнинг дақиқа ҳажми (ЮДХ) – ўнг ва чап қоринча томонидан вақт бирлигига яъни бир дақиқада отиладиган қон миқдори, катта одамларда у тахминан 4,5–5 л. ЮДХ катталиги жинс, ёш, бўй, оғирликка қараб жиҳдий ва кенг миқёсда ўзгариши мумкин: зарурат туғилганда ЮДХ тинч ҳолатта қарагандা 5 баравардан кўпроқ ошиши мумкин. Юрак қоринчаларидан ҳар бир қисқаришда отиладиган қон миқдори тахминан бир хил бўлиши мумкин. Масалан ўнг қоринчадан қон отилиши чап қоринчага нисбатан деярли 2% га кўпайса кичик қон айланиш доираси қонга ортиқча тўлиши натижасида бир неча дақиқадан кейин ўпка шишиши бошланиши эҳтимолдан холи эмас. Аммо нормада бундай бўлмайди ва бу иккита қоринчада ҳам қон отилишини мослаштирувчи механизм борилигидан далолат беради. Ҳаттоки тизимли томир қаршилиги (масалан томирларнинг кескин торайиши натижасида) ошган ҳолатларда ҳам хавфли қон димланиши юзага келмайди: чап қоринча тезлик билан ўзгарган шароитга мослашади, кучлироқ қисқаришга бошлайди ва илгаригидек қон миқдорининг отилишига етарли босим ҳосил қилади. Веналар

орқали қоннинг қайтиши ва диастолик қонга тўлишнинг ўзгариб туриши ҳам ЮДХ мослашув ўзгаринилари орқали компенсацияланади.

6. Франк – Старлин рефлекси шундан иборатки, миокард толалири чўзилишининг ортиши юрак қисқариш кучининг кўпайишига олиб келади. Изоляцияланган юрак қисқариш сони бир хиллигida мустақил равиша ўз-ўзини регуляция қилиши туфайли – қоринчадан отиладиган қонни кўпайтириш орқали ўз фаолиятини кучайиб борувчи ҳажм билан зўриқишига мослаштириши мумкин. Бу қонуният уни очган олимлар шарафига Франк – Старлин механизми (қонуни, рефлекси) (Frank O., 1895; Starling S. H., 1918) дейилади.

7. Юрак мушагида уч типда биоэнергетик жараёнлар кечади: энергия ишлаб чиқарилиши, тўпланиши ва сарфланиши. Энергия ишлаб чиқариши глюкоза ва эркин ёғ кислоталари оксидланиши, ҳамда гликолиз натижасида юзага келади. Ҳосил бўлган энергия макроэр-гик фосфатли бирикмаларда – АТФ ва КФ да йигилади.

Миокард ҳужайраларга энергия ташишни КФ (креатинфосфат) кимёвий бирикмаси амалта оширади. У тенг қимматли фермент – субстрат комплекси учлиги: креатин – креатинкиназа – АТФ Mg^{2+} (Сакс В. А. ва б.к., 1975) парчаланиши натижасида ҳосил бўлади. Кейин КФ цитоплазмага диффузияланади, у ерда миофibrillалар креатинкиназа реакциясида кардиомиоцитлар қисқаришида ҳосил бўлган АДФ Mg^{2+} рефосфориланиши учун сарф қилинади.

8. Миофibrillалар АТФ билан ўзаро таъсир қилиш ва шу макро-эрғ иштирокида фақат мұхитда кальций ионларининг маълум концентрацияси бўлганда қисқариш хусусиятига эга. Уларнинг юқори қисқарувчанлик фаоллиги $Ca^{2+} 10^{-6} - 10^{-5}$ М атрофика кузатилади. Са ионлари концентрацияси 10^{-7} М ёки унлан ҳам паст даражагача камайганда мушак толалари АТФ иштирокида қисқариш ва таранглашиш ривожланиши хусусиятини йўқотади. Шу билан бир вақтда кальцийнинг саркоплазмадан секин чиқиб кетиши миокард бўшишининг секинлашиши ва тўлиқ бўлмаган диастола синдроми ривожланишига олиб келади.

Кардиомиоцитларда З хил қисқартирувчи оқсил мавжуд: актин, миозин ва тропомиозин. Актин иплари юпқа ва узун, миозин иплари эса йўғон ва калта бўлади. Мушак қисқариши учун энергия зарур: АТФ парчаланиши, АДФ ва фосфор кислота ҳосил бўлишидаги энергия фойдаланилади. Бу жараён АТФ –аза томонидан фаолаштирилади. Тинчлик ҳолатида бу фермент магний ионлари томонидан блокланади, унинг антагонисти Ca^{2+} ионлари ҳисобланади.

Мушак толаларининг қисқариши иккита асосий мушак толаси – миозин ва актин ўзаро таъсир қилиши натижасида келиб чиқади. Тинчлик ҳолатида бу ўзаро таъсир блокланган, чунки актин молекуласи фаол марказлари регулятор оқсил комплекси билан бекилган.

Қисқаришга олиб келувчи омил сифатида кальций ионлари хизмат қилади: уларнинг концентрацияси ошганда миоплазмада регулятор оқсилга кальций бирикади, натижада актин миозин билан ўзаро таъсир қилиш хусусиятига эга бўлиб қолади. Бу икки оқсил бирикни натижасида актомиозин ҳосил бўлади ва мушак қисқаради. Бунда миозин иплари буралади, актин иплари эса сирғанади ва суриласди. Актомиозин ҳосил бўлиш жараёнида АТФ парчаланади, унинг кимёвий энергияси механик иш бажарилишини таъминлайди ва қисман иссиқлик шаклида тарқалади. Тропомиозин актин ва миозин ўзаро таъсир қилишини регуляция қилади: тинч ҳолатда (поляризация) у актин ва миозин қисқаришини блоклайди, деполяризация ҳолатида эса мушакларнинг қисқаришини таъминлайди. Актомиозиннинг АТФ ни парчалаш хусусиятини йўқотишини ва Ca^{++} ионлари концентрацияси 10^{-7} дан кам бўлганда ҳам қисқариши мумкинлигини тропомиозин оқсилининг иштирок қилиши билан боғлашмоқда.

9. Юрек бўлмачалари кардиомиоцитларида бўлмача натрийуретик омилини (БНО) секреция қилувчи доначалар бўлиши тасдиқланган (Постнов А. Ю., 1987). Бу омил диурез, натрийурезни кучайтиради ва ренин секрециясини пасайтиради. БНО орқали юрак сув-туз гомеостази сақланишида иштирок қилади.

23 - Машғулот

I. Юрек нисбатан кичик мушакли ковак аъзо бўлиб, массаси 200—300 г; унинг деворлари асосан мушаклардан (миокард) тузилган, кўп микдорда асад толалари ва қон томирлари тўрларидан иборат. Ички томонидан юрак ички пўстлоқ (эндокард) билан қопланган, у қопқоқ аппаратини ташкил қилади, қопқоқ аппарати юрак қисқаришининг маълум фазаларида (систола, диастола) бўлмачаларни қоринчалар, қоринчаларни магистрал томирлар билан (аорта, ўпка артерияси) бириттирувчи тешикларни бекитади.

Юрак 4 та бўшлиқдан: чап ва ўнг қоринчалар, ҳамда чап ва ўнг бўлмачалардан иборат. Қоринчалар қоринчаларро пардевор билан ажралади, қоринча ва унга тегишли бўлмачалар орасида тешик бор, у қопқоқ билан ёпилади. Юрек мушаклари қисқарганда қопқоқ аппарати қон ҳаракатини ҳамма вақт бир томонга йўналтиради. Миокард ташкил томонидан ҳам пўстлоқ— перикард билан қопланган.

Тўқималардан пастки ва юқори ковак веналари орқали оқиб келадиган қон ўнг бўлмачага, ундан эса ўнг қоринчага тушади. Сўнг қон ўпкага борадиган артерияга, ўпка артериялари, артериолалари, капиллярларига ва 4 - венага отилади, O_2 га тўйинган қон чап бўлмачага тушади. Ўнг қоринчани чап бўлмача билан боғловчи томирлар тизими кичик қон айланиш доирасини ташкил қилади. Чап бўлма-

чадан қон чап қоринчага тушади, унинг қисқаришида аорта, артериалар, артериолалар ва ҳамма эъзо ва тўқималар капилляларига отилади, у ердан венулалар, веналар орқали паст ва юқори ковак веналар орқали ўнг бўлмачага оқиб келади. Бу томирлар тизими катта қон айланиш доирасини ташкил этади.

Мушак толаси – миокард ҳужайраларидан иборат занжирча – кардиомиоцитлар юракнинг функционал элементи бўлиб ҳисобланади, улар «охир охирига» бириккан бўлиб, умумий саркоплазматик пўстлоқ (асосий мембрана) ичига жойлашган. Морфологик ва функционал хусусиятларига қараб юракда 2 типли тола фарқ қилинади: 1) бўлмача ва қоринча миокарди ишчи толаси, юракнинг асосий массасини ташкил қиласи ва унинг қон ҳайдовчи функциясини таъминлайди; 2) ўтказувчи тизимлар ва етакчи ритм пейсекрлар (англ. *pace maker* – етакчи) толаси, қўзғалувчанлик туғиши ва унинг ишчи миокард ҳужайраларига ўтказилишига жавоб беради.

2. Юракнинг ўтказувчи тизими автоном хусусиятига эга, яъни ҳатто МАТ иштирокисиз юрак қисқаришини чақирувчи импульслар ишлаб чиқаради. Юракнинг қўзғалиши ўнг бўлмачада юқори ковак венаси қуйиладиган жойда жойлашган синоатриал (СА) тугунидан (синус ёки Кис – Фляк тугуни) бошланади. Ундан бўлмачага бўлмача ўтказиш йўллари орқали: чап бўлмачага шоҳ ажратувчи олдинги қисмидан (Бахман тутами), асосий рол ўйновчи ўрта қисмидан (Венкебах) ва орқа қисмидан (Торел) қўзғалувчанлик жараёни тарқалади. Бўлмачалараро тракти (Бахман тутами) мухим аҳамиятга эга, у одатда ўнг ва чап бўлмачаларнинг синхрон қўзғалишини таъминлайди. Қўзғалувчанлик бўлмачадан атриовентрикуляр (АВ) тугунга (ёки Ашоф – Тавар тугуни) тарқалади. Охирги йилларда «АВ – тугун» и айрим ҳолларда кенг тушунчага эга бўлган «АВ – бирикма» билан алмаштирилиб айтилади, бунда айрим анатомик соҳа (тугун, унга яқин жойлашган бўлмача қисимлари ва Гис тутами устини) назарда тутилади.

Қўзғалувчанлик АВ бирикмасидан ўтиб Гис тутами, кейин унинг тармоқларига тарқалади. Қоринчалар ичи ўтказувчан тизими тузилиши катта индивидуал вариабеллиги ва асосий тармоқлари орасидаги хилма-хил боғлиқликлар билан тавсифланади. Гис тутами асосий тармоқлари унинг ўнг ва чап оёқчаси ҳисобланади. Чап оёқча кўп ҳолларда олдинги ва орқа шоҳларга бўлинади. Шундай қилиб, Гис тутами З асосий: ўнг, олд чап ва орқа чап шоҳга бўлинади. Улар майдаланиб кетиб Пуркинье толалари тўрини ҳосил қиласи, бир – бири билан кенг анастомозланади, асосан ўнг ва чап қоринчалар эндокарди остида жойлашади.

Ўтказувчан тизимнинг таърифланган элементларидан ташқари, қўшимча трактлари ҳам борки, импульслар улар орқали айланаб

ўтади. Улар орасида бўлмача миокардини ўнг ва чап қоринча миокарди билан бириктирувчи Кент тутами; бўлмачани АВ бирикмаси ва Гис тутами устуни билан бириктирувчи Джеймс тутами; Гис тутами устунидан ажралувчи ва шу тутам толалари атрофида миокардга кирувчи Махейм толалари муҳим рол ўйнайди.

Кўзгалувчанлик ўтказувчан тизим ихтисослашган толаларидан қисқарувчан миокардга, чунончи ички субэндокардиал қисмдан ташки субэпикардиал қисмларга тарқалади. Нормада ритм етакчиси сифатида СА – тугун хизмат қиласи, бу тугунда тинч ҳолатда импульслар ҳосил бўлиш тезлиги 1 дақ. 60-80 импульсни ташкил қиласи. Кўзгалувчанлик бу тугундан иккита бўлмача ишчи миокардига тарқалади. Кўзгалувчанликнинг ўтказувчи тизимда тарқалишида у қисқа вақт ичиди АВ – тугунида ушланиб қолади. Гис тутами ихтисослашган тизими бошқа бўлимлари уларнинг оёқчалари ва охирги тармоқлари – Пуркинъе толалари импульсларини деярли тез ўтказади (2m/s тезлиги атрофида). шунинг учун ҳам қоринчаларнинг ҳар хил қисмлари кўзгалувчанлик билан етарли даражада синхрон қамраб олинади. Пуркинъе толалари субэндокардиал охирларида ишчи миокардга импульсларнинг тарқалиш тезлиги 1m/s атрофида бўлади. СА – тугуни юқори спонтан частотали (тезликли) фаолликка эга бўлганлиги туфайли у биринчи навбатли (етакчи) пейсмекер ҳисобланади.

Агар у ёки бу сабаб туфайли кўзгалувчанлик СА – тугунида ҳосил бўлмаса (синоартиал блокада) ёки бўлмачага ўта олмаса етакчи ритм ролини АВ – тугуни ўзига олади – иккинчи навбатли пейсмекер (АВ ритми частотаси 1 дақ. 40–60 га тенг). Агар кўзгалувчанликнинг бўлмачадан қоринчаларга ўтказилиши тўлиқ бузилса – тўлиқ (кўндаланг) блокада, унда қоринчалар учинчи навбатли пейсмекер (Гис тутами пастки қисми, унинг шохлари ва Пуркинъе толалари) ритмидаги қисқаради. Бу тузилмалар энг паст автоматизм хусусиятига эга (бир дақ. 25 – 45 импульс).

СА -тугунининг нисбатан тез импульсацияси шароитида АВ – бирикмалари ҳужайралари, Гис тутами ва Пуркинъе толалари автоматизими пасайтирилади. Кейинги тузилмалар потенциал ёки яширин, латент, СА – тугуни эса чин ритм етакчиси ҳисобланади. Уни, шунингдек номотоп (нормал жойлашган) марказ, ўтказувчи тизимнинг бошқа қисмлардаги кўзгалувчанлик ўчоқлари – гетеротоп, эктопик (нонормал жойлашган) марказлар дейилади.

СА – тугуни ва бошқа етакчи тугулар ритмига симпатик ва парасимпатик асаб тизими катта таъсир кўрсатади: симпатик тизимнинг фаоллашиши СА – тугуни ва ўтказувчан тизим ҳужайралари автоматизмининг ошишига, парасимпатик тизимнинг фаоллашиши эса автоматизмнинг камайишига олиб келади.

3. Юрак унинг ўзига хос ишлаш хусусиятини аниқловчи қатор функция-ларга эга. Уларга куйидагилар киради: 1) автоматизм фун-

цияси, у юракнинг ҳар қандай ташқи қитиқловчилар бўлмаслигига ҳам электр импульслар ҳосил қилиш хусусиятидан иборат; бу функцияни юракнинг ўтказувчан тизими бажаради; 2) қўзғалувчанлик – юракнинг импульслар таъсирида қўзғалиш хусусияти: бу хусусиятга юракнинг ҳамма ҳужайралари эга; 3) ўтказувчанлик – бу юракнинг қандайдир бир қисмida ҳосил бўлган қўзғалишининг бошқа қисмидаги мушакларга ўтказиш хусусияти: ўтказувчанлик функциясига юрак ўтказувчан тизими ихтисослашган толалари, ҳам қисқарувчан миокард эга, аммо кейинги ҳолда электрик импульсларнинг ўтказилиш тезлиги анча паст; 4) қисқарувчанлик – бу юрак мушакларининг қўзғалишга нисбатан қисқариш хусусияти. Бу функцияни асосан қисқарувчан миокард бажаради. Юрак ҳар хил қисмларининг бирин-кетин қисқариши натижасида рўй беради ва натижада юракнинг насос функцияси амалга оширилади.

Кўрсатилган функциялардан ташқари охирги вақтларда юракка секретор функция ҳам юкланмоқда, масалан бўлмача кардиомиоцитлари доначаларида сақланувчи БНО (бўлмача натрийуретик омили) деб номланган омил топилган, у диурез, натрийурезни стимуллайди, ренин секрециясини эса пасайтиради (Постнов А. Ю., 1987).

4. Юракнинг қўзғалиш цикли маълум фазаларига худди бошқа қўзғалувчан тўқималарида гидек қўзғалмаслик даври (мутлақ рефрактерлик) ва қўзғалувчанликнинг пасайиши (нисбий рефрактерлик) тўғри келади. Мутлақ рефрактерлик 0,27 с, нисбий – 0,03 с давом этади. Мутлақ рефрактерлик даврида ҳужайралар бутунлай қўзғалмайди; кейин нисбий рефрактерлик даври бошланади, бу даврда қўзғалувчанлик аста-секин тикланади ва юрак мушаги фақат жуда кучли қитиқловчиларга қисқариш билан жавоб бериши мумкин.

Узоқ рефрактер давр миокардни жуда тез такрорий қўзғалишдан сақлайди. Бундай қўзғалиш юракнинг қон ҳайдовчи функциясининг бузилишига олиб келган бўлар эди. Шу билан бирга рефрактерлик фаза қўзғалишининг миокард бўйича айланма ҳаракатига тўсқинлик ҳам қиласади. Акс ҳолда қисқариш ва бўшашишнинг ритмик алманиши бузилган бўлар эди. Нормада миокард ҳужайраси рефрактер даври қўзғалишининг бўлмача ва қоринчаларга тарқалиш вақтидан юқори. Шунинг учун СА – тугуни ва гетеротоп ўчоқдан чиқсан қўзғалиш тўлқини миокардни бутунлай эгаллагандан сўнг, у сўнади; бу тўлқиннинг қайтиб кириши мумкин эмас, чунки юрак рефрактер ҳолатда бўлади.

5. Юрак қўзғалиши ва реполяризациясида электр майдони юзага келади, уни тана юзасидан регистрация қилиш мумкин. Бу вақтда тана ҳар хил нукталари орасида потенциаллар фарқи содир бўлади ва у электр майдони тебраниш даражаси ва йўналишига мос ҳолда

ўзгаради. Вақтга нисбатан потенциаллар ўзгаришининг бу фарқи эгри чизиги электрокардиограмма (ЭКГ) дейилади.

ЭКГ регистрация қилинишида 12 та умумқабул қилинган уланиш кўлланилади: 6 та оёқ- кўллардан, 6 та кўкракдан. Биринчи 3 стандарт уланиш 1913 й. Эйнговен томонидан таклиф қилинган. Электронлар бунда қуйидаги тартибда жойлаштирилади:

- I уланиш: чап қўл (+) ва ўнг қўл (-);
- II уланиш: чап оёқ (+) ва ўнг қўл (-);
- III уланиш : чап оёқ (+) ва чап қўл (-).

Бу уланишлар ўқи кўкрак қафаси фронтал текислигида Эйнговен учбурчагини ташкил қиласди.

ЭКГ эгри чизигида бўлмача ва қоринчалар комплексини ажратиш мумкин. Бўлмача комплекси қўзалишнинг иккита бўлмача бўйича ҳам тарқалишини ифодаловчи Р тищасидан бошланади. Кейин унинг орқасидан PQ сегменти келади, унинг давом қилиш вақтида бўлмачаларнинг ҳамма бўлимлари қўзалиш билан қамраб олинади. Бўлмача реполяризацияси қоринчалар комплекси бошланишига тўғри келади – эгри чизикда Q тищчадан T тищчагача бўлган қисм. QRS – комплекси қўзалишнинг қоринчалар бўйича тарқалишини, T – тищчаси эса уларнинг реполяризациясини акс эттиради. ST сегменти бўлмача комплекси PQ сегменти сингари қоринчалар ҳамма бўлимларининг қўзалиш ҳолатига тўғри келади. Айрим ҳолатларда T–тищчадан кейин U–тишча аниқланиши мумкин; эҳтимол бу ўтказувчи тизим охирги тармоқлари реполяризациясидан далолат берishi мумкин.

ЭКГ тищчалари ва тищчалар орасидаги интерваллар вақти:

- P – 0,06 – 0,1"
- PQ – 0,12 – 0,18"
- QRS – 0,06 – 0, 09"
- ST – 0,32"
- TQ – 0,42"
- RR – 0,8 – 1"

24 - Машғулот

1. Қон босими (ҚБ) – қон томири ичидаги босим (артерия ичидаги – артериал, капилляр ичидаги – капилляр, вена ичидаги веноуз) – қон тизими бўйича қоннинг ҳаракатини таъминлайди ва шу орқали организм тўқималарида модда алмашинув жараёнини амалга оширади. Артериал босим (АБ) катта-кичиклиги асосан юрак қисқариш кучи, юрак ҳар бир қисқарганда отиладиган қон миқдори, томир деворлари томонидан (айниқса периферик томирлар) қон ҳаракатига кўрсатиладиган қаршилик билан аниқланади. Шунингдек АБ

га циркуляциядаги қон мікдори, унинг ёпишқоқлиги, күкрак ва қорин бүшлиғида нафас ҳаракати ўзгариши билан боғлиқ босимнинг ўзгариши ва б.қ. таъсир қилиши мүмкін.

Күпинча артериал босим аниқланади, чунки капилляр ёки веноз босимни аниқлаш техник нұқтаи назардан мураккаб ҳисобланади. АБ ни ўлчаш учун италиялик шифокор Рива – Роччи 1896 й. ишлатышга қулай аппарат тақлиф қилди. Унинг бу усули рус терапевти Н. А. Коротков томонидан 1905 й. такомиллаштирилган.

АБ чап қоринча систоласи вақтида максимал даражага етади. Бунда юракдан 60 – 70 мл қон чиқарилади. Бу мікдордаги қон дархол майдың қон томирлари (айниңса капиллярлар) орқали ўта олмайды, шунинг учун ҳам эластикли аорта чўзилади ва унда босим (систолик босим деб номланувчи босим) ошади.

Коринчалар қисқариши орасидаги пауза даврида (диастола) чўзилган ҳолатда бўлган қон томирлари деворлари (аорта ва йирик артериялар) қисқара бошлайди ва қонни капиллярларга ҳайдайди. Қон босими аста-секинлик билан пасаяди ва диастола охирига бориб минимал даражага етади. Систолик ва диастолик босим орасидаги фарқ, тўғрироғи уларнинг катталигидаги силжишлар пульс тўлқинлари сифатида қабул қилинади ва пульс босими дейилади.

2. АБ 100/70 – 139/89 мм сим. уст. атрофида нормал ҳисобланади. Аммо унинг катталиги ҳатто соғлом одамларда мутлақ стабил бўлмайди ва одам индивидуал хусусиятлари, жинс, яшаш тарзи, иш тури, касби, ижтимоий – моддий шароитлар, жуғрофий зоналарга боғлиқдир. АБ ёшга қараб ўзгариши.

БШ (йилларда)	АБ (мм сим. уст.)	
	систолик	диастолик
16 – 20	100 – 120	70 – 80
20 – 40	120 – 130	70 – 80
40 – 60	140 гача	90 гача
60 дан катта	150	80

Аммо оғир жисмоний иш билан мунтазам равишда шуғулланувчи одамларда, шунингдек спортчиларда систолик босим камайиши мүмкін ва 100 – 90, диастолик – 60 ва ҳатто 50 мм сим. уст. ташкил қилиши мүмкін. Болаларда систолик босим тахминан 80+2a формуласи билан ҳисобланиши мүмкін; a – бола ёши.

АБ кун давомида ҳаяжонланганда, кучли ақлий ва жисмоний ишда, иқлим ўзгариши таъсирида ва ҳатто тинч ҳолатда ҳам ўзгариши мүмкін. Жуда кичик АБ кечаси регистрация қилинади, у эрта билан кўтарилади, соат 8 да бир мунча камаяди, кечга бориб (соат

17 кейин) яна күтарилади. Соғлом одамда АБ бундай силжинлари 3 – 5 – 10 – мм сим. уст. ташкил қиласы.

ЖССТ экспертиларининг тавсиясига биноан АБ күрсаткичлари 160 мм сим. уст. (максимал) ва 95 мм сим. уст.дан (минимал) ортиқ-роқ бўлса, у күтарилиган деб ҳисоблаш мумкин. АБ 140/90 – 159/94 атрофида даврий күтарилидиган шахслар хавфли (ёки чегара гипертонияси) гурухга киритилади,

3. Ҳозирги замон тушунчага асосан томирлар тонуси иккита асосий: базал ва вазомотор компонентлардан иборат.

Томир тонуси базал компоненти томир тузилиши хусусиятлари (коллаген толалардан ташкил топган қаттиқ томир сумкаси халтачаси) ва қоннинг кенгайтиришига жавобан юзага келадиган томир девори қисқарадиган қисмининг миоген омили билан аниқланади. У мушак тўқимаси ионлар алмашинуви, жумладан катионлар алмашинуви – ўзгаришлари билан боғлиқ.

Томир тонусининг вазомотор компоненти томир торайтирувчи симпатик иннервацияга боғлиқ ва катехоламинларнинг адренэргик эффекти билан аниқланувчи томир девори қисқарувчи қисмини ўз ичига олади.

4. Симпатик асаб толалари тери ва қорин бўшлиғи аъзолари томирларини торайтиради, чунки кўпчилик артериолалар ҳалқасимон мушакларнинг тоник қисқаришини кучайтирувчи импульслар ўтказади (аммо, асосан юрак ва скелет мушаклари томирларини қисқартиради). Булар вазоконстрикторлардир. Томир торайтирувчи асабларнинг медиатори томир мушакларини ҳамма вақт қисқартирувчи норадреналин ҳисобланади. Вазодилататорлар томирларни кенгайтиради. Уларга медиатори ацетилхолин ҳисобланадиган парасимпатик асаб тизими ва аралаш асаблар, аксон – рефлекс киради.

5. Томирларни ҳаракатлантирувчи марказ – қон томирларига таъсир кўрсатувчи МАТ нинг орқа миядан бошлаб то пўстлоқ қатта ярим шарларигача бўлган тузилмалар йигиндисини ўз ичига олади. Узунчоқ мия томир ҳаракатлантирувчи асосий бульбар маркази IV қоринча тубида жойлашган, аммо у ҳам МАТ юқори қисмлари, асосан мия пўстлоғи таъсирни остида бўлади. Мия пўстлоғи кўп қисмларининг қитиқланиши юрак-томир тизими (ЮТТ) томонидан реакциялар ривожланиши билан кечади. Кўпроқ даражада қон айланышга иккى соҳада мужассамлашган пўстлоқ қисмлари таъсир кўрсатади: 1) неокортексда – яримшарлар ташки қозасида, асосан мотор ва премотор зонада; 2) палеокортекс – асосан яримшарлар медиал юзаси соҳаси ва унинг пешона ва тепа қисмлари.

Неокортекс соҳа қитиқланганда устуворлик билан, одатда юрак ритмининг тезлашиши билан бирга кечадиган прессор реакциялар ҳосил бўлади. Палеокортекс соҳанинг қитиқланиши ҳар хил реак-

цияларга олиб келади. Белбоғ пуштасининг олдинги бўлимлари стимуляцияси асосан депрессор эффектга олиб келади, чакка пўстлож оролчаси орбитал соҳаси яқинида жойлашган нуқталарга таъсир қилиш ҳам прессор, ҳам депрессор реакциялар билан кечиши мумкин.

Томир ҳаракатлантирувчи марказда ҳосил бўлувчи импульслар, САТ орқали артериолалар ва веналар тонусини ошириши, юрак қисқаришини кучайтириши ва тезлаштириши, АБ ни жуда юқори даражада ушлаб туриши мумкин. Томир ҳаракатлантирувчи марказнинг фаоллиги гипоталамус пўстлог ости марказлари, ретикуляр формация ва мия лимбик тизими томонидан регуляция қилинади. Ретикуляр формация ҳужайралари ташқи таъсир ва ички аъзолардан кўп миқдорда қитиқланишларни қабул қиласди. Улардан импульслар бош мия пўстлоги ҳамма бўлимларига узатилади, унинг тонусини ва бош мия бошқа бўлимларининг қўзгалувчанигини сақлайди.

6. ЮТТ фаолиятининг асаб регуляцияси, АБ нинг маълум даражада ушлаб турилиши эндокрин тизим функцияси билан боғлиқ. Миянинг бир қисми ҳисобланган гипофиз бошқа ички секреция безлар фаолиятига таъсир кўрсатади, улар томонидан гормонлар ажралишини стимуллайди ёки тормозлайди. Ундан ташқари гипофиз вазопрессин ажратади, у томирлар спазмини чақиради ва буйракка таъсир қилиб, организмда сув сақланишини кучайтиради.

Калқонсимон без йод ушловчи гормон — тироксин ажратади; унинг миқдори кўпайса АБ ошади, пасайганда — камаяди. Меъда ости бези ишлаб чиқардиган инсулин миқдори камайганда ва қандли диабет келиб чиққанда томирларда, жумладан юрак, мия, буйракда тезроқ ва илгарироқ атеросклеротик үзгаришлар ривожланади ва бу АБ кўтарилишига олиб келади. Бундан ташқари меъда ости безида майда томирларни кенгайтирувчи, аъзоларни қон билан таъминланишини яхшиловчи, кинилар ҳосил бўлишига таъсир кўрсатувчи ва АБ ни бироз камайтирувчи ферментлар — кининогенинлар ҳосил бўлади. Жинсий безлар гормонлари ҳам ЮТТ фаолиятини регуляция қилишида иштироқ қиласди. Уларнинг фаолияти пасайганда, масалан климакс даврида, АБ тезроқ ва енгил равишда ошади.

АБ нормал даражада сақланишида буйрак усти бези ниҳоятда муҳим аҳамиятга эга, унинг магиз қатламида АБ нинг кўтарилишини чақиравчи адреналин ва норадреналин гормонлари ишлаб чиқарилади. Адреналин юрак α — адренорецепторлари қўзғалишини чақиради ва юрак қисқаришининг тезлашишига олиб келади, норадреналин томирлар β — адренорецепторларига таъсир қиласди, майда артериолалар торайишини чақиради. Буйрак усти бези магиз қатлами функцияси МАТ билан чамбарчас боғланган ва САТ орқали регуляция қилинади.

АБ сақланишида буйрак усти бези пўстлоги ташқи қатлами гормони — альдостерон жуда катта аҳамиятга эга. Унинг таъсири сув

электролит (минерал) алмашинувига таъсир қилиши билан боғлиқ, шунинг учун ҳам у минералкортекоидларга киради. Альдостерон АБ нинг ошишига икки йўл билан олиб келади. Биринчидан буйрак каналчаларига таъсир қиласи, Na ва сувнинг сийдик билан ажралишини камайтиради ва организмда ушланиб қолишини қучайтиради, бу механизм орқали циркуляциядаги камайган қон ҳажми (ЦКХ) тикланади, томир ўзани тўлдирилади ва АБ кўтарилади. Иккинчидан ҳужайралар, жумладан томир силлиқ мушаклари ҳужайралари ичида Na миқдори кўпайди. Бу вақтда томир деворида сув ҳам сақланади; майда томирлар девори қалинлашади, уларнинг тешиги тораяди, қон оқимига умумий периферик қаршилик ошади ва бу АБ ошишига муҳим омил бўлади.

Кўп сонли клиник кузатишлар, сўнг ҳайвонларда тажрибалар ўтказиш натижасида АБ ошиши ва буйрак шикастланиши орасида чамбарчас боғлиқлик аниқланган. Буйрак томонидан АБ регуляция қилиниши учта асосий механизм орқали амалга оширилади.

1. На ва сувнинг организмда кучли чиқарилиши ва ушлаб қолиниши.
2. Буйракнинг қон билан таъминланиши камайган ҳолларда (масалан, уларнинг томири спазмга учраган, ёки торайганди, қон йўқотганди АБ пасайиши) маҳсус ҳужайралар алоҳида модда – ренин ажратади, у қонда ангиотензинга айланади ва томирларни жуда кучли торайтирувчи ва АБ кўтарилишига олиб келувчи модда ҳисобланади.
3. Буйрак томирларни кенгайтирувчи ва АБ ни пасайтирувчи модда ишлаб чиқаради. Ҳатто буйракни озиқлантирувчи битта артериянинг торайиши АБ нинг ўртача кўтарилишига олиб келади. Агар бунда иккинчи (шикастламаган) буйракни ҳам олиб ташланса АБ жиддий кўтарилади. АБ нинг иккита буйрак олиб ташланишида кўтарилиши (реноприв гипертония) уларнинг магиз қатламининг ҳам олиб ташланиши ва бу қатлам ишлаб чиқарадиган модданинг йўқлиги билан тушунтирилади. Бу модданинг простогландинлар (ПГ) қаторига кириши аниқланган. ПГ томирларни кенгайтиради ва АБ ни камайтиради, томир торайтирувчи таъсирига (масалан ангиотензин ва норадреналин) қаршилик кўрсатади, антиагрегацион фаолликка эга, яъни тромбоцитларнинг бир-бирига ёпишиши ва тромб ҳосил бўлишига мойиллигини камайтиради, атеросклероз ривожланишининг олдини олади: бундан ташқари улар буйрак томирларини кенгайтиради, томирлар томонидан сув ва Na ажралишини оширади. Шундай қилиб, ПГ таъсири ренин – ангиотензин – альдостерон тизими таъсирига қарама - қаршидир.

Биологик фаол моддалар – кининлар тўқималарда, шу жумладан буйракда ҳосил бўлади. Бу моддаларнинг энг кичик дозасини қонга юборганда томирлар кенгаяди ва АБ пасаяди. Бу моддалар нофаол оқсил моддалардан (кининогенлар) маҳсус кининогеназа ферменти

таъсирида ҳосил бўлади. Кинин ўтмишдошлари жигар, буйрак, ўпка ва бошқа аъзоларда ҳосил бўлади.

АБ ни баландлигининг аниқланишида сув-электролит бузилишлари катта аҳамиятта эга. АБ юқорилигининг сақланишида Na^+ тузлари муҳим роль ўйнайди. Na^+ - хужайра ташқарисидаги асосий ион у осмотик босим баландлигини қон ва хужайра ташқарисидаги суюқлик ҳажмини аниқлайди. Томирлар спазмидаги ионлар насосларининг озиқланиши ва фаоллиги бузилади, силлиқ мушаклар хужайраларида Na миқдори ошади, бу сув сақланишига ва томир деворининг қалинлашишига олиб келади. Бу нафақат уларнинг тешигини кичрайтиради, балки суст томир торайтирувчи таъсиротларга сезгирликни ҳам оширади.

Гипертония шаклланишида Na^+ дан ташқари хужайра ичи Ca^{++} миқдорини ошиши ҳам муҳим аҳамиятга эга. Унинг хужайралардан чиқарилиши ҳам хужайра мембранны (ташқи пўстлоқ) ион насослари ёрдамида амалга оширилади. Гипертонияда уларнинг функцияси бузилади ва хужайраларда ортиқча Ca^{++} тўпланади. Бу томир силлиқ мушаклари тонусини кучайтиради ва уларнинг торайишига олиб келади. Томирлар торайиши яна шу билан чукурлашади, Ca^{++} миқдорининг кўпайиши симпатик асад охирларида томир торайтирувчи гормон норадреналиннинг кўп ажралшини чақиради.

7. АБ нинг стабиллиги қандай мураккаб тизимлар билан таъминланиши юқорида айтилганлардан кўриниб турибди.

АБ доимийлиги юрак қисқариш кучи ва чап қоринчадан систола вақтида (системик ҳажм) аортага отиладиган қон миқдорига, ҳамда майда артерия ва капиллярлар девори тонуси ўзгаришига, йирик томирлар эластиклик ҳолатига ва б.к. боғлиқ.

АБ нинг нисбий доимийлигига юқорида кўриб чиқилган ҳамма омиллар: нейро – эндокрин регуляция, электролит алмашинуви ва б.к. таъсир кўрсатади. Шу билан бирга инсоннинг бутун ҳёти давомида ўз-ўзини нозик регуляция қилиниши таъминланади. Ва нафақат кўпол, кучли қитиқловчилар бу гомеостазни бузиш имкониятига эга. Улар қаторига кўпгина зарарли омиллар:— чекиш, алкоголнi кўп истеъмол қилиш, атроф-мухитнинг ифлосланиши ва б.к. киради.

8. Ҳаётий муҳим аъзолар – юрак, ўпка, мия ўзига хос қон айланishiшига эга.

Ўпка қон билан иккита қон айланиш доирасидан ҳам таъминланади. Кичик доира ўпка артерияси орқали ўпка алвеоласи капилляларига ўпкадан газлар алмашинуви учун веноз қон етказади, катта доира – бронхиал артериялар орқали ўпка тўқималарининг озиқланиши учун артериал қон етказади, аммо қон ҳажми бу ерда катта бўлмайди (КДХ 1–2%). Кичик қон айланishi капиллярлари тўри 140 m^2 юзага эга. Қон оқимига қаршилик бу ерда катта доираларга

нисбатан 10 баравар кам. САТ ва адреналин томирларни торайтиради: ацетилхолин – кенгайтиради. Рефлектор таъсирот катта доирадан кичигига, ва аксинча бўлиши мумкин. Бундай қоннинг қайта тақсимланиши АБ бараварлашишига олиб келади, ўпкани ортиқча қонга тўлишига (яъни шиш ҳосил бўлишига) қаршилик қилади.

Мияда қон оқими тезлиги ўртача 750 мл дақиқага тенг. Бу кўрсаткич юракдан отиладиган умумий қоннинг 10 – 13% ни ташкил қилади. Нейронларга бой кулранг мoddанинг қон билан таъминланиши оқ моддага нисбатан юқори. Бош мия нейронларининг ҳаддан ташқари интенсив қўзғалишида мияда қон оқими 50% га кўпайиши мумкин. Бош мия фаоллигининг кучайишида унинг айрим соҳаларида қон оқимининг ошиши ҳам мумкин.

25 - Машгулот

1. Нафас – организмга керакли миқдорда кислород етказиб бериш ва карбонад ангидриди газининг чиқарилишини таъминловчи жараёнлар мажмуудир. Нафас оксидланиш-қайталаниш метаболизмини: ташқаридан О₂, кириши, унинг ҳужайраларда утилизация қилиниши, CO₂ ҳосил бўлиши ва унинг организмдан чиқариб ташланишини таъминлайди.

2. Ташқи нафас – ташқи атмосфера ҳавоси ва ўпка, ўпка ва қон орасида газлар алмашинувидир. Ташқи нафас учта жараённи ўз ичида олади: а) вентиляция – ташқи мұхит ва альвеолалар орасида газ алмашинуви; б) диффузия – альвеолалар ва қон орасида альвеоло – капилляр мембрана орқали газ алмашинуви ва в) перфузия – ўпкан қон оқиши.

3. Ички нафас – қон ва тўқималар орасида газ алмашинуви ва аслида тўқима нафаси – тўқималарнинг ўзида, ҳужайра митохондрияларида оксидланиш жараёнларидир. Биологик оксидланишнинг ҳужайра ичи жараёнлари кўп сонли ферментлар ёрдамида, энергетик маҳсулотлар, гормонлар ва бошқа регуляторлар иштироқида амалга оширилади.

4. Нафас маркази – узинчоқ мияда, ретекуляр формацияда жойлашган бир неча нейронлар гурухлари йиғиндиси; 1885 й. Н. А. Миславский томонидан кашф қилинган. Нафас регуляциясида бош мия пўстлоғи (бу ерда ихтиёрий нафас олиш ва чиқариш марказлари жойлашган), пўстлоқ ости тугунлари – кўриш дўмбоқчаси, тўртта тепалик ҳамда диафрагма ва нафас мушакларини регуляция қилувчи орқа мия иштирок қилади. Узинчоқ мия нафас марказида инспиратор ва экспиратор нейронлар – нафас олиш ва чиқариш маркази мавжуд. Нафас олиш ва чиқаришнинг ритмик кетма-кетлиги бир-бирига ўзаро тормозловчи таъсир кўрсатувчи инспиратор ва экспи-

ратор нейронларнинг галма-гал электр хусусиятининг йўқолиши билан боғлиқ. Варолиев кўпrik соҳасида пневмотаксик марказ бўлиб, у нафас актини тўхтатади яъни нафасни нафас чиқаришга алмаштирувчи марказ ҳисобланади.

5. Нафас олишнинг нафас чиқариш билан алманиниши Геринг – Брейер (1868) рефлекси бўйича табиий равишда амалга оширилади. Бу рефлекс нафаснинг ўз-ўзини регуляция қилиш асосида ётади: нафас олганда ўпканинг чўзилиши рўй беради, ўпка альвеолаларида, ҳамда қовурғалар орасидаги мушаклар ва диафрагмада жойлашган механорецепторлар қўзгалади. У ердан асаб импульслари адашган асаб толалари орқали узунчоқ миядаги нафас марказига ётиб боради ва нафас олишнинг тўхташини ва нафас чиқаришнинг юзага келишини чақиради. Механорецепторлардан импульсларнинг тўхташи нафас олишни яна стимуллайди. Нафас олиш нафас чиқаришни, нафас чиқариш эса манфий тескари алоқа принципи асосида нафас олишни чақиради.

6. Нафас маркази фаоллиги: 1) гуморал яъни унда ўтувчи қон ва тўқима суюклити таркиби билан ва 2) рефлектор, нафас ва юрак – томир ва б. қ. тизимлар, ҳамда МАТ олий қисмлари рецепторларидан келадиган импульсларга жавобан регуляция қилинади. Қонда карбонат ангидрид гази ва H^+ ионларнинг йигилиши қоннинг pH ни оширади, бу тўғридан-тўғри нафас марказини қитиқлайди ва нафас кучайишини чақиради. Каротид синус ва аорта ёйи соҳасида рефлексоген зоналар мавжуд бўлиб, у ерда қоннинг кимёний таркиби ва артериал босим ўзгаришини қабул қилувчи хемо – ва барорецепторлар бор. Ҳатто қонда кислороднинг арзимаган озгина камайиши ва карбонат ангидрил газининг кўпайишини хеморецепторлар томонидан қабул қилиниши нафаснинг рефлектор тезлашишини чақиради. Каротид синуси соҳасида артериал босимнинг ошиши ўпка вентиляциясини камайтиради.

7. Ўпка ҳажмлари: 1) нафас ҳажми – (NX) = 0,5 л – тинч нафас олишда ўпкага кираадиган ва тинч нафас чиқаришда ўпкадан чиқариб ташланадиган ҳаво миқдори; 2) нафас олишнинг резерв ҳажми – (нафас олиш RX) = 1,5 л – тинч нафас олишдан кейин ўпкага кўшимча тортиладиган ҳаво; 3) нафас чиқаришнинг резерв ҳажми (нафас чиқариш RX) = 1,5 л – тинч ҳолатда нафас чиқаргандан кейин кўшимча чиқариладиган ҳаво; 4) қолдиқ ҳажм – 1,2 л – максимал нафас чиқаришдан кейин ўпкада қоладиган ҳаво.

8. Ўпка сифимлари: 1) ўпканинг ҳаётий сифими – ЎХС ($NX +$ нафас олиш $RX +$ нафас чиқариш RX йигиндиси) = 2900 – 5300 мл; 2) ўпканинг нафас сифими – ЎНС ($NX +$ нафас олиш RX) = 1700 – 3300 мл; 3) ўпканинг функционал қолдиқ сифими – ЎФКС (нафас чиқариш $RX + KX$) = 2200 – 3600 мл; 4) ўпканинг умумий

СИГИМИ (ўпканинг умумий сигимларининг йигиндиси) – ЎУС = 3900 – 7000 мл.

9. Катталарда 1 дақ. нафас сони – 16 – 18; чақалоқларда – 40 – 60, бир ёшдагиларда – 30 – 35, беш ёшдагиларда – 25, ўн ёшдагиларда – 20.

10. Альвеоло – капилляр мембрана икки қават ҳужайралардан: альвеоляр эпителий ва қон капиллярлари эндотелийсидан иборат. У орқали ўпкага молекуляр кислород ва карбонат ангириди гази дифузияланади. Нормада альвеоло – капилляр мембрана қалинлиги 0,4 – 1,5 мкм тенг.

11. Сурфактант – бу альвеоляр эпителий ҳужайралари синтезлайдиган ва юпқа парда шаклида унинг юзасини қопладиган модда. У юза тарапнглигининг камайишини таъминлайди ва шу билан бирга альвеоляларни пучайиб қолишига қаршилик кўрсатади.

12. Атмосфера ҳавосининг газ таркиби: O_2 – 21%, CO_2 – 0,03%; альвеоляр ҳавонинг газ таркиби: O_2 – 14%, CO_2 – 5,6%; нафас чиқаргандаги ҳавонинг газ таркиби: O_2 – 16,3%; CO_2 – 4,0%.

26 - Машғулот

1. Жигар энг катта овқат ҳазм қилувчи без ҳисобланади (унинг оғирлиги таҳминан 1,5 кг). Уни шунингдек организм лабораторияси деб ҳам атashади, чунки у жуда кўп функцияларни бажаради.

1) модда алмашинувининг ҳамма турларида (оқсил, карбонсувлар, ёғ, пигмент, минерал, сув ва б.к.) иштирок этади;

2) баръер (дезинтоксикациялаш) функциясини бажаради (заҳарли моддаларни зарарсизлантиради);

3) ўт ишлаб чиқаради;

4) қон ивишида иштирок этади (протромбин, фибриноген, гепарин синтезланади).

5) гликоген синтезлайди;

6) сидикчил ҳосил қилиш функцияси;

7) оқсил ҳосил қилиш функцияси;

8) циркуляциядаги қон миқдорини регуляция қилишда иштирок этади (қон депоси);

9) вит. B_{12} ва бошқа витаминалар ва микроэлементлар депоси;

10) ҳомилада қон ишлаб чиқаради.

2. Жигарнинг асосий ҳужайра элементи балка (тўсин) шаклида жойлашган, марказдан периферияга радиал борадиган жигар ҳужайралари ёки гепатоцитлар ҳисобланади. Гепатоцитлар ўзларининг кўп сонли функцияларини маҳсус киритмаларнинг кўплиги ва ҳужайра мембранаси айрим қисмларининг ихтисослашганлиги туфайли бажаради. Гепатоцитларда икки қутб фарқ қилинади. Биринчисида ҳар

хил моддалар, модда алмашынув маҳсулотлари шимилади, иккинчиши орқали ўт ва бошқа моддалар ажралиши таъминланади. Жигар бўлакчалари таркибига arterия ва веналардан бошланувчи қон томирлари ҳам киради. Жигарда қон айланиш тизими ноёбдир: жигар arterиялари орқали артериал қон, дарвоза венаси орқали – вена қони оқади, жигардан чиқадиган вена қони эса пастки ковак венага куйилади.

3. Жигарнинг баръер функцияси овқатлар билан кирувчи ёки ичакда унинг микрофлоралари фаолияти ҳисобига ҳосил бўлувчи ва жигарга портал тизим орқали олиб келинувчи заҳарли моддаларни зарарсизлантиришдан иборат. Унинг ҳимоя функцияси токсик ва инфекцион агентларни зарарсизлантиришни ўз ичига олади. Кимёвий моддалар уларнинг кимёвий ўзгариши (кўпинча кўпгина моддаларнинг, шу жумладан этанол, толуол, анилин, нафталин, фенобарбитал ва б.к. оксидланиши ҳисобига) натижасида зарарсизлантирилади. Инфекцион агентлар асосан уларнинг фагоцитоз қилиниши – лизисга учраши натижасида инактивланади; кўпгина моддалар – уларнинг конъюгация қилиниши ёрдамида (кўпинча глюкурон, сирка ва сульфат кислоталари, глицин, таурин билан) зарарсизлантирилади.

4. Жигар карбонсувлар алмашынуvida фаол иштирок этади, унда гликогенез, гликогенолиз ва гликонеогенез жараёнлари кечади, алмашынувга глюкоза, галактоза ва фруктозалар жалб қилинади, глюкурон кислота ҳосил бўлади. Жигарда ўртача 90–100 г гликоген бўлади, у жигар оғирлигининг 2–5% ни ташкил қиласи. Глюкозадан гликоген ҳосил бўлиши унинг полимеризацияланиши билан боғлиқ. Гликоген гепатоцитларда заҳира сифатида сақланади ва организм зўриқиши сезганда ва катта энергия талаб қилганда глюкозага айланаб қонга тушади.

5. Жигарнинг оқсил алмашынуvida иштироки ниҳоятда катта. Унда қон плазмаси оқсиллари синтезланади (фибриногеннинг ҳаммаси, альбуминнинг 96%, глобулинларнинг 85%), аминокислоталарнинг дезаминланиши ва қайта аминланиши, сийдикчил, глутамин, креатин ҳосил бўлиши рўй беради. Жигарда кўпгина оқсил табиатли физиологик мұҳим моддалар, шу жумладан қон ивиши ва ивишига қарши тизим омиллари: протромбин комплекси омиллари (II, VII, IX, X), фибриноген, ивиш омиллари (V, XI, XII, XIII), антитромбин, антиплазмин синтезланади.

6. Жигарда учгицеридлар, фосфолипидлар, ўт кислоталари, холестериннинг кўп қисми синтезланади, ацетон таначалари, липопротеидлар ҳосил бўлади, учгицеридлар оксидланади. Унда кечадиган ўт ҳосил бўлиш жараёни липидлар алмашынуvida жуда катта аҳамиятга эга, чунки липидларнинг ичакда гидролизланиши ва шимилиши у билан боғлиқ.

7. Ўт пуфаги юпқа ноксимон тузилма (қоп) бўлиб, унинг деворининг қалинилиги 1,5 – 2,0 мм атрофида, сифими 50–80 мл ташкил қиласди.

Овқатнинг ташки кўриниши, ҳиди, уни қабул қилишга тайёрланиш ва қабул қилиниши турли хил одамларда ўт ажралиш тизими фаолиятининг етарли даражада мураккаб ва ҳар доим ҳам бир хил бўлмаган ўзгаришини чақиради. Ўт пуфаги ҳар хил латент даврдан кейин олдин бўшашиди, кейин қисқаради. Ўтнинг камроқ қисми Одди сфинктери орқали 12 бармоқ ичакка чиқади. Ўт ажратиш аппаратининг бу бирламчи реакция даври 7–10 дақ. давом этади. Кейин асосий эвакуатор давр (ёки ўт пуфагининг бўшаш даври) бошланади, бу вақтда ўт пуфагининг қисқариши унинг бўшашиши билан алмашинади ва очик Одди сфинктери орқали 12 бармоқ ичакка олдин пуфак ўти, кейин эса жигар ўти чиқади.

Латент ва эвакуатор даврларнинг давомлиги, ажратиладиган ўт миқдори қабул қилинадиган овқат турига боғлиқ. ўт ажратилишининг кучли қўзғатувчилари – тухум сарифи, сут, гўшт ва ёллар ҳисобланади. Нон ўт пуфагининг суст қисқаришини ва кам ҳажмда ўт ажралшини чақиради. Бу асосий давр 3–6 соат давом этади, кейин ўт ажралшининг камайиши, ўт пуфаги қисқариш фаолиятининг пасайиши кузатилади ва унда жигар ўти деполанишга бошлади.

8. Ўт гепатоцитлар томонидан ўт каналчаларига ажралади, каналчалар гепатоцитлар ёки балкалар орасидаги тешиклар тизимидан иборат. Улардан бўлакчалар ичи ёки бўлакчалараро ўт йўллари орқали v.рота тармоқлари билан бирга кечадиган йирикроқ ўт томирларига тушади. Кейинчалик ўт томирлари бора-бора кўшилади ва жигар дарвозаси соҳасида жигар найчасини ҳосил қиласди. Ундан ўт пуфак найчаси орқали ёки ўт пуфагига ёки умумий ўт найчасига тусиши мумкин. Умумий ўт найчаси 12 бармоқ ичакка дуоденал бўртма соҳасида очилади (олдин у одатда панкреатик найча билан бирлашади). Умумий ўт найчаси бошланадиган жойда Одди сфинктери жойлашган.

9. Ўт жигар томонидан доимо ишлаб чиқарилади. Унинг бир кундаги секрецияси 0,5 – 1,0 л ташкил қиласди. Ўт сариқ рангли суюқлиқ бўлиб, қон плазмасига нисбатан деярли изотоник; унинг pH 7,8 – 8,6, солиштирма оғирлиги 1009 – 1013. Овқат ҳазм қилинишидан ташқари Одди сфинктери бекилган ҳолатда бўлганлиги учун ўт-ўт пуфагида йигилади ва концентранади. Овқат ҳазм қилиш вақтида Одди сфинктери очилади ва ўт 12 бармоқ ичакка тушади. Ўтнинг энг асосий компонентлари – ўт кислота тузлари, билирубин, холестерин, ўт кислоталари ва лецитин ҳисобланади. Ўт таркиби пуфакда сақланиш вақтида ўзгариади. Айрим моддаларнинг миқдори 5–10 марта кўпайиши мумкин (9-жадвал). Ана шундай концентрациялаш хусу-

сияти туфайли, 50—80 мл ҳажмга эга бўлган одам ўт пуфаги, 12 соат давомида ҳосил бўладиган ўтни сифдириши мумкин.

Пуфак ўти унинг девори орқали сув шимилиши натижасида қуюқ ва қорамтири тусга киради. Унинг солиштирма оғирлиги 1026 — 1043, pH — 6,8, 12 бармоқ ичакка тушувчи ўт микдори ва сифати озиқовқат хусусиятига боғлиқ.

10. Ўт пигментларига билирубин, биливердин, уробилиногенлар киради. Бу моддаларнинг ҳаммаси гемоглобин (Hb) парчаланиш маҳсулотлари ҳисобланади.

Билирубин ҳосил бўлиши РЭС ҳужайраларида (шу жумладан жигар купферов ҳужайраларида ҳам) эритроцитлар гемолизидан бошланади. Ҳар бир кечакундузда циркуляциядаги эритроцитлар умумий микдоридан 1% гемолизланади. Бунда 6—7 г Hb парчаланади, ундан 200—250 мг билирубин ҳосил бўлади.

Hb ўзгариш босқичлари:

- 1) гаптоглобин — гемоглобин комплекси;
- 2) вердоглобин (яшил рангли бўлганлиги учун шундай ном олган);
- 3) биливердин;
- 4) билирубин (сарғиши-қизил рангли пигмент, bilis — ўт + rubet — қизил).

Бу билирубин нормада қонда циркуляция қиласи (шунинг учун ҳам гемо- билирубин ёки билвосита билирубин деб айтиласи) ва амалий жиҳатдан суюқ муҳитларда эримайди. Унинг ташилиши учун оқсил — ташувчилар, асосан плазма альбуминлари талаб қилинади.

Жигар ва пуфак ўти асосий компонентларининг микдори (Шлыгин Г. К., 1967. бўйича)

9-жадвал

Компонентлари	Жигар ўти	Пуфак ўти
Сув г/л	974	86,65
Қуруқ чўкинди, г/л:	26	133,5
ўт кислота тузлари	10,3	91,4
ёғ кислоталари ва липидлар	1,4	3,2
пигментлар ва музин	5,3	9,8
холестерин	0,6	2,6
ноорганик тузлар	8,4	6,5
Ионлар, ммоль/л:		
Na ⁺	145	130
K ⁺	5	9
Ca ⁺⁺	2,5	6
Cl ⁻	100	75
HCO ³⁻	28	10

Билвосита ва бевосита билирубинн кусусиятлари

Билвосита билирубинн Бевосита билирубинн


- | | |
|---|---|
| 1. Эрлих диазореактиви (диазотирланган сульфасалицил кислота) билан фақат спирт ёки кофеин иштирокида реакция беради. | Эрлих диазореактиви билан бевосита реакция беради |
| 2. Нормада қон зардобида миқдори 0,25—0,5 мг% (0,025—0,005 г/л) дан ошмайди. | Фақат ўтда бўлади. |
| 3. Сийикда пайдо бўлмайди. | Сийикда пайдо бўлади. |
| 4. Ёғларда эрийди. | Сувда эрийди. |
| 5. Глюкурон кислота билан бирикмаган. | Глюкурон кислота билан бириккан. |

Билирубиннинг кейинги ўзгаришлари гепатоцитларда кечади. Бу бирин-кетин келадиган учта жараён: 1) билирубиннинг жигар ҳужай-ралари томонидан ушланиши; 2) эркин билирубиннинг глюкурон кислота билан конъюгацияси (боғланиши); 3) конъюгатларнинг ўт каналчаларига экскрецияси. Билирубиннинг ушланиши гепатоцитлар синусоидал қутби мемранасида дастлабки бўлиб ўтган альбумин – билирубин комплекси диссоциациясидан кейин амалта оширилади. Конъюгация жараёнида билирубин молекуласи икки молекула глюкурон кислотаси билан бирикади ва билирубинглюкуронид мураккаб эфири ҳосил бўлади (у, шунингдек бириккан ҳам дейилади, чунки глюкурон кислота билан боғланган). Бу фермент боғлиқ реакция глюкуронилтрансфераза томонидан катализланади. Эркин билирубиндан фарқли равишда билирубинглюкуронид сувда эрийди ва бу уни ўт капиллярларига экскрециясини таъминлайди. Эркин билирубин ўтга деярли тушмайди, уни (холебилирубинни) ўтга экскрецияси гепатоцитлар билиар мемранаси орқали бажарилади. Бу фаол секретор жараён бўлиб, ўтда билирубин концентрациясининг плазмага нисбатан анча юқори бўлишини таъминлайди.

Ўт билан бирга билирубинглюкуронид ичакка тушиб ичак микрофлораси дегидрогеназалари таъсирида уробилиногенга (мезобилиноген) ва стеркобилиногенга айланади.

Ингичка ичакда уробилиноген билирубиндан фарқли равишда қисман шимилади ва v. porto тизими орқали жигарга тушади, у ерда дипиролларгача трансформацияланади ёки ўтга яна реэкстракцияланади. Уробилиногеннинг бундай ичак-жигар циркуляцияси пигмент алмашинувининг нормал механизми бўлиб, унинг умумий қон оқимига тушишига қаршилик кўрсатади.

Кейинги вақтларгача клиник амалиётда нотўғри уробилиноген деб айтилаётган стеркобилиногенни (бир кеча - кундузда одам 300



17-расм. Үт пигментлари ҳосил бўлиши ва ажралиши схемаси

мг гача стеркобилиноген ажратади) бир қисми геморроидал вена тўрига шимилади ва сийдик билан ажралади (Березев Т. Т., Коровкин Б.Ф., 1983). Унинг қолган қисми ахлат билан стеркобилин шаклида ажралади ва ахлатнинг асосий пигменти ҳисобланади (16-расм).

Билирубин қон зардобида Ван ден Берг реакцияси билан Эрлих диазореактиви ёрдамида аниқланади. I - дақиқа ичидагизил ёки оч қизил ранг пайдо бўлиши (бевосита реакция) бевосита билирубин яъни оқсилсиз билирубин бўлишидан далолат беради. Агар шундай ранг фақат оқсилни чўқтирувчи спирт (ёки кофеин) кўшилгандан кейин пайдо бўлса (бильвосита реакция), у билвосита яъни оқсил билан бириккан билирубин бўлишидан дарак беради.

Конда билирубин конъюгатларининг минимал (бўсаға) миқдори ўртача 34 мкмоль/л ташкил қиласи, улар сийдикда аниқланишга бошлади (10-жадвал).

Билирубин алмашинуви кўрсаткичлари

10-жадвал

Кўрсаткичлар	Текникариз усуллари	Нормал ҳолатда ўзгарувчаник чегаралари
Кон зардобида билирубиннинг умумий миқдори: боғланган фракция миқдори	Ендравешк диазо усули	(0,0025 – 0,005 г/л) 8,5 – 20,5 мкмоль/л (0,0006 – 0,0012 г/л) 2,1 – 5,1 мкмоль/л

Билирубин кўрсаткичи (богланган фракциянинг билирубин умумий миқдорига нисбати) Сийдикнинг билирубинга реакцияси Сийдикнинг уробилинга реакцияси Ахлатнинг стеркобилинга реакцияси	Розин, Фуше синамаси Эрлих реактиви билан синама Худди шундай	(0,0019–0,0038 г/л) 6,4–15,4 мкмоль/л 25% гача Манфий Манфий Мусбат
---	---	--

11. Жигар боланинг она қорнида ривожланиши давридаёқ қон ишлаб чиқарувчи аъзо ҳисобланади. У эмбрион ривожланишининг 6 ҳафтасидан кейин гемопоззга киришга бошлайди ва бу жараён эмбрион 5 ойлик вақтида ўз максимумига етади. Бу даврда яққол равишда эритропозз, камроқ даражада лейко - ва тромбоцитопозз намоён бўлади. Мегалобластлар аста - секинлик билан эритробластлар билан алмашади. Эмбрионал ҳаётнинг 3 – 4 ойларида гемопоззга талоқ ҳам киришади. У қон ишлаб чиқарувчи аъзо сифатида ривожланишининг 5- ойидан 7-ойигача жуда фаол иштирок қиласади.

Бола туғилиши билан жигарда қон ишлаб чиқарилиши тўхтайди.

27 - Машгулот

1. Очлик организмнинг бир оз вақт ичидаги қабул қилинмаган овқат моддаларига талабининг ифодаси. Очликнинг субъектив намоён бўлиши ёқимсиз сезгилари: «ачишиш», кўкракнинг «симиллаб» оғриши, кўнгил айниши, айрим ҳолларда бош айланиши, бош оғриши, умумий заифлик ва б.к. лардан иборат.

Очликнинг ташки кўриниши овқат излаш, очликни чақиравчи сабабларни йўқотиш ҳаракат реакциясидан иборат. Шундай қилиб, очлик ҳолати овқат излашга, уни қабул қилишга ундейди, тўйиш эса бу ҳолатни йўқотади. Очлик сезгиси гипоталамус вентролатерал ядроларининг қўзғалиши, тўйиш сезгиси эса – унинг вентромедиал ядроларининг қўзғалиши билан тушунтирилади.

2. Овқат ҳазм қилиниши – мураккаб физиологик жараён бўлиб, унда овқат ҳазм қилувчи трактга тушувчи овқат механик ва кимёвий ўзгаришларга учрайди, овқатдаги озиқа моддалари эса деполимеризациялангандан кейин қон ва лимфага шимилади.

Овқатнинг физик ўзгаришлари унинг механик ишланиши, майдаланиши, бўкиши ва эришидан иборат. Кимёвий ўзгаришлар натижасида оқсиллар ёғлар, карбонсувлар, протеазалар, липазалар, карбогидразалар таъсирида парчаланади. Ферментлар секретор ҳужайра-

лар томонидан ишлаб чиқарилади ва сўлак, меъда, меъда ости бези ва ичак шираси таркибида овқат ҳазм қилувчи трактга тушади.

Ҳазм қилиш жараёнлари уларнинг локализациясига қараб: 1) ҳужайра ичи; 2) ҳужайра ташқарисидаги турларга таснифланади. ҳужайра ташқарисида овқат ҳазм қилиниши икки хил бўлади: а) дистантли (бўшлиқда); б) контактли, девор олди, мемранада кечадиган. Ҳужайра ичи ҳазми – фагоцитоз ёки ультрапиноцитоз йўли билан ҳужайра ичига тушувчи овқат моддаларининг гидролизидан иборат. Овқат моддалари ҳужайра (лизосомал) ферментлари томонидан гидролизланади. Одам организмидаги ҳужайра ичи ҳазми лейкоцитлар ва лимфоретикулогистиотитар тизим ҳужайраларида кузатилади.

Дистант (бўшлиқда) ҳазм қилиш шу билан тавсифланади, шира таркибида ажраладиган ферментлар ошқозон-ичак трактида бўлади, бу ерда улар овқат моддаларига таъсир қиласи ва гидролизга учратади (ҳазм қилиш ферментлар хосил бўладиган жойдан катта масофада – диатанцияда амалга оширилади). Сўлак ферментлари оғиз бўшлиғи ва меъдада, меъда безлари ферменти унинг бўшлиғида (кўпинча бевосита шилиқ қаватнинг яқинида), меъда ости беzi ферментлари – ингичка ичак бўшлиғида таъсир кўрсатади. Контактли (девор олди, мемранада) ҳазм ҳужайра мембронасида, ҳужайра ташқариси ва ҳужайра ичи муҳити чегарасида фиксацияланган ферментлар томонидан амалга оширилади. Бу ерда овқат моддалари ва ширанинг ўзи уларнинг паст молекулали компонентлари (сув, тузлар) ва айрим бошқа моддаларнинг (витаминалар) гидролиз маҳсулотлари шимилади.

3. Ҳазм қилиш тизимини асаб ва гуморал механизмлар регуляция қиласи. Ҳазм қилиш функциясининг асаб регуляцияси овқат маркази томонидан шартли ва шартсиз рефлекслар ёрдамида амалга оширилади, уларнинг эфектор йўллари симпатик ва парасимпатик асаб толаларидан ташкил топган. Овқат қабул қилиниши оғиз бўшлиғи рецепторларини қитиқлайди, ҳазм безлари ширасининг ажралишини кучайтирувчи шартсиз рефлексларни чақиради.

Рефлектор механизмларнинг аҳамияти камайиши билан гуморал механизмлар, айниқса ингичка ичак ва меъда ости беzi гормонларнинг аҳамияти ошади. Бу гормонлар гастроинтестинал гормонлар деб ном олган. Ичакнинг ингичка ва йўғон қисмларида локал механизмларнинг регуляция роли айниқса юқори – маҳаллий механик ва кимёвий қитиқловчилар уларнинг таъсир қилиш жойида ичак фаоллигини кучайтиради. И. П. Павловнинг ҳазм қилиш безлари секреция фазалари тўғрисидаги таълимотига кўра, унинг икки: 1) мураккаб рефлектор; 2) асаб – кимёвий фазаси фарқ қилинади. Мураккаб рефлектор фаза шартли ва шартсиз рефлекслар ёрдамида, асаб – кимёвий – нейрогуморал механизмлар орқали амалга оширилади. Секреция мия билан боғлиқ фазадан бошланади ва шартли (овқат-

нинг кўриниши, ҳиди ва б.к.), шартсиз (офиз бўшлиғи рецепторларини қитиқланиши) ва овқат рефлекслари типида бажарилади.

4. Сўлак ажралиши ва унинг роли, таркиби ва хусусиятлари. ҳазм қилишнинг бошлангич босқичларида сўлакнинг роли ниҳоятда катта. Сўлак уч нафар йирик сўлак безлари: қулоқ олди, жағ ости ва тил ости ва кўпгина тил юзасида, танглай ва юз шиллик қаватларида жойлашган безчалар томонидан ишлаб чиқарилади. Ишлаб чиқариладиган ширага қараб сўлак безлари уч типда бўлади: сероз (унинг секретида шилимшиқ – муцин бўлмайди); аралаш (сероз - шилимшиқ секрет ажратади) ва шилимшиқ (муцинга бой сўлак ишлаб чиқаради). Сўлакнинг солиштирма оғирлиги 1001–1017, қулоқ олди бези аралаш сўлаги pH (5,81) жағ ости сўлаги безига (6,39) қарангандা кам. Аралаш сўлак 99,4 – 99,5% сув ушлайди, қолгани курук қолдиқ. Сўлак таркибida қўйидаги ферментлар: амилаза, липаза, протеиназа мавжуд. Овқат қабул қилиниши сўлак ажралишини рефлексор қўзгатади. Сўлак ажралиши овқат қабул қилишнинг ҳамма даврларида давом этади ва у тамом бўлгандан кейин тезлик билан тўхтайди. Сигнал оғиз бўшлиғи рецепторларидан уч шохли ва овқат асаб толалари орқали МАТ га узатилади. Асосий сўлак ажратувчи марказ узунчоқ мияда жойлашган.

5. Меъданинг овқат ҳазм қилиш функциясига: овқатни деполашиб, механик ва кимёвий ишлаш, овқат луқмасини аста–секинлик билан порцияларда ичакка эвакуациясини таъминлаш киради. Овқат меъдада бир неча соатлар давомида тўхташи натижасида бўқади, суюлтирилади, унинг қўп компонентлари эрийди, сўлак ва меъда шираси ферментлари таъсирида гидролизга учрайди. Меъда шираси шунингдек антибактериал таъсир қилиш хусусиятига эга. Меъдада: 1) пепсин ишлаб чиқарувчи асосий ҳужайралар; 2) хлорид кислота ишлаб чиқарувчи қопловчи ҳужайралар; 3) муцин ишлаб чиқарувчи қўшимча ҳужайралар мавжуд. Мукоидлар қаторига гастромукопротеид (Кастл ички омили) ҳам киради.

6. Секреция – бу ҳужайрага кирувчи моддадан маъсус, маълум функционал вазифага қаратилган маҳсулотнинг (секретнинг) ҳужайра ичida ҳосил бўлиши ва без ҳужайралардан унинг чиқарилиш жараёни. Секрет секретор йўллар ва найчалар тизими орқали ошқозон-ичак тракти бўшлиғига тушади.

Меъда шираси меъда бези ҳужайраларида бир кунда 2–3 л миқдорида ишлаб чиқарилади. Бу безларнинг тузилиши меъданинг турли қисмida ҳар хил. Меъда ширасининг фаол компонентлари меъда туби ва танаси безларида секрецияланади. Улардан энг муҳими пепсино-ген бўлиб, у асосий ҳужайралар, хлорид кислота қопловчи (париетал) ҳужайралар томонидан ишлаб чиқарилади, шилимшиқ эса юзаки эпителий ҳужайралар, пилорик безлар ва қўшимча ҳужайралар сек-

рети ҳисобланади. Зонд юборилганда олинадиган меъда шираси шу моддалар аралашмасидан иборат; бундан ташқари у одатда сўлак ва айрим вақтда 12 бармоқ ичак ичидаги нарсаларни ҳам ушлади.

Наҳорда меъда секрецияси унча кўп бўлмайди (5—15 мл/соат). Бу шароитда нейтрал ёки ишқорий реакцияга эга бўлган ва асосан сув, шилимшиқ ва электролитлардан иборат шира ҳосил бўлади. Овқат қабул қилиш тахминан 600—1200 мл тиниқ, озгина оқ-сарғиш шира ишлаб чиқарилиши билан кечади. Юқори даражада секреция бу ҳолатда овқат қабул қилишдан озгина олдин бошланади ва бир неча вақтдан кейин тамом бўлади. Ишлаб чиқарилган бу шира қонга нисбатан деярли изотоник. У кўп микдорда HCl ушлаши туфайли жуда кучли нордон реакцияга эга ($\text{pH } 0,8 - 1,5$). Унда пепсин (оқсил парчаловчи ферментлар қўшилмаси — эндопептидазалар), муцин (меъда шилимшиғи), витамин B₁₂, шимилиши учун зарур Кастл ички омили ва шунингдек липаза каби органик моддалар бор. Бундан ташқари «фаол» ширада катионлар Na^+ , K^+ , Mg^{2+} ва анионлар — HPO_4^{2-} , SO_4^{2-} ҳам бор.

Адабиёт маълумотлари ва хусусий кузатишларини умумлаштирган Ю. И. Финизон — Рысс бўйича «очликдаги» меъда шираси қолдиги нормал кўрсаткичлари қўйидагилар: меъда ичидаги нарсалар ҳажми 50 мл дан кўп эмас; умумий кислоталик — 40—60 титр. бирлик (ммоль/л), эркин HCl—20—40 титр. бирлик.

7. Меъда девори силлиқ мушакларининг қисқариши меъда мотор функциясини амалга оширади. У қабул қилинган овқатни меъдада деполанишини, меъда шилиқ қаватига яқин жойда меъда шираси билан аралashiшини, ичакка чиқиш томонга силжишини, меъдадаги нарсаларни 12 бармоқ ичакка поршион эвакуациясини таъминлайди.

8. Ингичка ичакда овқат ҳазми олдин унинг бўшлиғида (бўшлиқда ҳазм), сўнг ичак эпителийси зонасида ферментлар ёрдамида (девор олди ҳазм) кечади. Бўшлиқда ва девор олди ҳазми меъда ости бези шираси ферментлари, ҳамда ичак ферментлари томонидан амалга оширилади. Ичакда кечадиган ҳазмда ўт мухим рол ўйнайди. Ичакда ҳазмининг таъминланишида 12 бармоқ ичакда кечадиган жараёнлар катта аҳамиятга эга. Ҳазмдан ташқари вақтда, наҳорда ундаги нарсалар суст ишқорий реакцияга ($\text{pH } 7,2 - 8,0$) эга. Меъдадаги кислотали нарсаларнинг 12 бармоқ ичакка ўтиши натижасида дуоденум ичидаги нарсалар кислотали бўлиб қолади, аммо кейин бу реакциянинг тезлик билан ўзгариши кузатилади, чунки бу ерда меъда шираси хлорид кислота ўт, меъда ости бези шираси ва шунингдек дуоденал безлар ва ичак крипталари шираси томонидан нейтралланади. Бунда меъда пепсини таъсири тўхтайди. Дуоденум ичидаги нарсалар кислоталилиги қанча кўп бўлса меъда ости шираси ва ўт шунча кўп аж-

ралади ва меъда ичидағи нарсаларнинг 12 бармоқ ичакка эвакуацияси ҳам шунча секинлашади. Шу билан бир вақтда 12 бармоқ ичакдаги нарсалар ингичка ичакка янада секинроқ ўтади.

28 – Машгулот

I. Буйраклар тузилиши бўйича бир типдаги тузилмалар — нефронлар тизимидан иборат бўлиб, уларнинг ҳар бири алоҳида морфофункционал бирлик ҳисобланади. Ҳар бир буйракда 1,3 млн. атрофида нефрон бўлади. Нефрон икки қисмдан: қон олиб келувчи ва олиб чиқувчи артериолаларни ўз ичига оладиган капиллярлар ҳалқаси (копточка) ва сийдик чиқарувчи каналчалардан иборат. Копточаларнинг ҳаммаси буйракнинг пўстлоқ қисмida жойлашган, аммо уларнинг пўстлоқ модданинг юқори қисмida локализацияланганлари пўстлоқ (80–85%), буйракнинг чуқур қисмida (буйрак устунларида) жойлашганлари эса юкстамедулляр (juxta ёнида) ёки юкстамедулляр копточчалар деб аталади.

Буйраклар экскретор аъзо бўлганлиги учун организмдан азот алмашинув маҳсулотлари – сийдикчил, креатинин, сийдик кислота ва б.қ., ортиқча тузлар ва сувни ҳамда бегона моддаларни организмдан чиқаради. Лекин буйракнинг асосий фаолияти сув ва электролит алмашинувини регуляция қилишдан иборат, бу орқали организмнинг ўта муҳим константалари: тана қони ва суюқликлари ҳажми ва осмотик босими сақланади. Бу жараён иккита гормон – буйрак усти бези пўстлоқ қисмida ишлаб чиқариладиган альдостерон ва гипофиз орқа бўлагида ҳосил бўладиган антидиуретик гормон (АДГ) таъсири остида туради. Альдостерон маҳсус ферментлар ёрдамида каналчаларда натрийнинг қайта шимилишини (реабсорбция) оширади, бу эса тана суюқликларида осмотик босимнинг кўтарилишига олиб келади. Кейин тўқимада жойлашган осморецепторлардан рефлектор реакциялар ишга киришади; АДГ секрецияси кучаяди, у каналчаларда суюқликнинг қайта шимилишини кўпайтиради, натижада осмотик мувозанат тикланади.

Буйраклар кислота-ишқор мувозанатининг асосий регулятори ҳисобланади. H^+ – ионлари секрецияси ва аммиак синтезланиши орқали каналчалар суюқлиги ҳар хил кимёвий бирикмалар нордон радикалларини нейтраллайди. Бу организмда ишқорий моддаларнинг сақланишига имкон туғдирали ва нордон радикалларнинг чиқарилишига ёрдам беради.

Буйраклар оқсиллар, карбонсувлар, липидлар метаболизми жараёнида ва тизимли гемодинамикада иштирок қиласи. Чақалоқларда буйракда оқсил парчаланиши кечади (Зуфаров К. А. ва б.қ. 1987). Буйраклар инкретор функцияни ҳам бажаради: қатор биологик фаол

моддаларни (эритропоэтин, ренин, витамин D, фаол метаболити, простагландинлар ва ҳ. к.) ишлаб чиқаради. Бу биологик фаол субстанциялар қон босимининг сақланиши, эритроцитлар ҳосил бўлиши, гемокоагуляция ва бошқа функцияларга таъсир кўрсатади.

Буйракларнинг қон босимини регуляция қилиши ренин ва простагландинлар секрецияси орқали амалга оширилади. Ренин буйрак магиз моддаси юкстагломеруляр апаратидаги ишлаб чиқарилади, кейин қонга тушади, α — глобулин (ангиотензиноген) билан бирикади, натижада прекапилляр томирларга прессор эффект кўрсатувчи ангиотензин ҳосил бўлади. Буйракнинг мия моддасида, аксинча антипрессор эффект кўрсатувчи А ва Е простагландинлар ҳосил бўлади.

Буйраклар эритропозга таъсир қиласи, бу юкстагломеруляр аппаратда ишлаб чиқарилувчи эритропоэтинлар орқали бажарилади. Буйрак тўқимасининг гипоксияси эритропоэтинлар ҳосил бўлишини стимулайди. Бундан ташқари буйраклар гемокоагуляцияга, айниқса фибринолизга ҳам таъсир қиласи. Буйрак тўқимасида (юкстагломеруляр апарат) урокиназа ферменти ҳосил бўлади, у плазминогенни фаоллаштиради, уни фибринолиз чақирувчи плазминга айлантиради. Шунинг учун ҳам буйрак касалликларидаги бурундан қон кетиш, тери ва ичак геморрагиялари шаклида геморрагик синдром кузатилади. Ва ниҳоят шуни ҳам айтиш керакки, юрак бўлмачалари кардиомиоцитларидаги буйракда ренин секрецияси, ҳамда диурез ва натрийурезга таъсир қилувчи бўлмача натрийуретик омили ишлаб чиқарилиши тўғрисида маълумотлар бор (Постнов А. Ю. 1987).

2. Сийдикнинг фильтрацион – реабсорбцион – секретор назарияга биноан ҳосил бўлиши коптокчаларда фильтрация жараёнидан бошланади. Иккита буйракда 1 дақиқа давомида коптокчалар капиллярлари орқали қондан 120 мл/дақ. атрофида (ёки бир кунда 180 л) суюқлик фильтранади, у таркиби бўйича қон плазмасининг оқсилсиз ультрафильтрати («бирламчи» сийдик) ҳисобланади. Каналчалар тизимидан ўтиши натижасида коптокча фильтрати жиддий ўзгаради: каналчаларда сув, электролитлар, глюкоза қонга қайта шимилади (реабсорбция), фильтрат таркибига эса қондан каналчалар хужайралари орқали секрецияланадиган моддалар тушади. Пировард оқибатда буйраклар таркибидаги моддалар концентрацияланган яъни организмдан чиқарилиши керак бўлган суюқлик («охирги» сийдик) ажратади.

Фильтрация капилляр ичи қон босими таъсирида амалга оширилади, шунинг учун қон босими боғлиқ ҳолда коптокча фильтрати ҳажми кўпайиши ва камайиши мумкин. АБ 50–60 мм сим. уст. да сийдик ҳосил бўлиши тўхтайди. Коптокча фильтрацияси ҳажми буйракда қон айланишига ҳам боғлиқ. Агар сийдик ҳосил бўлиши учун материал сифатида қон плазмасини ҳисобга оладиган бўлсак, буйракда ҳамма бошқа аъзолардан фарқ қиласидиган қон айланиш хусу-

сияти тушунарли бўлиб қолади. Тана оғирлигининг 1% дан кам миқдорини ташкил қиласидиган буйраклар қоннинг дақиқали ҳажмининг 20—25% ни ўзига олади, бу бошқа аъзоларда қон айланишидан 20 марта ортиқдир. Қон оқиб келишининг камайиши сийдик ҳосил бўлининг қисқаришига олиб келади.

«Охирги» (дефинитив) сийдик буйрак жомларига, сўнг сийдик найчаси орқали порцияларда сийдик пуфагига тушади. Сийдик пуфаги мушакларининг қисқариши унинг сийдикдан бўшашига олиб келади, натижада сийдик ажратувчи канал орқали сийиш акти вақтида ташқарига чиқарилади. Нормада одамда қабул қилинган суюқлик миқдорига қараб сийдик ажралиши бир кеча-кундузда 4—6 марта содир бўллади. Бир кунда ажраладиган сийдик миқдори (диурез) 1000 дан 2000 мл атрофида бўлиб, ўртача қабул қилинган суюқликнинг 50—80% ни ташкил қиласиди. Сийдикнинг кундалик миқдори 500 мл дан кам ва 2000 мл кўп бўлса, у патологик ҳисобланади.

3. Клиренс (англ. clear – тозалаш) ёки маълум моддадан тозалаш кўрсаткичи деганда қон плазмасининг шундай миқдори тушуниладики, унда буйраклар шу моддадан 1 дақиқа ичida тозалаш имкониятига эга бўлиши керак. Клиренс қонда циркуляция қиласидиган эндоген моддаларнинг (масалан эндоген креатинин) ёки қонга махсус юбориладиган экзоген моддаларнинг (масалан инулин ва ҳ.к.) ажралиши билан аниқланади. Клиренсни ҳисоблаш учун қўйидаги формула қўлланилади:

$$C = \frac{M}{K} \times D \text{ мл/дақ; } C - \text{тозалаш кўрсаткичи – клиренс, } M - \text{сийдикдаги модда миқдори, } K - \text{қондаги модда миқдори, } D - \text{бир дақиқали диурез.}$$

Тозалаш кўрсаткичи ҳар хил моддалар учун бир хил эмас. Масалан инулиннинг ўртача клиренси – 120 мл/дақ, сийдикчил – 70 мл/дақ, фенолрот – 400 мл/дақ. Бу фарқ шу билан тушунтириладики, инулин фильтрация орқали чиқарилади ва қайта реабсорбцияланмайди; сийдикчил фильтранади, шу билан бирга қисман реабсорбцияланади, фенолрот эса каналчаларда фаол секрецияланади орқали ажралади ва қисман фильтранади.

Копточаларнинг ҳақиқий фильтрацион имкониятини, яъни 1 дақиқада ҳосил бўладиган бирламчи сийдик миқдорини аниқлаш учун факат фильтрация ёрдамида ажраладиган ва каналчаларда реабсорбцияга учрамайдиган моддалар қўлланилиши лозим. Уларга бўсағасиз моддалар, масалан инулин ва гипосульфит киради.

29 - Машгулот

1. Гипоталамус нейроэндокрин регулятор тизимнинг энг муҳим даражалари қисмидан бири ҳисобланади. У вегетатив, алмашинув,

эндокрин, трофиқ функциялар, организм иммунологик реактивлиги, уйқунинг уйғоқлик билан алмашиниши, мушак тонуси, иссиқлик ҳосил бўлиши ва чиқарилиши, артериал босим, очлик ва ташналик сезгисининг сақданиши, эмоционал ва феъл-автор реакцияларида иштирок этиб, организмда гомеостазнинг ушлаб турилишида катта рол йўнайди (Макарченко А. Ф. ва б.к., 1978; Корнева Е. А. ва б.к., 1978; Судаков К. В., 1980 ва б.к.).

Гипоталамусда 32 нафар ядролар жойлашган. Гипоталамус ҳужайра элементлари ичидаги қуидаги ҳужайралар нейросекретор фаолиятга эга: гипоталамус олд қисми йирик нейронлари, базал — туберал гипоталамус майда ҳужайралари, перивентрикуляр кулранг модда адренэргик нейронлари, гипоталамуснинг ташқи ва ўрта қисми аркуат ва вентромедиал ядролари (Алешин В. В., 1972). Бу нейросекретор ҳужайралар ичидаги аденоhipofиз гормонопоэтик функциясига нисбатан асосан базал — туберал гипоталамуснинг майда ҳужайралари (гипоталамусни аденоhipофизар зонаси майда ҳужайралари) муҳим аҳамият қасб этади, ҳолбуки гипоталамус олд қисми йирик гоморимусбат ҳужайралари организмда осмотик мувозанатни ва айрим аъзолар фаоллигини сақлашга жавобгар ҳисобланади.

Шу билан бир қаторда аденоhipофиз гормонопоэтик функциясининг регуляция қилинишида гипоталамус олд қисми йирик ҳужайраларининг роли ҳам эҳтимолдан холи эмас. Нисбатан яқин ораларда (Bugnon et al., 1982) чақалоқлар паравентрикуляр ядросида гипофизнинг АКТГ гормони ажralишини регуляция қиласидан нейронлар топилган. Бундан ташқари паравентрикуляр ядронинг ўзида ҳам окситоцин ва ҳам вазопрессин синтезлайдиган нейронлар борлиги аниқланган, аммо охирги вақтларгача вазопрессин секрецияси учун супраоптик ядро, окситоцин секрецияси учун эса паравентрикуляр ядро жавобгар деб ҳисобланниб келинган.

Нейросекрет синтези ва ажralиши (нейросекреция) мураккаб жараёндир. А. Л. Поленов (1971) нейросекрецияни қуидагича таърифлайди. Нейросекреция деганда деб ёзди у: «биз алоҳида юқори даражада ихтисослашган асаб тўқимаси элементларининг — нейросекретор (нейробезли) ҳужайраларнинг биологик фаол моддалар — нейрогормонлар — ажратиш хусусиятини тушунамиз. Улар қисқа муддатли ва локал таъсир қўрсатувчи ва нейронлар томонидан синапсларга ажратилувчи медиаторлардан фарқли равишда, организм гуморал муҳитларига (қон, орқа мия суюклиги) тушади ва катта диапазонда дистант ва узоқ вақт таъсир қўрсатувчи регуляцияни амалга оширади».

Нейросекрет ёки рилизинг-омил инкрециясини ва уларнинг қонга тушини гипоталамуснинг медио-базал қисмидаги жойлашган асаб ҳужайралари ишлаб чиқарадиганmonoаминлар (дофамин, норадре-

налин, серотонин) регуляция қиласы деб ҳисоблашади (Потемкин В. В., 1978). Рилизинг гормонларининг аденоғипофиз хужайраларига таъсир қилиш механизми хужайралар мембранаси деполяризацияси ва улар ўтказувчанлигининг ошиши билан боғлиқ (Алешин Б. В., 1972).

Аденоғипофизнинг ҳамма троп гормонларига нисбатан рилизинг-омилларининг мавжудлiği тасдиқланган. 11-жадвалда аденоғипофиз троп гормонларининг ажралишини регуляция қилувчи гипоталамик омилларининг (гормонларнинг) номлари көлтирилган (Потемкин В. В., 1986; Ашмарин И. П., Обухова М. Ф., 1988).

Аденоғипофизнинг еттіга троп гормонлари учун либеринлар ва статинлар*** аниқланган (Ашмарин И. П., Обухова М. Ф., 1988). Уларнинг тузилиши (аминокислоталар кетма-кетлеги) мураккаб бўлмай, бир неча аминокислоталардан (3 дан 44) тузилган, шунинг учун улар олигопептиidlар гуруҳига киритилган.

Гипофиз троп гормонлари ажралишини регуляция қилувчи ва ингибиорловчи гипоталамик омиллар (гормонлар)

11-жадвал

Номлари	Синоними	Қабул қилилган қиссаартишлар	Аминокисло- талар молекуласи- нинг сони
Кортиколиберин Фоллиберин	Кортикотропин –рилизинг омил Фолликулостимулайдиган гормон рилизинг – омил	KPO ФСГ – РО	41
Гонадолиберин Люлиберин	Гонадотропин –рилизинг – омил Лютенизирловчи гормон рилизинг – омил	ГТ – РО ЛГ – РО (ЛГО)	10
Меланолиберин Меланостатин	Меланотропин – рилизинг Омил Меланотропин – рилизинг ингибиорловчи – омил	МРО МРИО	5 3
Пролактолиберин Пролактостатин	Пролактин – рилизинг – Омил Пролактин – рилизинг – ингибиорловчи – омил	ПРО ПРИО	
Соматолиберин	Соматотропин – рилизинг омил; Ўсиш гормони рилизинг омил	CPO	44
Соматостатин	Соматотропин – рилизинг ингибиорловчи омил	СРИО	14
Тиролиберин	Тиротропин – рилизинг –омили	TPO	3

*** Тоза ва амалий кимё ҳалқаро жамиятининг биокимёвий номенклатура бўйича Комиссияси ва Халқаро жамият (1974) тақлифига биноан гипоталамик рилизинг-омиллар (гормонлар) охирида «либерин», гипоталамик рилизинг – ингибиорловчи омиллар охирида «статин» сўзи билан ифодаланади.

Гипоталамус майда ҳужайрали ядролар нейросекрети оралиқдаги тепалик соқасидаги портал томирлар орқали аденогипофизга тушади. Бу томирлар билан гипоталамус секретор нейронылари зич боғланган ва контактланади. А. Л. Поленов (1962) бўйича бу контактнинг юқори шакли эндоцеллюляр капиллярлар яъни нейроплазма ўсиқлари билан ўраб олинган капиллярлар ҳисобланади.

Томир тармоқларида асаб терминаллари билан кўп сонли нейротомир контактлари мавжудлиги таърифланган (Войткевич А. А., 1969). Нейросекретор моддалар гипофизга нафақат портал томирлар, шу билан бирга III қоринча бўшлиғи орқали умумий қон оқими ва орқа мия суюқлигига ҳам тушиши мумкин, яъни организмга трансаденогипофизардан ташқари параденогипофизар таъсир ҳам мавжуд.

Гипоталамус олд қисми йирик ҳужайрали супраоптик ва паравентрикуляр ядролари нейросекрети нейронлар аксонлари орқали гипоталамо – гипофизар нейросекретор тракт таркибида оқиб келиб нейрогипофиз орқа асосий қисмига тушади ва у ерда аксонлар терминалларида деполанади. У ердан нейрогормонлар эҳтиёжга қараб қонга тушади (Акмаев И. Г., 1979).

Гипоталамус бош мия пўстлоғи, ретикульляр формация, пўстлоғости тузилмалари, кўриш дўмбоги, мия устуни, симпатик ва парасимпатик асаб тизими билан боғланган. Вагус дорсал ядроси ва гипоталамус дорсамедио-каудал соҳаси ҳамда гипоталамус паравентрикуляр ядроси орасида кўп сонли синаптик асаб алоқаларининг борлиги И. Г. Акмаев ва б.к. (1979, 1982) томонидан таърифланган. Периферик адreno ёки холинреактив тузилмаларининг кўзғалиши гипофизар – адренал тизим функциясининг кучайишига олиб келади (Науменко Е. В., 1971).

Гипоталамус ва гипофиз ягона бир-бирига боғлиқ тизимни ташкил қиласди. Гипоталама – гипофизар тизим периферик ички секреция безлари фаолиятини назорат қиласди, ўз навбатида у ички секреция безлар томонидан кучли таъсир сезади. Тескари алоқа тизими ёки «мусбат – манфий ўзаро таъсир» таникли биолог эндокринолог М. М. Завадовский (1941) томонидан ифодаланган, бу алоқа организмда нормал даражада гормонлар ишлаб чиқарилиши ва натижада ички муҳит доимийлиги ва организмнинг ҳар хил функцияларини таъминлади.

2. *Гипофиз «бош» эндокрин без шаклида калла суяти асосидаги турк эгарида жойлашган, кўпинча чўзилган, айрим ҳолларда шарсизмон шаклга эга. Унинг ўлчамлари олдин – орқа йўналишда 10 мм атрофида, кўндаланг йўналишда – 12 – 15 мм, гипофизнинг вертикал ўлчами 5 – 6 мм ни ташкил қиласди. Катта одам гипофизи оғирлиги 0,7 г атрофида (аёлларда эркакларга қараганда озгина каттароқ). Гипоталамик соҳа билан гипофиз ўзининг оёқчаси орқали боғланади.*

ди, у эса мия асосида гипофизнинг орқа бўлагига келадиган асаб толаларидан тузилган.

Морфофункционал жиҳатдан гипофиз икки қисмга бўлинади: 1) аденогилофиз – гипофизнинг без қисми (олдинги ва ўрта бўлаклари) – бу ерда троп гормонлар ишлаб чиқарилади; 2) нейрогипофиз (унинг таркибига гипофизнинг орқа бўлағи, воронка ва кулранг бўртмача оралиқ тепалиги киради), бу ерда гормонлар синтезланмайди, аммо гипоталамо – гипофизар тракт бўйича оқиб келувчи гипоталамус йирик ҳужайрални ядролари гормонлари – вазопрессин (АДГ) ва окситоцинлар депонланиши рўй беради. Аденогилофиз гипофизнинг 75% ини ташкил қиласи (Потемкин В. В., 1986).

Гипофиз гормон ҳосил қилувчи ҳужайралар хромофоб ва хромофил ҳужайраларга бўлинади (Алешин Б. В., 1971). Хромофил ҳужайралар ўз навбатида нордон бўёқ билан бўялувчи эозинофил (окси菲尔, ацидофил) ва асосий бўёқ билан бўялувчи базофил ҳужайраларга бўлинаб, улар лотин ҳамда юнон ҳарфлари билан белгиланади. Аденогилофиз без ҳужайраларининг умумий сонининг 30 – 35% эозинофил ҳужайралар, 4 – 10% ни базофил ҳужайралар ташкил қиласи. Хромофоб (асосий) ҳужайраларда донадорлик хусусияти бўлмайди ва нормал ҳолатда уларда секретор фаолияти белгилари аниқланмайди, улар гипофиз олд қисми ҳамма ҳужайраларининг 50 – 60% ни ташкил қиласи (Потемкин В. В., 1986).

Хромофил ҳужайраларида (тропоцитлар) қалқонсимон без, организм ўсиши ва ривожланиши, буйрак усти бези, жинсий функция ва б.к.га таъсир кўрсатувчи тиротропин, соматотропин, кортиcotропин, фоллитропин, лактотропин ва б.к. гормонлар синтезланади. Бундан ташқари тери пигментациясига таъсир қилувчи меланотропин ҳам ҳосил бўлади. Ўзининг кимёвий таркиби бўйича бу гормонлар оқсил табиатли (соматотропин, лактотропин) ёки гликопротеидлардан иборат (тиротропин, фоллитропин, лютропин) гормонлар ҳисобланади.

Нейрогипофиз ҳужайра шохлари, бириктирувчи тўқима стромаси ва тўпловчи нейросекретор таначаларни (Геринг таначалари) ўз ичига оладиган питуицитлардан ташкил топган нейроглиялардан иборат. Питуицитлар асосан томир капиллярларида тугайдиган асаб толалари бўйлаб тўпланади.

Аденогилофиз гормонлари. Соматотропин (СТГ). Молекуляр оғирлиги 21.500, 191 та аминокислота қолдигидан иборат (Ли, 1972; Синишина А. Л., 1972 ва б.к. 1977). Гормон оқсил алмашинувига анаболик жараёнларни стимуллайди, карбонсувлар алмашинувига жиддий таъсир кўрсатади, ёғ мобилизацияловчи хусусиятга эга, ёғлар оксидланишининг фаоллашишига олиб келади, калций – фосфор алмашинувига таъсир қиласи. СТГ таъсири соматомедин орқали амалга

оширилади деган маълумотлар бор (Васильева И. В., 1977, 1981). У молекуляр оғирлиги 7.000 – 9.000 га эга полипептид. Соматомедин ҳосил бўладиган жой жигар ҳисобланади. А. Л. Синицина ва б.к. (1977) одам соматортопинини синтез қилишга мувофиқ бўлдилар, бу гипофизар нанизм билан касалланганларни даволашга имконият туддириди.

Кортикотропин (АКТГ). Молекуляр массаси 4.500, 39 та аминокислота қолдигидан иборат. Буйрак усти безига таъсир қилиб, глюкокортикоидлар ва андрогенлар синтезланишига имконият туддиради. Буйрак усти безидан ташқари унинг таъсири деполардан ёф мобилизациясини чақириш ва ёғларнинг оксидланишининг кучайишини таъминлашдан иборат. АКТГ молекуласининг маълум қисми меланоформ эфект ҳам кўрсатади.

Тиротропин (ТТГ) – тиреоид гормонлар (тироксин, учйодтиронин) биосинтезини, уларнинг қонга тушишини кучайтиради, қалқонсимон бези без қисми тўқимаси гиперпластик жараёнларига имкон туддиради.

Фоллитропин (ФСГ) ва лютропин (ЛГ) жинсий безлар фаолиятини стимуллайди ва шунинг учун ҳам гонадотропинлар деб ном олган. Гипофизда ФСГ ва ЛГ концентрацияси нисбати катта одамларда тахминан 3:1, аёлларда бу нисбат 1:1 гача силжиши мумкин. ФСГ аёлларда тухумдон фолликулалари, эркакларда – уруғ каналчалири эпителийси ўсишини фаоллаштиради. ЛГ аёлларда овуляцияга ва тухумдонда сариқ тана ривожланишига имкон туддиради, эркакларда бу гормон (ИХХГ – интерстициал ҳужайраларни стимулловчи гормон) уруғонда интерстициал ҳужайралар (Лейдиг ҳужайралари) ўсиши ва функциясини стимуллайди.

Лактотропин (пролактин – ПРЛ) ҳам гонадотропинлар гуруҳига киради, чунки сариқ тана (лютеотроп гормон) функциясини стимуллайди. Аммо ПРЛ нинг асосий физиологик эфекти унинг сут бези секрециясини унга бевосита таъсир кўрсатиш орқали фаоллаштириш хусусиятидан иборат.

Нейрогипофиз гормонлари. Антидиуретик гормон (АДГ, вазопрессин) буйрак каналчалари дистал қисмларида сув реабсорбциясини кучайтиради, бу диурезнинг ошишига олиб келади. Вазопрессиннинг (АДГ) ортиқча секрецияси (физиологик микдордан кўпайиши) бир томондан томир силиқ мушаклари қисқаришини стимуллаб артериал босимни оширади, иккинчи томондан – ичак силиқ мушакларининг қисқаришини ҳам стимуллайди. Вазопрессин (АДГ) ажралиши қон осмотик босимига: унинг ҳажми, ҳамда марказий ва вегетатив асаб тизими ҳолатига боғлиқ. Бу гормон секрецияси қон плазмаси ҳажми камайганда ва унинг осмотик босими ошганда кучаяди. Тескари ўзгаришларда гормон секрецияси камаяди.

Окситоцин бачадон қисқаришини стимуллайди, лактацияни күчайтиради. Лактация күчайиши окситоцин таъсирида асосан сут найчалари қисқаришининг ошиши билан боғлиқ.

3. Буйрак усти бези (ҳаёттй мұхим ички секреция жуфт аъзоси) буйрак устида I бел ва XI күкрак умуртқа погонаси ораси баландлигіда жойлашган. Шаклига күра ўнг буйрак усти бези пирамида, ундан озгина каттароқ чап буйрак усти бези эса ярим ойни эслатади. Иккита буйрак усти бези оғирлиги 6 дан 12 г гача. Буйрак усти безининг узунлиги 40—60 мм, эни 20—35 мм, қалинлиги 6—10 мм га етади. Морфофункционал жиҳатдан (Хамидов Д. Х. ва б.қ. 1966; Ҳусинов О. А., 1972; Потемкин В. В., 1986) буйрак усти бези бириктирувчи түқима қобиги билан ўралган, ундан безининг чуқур қатламларига уни зоналарга бўлувчи тасмалар кетади. Буйрак усти бези ташқи сариқ рангли пўстлоқ ва ички қизғиши — жигар рангли мия моддаларидан иборат. Пўстлоқ модда ўз навбатида учта: 1) ташқи коптокча, 2) ўргадаги ўринни эгалловчи тутам ва 3) мия моддасига тегиб турувчи тўрсимон зоналардан иборат. Коптокча зона энг тор, тутам зonasи эса энг кенг зоналардир. Коптокча зона кўп бурчакли ёки нотўғри кубик (олтиёқлик) шакли коптокча ҳосил қилувчи ҳужайралардан иборат. Тутам зonasини кубик кўпбурчак шакли без ҳужайралари ташкил қиласи, аммо бу зона ҳужайралари кўпинча призма шаклига эга. Коптокча зонадан тўрсимон зонага кетувчи бу ҳужайралар тасмалари тутам шаклини эгаллайди. Тўрсимон зона майдароқ без ҳужайралардан иборат бўлиб, нотўғри, ноаниқ тўр шаклида жойлашган.

Буйрак усти безининг мия моддаси ноаниқ тузилишга эга ва тахминан мағиз модданинг 1/10 қисмими ташкил қиласи ва кўпбурчакли призматик ёки юмолоқ шакли хромаффин (феохром) ҳамда симпатик ганглиоз ҳужайралардан иборат. Хромаффин ҳужайралар тасма ёки гурухлар шаклида жойлашган. Хромаффин ҳужайралари хром кислота тузлари билан бўялганда қўнғир рангга киради, шунинг учун ҳам феохром ҳужайралари деб аталади.

Буйрак усти бези мағиз моддасидан 50 га яқин стероид бирикмалари олинган. Уларнинг кимёвий тузилиши асосида 17—углерод атомидан иборат стероид ҳалқа (циклопентанопергидрофенантрен ядроси) ётади, шунинг учун улар кортикостероидлар деб ном олган. 8 тадан ортиқ фаол кортико-стероидлар аниқланган, аммо улар ичидаги ҳақиқий гормонлар кортизол (гидрокортизон), кортикостерон ва алъостерон ва б.қ. ҳисобланади, улар безда ҳосил бўладиган гормонларнинг 80% ни ташкил қиласи.

Коптокча зonasи гормонлари (ДОК, алъостерон) ўзининг таъсир қилиш хусусияти бўйича минералкортикоидлар деб ном олган, улар сув-туз алмашинувлари регуляторлари ҳисобланади. Алъосте-

рон асосан буйрак каналчаларида натрий ионлари реабсорбциясига ёрдам беради; сийдик билан натрий ажралишини камайтиради; калий ионларининг ажралишини кучайтиради. Натижада гормон тўқима гидрофиллиги, плазма ҳажми, артериал қон босимни оширади. Альдостерон таъсирида организмда натрий ва калийнинг нормал баланси сакланади. У проялтиганиш гормони ҳисобланади – организмда яллиғланиш жараёнларини кучайтиради.

Тутам зона гормонлари (кортизол ва кортикостерон) глюкокортикоидлар ҳисобланади. Кортизол карбонсувлари, оқсил ва ёёлар алмашинувида иштирок қиласи. У гликонеогенезни кучайтиради, жигарда гликоген тўпланишига олиб келади, гавда мушакларига глюкоза ташилишида иштирок қиласи, организмнинг стресс омиллар (инфекция, интоксикация, жароҳат олиш ва б.к.) таъсирига мослашишида (адаптация) катта рол ўйнайди. Кортизол кучли яллиғланишга қарши ва антиаллергик таъсири ҳам кўрсатади, унинг бу таъсири капиллярлар ўтказувчанигининг камайиши ва антитаналар ҳосил бўлиши кучайиши билан боғлиқ. У шунингдек ҳужайра лизосома аппаратини стабиллаштириш ҳусусиятига эга, артериал қон босими регуляциясида иштирок қиласи. Альдостероннинг ўтмишдоши кортикостерон қисман коптотча зонада ҳам синтезланади. Унда глюкокортикоид ҳусусияти билан биргаликда кучли минералкортикоид белгилари ҳам бор.

Тўрсимон зона гормонлари (тестестерон, эстрadiол) жинсий аъзоларнинг шакланишида за иккиласми жинсий белгиларнинг ривожланишида иштирок қиласи. Шу билан бир қаторда бу гормонлар анаболик таъсири ҳам кўрсатади, шунингдек либидо регуляциясида иштирок қиласи.

Кортикоидлар холестериндан, эҳтимол ацетосирка кислотадан ҳам маҳсус ферментлар ва дегидолгеназалар (21-гидроксилаза , $11\text{-}\beta\text{-гидроксилаза}$, $3\text{-}\beta\text{-дегидрогенеза}$ ва б.к.) таъсирида ҳосил бўлади. Прегненолондан $17\text{-оксипрегненолон}$ ҳосил бўлиши мумкин, у $17\text{-оксипрогестерон}$, сўнг охирги маҳсулот – гидрокортизонга (кортизол) айланади. Тахминан прегненолонни 54% прогестерон босқичдан ўтмасдан $17\text{-оксикортикоидларга}$ айланади ва улар таркибига киради (Юдаев Н. А., Панков Ю. А., 1965). Прегненолоннинг кортикоидларга прогестерон босқичисиз айланниши, эҳтимол факат гидрокортизон ҳосил бўлиши учун хосдир (Горизонтов П. Д., Протасова Т. Н., 1968).

Глюкокортикоидлар ва андерогенлар ишлаб чиқарилиши ва секрецияси АКТГ томонидан регуляция қилинади (гипофиз олиб ташланганда буйрак усти безининг бу гормонларни ишлаб чиқарувчи тутам ва тўрсимон зоналари атрофияга учрайди). Альдостерон секрецияси буйрак юкстагломеруляр аппарати таъсирида, гиперкалиемия,

типоволемия, гипонатриемия ва кам даражада АКТГ таъсирида ошади.

Гормонларнинг кўп қисми қонга тушигандан кейин плазма оқсилари, биринчи навбатда транскортин (плазма α_1 – глобулинларга кирувчи α_1 -гликопротеид), жуда оз миқдорда зардоб альбуминлари билан бирикади ва биологик фаолликка эга эмас. Гормонларнинг кам миқдори (кортизолнинг 8–10% атрофидаги миқдори) қонда эркин (биологик фаол) ҳолатда циркуляция қиласи. Кортикостероидлар метаболизми асосан жигарда кечади. Унда кортизол, кортикостерон ва альдостеронларнинг кўп қисми биологик нофаол ҳисобланувчи тетрагидробирикмаларга айланади. Кортизолнинг 10% га яқини жигарда 11 – окси – 17 – кетостероидларга, кортикостероннинг эса кам қисми прегнандиол ва прегнантриолга айланади. Буйрак усти бези андрогенлари (андростендиол, дегидроэпиандростерон) жигарда 17 – кетостероидларга (17- КС) айланади. Кортикостероидлар метаболизмининг ҳамма келтирилган маҳсулотлари организмдан сийдик ва кам миқдорда ахлат орқали глюкурон ёки қисман сульфат кислота билан бириккан ҳолатда чиқарилади.

Буйрак усти бези мия моддаси паренхиматоз ҳужайраларида алреналин ва норадреналин ҳосил бўлади, аммо норадреналин синтезланадиган асосий жой симпатик параганглиялар ҳисобланади, чунки без мия моддасида норадреналинни адреналинга айлантирадиган фермент йўқ (Потемкин В. В., 1986). Адреналин ва норадреналин фенилаланин аминокислотасидан синтезланади. Қатор бирин-кетин келувчи жараёнлардан (гидроксидланиш, декарбоксиланиш ва метилланиш) ўтиб фенилаланин тирозинга, сўнг диоксифенилаланинга, дофамин ва кейин норадреналинга (андреналин ўтмишдоши) айланади. Тирозиннинг диоксифенилаланин ҳосил бўлиши билан гидроксиланишида тирозин гидроксилаза (КФ1. 14. 16. 2) ферменти иштирок қиласи (Манухин Б. Н. ва б.к., 1979). Адреналин ва норадреналин секрецияси симпатик асаб тизими ва бош мия пўстлоғида жойлашган юқори марказлар, ретикуляр формация ва гипоталамус томонидан регуляция қилинади. Бу гормонларнинг асосий қисми қонга тушгандан кейин альбумин билан бирикади, кам қисми қонда эркин ҳолатда бўлади.

Адреналин юрак қисқаришини кучайтиради, пульсни тезлаштиради, қон босимини, асосан систолик босим ҳисобига, оширади, пульс босимининг ошишига олиб келади. У шунингдек бронхлар, ичак силлиқ мушакларини бўшаштиради, юрак мушаклари томирларини кенгайтиради ва тери томирлари, шиллиқ қаватлар ва қорин бўшлиғи аъзолари томирларини торайтиради. Адреналин бачадон ва талоқ мушакларининг қисқаришига ҳам олиб келади. У пигментлар алмашинувида иштирок қиласи, қалқонсимон безни ТТГ таъсирига

сезувчанлигини оширади, организмнинг стрессор вазиятларга реакциясида катта рол ўйнайди. Адреналин таъсирида АКТГ, демак кор-текостероидлар ишлаб чиқарилиши кўпаяди. У жигарда гликоген пар-чаланиши ва липолизни кучайтиради.

Норадреналин, адреналиндан фарқли равища, карбонсувлар ал-машинуви ва силлиқ мускулатурага деярли таъсир кўрсатмайди. У артериал босимни асосан диастолик босим ҳисобига оширади, бу таъсир асосан унинг мушак артериолаларини қисқартириш хусусияти билан боғлиқ. Адреналин, норадреналин билан бир қаторда дофамин (норадреналин ўтмишдоши) биологик фаоллик хусусиятига эга. Адреналин, норадреналин ва дофамин «катехоламинлар» номи билан бириткирилади, чунки улар прокатехинлар (ортодиоксибензол) ҳоси-лалари ҳисобланади.

30 - Машғулот

1. Қалқонсимон без. Массаси 25 – 30 г, узунлиги 3 – 7 см, эни – 3 – 4 см, қалинлиги 1 – 2 см., ташқарисидан фиброз қобиқ билан ўралган, ундан без ичига унинг айрим бўлакчаларга бўладиган но-зик қатламлар ажралган. Бўлакчалар фолликулалардан иборат, улар-нинг деворлари бир қатламли кубик эпителия билан қопланган. Фолликула бўшлиғи эпителиал ҳужайралар маҳсулоти – коллоидлар билан тўлган, улар асосан тиреоглобулин – йод ушловчи, молекуляр мас-саси 700.000 тенг, гликопротеиддан иборат. Фолликулалар коллои-дидага қалқонсимон бездаги йоднинг тахминан 95% ушланади (По-темкин В. В., 1986). Қалқонсимон без жуда катта йодни аккумуляция-лаш хусусиятига эга. Бу безда йод ушловчи ва фиксировчи маҳсус оқсил рецептор гурухлари – тиреоглобулин мавжудлиги билан боғ-лиқ. Йод аккумуляцияси катта микдорда энергия талаб қиласи ва яхши қон айланиши билан таъминланган қалқонсимон без юқори даражада оксидланиш жараёнини ушлаб туриш қобилиятига эга. Қон билан таъминланиш бўйича қалқонсимон без организмда биринчи ўринни эгаллайди. 10 г қалқонсимон безга I дақ давомида 56 мл қон тўғри келади, шу билан бир қаторда шу микдордаги мушак тўқима-сига тинч ҳолатда ҳаммаси бўлиб 1,2 мл қон тўғри келади. Оксидла-ниш жараёнларини пасайтирувчи моддалар (тиоцианат калий) қалқон-симон без гомонларининг ҳосил бўлишини бузади.

Тиреоглобулин молекуласи таркибига йодтиронин (моно – ва дийодтирозин), йодтиронинлар (моно -, ди -, учийодтиронинлар) ва организмда бўладиган деярли ҳамма аминокислоталар киради. Қал-қонсимон безда бу гормонларнинг ҳосил бўлиши бир неча этапда ўтади: 1) безга йодидларнинг тушиши. Организмга тушадиган йод ичакда шимилади, қонга ўтади, у ерда унинг органик ва ноорганик

бирикмалари йодидларга – Ki , Nai – айланади; 2) йодидларнинг оксидловчи ферментлар – пероксидаза ва цитохромоксидазалар таъсирида оксидланиши ва молекуляр йод ҳосил бўлиши; 3) ҳосил бўлган молекуляр йод тирозин аминокислота молекуласига қўшилади, натижада моно – ва дийодтирозинлар ҳосил бўлади; 4) пероксидаза ферменти ва гипофиз тиротропини таъсирида йод билан бириккан тирозинлар (моно- ва дийодтирозин) тиронинларга: монойодтиронин ва тетрайодтиронин (тироксин) ларга конденсацияланади.

Қонга йод ушловчи гормонлар тиреоглобулиннинг протеолитик ферментлар – протеаза ва пептидазалар таъсирида парчаланганидан кейин тушади. Ферментларнинг стимулятори гипофиз тиротропини ҳисобланади. Қонда йод ушловчи гормонлар специфик оқсиллар (тироксин боғловчи глобулин ва тироксин боғловчи преальбумин) билан бирикали ва оқсил билан боғланган йод (ОБЙ) шаклида циркуляция қиласи. Т4 нинг тахминан 85% и дейодинацияниш йўли орқали метаболизланади, қонла циркуляция қиласидаган учайдитирониннинг (T3) 60–90% T4 нинг периферик (жигар, буйрак, мушакларда) монодейодланиши натижасида ҳосил бўлади. Йод ушловчи гормонлар тўқимага тушгандан кейин тўқима дейодаза ферменти таъсирида дейодланади, натижада учайдитироросирка кислота ҳосил бўлади, тироксин ва учайдитиронинларга хос тўқима физиологик эфектини у билан боғлашади (Потемкин В. В., 1986).

Тироксин хилма-хил физиологик таъсир кўрсатади: у тўқималарнинг нормал ўсиши, ривожланиши ва дифференциацияси учун зарур, юрак фаолиятини, оқсил, карбонсувлар ва ёф алмашинуви, асаб импульсларининг ўтказилишини стимуллайди, тўқималарга кислород жалб этилишини ва иссиқлик ҳосил бўлишини кучайтиради. Тахмин қилинишича гормон олдин энергия ўзлаштирувчи тизимни, масалан Na^+ ионлари фаол трансмемброн ўтказилишини стимуллайди, бунинг орқасидан тўқималарга кислород жалб этилиши пасаяди. Тироксин айрим ферментлар тизими фаоллигини бутун бир организмда ва экилган тўқималарда кучайтиради.

Учайдитирониннинг гормонал фаоллиги тироксинга нисбатан 5–10 марта юқори. У тиреоид гормонларининг ҳужайра шакли ҳисобланади (Тўракулов Я. Х., 1985), тўқимада нафас ферментлари, айниқса митохондриядаги с – глицерофосфатдегидрогеназа синтезини кучайтиради. Учайдитиронин асосий таъсир қиласидаган жой ҳужайра генетик аппарати ҳисобланади, чунки у ядрода боғланиш қисмларига нисбатан катта яқинлик билан ажralиб туради (ҳужайра ядросини T3 га яқинлиги, T4 га қараганда 4–10 марта юқори). Учайдитиронин ядро хромотини билан устувор равишда боғланади; T3 нинг ядро рецепторлари билан боғланиши ДНК транскрипциясини стимуллайди.

ди, натижада РНК ва оқсил синтези кучаяди (Тұракулов Я. Х., 1985). Күпинча Т3 гипофизда болғанади. Тахмин қилинишича, тиротропин секрециясининг тескари алоқа принципида регуляция қилиниши ушбу жараБын туфайли амалга оширилади.

2. Қалқонсимон без олды безлари (паракалқонсимон безлар, эпитеиал танаачалар) икки нафар танаачалардан иборат. Уларнинг ҳар бирининг ўлчами $0,6 \times 0,3 \times 0,15$ см. Улар – ҳаётий мұхим тузилмалар, чунки безларнинг ҳаммаси олиб ташлаганда ўлим содир бўлади. Паракалқонсимон безлар бириктирувчи тўқима билан бўлакчаларга бўлинган паренхимадан иборат. Паренхимада икки турли – асосий ва оксифил ҳужайралар фарқ қилинади. Асосий ҳужайралар ичидаги функцияниң юқорилигини ифодалайдиган тиниқ цитоплазмали, яхши бўяладиган ядроли ҳужайралар ва қорамтири безнинг тинч ҳолатидан далолат бириктирувчи ҳужайралар мавжуд. Оксифил ҳужайралар асосий ҳужайраларнинг инволюция босқичи сифатида қаралади.

Паракалқонсимон безлар парагормон ишлаб чиқаради, бу гормон кимёвий тузилиши бўйича 84 аминокислота қолдигидан иборат полипептид бўлиб, молекуляр массаси – 9500 (Булатов А. А., 1982). Аминокислоталар кетма-кетлиги йирик шохли моллар парагормони учун тўлиқ аниқланган. У кальций ва фосфор алмашинувини регуляция қиласи, қонда кальций миқдорини оширади ва фосфор миқдорини камайтиради. Парагормон антагонисти қонда кальций концентрациясини камайтирувчи қалқонсимон без гормони – тирокальцитонин ҳисобланади. Парагормон таъсири қилувчи жой – сүяқ ва буйракдир. Бундан ташқари парагормон ичакка ҳам таъсири қиласи, унда кальций шимилишини кучайтиради. Суякларда парагормон резорбтив жараёнларни фаоллаштиради (Булатов А. А., 1982). Сүяқ минерали – оксиапатит резорбцияси унинг таркибиغا киравчи кальций ва фосфорнинг қонга тушиши билан кечади. Гормоннинг бу таъсири қонда кальций миқдорининг кўпайиши билан боғлиқ. Сүяқ минералининг эриши билан бир вақтда, асосан коллаген толалари ва гликозамингликанлардан иборат сүяқ органик матриксининг резорбцияси ҳам бошланади. Бу буйрак орқали коллаген типик компоненти оксипролиннинг кўп ажралишига олиб келади. Буйракда парагормон нефрон дистал бўлимларида фосфат реабсорбциясини жиддий камайтиради ва кальций реабсорбциясини бирмунча оширади. Сийдик билан фосфат экскрециясининг юқори даражада кўпайиши қонда фосфат миқдорининг камайишини чақиради. Парагормон секрецияси қонда ионизирланган Ca^{2+} концентрацияси билан тескари алоқа принципида регуляция қилинади: Ca^{2+} ионлари концентрациясининг камайиши парагормоннинг қонга чиқишини оширади ва аксинча. Ҳар қандай этиологияли гиперпаратиреозда қонда парагормон миқдорининг кўпайиши фосфор-кальций алмашинуви бу-

зилишини чақиради, суюқдан кальцийнинг чиқиши, унинг сийдик билан аномал юқори даражада ажралиши кучаяди. Параттормон етишмовчилиги ёки умуман бўлмаслигига фосфор—кальций алмашинуви бузилиши манзараси гиперпаратиреозга нисбатан бутунлай қарама-қарши. Ҳужайрадан ташқари суюқликда кальций миқдорининг камайиши асаб—мушак тизими қўзғалувчанлигининг кескин кучайишига ва натижада тетанияга олиб келиши мумкин.

3. *Мояклар*— жуфт безли аъзо, моек халтасида жойлашган, узунлиги 3—5 см, эни 2—3 см ва массаси 15—30 г ташкил қиласиди, уч хил: қин, оқсил ва томир пардалари билан ўралган. Оқсил пардасидан давом қиласиган елпигиҳисимон бириктирувчи тўқима пластинкалари моек паренхимасини кўргина бўлакчаларга бўлади, уларда тўғри ва букилган каналчалар мавжуд. Бу каналчалар эпителийисида сперматоген ҳужайралар сақланади, улар кейин сперматозоидларга айланади. Каналчалар оралиқ тўқимасида интерстициал гландулоцитлар (Лейдиг ҳужайралари) бўлади, уларда андрогенлар — тестестерон, андростендон ва де-гидроэпиандростерон ишлаб чиқарилади (Потемкин В. В., 1986). Моякда (уроф пуфакчалари) кўп миқдорда аёл жинсий гормони — эстрадиол ва из қолдириш миқдорида прогестерон ҳам ҳосил бўлади.

Эркак жинсий гормони тестестерон ҳисобланади, ҳамма қолган андрогенлар — андростендон, дегидроэпиандростерон, андростерон, этихоланолон — унинг метаболизм маҳсулотлари. Тестестерон таъсирида ташқи жинсий аъзолар шакланади ва ривожланади, иккиламчи жинсий белгилар, простата бези ва уроф пуфакчалари ўсиши ва ривожланиши, скелет ва мушак тизими шаклланиши (скелетда органик моддалар тўпланишига ва унинг минерализациясига имкон яратади) рўй беради, оқсиллар анаболизими ошишига, суюкларда ўсиш зонаси бекилишига ва ҳ.к. олиб келади. Бу гормон жинсий интилишни аниқлайди. Тестестероннинг фаолсизланиши асосан жигарда кечади, у ерда у метаболизм маҳсулотларига айланади. Бу маҳсулотлар сийдик билан 17 — КС шаклида ажралади. Мояклар функцияси гипоталамо — гипофизар тизим назорати остида туради. Сперматозоидларнинг етилиши фоллитропин гормони (ФСГ), андрогенлар секрецияси эса — интерстициал ҳужайраларни стимулловчии гормон (ИХСГ) таъсири остида туради. Охирги гормон аёлларда лютропин (ЛГ) деб ном олган. Гонадотроп гормонлар томонидан жинсий безлар функцияси регуляцияси тескари алоқа принципида амалга оширилади.

Тухумдонлар — жуфт аъзолар бўлиб, кичик тосда жойлашган. Уларнинг ҳар бирининг узунлиги 3—4 см, эни — 2—2,5 см, массаси — 6—7 г, икки хил: ташқи пўстлоқ ва ички мия моддаларидан иборат. Тухумдонларга томирлар кирадиган жой, уларнинг дарвозаси дейилади. Тухумдон дарвозасида моек гландулоцитларини (Лейдиг ҳужай-

ралари) эслатувчи ҳужайралар түплами мавжуд. Бу ҳужайралар андрогенлар ажратади. Тухумдонда иккита аёл жинсий гормонлари – прогестерон ва эстрадиол ишлаб чиқарилади. Прогестерон сариқ тана маҳсулоти, сариқ тана эса тухумдан везикуляр фолликулалари ўринида гранулеза ҳужайралари ва ички текадан (фолликулалар) (юн. theke – бирор нарса сақланадиган жой, кути) ҳосил бўлади. Кам миқдорда прогестеронни етилувчи фолликулалар (гранулеза ҳужайралари) ҳам ишлаб чиқаради. ҳомиладорлик даврида прогестерон йўлдошида ҳам ҳосил бўлади. Прогестерон бачадонда уруғланган тухум ҳужайрасининг қабул қилиниши ва ҳомиланинг вақтида туғилиши учун шароит тудиради, бачадон мушакларини қисқартирувчи қўзғалувчаникни тормозлайди, сут бези альвеолалари ўсишини стимуллайди, ҳайз цикли даврида бачадон шиллиқ қаватига эстрогенлар таъсирини пасайтиради. Жигарда прогестерон прегнандиолга айланади, у глюкурон кислота билан бирикб сийдик билан ажралади.

Эстрадиол асосан гранулезалар ва ички теки (гист. theca – қопқок) ҳужайраларида ишлаб чиқарилади. Кам миқдорда эстерогенлар сариқ тана ва буйрак усти бези тўрсимон зонасида ҳам ишлаб чиқарилади. Энг фаол эстероген эстрадиол ҳисобланади. Гормонал хусусиятга, шунингдек эстрадиол метаболизми маҳсулотлари – эстрон ва эстриоллар ҳам эга. Эстерогенлар бачадон, қин ўлчамининг катталашишига, эндо- ва миометриялар пролиферациясига олиб келади, аёл иккиламчи жинсий белтиларининг (сут безлари ривожланиши, аёл қадди-қомати ва скелети тегишли хусусиятлари) шаклланишини таъминлайди ва оқсил – анаболик таъсир кўрсатиб, скелет дифференцировкаси ва суюкланишини тезлаштиради. Қонга тушгандан сўнг эстерогенларнинг кўп қисми қонда оқсиллар, глюкурон ва сульфат кислоталари билан бириккан ҳолда ва ниҳоятда кам миқдорда эркин ҳолда циркуляция қиласи.

Тухумдан функцияси гипоталамо – гипофизар тизим назорати остида бўлади. ФСГ ва кам миқдорда ЛГ ларнинг биргаликда таъсири натижасида фолликуларнинг ўсиши ва ривожланиши, ҳамда улар томонидан эстрогенлар ҳосил бўлиши ва секрецияси рўй беради. Овуляция ЛГ концентрацияси чўққисига чиққанда бошланади, бу эса ўз навбатида эстерогенлар овуляция олди миқдорининг юқори бўлиши билан боғлиқ. Ўз навбатида тухумдонлар гормонлари рилизинг – омиллар ишлаб чиқарувчи гипоталамик марказларига таъсир кўрсатиб, гипофиз томонидан гонадотроп гормонларнинг секрециясини регуляция қиласи. Эстрогенларнинг кам миқдори ФСГ секрециясини стимуллайди, катта миқдори (физиологик) эса – уни тормозлайди. ЛГ секрециясининг гипофиздан кучайиши прогестероннинг кам миқдорида, тормозланиши – кўп миқдорида юзага келади.

4. 1969 й. антиглики олим А. Пирс томонидан ишлаб чиқилган назарияга биноан, организмда таркибига эндокрин ҳужайраларни бириктирувчи функционал фаол тизим мавжуд бўлиб, у асаб ҳужайралари билан умумий келиб чиқиши ва қатор умумий хусусиятларга эга бўлган оқсил табиатли гормонларни, шунингдек ҳам гормонлар ҳам нейромедиаторлар функциясини бажарувчи биоген аминларни ишлаб чиқарали. Бу тизим «АПУД – тизим» деб ном олди (анг. amine content, precursor up take decarboxylation – аминлар ушловчи, ўтмишдошлиарнинг шимилиши ва декорбоксилланиши, гормон ҳосил қилувчи ҳужайраларнинг бу тизимга алоқадорлигини аниқловчи). АПУД тизим яна диффуз эндокрин тизим – ДЭТ деб ҳам номланади (Яглов В. В., Ломоносова Г. А., 1985). Ҳужайраларнинг (апудоцитлар) асосий массаси ҳазм қилиш, нафас, таносил аъзолари ва терида жойлашган. Ҳазм қилиш аъзолари апудоцитлари секретиндан ташқари куйидаги полипептид гормонларини: гастрин, холецистокинин – панкреозимин, мотилин, гастроингибиорловчи пептид (ГИП), вазофаол интестинал пептид (ВИП), Р субстанцияси, бомбезин, нейротензин, энкефалин, соматостатин, глюкагон ва энтероглюкагон, серотонин ва мелатонинларни синтезлайди. ДЭС функционал нуқтаи назардан сезги аъзолари, асаб тизими ва маҳалий иммун ҳужайралари билан боғлиқ, улар бирламчи реакция бериш, хабардор қилиш ва организмни ҳимоялашнинг ягона тизими сифатида хизмат қилади.

31 - Машғулот

1. *Нейрон* (асаб ҳужайраси) – асаб тизимининг асосий тузилиш – функционал бирлиги бўлиб, унда тана, ҳужайралар ва ўсиқлар: дендрит ва аксонлар фарқ қилинади. Асаб ҳужайрасидан чиқадиган ўсиқлар сонига қараб, уни, би – ва мультиполляр нейронлар фарқ қилинади.

Функционал нуқтаи назардан нейронларни: 1) марказга импульс етказувчи афферент; 2) марказдан периферияга ахборот олиб келувчи эфферент; 3) қўшимча – уларда импульслар олдиндан оралиқ қайта ишланади ва коллатерал алоқалар ҳосил бўлади; нейронларга бўлиш мумкин.

Одам мияси 25 миллиард атрофида нейрон ушлайди; орқа мия билан биргаликда у МАТ ни ташкил қилади. Ҳаммаси бўлиб 25 миллионгача ҳужайралар периферияда бўлади ёки периферияни МАТ билан бириктиради. Асаб ҳужайралари бир-бирларига ҳар хил йўллар билан синапслар орқали уланади, уларнинг сони нейронларга қаранди жуда кўп (минг марта). Синаптик контактлар бошқа ҳужайра типлари, жумладан рецепторлар (ахборот олувчи ҳужайралар, масалан сенсор аъзолар ҳужайралари) ва эфекторлар (масалан мушак ҳужайралари) билан ҳам ҳосил бўлади.

2. Рефлекс (лат. reflectio – акс этиш). Организмнинг МАТ иштирокида амалга оширадиган ҳар қандай жавоб реакцияси рефлекс деб ном олган. Рефлекс тушунчаси XVII аср ўргаларида франциялик буюк олим Рене Декарт томонидан киритилган, «рефлекс» атамасининг ўзи эса XVII асрда чехиялик физиолог Прохазка томонидан таклиф қилинган.

Рефлектор актлар факат асаб тизими бор организмларга хос. «Муркаб организм ҳётида — деб ёзади улуғ рус физиологи И. П. Павлов — рефлекс ниҳоятда мұхим ва күп учрайдиган асаб ҳодисаси. Унинг ёрдамида организм қисмлари орасыда доимий, түгри ва аниқ ўзаро боғланиш ва бир бутун организмнинг атрофдаги шароитта мұносабати үрнатиласы».

Хамма рефлексларни шартли ва шартсиз рефлексларга бўлиш қабул қилинган. Шартсиз рефлекслар — бу организмнинг тұғма, ирсий бериладиган реакциялари. Шартли рефлекслар — организмнинг индивидуал ривожланиши даврида «ҳаёттій кўникма» асосида орттирилган реакциялари.

3. Рефлектор жавобининг асоси рефлекс ёйи ҳисобланади — бу асаб элементларининг маҳсус шаклланган комплекси бўлиб, уларнинг ўзаро таъсири рефлектор актнинг амалга оширилиши учун зарур. Рефлектор ёй синаптик бирикмалар ёрдамида ўзаро боғланган афферент, марказий ва эфферент қисмларидан иборат.

4. Одам асаб тизими шартли равишда марказий ва периферик қисмларга бўлинади. МАТ га бош ва орқа миялар киради. Калла суги ва орқа мия асаблари, асаб тутунлари ва чигаллари комплекслари билан биргаликда периферик асаб тизимини ташкил қиласи. Функционал — морфологик хусусиятлари асосида, шунингдек автоном ёки вегетатив асаб тизими деб номланувчи тизим ҳам ажратиласы, у бош ва орқа мияда ўзининг айрим марказлари билан ифодаланган ва периферик қисмининг тузилиши (вегетатив асаб толалари, тутунлари ва чигаллари) соҳасида ўзига хослиги билан ажралиб тураси. У гомеостаз регуляциясини таъминлайди.

5. МАТ да кулранг ва оқ моддалар фарқ қилинади. Кулранг модда — бу нейронлар танасининг йигиндиси, оқ модда — миelin пардаси билан қопланган нейронлар шохлари ҳисобланади. Кулранг модда бош миянинг пўстлоқ қисмida, шунингдек мияча ва пўстлоқ ости тутунлари ва мия устунида учрайди. Орқа мияда кулранг модда унинг ўрта қисмida, оқ модда перифериясида концентранган.

6. Қандайдир функцияни регуляция қилишда иштирок қиласи ган нейронлар комплекси асаб маркази деб ифодаланади. «Асаб маркази» тушунчаси кўпинча физиологик маънода ишлатиласи, чунки нейронларнинг якдил функционал тураларга бириктирилиши кўпинча асаб тизимининг ҳар хил, бир-биридан узоқда жойлашган асаб ҳужайраларига ҳам тааллуқли.

7. Биринчи марта мия юқори бўлимлари фаолиятининг рефлексатор характери тўғрисидаги тушунча кенг миёсда ва аниқ равишда рус физиологияси асосчиси И. М. Сеченов томонидан «Бош мия рефлекслари» китобида ривожлантирилган. Унгача физиологлар ва неврологлар ҳатто руҳий жараёнларни аниқ физиологик ва объектив таҳдил қилиш имконияти тўғрисида масала қўйишга журъат ҳам қўлмаганлар, бу соҳа бутунлай субъектив психологияга бериб қўйилган. И. М. Сеченов гояси шартли ва шартсиз рефлекслар усулини яратган, бош мия пўстлоғи функциясини объектив экспериментал ўрганиш йўлларини очган ва олий асаб фаолияти тўғрисида таълим яратган И. П. Павловнинг ажойиб ишларида ўз ривожини жуда яхши топган.

32 - Машғулот

1. *Лимбик тизим* — белбоғ пушти ёки лимбик пўстлоғни, гиппокампни (лимбик тизим юраги), бодомсимон комплексни, гипоталамуснинг ёнбosh ва орқа қисмлари, олдинги ва орқа мия бўлимларини ўз ичига олади. Ҳид сезгиси, ички аъзолар (юрак, томирлар, ОИТ) ишини, феъл-атвор, руҳий фаоллик, хатти-ҳаракат инстинктлари (ўз жонини сақлаш, жинсий, ота-она инстинкти, сув ва овқатга эришиш), эмоция (шодлик, кўрқиши, ғазабланиш, ҳузур - ҳаловат, кайф – сафо), уйку ёки уйғоқлик ҳолати, хотира регуляция қиласи.

2. Ҳид сезгиси мияси базал пўстлоқ чакқа бўлагини, бодомсимон тананинг дентиз отчаси ёнидаги эгри-буғриликларни ўз ичига олади. Лимбик тизимнинг бир қисми шаклида бошқа тузилмалар билан комплексда феъл-атвор мотивацияси, хотира функцияси, эмоционал реакцияларни таъминлайди.

3. Вегетатив асаб тизими (ВАТ) ички аъзолар функциясини регуляция қиласи. Гипоталамус олий пўстлоқ ости вегетатив марказ ҳисобланади, унинг функцияси маълум даражада мия пўстлоғи томонидан регуляция қилинади. ВАТ нинг функционал роли биринчидан — ички аъзолар функциясини регуляция қилиш, тўқима трофикасими, шунингдек гомеостазни сақлашдан иборат; иккинчидан — энергетик талабларни, руҳий ва физиологик фаолият шаклларини (алмашинув жараёнлари, юрак-томир ва нафас тизими фаолияти ва б.к.) таъминлашдан иборат. Унинг хусусиятларидан бири аъзоларни қўшалоқ иннервация қилиш ва симпатик ва парасимпатик қисмларининг функционал антагонизми (юрак томирларининг торайиши ва кенгайиши ва ҳ.к.) ҳисобланади. Фақат симпатик иннервацияга эга буйрак усти бези, томирлар, ҳамда тер безлари бундан мустасно.

4. Ретинкуляр формация (РФ) — мия устунидаги узунчоқ тузилма бўлиб, асаб ҳужайралари ва толалари комплексини акс эттиради ва

мия устуни қопқоғининг марказий қисми бўйлаб жойлашган. РФ толалари кўриш дўмбоклари олдинги бўлимларига етиб боради. Унга юқорига ва пастга йўналган асосий йўллардан кўп сонли коллатераллар келиб кўшилади. РФ гипоталамус, кўриш дўмбоги, стриопаллидар тизим тузилмалари, катта ярим шарлар пўстлоги (айниқса лимбик тизим пўстлоги), ҳамда мияча, мия устуни ядролари ва кўндалант орқа тутам тизими билан ўзаро алоқага эга. РФ дан симпатик мияга (ретикуло орқа мия йўллари) толалар чиқади. РФ тузилмалари узунчоқ миядаги нафас ва томир ҳаракатлантирувчи марказлар, кўриш кўприги маркази фаолиятида иштирок қилади. Мия устунида, шунингдек стриопаллидар тизим (қизил ядро, қора модда), ҳаракат координация тизими (пастки зайдун), чуқур сезги (ингичка ва понасимон ядролар), орқа кўндаланг тутам тизимига (Даршкевич ядроси) ва б.к. га алоқадор ядро ва йўллар жойлашган.

РФ қуидаги жамланиши мумкин бўлган қатор жараёнларда иштирок этади: 1) пўстлоқ нейронлари фаоллигига таъсир қилиш орқали онг даражасини регуляция қилиш, масалан уйку – уйғониш циклида (ЮФРТ – юқорига кўтарилиш йўналишида фаоллаштирувчи ретикуляр тизим) иштирок этиш; 2) сенсор стимулларга, шу жумладан олдин ёнбош арқончадан келувчи оғриқ сигналларига афферент информацияни лимбик тизимга ўтказиш орқали эффектив – эмоционал тус бериш; 3) ўзаро координацияланишни талаб қилувчи вегетатив регуляция қилувчи функциялар, шу жумладан, ҳар хил афферент ва эфферент тизимлар орқали кўпгина ҳаётий муҳим рефлексларда (циркулятор ва нафас, ҳамда томоқ, йўтал, аскириш рефлектор актлари) иштирок қилиш; 4) мия устуни ҳаракат марказларининг муҳим компоненти сифатида гавданинг туриши (поза) ва мақсадга йўналган ҳаракатларида иштирок этиш.

5. И. П. Павлов бўйича олий асаб фаолиятининг 4 типи мавжуд. Ҳаракатчан тип, Гиппократнинг сангвиник типига мос келади, жўшқин куч, ҳаракатчанлик, асаб жараёнларининг бараварлашгани билан тавсифланади. Тинч тип (Гиппократ бўйича флегматик) – жўшқин куч ва асаб жараёнларининг бараварлашганилиги, аммо ҳаракатчанликнинг сустлиги, асаб жараёнларининг инертиялиги билан ажралиб туради. Тийиқсиз тип (холерик) кўзгалувчанлик жараёнлари кучли, лекин асосий асаб жараёнлари бараварлашмаган. Кучсиз тип (Гиппократ бўйича меланхолик), унга асаб жараёнларининг сустлиги хос. Бу одам иродаси паст, қийинчиликлардан кўрқади, бошқа одамнинг таъсирига енгил берилади, ўзини доимо шубҳа, ваҳима сезгиси ва замгин кайфият остида сезади.

II ИЛОВА

ВАЗИЯТЛИ МАСАЛАЛАРГА ЖАВОБЛАР

19 - Машғулот

1-масала.

1. Ранг кўрсаткичи – 0,9
2. 1 – 2 кун

2-масала.

1. Ранг кўрсаткичи – 0,77
2. а) гипохромия
- б) нормобластик
- в) ўтқир посттеморрагик
- г) регенератор

3-масала.

1. Ранг кўрсаткичи – 0,6
2. Темирдефицит
3. 1000 мкг/л

4-масала.

1. Ранг кўрсаткичи – 0,5
2. Темирдефицит
3. Хос

5-масала.

1. Ранг кўрсаткичи – 0,7
2. Эритроцитлар гемолизи
3. Эритроцитознинг компензатор стимуляцияси

6-масала.

1. а) гемолитик
 - б) нормобластик
 - в) нормохром
 - г) регенератор
2. Эритроцитларнинг ўтмишдошлари

7-масала.

1. Ранг кўрсаткичи – 1,4
2. Наслий сфероцитар анемия

8-масала.

1. Ранг кўрсаткичи – 1,3
2. а) В₁₂ – фалатдефицитли
- б) мегалобластик
- в) гиперхром
- г) гипорегенератор

9-масала.

1. Ранг кўрсаткичи – 1,2
2. В₁₂ – фолат-дефицитли

3. а) витамин В₁₂ шимилишининг бузилиши (гастромукопротеин дефицити, меъда, ичак резекцияси)

б) кучли сарф бўлиши (ҳомиладорликнинг иккинчи ярими)

в) гипоавитаминоз.

10-масала.

1. Ранг кўрсаткичи – 1,3
2. Аддисон – Бирмер анемияси

11-масала.

1. Ранг кўрсаткичи – 0,9
2. а) апластик
- б) нормохром
3. Регенерация пасайган

12-масала.

1. Гипопластик
2. а) ионловчи радиация
- б) кимёвий моддалар (бензол ва б.к.)
- в) лейкозлар, ўсмаларни кўмикка метастазлари

20 - Машғулот

1-масала.

1. Ядронинг чапга силжиши
- а) йирингли инфекция
- б) асептик яллиғланиш
- в) ўтқир қон йўқотиш

2-масала.

1. Гранулоцитларнинг уларга аллерген – антитана комплексини адсорбцияланиши натижасида агглютинацияланиши ва парчаланиши.

2. Агранулоцитоз.

3-масала.

1. Эозинофиллар.

2. Таёқча ядролилар – 1%, сегментядролилар – 59%, эозинофиллар – 15%, лимфоцитлар – 18%, моноцитлар – 7%, лейкоцитлар – 12,0 · 10⁹/л.

4-масала.

1. 1,125 · 10⁹/л

2. Нисбий.

5-масала.

1. Ўтқир миелобластик лейкоз.

2. Йўқ,

6-масала.

1. Сурункали миелолейкоз.

2. Миелобластлар – 1%, промиелоцитлар – 15%, миелоцитлар – 20%, метамиелоцитлар – 15%, сегментядролилар – 30%, эозинофиллар – 5%, базофиллар – 3%, лимфоцитлар – 8%, моноцитлар – 3%.

21 - Машғулот

1-масала.

Гемофилия билан, бу қон ивиши VII, IX ёки XI омилларининг наслий етишмовчилиги ёки бўлмаслиги билан боғлиқ.

2-масала.

1. Организмнинг сувсизланиши натижасида полицитемик гиповолемия ривожланган.

2. Гематокрит нормадан юқори.

3. Йўқ, бу ҳолатда нисбий полицитемия, чунки қоннинг умумий ҳажми плазма йўқотилиши ҳисобига камайган.

3-масала.

1. Механизми ўткир қон йўқотилишидан кейин ДВС синдроми ривожланишидан иборат.

2. Диссеминирланган томир ичи қон ивиши (юқорига қаралсин).

3. Массив қон кетиш, қон ивиши, ивишга қарши ва фибринолитик тизимлар орасидаги мувозанатнинг бузилиши, бу тизимларнинг ҳолдан тойиши.

22 - Машғулот

1-масала.

Аортанинг экспериментал коарктацияси чап қоринча гипертрофиясига олиб келади, чунки унинг торайган аортага қон ҳайдаш бўйича иши жиддий ортади.

2-масала.

Бу шароитда кучнинг ҳолдан тойиши миокард гипертрофияси яхши ифодаланган ҳайвонларда тезроқ юзага келади, чунки у ҳар қандай компенсатор реакциялар каби нисбий мақбулликса эга. Гипертрофияләнган юракда унинг функционал резервлари, адаптацион имкониятлари камаяди, бу унинг ҳар-хил нокулай вазиятларда тезроқ жароҳатланишига сабаб бўлади.

3-масала.

Оёғи чўзилган ҳолатда ўтиришда циркуляциядаги қон миқдори, унинг кичик қон айланиш доираси ва юракка оқиб келиши натижасида камаяди. Бу ўткада қон димланишининг сусайиши ва ўпка вентиляциясининг яхшиланишига олиб келади.

4-масала.

Юрак инфаркти ўзгармаган коронар томирларда ҳам ривожланиши мумкин. Бу коронар томирларнинг симпато – адренал тизим фаоллашиши билан боғлиқ давомли спазми натижасида рўй бериши мумкин. Симпато – адренал тизимнинг фаоллашиши юрак томонидан кислород ва метаболизм субстратларининг истеъмол қилинишини, ҳатто максимал кенгайган томирлар орқали уларнинг қон билан олиб келиниш имкониятига нисбатан ҳаддан ташқари юқори бўлиши билан боғлиқ.

5-масала.

1. Болада юрак етишмовчилигининг аралаш типи мавжуд.
2. Юрак чап чегарасининг кенгайинши, чап қоринча гипертрофияси билан боғлиқ ва компенсатор тусга этга.
3. Бу ҳолатда ҳажм билан зўриқиш мавжуд.

23 - Машгулот

1-масала.

1. Кўзғалувчанлик функцияси.
2. Аллоритмия.

2-масала.

1. Митрал стеноз.
2. Кўп сонли кўзғалувчанлик ўчоқлари.
3. Р тишласининг бўлмаслиги, унинг ўрнида «+» тўлқинлари бўлиши.

3-масала.

1. Пароксизмал тахикардия.
2. Кўзғалувчанликнинг бузилиши.

4-масала.

1. Альтерацияланувчи пульс.
2. Қисқарувчанликнинг бузилиши.

5-масала.

1. ЭКГ да қоринча типида экстрасистолия.
2. Кўзғалувчанликнинг бузилиши.

6-масала.

1. Синусли брадикардия.
2. Қонда ўт кислоталарининг ҳосил бўлиши вагус кўзғалувчанлигини чақиради.

7-масала.

1. Синусли тахикардия.
2. Беморда иситмали ҳолат. Иситма юрак уришининг тезлашиши (1 градус ҳароратга 8 – 10 қисқариш) билан кечади.

8-масала.

1. Митрал стеноз.
2. Титрокли аритмия.

9-масала.

1. Синусли аритмия.
2. Нафас олганда симпатикуснинг кўзғалиши.

10-масала.

1. Синусли брадикардия.
2. Ваготония.
3. Физиологик гипертрофияли спортчи.

11-масала.

1. Атриовентрикуляр тутун пастки қисмидан экстрасистолия.
2. Кўзғалувчанликнинг бузилиши.

24 - Машғулот

1-масала.

1. Буйрак артериялари орқали қон оқишининг камайинги юкстагломеруляр аппаратнинг қўзғалишига ва ренин секрецияси стимулланишига олиб келади. Ренин ангиотензен II ҳосил бўлишига сабаб бўлади, у буйрак усти безидан альдостерон ажралшининг физиологик стимуляторларидан бири ҳисобланади. Бу организмда натрий миқдорининг ошишига олиб келади. Томирлар деворида натрий, ҳамда кальций ионлари сақланади. Томирлар тонуси ошади.

2. Натрийсиз парҳез қандайдир даражада гипертония ривожланишининг олдини олади.

2-масала.

1. Иккиласмчи (симптоматик) буйрак гипертензияси .

2. Юкстагломеруляр аппарат хужайралари томонидан ренин ишлаб чиқарилиши кучаяди, бу қонда ангиотензин II концентрациясининг ошишига олиб келади. Бундан ташқари буйрак усти безида альдостерон секрецияси стимулланади, унинг таъсирида организмда натрий ушланади. Томир деворида натрий ва кальций концентрациясининг кўпайиши унинг ҳар хил прессор таъсиrottларга сезувчанигини оширади, томир тонуси кучаяди.

3-масала.

1. Кузатилган симптомлар меъда резервуар функцияси камайиши билан боғлиқ. Овқатнинг кўп қабул қилиниши қорин бўшлиғига қоннинг кўп оқиб келишини, томир тонусининг пасайишини (шу сабабдан мадорсизлик, мия ишемияси натижасида бош айланиши) чақиради. Мадорсизлик ва қалтираш инсуляр аппарат фаоллашиши билан боғлиқ бўлган гипогликемиядан далолат беради.

2. Постгастрорезекцион синдром – демпинг – синдроми.

25 - Машғулот

1-масала.

Экспериментда Чейн – Стокс типида даврли нафас чақирилган.

2-масала.

Ўпка альвеоло – капилляр мемранаси орқали CO₂ диффузияниш тезлиги кислород диффузияниш тезлигидан анча юқори даражада. Шу муносабат билан ўпка шикастланишида газлар алмашинуви бузилишининг илк белгиларидан бири гипоксия ҳисобланади. Гиперкарпния фақат ўпканинг оғир деструктивловчи жароҳатланишида қўшилади.

3-масала.

1. Беморда ташқи нафас етишмовчилиги асосан қалинлашган альвеоло – капилляр мембрана орқали газлар диффузиясининг бузилиши билан тушунирилади.

2. Жисмоний юкламада тўқима метаболизми, карбонат ангидриди гази ва кислород ўзлаштирилишининг ошиши ўпка вентиляцияси ҳажмининг кўпайишини талаб қиласи. Газлар айниқса, кислород диффузиясининг бузилишида унинг нормал даражада кўпайиб бориши, организмни керакли миқдорда кислород билан таъминлай олмайди. Шунинг учун нафас мушаклари ишининг кучайиши билан намоён бўладиган ўпканинг ортиқча вентиляцияси юзага келади. Ортиқча чўзилган инспиратор мушаклардан ҳосил бўлган рефлекслар, альвеолалар чўзилиш рецепторларининг қоннинг кимёвий таркибининг ўзгариши натижасида хеморецепторларининг кучли қўзғалиши нафас марказида қўзғалувчанликнинг ортишига ва нафас етишмовчилиги сезгисининг шаклланишига олиб келади.

4-масала.

1. Бронхиал астмага экспоратор типли ҳансираш ҳос.

2. Бу ҳолатда ўпка вентиляцияси бузилишининг обструктив типи мавжуд.

5-масала.

Йўқ, сақланмайди, чунки ҳансираш деганда ўпка вентиляцияси бузилиши билан кечадиган ҳаво етишмовчилигининг субъектив сезгиси тушунилади. ҳумсиз ҳолатда одамда ҳаво етишмаслиги сезгиси ва у билан боғлиқ нафасни кучайтиришга зарурат сақланиши мумкин эмас.

6-масала.

1. Йўқ, мумкин эмас. Биот нафаси Чейн – Стокс нафасига қаранди, нафас маркази қўзғалувчанлигининг кўпроқ даражада камайишига олиб келувчи оғирроқ патологияда содир бўлади.

2. Даврли нафас патогенезида мия гипоксияси ва карбонат ангидриди гази физиологик концентрациясига нисбатан нафас маркази қўзғалувчанлигининг камайиши етакчи аҳамиятга эга.

7-масала.

1. Дифтериядаги бўғиз шиши бўғилишга олиб келади – бу чин қруп бўлиб, унда овоз боғламирида яллигланиш жараёни ривожланади. Обструктив типли нафас етишмовчилиги юзага келади, чунки нафас йўллари бўғизда дифтерияда ҳосил бўладиган парда билан бекилади.

2. Болада стенотик типли нафас мавжуд, нафас олиш чўзилган, қийинлашган, Геринг – Брэйер рефлекси кечикади, ўпкага ҳаво одатдагига қараганда секинлик билан киради.

3. Диспноэ инспиратор ҳансираш тусида бўлади: юқори нафас йўлларидан ҳаво ўтишининг қийинлашиши.

26 - Машғулот

1-масала.

1. Жигар функциясининг бузилиши (билирубинемия, холемия, наҳорда гипогликемия, адреналинга реакция етишмовчи-

лиги, галактоза ўзлаштирилишининг бузилиши, сут кислота миқдорининг кўпайиши). Сарик ранг – қонда билирубин миқдорининг кўпайиши натижаси (нормада 0,0025 – 0,005 г/л), терининг қичиши, апатия, серуйкулик, холемия билан боғлиқ, қабзият – ичак моторикасининг бузилиши натижаси, унга ўт тушишининг етишмовчилиги билан боғлиқ. Брадикардия п. vagus ни қитиқловчи ўт кислота циркуляцияси билан боғлиқ. Ахолик ахлат – ичакка ўт тушишининг бузилиши натижаси. Сийдик, унда бевосита билирубин бўлиши туфайли қорамтири, ўт кислоталари бўлиши натижасида кўпикли.

2. Карбонсувлар алмашинуви патогенези: 1) жигарнинг гликоген ҳосил қилувчи функцияси, сут кислота, гликоген ресинтезининг пасайиши, 2) гликогени глюкозагача парчаланиши ҳам бузилади, 3) гепатоцитлар яллиғланиши туфайли галактоза ўзлаштирилиши бузилади.

2-масала.

1. Қонда холестерин миқдорининг камайиши, унинг синтезланишининг ва оксидацийининг пасайиши билан боғлиқ. Лецитиннинг кам миқдорда ҳосил бўлиши жигарнинг ёғли инфильтрациясига олиб келади. Кетон танаачалари миқдорининг кўпайиши уларнинг карбонсувлар дефицити шароитида ортиқча ҳосил бўлиши билан боғлиқ.

2. ЁF кислоталари, нейтрал ёғлар, фосфолипидлар, холестерин ва унинг эфирлари синтези ва парчаланиши ўзгаради.

3-масала.

Бу ҳолатда жигарнинг ўткир дистрофияси – ҳомиладорлик токсикози билан боғлиқ токсик гепатитнинг оғир ва ёмон оқибати. Қон томонидан биокимёвий ўзгаришлар қон ивиш омиллари (альбуминлар, α – ва β – глобулинлар, протромбин ва фибриноген) ишлаб чиқарилишининг камайишидан далолат беради, натижада петехиялар, қонли қусиши (витамин K етишмовчилиги ҳам мумкин) учрайди. Билирубиннинг кўпайиши гепатоцитлар патологияси (глюкуронилтрансфераза ферментини етишмовчилиги) билан боғлиқ. Аминокислоталар кўпайиши жигар оқсил ҳосил қилувчи функциясининг бузилиши оқибати.

4-масала.

Кўрсатилган ўзгаришлар жигар касалликларида учрайдиган қон ивиши бузилиши синдромига хос. Нормада плазмада протромбин – 1,4 – 2,1 мкмоль/л, фибриноген – 5,9 – 11,7 мкмоль/л, умумий оқсил – 70 – 80 г/л, альбумин 45 – 50 г/л ташкил қиласди.

5-масала.

Беморда гепатит ўтказилиши натижасида ривожланадиган жигар комаси. Қонда амиак миқдорининг кўпайиши жигарнинг сийдикчил ҳосил қилувчи функциясининг бузилиши билан боғлиқ, нормада қонда pH – 7,36 яъни bemорда метаболик ацидоз мавжуд.

6-масала.

Механик сариқлик.

7-масала.

Гемолитик сариқлик.

8-масала.

Паренхиматоз сариқлик.

27 - Машгулот

1-масала.

1. Анерексия меъда ширасида хлорид кислотанинг кам миқдори билан тушунтирилади; 2) «сассиқ» кекириш ва кўкрак остида оғриқ сезгиси («шишиб кетиш» сезгиси) хлорид кислота танқислигида газ ҳосил бўлишининг кўпайиши билан боғлиқ; 3) ич кетиш — ичак перистальтикасини унинг деворига яхши парчаланмаган овқатнинг таъсири қилиши билан боғлиқ; 4) ичакнинг секретор функцияси пасайган; 5) хлорид кислота миқдори камайганлиги сабабли мотор функцияси пасайган; овқат эвакуацияси тезлашган.

2-масала.

Меъда ширасининг умумий ва эркин кислоталилиги ошган (масалан, умумий = 80 титр. бирлик., эркин кислоталик эса = 60 титр. бирлик.)

3-масала.

Резервуар функция чекланган (меъда спастик қисқарган), мотор функция меъда ширасида, унинг рецепторларини қитиқловчи хлорид кислотанинг миқдори кўплиги натижасида ошган; меъданинг ажратиш функцияси тезлашган.

4-масала.

Меъда ости бези шикастланиши (масалан панкреатитлар) тўғрисида ўйлаш мумкин. Ахлатда нейтрал ёғ ва ҳазм бўлмаган мушак толаларининг кўп миқдорда бўлиши меъда ости бези ферментлари – липаза ва трипсинларнинг етарли даражада ҳосил бўлмаслиги ёки 12 бармоқ ичакка тушмаслигидан далолат беради.

5-масала.

Умумий кислоталилик = 90 титр. бирлик., эркин кислоталилик = 40 титр. бирликда.

28 - Машгулот

1-масала.

Олигурия асосан проксимал каналчаларининг шикастланиши билан тушунтирилади. У ерда эпителийнинг некрози ҳосил бўлади. Коптотка фильтрати тўлиқ равишда буйрак интерстициал тўқимасига ўтади, у ердан лимфа ва қонга шимилади. Шундай қилиб, анурия бирламчи сийдикнинг шикастланган каналчалар девори орқали резорбцияси билан тушунтирилади.

2-масала.

Концентрантланган коллоид эритмасини юборганда ривожланадиган анурия қон онкотик босимининг кескин күтарилиши билан тушунтирилади, натижала эффектив фильтровчи босим пасаяди ва коптокча фильтрацияси камаяди.

3-масала.

1. Кўрсатилган нусха гломерулонефритнинг иммун табиатли эканлигидан далолат бериши мумкин.

2. Нефротоксик.

4-масала.

Инулин – реабсорбцияланмайдиган ва секретланмайдиган модда. Агар текширилдиган модда каналчаларда секретланса, унинг клиренси инулинницидан юқори бўлади. Агар модда каналчаларда реабсорбцияланса, унинг клиренси инулинницидан кам бўлади. Демак, сийдикчил каналчаларда реабсорбцияланади, креатинин секретланади.

5-масала.

1. Беморда ўтқир буйрак етишмовчилигининг олигоанурик босқичи мавжуд.

2. Беморда олигурия артериал қон босимнинг кескин пасайиши натижасида рўй берадиган буйрак каналчаларида гидростатик босимнинг пасайиши ва у билан боғлиқ, коптокча фильтрациясининг камайиши билан тушунтирилади.

29 - Машгулот

1-масала.

Симондс касаллиги.

2-масала.

Иценко – Күшинг касаллиги.

3-масала.

Адисон касаллиги ёки сурункали буйрак етишмовчилиги.

4-масала.

Бирламчи гиперальдостеронизм ёки Конн касаллиги.

30 - Машгулот

1-масала.

1. Диффузли токсик буқоқ.

2. Катаболик.

2-масала.

1. Микседема.

2. Асосий алмашинувнинг пасайиши.

3-масала.

1. Қалқонсимон без олд бези.

2. Гиперкальциемия ва гиперфосфатемияни чақиради.

31 - Машғулот

1-масала.

1. Гиперпатия – сезгининг сифатли ўзгариши.
2. Сезги йўллари турли қисмларининг шикастланиши.
3. Қабул қилиш бўсағасининг ортиши.

2-масала.

1. Орқа мия ярмининг кесилиш синдроми – Броун – Секар синдроми.

2. Орқа мия ўнг ярмининг шикастланиши (шикастланган жойнинг пастида ҳаракат, тактил ва чуқур сезги – шикастланган томонда, оғриқ ва ҳарорат сезгиси қарама-қарши томонда йўқолади).

3-масала.

1. Мушак тонуси пасаяди.
2. Хусусий рефлекслар йўқолади, оёқ–қўлнинг ҳаракати бошқа оёқ–қўл билан биргаликда нафас олиш, ютиш тактига биноан амалга оширилади (Орбели – Кунстман феномени).

4-масала.

1. Тетанус типида тоник талвасалар.

32 – Машғулот

1-масала.

1. Пароксизмли вегето – томир дистонияси.
2. Парасимпатик (ацетилхолинли) тус.

2-масала.

1. Вегето – томир дистонияси.
2. Симпатик тусдаги (симпато – адренал) пароксизмлар.

3-масала.

1. Агриппли синдром (уйқусизлик).
2. Юқорига кўтарилиувчи тизим (ретикуляр формация) ортиқча кўзғалишга боғлиқ эмоционал ҳолат.

3. Функционал тусда.

4-масала.

1. Невроз – неврастения.
2. Руҳий травмаланиш.

5-масала.

1. Истерия
2. Руҳий травмаланган ҳолат.

6-масала.

1. Кўрқиш неврози.

МУНДАРИЖА

Муқаддима	3
I қисм. УМУМИЙ ПАТОФИЗИОЛОГИЯ	
1-Машғулот. Мавзу: Патофизиология фани.	
Патофизиологияда экспериментал усулнинг аҳамияти.	
Патологик жараёнларни моделлаштириш.	6
2-Машғулот. Мавзу: Нозология. Умумий этиология ва патогенез.	
Патологияда реактивликнинг аҳамияти.	10
3-Машғулот. Мавзу: Патологияда ирсиятнинг роли.	23
4-Машғулот. Мавзу: Ҳужайра шикастланиши.	29
5-Машғулот. Мавзу: Микроциркуляция бузилишлари.	35
6-Машғулот. Қон айланишининг маҳаллий бузилишлари.	
I Мавзу: Артериал ва веноз гиперемия.	42
7-Машғулот. Қон айланишининг маҳаллий бузилишлари.	
II Мавзу: Ишемия. Стаз.	46
8-Машғулот. Қон айланишининг маҳаллий бузилишлари	
III Мавзу: Тромбоз. Эмболия.	51
9-Машғулот. Яллиғланиш. I Мавзу: Альтерация. Эксудация.	56
10-Машғулот. Яллиғланиш. II Мавзу: Эмиграция. Пролиферация.	63
11-Машғулот. Мавзу: Иситма.	72
12-Машғулот. Мавзу: Иммунопатологик жараёнлар. Аллергия.	82
13-Машғулот. Мавзу: Карбонсувлар, оқсиллар, ёғлар алмашинувининг типик бузилишлари.	97
14-Машғулот. Мавзу: Сув ва электролитлар алмашинувининг бузилишлари.	117
15-Машғулот. Мавзу: Кислота-асос мувозанатининг бузилишлари.	129
16-Машғулот. Мавзу: Асосий алмашинува, очлик ва витаминалар етишмовчилиги патофизиологияси.	139
17-Машғулот. Мавзу: Гипоксия.	154
18-Машғулот. Мавзу: Тўқума ўсиши патологияси. Ўсмалар.	164
Иловалар	
I Заминий билимлар даражаси саволларига жавоблар эталони (намунаси)	178
II Вазиятли масалаларга жавоблар.	202
II қисм. АЪЗОЛАР ВА ТИЗИМЛАР ПАТОФИЗИОЛОГИЯСИ	
19-Машғулот. Қон тизими патофизиологияси.	
I Мавзу: Эритроцитлар патологияси	222
20-Машғулот. Қон тизими патофизиологияси.	
II Мавзу: Лейкоцитларнинг ўзгаришлари	238

21-Машғулот. Қон тизими патофизиологияси.	
III Мавзу: Қон ҳажми, физик-кимёвий ҳусусиятлари, иувучланлиги ва тромбоцитларнинг ўзгаришлари	250
22-Машғулот. Юрек-томир тизими патофизиологияси.	
I Мавзу: Юрек етишмовчилиги	261
23-Машғулот. Юрек-томир тизими патофизиологияси.	
II Мавзу: Юрек аритмиялари	275
24-Машғулот. Юрек-томир тизими патофизиологияси.	
III Мавзу: Томирлар ўзгаришлари	293
25-Машғулот. Мавзу: Ташқи нафас патофизиологияси	306
26-Машғулот. Мавзу: Жигар патофизиологияси. Жигар функцияси етишмовчилиги. Ўт ҳосил бўлиши ва ажралишининг бузилишлари	317
27-Машғулот. Мавзу: Ошқозон-ичак тракти патофизиологияси	334
28-Машғулот. Мавзу: Буйрак патофизиологияси	353
29-Машғулот. Эндокрин тизим патофизиологияси.	
I Мавзу: Гипофиз ва буйрак усти бези функциясининг бузилишлари	368
30-Машғулот. Эндокрин тизим патофизиологияси.	
II Мавзу: Қалқонсимон без, паратиреоид безлар ва жинсий безлар функцияси бузилишлари.	
Ариуд — тизим тўғрисида тушунча	382
31-Машғулот. I Мавзу: Асаб тизими патофизиологияси	393
32-Машғулот. II Мавзу: Асаб тизими патофизиологияси . Иловалар	415
I Заминий билимлар даражаси саволларига жавоблар.....	432
II Вазиятли масалаларга жавоблар	484

Хусинов О.А., Лемелева Е.Г., Ҳайдарова Д.С.

Патологик физиологиядан амалиёт дарслари учун қўлланма:

Тиббиёт институтлари учун ўқув қўлланма.

Г.: Абу Али ибн Сино номидаги тиббиёт нашр., 2004—496 б.

ББК 52.5я73

Ўқув нашри

Отабой Авезович Хусинов
тиббиёт фанлари доктори, профессор;

Елизанета Геннадиевна Лемелева
тиббиёт фанлари номзоди, доцент;

Дилором Сафаевна Ҳайдарова
тиббиёт фанлари номзоди, доцент.

**ПАТОЛОГИК ФИЗИОЛОГИЯДАН АМАЛИЁТ
ДАРСЛАРИ УЧУН ҚЎЛЛАНМА**

Муҳаррир Б.Азамова
Техник муҳаррир У.Ким
Бадиий муҳаррир Т.Қаноатов
Мусаҳиҳ Д.Тўйчиева, С.Абдунабиеева

Н/к

**Босиша ружсат этилди 10.06.2004. Бичими 60x901/16. Офсет босма. Шартли
босма табоқ 31.0. Нашр босма табоқ 32.0. 10-2004-рақамли шартнома.**

Жами 1300 нусха. 290-рақамли буюртма. Нархи шартнома асосида.

**— Абу Али ибн Сино номидаги тиббиёт нашриёти,
700129, Тошкент, Навоий кўчаси, 30.**

**Ўзбекистон Матбуот ва ахборот агентлигининг китоб-журнал
фабрикасида чол этилди. Юнусобод даҳаси, Муродов кўчаси, 1.**